


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>



NYPL RESEARCH LIBRARIES



3 3433 06661394 8





GIVI  
CROATIA  
STATUTES











# JURA


REGNI

CROATIÆ, DALMATIÆ & SLAVONIÆ.

Can Privilegiis, Libertatibus, Articulis et Constitutionibus Diaetarum seu Generalium Congregationum ejusdem  
Regni, ac Constitutionibus Diaetarum seu Comitiorum Regni Hungariæ, idem Socium Regnum spectantibus,  
ex Corpore Juris Hungarici excerptis.

Edidit


Joannes Kukuljević aliter Bassani de Sacchi.



ZAGRABIAE, 1861.

VELOCIBUS TYPIS DRIS. LUDOVICI GAJ.

ET



WILLIAM  
CLUB  
VIA

PERAMATAE  
**SUAE PATRIAE**  
ET  
**NATIONI CROATICAЕ**

**HOC OPUS**

**DEDICAT**

**GRATUS EDITOR.**

*Libell. Cat. 10. 1928. 16. n. 7*





## *Lectori benevolo.*

Si turpe est nescire praeterita suae nationis fata, eorumque testem historiam negligere; sane acerbo dolore ac detrimento non vacat, ignorando jura suae patriae esse peregrinum in patria.

Quod ego malum quum aegre ferrem apud animum meum, plures jam ante annos coepi colligere talia Antiquitatis monumenta, quae generatim obscuram nationis Slavicae ad meridiem degentis historiam illustrarent, speciatim vero fundamentum historicum suppeditarent illis vetustate consecratis juri-  
bus, quibus Regnum Croatiae, Dalmatiae & Slavoniae per multas aetates ac secula utitur.

Jam mihi labor utcunque processerat, constitueramque opus in lucem quoque, sed longe tardius, edere, quum ex inopinato sed bonis ominibus promulgatum est caesareum 20 Octobris 1860 diploma, quod nobis antiquissimam Constitutionem, postremis duodecim annis interceptam, quodammodo in vitam revocavit, snopteqe nutu pristina hujus Regni jura omnia restituit.

Unde summa nationi nostrae exorta est necessitas, ut tempestive jura haec perfectius cognoscat, eaque adversus dolos et impetus inimicorum tueri valeat.

Quocirca, etsi negotiis diversissimis, publicis et privatis, occupatus essem, tamen nil dubitavi, quorumdam amicorum precibus obtemperare, ut opus, licet non usque quoque perfectum, maxima festinatione absolverem, usibusque per-  
amatae Patriae et nationis Croaticae dedicarem.

Divisi illud exigente indole argumenti in tres partes, ita quidem: ut I. Privilegia & Libertates Regni Croatiae, Dalmatiae et Slavoniae, II. Articulos et Constitutiones Diaetarum seu Generalium Congregationum Regni Croatiae, Dalmatiae & Slavoniae, III. Constitutiones Comitiorum ad Regnum Croatiae, Dalmatiae & Slavoniae spectantes, atque e corpore Juris Hungarici excerptas Lectori exhibuerim.

Pars prima locupletior est propterea, quod ibi inter privilegia et libertates Regni, talia quoque documenta inserui, quae privilegia et libertates singularium urbium, locorum et nobilium Communitatum in se continent. Nihilominus istuc retuli non alia, quam quae ad scopum et integritatem operis idonea esse, intra breve compilationis tempus comperi.

Altera pars, quae Constitutiones in Regni nostri Congregationibus perlatas exhibet, majore proh dolor! inopia laborat. Causa est, quod in Archivio Regni Croatiae originalia Congregationum acta nulla omnino ante annum 1567. occurrunt, postea vero plura ad novissimam aetatem pertinentia desiderantur. Quare aliquos saltem Constitutionum anno 1567. anteriorum Extractus, in variis Archiviis repertos, communicare potui.

Majores nostri, quod magnopere dolendum est, parum laborabant de eo, ut domesticae idmodi Constitutiones ad familiarem nationis notitiam devenirent. Satis id esse ducebant, sicubi in manuscriptis delitescerent, eas in unum collectas, typis vulgare, nulli in mentem venit. Itaque non curae et sollicitudini illorum, verum fortunae ac propemodum casui, in acceptis referendum est, quod quidem Constitutiones nostras de a. 1492. item 1538. in Corpore Juris Hungarici impressas, Articulos vero Congregationum Regni de a. 1609. usque 1653., item de a. 1643. usque 1681., in opere Joannis Szegedy Jesuitae, inscripto: „Tripartitum Juris Hungarici tyrocinium“ typis evulgata habemus.

Quod ad plurimas eiusmodi Constitutiones attinet, praecipue post annum 1567. perlatas, talem studiose adhibui selectum, ut eas potissimum collectioni huic inferrem, quae a Regibus nostris speciatim ratihabita, normis pro hoc Regno fundamentalibus accensentur, contra omitterem, exceptis paucis, illa permulta Congregationum Regni conclusa, quae regia sanctione destituta, non tam legum, quam statutorum municipalium, intra fines Regni hujus obligantium, naturam redolent.

Demum in tertia parte adduxi illa Decreta regia, atque Comitiorum Hungariae nobiscum communium scita, quae statum et rationes Regni nostri proprius



attingunt. In his fas est videre, quanto studio et conscientia communes legislatores nostri, usque aetatem Mariae Theresiae, Regnum Croatiae, Dalmatiae et Slavoniae a Regno Hungariae partibusque ei annexis distinxerint.

Fontes ac tabularia, unde documenta accepi, in fine cujuslibet documenti commemoravi. Modum scribendi, quem seu in originalibus, seu in transsumptis copiis inveni, ubique fideliter reservavi.

Quodsi opus hocce suis defectibus urgetur, hos potissimum festinationi, item brevitati ac turbatae hodierni temporis condicioni, lectores tribuant velim. Si plus otii habuissem, fortasse plenius perfectiusque opus in lucem prodivisset.

Agnosco lubenter, amicum D. Professore Mathiam Mesić in corrigendis naevis typographicis utilem mihi ac simul fastidii plenam operam commodavisse, hocve suo adjumento ocyorem editionem operis multum promovisse. Quo nomine gratum eidem animum profiteor.

Utere his Lector benevole! ad quantulumcunque rei literariae lucrum et carae Patriae Croaticae emolumentum.

Zagrabiae die 10. mensis Martii 1861.



**PARS PRIMA.**

**PRIVILEGIA ET LIBERTATES**

**REGNI**

**CROATLÆ, DALMATIÆ & SLAVONIÆ.**





## I.

A. 837. 4. Martii. Byacii, prope Salonam.

**Terpimirus Dux Croatorum affirmat Ecclesiam Salonitanam Metropolim fuisse usque ripam Danubii et pene per totum Regnum Croatorum.**

In Nomine Patris et Filii et Spiritus Sancti. Regnante in Italia piissimo Lothario Francorum Rege per Indictionem XV sub die IV Nonis Martii. Dum mundi ab origine cuncta per tempora facta mansisse, dellabisseque succedentibus alia alternis (altissimi Lucius et Farl.) simet oculis perspicimus mentis et manus fidei palpamus, nihil corporeis membris videre, audire aliud valemus, nisi ea, que presentantur & scripturarum auditio obtutibus pandit. Vnde ego licet peccator Tirpimirus Dux Croatorum, iuuatus munere diuino, incertus de die novissimo, et hora, qua nesciat homo, sollicitus nimis anime mee, commune consilium meis cum omnibus Zuppanis construxi monasterium, ibique cateruas fratrum adhibui, quorum sedulis votis, & frequens oratio nos immunes redderet Deo peccatis, in hanc adjecit mens nostra, ejusdem monasterii ecclesie aliquid in utensilibus preparare. Cum autem non sufficeret in argento ipsa vasa perficiendum, accommodavit nobis Petrus Salonitane ecclesie archiepiscopus, et dilectus compater XI Libras argenteas: hac de re ei duximus hilari animo dare quidvis, et non denegamus charitati vestre, quibus ipse respondit: volo Domine et compater ut primum, quidquid proprio emi pretio, vel quod donatum est in immobilibus et mobilibus in sancta matre ecclesia, id est in Lasani et Tugari (Turgari Luc. et Farlati) cum servis et ancillis Stepus, Sagoleo, Chortino presentia Claritatis vestre per paginulam privilegialem sancte Salonitane ecclesie dicte mancipata in eternum permaneant, ac deinde, ut in fatam matrem ecclesiam, que est metropolis usque ripam Danubii, et pene per totum Regnum Chroatorum (Farl. Croatie) & pro remedio anime uestre, parentum uel fidelium uestrorum, et per commodatum argentum detis ecclesie b. Georgii, in loco qui dicitur Putalio, omnia que obtinet possessionum, servos quidem et ancillas, que Mislavo Duce ipsam ecclesie cum dedicata videtur, et ab ipso supradicto Duce donis ditatam, simili modo & Privilegii censura, hec quidem donatio a Vobis firmiter enixe deposcimus taliter (Luc. et Farl.

talibus) et suggestioni placiti data ad sensum spopondimus, et jure mansuris rebus priuilegium fieri, presentem nostram deliberationem, precepimus, videlicet ita duntaxat ut empta pretio infra terminis nostris, in locis memoratis, sempiterna donatione possideat dicta jam sancta ecclesia a nemine infestante. Tandem vero prefatam ecclesiam de regali territorio ab orientali et occidentali parte, a rupe montis, usque ad mare, ab utroque latere terminos cum lapideis, et ferro signatos, infra quos terminos nullius adjacet territorium, nos diligenter condonamus, et hoc in augmento sancte Salonitane ecclesie, proferentes firmamus, et ut singulis annis de omnibus nascentibus (Luc. et Farl. omni nascentia) terre ex curte nostra, que Clusan dicitur, decime inferantur in memoratam ecclesiam, quas decimas antecessor noster Mislavus (Luc. et Farl. Mislavo) dare cepit; si quis vero de superscriptis, quidquid Deo inspirante, amore sanctorum inflammati devoto pectore obtulimus, concessimus, & imposterum inconvulsa firmata manere (Luc. et Farl. valere) censuimus, in cenobium sanctorum martyrum Domnii et Anastasii, Cosme et Damiani; et si quis diripere, vel subtrahere, aut per vim opponere tentaverit, iram Domini Salvatoris, et sanctorum omnium maledictionem, quidem CCC patrum et octodenos vinculo insolubili anathemate Maranatha denodetur, dividetur et evellatur divino judicio a cognatione et patria, uxore et filiis, qui separare donationem nostram temerarie a sancta matre ecclesia jam factam presumpserit, fovetur itaque hic litigantibus cum eo vicariis sanctis religiosorum subsistentium, Principum gratia tam nefandum (Luc. et Farl. nefandi) faciens quisquis ille defunctorum oblivioni dans, et lumen animarum eorum octinguens (hanc constr. omiserunt Luc. et Farl.), et in novissimo die magni examinis, cum diabolo, et ejus tetris angelis, & Juda Iscariote, Christi proditore in gehenna barathri muneretur (Farl. numeretur), ubi ignis nunquam exstinguitur, et vermes impiorum non moriuntur.

Actum in loco qui dicitur Byaci, tempore nuper fato, et testium notitia, presentia, communi voto, & voluntate corroboratum (Luc. et Farl. corroboratum).

Signum manu, meque ipso Tirpimiro Duce, hujus rei concessore et auctore.

Signum manu Comicino Zuppano Testis.

"	"	Pretilia	"	"
"	"	Nemustlo	"	"
"	"	Zarsata	"	"
"	"	Lodovico	"	"
"	"	Ozanulo cum fratre.		
"	"	Negutia Camerario testis.		
"	"	Zullo (Luc. et Farl. Zupp.) testis.		
"	"	Potecano testis.		
"	"	Zutimuslo (Luc. et Farl. Zatimustlo) testis.		
"	"	Damay testis.		
"	"	Dominico Presbytero Capellano testis.		
"	"	Cipriano Presbytero Capellano testis.		

Ego Martinus presbyter capellanus preceptione domini mei Ducis memorati, rogatus scripsi, & manu propria opus compleui, signum manu feci.

Hec sunt nomina servorum de Masaro, pertinentes eos, in sancta matre ecclesia b. Domnii, scitote numerum eorum, sunt in primis: Carento, Postellio, Nassezai, Domaciai, Ylena, Trubula (Luc. et Farl. Trubasa), istis cum suis feminis.

Ceteri vero septem, quorum nomina sunt: Lintamiro, Strehemilo, Nedamuslo, Tesina, Luteciai, Ceustilo (Luc. et Farl. Ceustizo).

Ego Bonacursius q. Primi Parentis de Florentia Imperiali auctoritate notarius et nunc Communis Spalatensis Juratus, hoc exemplum sumptum ab autentico montano coram Reverendissimo in Christo Patre et DD. Dominico Dei et apostolice Sedis gratia dignissimo Archiepiscopo Spalatensi, una cum infrascriptis Benedicto Joannis, Stephano Desiderati et Lucano Primicerio, Notariis, diligenter et fideliter auscultavi, et quia utrumque concordare inveni, ut eidem exemplo adhibeatur de cetero plena fides de dicti D. Archiepiscopi licentia et mandato me in testem subscripsi, meoque consueto signo signavi et roboravi.

Ego Benedictus Joannis Imperiali auctoritate notarius hoc exemplum sumptum ab autentico montano coram R<sup>mo</sup> in Christo Patre et DD. Dominico Dei et apostolice Sedis gratia dignissimo Archiepiscopo Spalatensi una cum suprascripto Bonacursio et infrascriptis Stephano Desiderato et Lucano Primicerio Notariis diligenter et fideliter auscultavi et quia utrumque concordare inveni, ut eidem exemplo adhibeatur de cetero plena fides de dicti D. Archiepiscopi licentia et mandato me in testem subscripsi, meoque consueto signo signavi et roboravi.

Ego Stephanus filius quondam Desiderati de Franchino de Teruisio publ. Imp. auctoritate notarius et nunc egregii viri D. Jacobi Gradensis Comititis honorabilis Spalatensis hoc exemplum suprascriptum ab autentico montano predicto coram R<sup>mo</sup> in Christo Patre et DD. Dominico Archiepiscopo dignissimo Spalatensi una cum supradicto Bonacursio et Benedicto notariis et infrascripto Lucano Primicerio notario, diligenter et fideliter auscultavi et quia utrumque concordare inveni ut eidem exemplo adhibeatur de cetero plena fides de dicti Archiepiscopi licentia et mandato me in testem subscripsi, meoque consueto signo signavi et roboravi.

Ego Lucanus Bertani Ecclesie Spalatensis Primicerius Imp. auctoritate Notarius et R<sup>mi</sup> in Christo Patris et DD. Dominici Dei et apostolice Sedis gratia Archiepiscopi Spalatensis hoc presens exemplum per me dictum Notarium scriptum, ut in dicto principali montaneo inveni, ita hic fideliter et per ordinem transcripsi et exemplavi, nil addens, vel minuens fraudulenter, quod sensum mutet, uel uariat intellectum, preter forte punctum, litteram aut syllabam per errorem, et una cum predictis Bonacursio, Benedicto et Stephano Notariis, coram predicto D. Archiepiscopo, et presentibus venerando in Christo Patre fratre Luca Dei gratia Episcopo Farensi, fratre Matheo ordinis S. Benedicti Abbate Monasterij S. Stephani Spalatensis Dioecesis, et Dessa Archidiacono Spalatensi testibus. fideliter et diligenter auscultavi, et quia concordare inveni cum ipso principali, de mandato et auctoritate ipsius D. Archiepiscopi in publicam formam redegei, signoque meo consueto signavi et ad maius robur omnium predictorum supradictorum DD. Archiepiscopus et Episcopus suorum sigillorum et abbas sigillo sui conuentus et Archidiaconus dictus sigilli sui Capituli iusserunt appensione communiri hoc presens exemplum, sub anno Dni. M.CCCXXXIII. Indictione prima, die penultimo mensis May. Pontificatus S<sup>mi</sup> Patris et DD. Joannis Papae XXII. anno XVII. et tempore supradicti D. Archiepiscopi Spalatensis.

Locus sigillorum pendentium.

(Signum Notarii: *I. M. N.*) Ego Joannes Mazzarellus Notarius publicus Curiaeque archiepiscopalis Spalatensis Cancellarius, antescriptum exemplum aliena manu ex<sup>ta</sup> auscultavi et concordare inuentum in fidem subscripsi, mei Tabellionatus signo apposito et ad majus robur Curie sigillo muniui.

Ex libro MSC.: „Donationes Principum Ecclesiae Spalatensis“ in Archivio Episcopatus Spalatensis asservato.  
p. 1. Habent quoque Lucius de Regno Dalm. et Croat. Historia. Francofurti. 1666. p. 61. Vind.  
1758 p. 60. et Farlati: Illyricum Sacrum T. III. p. 51. sed sat erronee.

## III.

*Anno 892. die 28. Septembris. Biacii, prope Salonam.*

**Mučimir Croatorum dux haereditarius confirmat donationem  
Terpimiri ducis, factam Ecclesiae Salonitanae, communi  
consilio cunctorum fidelium et Primatum populi.**

In Nomine Patris et Filii et Spiritus sancti. Anno utique, sacram postquam Christus carnem ex virgine sumpsit, DCCCXCII Indictione XI sub die 4. Kalendas Octobrium. Cum magne inter Salonitanum et Nonensem presulibus, uerterentur de quadam facta donatione, a Tirpimiro piissimo Duce in juris sancte matris ecclesie Domnii & Anastasii beatorum Martyrum, quandam mancipando ecclesiam sancti Georgii, que sita est in Petalio, uidentur contentiones; dicente Petro Spalatensium Archiepiscopo: hanc quam dicitis ecclesiam donatam a prefato duce, & priuilegii statuto roboratam, in nostre juris ecclesie sub testimoniorum (Luc. et Farl. testimonium) notitia mancipatum habemus; respondens Aldefreda Nonensis ecclesie presul, dicebat: non ita habetur, sed nostre potius ecclesie dominio detinetur, quoniam non in ecclesia sanctorum Domnii & Anastasii, ut dicitis, possidenda, sed ipsius presuli fruenda ad tempus tradita est; his ita habentibus comperto, placuit mihi Muncimir diuino munere iuatus Croatorum Dux, residente Paterno solis, diuino spiramine, communi consilio cum meis cunctis fidelibus, et primatibus populi (Luc. et Farl. Primat. Populis) omni opposita (Luc. et Farl. composita) et pretermissa contentione, dictam iam sancti Georgii ecclesiam in sanctorum martyrum Domnii et Anastasii, cum omni suo introitu et exitu subiugare privilegio, cum servis et ancillis, campis et uineis, pratis et silvis, cuncta mobilia et immobilia omnia, quam ecclesiam teste & auctore Deo, uolo, ut nullus deinceps de successoribus meis, de potestate Spalatensium ecclesie subtrahere audeat, vel quomodolibet (Luc. et Farl. in quolibet) diripere, sed juxta priscam (Farlati pristinam) consuetudinem, ut donatam a Patre meo recolimus, et mox per presens priuilegium denuo mancipamus, ut omnino subjaceat dicte ecclesie jure; qui uero postmodum auaritie facibus accensus, atque in superbie cornibus elevatus, statuta nostra parui pendens, nuper factam ecclesiam a dominio sanctorum martyrum



Domnii atque Anasthasii subtrahere uoluerit, uel quolibet modulo donationem dictam nocere temptauerit (Luc. et Farl. tentaverit) iram omnipotentis Dei Coelorum arbitri salvatoris mundi incurrat, et sanctorum omnium maledictionis uinculo CCCXVIII Patrum insolubiliter denodetur, descendantque super eum et domo sua, sibi que consentientibus, decem quas in Egypto habite sunt plage, et lepra Naaman Syri ab iis nunquam recedat, deglutiat eos terra sicut Datan et Abiron, et in novissimo Maranatha litigantibus cum iis sanctorum constantia cum diabolo et ejus horribilibus Angelis, et Juda Iscariote in gehenne barathro munerentur, ubi ignis non exstinguitur, et vermes non moriuntur. Actum est in Biaci, ante fores Ecclesie sancte Marthe Martyris (Luc. et Farl. Martyre) tempore & dimidium, nuper ut fuimus (Farl. fumus). Hoc palam testibus consentientibus, atque subscribentibus, dein ne aboleatur imposterum annulo nostro jussimus in calce signari.

Signum manu mei, qui sum, Muncimiro auctore hujus donationis cartule.

Signum mei Budimiro Jupano Palatino.

„ „ Zellivero Jupano Cleonie.

„ „ Petro Jupano.

„ „ Prisna Maccechario Jupano (Lucius et Farl. Prusna mavechario Jupano).

„ „ Pruadra Jupano Cavallario.

„ „ Zelisto (Luc. et Farl. Zellisbo) Jupano Camerario.

„ „ Zellidedo Jupano Pincernario.

„ „ Boledrago (Farl. Beledrago) Jupano Camerario.

„ „ Budimiro (Farl. Budumiro) Jupano Comitisse.

„ „ Cresamustlo Camerario secundo.

„ „ Stephani filii Budimiri Camerario tertio.

„ „ Zellidrago Maccechario Comitisse.

„ „ Prubitecho filio Petri Jupani.

„ „ Dragasai filii Semicasui (Farl. Drugazai filio Semicarini).

„ „ Tugina Jupano Armigeri.

„ „ Zitallo Superposito Monasteriis.

„ „ Leledrago Jupano Clisse.

„ „ Paulio Linicena (Luc. et Farl. Pacialio Limiresia.)

Sequenti autem die, que est tertio Calendis Octobris, veniens ego sepe fatus Dux in civitate Spalati ante sanctissimorum dictorum Altaria, & privilegii paginulam manu propria inter cetera munuscula, que manus nostre invenire uoluerunt, super sacrosancti Domnii Altario obieci, et donatione predicta mancipata sancti Domnii abii.

Ego Firminus (Farl. Forminus) diaconus & capellanus dicti Ducis, precipiente mihi Domino meo Muncimiro glorioso Duce, coram dictis testibus audita scripsi, & post tradita feliciter compleui.

*Nota transsumptoris in capite Privilegii:*

„Exemplum sumptum ex authentico in membrana cum duobus sigillis pendentibus, apparentibus tamen signis aliorum duorum sigillorum, resistente in Archivio Archiepiscopali Spalatensi.“ Cujus tenor sequitur etc.

*Nota ejusdem in margine :*

„Hoc exemplum est sumptum siue transcriptum ex quodam montaneo antiquissimo, in quo sunt quam plura Privilegia Papalia et Regalia antiquitus scripta, aliaque iura ecclesie et Archiepiscopatus Spalatensis, per me Lucanum Primicerium Spalatensem auctoritate Imperiali Notarium et nunc Juratum notarium R<sup>m</sup> in Christo Patris et DD. Dominici Dei et apostolice Sedis gratia Archiepiscopi Spalatensis, de mandato et auctoritate ipsius D. Archiepiscopi, lectumque et insinuatum fuit de uerbo ad uerbum in presentia ipsius D. Archiepiscopi per me Notarium supradictum et auscultatum diligenter per infrascriptos Notarios in presentia testium subscriptorum, cum ipso principali scripto, et cum dictis D. Archiepiscopus cognovit cum ipso principali concordare, ut adhibeatur in posterum huic exemplo plena fides, suam auctoritatem interposuit et decretum, cuius quidem series montanei per omnia talis est.“

Sequuntur notae Bonacursi, Benedicti, Stephani et Lucani, uti in precedenti privilegio Terpimiri Ducis.

Ex libro MSC.: „Donationes Ecclesiae Spalatensis“ in Archivio Episcopatus Spalatensis asservato p. 6. Habent quoque Lucius de Regno Dalm. & Croat. Francof. 1666. p. 65. Vind. p. 64. & Farlati Illyr. Sacrum T. III. p. 82.

### III.

*Anno 914. Spalati.*

Decreta Croatorum et Serborum in concilio eorum Spalatensi, praesidente Tamislavo, Rege Croatorum et Dalmatiarum sancita, agente potissimum Legato romano cum praesulibus latino-dalmaticis.

Tempore Joannis Papae Sanctissimi, consulatum peragente in Provincia Chroatorum & Dalmatiarum finibus Tamislao Rege et Michaelae in suis finibus praesidente Duce, Reverendissimo igitur Joanne Romanae Ecclesie praesidente Cathedra, dictus Chroatorum Rex & Michael cum suis Proceribus, simulque Episcopis Dalmatiarum; item Joannes Archiepiscopus p. Spalato, Forminus, Gregorius caeterique Episcopi, consulenter proposuerunt D. Venerabilem Papam, ut ad eos destinare dignaretur Episcopos suos et Monitorium Christianae Religionis dogma continentem. Quorum postulationibus saepefatus Pontifex assensum prebens, venerabilem Joannem Episcopum Anconitanae Ecclesiae, Leonem vero Pelestrinensem Episcopum cum suis Epistolis melliflue ructantibus eloquia destinavit; ut cum praefatas personas (praefatis personis) iudicibus et Episcoporum (is) synodaliter congregati (s) et perpera estirpare & Deo placita canonice sancire deberent.

Quique pervenientes dicti Episcopi, Dalmatarum peragantes Civitates et Chroa-  
torum atque Serborum proceribus convenientes, congregatis in Spalato Episcopis  
& Judicibus, celeberrimum Concilium peregere. Ubi divino juvamine freti haec  
quae sequuntur Capitula observare censuere.

I. Quoniam antiquitus B. Domnius ab Apostolo Petro praedicare Salo-  
nam missus est, constituitque, ut ipsa Ecclesia et civitas, ubi sancta ejus membra  
requiescant, inter omnes Ecclesias Provinciae hujus Primatis habeat et Metropolis  
nomen, super omnes Episcopos legitime sortiatur; ita duntaxat ut ad ejus jussio-  
nem Episcopi, qui per divinam gratiam cathedram ipsam retinuerit, et Synodus  
celebretur, & consecratio Episcoporum, quia dicente Domino: ubi fuerit corpus,  
illic congregabuntur et aquilae.

II. Ut in cunctis Ecclesiis, in quibus supra recolitur Episcopus habitasse,  
nunc autem Clero, ordine et populis sufficiens adest infra Dioeceseos limites,  
Episcopus habeatur; quia juxta decretum Patrum non licet in modicis civitatibus,  
vel villis Episcopos statuere, ne nomen Episcopi vilescat, et ut Episcopus va-  
cans vacantem Dioecesim cum Consilio Metropolitanis, et caeterorum Episcoporum  
coe. accipiat.

III. Quoniam minime terminis a Patribus statutis transferri debent, unus-  
quisque Episcopus descriptos sibi terminos possideat, et alienam dioecesim nulla-  
tenus invadat; jure proprio servato in regnandis, consecrandis Ecclesiis, vel Sa-  
cerdotibus promovendis, atque a suo Episcopo Chrisma accipiendum.

IV. Ut possessiones Ecclesiarum, quae pro peccatis conditorum oblatae  
sunt ad honorem sanctorum, saecularibus minime mancipientur; quia res Deo semel  
dedicata humano dominio subdi non debet.

V. Ut si qua Ecclesia vel possessio per privilegium a fidelibus sub  
anathemate in principali Ecclesia S. Petri apostoli subditae sunt, minime substan-  
tur (subtrahantur) quatenus et offerentibus et res ipsa tuentibus Christi Clavigeri  
Petri tueantur suffragiis.

VI. Ut si divino judicio in tumultu plebis Princeps provinciae occidatur,  
quia quod a multis committitur inultum manet, vel pro ipso reatu qui(s) cogno-  
scunt, obnoxii debent esse pro ipsa anima eleemosynas facere, et si quam Eccle-  
siam dedicavit, vel liberos fecit, defendere, uxorem aut filios fovere benigne.

VII. Ut si quis malignus diaboli spiritu affato (afflatus) singulari con-  
silio, sicut Judas, Dominum suum occiderit, lapide e collo suspenso, ferro corpore  
praecinctus, exul poeniteat.

VIII. De Episcopis Ragusitano & Catharitano, quorum manifeste una  
sedes dignoscitur, ipsam Dioecesim aequa lance inter se dividant, ita ut si unus  
dictae Ecclesiae Pastor obierit, donec ordinetur Episcopus, residens Episcopus  
ipsius Ecclesiae Ecclesiasticam curam gerat.

IX. De Licinio Episcopo, ut in Ecclesia, in qua ordinatus est, contentus  
permaneant; et nullus deinceps in ea Episcoporum, vel Presbyterorum Missam  
celebret, donec proprius Episcopus eam consecret canonice. Si quis postmodum

praesumptor in ea contra premissa fecerit, a nostro collegio excludatur. Quod si dictus Licinius nec legaliter in sua Ecclesia perstiterit haeres; sed eventus, ut extraneus accedens, et in sua mallet prima adhaerere Ecclesia, ut Presbyter permaneat.

X. Ut nullus Episcopus nostrae provinciae audeat in quolibet gradu Slavonicam linguam promovere; tamen in clericatu & monachatu Deo deservire. Nec in sua Ecclesia sinat eum missas facere, praeter si necessitatem Sacerdotum haberet, per supplicationem a Romano Pontifice licentiam ei sacerdotalis ministerii tribuat.

XI. Ut Episcopus Chroatorum (Nonensis), sicut nos omnes, nostrae Ecclesiae Metropolitanae subesse se sciat.

XII. Quod si Rex & Proceres Chroatorum omnes dioeceseos Episcoporum infra limites nostrae Metropolitanae suo cupiunt vindicare Pontifici, (h. e. Episcopo Nonensi), nullus ex nostris per omniam provinciam eorum neque regenerationes faciat, neque Ecclesias vel Presbyteros consecret, tum in suis sedibus commorantibus pro mie opus (sic). Quisquis ad nos accesserit, consecrari, regenerari, Chrisma sibi dari poposcerit, absque scrupulo omni per totam provinciam ipsa tribuant. De caetero autem cum suo Pontifice Deo reddant rationem de his omnibus, quae in eis Christianae Religionis dogma defuerit, nostra coram Deo conscientia est absoluta.

XIII. Ut in Ecclesia, ubi Presbyter occisus est, ante satisfactionem ipsius vel plebis, ut congruum ipsi Episcopo videtur, nullus missam faciat; et ut a Presbyteris res Ecclesiae non destruantur; neque semel suscepta Ecclesia sine causa relinquatur. Quod si aliter fecerit, donec perdita restituat, et Ecclesia propria accipiat, excommunicetur.

XIV. Ut uxores proprie deinceps non dimittantur, nisi propter fornicationem; quod si quis dimiserit, sic permaneat; et ut haeredes suos, servos suos litterate studiis (latinis) tradant. Quicumque Christianitatem perfectam habere cupiunt, ut illi eos instanter corripiant, et ipsi eos libenter exaudiant, non ut peregrinos, sed ut proprios.

XV. Quod si sacerdos incontinenter propter ipsam continentiam primam, quam sortitus est, separatus a consortio cella, teneat uxorem, si vero aliam duxerit, excommunicetur.

Haec ita habita deliberatione, quae supra scripta continentur, cuncta per ordinem sancta Synodus Romano Pontifici confirmanda per dictos suos Legatos Episcopos, et Petrum Presbyterum Spalatensem insertis litteris nuntiare decrevit: quatenus divinitus antiquae Religionis dogma in Ecclesiis Dalmatarum arbitrio summi Pontificis universa praelibata sortirentur. Sed cum terminare cuncta legitime antiquo more praestolaremur . . . . . fuit fratris nostri Episcopi Nonensis (una et Croatorum slavici ritus) qui sibi vindicare cupiens primatum Dalmatarum Episcoporum, hoc, quod non expediebat, contra dictam Synodum in auribus apostolicis injustum iniecit certamen. Quam ob rem diversa, et nuntiis recitantibus de his praesentibus, et litteris patentibus non aequalia, ambiguitas Ro-

manae Ecclesiae facta, non definita ad nos et finienda adhuc, Epistola a Reverendissimo Papa Joanne per Legatum nostrum remissa est, cujus vero Epistolae tenor hic est. etc.

Farlati Illyricum Sacrum T. III. p. 92. et 96.

#### IV.

*Circa annum 925—959.*

#### Comitatus et termini Regni Croatiae, saeculo X.

Divisa autem est eorum (Chrovatorum) regio in zupantias undecim, quarum nomina: Chlebiana (Hlevno seu Hlivno), Tzentzena (Cetina), Emota (Imota), Pleba (Pleva in Bosnia), Pesenta (Vezenta in Bosnia), Parathalassia (maritima; Primorje), Brebera (Bribir), Nona, Tnena (Tininium, Knin), Sidraga, (in Dioecesi Scardonensi), Nina. Ipsorumque Banus tenet Cribasam (Corbavia, Kerbava), Litzam (Lica) et Gutzekam (Gačka seu Gadska), et quidem praedicta Chrovatia cum reliquis Sclavinis ita sita est. Dioclea porro propinqua est Dyrrachii oppidis Elisso, Helcynio et Antivari, extenditurque Decatera (Cattaro) usque; montana autem Serviae finitima sunt. A Decateris vero incipit Terbuniae principatus, porrigiturque se Rausium (Ragusium) usque, at versus montana Serviae adiacet. A Rausio Zachlumorum principatus initium habet, et protenditur ad Orontium flumen usque: oraque maritima Paganis, montana, quae ad septemtrionem, Chrovatis, quae in fronte, Serviae contermina est. Ab Orontio flumine Paganis (non baptisata Croatia) incipit et porrigitur usque ad Zentinam flumen, et zupantias tres habet, Rastotzam (?), Mocrum (Makarska) ac Dalen (Delminium, Duvno), et quidem duae zupaniae, Rastotza ac Mocrum, ad mare sitae sunt et sagenas habent, Daleni vero zupania procul mari sita est, et eius incolae ex agricultura vivunt. Habent quoque Pagani in propinquo insulas quatuor. Meletam, Curcuram (Corcyra, Corzula), Bartzum (Bracchia, Brazzo, Brač) et Pharum (Lesina, Hvar) omnes pulcherrimas fertilissimasque; oppida item deserta et paludes multas in quibus habitant et iumenta alunt, unde victum parant. A Zentina autem fluvio Chrovatia (baptisata) incipit, extenditurque versus mare ad Istriae usque confinia, sive Alburnum (Albona) urbem; versus montana aliquatenus etiam supra Istriae thema excurrit, ac versus Tzentzena et Chlebena (zupantias) Serviae regionem attingit.

Imperator Constantinus Porphyrogenitus. De administrando Imperio. Cap. 30.

## V.

*Anno 927—928. Spalati.*

**Decreta Synodi Spalatensis, praesidente Rege Croatorum Tamislao sancita, in quibus inter caetera antiqua Statuta et consuetudines Regni Croatiae confirmantur.**

.... unde frequenter eadem poscentibus nobis definitionem recipere, hac de causa terminando injunctam sibi operis Bulgariam petentes Romanorum Legati Madalbertus venerabilis Episcopus & Joannes Dux illustris Dux Cumas (Ducis Crumi?) quae sequuntur Epistolae, ad nos post biennium deveniunt. Pervenientes igitur praefati Legati ad confinia nostra, et sicut illis opus injunctum Apostolica jussione fuit, Bulgariam perrexerunt; quique peracto negotio pacis inter Bulgaros et Croatos repetito, iter ad nos Venerabilis Madalbertus Episcopus in Ecclesia Spalatensi adveniens, synodaliter nos Episcopos Joannem, Forminum, Gregorium cum Croatorum principe et ejus proceribus congregavit; cum quibus residens, cunctas provinciae antiquae consvetudines, justo moderamine perseverans, firmavit, omnia secundum veterum statuta in omnibus Ecclesiis Episcoporum privilegia redintegrari. Ita dumtaxat:

Ut Ecclesia Sancti Domnii, sicut ab initio primatum obtineat, et intra limites dioecesis suae cuncta canonice peragat. Similiter unaquaeque Ecclesia, vel civitas, quae Pontificali munere constipata consistit, simul sedem cum praefinitis terminis Dioecesi suae a Patribus institutis regulariter abutatur; tam Jadertina Ecclesia quam ceterae Ecclesiae Dalmatarum: Arbensis, Veclensis, Absarensis, quae sunt in occidentali parte positae, Ecclesiae vero aliae, quae in oriente habentur, id est Stagnensis, Ragusiana et Catharitana eandem plenitudinem (cum) sedibus & terminis suis in omnibus catholicae fidei dogma adsequuntur. Nonensis vero Ecclesia non Episcopum antiquitus, sed Archipresbiterum sub ditione Episcopi habuisse cognoscitur. Constat legitime ut ipse Episcopus in qualibet Ecclesia ex his Ecclesiis, quas primis temporibus habuisse Episcopos omnibus patet; cum sint utrinque omnes populae, et Deo adjuvante Sacerdotum et plebium copiam habentes, proponatur sive in Scardonitana Ecclesia, vel Sisciana, aut certe in Delminensi Ecclesia. Quod si immensum pontificii subire delectat, et unam sibi dioecesium sufficere non vult, harum trium magnitudinem Dioecesei ponderis ad interitum suum et eorum suscipiat; dum neque plebs perfecte ab eo pontificali munere percipere valeat gratiam juxta Sanctorum Patrum statuta, neque ipse adimplere suum in eis officium valeat, cum sit propter multa terrarum spatia difficile peragrari. His ita secundum apostolicam jussione Madalbertus venerabilis Episcopus perscrutatus omnia & comperta veraciter, feliciter sancivit; ita ut nullus unquam hujus ordinationis violator existat, cum cuncta quae praelibata per dictum

apocrisarium Romano Pontifici fuerint praesentata et ab eo divina auctoritate & Sancti Petri per suas litteras, & palii missione confirmata.

Fariasi Illyricum Sacrum T. III. p. 103. Ex libro MSC.: Historia Salonitana major, in Archivio Capituli Spalatensis illo tempore asservato.

## VI.

*Anno 928.*

Leo VI. Pontifex Romanus, Jadrensem, Nonensem, Scardonensem, Absarensem, Arbensem, Spalatensem et Ragusanum Episcopatum in Croatorum terra fuisse attestatur.

Leo Episcopus Servus Servorum Dei Formino sanctae Jadaratensis Ecclesiae Episcopo, & Gregorio sanctae Nonensis Ecclesiae Episcopo, omnibusque Episcopis per Dalmatiam commorantibus dilectis filiis & fidelibus nostris.

Quia gratuita Dei omnipotentis misericordia vos in Episcopali Infula constituit, dignum est ut vestro Metropolitano sanctae Spalatensis Ecclesiae Archiepiscopo summam reverentiam exhibere delectimini, quatenus per ordinem et normam justitiae gradientes securi et intrepidi, valeatis ad divinam contemplationem pervenire. Nam quid deterius esse cernitur, quam Episcopus proprio Metropolitano inobediens esse, cum scriptum sit in Africano concilio: „Nihil Episcopum praeter conscientiam proprii Metropolitani aliquid agere debere.“ Et si ita est, cum scimus quia ita est, ut nullus Episcopus debeat proprium suum Metropolitanum ignorare; cur vos Dalmatiarum Episcopi contemptores et quasi per latrocinium alienas Parochias diripientes, usurpatis vobis profanum nomen, quod ab antiquis Patribus vobis ereptum esse cernitur. Unde monemus vos ut omnes Episcopi in propriis limitibus sint contenti. Torminum namque monemus, ita suam parochiam retinere, quemadmodum in antiquis temporibus mansit, similiter Absarensis Ecclesiae Episcopum & Arbitanum atque Ragusitanum, Spalatensem etiam Archiepiscopum in Croatorum terra volumus ut propriam suam Parochiam retineat, quemadmodum antiquitus Salonitana Ecclesia retinebat. Quia non potest Parochia (terminari aut definiri) infra muros civitatis, sed per longinqua spatia terrarum in plebibus et villis et curis et Ecclesiis et in populo antiquitus determinato. Gregorium vero, qui probitate temporis in Croatarum terra Episcopus effectus est, praecipimus in sola Scardonitana Ecclesia tantummodo ministrare, alienas Parochias ei praecipimus nullo modo amplius usurpare; quia si fecerit, sine dubio a nostro Pontificatu excommunicatus manebit. Pallium vero, et usum pallii Joanni sanctae Spalatensis Ecclesiae Archiepiscopo, sicut antiqua consuetudo

fuit, concessimus. Cui volumus ut tota mente obediat, eumque ut vestrum Patrem ametis, quia nunc Dei gratia subditos illuxerat, cum suis praepositis curam obedientiae exhibere delectantur. Amen.

Farlati Illyricum Sacrum. T. III. p. 106.

## VII.

*Anno 1069. Nonae.*

Cresimirus, Croatiae et Dalmatiae Rex haereditarius, Regni Congregationem in urbe sua Nona celebrat, et mare adriaticum dalmaticum nominatum fuisse testatur.

† Quoniam diuinitatis eximia celsitudo summos ac minimos non modo pro meritis, uerum etiam dispensatione profunda terrenos largitur honores. A modo inuestigabili eleuat sublimandos, et sublimium superbiorum colla pessundat. ut ineffabilis iudicis ineffabile quoque iudicium perseueret, et omnipotentis discretio ex inexhausto procedens fonte terrena dispenset imperia. Ideo ego cresimirus diuina gratia largiente chroatie atque dalmatie iura gubernans, atque aui mei beate memorie cresimiri regis, patrisque mei regis stephani, in elisio campo feliciter quiescentis habenas regni retinens. Anno dominice incarnationis Jhesu christi domini nostri M. lx<sup>o</sup> VIII<sup>o</sup> Indictione VII. Epacta uero V. concurrente III. In nostro nonensi cenaculo residens, una cum nostris iupanis, comitibus atque banis, capellanis etiam nostre regalis aule, cogitare cepimus qualiter omnipotens deus hereditarii regni nostri concessa gubernacula conseruaret, et animabus meorum predecessorum requiem eternam donaret. Inueni nichil in operibus mei memorie dignius nichilque deo acceptabilius, quam ex nostra terrestri aula supernorum ciuium atque sanctorum sacrata habitacula possessionibus, muneribusque ditare condignis. Igitur, quia deus omnipotens terra marique nostrum prolongauit regnum, decreuimus et perprompto animo stabiliuimus monasterium sanctissimi G. martiris, cuius uenerabile corpus infra ejusdem ciuitatis menia requiescit, prediis atque possessionibus honorare, simul quia in gestis antecessorum nostrorum regnum (regum) silicet excellentissimorum, in campis et territoriis plurimis predictum monasterium inuenimus priuilegiatum. Nos ergo a predecessoribus nostris in nullo deuiantes, pro remedio anime mee, meorumque omnium defunctorum offerimus hoc et stabili tenore donamus Tibi beatissimo G. (Grisogono) martiri glorioso et per te domino petro tue sancte aule digno abbati, nostram propriam insulam, in nostro dalmatico mari sitam, que uocatur mauni, cui ex orientali parte adiacet insula, que in uulgari sclauonico „ueru“ nuncupatur, ut eam habeat et possideat in eternum, absque cuiusque mortalium inquietudine, predictum sanctissimi martiris monasterium; nam sic bona nostra decreuit uoluntas, annuentibus



et supplicantibus uniuersis nostri regni principibus. Ut autem hec nostra donatio in eternum fundetur et stabilitate perpetua perseueret, eam nostra nostrorumque episcoporum attestatione, simulque cum testacione astringimus et inuiolabiliter premunimus; statuentes, ut quicumque mortalium immemor diuini examinis et eruer nostre regie dignitatis uoluerit unquam ausu temerario de predicta insula a nobis regaliter concessa monasterium sanctissimi G. inquietare. simulque nostra iura confundere, incurrat iram super iram futuri iudicii et sit reus in conspectu extremi examinis cum herode, iuda et simone mago, porcionem in eternum habiturus, et antichristi consortium possessorus ab omnipotente deo, suisque apostolis et a cunctorum sanctorum cetu et beatissimo G. (Gris) maledictionem accipiat sempiternam et nostre regali curie quibuscunque successoribus meis regibus, Iupanis, comitibus, siue banis, componat libras auri C. et in nostro regno perpetuo sit infamis. † Ego cresimir rex cru. (sic) atque dal. Ego stephanus Jadre episcopus scripsi. et hec sunt nomina testium qui in hoc facto interfuerunt. . . admiro nonensis iupanus, testis. Bolesclaus curialis comes, testis. Viachigo iupanus de luca, testis. † Volessa dad, testis. Budec postelnic, berberensis iupanus, testis. Johannes regis capellanus testis. Petrus regalis curie iudex, testis. Studec regalis pincerna, testis. Dominus leo imperialis protospatrius ac tocus dalmacie catipanus, testis. Saluisclaus nonensis iudex, testis. adamus monachus sancti bartholomei abbas, testis. Petrus iupanus de sidraga, testis. Dragomir iupanus de cetina, testis. Andreas belgradensis prior, testis. † Ego anastasius huius cirographi dictator cruatensis (sic) episcopus et aule regie cancellarius iussu et uoluntate predicti domini mei regis scripsi et confirmaui feliciter in ciuitate nonas. Amen.

(Signum Notarii <sup>xx</sup>/<sub>xv</sub>.) Anno domini M. CC. XL. VIII. die quinto intrante nouembris, Indictione sexta. Ego petrus papiensis publicus notarius aule imperialis autenticum huius exemplum uidi et legi, nichil addens uel minuens quod sententiam mutet, scripsi et sigillo consueto roborau.

Originale membr. in Archivio gñbernii Dalmatici, Jaderae. Casseta XVIII.N. 430. Habet quoque Lucius. Lib. II. c. 8. sed sat erronee.

## VIII.

*Anno 1071. 8. Julii. Belgradi.*

Cresimirus, Dalmatinorum et Croatorum Rex, una cum suis principibus, parochias Ecclesiae Arbensis ordinat et inter caetera mentionem župae seu comitatus Lichae et Bužani facit.

Anno ab Incarnatione domini nostri Jesu Christi Millesimo septuagesimo primo, Indictione VIII, die octauo mensis Julij, tempore domini Alexandri pape

urbis Rome. Ego Crasimir Rex Dalmatinorum et Croatorum, insimul meis cum principibus, justitiam Arbensis Ecclesie retinentes (sic) et eam in protectionem nostram suscipientes, volumus et perpetuo Jure assencientes firmamus, ut dicta Ecclesia habeat suas parochias, scilicet Juppam, que fuit sub alpihus, a castro latine murula uocitato, sclauonice stenizza, usque ad flumen copriue, et ecclesiam sancti Georgy in Ruina (Luc. et Farl. Vazuna) Clissam suis cum pertinencijs, tamen (Luc. et Farl. tantum) retinentes de jure suo paruas (Luc. et Farl. paucas) villas Pagi, Peçani, Murouulani, Vlasiçi, quas et si pro malo habet nouo dedimus episcopo nonensi, Juppam Liche, Juppam Buççani (Bužani) et Borachi (Luc. et Farl. Bocadri). Et hoc statutum uolumus in perpetuum inuiolabile manere, sicut semper a maioribus natu didicimus, dicte iam ecclesie inuiolabile prestitisse. Quicumque autem nostris de successoribus hoc priuilegium contemtare (perturbare) et ei vim referre aliquo molimine attemptauerit, nostro iudicio pellatur e Regno. De inferioribus sancimus componere centum libras auri, Regali curie medietatem, et silicet (Luc. et Farl. sanctae) predictae arbensi ecclesie etiam (Luc. et Farl. aliam) medietatem, ad roborem et vigorem, nostrequae cartule donationis assentionisque Justitie mitram, nominis nostri impressis litteris, prelibate donamus ecclesie, et nostri sigilli impressione firmando roboramus. Indictione VIII. Datum est hoc priuilegium arbensi Ecclesie in castro Belgrado per manum Joannis diaconi et domini Regis notarij, coram comuni curia.

Copia antiqua in mea collectione MSC. Farlati: Illyricum Sacrum T. V. p. 229.

## IX.

*Anno 1076. Mense Octobri. Salonae.*

Demetrius Svinimir, unanimi totius Cleri populiue consensu Rex Croatorum Dalmatinorumque electus, in Salonitana Basilica S. Petri coronatur, Pontifici romano regnum suum devovet, Sedique Apostolicae Monasterium Vranae donat.

In nomine sanctae et individuae Trinitatis, anno Dominicae incarnationis millesimo septuagesimo sexto, Indictione decima quarta, mense Octobris. Ego Demetrius, qui et Svinimir nuncupor, Dei gratia Croatiae Dalmatiaeque Dux, a te Domino Gebizo, ex apostolicae sedis legatione, Domini nostri Papae Gregorii potestatem obtinente, in Salonitana Basilica Sancti Petri, synodali et concordi totius Cleri et populi electione, de Croatorum Dalmatinorumque regni regimine, per vexillum, ense, sceptrum et coronam inuestitus, atque constitutus rex, tibi deuoeo, spondeo, et polliceor, me incommutabiliter complecturum omnia, quae mihi tua reuerenda iniungit Sanctitas, videlicet, in omnibus, et per omnia Apo-

stolicae Sedi fidem obseruem, et quidquid hic in Regno tam Apostolica Sedes, quam sui legati sanxerunt, aut sanxerint, irreuocabiliter custodiam, iustitiam excolam, Ecclesias defendam, primitiae, decimae, omniumque ad Ecclesiam pertinentium procurator existam, vitae Episcoporum, presbiterorum, diaconorum, subdiaconorumque, vt caste et regaliter uiuant, prouideam; pauperes, viduas, atque pupillos protegam, parentelae illicitam copulam destruens, legitimam dotem anulo, sacerdotisque benedictione constituam, & constitutam corrumpi non permittam; hominum venditionem contradicam, atque in omnibus, quae ad rectitudinis statum congruunt, Deo auctore, me aequum exhibeam. Ducentorum quoque Bizantinorum tributum, meorum omnium consultu Primatum, Sancto Petro, per singulos Annos in resurrectione Domini, de mihi concesso regno persoluendos statuo. Et vt post me regnaturi hoc idem perpetuo seruent, censeo, corroboro, atque sancio. Dono insuper, concedo, atque confirmo apostolicae Sedi, Sancti Gregorii Monasterium, cui Vrana est vocabulum, cum omni suo thesauro, scilicet cum capsula argentea, reliquias sacri corporis eiusdem beati Gregorii continente, cum duabus crucibus, cum calice et patena, cum duabus coronis aureis, gemmis ornatis, cum euangeliorum textu de argento, cumque omnibus suis mobilibus et immobilibus bonis, et Sancti Petri Legatis sit semper ad hospitium, et omnino in potestate eorum. Hoc tamen interposito tenore, vt nulli alii potestati detur, sed omni tempore Sancti Petri sit proprium, et a me, meisque successoribus defensum, atque ab omni homine liberum et securum. Cuiuscunque autem audacia, temerario ausu, praefatum monasterium ex assignato thesauro priuauerit, terribilem illam Iudicis vocem, quam diabolus cum suis Angelis auditurus est, audiat. Praeterea cum Deo seruire regnare sit, vice beati Petri et domini nostri Papae Gregorii, atque post se secutorum in Apostolica Sede, me tuis manibus committo et commendo, hanc fidelitatem sacramento stabilio. Ego, inquam, Demetrius qui et Suinimir, Dei gratia et Apostolicae Sedis dono, Rex, ab hac hora, in antea Sancto Petro et Domino meo Papae Gregorio, suisque successoribus canonice intransibis, ero fidelis; et vt ipse, siue post eum futuri Pontifices, siue Legati eorum, vitam aut membra perdant, aut capiantur, neque in consilio, neque in facto ero, et consilium quod mihi crediderint, ad illorum damnum scienter nulli intimabo. Regnum autem, quod mihi per manum tuam, Domine Gebizo, traditur, fideliter retinebo, et illud, suumque ius apostolicae Sedi, aliquo ingenio, aliquando non subtraham. Dominum meum Papam Gregorium et suos successores atque Legatos, si in meam potestatem venerint, honorifice suscipiam, et honeste tractabo, et remittam, et vndecumque me inuitauerint, prout potero, eis simpliciter seruiem.

Ex Archivio Lateranensi, et ex actis Concilii Dalmatici. — Baronius. Annales Ecclesiastici. T. XI. p. 484

**X.***Anno 1076.*

**Primatus totius Dalmatiae et Croatiae regnante Demetrio  
Svinimiro Archiepiscopo Spalatensi competit.**

In nomine Patris et Filii et Spiritus sancti unius Trinitatis et trinae Unitatis individuae. Notum sit omnibus tam praesentibus, quam futuris, quod Praestantius Belgradensis Episcopus, gratia divinae et humanae caritatis, Ecclesiam SS. Cosmae et Damiani, quae sita est in acuto vertice cuiusdam monticuli, non longe a supradicta urbe distantis, monasterio S. Joannis Euangelistae perpetua-liter habere concessit. Ne autem aliquis succedentium, violentia principum, Regis videlicet, Episcopi aut Prioris ejusdem ciuitatis, temeraria mente, feroci tyrannide haec statuta violare audeat et sua audacitate corrumpat; hujus concessioniss sanctio ante personas virorum honestissimorum, et sanctae religionis cultum jugiter exequentium, absque ulla contradictione laudabiliter corroborata est, in praesentia s. Dominorum Laurentii totius Dalmatiae et Croatiae reuerendissimi Archiepiscopi, et Domni Gebizonis SS. Bonifacii et Alexii religiosissimi Abbatis, una cum Fulcoino Fori Simphronii Venerab. Episcopo, Ap. Sedis Apocrisariorum, in vinea justitiae Dei totis viribus misericorditer laborantium, astantibus etiam Belgradensis Ecclesiae Archipresbytero Drago, et omnibus Clericis utriusque ciuitatis et Domno Justo Priore, Gregorio Judice, Drago, Praestantio, Michaelo, Drusia et fere totius supradictae civitatis clero favente ac populo. Anno millesimo ab Incarnatione D. N. Jesu Christi videlicet septuagesimo sexto, Indictione vero quintadecima, tempore ejusdem Gregorii septimi Papae et Demetrii Dalmatiae et Croatiae Regis et Domni Petri ejusdem monasterii Abbatis religiosi. Quicumque autem corrumpat quod horum omnium laude confirmatum est, Dei et eorum maledictionem perpetuo incurrat. Amen.

*Farlati Illyricum Sacrum. T. IV. p. 5.*

**XI.***Anno 1076. Belgradi.*

**Svinimirus Rex Croatorum nominatur Rex Slavorum.**

Notum sit omnibus fidelibus tam posteris quam praesentibus, quia nos Belgradenses divites et inopes, nullo cogente, nullo monente, immo spontanea

voluntatae, gr̃atia devot̃ae intentionis, promissimus dare singulis annis decimas nostrarum olivarum monasterio S. Joannis Apostoli et Evangelistae, die videlicet dedicationis ejusdem ecclesiae, quam viri religiosissimi Domnus scilicet Laurentius Spalatensis Archiepiscopus, una cum Apocrisariis Romanae Sedis Episcopo Fulcoino et Gebizone Abbate SS. Bonifacii et Alexii, nec non et Praestantio ejusdem urbis episcopo dedicaverant; eisdem etiam donum supradictum collaudantibus, ac firmiter corroborantibus, et auctoritate Apostolica interdicentibus, ne umquam ab aliquo praesumatur violari. Quod si forte aliquis temerario conatu abnegaverit, iram supernae Majestatis incurrat, omniumque Sanctorum maledictionem possideat, et haec donatio acta, sancitaque fuit anno ab Incarnatione D. N. J. C. millesimo septuagesimo sexto. Indictione vero decima quinta; et hoc Apostolante Gregorio septimo Papa, apud Graecos Michaelē imperante, apud Sclavos Svinimiro regnante, Petro in eodem monasterio Abbatante, Dominico Justo Belgradi Priorante.

Farlati: *Illyricum Sacrum* T. IV. p. 5.

## XII.

*Anno 1076. die 9. Octobris.*

Svinimir, Croatorum et Dalmatinorum Rex, in fidelium suorum maxima congregatione, assentientibus Praelatis et Baronibus Regni, Ecclesiae Spalatensi Privilegium Tirpimiri et Mućimiri confirmat.

In nomine sancte et individue Trinitatis. Ego quidem Svinimir Chroatorum atque Dalmatinorum Rex, residente me in Regno meo, anno Dominice Incarnationis MLXXVI Ind. vero XIV die IX mensis Octobris, ac divina gratia confortante suffragantibus meritis beatissimorum martyrum Domnii & Anastasii, ob quorum reverentiam et devotum amorem ven. presulis mihi spiritualis patris d. Laurentii ecclesie spalatensis, in qua eorum corpora requiescunt, per presentem paginam do, et confirmo eidem D. Archiepiscopo & suis successoribus, ac ipsi ecclesie sue in perpetuum ecclesiam sancti Georgii de Putalo cum toto territorio suo a rupibus montis signatis ex utraque parte usque ad mare, juxta donationem et confirmationem Regum predecessorum meorum, videlicet Tirpimir et Mucimir, ut in ipsorum conscriptis tabulis vidimus contineri, cum servis et ancillis in eodem territorio positis atque commorantibus, presentibus et futuris, seu in eodem territorio in posterum residere volentibus, ita tamen quod . . . . Dominus Archiepiscopus, ejusque successores temporaliter & spiritualiter merum dominium . . . . . in ipsa manentibus Villa, et eorum bonis mobilibus, et immobilibus . . . . . prenominata spalatensis ecclesia perpetuo possideat pacifice

& quiete. Nulli igitur liceat hanc paginam nostre donationis & confirmationis infringere vel turbare. Si quis vero attemptare presumpserit, trinum et unum Deum iratum habeat et maledictionem CCCXVIII sanctorum patrum incurrat, et aliorum sanctorum, ac cum Juda proditore in inferno damnetur eterno supplicio. Acta sunt hec in presentia horum servorum Dei, videlicet Stephani Episcopi Jaderline . . . . . Episcopi chroatensis. Gregorii Episcopi Arbensis. Theodosii Episcopi Belgradensis. Basili Episcopi Absarensis. Formini Episcopi Nonensis. Joannis Episcopi Traguriensis et Dabri Abbatis S. Stephani. Nec non Comitum et Baronum: Dominici Tepzii Curialis Comititis. Kirne . . . . . Comititis. Dobrici Comititis Cleunensis. Pribino Cetinensis Comititis. Lubimiri Comititis. Et aliorum nostrorum Comitum et Baronum, ubi fuit fidelium maxima Congregatio. Pro quibus omnibus, et singulis perpetuum robor habentibus, atque tenentibus, presentis privilegii paginam nostri sigilli caractere feci muniri.

*(Nota in fronte Privilegii.) Exemplum sumptum ex originali in Membrana cum Sigillo magno pendente, cum cordula rubri et crocei coloris existente in Archivio Archiepiscopali Spalatensi.*

Ex libro MSC.: „Donationes Principum“ p. 10. in Archivio Episcopatus Spalatensis & Farlati Illyricum Sacrum T. III. p. 147.

### XIII.

*Anno 1086 aut 1087. Apud castrum Sibenicum.*

Post mortem Svinimiri Regis Stephanus Croatorum et Dalmatinorum Rex haereditarius, omnibus nobilibus collaudantibus solum capit.

† In christi nomine. Stephanus ego nutu dei chroacie (et dalmacie rex) huius paginis seriem uel dictaminis causam cunctis nostri regni conprovincialibus ad futuram (diuini numini)s gratiam notare his studui scriptis... Cum igitur omnipotentis dei pietas me sua clemencia p(atrum), aum, proaumque solio (in) regio, omnibus chroacie et dalmacie nobilibus collaudantibus, exaltauerit honore, undique u(niuersa) nobilitas seu exigui populi manus, ac ceteri ecclesiarum cenobiorumque (rectores, uel retroactis pro) causis (uel) confirmacio . . . . . qu' uel gracia comunis nostri regni utilitatis, ad nostram ut moris est . . . . . imperantibus, confluere ceperunt. Itaque mater et pro(curatrix) sanctimonialium spalatini cenobii, sancti uidelicet benedicti martiris, inter hos nostri presencia, una cum quibusdam suis sororibus, quoddam scriptum a nuper rege defuncto suinimiro concessum sibi hoc ad opus sui cenobii de quoddam territorio regali, qui in loco qui dicitur lasani habetur, secum deferens, in die natiuitatis sancte dei genitricis

et uirginis marie se medium statuit. Et hoc idcirco e...at ut quemadmodum a memorato rege illud donacionis scriptum habebatur ratum, atque firmatum, pari modo, immo meliori a nostra regali dignitate, cum nostri impressione sigilli roborari, nec non perpetim deberet firmari. Quo cognito, tum illarum precibus flexi, tum nostrorum nobilium consilio suffulti, quod postulauerant adimpleri illis precepimus. Igitur memoratum territorium iam dicto in loco inconcussum, perpetualiter atque inuiolatum n.. ad opus prescripti monasterii cum terris que pustiza nominantur, firmamus. Ita quidem, ut nostrorum successorum (nullus) uel cuiuslibet persona magna uel parua nullomodo his nostris firmacionibus et sigilli impressioni contra ire debeat. Quod si, quod absit, aliud aliquis agere temptauerit et prenominatam domum his terris disuestire, trinum et unum deum habeat iratum et CCC. X et VIII sanctorum patrum consequatur malediccionem et cum Juda traditore in inferno mancipetur.

Actum est hoc apud castrum Sabinico, in die prefate solempnicionis ante noticiam horum testimoniorum. In primis laurencii archiepiscopi. iohannis tragurini episcopi. petri spalatini archidiaconi. presbiteri petri spalatini. iacobi mortistici. (lu)bomiri (t)epzi. stresigna breberstici. uiseni zetinstici. dragoslai sargorstici. uratina polstici. osrina dridistici. desimiri ..... uone se ..... tici. Cola(no) epiciza ac ceterorum (nostrorum) nobilium. ad hec (quoque) causa diuini amoris a parte nostri sibi concessimus perpetue salone molendinum, similiter et starea que est propria nostra ..... testibus confirmantibus. Quibus eis omnibus legatum iupanum centene uisenum uidelicet (dedimus).

Originale membr. valde atritum in Archivio Regni Croatiae. Acta antiquissima. — Lucius Libr. II. cap. XI.

## XIV.

*Circa annum 1100.*

*Nota anonymi saeculi XII. de Regum et Banorum Croatiae eligendorum modo.*

Tempore transacto erat consuetudo in regno croatorum, (quod) erant septem bani, qui eligerant regem in croacia, quando rex sine liberis moriebatur, scilicet banus croacie primus, banus bogniensis secundus, banus sclauonie tercius, banus posige quartus, banus podrame quintus, banus albanie sextus, banus sremi septimus. Et de sex generibus croatorum erant bani in croacia, quos eligebant duodecim tribus croatorum, et de aliis sex generationibus erant comites in comitatibus croacie: kacigi, cucari, suacig, cudomirigi, mogorovigi, subigi, isti sunt principales, quibus pertinet banatum et mittunt sortes cui eorum sors dederit.

Originale membr. in sacrario capituli Spalatensis. Doc. I. p. 27.

## XV.

*Circa annum 1100.*

### De Regni Croatiae terminis.

Reges Dalmatiae et Croatiae — habebant ex successione suae originis patrum et proavorum dominium Regni Dalmatiae et Croatiae. Istaque fuerant Regni eorum confinia: ab oriente Delmina, ubi fuit civitas Delmis (Duvno), in qua est quaedam Ecclesia, quam B. Germanus Capuanus Episcopus consecravit, sicut scriptum reperitur in ea. Ab occidente Carinthia versus mare, usque ad oppidum Stridonis, quod nunc est confinium Dalmatiae et Istriae. Ab Aquilone uero, a ripa Danubii usque ad mare dalmaticum, cum tota Maronia et Chulmiae ducatu.

Praeter Episcopos Dalmatiae in Sclavonia fuerunt aliquae statutae episcopales Ecclesiae, videlicet ab oriente fuit Episcopus Delmitanus, unde Dalmatia dicta est. Ab occidente fuit Episcopus Siscitanus ubi B. Quirinus martir quondam extitit praesul. Denique post Salonae interitum in Spalato. \*)

Thomas Archidiaconus Spalatensis (scriptor saeculi XIII.) in *Historia Salonitana*. Cap. XIII.

---

## XVI.

*Anno 1102.*

### Nota Anonymi contemporanei de juramento Colomani Hungariae Regis Croatis et Dalmatinis de libertatibus ipsorum conservandis praestito.

Colomanus Rex ueniens Jadram, ante Ciuitatem conuocauit curiam.. Ibique de Dalmatiae libertate integra perpetuaque seruanda, communiter tractantes, ipse Rex inprimis supra sancta quatuor Dei Euangelia patre meo (Wenzel: me) C. Episcopo

---

\*) Habuit praeterea Regnum Croatiae hos episcopatus: Jadrensem, Traguriensem, Tininiensem, Belgradensem, Mucarensem, Arbensem, Absarensem, Veglensem et Nonensem, Episcopum Curiae Regiae, cuius iurisdictio usque ad Dravum fluvium extendebatur. (Ecclesia Pharensis et Scardonensis, ac Zupania Hlevno in Bosnia erant sub Spalatensi Archiepiscopatu, Ecclesia vero Segniensis sub Nonensi Episcopatu.)



saliente manu confirmavit propria. Videlicet ut antiquam Dalmatiae libertatem, in nullo unquam deberet fraudare; nec Episcopum, vel primum aliquem, nisi ab eorum nullo electum, illis dare confirmationem. Deinde hoc idem similiter supra sancta quatuor Evangelia, (Episcopi iuraverant, quorum nomina) hic sunt: Laurentius Strigoniensis Archiepiscopus, Marcellus Vaciensis Episcopus, Simon Quinque-Ecclesiensis, Matthaeus Vesperensis, Georgius Georensis, Sixtus Varadensis, Fulbertus Colocensis, cum caeteris Hungariae Episcopis. Comites vero maiores omnes hoc idem iurauere, quorum paucorum nomina scio, hi sunt: Joannes Palatinus, Cledinus, Marcus, Saulus, Saunicus et multi alii, quorum nomina, aut nunquam scire curavi, aut si sciui, in memoria non habeo, quae si omnium scirem, et uellem ponere nomina, in altum nimium nostra turgesceret pagina. Nam praeter Regem et Episcopos, et comites magnos, iurauere hoc idem et multi centurionum. Ille enim, qui Prouinciam Dalmatiae subesse Regi disposuerat, securus esse uolebat, per multas et magnas personas, sibi suisque successoribus, et eorum haeredibus, antiquam fore debere libertatem. Ad memoriam uero tantae confirmationis, tres cruces aureas dedit Rex, supra quas et quae superius explanauimus confirmauerat. Vnam uidelicet Jaderensi Ecclesiae, aliam Spalatensi, etiam Arbensi, simul quosque Nobiles Prouinciae ad se uocauit. Hac ergo securitate pace firmata, simulque terra tota per circuitum praevisa, Rex regressus est in Vngariam.

Ex Libro: Pactorum Archivii Veneti. — Habet quoque G. Wenzel in Codice Dipl. Arpadiano continuato Pesthini 1860, pag. 43.

## XVII.

*Anno 1102.*

Colomanum Hungariae Regem Belgradi supra mare Dalmatiae et Croatiae Regem coronatum fuisse patet.

Anno Incarnationis Domini nostri Jesu Christi millesimo centesimo secundo. Ego Colomannus dei gratia rex Hungarie, Croatiae atque Dalmatie, salvo habito consilio postquam coronatus fui Belgradi supra mare, in urbe regia, rogatu subscriptorum meorum comitum pro charitate Dei, et remedio animae mee, dono perpetuam pacem et regiam libertatem monasterio sancte Marie monialium, quod situm est in Jadera, ut ibi Deo deuote degentes, secure Deum interpellare pro me et pro statu mei regni valeant. Nam nemo secularibus involutus curis, Deum, ut tanto decet ordini, contemplare potest. Unde sub istius privilegij scriptione hanc dationem regie libertatis sic corroboro, ut nullus mei regni audeat quidquam distrahere uel auferre illi monasterio, tam in mobilibus, quam in immobilibus; si quis vero contumax nostrae regali huic iussioni contraire ten-

taverit, et aliquid de bonis monasterii usurpaverit, illi ecclesie quadruplum reddat, usurpator vero cum suis omnibus regali sententie subiaceat. Et hoc confirmamus nostra sigillatione, istorumque Comitum: Procopius Acriensis Episcopus laudo. Singidunus Zagoriensis Episcopus laudo. Isaac Comes laudo. Petrus Comes laudo. Cladia Comes laudo. Saul Comes laudo. Arnei Comes laudo. Thomas Comes laudo. Andreas Comes laudo. Cosmas Comes laudo. Vocan Comes laudo. Dionysius Comes laudo.

Ex Archivio Monialium Jadrensiu S. Mariae. — Habent quoque Lucius de Regno Dalm. et Croat. Lib. III. cap. III. et Farlati Illyricum Sacrum T. IV. p. 5.

## XVIII.

*Anno 1102.*

Pacta conventa seu conditiones, quibus duodecim tribuum Croaticarum legati Colomanum Croatiae Regem agnoscunt.

Colomanus filius (nepos) Vladislai Regis ungarie stans in Regnis loco patris (patrui) sui et quia multa strenuitate vigeat, proposuit totam Chroatiam usque ad mare Dalmaticum sub suo dominio subiugare, venit cum suo exercitu usque ad flumen Draue. Chrouates vero audientes de adventu Regis, congregaverunt exercitum suum et preparaverunt se ad pugnandum. Rex vero audita congregatione ipsorum misit suos nuncios, volens ipsos gratiose tractare et pacta cum eisdem uti voluerunt ordinare. Chrouates vero audita legatione domini Regis, inito consilio, omnes insimul acceptaverunt et miserunt XII Nobiles sapientiores de XII tribubus Chrouatie, videlicet: Comitem Guran (Juran) de genere Chacithorum (Kačić), Comitem Hungrinum de genere Chuchacorum (Kukar), Comitem Marmognum de genere Subithorum (Šubić), Comitem Pribislavum de genere Čudomirorum (Čudomirić), Comitem Georgium de genere Suacittorum (Svačić), Comitem Petrum de genere Muritorum (Murić), Comitem Paulum de genere Gusichorum (Gušić), Comitem Martinum de genere Carinensium et de genere Lapčanorum (de Karina et de Lapac), Comitem Pribislavum de genere Politchorum (de Poljica?), Comitem Hobradum de genere Lasničitorum (Lasničić), Comitem Joannem de genere Jamometorum (Jamometović), Comitem Mirognum de genere Tugomirorum (Tugomirić).

Qui venientes ad D. Regem, ei debitam reuerentiam exhibuerunt, dominus uero Rex ad osculum pacis eos recipiens et honorifice eos tractans, ad talem concordiam deuenerunt: quod omnes predicti teneant suum pacifice, et quiete, et quod non teneantur aliqua praedictarum generationum, nec eorum homines Regie maiestati solvere cenum, nisi tantum teneantur d. regi, quando aliqui

invaderent sua confinia regalia; tunc si d. rex mittet pro ipsis, tunc ire debeant ad minus cum decem armigeris equitum, de qualibet generatione prenominata, cum suis sumptibus et expensis usque ad flumen Draue, inde uersus Vngariam ad expensas d. regis, usque quo exercitus duraverit, debeant permanere, et sic extitit ordinatum de anno nostre redemptionis. Millesimo. C<sup>o</sup>. secundo.

Ex antiquissimo Historiae Salonitanae Thomae Archidiaconi manuscripto, in Bibliotheca Comitum Fanfogna-Garagnin Tragurii asservato.

## XIX.

*Anno 1103. die 15. Junii.*

**Colomanus, Hungariae et Croatiae Rex, antiquas donationes Ecclesiae Spalatensi factas, confirmat.**

In nomine domini nostri Iesu Christi, anno ab incarnatione eius MCIII. die XV. Iunii. Colomanus, Dei gratia, Hungariae, Dalmatiae, Croatiae, Ramaeque rex. Consideratis fidelibus ac deuotis obsequiis ven. patris D. Crescentii, Spalatensis archiepiscopi, nobis per ipsum exhibitis, eiusque prece dignanter inducti, donationes ac confirmationes regum atque Principum et aliorum dominorum, ad instar priuilegiorum Ecclesiae Spalatensis, quae in priuilegiis, literis, vel antiquis montaneis (id est codicibus) ipsius ecclesiae conscripta habentur, praesentis priuilegii pagina confirmamus auctoritate regia; ac pleno iure subiicimus eidem archiepiscopo, suisque successoribus et Ecclesiae Spalatensi. Omnes vero Episcopatus, quos ad praesens obtinet ipsa Ecclesia per Dalmatiam et Croatia, omnes villas et possessiones et alia, ad eandem Ecclesiam spectantia, praesertim villam S. Georgii de Putalo, vt ab olim donata fuit; cum omnibus hominibus in ea residentibus, seruis et ancillis, et eorum omnibus bonis; villam Syrenine, Gese, Tugari, Asseti, similiter cum seruis et ancillis et eorum posteris; Ecclesias Sanctae Mariae de Salona, et Sancti Stephani, et S. Moysis, et Ecclesiam S. Bartholomaei cum omnibus prouentibus earundem; villam quoque Hosizan, villam Ostrog, villam Labenam, et totum territorium de Smina; villam in Cleuna Sudumirizam, et villam in Lesina Stolez; decimas praeterea Cleunae, Zetinae, Clissiae, et eius districtus; Massari cum toto monte magno Politii, et decimas Almissii vsque Mucarum. Quae omnia supra dicta volumus, quod teneat, possideat, regat, atque gubernet perpetuo Spalatensis Ecclesia, ac eius Praesules, sine alicuius perturbatione, seu molestatione, pacifice et quiete. Si quis autem in praemissis, vel quolibet praemissorum dictam Spalatensem Ecclesiam, vel ipsum Archiepiscopum, et eius successores molestauerit, vel turbauerit, iram Dei et

nostram indignationem incurrat. Et ad robur omnium praedictorum praesens privilegium nostro sigillo authentico communiri mandavimus.

Fariati: Illyricum Sacrum T. III. p. 164. — Lucius L. VI. c. IV. — Kerčelić. Notit. praelim. p. 137. — Katona H. C. R. H. Tom. III. p. 169. sq. n. CCCXXVI. — Fejér. Codex Dipl. R. H. T. II. p. 39.

## XX.

*Anno 1108. 25. Maji. Tragurii.*

Colomanus, Hungariae, Croatiae et Dalmatiae Rex, se Tragurinorum libertatem conservaturum juramento spondet praetereaue promittit, quum ad eos, qua Rex Croatiae et Dalmatiae coronandus aut negotia regni cum illis tractaturus venerit, se nemini civium, ut quem hospitio susciperent, vim illaturum esse.

Anno Dominicae Incarnationis M.C.VIII mense V die XXV Anno XII Regni mei. Ego Colomanus Rex Vngariae, Croatiae atque Dalmatiae, juro super sanctam Crucem Vobis Tragurinis, meis fidelibus ciuibus, firmam pacem; mihi et filio meo aut successoribus meis tributarii non sitis; Episcopum vero aut Comitum, quem Clerus et Populus elegerit, ordinabo, et lege antiquitus constituta vos uti permittam, praeterquam introitus portus ciuitatis de extraneis duas partes Rex habeat, tertiam vero Comes Ciuitatis, decimam autem Episcopus. In ciuitate quoque vestra neminem Hungarorum, vel alienigenarum habitare permittam, nisi quem voluntas vestra expetierit, cum autem ad vos coronandus, aut vobiscum Regni negotia tractaturus advenero, nemini ciuium vis inferetur Domorum suarum, nisi quem dilectio vestra susceperit. At, si forte aliquando Dominium meum aliquem aggravare videbitur et alias ire voluerit, secure cum vxore et filiis et familia et omnibus suis quocunque sibi placuerit, eat. — Hoc autem Sacramentum a Rege et ab Archiepiscopo Laurentio & Comitibus Hungariae confirmatum est. Ego Joannes Palatinus Comes laudo et confirmo. Ego Appa Comes laudo & confirmo. Ego Thomas Albanensis Comes laudo & confirmo. Ego Jacobus Borsodiensis Comes laudo & confirmo. Ego Vgudi Wasuariensis Comes laudo & confirmo. Ego Slauiz Comes Nouogradensis laudo & confirmo.

Lucius de Regno Dalm. & Croatiae. Lib. III. cap. IV.

## XXI.

Anno 1111.

Colomanus Hungariae Rex, Cresimiri Regis privilegium fundationale Ecclesiae Arbensi datum confirmat, unaque Dalmatiae Clericos iisdem libertatibus, quibus Hungariae Clerici fruuntur, donat.

Anno Dominice Incarnationis M. CXI. Indictione IV. Epacta nona concurrentibus. Ego Colomanus dei gratia Rex Hungarie per misericordiam dei potitus Regno Dalmatie atque Croatiae, assentimus, ad quantum ad nos pertinet, et confirmamus Arbensi Ecclesie suas Parochias: Juppam sub Alpibus suis cum terminis, a castro latine Murula vocitato, slavonice autem Stenizze, usque ad flumen Coprive, Chissam suis cum terminis, Juppam Liche, Juppam Bussani (Lucius Bucani) et Buzzachi (Lucius Bochacchi), sicut semper didicimus habuisse per Privilegium Cresimiri Regis & idoneos testes, quos Paulus eiusdem Ecclesie presul induxit, cognovimus; decrevimus quoque ad honorem et dignitatem illius ecclesie, investituras tam ecclesiarum, quam episcoporum et abbatum, absque Regis consilio, quemadmodum fuisse probavimus, fieri debere, postea necessarium duximus, cum utriusque Regni universo consilio, ut qua libertate fruuntur clerici Hungariae, fruantur et clerici Dalmatie, scilicet ut qualiscunque potentie sigillo non constringatur, sed solo Episcoporum & Archidiaconorum suorum sigillo et iudicio lege Canonum cogantur et iudicentur. Hoc modo Decimationem quemadmodum in Hungaria accipiant, Prestaldus Regis cum Prestaldis Episcoporum ex decimatione Episcopi ipsi accipiant decimam partem, ex qua Prestaldus Regius dimidiam partem illius decimationis accipiat, Prestaldi vero aliam dimidiam cum curiali Comite sui Episcopi per medium dividant, et sic curialis Comes dimidiam sibi habeat, Prestaldi vero aliam dimidiam inter se dividant. Indictione IV. Datum est hoc Privilegium dicte Arbensi Ecclesie, per manus venerabilis Laurentii Strigoniensis Archiepiscopi, perpetuo ex concessione Colomani Regis (Lucius Vngariac) Dalmatie et Croatiae, sic in presentia suorum Episcoporum ac Comitum, quorum nomina hec sunt: Simonis Quinque Ecclesiensis Episcopi, Mathei Vesprimiensis Episcopi, Georgii Gevrensis Episcopi, Sixti Vardiensis episcopi, Marcelli Vaciensis Episcopi, Tulberti Collocensis Episcopi. Comitum vero Johannis Palatini Comititis, Claodini, Marci, Sauli, Saunici, Vngareni, Theobaldi, Jandini et quamplurimorum Dalmatinorum Episcoporum et asserentium et testificantium, per quorum testimonium probavit predictus Presul dictam Arbensem ecclesiam semper ita habuisse. Crescentii Spalatensis Archiepiscopi. Anastasii Tininiensis Episcopi, Johannis Traguriensis Episcopi. Bani Albensis Episcopi, Marci Jadrensis Episcopi. Dominici Vegliensis Episcopi, Petri Absarenis Epi-

scopi et Generalis Domini Regis Curie. Et ut hoc priuilegium statutum et stabile perpetuo maneat nostro iubemus sigillo imprimi atque roborari.

Ruić, ex Sanctuario Arbensis Ecclesiae, in suo opere: *Riflessioni storiche sopra la città et isola di Pago*. MSC. & Lucius de Regno Dalm. & Croat. Lib. III. cap. IV.

---

## XXII.

*Anno 1118.*

Ordelaſus Faledrus, Venetiarum Dux, ſe Arbenses ſuis antiquis libertatibus ac conſuetudinibus, prout iis Colomanus Rex ſpoponderat, recturum eſſe promittit.

Anno dominice incarnationis Millesimo centesimo decimo octauo. Indictione undecima, epacta XXVI currente. Nos namque arbensis Paulus, episcopus et Oriens comes, ac tota comunitas, recordationem ueritatis et certitudinis facimus nostris successoribus heredibus dimittendam: Qualiter Ordilaffus Faledrus Dux Venetiarum nobis iurauit ſuis cum nobilibus Joanne Tyano capulano episcopo, Dominico pulano, Dominico Michaelae. Dominico Mauroceno, Raynerio Michaelae et Marino Longoferaro et cum pluribus aliis. Predictus Dux ſuo cum exercitu ibat Jadram, et nos miſimus Vitazan et Madium Rage filium, diacones, ad dominum Ducem et ad exercitum eius dicentes: volumus dominio ueſtro ſubesse et ſi Jadrenſes noluerint vel non potuerint, ſi uoluntatis ueſtre eſt, nos perpetuo retinere in conſuetudine, ſtatu et libertate terre noſtre, et promiſit eis dux tenere. Et iterum uenerunt Arbum, et ipſe dux cum ſupraſcriptis nobilibus hoc modo iurauit: Juramus uobis arbensibus et ueſtris heredibus ſuccessoribus perpetuo ueſtram conſuetudinem et ſtatum ueſtrum, et libertatem terre ueſtre, poteſtatemque, quam antiquitus dicitis habuiſſe ſub Imperatore conſtantinopolitano et ſub Rege Vngarorum, preſulem uobis elligendi et comitem, confirmatione comitis nobis reſervata, noſtreque curie, taliter inſuper uos reggere et manutenere, ſicuti unam ex noſtris oris riuoalti, et ſicuti uobis Dalmatinis Colomanus Rex Vngarie iurauit ſuis cum archiepiscopis, episcopis et comitibus, ut in breuiario illo continetur. Actum eſt hoc in arbensis eccleſie atrio in tempore prefati preſulis et comitis uita felici.

Transſumptum in membrana in Archivio Communitatis Arbensis, et in libris Factorum Reipublicae Venetiarum aſſervatum.

---

**XXIII.***Anno 1124.*

**Stephanus, Colomani Regis filius, Tragurinis et Spalatensibus, eadem quae Pater ejus Colomanus, juramento promittit.**

Ego Stephanus Colomani filius, Rex Hungariae, Croatiae atque Dalmatiae anno Dominicae Incarnationis 1124, Indictione secunda, mense Julio, nono anno Regni mei, eandem libertatem et pacem a patre meo vobis Tragurinis et Spalatinis ciuibus stabilitam, cum Episcopo et Comitibus & omnibus Regni mei Principibus, sub eiusdem Sacramenti obligatione confirmo & corroboro. Ego Marcellus Strigoniensis Archiepiscopus laudo & confirmo. Ego Gregorius Baacensis Archiepiscopus laudo & confirmo. Ego Simon Quinque-Ecclesiae Episcopus laudo & confirmo. Ego Cledinus Comes laudo & confirmo. Ego Marcus laudo & confirmo. Ego Lambertus Comes laudo & confirmo. Ego Buzco Comes laudo & confirmo. Ego Nicolaus laudo & confirmo. Ego Jacobus Comes laudo & confirmo. Ego Sergius Comes laudo & confirmo.

Lucius de Regno Dalm. et Croat. Lib. III. Cap. IV.

**XXIV.***Anno 1143. die 3. Maji. Spalati.*

**Geisa, Hungariae, Croatiae et Dalmatiae Rex, iuramentum Colomani Regis, civitatibus Croatiae & Dalmatiae factum, renovat.**

Anno Dominicae Incarnationis 1143 Indictione 5. Epacta 22. currentibus 3 mensis Maii, anno secundo Regni mei. Ego Geysa Rex Hungariae, Chroatiae atque Dalmatiae juro super sanctam Crucem urbis Spalatensis Principibus firmam pacem et libertatem; mihi quoque et successoribus meis tributarii, aut angariarii ne sitis; Episcopum vero aut Comitem, quem Clerus aut populus elegerit, confirmabo; et lege antiquitus constituta cum vestro Iudice uti permitam vos: Praeter quod

introitus portus civitatis de extraneis duas partes Rex habeat, tertiam Comes civitatis. In civitate vestra neminem Hungarorum, vel alienigenarum habitare permittam, nisi quem voluntas vestra expetierit. Cum autem ad vos coronandus, aut vobiscum regni negotia tractaturus venero, nemini civium vis inferatur domorum suarum, nisi quem dilectio vestra susceperit. Judicem inter vos et extraneos a me constitutum vobiscum in civitate sedulo commorari volo, nec eum extra urbem alias proficiscentem sui praecepto aut sigillo a vobis causa placitandi sequendum concedo. Si quis vestrorum per meum Regnum terra, marique negotia exercuerit, mihi aut alieni nostrorum hominum ex proprio commercio nullum persolvat debitum; obsides a vobis nullo modo recipiam, sed in curia nostra servire volentibus rogam impendam, et morandi sive discedendi ad suum velle, facultatem obtineant, nullamque super hoc molestiam inferam. Ac si forte aliquem dominium meum aggravare videbitur, et urbem vestram exire voluerit, secure cum uxore et filiis & familia et omnibus suis bonis quocunque sibi placuerit, eat. Haec autem omnia absque fraude et ingenio ad detrimentum civium vel civitatis in aliquo attinente observabo.

Sacramentum hoc a Rege et Archiepiscopo Muchia confirmatum est. Ego Bachiensis Archiepiscopus laudo & confirmo. Ego Martinus Agriensis Episcopus laudo et confirmo. Ego Paulus Vesprimiensis Episcopus laudo et confirmo. Ego Verblen Zagrabiensis Episcopus laudo et confirmo. Ego Zacheus Tavar. laudo et confirmo. Ego Joannes Quinqueecclesiensis Episcopus laudo et confirmo. Ego Paulus Canadiensis laudo et confirmo.

Farlati Illyricum Sacrum T. III. p. 174. — Fejér Codex Dipl. Regni Hung. T. II. p. 118.

---

## XXV.

*Anno 1151.*

**Belus Banus immediate post Regem in fronte diplomatis  
Hungarici nominatur.**

Divina dispensante clementia, Geyse Rege regnante, anno quo Martyrius in Archiepiscopum est electus, Belo Bano existente, colloquii causa Regis ac totius Regni cum Duce Austriae habita est etc.

Originale in Archivio Abbatiae Szentmártonensis. — Monumenta Hungariae Historica. Vol. VI. Codex Dipl. Arpadianus Continuatus. Pestini 1860, pag. 60.

---



**XXVI.***Anno 1169.*

**Stephanus III. Rex, iuramentum a Colomano Rege civitatibus Croatiae et Dalmatiae praestitum, renovat.**

Anno Dominice incarnationis MCLXIX. Anno Octauo Regni mei. Ego Stephanus Rex Hungarie, Croacie, atque Dalmacie. Iuro super sanctam crucem vobis Sibenicensibus, meis fidelibus ciuibus, firmam pacem, mihi et filio meo, aut successoribus meis Tributarii ne sitis, comitem vero aut iudicem, quem commune et consilium elegerit ordinabo, et lege antiqua constituta vos vti permittam; preterea quod introitus portus Ciuitatis duas partes Rex habeat de extraneis, Terciam uero Comes ciuitatis, Decimam autem Clerus. In ciuitatem quoque vestram neminem Hungarorum vel alienigenarum habitare permittam, nisi quemque voluntas vestra expetierit. Cum autem ad uos coronandus aut uobiscum regni negocia tractaturus aduenero, nemini Ciuium uis inferatur domorum suarum, nisi quos dilectio uestra suscepit, aut si dominium meum aliquem agrauare videbitur, et alias ire voluerit, secure cum vxore et filys et famulis et omnibus suis quocunque sibi placuerit eat; et hoc illud concedo per Regale Iudicium et sigillum: quod extra ciuitatem non exeat, si de Ciuitatibus iudicare voluerit in Ciuitate cum Iudicibus comite et nobilibus iudicetur. Hoc autem sacramentum a Rege Stephano secundi Geyse Regis filio, et a principibus Hungarie confirmatum est. Ego Seyna Colocensis Archiepiscopus laudo et confirmo. Ego Vlcina Vltasyluanus laudo et confirmo. Ego Stephanus Morisiensis sedis electus laudo et confirmo. Ego Ompodinus Comes Palatinus atque Banus laudo et confirmo. Ego Phulcus laudo et confirmo. Ego Gurka laudo et confirmo. Ego Smaragdus laudo et confirmo. Ego Tup collaudo et confirmo.

Idem Privilegium confirmarunt Reges Hung.: Andreas II. a. 1231, Bela IV. a. 1248 & 1251, Stephanus IV. a. 1270 & Carolus Robertus a. 1322. — Ex originali membrana Collectionis Jankovićianae. G. Fejér. Codex Dipl. R. Hung. T. VIII. vol. II. p. 351.

**XXVII.***Anno 1173—1196.*

**Status Regni Hungariae, Croatiae et Dalmatiae Bela III. regnante.**

Regni Vngarie fines et dominatus amplitudo. In Regno Bele regis Vngarie sunt he terre: Vngaria caput Regni, Croacia, Dalmacia et Rama. In Vn-

garia sunt due sedes Archiepiscopales; Strigoniensis et Colocensis. Strigonium habet de curia regis de moneta VI mille marcas et decimam monetarum, et est metropolis Vngarie. Colocensis sedem habet Bachiensem et habet duo millia et quingentas marcas. Suffraganei domini Strigoniensis sunt: Episcopus Agriensis habens III millia marcarum. Episcopus Woacensis habens septingentas marcas. Episcopus Quinqueecclesiensis habens mille et quingentas marcas. Episcopus Geuriensis habens mille marcas. Episcopus Wesprimiensis habens mille septingentas marcas. Episcopus Nitriensis habens mille centum marcas. Suffraganei Colocensis sunt: Episcopus Sunadensis (Chanadensis?) vel a fluvio preterlabente Morisensis, habens duo millia marcarum. Episcopus Biarch. cuius sedes dicitur Orosiensis (Olasiensis) habens mille marcas. Episcopus Vltrasyllvanus habens duo millia marcarum. Episcopus Zagrabiensis super flumen Soa habens mille quingentas marcas. In Dalmacia sunt duo Archiepiscopatus: Jaderensis (Jacezensis), habens quingentas marcas. Espaletensis, habens quadringentas marcas. Vnde Espaletensis et insimiliter (Jadrensis) habent suffraganeos decem. — Rex Vngarie de reditu monete sue habet sexaginta millia marcas per annum, Idem habet de sale suo XVI millia marcas. Idem habet de pedagiis et passagiis et mercatis seu foris, que omnia sunt XXX millia marcarum. Idem habet de alienis hospitibus regis de Vltrasyllvas XV millia marcarum. Idem habet de sua tertia parte de septuaginta duobus comitibus suis de reddito annuo XXV millia marcarum. Idem habet de Duce Sclauonie per annum X mille marcas. Unusquisque comitum 72 semel in anno regem Vngarie procurat, et antequam de mensa surgat, dona dat munus centum marcarum, et aliquis eorum II. C. marcas. In quibus adminus presumitur summa solius regis larga computatione X mille marcarum. Et preter hec dona regine et filiorum regis magna in argento, seu panis, sericis et equis. Et preter hec tricesima. Populus terre regi facit victum plenarium.

Fejér. Codex Diplomaticus Regni Hungariæ. Vol. II. pag. 217. E codice Regio Parisiensi Nro. 6238 fol. 20.

## XXVIII.

*Anno 1185.*

**Petrus Spalatensis Archiepiscopus, celebrato Concilio, Parochias inter Episcopatus Croatiae et Dalmatiae aequo jure distribuit multasque salutare ordinationes sancit.**

In nomine sanctae et individuae Trinitatis. Anno ab incarnatione domini **MCLXXXV.** indictione III. Domino Lucio papa III. apostolicae sedi praesidente, ac D. Bela III. Hungariae regnum gubernante, et Domino H. (Henrico) filio eius,

eo viuento coronato, hoc actum est. Quoniam pastoralis officii cura, quibus spiritualium rerum summa committitur, admonet vniuersos, ac paterna sollicitudo inuitat, vt gregibus sibi creditis ita quisque prouideat, quod luporum morsibus non exponatur incaute; et ne incongrua abutentes licentia terrenis commodis inhare videantur; et ne animarum lucra omittant, diligenter inquirere. Ideo ego P. (Petrus) diuina fauente gratia, Spalatinae sedis archiepiscopus, videns multa enormia per nostrum archiepiscopatum emersisse, multiplicesque subditorum errores considerans grauiter pullulare, ut domino prouidente excessibus tantis finem congruum imponere, atque salutaribus monitis audientes possem informare, de mandato et voluntate summi pontificis, in nostra Spalatensi ciuitate, cum omnibus suffraganeis, et abbatibus, nec non clericorum copia, generalem Synodum, inuocata S. Spiritus gratia, Kalendis Maji celebrauimus. Vbi vero anathematizauimus omnes sectas haereticorum, et eorum complices, contra sacrosanctam Romanam Ecclesiam et eius doctrinam oblatrantes, et omnes indebite ecclesiastici officii verberatores, et decimarum, reddituumque ecclésiasticorum raptores, inuasores, ac illicite retentores, nisi digna satisfecerint satisfactione. Vbi et statuimus, vt omnes vsualitates antiquae, quas Ecclesia S. Domnii habuerat, et iurisdictiones tam in episcopos, quam in alium clerum praecipiendo S. D. (secundum Deum) habeant auctoritatem, et quod neminem ad ordinem archiepiscopus promoueat, nisi per archidiaconum, aut per Canonicos S. Domnii praesentatum; sicut in alio priuilegio, quod Canonicis super antiquis vsualitatibus seruandis fecimus planum et expressum. Instituimus etiam, vt officium B. Mariae V. in omnibus ecclesiis per nostram diaecesim omni die cantetur. Praeterea, quum Parochiae Suffraganeorum nostrorum ad se inuicem essent confusae, et certis limitibus nequaquam distinctae, et nullis priuilegiis communitae, ita vt ipsi Episcopi in errorem et controuersiam saepe inducerentur; placuit nobis omnibus, memoratas parochias taliter distinguere, ac priuilegiis communire, vt de caetero vnusquisque episcoporum attributis sibi parochiis et priuilegiis gaudeat, et nulli vnquam fratrum suorum quaestionem exinde mouere praesumat. Definimus itaque pari voto, et communi voluntate eorundem Suffraganeorum, vt A. Episcopus Spalatensis has habeat parochias: Clissam, Scale, Sminam, Cettinam, totam Cleunam, totum Massaron, et totum Pol (hodie Polizzam) vsque ad Vrullam, et vbicunque sunt terrae S. Domnii, debent dare decimas S. Domnio. Insuper habeat has ecclesias: S. Martham, S. Petrum de Clobuco, S. Mariam, S. Stephanum, S. Moysem, S. Bartholomaeum. Tiniensis Episcopus habeat sedem suam in Tenin; et habeat has Parochias: Tenin, Campum, Verchrezam, (Verhrecam), Pset. Traguriensis Episcopus habeat has Parochias: Tragurium, Drit, Sibenicum, et totum Comitatum Zagoriae. Scardonensis Episcopus habeat: Scardonam, Briber, Belgradum, cum tota Sidraga. Nonensis Episcopus habeat Nonam, totam Lucam, et medietatem Licae. Signiensis Episcopus habeat sedem suam in Signia; et habeat has Parochias: Signiam, Gezcam (Gačkam) totam, et medietatem Licae. Corbauiensis Episcopus habeat sedem suam in Corbauia; et habeat has Parochias: Corbauiam, Vinodol, Bussan, Nouigrad, Presnic, Plas, et Modrussam. Pharensis Episcopus habeat sedem suam in Phar; et habeat has Parochias: Phar, Braciam, et Lissam, Corceram, Lastam, et Mulcer, et totam Crainam. Ecclesiae vero S. Stephani Regis, et Capellae nostrae in honore S. Ioannis Euangelistae, quam nos

manu nostra consecrauimus, hanc ordinationem fecimus: quod ei post Archiepiscopum nullus praesit, nisi sacerdos ei ordinatus, cui hos redditus communi voluntate fratrum ibi assistantium concessimus: vineam vnam in Biaci, quam a quodam Tragurino, filio Firmini Calogeorgii, iustitia dictante, iudicio Pirsemiri, tunc Tragurii Comitis, recepimus. Cuius causae praestaldus est Cerne, filius Cipriani; testes sunt Petrus Iupanus, filius Gregorelli, et Martinus de Benedicite; et alii quamplures; et itidem in Biaci terram ad duos boues; bouem et vaccam. Statuimus siquidem, vt nulli omnino hominum liceat hanc paginam nostrae constitutionis et confirmationis infringere, vel ei aliquatenus contraire. Quisquis vero ausu temerario id facere attentauerit, indignationem Omnipotentis Dei, et nostram, et fratrum nostrorum maledictionem se nouerit incursum; et S. Domnio componat centum marcas argenti. Praecipimus insuper quod praesens scriptum in maiori Ecclesia sub cura canonicorum seruetur, qui loco nostri, dum Ecclesia vacat, tam Episcopis, in quibus Ecclesiae obedire iuramento tenentur, quam universo Clero nostrae Diaecesis de iure praesunt, et auctoritatem habent imperandi, ut si alicui violentia fuerit illata, habeat illuc recursum, et si opus fuerit per censuram Ecclesiasticam eorumdem Canonicorum iuxta considerationem puniantur nolentes nostra statuta observare. Vt autem haec ordinatio, quam his personis praesentibus et approbantibus statuimus: Flascone, Tiniensi Episcopo; Michaële, Traguriensi Episcopo; Michaële, Scardonensi Episcopo; Matthaeo, Nonensi Episcopo; Miraeo, Signiensi Episcopo; Matthaeo, Corbauienti Electo; Micha, Pharensi Electo; Isaac, S. Stephani Abbate; Vincentio, Traguriensi Abbate; Dujmo, S. Domnii Primicerio; Ioanne sacrista, cum toto eiusdem Ecclesiae Capitulo; Vilcotta, Archipresbitero de Clissa; Vilcotta, Archipresbitero de Kileo (seu Kalco); Gaudio, Archidiacono Traguriensi, cum suis Clericis; Prasez, Archipresbitero Scardonensi, cum eiusdem Ecclesiae Clericis; Desimiro, Licensi Archipresbitero, cum Clericis eiusdem Ecclesiae; Radona, Busanensi Archipresbitero, cum Clericis eiusdem Ecclesiae; Decomiro, Nonensi Archipresbitero, et Petro Primicerio, cum reliquis eiusdem Ecclesiae Clericis, firma, stabilisque permaneat; per Cancellarium nostrum Albertum, S. Bartholomaei Praepositum, fecimus conscribi et insigniri propriis sigillis. Datum Spalati in Ecclesia S. Andreae Apostoli, per manum supra dicti Praepositi, Alberti, Cancellarii nostri.

Farlati: *Illyricum Sacrum* T. III. p. 213—214. — Katona H. C. R. H. Tom. IV. p. 300. sqq. — Fejér. *Codex Dipl. R. H.* p. 220.

*(Idem Concilium per Vrbanum III. PP. eodem anno 1185 ratihabitu. Vide Fejér Codex Dipl. T. II. pag. 225.)*

## XXIX.

*Anno 1194. die 9. Julii. apud Tinium.*

**Emericus, junior Rex, Regia auctoritate Dalmatiam et  
Croatiam gubernat.**

In nomine sanctae et individuae Trinitatis, Anno ab Incarnatione D. N. Jesu Christi 1194 Mensis Julii die nono, intrante indictione XII. apud Tynum. Regnante Domino nostro Bela, Serenissimo Rege Hungariae, Dalmatiae, Croatiae, atque Ramae, et Almerico (Emerico) filio super Dalmatiam et Chroatiam. Quum nos, nempe Petrus Spalatensis Sedis Archi-Episcopus, una cum Mathaeo Nonensi Episcopo et Damiano Jadertino Comite, et Grubessa, Spalatino Comite, caeterisque Nobilibus, quorum nomina inferius subscribentur, in Ecclesia S. Joannis de Tyno, ad controversias, quod inter Templarios et monasterium SS. Cosmae et Damiani pro terris et aquarum decursibus vertebantur, resecandas, de mandato regio resideremus; post multas altercationes, et verba, quae memoratae Ecclesiae inter se habebant — — de voluntate utriusque partis suscipientes pro bono pacis, et concordiae, talem inter utrasque Ecclesias finem, et divisionem auctoritate regia composuimus. (Hinc limites describuntur; deinde ita proseguitur). Stabilimus etiam, vt si qua utriusque partis antiqua tutamenta vel scripta, praeter hanc nostrae Chartae constitutionis — — praesumserit; Omnipotentis Dei, Sanctorumque Apostolorum Petri et Pauli, omniumque Sanctorum, et nostram maledictionem incurrat; fiatque anathema, et super hoc poena duarum librarum auri mulctetur. Quae omnia firma et rata esse volumus, praesente Gualterio Magistro, et fratre Aczo praeceptore et omnibus fratribus; et Dominico Abbate, Privioria monacho et Diminoschia monacho, cunctisque fratribus; coram idoneis testibus, Petro Sagarelle, et Tolmatio et Burello, presbiteris Spalatinis. De Jadertinis vero fuerunt testes hi: Petruna Cucille, Peitiz Vitache, Peitiz Michaelis, Georgius Soppe, Bitte de Juda, Bitte Prestantii cum fratre Grisogono, Petrus Saluradi Templariorum advocatus, et quam plures alii. De Sclavis vero fuerunt testes hi: de Dominis, Jupanus, Wlcominis Jupanus, Berisius Jupanus, Grubescia Gaudii Jupanus, et Sillizus Jupanus cur. pluribus aliis. Fuerunt etiam testes ibidem hi venerabiles viri: Gregorius Antivarensis Archi-Episcopus et Vincentius Sancti Chrysogoni Abbas, cum suis monachis et multis de plebe. Et ego Basilius diaconus et Jadertinae Civitatis Notarius, qui interfui, hanc constitutionis et concordiae chartulam jussu jam dicti Archi-Episcopi Spalatensis, et Nonensis Episcopi, ac Comitum praescriptorumque testium rogatu, ut audiui, complevi, roboravi, et signo consveto signavi.

Farlati. Illyricum Sacrum T. III. p. 225. — Katona H. C. R. H. Tom. IV. pag. 428. sq. — Fejér Codex Dipl. Regni Hung. T. II. p. 296.

**XXX.***Anno 1195. Jaderae.*

**Emericus seu Enricus filius Belae III. Regis, Dalmatiam et Croatiam, Rex junior, separatim gubernat.**

**Anno MCXCV. Indictione XII. Jdrae. Regnante D. N. Bela Vngariae, Dalmatiae, Ramae Rege, et Enrico eius filio, bis coronato, Dalmatiam et Croatiam feliciter gubernante, ecclesia Jadertina proprio pastore vacante, et Damiano inclito Comite eiusdem Comitatus principante etc.**

*Farlati Illyricum Sacrum. T. V. p. 65 ex tabulario Jadertino. — Fejér. Codex Diplomaticus Regni Hungariae. T. II. Vol. I. pag. 183.*

**XXXI.***Anno 1198.*

**Andreas, Regni Dalmatiae et Croatiae Dux, Regia auctoritate fungitur, atque Episcopatum Pharensem Archiepiscopatu Spalatino, cui etiam olim suberat, subjicit.**

**In nomine Sanctae Trinitatis et individuae Unitatis. Anno ab Incarnatione Domini 1198 Indictione prima. Ego Andreas tertii Belae Regis filius, Dei gratia Dalmatiae, Croatiae, Ramae, Chulmaeque Dux in perpetuum. Quoniam Ducali Serenitati jura et dispositiones Regni sui licet.... et disponere; hinc est quod nos in Dalmatiam perambulantes, invenimus Episcopatum Pharensem suo pastore vacantem, ne igitur juri Ecclesiastico in aliquo derogaretur, diligenti inquisitione, cui Archiepiscopatu suffraganatus subjaceret, relatione vero Dalmaciae Episcoporum, et universorum Croatorum Principum percepimus, quod ex antiqua constitutione sub Spalatensi Archiepiscopatu fuisset. Nos vero relationi eorum attendentes, praetaxatum Episcopatum cuidam Spalatensi Canonico M. (Michae) contulimus, ac eundem Episcopatum Spalatensi Ecclesiae confirmavimus. Huius autem constitutionis pagina testimonio istorum facta est: Andrea Bano, Comite Macharia, Comite Joseph, Comite Marco, Comite Andromico filio Bani, Camerario Ducis Venceslavo, Praeposito Gutifredo, Magistro Teobaldo. Datum per manus Petri filii Milka Ducis Aulae Notario.**

*Ex Registro Archiepiscopatus Spalatensis. Lucius de Regno Dalm. & Croat. Lib. III. cap. 13. & Farlati Illyricum Sacrum T. III. p. 228 & T. IV. p. 245.*

**XXXII.***Anno 1198.*

**Andreas, Dalmatiae et Croatiae Dux, regia auctoritate fungitur, atque suorum majoum, Geysae et Stephani Regum, dona, Archiepiscopatui Spalatino data, confirmat.**

Ego Andreas Dei gratia Dalmatiae, Chroatiae, Ramae, Chulmaeque Dux, confirmo B. Domnio capellam S. Moysi & Sancti Stephani in Salona, cum omnibus ad eas pertinentibus in perpetuum, quas olim Patres nostri, videlicet Geyza Rex et Stephanus eidem Ecclesiae auctoritate Regia concesserunt, statuentes scilicet, ut non liceat alicui Bano, vel principi, seu cuilibet ministrorum nostrorum, hanc nostram confirmationis seriem infringere, vel ei ausu temerario contraire, aut ipsam Ecclesiam in aliquo aggravare, sive ejus jura diminuere. Qui autem aliter facere attemptaverit, iratum habeat trinum et unum Deum, et nostram indignationem incurrat. Anno Domini nostri Jesu Christi 1198. Bano existente Andrea, Georgio Tiniensi Episcopo, Michaelae Traguriensi Episcopo, Michaelae Scardonensi Episcopo, Matheo Corbaviensi Episcopo, Macharia Comite, Joseph Comite, Bea Comite. Hanc nostrae confirmationis paginam Petrus Ducis Aulae Cancellarius adnotavit, Praestaldo huius rei dato Vratislao filio Vratislai de Zagrabia.

Farlati. Illyricum Sacrum T. III. p. 228.

**XXXIII.***Anno 1199.*

**Andreas, Dalmatiae et Croatiae Dux, regio jure utens, urbis Spalati libertates jurejurando confirmat.**

Ego Andreas Dei gratia Dalmatiae et Croatiae Dux, juro super sanctas reliquias vobis Spalati principibus firmam pacem et libertatem; mihi quoque aut filio aut successoribus meis tributarii ne sitis. Episcopum vero, aut Comitem, quem Clerus et populus elegerint, confirmabo; et lege, antiquitus consti-

tuta, cum vestro iudice vos uti permittam; partiumque introitus portus civitatis de extraneis duas partes Rex habeat, tertiam vero comes civitatis, etc. Datum anno 1199.

Farlati. Illyricum Sacrum Tom. III. pag. 5. — Katona Tom. IV. pag. 87. — Fejér. Codex Dipl. Regni Hung. T. II. pag. 375.

## XXXIV.

*Anno 1200.*

**Andreas, Dalmatiae et Croatiae Dux, agrum Dub, in suburbio Sibenicensi situm Ecclesiae SS. Cosmae et Damiani regio jure donat.**

In nomine S. Trinitatis et individuae Unitatis. Andreas Dei gratia Dalmatiae, Croatiae, Chulmiaeque Dux in perpetuum. Quum antiquorum veterum prudentia, salubriter cogitans et providens in futurum, pia devotione sanxerit, ut quidquid beneficiorum in praesenti impenditur monasteriis, virisque religiosis, ad salutem et remedium indubitanter transire debeat animarum, et divini refrigerii locum capere non dubitetur; piis instanter pulsati precibus Abbatis et fratrum de Monasterio SS. Cosmae et Damiani, dedimus terram Ecclesiae S. Grisogoni, quae est sita in suburbio Sibenig, ad duo aratra, excolendam et perpetuo possidendam. Terra autem vocatur Dub, ab arbore ibidem exorta. Praedictam itaque capelam S. Grisogoni a civibus praedicti castri fundatam et eorundem voluntate praefato monasterio traditam, adeo volumus esse liberam, ut nemini liceat ab ea exigere quidquam ex debito, nec in decimis, nec in aliis, salvo duntaxat jure et honore dioecesani Episcopi; nos autem ipsi sumus tutores et defensores ejus. Sed quoniam memoriae novercatur oblivio; oblivionis enim ortus est memoriae defectus, ne hujus nostri facti series fulgine vetustatis caligetur, scripto commendari jussimus; ut autem firmiter robur obtineat, Sigilli nostri impressione communivimus. Datum per manus Jacobi Praepositi, Magistri nostri et Cancellarii, Anno Dominicae Incarnationis MCC. Prestaldus autem Comes Domaldus. Jobagionum vero nomina, qui tunc aderant, et huic nostro facto testimonium perhibuerant, haec sunt: Bernardus Spalatinus Archi-Episcopus; Nicolaus, Jadertinus Archielectus; Georgius, Tiniensis Episcopus; Mog Comes; Nicolaus Banus, etc.

Farlati. Illyr. Sacr. T. IV. p. 8. — Katona T. IV. p. 592 sq. — Fejér. Codex Dipl. R. Hung. vol. II. p. 375.



## XXXV.

Anno 1207.

Andreas Rex Almissanorum atque totius Regni Croatiae  
privilegia jurejurando confirmat.

In nomine Sancte Trinitatis & Individue Vnitatis. Andreas Dei gracia Hungarie, Dalmacie, Rame, Seruie, Gallicieque Rex in perpetuum. Regie sublimitatis interest et equitas suadet naturalis, ut qui sua statuta a successoribus desiderant obseruari, ipse quoque suorum predecessorum leges pari stabilitate studeat conseruare, ut nulla vetustate dissoluantur, que succedencium sibi Regum attoritatis stabilitate decreuerunt roborare. Inde est quod priuilegia a predecesso-ribus nostris glor(iose memorie) Regibus, videlicet auo, patre et cetera. Ego Andreas Dei gracia Hungarie Rex juro super Sanctam Crucem uobis Almusanis firmam pacem et libertatem. Mihi quoque aut filio meo (aut successori)bus nostris tribularii ne sitis, Episcopum vero aut Comitem, quem Clerus et populus elegerit, confirmabo, et lege antiquitus constituta cum uestro iudice vos uti permittam. In ciuitate quoque uestra ne(minem) Hungarorum aut alienigenarum habitare permittam, nisi quem voluntas vestra expecierit. Cum autem ad uos coronandus aut uobiscum negotia Regni tractaturus uenero, nemini ciuium uis inf(eratur d)o-morum suarum, nisi quem dileccio uestra susceperit. Iudicem inter uos et extra-neos a me constitutum in ciuitate sedulo commorari, nec eum extra urbem alias proficiscentem sui precepto aut sigillo causa (placitandi) concedo. Si quis uestro-rum per meum Regnum terra marique (negocia) exercuerit, mihi aut alicui nostrorum hominum ex proprio commercio nullum persoluat debitum. Obsides a uobis nullo modo recipiam, sed in curia nostra seruire uolentibus rogam impendam, et morandi siue descendendi ad suum uelle facultatem optineant, nulla-que eis super hoc molestia inferatur, aut si Dominium meum aliquem aggrauare uide-bitur, et urbem meam exire uoluerit, secure cum uxore et filijs et familia et omnibus bonis suis quocunque sibi placuerit eat. Hoc autem absque fraude et ingenio ad detrimentum ciuium et ciuitatis in aliquo attinente obseruabo. Vt autem tam meorum predecessorum quam nostra concessio perpetuo robur optineat fir-mitatis, presenti eam pagina in noticiam deduci posteris, et Regie attoritatis sigillo iussimus roborari. Datum anno Dominice Incarnationis M<sup>o</sup> CC<sup>o</sup> VII<sup>o</sup>.

(*Bulla aurea pendens.*)

Ex Transumpto Nicolai Bani totius Slavoniae. 1323. — Monumenta Hungariae Historica. Pestini 1860. Vol. VI. pag. 93.

## XXXVI.

*Anno 1207.*

**Andreas II. Hungariae Rex Spalatinorum atque totius Regni  
Croatiae jura confirmat.**

In nomine Sancte Trinitatis, & Individue Unitatis. Andreas Dei gratia Vngarie, Dalmatie, Croatie, Rame & Servie, Gallitie, Laudomerieque Rex in perpetuum. Regie sublimitatis interest, & equitas suadet naturalis, ut qui sua statuta a suis successoribus desiderat observari, ipse quoque suorum Predecessorum sanctiones pari stabilitate studeat conservari, ut nulla vetustate dissolvantur, que succedentium sibi Regum auctoritas stabilitate perpetua decreverit roborare, Inde est, quod Privilegia a Predecessoribus Nostris gloriose memorie Regibus, videlicet Avo, & Patre nostro Civitati Spalatensi pro libertate concessa renovantes, verbo ad verbum presertim scripto nostro tantum apposito nomine, et numero annorum Domini secundum tempora, nostra immutato, hoc modo duximus inserenda. Anno Dominice Incarnationis Millesimo ducentesimo septimo. Ego Andreas Dei gratia Vngarie Rex. Juro super sanctam Crucem, Vobis Spaleti Principibus, firmam pacem & libertatem, mihi quoque, aut filio meo, aut successoribus nostris Tributarij ne sitis, Episcopum vero, aut Comitem, quem clerus & populus elegerit, confirmabo, & lege antiquitus constituta, cum nostro Judice Vos uti permittam, preterquam Introitus portus Civitatis de extraneis duas partes Rex habeat, tertiam vero Comes civitatis. In civitate quoque vestra neminem Vngarorum, vel alienigenarum habitare permittam; nisi quem voluntas vestra expetierit. Cum autem ad vos coronaudus, aut vobiscum Regni negotia tractaturus venero, nemini Civium vis inferatur Domorum suarum, nisi quem dilectio vestra susceperit. Judicem inter vos & extraneos a me constitutum vobiscum in Civitate sedulo commorari; nec eum extra urbem alias proficiscentem sui precepto, aut sigillo a nobis causa placitandi sequendum concedo. Si quis vestrorum per meum Regnum, Terra, Marique negotia exercuerit, mihi aut alicui nostrorum hominum ex proprio comertio nullum persolvat debitum. Obsides a vobis nullo modo recipiam, sed in Curia nostra servire volentibus, regam, et impendam & morandi, sive discendendi ad suum velle, facultatem obtineant, nullamque eis super hoc molestiam inferam; at si forte Dominium meum aliquem aggravare videbitur & urbem nostram exire voluerit, secure cum uxore, & filiis, et familia & omnibus bonis suis quocunque sibi placuerit eat. Hec autem omnia absque fraude, & ingenio ad detrimentum Civium & Civitatis in aliquo attinente observabo. Vt autem tam nostrorum predecessorum, quam nostra concessio perpetue robur obtineat firmitatis presenti, eam pagina in notitiam deduci posterorum, & Regie auctoritatis sigillo iussimus roborari. Datum per manus Roberti Albensis Prepositi & Aule Regie Cancelarij, Joanne Strigoniense Ar-

chiepiscopo, Bertholdo Colocense electo existentibus. Kalano Quinque Ecclesiensem, Boleslao Vacienensem, Katupano Agriensem, Simone Varaadinensem, Desiderio Chanadiensem, VlinoUltrasilvanas, Kallenda Vespriensem, Gottardo Zagrabiensem, Petro Geuriensem Ecclesias gubernantibus. Cheffano filio Stephani Bacchiense & Palatino Comite, & Cheffano filio Miche Bano & Saguriensi Comite existentibus. Julia Budugriensem, Nicolao Bichorrensem, Petro Curiali Comite Regine, Chenadiensem, Benedicto Suprinuensem, Alexandro Musoniensem, Ochuz Vespriensem Comitatus tenentibus. Regni nostri anno secundo. — Ego Cumanus Clericus Communis Spalatensis Juratus Notarius, ut in authentica Regia bulla de auro bullato vidi, verbo ad verbum scripsi & consueto signo complevi.

Liber Factorum Reip. Venetiarum T. V. p. 195. in caes. Archivio Viennensi.

## XXXVII.

Anno 1209.

Andreas II. Rex civitatem Varasdinensem propter servitia in captivitate sibi exhibita privilegiis donat et insulae Zrepichar seu Žrepinec ultra fluvium Dravam in circuitu metarum ejusdem civitatis sitae mentionem facit.

In Nomine Sancte Trinitatis et Individue Unitatis. Andreas dei gratia hungarie, dalmacie, croacie, Rame, servie, Gallicie, Lodomerieque Rex in perpetuum. Ordo Juris expostulat & ratio exigit equitatis vt bone fidei contractus perpetue stabilitatis gaudeat firmitate, nec iniquorum fraudibus dissolvatur, que ab initio ex equitatis processerunt, hinc est, quod ad petitionem fidelis nostri Poch Palatini et Comitis Musuniensis et maxime fidele servitium hospitum nostrorum in vila Varasd commorantium quod nobis deuote fideliterque, dum in Kene detineremur in carcere exhibuerunt, pio affectu Regio considerantes, eis tam in presenti existentibus, quam eciam superuenientibus perpetuo Jure contulimus statum huiusmodi libertatis ac terram circumdatam vndique metis precepimus eis assignare. Libertas prenominatorum hospitum nostrorum hec est: quod Comes vel suus Comes Curialis non habeat potestatem eos iudicandi, sed inter eos quemcunque uolunt Iudicem constituent, quem Rihtardum solent appellare, nullus autem Burgensis tributum & tricesimam solvere teneatur, nisi qui vadit in Theuthoniam cum suis mercimonijs de quolibet curru ponderato solvet tres denarios, de singulis vero equis venalibus duos denarios, de duobus Bobus vnum denarium, de tribus porcis vnum denarium, in portu drave de quolibet curru vnum denarium. Item idem Hospites tenentur soluere comiti eiusdem Castri in Festo sti Martini de qualibet curia duodecim denarios, quos Iudex eorundem debet colligere, quociens autem comes ca-

stri renouatur, tenentur ei dare viginti cubulos vini, centum panes & vnum bo-  
uem. Si quis autem herede carens decesserit, libere disponat suam possessionem  
sine ecclesie seu cuilibet suorum cognatorum. Si quis vero uoluerit de villa  
recedere, venditis omnibus suis edificijs libere possit abire. Quicumque vero  
Burgensis per aliquem extraneum in rebus suis dampnum pateretur, et idem Ma-  
lefactor ab eodem burgense in villa sua recognosceretur, Rihtardus eius loci  
inter eos faciat Justiciam. Prima meta terre eorum incipit de villa Ivanc, ab  
-oriente et tendit versus meridiem ad arborem narfa vocatam & protendit vsque  
aquam Pline infra capellam sancti Petri, vadit super aquam ad occidentem, per-  
uenitur ad riuulum qui vulgo dicitur Blizna, et per eundem riuulum vertitur ad  
meridiem, pervenitur ad quandam vallem & ascendit ad magnam viam, per quam  
itur ad Thopliz, ibi tenet metas cum Zelko, et cum terra Thoplicz, et inde per  
viam superius eundo pervenitur ad duas arbores Zilfa vocatas, inde tendit ad  
montem qui dicitur Pechize, vbi sunt cauerne in eodem monte, & progreditur  
versus occidentem vsque viam leuatam, ibi tenet metas cum Vekozlau & cum  
Gurdon in quodam laco aqueo, et inde gradiens per eandem viam leuatam ad aquilo-  
nem pertransit pontem muratum & duos lacus. conterminatur ville Episcopi & tenet  
metas cum ea in quodam lacu. Deinde progradiens versus meridiem cadit ad predictum  
fluum Plinc & exit ad quandam viam leuatam, itur per eandem, cadit ad aquam, que  
vulgo dicitur Bzenice, et per eandem itur ad occidentem, conterminatur ville Bere  
(Beretinec) & tenet metas cum ea, inde vadit ad caput aque, ibi cum Radomer tenet  
metas, deinde tendit ad aquilonem, cadit ad predictam aquam Plinc, inde conter-  
minatur ville Domse & tenet metas cum ea. Deinde tendit ad magnam viam  
per quam itur ad terram Cruciferorum & tenet metas cum ea. Deinde gradiens  
ad aquilonem itur ad dumum Coruli, iuxta quem est meta, inde vadit ad viam,  
ibi est meta terrea circumfossa, inde vadit ad magnam viam per quam itur ad  
Theutonium iuxta quam est meta terrea circumfossa, deinde vadit ad arborem  
que dicitur Zilfa iuxta quam est meta, ibi est conmetaneus Iner Iobagio Castri.  
Deinde vadit ad portum Drave fluuij magni, per quem fluuium circuit Insulam  
que vulgo dicitur Zrepichar, quam nunquam aqua separare possit ab hospitibus  
nostris. Deinde progradiens per maiorem cursum fluuij magni pervenit ad pre-  
dictam villam Ivanc in qua gradiens priori mete conterminatur. Prestaldi autem  
nostri Gurdon de castro Greben, et Zelko terrigena de villa Pritice. Vt igitur hec  
Regia donacio ipsis ipsorumque posteris in perpetuum consistat, presentem pa-  
ginam scribi et Sigillo nostro fecimus communiri. Datum per manus Magistri  
Thome aule Regie Cancellarij. Anno ab Incarnacione Domini M<sup>o</sup>. C<sup>o</sup>. C<sup>o</sup>. nono. Ve-  
nerabili Johanne Strigoniensi Archiepiscopo. Reuerendo Bertoldo Colocensi electo  
et bano existentibus. Stephano Zagradiensi, Calano Quinque-Ecclesiensi, Bole-  
slao Waciensi, Capano Agriensi, Roberto Bespremiensi electo, Desmo (Desiderio ?)  
Chanadiensi, Symone Waradiensi, Petro Geuriensi Ecclesias feliciter gubernan-  
tibus. Poch palatino et comite musuniensi, Michaelae Vayvoda existentibus. Zacharia  
Comite tunc tempore Varasdiensi, Marcello Vaciensi. Julia Budrugensi. Baneone  
bichariensi. Nicolao Kemerensi. Ochuz Supruniensi. Moyse ferrei castri. Mocrone  
posuniensi. Buzad Geuriensi Comitatus tenentibus. Regni nostri anno Quinto.

## XXXVIII.

*Anno 1210—1365. Jaderae.*

**Ludovicus Hungariae Rex, privilegium Cetinensi Comiti Joanni a Rege Andrea II. anno 1210 concessum confirmat; eadem occasione duodecim generationum Nobilium Regni Croatiae mentionem facit.**

Lodouicus dei gracia Hungarie, Dalmacie, Croacie, Rame, Seruie, Gallicie, Lodomerie, Comanie, Bulgarieque Rex, Princeps Salernitanus et honoris montis sancti Angeli dominus. Omnibus Christi fidelibus presentibus pariter et futuris presencium noticiam habituris. Salutem in omnium Salvatore. Ea que in conspectu principum juris tramitte deciduntur, litterarum testimonio solent perhempnari. Id namque in concussum permanet, quod regio fuerit patrimonio communitum. Proinde ad vniuersorum noticiam harum serie uolumus peruenire, quod cum nos spiritus sancti gracia suggerente, que ad bonum suaderet vnumquemque, Sere-  
nissimam principissam dominam Elizabeth eadem gracia Reginam Hungarie matrem nostram karissimam, cum quibusdam ceteris Regni nostri prelatis et Baronibus, pro reformatione status Regnorum Dalmacie et Croacie, nec non iurium nostrorum regaliū extirpacione, ac cuilibet querulanti pro exhibenda iusticia, ad partes Dalmacie, specialiter in Ciuitatem Jadrensem destinassemus, demum eadem matre nostra vna(cum) eisdem prelatis et Baronibus Regni nostri sospes atque sana, deo duce ad nos reuersa, nobis inter cetera retulerat eo modo: Quod dum ipsa et ijdem prelati ac Barones nostri, in dicta Ciuitate Jadrensi, secundo die festi sancti Grisogoni in sede tribunali consedentes, causales processus quorumlibet litigancium in statera equitatis dimicari (?) et fine debito terminari inchoassent, Iwan et Lachkow filij Touordia et Tuerko filius Georgij Grubig, de medio aliorum causidicorum exurgendo, contra virum strenuum comitem Iwan filium condam Comitis Nelepuch, Comitatum de Orbaz et de Zana honorem tenentem et personaliter adherentem, graui cum querela proposuissent isto modo: quod ipsi in districtu de Chetyne ab auo et prehauo semper nobiles, et omni eo nobilitatis titulo, quo nobiles duodecim generationum Regni Croacie potirentur, vsi semper extitissent et hereditatem in dicto districtu Chetyne habuissent, et habere deberent. Sed idem Comes Iwan ipsos indebite et minus iuste exclusisset et eiecisset de eadem, nuncque ipsi per factum ipsius Comitis Iwan, eorum iuribus sic indebite spoliati, ad extreme paupertatis inopiam deuenissent, et sub tectis iam latitarent alienis. Quo audito dictus Comes Iwan respondebat ex aduerso: vt ijdem Iwan, Lachkow et Tuerko nusquam in dicta Chetyne nobilitatem seu aliquam hereditatem habuissent, nec haberent, nullaue pars, seu porcio de eadem Chetyne ad ipsos pertinuisset vel pertineret, nec ipse eosdem eiecisset et excludisset de eadem, dictum uero di-

strictum Chetyne cum omnibus suis pertinecijs a nostra Regia collatione et nostre prouisionis dono racionabiliter conseruasset et nunc conseruaret, vigore priuilegialis littere nostre mediante, et ad ea corroborandum vt dictus districtus Chetyne semper de jure et legitime Regie collacioni pertinuerit, nosque ipsum tamquam nostre collationi pertinentem et nulli alteri debentem, sibi iusto juris titulo conferre vauissemus. Ibidem et instanti quoddam priuilegium olim Excellentis principis domini Andree Regis Hungarie, atthau nostri karissimi felicitis recordacionis, de anno M<sup>o</sup>. CC<sup>o</sup>. X<sup>o</sup>. confectum et emanatum exhibuisset. In quo inter alia expresse reperissent contineri; quod idem dominus Andreas Rex pro multiplicium et diuersorum seruiciorum preclaris meritis quondam Domaldy Comitiss de Scibinik filij Saracheni, quondam terram nomine Chetyna et Tryl, cum omnibus suis pertinencijs, eidem comiti Domaldo et suis heredibus perpetuo dedisset et donasset, et eundem in ipsius terre possessione seu dominium per Vlricum Teutonicum et Sclouignam pristaldos suos fecisset introduci. In quorum contrarium prelibati Iwan, Lachkow et Tuerko allegassent: quod pp. (?) ipsi alia priuilegia et litteras eiusdem domini Andree Regis in facto dicte Chetene (sic), tales que pretactum priuilegium per ipsum comitem Iwan exhibitum, reuocassent et inualidassent, habuerint. Tamen idem Comes Iwan eos captiuando ipsa priuilegia et litteras manu violenti ab eisdem abstulisset, et hoc consciencie attestacioni sulummodo sex juratorum per ipsos nominandorum submitterent incunctanter; ad que idem Comes Iwan in contrarium obiecisset, quod licet ipse prefatos Iwan, Lackow et Tuerco pro ipsorum census nqn solucione et serviciij obmissione dudum detinuerit et captiuauerit, tamen nulla instrumenta et priuilegia ab ipsis abstulisset nec aliqua litteraria munimenta ipsos habuisse sciisset, uel audiuisset, sicque in totali premissa accione eorundem innocens esset penitus et immunis. Et cum eadem genitrix nostra ac dicti prelati et Barones nostri partium predictarum huiusmodi proposicionibus et obiectiuis allegacionibus perceptis et auditis viginti duos juratos pro exequendis iuribus nostris regalibus in Regno Croacie per nos deputatos, quorum assercionibus eedem partes se finaliter spontanea eorum obmiserant voluntate, in eo; vt qualis ipsis de omnibus premissis et eorum singulis veritatis constaret certitudo, eam consciencie sub prestiti iuramenti forma ipsis indagarent, requisitos habuissent, iidem viginti duo iurati, habito prius inter se diligenti scrutinio et tractato, parili voto et voce consona ipsorum nemine discrepante ad eorum fidem deo debitam et fidelitatem sacre corone nostre Regie ac nobis obseruandam, extitissent attestati: Quod idem Iwan, Lachko et Tuerko ac eorum predecessores, de nobilibus duodecim generationum regni Croacie ortum et originem non habuissent, nec haberent, sed bene verum foret, vt ipsi et vniuersitas nobilium Regni Croacie sepefatos Iwan, Lacko (sic) et Tuerko, in eo loco, quo residenciam fecissent personalem, semper numero et nomine nobilium conseruassent et reputassent. Sed quod iidem aliqua priuilegia et instrumenta in facto dicte Chetyne habuerint, vel quod ipse Comes Iwan pro ipsis Instrumentis ipsos captiuauerit et ab eisdem ipsa abstulerit, nunquam audiuisset et sciuisset, neque sciuerunt. Cum itaque dicta causa propter repentinum ipsius domine Regine matris nostre recessum de Jadra factum, nostre deliberacioni et discussioni fuisset procelata, Nos demum, Zagrabie nobis personaliter existentibus, ultra premissam dictorum Juratorum attestacionem, ex

superhabundanti affluencia de pecuniarum maiori iusticia et jure certitudinaliter edocentes; et nostrum animum experimentaliter informari cupientes, de consensu eiusdem domine Regine genitricis nostre, prefato Comiti Iwan, vna cum Gregorio filio Budizlai Comite Corbauensi et Pasman filio Petri de Karyn nobilibus et Juratis Regni Croacie, iuramentum duximus imponendum. Qui quidem Comes Iwan cum dictis duobus suis coniuratoribus, super sanctam crucem et ad sancta dei ewangelia, tactoque viuifico crucis ligno, in eo, quod ipse prefatos Iwan, Lackow et Tuerko pro dictis eorum instrumentis litteralibus non captiuauerit, nec aliqua priuilegia et instrumenta ab ipsis abstulerit, nec eciam ipsos aliqua nobilitate et hereditate in dicta Chetyne et eius pertinencijs habuisse sciuerit, neque sciat, corporale prestiterunt Sacramentum, prout per nos extiterit adiudicatum; verum quia tam ex prefatorum viginti duorum Juratorum assercionibus, quam eciam plurimorum nostrorum fidelium certis relacionibus, predictum districtum Chetyne rite et legitime ad regias manus fore deuolutum, nostreque collacioni de jure pertinere, et ipsi comiti Iwan per nos tamquam Jus nostrum Regium olim racionabiliter collatum fuisse et esse cognouimus; Ideo una cum eadem domina Regina matre nostra, nec non dictis prelati et baronibus regni nostri, ne falsitas veritati et iniquitas calumpnancium preiudicaret equitati, de eorundem domine matris nostre et prelatorum ac Baronum nostrorum consilio ... dictum districtum Chetyne cum omnibus suis vtilitatibus et vtilitatum quarumlibet integritatibus ac pertinencijs vniuersis, sub suis metis, terminis et limitationibus in eodem priuilegio domini Andree Regis per nos priuilegialiter confirmato nominatis et expressis, prefato Comiti Iwan filio Nelepuch suisque heredibus heredumque suorum successoribus adiudicamus sententiamus et per presentis Iudicii nostri sententiam appropriamus et perpetuamus sub premissis primarie collacionis nostre titulo, Iure perpetuo et irreuocabiliter possidendum, tenendum, pariter et habendum; pretitulatis vero Iwan, Lachko et Tuerko ipsorumque posteris, in facto dicte Chetyne et suarum pertinenciarum, ex nunc perpetuum silentium duximus imponendum, presentis priuilegii nostri patrocinio mediante. In cuius rei memoriam firmitatemque per presentes concessimus litteras nostras priuilegiales pendentes et autentici Sigilli nostri munimine roboratas. Datum per manus venerabilis in Christo patris domini Nicolai Archiepiscopi Strigoniensis, locique eiusdem Comitatus perpetui, aule nostre cancellarii, dilecti et fidelis nostri. Anno domini M<sup>o</sup> CCC<sup>o</sup> lx<sup>mo</sup>. Quinto, Kalendis Januarij, Regni autem nostri anno decimo nono, venerabilibus in Christo patribus et dominis eodem Nicolao Strigoniensi, Thoma Colocensi, Nicolao Jadrensi, Archiepiscopis, Ragusiensi sede vacante. Nicolao Agriensi, Demetrio Waradiensi, Dominico Transilvano, Dominico Chanadiensi electo confirmato, Colomano Jauriensi, Ladislao Wesprimiensi, Michaele Wachiensis, Stephano Zagrabiensi, Petro Bosnensi, fratribus Stephano Nitriensi, Thoma Syrmieni, Johanne Tyniniensi, Bartholomeo Traguriensi, Demetrio Nonensi, Stephano Farensi, Valentino Macarensi, Mattheo Sibinicensi, Mich. Scardonensi, Protiua Sceniensi Ecclesiarum Episcopis Ecclesias dei feliciter gubernantibus, Quinqueecclesiensi et Corbauensi sedibus uacantibus. Magnificis viris Nicolao Konth Palatino, Dyonisio Woyuoda Transsilvano, Comite Stephano Iudice Curie nostre, Iohanne Magistro Tauarnicorum nostrorum, Leustacio Sclauonie, Nicolao de Zeech Dalmacie et Croacie, Nicolao de Machow banis. Petro Zwodor pincernarum, Paulo de

**Lyskaw dapiferorum et Emerico agasonum nostrorum magistris, ac magistro Konya Comite Posoniensi, alijsque quampluribus Comitatus regni nostri tenentibus et honores.**

*Originalis membr. in Archivio Regni Croatiae. N. R. A. Fasc. 483. N. 31.*

---

## XXXIX.

*Anno 1217.*

**Andreas II. Hungariae Rex privilegia Ecclesiae Zagrabiensis confirmat, unaque monetam Regis Hungariae intra ambitum possessionum Episcopi et Capituli Zagrabiensis, licet ea nunquam in Regno Slavoniae ab aliquo Hungariae Rege introducta fuerit, extra communem usum ponit.**

Andreas Dei gratia Hungarie, Croatiae, Rame, Servie, Gallicie, Lodomerieque Rex — — — Habito Consilio Magnatum nostrorum, omnia Privilegia predictae Ecclesie (Zagrabiensis) in medio fecimus deduci, & per Cancellarium nostrum Vgolinum de verbo ad verbum coram multitudine perlegi, & cum nihil contradictione dignum poterat inveniri in eisdem, omnia privilegia nostra & predecessorum nostrorum renovando, secundum quod in eisdem singulis continetur, aureo sigillo nostro confirmamus, et etiam auctoritate nostra adjungendo, firmiter statuimus, ut de cetero nullus Banus, sive sit de regali progenie, sive de magistratibus Hungarie, presumat populos predictae ecclesie coram se aliqua occasione in Judicium trahere, aut alicujus rei occasione descendere, aut descensum petere, aut etiam marturinas, seu quancunque collectam, quocunque nomine nuncupatam exigere, sed potius firmiter injungendo Bano sive Duci pro tempore constituto precipimus, quod decimas Marturinarum omnium, seu omnium collectarum, quocunque nomine episcopo plenarie, & sine contradictione aliqua & dilatione quantum limes episcopalis contendit, persolvat, decimam etiam omnium tributorum forensium, siue decimas proventus portuum quorum sunt, si illi solvere nolluerint, cogendo eos cum gravi Judicio, ut ceteris metus in similibus incutiatur, solvere compellat. Statuimus etiam firmiter, ut Populos Ecclesie, sive sint episcopi, sive Capituli in nullo foro tributum solvere compellantur, nec etiam tributarii vel salinarii regis, causa exercende sue negotiationis contra Episcopi voluntatem, vel Officialium suorum ad aliquod forum episcopi accedere presumant & si inventi fuerint, capti in Carcere quadraginta diebus detineantur, omnes res suas, quas tunc erga se habent, amittentes. Istud specialius adiiciendo statuimus, quod licet nunquam moneta regis in regno banatus sive ducatus facta fuerit ab aliquo rege, tamen



a successoribus nostris si fieri contingat, quod non credimus, populos ecclesie tam episcopi, quam capituli mercimonia sua emendo, vel vendendo, dare non compellantur pro eadem, nec etiam monetarii ad aliquod forum episcopi causa exercendo monete accedere aliquomodo presumant, & si inventi fuerint, per quadraginta dies capti ab officialibus episcopi in carcere detineantur, omnes res, quas tunc erga se habuerint, amittendo. Hec igitur omnia predicta a Nobis & predecessoribus nostris statuta, que ab eis et a Nobis usque nunc sunt observata, sic firmiter imperpetuum a filiis & heredibus nostris volumus observari, ut in nullo excedere videantur, attentando aliquid contra Jura predicta tam a nobis, tam a fratre nostro felicis recordationis Rege Emerico, quam etiam a fundatore predictae ecclesie sanctissimo rege Ladislao, vel etiam ab aliis heredibus sive Ducibus suis concessa & collata; et si quis Banus, sive Dux, aliquid contra predicta Jura attentare presumserit, quod non credimus, si fuerit de Regali progenie, paterna maledictione incomprehensibilis amaritudinis in perpetuum percutiatur & nunquam ad coronam, quam hereditario iure habere debebat, attingere possit, sed toto tempore vite sue sit vagus & profugus, suisque se sociari non valens, sed semper aliena mendicans. Si autem fuerit de nobilibus hungarie, & citatus fuerit ab episcopo ad regis presentiam, ante quam episcopo respondeat, quinquaginta marcas fisco regio, et alias quinquaginta marcas episcopo, rege eodem fortius compellente, persolvat. Ut igitur hec omnia que a nobis, & ab omnibus predecessoribus nostris sunt collata et concessa, nostris nostrorumque successorum temporibus irrefragabiliter salva semper et inconcussa in perpetuum possint permanere, sigilli nostri videlicet auree bulle munimine fecimus roborari. Datum per manus magistri Vgolini aule regie cancellarii, anno ab incarnatione Domini millesimo ducentesimo decimo septimo. etc.

Originalinis membr. in Archivio A. Episc. Zag. — Kerčelić. Hist. Ep. Zag. p. 327. — Farlati: Illyricum Sacr. T. V. p. 358. — Fejér. Codex Dipl. T. III. p. 210.

(Idem Privilegium confirmarunt Rex Bela IV. a. 1269, Rex Stephanus a. 1272, Carolus Robertus a. 1318 et Rex Ladislaus IV. a. 1492. Originalia asservantur in Archivio Archiepiscop. Zagrab.)

## XL.

Anno 1218.

Privilegium princeps liberorum Comitum Regni Croatiae, in quo Generalium Congregationum Comitatum primo mentio fit.

In nomine sanctae Trinitatis et individuae Unitatis. Andreas Dei gratia Hungariae, Dalmatiae, Croatiae, Ramae, Serviae, Galliciae, Lodomeriaeque Rex

in perpetuum. Quamquam Regia sublimitas generosa circa universos suos fideles ministros ex innata sibi Clementia liberalis existat; ad illos tamen, quos pro suis honoribus ferventius desudasse agnoverit, dexteram suae munificentiae extendere et eos eximiarum praerogativarum honore merito tenetur illustrare. Hac igitur ratione salubriter amoniti, praesentium & futurorum notitiae clarescere per haec scripta volumus, laudabilem constantiam fidelitatis, & strenua multifaria servitiorum obsequia fidelium nostrorum Baboneg (Babonić) et Stephani Comitum de Vodicha, filiorum quondam Comitis Stephani de Gorichia, quos veriloquax praeconii fama et veritatis experientia de originali Domo et Stirpe generosa Ursinorum Romanae Urbis Senatorum propagatos testatur. Nam inter caetera eorum laudabilia servitia, quae praesentibus stili officio taediosum esset denotare, sed memoraliter nostro cordi existunt inculcata; cum nos divino monitu versus terram sanctam sepulchri nostri Salvatoris ad defendendum in Brachio potenti, salubri cum prosperitate profecti fuisset; idem Comes Stephanus, frater dicti Baboneg, non monitu nostro angariatus, quinimo clarae fidelitatis voto instinctus, ad nostrum decus, cum suis, et eiusdem fratris sui proximis familiaribusque notabilibus, satis honesto coetu & congruo armis condecoranter fulcito, equitibus ducentis & quinquaginta, pecuniarum ipsorum propriarum in expensis, per iter continuum nostro felici in aditu et reditu nobiscum procedere, diuturna quoque & nocturna temporis nostri in custodia persistere, gravesque labores sufferre, cum totali quippe animi sui fervore, claraeque sollicitudinis, et eximia fidelitatis puritate nobis adesse atque ministrare non dubitavit. Ob quorum itaque expertae fidelitatis constantiam et servitiorum praescriptorum merita, considerantes etiam ipsos de praedicta nobili Ursinorum prosapia propagatos fore, Baboneg et Stephanum fratres praedictos ipsorumque haederes ac successores universos, in praefato eorum Dominio Vodicha, quod piae memoriae quondam Henricus Rex, noster Praedecessor, de Commissione quondam divi Regis Belae patris sui, dicto quondam Comiti Stephano de Gorichia et suis haeredibus pro fidelibus servitiorum suorum meritis, ut ex tenore ipsius Henrici Regis litterarum collegimus, in perpetuum dedisse testatur; quodque Dominium nos ejus novae nostrae donationis nomine denuo, ad humillimam ipsorum supplicationem, universis etiam haeredibus et successoribus eorum perenniter dantes atque donantes confirmamus, nec non insuper et in caeteris possessionibus quibusvis per ipsos vel eorum haeredes et posteritates acquisitis atque acquirendis, aequo et justo more, auctoritate plena ac potestate nostra Regia, Solium Regale considentes, Prelatis atque Baronibus et Proceribus erga nos existentibus ipsis annuentibus ac eorum de maturo consilio, facimus atque creamus, fecimusque & creavimus, tituli veri illibati et eximii Comites liberos; taliter et adeo, eoque modo, ut ipsi in perpetuum rato ordinationis et institutionis ac creationis nostrae prenotatae vigore mediantes possint atque valeant liberaliter uti, frui atque solemniter gaudere, singulis atque universis ritibus, immunitatibus, generosaque conditionis proceritate, nec non quarumvis libertatum majorum et minorum, generalium et praecipuarum, eximiarumque, praerogativis atque gratis, quibus praecipue caeteri quidpiam veri, eximii ac liberi Comites Regni nostri, aut in aliis quibuscunque Regionibus constituti, uti atque gaudere dignoscuntur. Praesertimque insuper etiam eidem Baboneg et Stephano, et cunctis ipsorum haeredibus, hanc de plenitudine

Regalis clementiae gratiam perpetuo duximus largiendam, ut a Judicio & Jurisdictione Ducis Sclavoniae atque Bani, et quorumvis aliorum Judicum Regni nostri et Justitiariorum, praeter solummodo Regiae Majestatis, prorsus exempti et segregati habeantur, nec eosdem Judicio suo astare. Praeterea ut nec ipse Dux vel Banus, nec etiam Officiales quipiam nostri, vel ipsorum, collectas mardurinales, quas ipsis in resarcitionem et recompensam praefatarum eorum pecuniarum, ad honorem nostrum expositarum, perpetuo damus, in dicto comitatu ipsorum et Dominio taxare exigique et recipi debeant neque possint quovis modo. Ceterum etenim quid iisdem Dux seu Banus, aut ceteri quipiam Regni nostri Praelati, Barones et Justitiiarii, ne per eosdem hujusmodi libertatum praerogativa per nos eis gratiose in aevum facta videantur in aliquo eorum casu eis praejudicium generari, in eisdem Comitatu, Dominio et Possessionibus dictorum Baboneg, Stephani et haeredum ipsorum descendere, ac in eisdem generales congregationes celebrare, ullo temporis futuri in processu, quoquomodo debeant nec praesumant. Quae singula per vos, Ducem et Banum Sclavoniae, ac Praelatos et Barones, nec non officiales Regios atque vestros quoslibet, pro tempore habituros, edicto firmo regii mandati praecipientes mandamus inviolabiliter observare, custodire, atque observari facere in perpetuum. Ut igitur praescripti liberi Comitatus creationis, nec non praerogativarum gratia, per omnia successorum nostrorum tempora salva semper permaneant et inconcussa, nec per quempiam in irritum valeant retractari, in perpetuam firmitatem earum, praesentem concessimus paginam sigilli nostri munimine roboratam. Datum per manus magistri Ugrini aulae nostrae Cancellarii, anno ab Incarnatione ejusdem Salvatoris nostri M.CCXVIII. Venerabili Joanne Strigoniensi, Reverendo Bertholdo Colocensi, Archiepiscopis existentibus. Calano Quinqueecclesiarum, Desiderio Chonadiensi, Wilhelmo Vltrasilvaniensi, Simone Waradiensi, Roberto Besprimiensi, Jacobo Wachiensis, Petro Geuriensi, Stephano Zagradiensi, Thoma Agriensi, Episcopis, Ecclesias feliciter gubernantibus. Jula Palatino, Bankone Bano, Dionysio Magistro Thavernicorum et Comite novi Castri, Ropoin Waywoda, Ochus Comite Curiae Reginae, caeterisque Comitibus Comitatus habentibus. Regni nostri anno Quarto decimo.

Walvasor. Ehre des Herzogthums Krain. Bd. XII. pag. 37. — Fejér. Codex Diplomaticus Regni Hungariae. T. III. pag. 245.

## XLI.

*Anno 1224. 9. Kal. Jauarii.*

Bela Rex junior, Croatiam et Dalmatiam auctoritate Regia gubernat, hocque nomine Jobbagionibus de Gorica terram Klokoč in confinio Banali sitam, donat.

In nomine sanctae Trinitatis et individuae unitatis. Bela Dei gratia rex, primogenitus regis Vngariae, vniversis, praesentem paginam inspecturis, salutem

(Pars I. Privil. et Libert.)

et gratiam. Dignum est et omni ratione consentaneum, ut hi, qui Principibus pro tempore exhibent obsequium, sui laboris praemio non fraudentur; praecipue, ut alii eorum exemplo ad indefessae fidelitatis constantiam animentur, quos sui laboris praemia viderint assecutos. Hinc est, quod Radus et fratres eius de Klokoche: Zorian, Vezt, et fratrem ejus uterinum Damianum, cum fratribus suis, Zladech cum fratribus suis, Wrancu cum fratribus suis, Blaz cum fratribus suis, Fridrich cum fratribus suis, Dobrogozt cum fratribus suis, Wlchan cum fratribus suis, qui de filiis Jobagionum sancti regis de Goricza oriundi fuerant, ob fidelitatis suae meritum, qua Patri nostro et nobis servierunt, tanta donauimus praerogativa libertatis, ut tam ipsi, quam ab eis in perpetuum descendentes, de domo et familia nostra de cetero censeantur. Quibus etiam terram de Klokoche perpetua donauimus libertate. Itaque de cetero ad jam dictum castrum nullum habeant respectum (subiectionis). Terra autem eorum his metis distinguitur. Prima meta est inter Gorizam et Gay; quae ab incolis dicitur Glaue. Inde per viam tendit ad campum, qui appellatur Berzopolye; inde vadit super caput fontis Illaibez, et venit ad caput rivi, qui vocatur Knesepotok, et per eundem rivum descendit in rivum dictum Koranna; per quem descendit ad pedem montis, qui dicitur Ozlyche. Inde ascendit per cacumen eiusdem montis, et descendit in rivum dictum Iwanpotok. Inde per viam tendit ad campum, qui vocatur Chittepolye (Kerč. Chiltepolye. = Čistopolje?), et venit ad dumum, qui dicitur Velike greche; inde tendit per viam, et transit Glujam per ponticulum, et venit ad caput rivi Pestenoga. Inde vadit per viam, et venit ad locum, qui dicitur Potochysche, ubi antiquitus fuit ecclesia. Abhinc tendit ad montem, qui dicitur Kerker (vel Kecker), et inde venit ad montem, qui vocatur Vtokaverch; inde venit ad locum, ubi rivus Tolstipotok cadit in Coraniza, et transit et ascendit in montem, qui appellatur Sucho. Deinde venit ad rivulum, qui dicitur Gerstina, et transit et venit ad salicem super Glinam, quam transit, et venit supra caput rivi, qui dicitur Skopchno, et tendit ad viam, quae venit de Seyne (Segnia); et per dictam viam venit super sylvam, quae dicitur Krote (vel Keote) Buchovia, et per eandem viam redit ad primam metam, quae vocatur Glave. Porro hospites, quos praedicti liberi homines habuerint infra metas praescriptas, decem denarios debent annuatim persolvere pro marturinis. Vnde quilibet de praefatis liberis hominibus tertiam partem marturinarum habet de suis hominibus, duae vero partes marturinarum totius terrae illius, quae ad jus nostrum pertinebant, Radus et haeredibus eius dedimus in perpetuum pro fidelitate et multimodis servitiis Patri nostro et nobis ab eo collatis. Quoties vero necesse fuerit, in exercitu nostro, quindecim loricatos, et centum pedites vernaculos expeditos habebunt. Vt igitur regni nostri consuetudo exigebat, dictam terram et libertates praetextatas saepe dictis liberis hominibus de Klokoche per Prestaldum nostrum Petrum filium Jorche de Zagrabiā fecimus assignari. Vt autem tam nostra concessio, quam nostrae confirmationis series cum libertate a nobis concessa, perfectae robur obtineat firmitatis, praesenti pagina in notitiam deduci posteriorum et Regiae auctoritatis Sigillo iussimus roborari. Datū vero testes sunt; vt factum praesens ampliori robore fulciatur: Chak Comes Budrugensis, Allader (Fejér. Alexander) Magister, Martinus Banus, Bachia Comes Zagrabiensis, Andreas Magister. Hujus autem terrae indigenae, Guncellinus Archiepiscopus Spalatensis, Martinus Episcopus Corbauiensis, Michus Episcopus

**Tinniensis, Herebertus Abbas Toppliae, Boncelaus Comes Gorizensis, et alii, quorum recitacio fastidium generaret. Datum est hoc privilegium per manus Mathiae Praepositi Zagrabiensis, tunc tempore Aulae regiae Cancellarii, anno ab Incarnatione Domini MCCXXIV. IX. Kalend. Ianuarias.**

*Kerchelich. Notitiae praelim. pag. 190. sq. — Katona exhibuit non integrum. Tom. V. p. 435. sq. — Fejér. Codex Dipl. R. H. Vol. III. p. 445 et 466.*

## XLII.

*Anno 1225.*

**Bela Rex, primogenitus Andreae R. H., Turopoljensium stipites e servitio castri Zagrabiensis in coetum Nobilium Regionum cum plena libertate transfert.**

In nomine Sancte Trinitatis et indiuidue Vnitatis. Bela, Dei gratia Hungarie, Dalmacie, Croacie, Gallicie, Rame, Seruie, Lodomerieque Rex, primogenitus Regis Andree, et rex in perpetuum. Cum a primo rerum exordio libertatis omnium equalis fuerit condicio, diuina consulit pietas, in id ipsum regia debet annuere benignitas, vt, pro quibus merita efficaciter interpellare iudicantur, ad pristinum libertatis aera (sic) restituendi fore censeantur. Cum ergo gloriosa res sit libertas, nullo nobilius remuneratur deuote seruientium libertas, quam eo, quod per fauorabilem donationem ad altiora prouehatur per gratiam, quod non habet per corrupte carnis naturam. Considerantes igitur multitudinem seruitorum Budune et fratrum suorum Iwan scilicet et Lewcha, nec non et cognatorum suorum videlicet: Georgii, Iwan filii Ladislai, Birbizlai, Nicolai, Dobche, Miluani, Rodus, Tele, Roscue, et aliorum iuxta eiusdem generationis lineam descendentium, ab obligatoria seruitute castri Zagrabiensis eximentes, liberati inferioris officii vinculo gaudeant, et honesta societate seruientium regis, et concessae libertatis nobilitas in totam successionis eius prosperitatem transfundatur; introducti in participium regalis domus glorienter de libertatis munere, quod adepti sunt fidelitatis deuotione. Verum quia prolixitas temporum sua frequenti reuolutione fragilem memoriam hominum superinducendo consuevit frequentius eneruare, ea, quae per nos prouida circumspectione geruntur, scripture, que mater memorie dicitur, decreuimus mancipanda. Vt autem hec nostra concessio robur obtineat firmitatis, ac in perpetuum perseueret irretractabilis, presentem paginam sigilli nostri munimine fecimus roborari. Datum per manus Mathie Praepositi Zagrabiensis, tunc temporis aule nostre Cancellarii. Anno gratie MCCXXV. Venerabili Vgrino Archiepiscopo Colocensi existente, et Cathedra Strigoniensi vacante. Rudberto Wesprimiensi, Stephano Zagrabiensi, Episcopis existentibus; Alader totius Sclauo-

nie, Wonic de maritimis Banis existentibus, Chak Budrugien., Qonith Bacion., Iula ferrei castri, Comitibus existentibus. Pausa Tauernicorum, Andrea Dapiferorum, Bogomiro Pincernarum, Iwan Agazonum tenentibus magistratum.

Fejér. Codex Dipl. Regni Hung. T. III. v. II. p. 481.

*(Confirmatae sunt Turopoljensium libertates a Bela IV. R. H. a 1255, a Stephano V. anno 1272, a Ladislao Chuno a. 1278, a Sigismundo a. 1456, demum ab Vladislao II. a. 1514.)*

### XLIII.

*Anno 1226. Kal. Augusti. Spalati.*

**Colomanus, totius Slavoniae Dux, Traguriensi Ecclesiae in Dalmatia praedium regale Drid regali donatione confert.**

In nomine Sancte et indiuidue Trinitatis. Iustis postulantium desideriis equum est regiam condescendere maiestatem, et vt ecclesiarum penuria regiis facultatibus subleuetur, a tramite non deuiare equitatis. Quum itaque nos Colomanus, Dei gratia Ruthenorum Rex, et largitate gloriosi patris nostri Andree, Hungarorum Regis, Dux Dalmatie atque Croatiae, ad partes descendissemus maritimas, venerabilis vir, et idem fidelis noster Treguanus, episcopus Traguriensis, a sublimitatis nostre culmine suppliciter postulauit, vt ob salutem anime nostre, et ob requiem anime carissime quondam nostre matris Gertrudis Regine, locum, qui dicitur Drid, Ecclesie Traguriensi eleemosyne intuitu largiremur. Cuius postulationi grato concurrentes assensu, tum in salutem nostram, tum in requiem anime gloriose dicte nostre matris ipsum locum prenominatum, scilicet Drid, cum omnibus suis pertinenciis, et pascuis, sibi adiacentibus, montibus, vallibus, et terris vniuersis, que laborari possunt, ad eundem locum spectantibus, regali donatione in eleemosynam perpetue possessionis dicte Traguriensi ecclesie, et episcopo memorato, et eius catholicis successoribus concedimus, largimur, et donamus; reducentes in irritum omnem actionem, omnemque iurisdictionem, quam Vlcinna, Tragurii quondam Comes, in eum locum, ex commissione gloriosi patris nostri Henrici, quondam regis Hungarie, vel Petrus de Chelmo, ex concessione fratris nostri Bele, seu alii quicunque ibidem dignoscuntur habuisse. Praedium autem ipsum iste mete ab aliis locis diuidunt et distinguunt. Ab oriente maria, ab occidente Stelpona, ab aquilone terre Tragurii, que Mezlime appellantur; ab austro vero terre Monasterii Traguriensis terminant eundem locum. Ac ne huius nostre donationis eleemosyna retractari valeat in posterum vel resolui, sicut superiorem actionem et iurisdictionem personarum, ita et omnium priuilegiarum omniumque scripturarum vires contra hoc vndecunque apparentium exstinguimus,

et in perpetuum eneruamus; ita vt nullius aduersarii voci contra presens priuilegium audientia tribuatur. Hanc donationem per exequutorem nostrum, Stephanum Comitem, Episcopo et Ecclesie memorate contulimus, et presentis priuilegii caractere fecimus communiri; statuentes, vt nulli omnino hominum liceat hanc paginam nostre donationis et confirmationis infringere, vel ei ausu temerario contraire. Contra quam si quis ausu temerario contraire presumserit, triginta libras auri pena multetur; viginti quarum fisco regio exoluantur, decem vero ad vsum ecclesie deuoluantur, cui noscitur iniuria irrogata, et post hoc presens priuilegium in sui roboris permaneat firmitate. Acta sunt hec in presentia horum testium: Gunzello, Archiepiscopo Spalatensi; Michusso, Episcopo Tiniensi; Nicolao Episcopo Scardonensi; Valeginno Bano; Solomone Dimico Comite; Ioanne Comite; Vlch Comite; Paulo Comite; Vidislao Comite; Gregorio Comite de Breberio. Datum Spalati in Archiepiscopali palatio, per manus magistri Barnabe, aule regie Cancellarii, dominice Incarnationis MCCXXVI. XIV. indict. die Kalendaras Augusti.

Farlati. Illyr. Sacr. T. IV. p. 337. — Katona Tom. V. p. 489 sq. — Huius Colomanni in Dalmatiam adventus meminit etiam Thomas Archidiaconus, dicens: „Post haec vero Colomannus, filius Andreae Regis, dux Sclauoniae, cum magno Principum Comitatu ad mare descendit; et a Spalatensibus multum honorifice susceptus.“ Historia Salonit. Cap. XXI. p. 584. — Fejér. Cod. Dipl. R. H. T. III. p. 90.

## XLIV.

*Anno 1231. die 9. Julii.*

Amica inter Templarios in Dalmatia et Croatia et Colomanum Slavoniae Ducem diversarum litium compositio a Pontifice Romano Gregorio IX. rati habetur.

Gregorius Episcopus etc. Dilectis filiis Militie Templi de Ungaria salutem etc. Ea que iudicio vel concordia terminantur, firma debent et illibata consistere, et ne in recidive contentionis scrupulum relabantur, apostolico convenit presidio communiri. Eapropter, dilecti in domino filii, vestris iustis postulationibus grato concurrentes assensu, compositionem, que inter vos ex parte una, et Carissimum in Christo filium nostrum Colomanum Regem Ruthenorum illustrem ex altera, super quibusdam villis, domibus, possessionibus, animalibus et rebus aliis, quibus ab ipso vos causabamini contra iustitiam spoliatos, amicabiliter intervenit, prout in eiusdem Regis litteris plenius continetur, sicut rite sine pravitae provide facta est, et ab utraque parte sponte recepta et hactenus pacifice observata, auctoritate apostolica confirmamus, et presentis scripti patrocinio communimus. Ad maiorem autem rei evidentiam, tenorem litterarum ipsarum de

verbo ad verbum presentibus duximus inserendam. Qui est talis. In nomine sancte Trinitatis et individue unitatis. Colomanus dei gratia Ruthenorum Rex et Sclavonie Dux, Universis tam presentibus, quam posteris presentes litteras inspecturis salutem et omne bonum. Licet omnibus fidei christiane cultoribus celsitudo Regia subvenire teneatur, hiis potissimum opera misericordie propensiori cura debet impendere, qui et crucem salutiferam ac sepulchrum dominicum contra cotidianum paganorum impetum proprii sanguinis effusione laudabiliter ac devote confovere, pariterque protegere dinoscuntur. Fratrum igitur Militie Templi religiosam devotionem et assiduos labores, quos ab hostibus crucis Christi incessanter perferunt, considerantes, dignum et necessarium duximus omnes Templarios, qui infra Ducatum nostrum Sclavonie sunt, terminos tam in Dalmatia quam in Croatia, et omnia eorundem bona mobilia et immobilia ubique contra quemlibet hominem protegere, ut proposita sue devotionis regali gratia et virtute securi, tranquilla pace Regi Christi deserviant. Auctoritate nostra constituimus, ut nullus Dux, nullus Banus, nullus Comes vel Baiulus, nec aliquis alius in Ducatu nostro Sclavonie descensum, vel aliquod tributum, vel collectam, vel liberos denarios sive marturinas, vel denarios ponderis, vel hominum computum, vel exactionem aliquam sive aliquod onus cuiusquam publice functionis, quocumque nomine censeatur, a predictis fratribus vel eorum hominibus, sive yobagionibus super terram ipsorum commorantibus, pro quibuslibet rebus presumat exigere. Et quia nichilominus nostri est negotii, salubria predecessorum nostrorum instituta approbare atque defendere, omnia illa que a predecessorum nostrorum Regum Hungarie, sive Ducum Sclavonie munificentia prefate Militie Templi collata sunt, in perpetuum presentis scripti patrocinio confirmamus, et etiam communimus. Noscat iterum tam presens universitas quam futura, quod cum viri religiosi . . . Magister et fratres Domus Militie Templi per Ungariam et Sclavoniam constitute ad nos litteras apostolicas detulissent, per quas nobis a domino papa precipiendo mandabatur, monitione premissa, ut possessiones universas, quas ab ipsis receperamus, et de quibus ipsos minus iuste spoliaveramus redderemus universas, de dampnis illatis et irrogatis iniuriis tam a nobis, quam a subditis nostris satisfactionem condignam exhibendo. Ceterum cum iidem fratres ex parte alia litteras super hoc executorias auctoritate apostolica ad venerabiles patres, V. dei gratia Colocensem Archiepiscopum, B. Quinqueecclesiensem et S. Zagrabiensem Episcopos obtinerent, qui nos ad premissas possessiones oblatas restituendas per censuram ecclesiasticam cohercerent, quod ex instrumentis dictorum executorum ad nos directis extitit liquido manifestum: Nos pacem litibus preponere cupientes, et mandatis apostolicis, quantum possimus. ut tenemur, diligenter in omnibus obedire; preterea personas ecclesiasticas cum omnibus bonis suis, religiosas maxime, que se carnis concupiscentiis ac voluptatibus crucifigentes abdicarunt, prout Regiam decet excellentiam, protegere nec ipsas indebite molestare; multis indutiis a nobis super restitutione predictarum possessionum ab ipsis fratribus requisitis et obtentis, tandem deliberato cum Jobagionibus nostris consilio, dictis fratribus possessiones ablatas in integrum restitui decrevimus, ac restituimus universas, isto quidem tenore subiuncto, quod dicti Magister et fratres obligaverunt se nomine suo, ac suorum nomine successorum et domum suam, et insuper concesserunt, quod de dampnis illatis et irrogatis sibi iniuriis occasione rerum ac possessionum, de quibus a nobis fuerant minus



iusto spoliati, nichil omnino repetent a nobis, nec a nostris subditis aut ballivis; sed penitus condonantes remiserunt sub hac forma: Videlicet quod nos de cetero dictis fratribus, vel eorum Jobagionibus ac hominibus super terram ipsorum degentibus aut morantibus, nullas inferamus iniurias vel iactaras, nec a nostris subditis permitamus irrogari. Ceterum ad maiorem hujus rei constantiam et observantiam habendam firmiorem, obligamus nos spontaneo nomine, nostrorumque pariter nomine successorum, quod libertates ac immunitates concessas eisdem fratribus, tam a nobis, quam a predecessoribus nostris Regibus Ungarie seu Ducibus Sclavonie, iuxta suorum tenorem privilegiorum ac indulgentiarum seu confirmationum sancte Romane ecclesie et sacrosancte sedis apostolice obtentorum, firmas, stabiles et illibatas perpetuo teneamur in omnibus conservare, tam super descensibus, quam super aliis universis exactionibus suprascriptis, que nostro dominio possent ad usum nostrum et fiscum Regium provenire. Confitemur etiam, quod nichil harum, que prescripte sunt, exactionum habemus in ipsos fratres, vel super terram ipsorum recipiendi vel exerendi potestatem, quia potius a premissis omnibus tam ipsi fratres, quam eorum homines liberi sunt penitus ac immunes. Promittimus insuper bona fide in verbo Regie veritatis et constantie pro nobis ac successoribus nostris, tenori privilegiorum dictorum fratrum in nullo de cetero contraire, nec ipsos aut ipsorum homines per nos, aut per subditos nostros quoscunque permittemus casu quolibet molestare: sed terras ac possessiones, quas habent ex donatione predecessorum nostrorum in nostro dominio, de quibus extiterunt hactenus spoliati violenter, prout in ipsorum privilegiis continetur, plenarie restitui faciemus. Verum si, quod absit, per hostis humani generis fraudulentam nequitiam casu quolibet contingente proveniret, quod nos sepe dictis fratribus, vel eorum hominibus dampna vel iniurias aliquas personaliter inferremus, vel a nostris subditis permitteremus, et contingeret irrogari eorum libertates infringendo, vel contra ipsorum privilegia temerarie venire presumendo, et super hoc requisiti a Magistro sive fratrum suorum quolibet, iustitiam plenariam et maturam sine mora, dispendio vel dilatione qualibet nollemus condignam eisdem exhibere; Nos predictis fratribus dampna et iniurias eisdem vel eorum hominibus a nobis, vel a nostris subditis recenter illatas, nec non et dampna que prius habuerunt ac sustinuerunt ratione possessionum et terrarum, quas ab ipsis prius, sicut dictum est receperamus, que dampna remissa fuerant nobis ac subditis nostris, nos de bona voluntate nostra ac beneplacito nostro plenam ac liberam concedimus repetendi ac requirendi facultatem, tam a nobis, quam a subditis nostris, coram venerabili patre . . . Dei gratia Quinqueecclesiensi Episcopo quicumque pro tempore fuerit substitutus, eo iure et integritate, nec non et eadem auctoritate, quam prius obtinebat cum collegis suis per autenticum a domino papa delegatum, ita duntaxat, quod prefatus Quinqueecclesiensis Episcopus nos ac subditos nostros ad satisfactionem condignam ac restitutionem tam possessionum quam dampnorum prius vel posterius habitorum per censuram ecclesiasticam valeat compellendo cohercere. Ad maiorem quoque rei huius roboris firmitatem obligamus nos et successores nostros ad observationem omnium prescriptorum, supponentes nos ac successores nostros obligantes spontanea voluntate iurisdictioni dicti venerabilis patris . . . Dei gratia Quinqueecclesiensis Episcopi, quicumque pro tempore fuerit in posterum substitutus, quod ipse Episcopus per censuram ecclesiasticam in eadem forma, que sibi ac collegis suis exe-

cutoribus a domino papa fuerat commissa, nos ac subditos nostros compellat ad observationem firmam et stabilem omnium predictorum. Ut igitur hec inter nos et . . . Magistrum ac fratres domus Templi firmata pacis compositio, ac eisdem concessa libertatis donatio stabilitate perpetua irrevocabiliter perseveret, nec aliquibus successorum nostrorum temporibus valeat irritari, presenti eam pagina in notitiam deduci posterorum, et sigili nostri Regia facimus impressionis imagine communiri. Datum per manum Pascasii Agriensis Prepositi et aule nostre Cancellarii. Anno dominice Incarnationis MCCXXXI. Nulli ergo etc. nostre confirmationis infringere etc. Si quis autem etc. Datum Reate VIII. Idus Iulii Pontificatus Nostri Anno Quinto.

Ex Reg. orig. An. V. ep. 94. — Theiner. Monumenta vetera Hung. Romae 1859. T. I. p. 97.

---

## XLV.

*Anno 1231.*

Colomanus, totius Slavoniae Dux, hospitibus ad castellum Walkow in inferiori Slavonia incolentibus immunitates quasdam regia potestate confert.

Colomanus, Dei gratia rex et dux totius Sclavoniae, salutem et omne bonum. Ne ea, quae aguntur, in tempore labantur cum eodem, prudentum stabilivit providentia, litterarum testimonio roborari. Ad universorum igitur volumus pervenire notitiam, quod nos Hospitibus juxta Castrum Walkow commorantibus, videlicet Teutonicis, Saxonibus, Hungaris et Sclavis, consilio et consensu omnium Jobagionum nostrorum, libertatem talem constituimus, ut omnem causam inter ipsos ortam, praeter effusionem sanguinis, major villae eorundem, quem ipsimet exposuerint, iudicare tenetur. Effusionem tamen sanguinis non per se, sed per Janitorem Castri possit iudicare, cum quo iudicium habeat commune. Statuimus etiam, quod de qualibet porta annuatim dimidium fertonem, transactis in novitate tribus annis dare teneantur; ita tamen, quod in festo S. Georgii tria pondera, in secundo festo S. Martini tria pondera persolverent. Statutum est eisdem, quod si quis sine heredibus ex ipsis decedere contigerit, pecuniam suam cuicunque vellet, possit disponere. Statuentes etiam eisdem: quod nullus absque serie iudicii de villa eorum ligatum aut vinctum possit quempiam extrahere. Et insuper ne aliquo indigeant, terram castri ejusdem nomine T. ad habitandum dandam ipsis contulimus integraliter, cum sylva terrae ejusdem nomine T. de qua domos extruendas, et curias praeparandas, liberum eis permisimus arbitrium; quibus etiam Danubium et fluvium Walkow piscandos libere permisimus. Statuimus etiam eisdem, quod si quis vult, libere veniat et libere, cum voluerit, omnibus rebus venditis et domibus recedat. Et ut haec talis a nobis facta dispositio in-

irritum non possit revocari, consilio et consensu Jobagionum nostrorum praesentem sigilli nostri munimine jussimus confirmari; super addentes eisdem, quod nulla causa inter ipsos ad certamen duelli debet pervenire. Istis tamen Jobagionibus praesentibus: Julia Bano, filioque eiusdem altero Julia magistro Tavernicorum nostrorum, Nicolao de Zala, Opoi de Simig, Petro de Walkcw, Georgio de Barana, Comitatus tenentibus, et aliis quam plurimis. Datum per manus Magistri File Nostri Notarii ab incarnatione Domini anno MCCXXXI.

Ex Collect. Kaprainiana in 4. seu B. Tom. II. p. 7—8. — Fejér. Cod. Dipl. Reg. Hung. T. III. v. II. p. 237.

## XLVI.

Anno 1232.

Colomanus, totius Slavoniae Dux, ab Andrea fratre in Regno suo Slavoniae armis petitus, Jobagyonibus castri Roicha (Rovišće?), ob eximiam ea occasione demonstratam fidem, terram Konjska regia potestate donat.

Colomanus, Dei gratia rex Ruthenorum et dux totius Sclavoniae, omnibus scriptum inspecturis salutem ac omne bonum. Provida regum discretio tam circumspectam erga se semper per subiectos debet habere diligentiam, ut quanto quis de fidelibus famulatur, tanto propensius munificentiae suae donis remunerandus fore censeatur. Cognoscat igitur tam praesens universitas quam futura, quodcumque Dragan, Draguch, filius ejus adolescens, jobagiones castri nostri de Roicha, nobis fidelem fructum, cum effusione sanguinum, eo tempore, quum frater noster dux Andreas, a quibusdam vesano ductus consilio, in regnum nostrum, videlicet Sclavoniae, violenter irruisset, exhibuissent; in recompensationem tot et tantorum laudabilium meritorum et commendabilium tam ipsis, quam suis heredibus heredumque suecessoribus, quamdam terram, Konzka vocatam, in Comitatu de Roicha existentem, dedimus, contulimus et donavimus iure perpetuo possidendam; ipsisque praesentem paginam sigilli nostri munimine roborando, consensu et consilio omnium jobbagionum nostrorum simul habito et desiderato, Juliae bani videlicet; Juliae magistri Tavernicorum; Demetrii magistri dapiferorum; Nicolai Comititis de Zala; Opoy Comititis de Symigio; Petri Comititis de Wlkov, Georgii Comititis de Barana, dare consensimus ac concessimus. Datum per manus Farcasii, aulae regiae cancellarii, et Egrensis Praepositi. Anno ab incarnat. Dom. MCCXXXII.

Fejér. Codex Dipl. Regni Hungariae. T. III. vol. II. p. 286.

**XLVII.***Anno 1233. die 22. Septembris.*

**Colomanus, totius Slavoniae Dux, conditiones initae inter Regem Hungariae et Pontificis Legatum conventionis, se quoque servaturum promittit et iuramento roborat.**

Nos Colomanns Dei gracia Rex et dux tocius Sclavonie, omnibus presentes litteras inspecturis facimus manifestum, nos vidisse et habuisse litteras sigillo domini A. Illustris Regis Ungarie patris nostri, et notasse capitula singula diligenter super compositione habita inter venerabilem patrem Jacobum Prenestrinum Electum, apostolice sedis legatum, ex una parte, et predictum dominum Andream Regem ex altera, super negociis ecclesiarum Ungarie et aliis, et tenore presencium promittimus et iuramus, quod omnia et singula in compositionem predictam deducta, que nos tangunt, et de cetero tangunt, observabimus, nunc et in futurum: et ad ea, que tangunt vel tangunt Regem Ungarie, dabimus rogando et consulendo operam, quod Rex, qui est et quicumque pro tempore fuerit et omnia capitula et singula debeat observare. In cuius rei testimonium presentes litteras, ad petitionem dicti legati, Sigillo nostro fecimus communiri.

Theiner. Mon. Vet. Hung. P. I. p. 119.

**XLVIII.***Anno 1234.*

**Colomanus Dux villae Verevče (Verovitica) Regia potestate libertates et jura concedit.**

Colomanus, Dei gracia Rex et Dux tocius Sclauonie, vniuersis presens scriptum inspecturis Salutem et omne bonum. Que aguntur in tempore ne labantur cum eodem, prudencium stabiliunt ea litterarum testimonio roborare. Noscatur igitur tam presens vniuersitas quam futura: quod nos hospitibus nostris de magna villa Wereuche, tam ad presens existentibus quam superuenientibus talem constituimus libertatem: vt et libere uenire possint cum omnibus pecunijs suis,

et recedere quo uoluerint absque diminutione omnium rerum suarum, tam domibus suis venditis, quam alijs suis necessarijs. Preterea concessimus iisdem, quod si quis sine herede decesserit ex ipsis, possit libere pecuniam suam et omnia quaecunque habuerit cuicunque voluerit, siue cognatis suis, siue pro remedio anime..... Item constituimus eis, quod nobis de qualibet porta quatuor pondera persolvere cum statera loci teneantur, siue plurime sint posite mansiones in vna curia. Preterea constituimus quod nullus Iudex in causis eorum ipsos possit iudicare, nisi solummodo villicus eorum pro tempore constitutus, cum ciuibus ville eiusdem cum Iuratis, qui quidem coniurati ad facienda Iudicia fuerint computati (compuocati) seu destinati. Preterea statuimus eis iuxta libertatem ipsorum, ut in maiorem ville vnum ex ipsis quem voluerint eligant, et nos confirmamus, relinquentes hoc in voluntate ipsorum, ut annuatim probato termine (sic) maioris ville eorum deponere possint. Statuimus etiam eisdem, ut tributum in nullo loco dare teneantur extraneo. Item constituimus eis concedentes, quod neque equos, neque curus, qui *p o w o z* vocantur, nec legaciones deferre, nec victualia aliqua, nisi vna die pro munere, nec victualia Bani, que *Zalusina* vocantur, dare teneantur. Et ut hec talis a nobis concessa libertas non possit reuocari, consensu et consilio omnium Iobagionum nostrorum, videlicet Iule Bani filioque eiusdem Iule magistri Thauarnicorum, Nicolai Comitis de Zala, Opoy Comitis de Symigio, Georgij Comitis de Wolko et aliorum, literas nostras sigilli nostri munimine roboratas dare concessimus. Datum anno ab Incarnatione Domini Milesimo CC<sup>o</sup> tricesimo quarto.

Originalis membr. in Archivio Regni Croatiae. N. R. A. Fasc. 590. N. 19.

## XLIX.

Anno 1239.

Potestas Ducis Slavoniae ad Comitatum etiam Valkoviensem extenditur, atque apparet, eundem Comitatum secundum consuetudinem regni Slavoniae decimas marturinarum pendere debuisse.

Nos Bartholomeus, D. gr. Quinqueecclesiensis Episcopus, totumque ejusdem loci Capitulum, omnibus praesens Scriptum cernentibus, salutem in Domino. Quum omnium habere notitiam atque memoriam et in nullo penitus dubitare, potius sit Divinitatis, quam humanitatis; hinc est, quod priorum, posteriorumque per praesens Scriptum transmittimus notitiae, quod, quum controversia inter excellentissimum dominum nostrum Colomannum Regem et totius Slavoniae ducem;

ex una parte, et magistrum domus templi in Hungaria et Sclavonia, dudum iam verteretur, super medietate terrae de Licenissa in Comitatu de Possega, et pro terra de Maladin in Comitatu de Dobicha (Dubica); ad pacem inter ipsos re-formandam et ad majus malum euitandum, de consensu totius supradicti nostri capituli, pro decimis marturinarum totius comitatus de Volco, et de Kraigna (Krajina) a supradicto domino nostro Colomano Rege in concambium nobis traditis integraliter, decimas nostras de Licenissa et de Nessicha (Našice) dictae domui templi dedimus permutandas, et in perpetuum concessimus pacifice possidendas. Si autem in supradictis terris de Licenissa et de Nessicha auri vel argenti Fodina reperta fuerit; decimae proventuum auri vel argenti de parte saepe dictae domus templi, ad nos vel ad successores nostros integraliter devolvantur; et utrum de parte domini regis apud ipsum intercedere velimus, nostrae relinquimus voluntati. Et ne super hoc apud hujus concambii ignaros in posterum possit orriri dubietas; praesentem paginam nostrorum Sigillorum munimine praefatae domui templi concessimus roboratam. Datum Quinque Ecclesiis mense Majo, Anno Gratiae MCCXXXIX. Farcasio Praeposito S. Petri existente, et Helia praeposito S. Johannis, M. Thoma Lectore S. Petri, Jurcone Cantore, Theodoro Custode, magistro Cancellario Archidiacono Marchia, Tulpino Archidiacono de Tolna et magistro Desiderio Archidiacono de Kraigna tum existentibus.

**Ex** authographo, asservato Quinqueecclesiis. Koller. Epp. Quinqueecl. T. II. p. 112. — Katona H. G. Tom. IV. pag. 875. — Fejér. Codex Dipl. Reg. Hung. T. IV. vol. I. p. 172.

## L.

*Anno 1240.*

**Colomanus, Slavoniae Dux, comunitati Petriensi in confinio Banali sitae potestate regia libertates et jura confert.**

Colomanus dei gracia rex Ruthenorum et dux tocius Sclauonie omnibus Christi fidelibus, ad quos presens scriptum peruenerit, salutem in eo qui dat salutem regibus. Cum de beneuolencia ac de predestinacione summi regis ad hoc sumus preordinati, ut singulis in iurisdiccione nostra constitutis simus secundum apostolum in iusticia debitores, propensius et specialius hospitibus, qui nostrum sibi senserint subsidium profuturum, debite uolumus iusticie exercere complementum. Hinc est, quod nos tam presencium quam futurorum uolumus noticie declarare, quod hospitibus nostris in Petrina commorantibus, talem hoc modo concessimus libertatem: ut ipsos nullus iudicum nostrorum preter maiorem ville eorum,

quem voluntarie elegerint, audeat iudicare, et si ab ipsorum iudice conquerentibus satisfieri non poterit iudex eorum in nostram presenciam et non alias, super ipsa causa citatus debeat et teneatur respondere, et si ipsi alias coram iudice quemquam impeterent super aliquo, eis iudicetur iuramentum. Statuimus eciam, quod si banus eis ad valorem unius marce dampnum faceret, in centuplo restitueret eisdem, tamen bano non aliud, nisi domos suas occasione descensus dare teneantur, pro aliis uero necessariis precium recipiant, et si aliquis ipsorum prole caruerit, tam ipso uiuente, quam ab hoc seculo transmigrante, bona sua cuicunque uoluerit libere conferat retinenda; et si aliquis de villa super equo vel boue calumpniaretur ab aliquo, pro quanto sacramentum facere presumpserit, sibi calumpnias testibus astantibus restituat, et res pro qua causabatur ad requirentem euoluatur; et si quis ipsam villam intrare uoluerit moraturus, omnia bona sua domos suas et alia que possidet, omnibus scientibus liberam habeat vendendi facultatem, et recedens de villa retineat eandem. Et statuimus, ut sacerdotem quemcunque uoluerint, in suam recipiant ecclesiam, de decimis eorum, prout mos est hospitibus ubicunque manentibus disponentes. Terram autem Gurgus et terram Waratuk sine herede decedencium, et eciam terram cruciferrorum, quam in concambio habuimus, que vulgo Haaco et Potok uocatur, metis distinctis undique eisdem conferentes, quarum mete quemadmodum ab andrea homine nostro ad hoc dato, referente, percepimus sunt hec: prima meta incipit a meridionali parte de duobus quercis, inde descendit ad puteum et inde descendit per aquam putei in fluuium Dragun, et inde superius tendit ad viam magnam, et per eandem vadit usque ad arborem qui sclauonice dicitur Ozkurus, inde per vallem superius ad uineas de Dobuk, inde per magnam uiam ducit ad arborem castane, et per semita ducit in longitudine montis, usque ubi descendit subtus piscinam, inde ascendit usque ad tres metas et inde inferius in Petrinam, et sic per fluuium Petrine ascendit usque ad fluuium Belypotok, et per eundem ascendit per magnam uiam antiquam in Damasingran (sic) et inde inferius ueniendo ascendit ad arborem piri, et inde in montem, et per eundem uenit in uiam que exit de Blyna (sic) et per illam inferius in precopam, et inde uenit in metam terream, et inde subtus Strizichy, transeundo quandam aquam, peruenit in quandam arborem piri, et inde uadit in Cochynam et inde ad caput eiusdem, et inde supra montem uadit in uiam, que ducit in Rauna, ibique supradictarum terrarum mete terminantur. Preterea cum ipsam villam hospitibus omnimode cupiamus pluribus ampliari, terram etiam Kenesepola nomine integraliter, saluis uidelicet populis ibidem existentibus, cum porcione vooy et generacionis ipsius, nec non et filiorum alpetri, qui de propria voluntate eorum, eundem seruicium quod et hospites susceperunt, terris iam dictorum hospitum nostrorum adiunximus usui eorum et illorum statuentes possidendam, preter Zolnam. Nec hoc tamen sub silencio uoluimus preterire, quod predicti hospites nostri nobis annuatim pro collecta centum pensas et pro tributo fori triginta pensas soluere tenentur, et similiter predicta terra Kenesepola centum pensas. Et ut hec talis a nobis concessa libertas in dubium ulterius non possit reuocari, consensu et consilio omnium Jobagionum nostrorum, uidelicet Nicolay bani, ac magistri Towarnicorum, Demetrii magistri dapiferorum et comitis de Budrug, Arnoldi comitis de Symigio, Martini comitis de Zala, et aliorum, litteras nostras sigilli nostri munimine roboratas dare concessimus. Datum per magistrum Fyle, dilectum ac fidelem nostrum prepositum.

Zagrabiensem, et aule regie nostre cancellarium. Anno ab incarnatione domini. Millesimo ducentesimo quadragesimo.

Originale in Archivio Regni Creatine N. R. A. 1531. Nro. 3.

*(Confirmatum est idem Diploma a Rege Bela IV. a 1242, a Stephano V. anno 1271, et Ladislao IV. a. 1274.)*

## LI.

*Anno 1242.*

Bela IV. Rex civibus de Samobor insignes libertates, a Colomano totius Slavoniae Duce concessas, confirmat.

Bela, Dei gracia Hungarie, Dalmacie, Choruacie, Rame, Seruie, Galicie, Cumanieque Rex, omnibus Christi fidelibus, presens scriptum inspecturis, salutem et omne bonum. Vbicunque nostri nominis interuentu posse credimus aliquibus subueniri, pium nos decet adhibere favorem; presertim ne uel veritas occultetur, aut iniquitas preualeat equitati. Eapropter ad noticiam vniuersorum uolumus peruenire, quod accedentes ad presenciam nostram hospites nostri de Zumobur, prope castrum Oclych existentes, humiliter a nobis flagitarunt et instanter, vt modum et statum libertatis eorumdem de gracia et prouidencia pie memorie regis Colomani, karissimi quondam fratris nostri, iuxta tenorem libertatis hospitum de Petryna, liberaliter concesse, nostrarum auctoritate literarum dignaremur confirmare. Nos itaque, considerata eorum vtilitate, precibus ipsorum fauorabiliter annuentes, sub libertate iam prefata ipsos duximus perpetuo statuendos. Cuius seriem in priuilegio memorati fratris nostri taliter uidimus contineri: vt videlicet ipsos nullus Iudicum nostrorum, preter maiorem ville eorum, quem voluntarie elegerint, audeat iudicare; et, si ab ipsorum iudice conquerentibus satisfieri non poterit, iudex eorum in nostra presenciam et non alias, super ipsa causa citatus, debeat et teneatur respondere; et si ipsi alias coram iudice, quemcumque impeterent super aliquo, eis iudicetur iuramentum. Statuimus eciam, quod, si Banus eis ad ualorem vnius marce dampnum faceret, in centuplo restitueret eisdem. Tamen Bano non aliud, nisi domos suas occasione descensus dare teneantur; pro aliis uero necessariis precium recipiant. Et si aliquis ipsorum prole caruerit, tam ipso uiuente, quam a seculo transmigrante, bona sua, cuicumque uoluerit, libere conferat retinenda. Et si aliquis de uilla super equo vel boue calumpniatur ab aliquo pro quanto sacramentum facere presumerit; sibi calumpnians, testibus astantibus, restituat, et res, pro qua causabatur, ad requirentem deuoluatur. Et, si quis ipsam, ullam intrare uoluerit moraturus, omnia bona sua, domus uidelicet, et alia,



que possidet, omnibus scientibus, liberam habeat uendendi facultatem, et recedens de villa retineat eandem. Statuimus eciam, vt sacerdotem, quemcunque voluerint, in suam recipiant ecclesiam; de decimis eorum, prout mos est hospitibus, vbi-cumque manentibus, disponentes. Mete autem terrarum dictorum hospitum nostro-rum de Zumbur, sicut per litteras nostri fidelis comitis Stephani, fratris Bobo-negh, qui ad id cognoscendum specialiter per nos fuerat destinatus, intellexi-mus, hoc modo distinguuntur: prima meta incipit de Thopol, et tendit ad fontem vnum, deinde tendit ad Brenilaz, deinde per siluam tendit ad Rochoyca, vbi due aque simul ueniunt, deinde sursum tendit usque quod uulgo dicitur Pyzni, deinde per montem iterum tendit ad Rocoycha (sic), deinde ad Brezthoycha, et postea vltra montem tendit in riuum Chernych, deinde ad Lipoicham, deinde per mon-tem tendit ad Grabonicham, et deinde per eundem montem, qui uulgo dicitur Pozorin, tendit ad Gradna, et deinde descendit ad uiam, per quam uiam iuxta Presekam ascendit ad montem et per eandem uiam descendit ad fontem Byzterch, et per Byzterch uadit et sub Boboycha exit, et iterum tendit ad priorem metam Thopol. Nec hoc tamen sub silencio uolumus preterire, quod predicti ho-spites nostri nobis annuatim pro collecta centum pensas, et pro tributo fori tri-ginta pensas soluere teneantur. Vt igitur enarrate libertatis series sepe dictis hospitibus salua semper et irreuocabilis permaneat; presencium ipsam auctoritate ac dupplicis sigilli nostri impressione propensius confirmamus. Datum in villa Vereucha Anno Dominice incarnationis. Millesimo ducentesimo quadragésimo se-cundo, regni uero nostri anno octauo.

Originale membr. in Archivio Communitatis Samoboriensis Fasc. I. N. 1. Habent quoque sat erronee: Kerčelić. Notit. praelim. pag. 458. — Katona Tom. V. pag. 1066. — Fejér. Codex Dipl. Regni Hungariae. Tom. IV. vol. I. p. 264.

## LII.

*Anno 1242. 16. Kal. Decembris.*

**Bela IV. Rex civitati Montis Grecensis seu Zagrabiensis  
insignes libertates et jura confert.**

In nomine Sancte Trinitatis et indiuidue Unitatis. Amen. Bela dei gratia Hungarie, Dalmatie, Chroatie, Rame, Seruie, Gallicie, Lodomerie, Cumanieque Rex in perpetuum. Regum celsitudo requirit et sublimium dignitati debetur, ut tanto amplius in multitudine plebis gaudeat, quanto ipsi auctoritate ceteros antecellunt. Hinc est, quod tam presentibus quam posteris harum serie declaramus, quod cum nostre placuisset uoluntati in Zagrabia in monte Grech ciuitatem liberam con-struere et ibidem hospites conuocare, et illam partem regni ad securitatem con-fnij et alia commoda munire et firmare, conuocato consilio, cum dilecto et fideli

nostro Dionisio bano totius Sclauonie et aliis regni principibus, nostram hanc intentionem et uoluntatem unanimiter approbantibus, nostrum propositum perduximus ad effectum, concedentes, ut in predicto monte libera ciuitas fiat, hospites libere conueniant, terras et possessiones conditiones et libertates a nobis assignatas et subscriptas habeant, teneant et custodiant inconcussas. Conditiones itaque et libertates hospitum predictorum, in predicto monte habitantium et conuenientium, quas ipsi inter se fecerunt et nos approbauimus, tales habentur. Quod si iidem hospites in districtu Hungar., Dalmat., Choroat. (sic), Sclauon. spoliati per latrones uel alios malefactores fuerint, dominus terre, in qua spoliati fuerint, estimata quantitate pecunie, iuxta arbitrium honorum virorum et sacramentum concium, ad hoc electorum, uel ablata refundat, uel malefactorem ostendere teneatur. Item tributa, infra regales terminos, in nullo loco soluere teneantur. Item quisunque ciuis alium ciuem uituperiis, obprobriis, aut contumeliis affecerit, si inde conuictus fuerit, leso decem pensas, in communes expensas centum denarios soluat; quod si post trinam correctionem se non emendauerit, rebus omnibus in commune applicatis, tamquam infamis de ciuitate turpiter expellatur. Si quis etiam alapam alteri dederit, uel per crines maliciose traxerit, eandem penam patiat. Si quis uero cultello, gladio, lancea, aut sagitta, aut aliquo tali modo alium uulnerauerit, uulneratusque sine defectu membrorum resanatus fuerit, medico lesi satisfaciat, et leso uiginti quinque pensas, quinque uero ad vsus ciuitatis persoluat; si uero in aliquo membrorum debilitatus fuerit, medico lesi satisfaciat, et leso decem marcas, et ad vsus ciuitatis decem pensas soluere teneatur; si uero mortuus fuerit, due partes rerum suarum cedant Parentibus occisi, tertia pars ciuitati; si uero captus fuerit, secundum consuetudinem de ipso uindicta sumatur; nisi quis in ludo sine premeditata malitia aliquem interfecerit: in hoc enim casu centum pensas agnatis interfecti, uiginti uero pensas ad communes usus refundat interfectori; cui si facultas non suffecerit, ciuium arbitrio relinquatur. Item si quis de extraneis intrans ciuitatem siue in uico, siue in domo, siue in foro similia ut supra notatum est perpetrauerit, per iudicem ciuitatis iudicetur, et eisdem penis subiaceat condempnat(us). Si uero ex incolis ciuitatis aliquis siue extraneus infra terminos ciuitatis in furto uel latrocinio deprehensus fuerit, per iudicem ciuitatis puniatur. Item si quis extraneus aliquem de ciuitate in causa pecuniaria uel illata iniuria uoluerit conuenire, coram iudice ciuitatis conueniat, et nulla causa ad duellum iudicetur, sed per testes et iuramenta terminetur, siue sit cum extraneis siue cum indigenis. Testes autem eiusdem conditionis et libertatis, cuius fuerint isti, assumantur. Eodem modo siue extraneus conueniat apud incolas, siue incola apud extraneos equum aut bouem aut aliquas res furtiuas, semper testes ut supradiximus producantur. Item ciues de predicta ciuitate uel Jobagiones de uillis ad ipsam pertinentibus, que prope territorium ipsius ciuitatis fuerint site, nullius iudicion(isi) iudicis ciuitatis astare teneantur. Quod si iudex suspectus habeatur, et actor legitimam causam recusationis allegauerit, conuocatis omnibus maioribus ciuitatis ipso iudice presente negotium decidatur, de quorum sententia si adhuc contingeret dubitari et actor inportunus eos ad regis citauerit presentiam, solus iudex pro aliis omnibus ad regem ire teneatur. Eodem modo pro quacumque causa iudicem ciuitatis et ciues, uel ciues solos ad regis presentiam quis citaret, non tenetur ire nisi solus iudex ciuitatis. Et si quis aliquem ciuem uel ciues, non requirens antea iusticiam sibi fieri a iudice ciuitatis, ad regem citauerit; pro

illo uel illis iudex ire tenebitur et ei citator refundet expensas, eo, quod contempta auctoritate regalis priuilegii, sibi cogniti, irrequisito iudice ciuitatis, fatigauit eum frustra laboribus et expensis. Ciues autem liberam habeant undecumque uoluerint eligendi facultatem iudicem ciuitatis nobis presentandum, et mutandi eundem annuatim pro sue arbitrio uoluntatis. Item si quis de ciuitate sine herede decesserit, de rebus suis mobilibus liberam habeat disponendi cuicumque uoluerit facultatem. Res uero immobiles, domos, curiam, uineas, terras et hedificia, suorum conciuum habito consilio, uxori sue uel alicui cognatorum suorum relinquat, ita tamen, quod nec per ipsum, nec per uxorem, nec per cognatos a iurisdiccione ciuitatis possit alienari, uel eximi, uel auelli. Item, si quis intestate decesserit et nec uxorem, nec filios, nec cognatos habuerit; due partes rerum suarum per uiros fide dignos, consilio ciuium ad hoc deputatos, pauperibus et ecclesie eiusdem ciuitatis distribuantur; tertia uero pars in utilitatem ciuitatis reseruetur. Item statuimus, quod in eadem ciuitate forum sollempne duobus diebus in hebdomada, uidelicet die lune et die Jouis celebretur, et preterea forum cottidianum cottidie habeatur. Uniuersitas uero ciuitatis supradicte nobis tenetur ad seruitia infra-scripta. Cum enim Rex Hungarie expeditionem ad partes maritimas, uel Carinthiam, uel Austriam facere uoluerit, dicti ciues decem milites mittere teneantur, cum armis militaribus apparatus. Preterea domino regi, quando ipsum illuc ire contigerit, debent dare pro prandio duodecim boues, mille panes, quatuor tunellas uini. Duci autem Totius Sclauonie, si sit de prole regia, medietatem predictorum dare tenentur. Bano uero pro tempore constituto, non tamen Vicebano, nihil aliud soluere, nisi in principio introitus sui banatus unum bouem, centum panes, tunellam unam uini, semel quamdiu durauerit in banatu. Sane ab omnibus istis seruitiis usque quinquennium erunt liberi et immunes. Transacto quinquennio tenebuntur. Item, iidem ciues uoluntate spontanea super se assumpserunt, quod expensis propriis dictum montem Grech muro firmissimo communirent. Ad sustentationem autem hospitum in predicto monte habitantium, dedimus terram circa eundem montem Grech, statuentes eam per dilectum et fidelem nostrum Dionisium banum Totius Sclauonie eisdem hospitibus, sub certis metis et distinctis perpetuo possidendam. Cuius terre mete sic uadunt. Prima meta est in portu Sawe, qui Kyraltrewy dicitur, iuxta magnam uiam, et per eandem tendit usque ad riuum, qui Zoysca dicitur, quem riuum transit per pontem, deinde per eandem uiam tendit uersus aquilonem, transiens aquam, que Mlaka dicitur, et peruenit ad monticulum, iuxta quem est meta terrea, que diuidit terram populorum regis a parte orientali. Deinde transiens minorem Mlakam, peruenit ad magnam uiam, que uulgo Ettewen dicitur, per quam ueniens peruenit ad riuum Cyrkuenich, ibi est pons. Hinc superius per eundem riuum iuxta montem Grech uadit directe uersus aquilonem metatim, tendens ad fontem, qui dicitur Cubulkut, iuxta quem est meta terrea. A quo superius per riuulum Cyrkuenich uersus aquilonem peruenit ad riuulum, qui dicitur Zopotnika. Hinc transiens monticulum cadit in quandam uallem, per quam transit in riuulum, qui dicitur Lomzkypotok. Deinde ascendit ad metam Capituli Zagrabiensis. Altera est Hospitum de Grech, Tercia filiorum Dobcha de genere Aga (Acha). Deinde procedit ad cacumen eiusdem montis, uocabulo Medwenicha uersus occidentem et peruenit ad metam filiorum Micula, que Plestiwicha dicitur, iuxta quam est meta terrea. Deinde transcendit a cacumine eiusdem montis uersus partem meridionalem, metatim ad arborem casta-

neam, iuxta quam est crux, et iuxta eam est meta terrea. Deinde descendit ad caput fontis, qui Chicheria dicitur, qui fons diuidit terram Endre a terra predicta, et sic descendendo per eundem, diuertit aliquantulum uersus occidentem ad montem, et ibi est arbor castanea crucesignata, iuxta quam est meta terrea. Deinde ad cacumen montis eiusdem procedit uersus meridiem, diuidendo terram ecclesie Zagrabiensis. Deinde per girum ad occidentem aliquantulum diuertitur, et ibi transit riuiulum, qui uocatur Neznichpotoka, et inde ascendendo superius de terra Endre per uallem ad uerticem unius montis, ibi est meta. Hinc separando per ueteres metas terram Gremla, descendit ad arborem que uocatur Jhor, et ibi est meta, et cadit in uiam, que exit de uilla Gremla. Deinde per eandem uersus meridiem procedit ad campum ad metem terream. Inde aliquantulum diuertit ad sinistram per uiam et peruenit ad paludes, que Mlaka dicuntur, ibi est meta. Iuxta eandem Mlakam a sinistra parte uadit ad arborem nucis, ibi est meta. Deinde ad sambucum, sub quo est meta terrea. Dehinc metatim procedit et cadit in fluuium Zawę, inde ad metam priorem descendit, et sic terminatur. Ut igitur dicta ordinatio nostra et dictorum libertas hospitum firma et inuiolabilis perpetuo perseueret, presens eis priuilegium concessimus auree bulle nostre munimine perpetuo confirmantes. Datum apud Wereuzha, per manus magistri Benedicti prepositi Albensis, aule nostre Cancelarij, electi in Archiepiscopum Colocensem. Bartholomeo Quinqueecclesiensi, Cleto Agriensi, Stephano Zagrabiensi, Bartholomeo Nitriensi, Blasio Chenadiensi, Episcopis. Benedicto Waradiensi et postulato Jeuriensi. Stephano Waciensi et postulato in Archiepiscopum Strigoniensem, ecclesias dei gubernantibus. Dilecto cognato nostro Johanne Angelo domino Syrmie et comite Bachiensis. Ladislao palatino. Matheo Tauarnicorum et comite Soproniensis. — — dapiferorum, et comite Nitriensi, Mauricio pincernarum, Stephano Agasorum magistris. Arnaldo Symigiensi, Paulo Albensi, magistratus et comitatus tenentibus. Anno ab Incarnatione domini Millesimo ducentesimo Quadragesimo Secundo. Sextodecimo Kal. Decembris. Regni nostri Anno octavo.

*(Bulla aurea pendens cum inscriptione ex una parte.)*

Originalis membr. in Archivio Civitatis Zagrabiensis N. 1.

### LIII.

*Anno 1246. 6. Kal. Decembris.*

**Bela IV. Rex Demetrii de genere Aba in sacra contra Saracenos expeditione ac filii ejus Alexandri in pugnis contra Tartaros insignia merita recenset ac villis Adrian et Csatar remuneratur.**

**Bela Dei gratia Hungariae, Dalmatiae, Croatiae, Sclavoniae, Serviae, Galiciae, Lodomeriae et Cumaniae Rex etc.**

Fejér. Codex Dipl. Regni Hung. T. IV. vol. III. pag. 417.

*(In hocce titulo Sclauonia Regni nomine primum occurrit, quod nusquam sub Regibus Arpadianae et mixtae stirpis invenias.)*

---

### LIV.

*Anno 1248, die 29. Martii. Lugduni.*

**Innocentius IV. P. M. episcopo Segniensi (Philippo) dat petitam facultatem divina officia slavice, littera glagolitica, celebrandi.**

**Episcopo Sceniensi. Porrecta nobis tua petitio continebat, quod in Sclavonia est litera specialis, quam ipsius terrae clerici se habere a b. Hieronymo asserentes eam observant in divinis officiis celebrandis, unde ut illis efficiaris conformis et in terrae consuetudinem, in qua consistis episcopus, celebrandi divina secundum dictam literam a nobis suppliciter licentiam postulasti. Nos igitur attendentes, quod sermo rei et non res est sermoni subjecta, licentiam tibi in illis dumtaxat ubi de consuetudine observantur premissa, dummodo sententia ex**

ipsius varietate litere non laedatur, auctoritate presencium concedimus postulatum. Nulli ergo etc. dat. Lugduni IV. kal. Aprilis anno V. \*)

E Regest. Innocentii PP. IV. Kal. Aprilis anno V. in secr. Tabulario Vatic. Item e Cod. Bibl. Vat. Nro. 7157 fol. 184 descripsit Dr. Fr. Rački.

## LV.

Anno 1252.

In Regno Dalmatiae consuetudo pro lege valuit.

In nomine D. N. Jesu Christi Amen. Anno Incarnationis: 1252. Ind. 11 temporibus D. Innocentii Pape IV. ac D. Belle Illustris Regis Hungarie hoc actum est. Cum prophetici sermonis eulogium opus sit iustitiae pax, quae unicuique sua Iura servando, totius humane cohabitationis et societatis vinculum merito nuncupatur; necesse est omnibus, legaliter vivere cupientibus huius salutiferis connecti vinculis et ab eis (sic) cultu nullo tempore declinare, quae denique iustitiae norma, quasi gemino Calle procedens, jure videlicet scripto, ac consuetudinibus approbatis, ad veritatis tramitem cunctis mortalibus iter pandit. Quia vero in partibus Dalmatiae, consuetudinis usque longae auctoritas, quam maxime pro lege veneratur, idcirco Ego Stanimirus Archiepiscopus, una cum Tolone, Joanne et Crisogono Clericis, tam pleno mandato universi Cleri Sibenicensis, ad Spalatensem Ecclesiam, tamquam ad Caput metropol. accedentes: ibidem coram Venerabili viro Thoma Archidiacono et Capituli S. Domnii dicimus, profiteamur et recognoscimus, nos omnimodam subiectionem debere D. Treguano Episcopo

---

\*) Privilegium hocce de ritu slavico scimus iam a Pontifice Johanne VIII. a. 880. mense Junio bulla, Svatopluko principi scripta, concessum fuisse, his verbis: „Litteras denique slaunicas a constantino quondam philosopho repertas, quibus deo laudes debite resonent, iure laudamus. Et in eadem lingua christi domini nostri preconia et opera enarrantur (sic! sine ut) iubemus. Neque enim tribus tantum sed omnibus linguis dominum laudare auctoritate sacra monemur, quae praecipit dicens. Laudate dominum omnes gentes et collaudate eum omnes populi. Et apostoli repleti spiritu sancto locuti sunt omnibus linguis magnalia dei. Hinc et paulus caelestis quoque tuba insonat monens: omnis lingua confiteatur, quia dominus noster Iesus christus in gloria est dei patris. De quibus etiam linguis in prima ad corinthios epistola satis et manifeste nos ammonet, quatenus linguis loquentes ecclesiam dei edificemus. Nec sane fidei vel doctrine aliquid obstat siue missas in eadem slaunica lingua canere, siue sacrum euangelium vel lectiones diuinas noui et ueteris testamenti bene translatis et interpretantes legere, aut alia horarum officia psallere. Quoniam qui fecit tres linguas principales, hebraeam scilicet, graecam et latinam, ipse creauit et alias omnes ad laudem et gloriam suam. Iubemus tamen, ut in omnibus ecclesiis terrae uestre propter maiorem honorificentiam euangelium latine legatur, et postmodum slaunica lingua translatum in auribus populi latina uerba non intelligentis adnuntiatur. Sicut in quibusdam ecclesiis fieri uidetur.“ etc. E Regest. Johannis PP. VIII. in sac. Tabulario Vat.

et eius successoribus, nec non Ecclesie Traguriensi, et eidem sicut Patri et Dioecetano nostro reverenter obedire; consuetudines antiquas, quas ab antecessoribus nostris observatas comperimus, per nos, et per nostros successores presentis scripti obligatione promittimus eidem Ecclesie Traguriensi perpetuo observandas etc.

Lucius. Memorie di Traù pag. 73.

## LVI.

*Anno 1252—1253. prope castrum Baboč.*

**Bela IV. Rex liberae civitatis privilegium oppido Crisio a Stephano totius Slavoniae Bano concessum confirmat.**

Bela dei gracia Hungarie, Dalmacie, Croacie, Rame, Servie, Galicie, Lodomerie, Cumanieque Rex. Omnibus Christi fidelibus presentem paginam iuspecturis salutem in vero salutari. Ad vniuersorum noticiam harum serie volumus pervenire, quod dilectus et fidelis noster Stephanus banus totius Sclavonie, in nostra presenciam corporaliter constitutus, literas suas, libertatem hospitum de Cris continentes, nobis presentavit, petens ipsam libertatem nostro privilegio confirmari; cuius nos petitioni ut decebat fauorabiliter inclinati, literarum suarum seriem de uerbo ad uerbum rescribi facientes, his duximus inserendam, quarum tenor est. Nos Stephanus banus totius Sclavonie significamus omnibus presens scriptum inspecturis, quod nos pro utilitate ac honore domini Regis fecimus ac locauimus novam & liberam villam in Crisio, dantes hospitibus in ea habitantibus eandem libertatem, qua utuntur hospites de Grecz & de noua villa Zagrabię. A potestate autem Comitis Crisiensis omnino duximus eosdem eximendos; ex nunc idem Comes Crisiensis nec iudicare neque descendere super eos teneatur. Volumus igitur, quod nullam collectam soluere debeant hospites antedicti. Pro libertate autem ipsorum, in tercio anno, a data presencium, de qualibet porta Quadraginta denarios bano, pro tempore constituto, soluere tenebuntur. Forum enim ipsorum, a nobis concessum, celebretur tercia feria, de cuius tributo in eodem tercio anno due partes bano, tercia vero pars ipsis hospitibus incipiat ministrari. Omnes autem causas, tam maiores, quam minores, siue in die fori, siue in alijs diebus emergentes, maior ville, quem communis populus elegerit, debeat penitus iudicare, maior vero ville, si querulantibus iusticiam denegaret, idem maior Ville coram presenciam solius bani pro tempore constituti impetatur. Citacio quippe maioris ville, non aliter, nisi cum specialibus literis bani, mediante bono testimonio, fieri debeat, et ipse maior ville citatus per quempiam banum, ultra Gozd \*) et ultra Drawam non

\*) Limes inter Slavoniam et Croatiam.

sequatur. Volumus eciam, quod super quacunq̃ causa, coram nobis vel coram maiore ville emergente, productio testium de extraneis, nisi de eadem villa, impetitori non committatur, sed iuramentum ipsis ciuibꝫ indicetur. Preterea quisquis extraneus, siue ciuis eiusdem loci, in ipsa villa contra alium pre ira gladium seu cultellum euaginare, & hoc cum testimonio probaretur, vel quis vulnus non mortiferum afficiet, iudicio vnus marce condempnetur. Quisquis igitur casu accidente suum interfecerit conciuem, centum pensis, ex quibus due partes parti aduerse, tertia vero pars maiori ville solui teneatur, et nisi homicida pecunia sua se defendet, caput eius ad manus partis aduerse statuatur. Fur autem et calumpniator manifestus, contra quem communis populus faceret testimonium, ablati omnibus, que habet, de villa expellatur cum pudore. Decedentes autem sine heredibus, omnia bona sua relinquunt cuicunque uolunt retinenda. Ipsi etenim ciues ad exercitum bani, uel Regis, aut Iudicis sui ire non tenebuntur, nec alicui ipsorum uis domorum suarum, nec a familia nostra, neque ab alijs inferatur, sed quem uolunt hospicio recipiant voluntarie. Preterea maior ville, reuoluto anno villicacionis sue, suam debeat reponere villicationem, & si communis populus uoluerit, eidem villicacio conferatur, sin autem alteri cui uoluerit, ipsa conferatur villicacio. Si quis igitur ad ipsam villam venire uoluerit, libere veniat, recedat etiam secure, venditis bonis suis, qui recedere volunt ab eadem. Volumus eciam, quod homines, qui marturinas soluere solent, ad ipsam villam non recipiantur. Item super causa pecuniaria, si quis conuincetur, quadraginta denarios pro iudicio soluere tenebitur. Preterea ipsi ciues tributum in foro non soluent de suis mercimoniis. Assignauimus eciam terram eisdem de superiori parte ville Crisiensis, quam nos personaliter inspeximus & per Georgium Comitem Crisiensem, atque Prelsam terrestrem metari facientes, de quorum uerbis ipsam terram taliter distingui repperimus. Videlicet: prima meta incipit a magna via de vico eiusdem ville, ubi de oriente egrediens ad occidentem peruenit ad fluuium Corusca ad salicem, transiens autem ipsum fluuium, ascendit montem, in cuius vertice est meta terrea. Item descendit ad vallem, ad fluuium, ubi iuxta ipsum fluuium sub erulo est meta terrea. Inde ad pomum, inde ad harazt, ubi est meta, inde ad duo cerasa. Inde autem transiens quendam fluuium peruenit ad tiliam. Inde ad montem, ubi est arbor populea. Inde ad occidentem ad vnum fluuium, et per illum fluuium superius eundo, cadit in magnam viam, que ducit ad sanctum Micaelem, inde per eandem viam magnam vadit ad fontem Tetrench nomine, ubi est arbor ulmi, inde per eundem fontem superius ad septemtrionem, iuxta terram Zuene, iobagionis castri Crisiensis, per metas veteres, inde iuxta terram Tiburcij, per eundem fontem superius peruenit ad caput eiusdem fontis, ubi sub erulo est meta. Inde iuxta terram eiusdem Tiburcij eundo, peruenit usque terram de Komluk. Inde iuxta terram de Komluk eundo, cometur terre domus sancti sepulchri de Golgonicha. Inde versus orientem coniungitur terre domus Templi de Golgonicha. Inde eundo coniungitur terre wlchote, ubi est meta. Inde iuxta terram wlchote, per vnum fontem, descendit per metas, et de fonte exit ad pirum. Inde de piro ad magnam viam, ubi est meta. Inde directe veniendo, peruenit ad arborem nucum. Inde transit fluuium vrtelen & peruenit ad priorem metam, ubi fuit incepta, ibique terminatur. Vt autem huius ville libertas inconcussa permaneret, literas presentes duximus eisdem concedendas. Datum in festo Sancti Georgij anno domini M<sup>o</sup> CC<sup>o</sup> LII. Nos siquidem prelibate ville libertatem per iam dictum



fidelem nostrum banum Sclauonie rite et legitime ordinatam, per singula approbantes, presenti priuilegio, de Regia libertate duximus confirmandam. In cuius libertatis perpetuam firmitatem ac stabilitatem, presentes concessimus literas duplicis sigilli nostri munimine roboratas. Datum prope castrum Baboch, anno domini M<sup>o</sup> CC<sup>o</sup> LIII<sup>o</sup> Septemdecimo Kal. Septembris. Regni autem nostri anno decimo octauo.

Originalis membr. in Archivio Civitatis Crisiensis. N. 1.

*(Idem Priuilegium confirmarunt Rex Bela IV. a. 1269, Rex Stephanus a. 1279, Ludovicus a. 1382 et Rex Rudolfus a. 1597.)*

---

## LVII.

*Anno 1260. In Dobra.*

His litteris, quibus Bela IV. Rex familiae Frangepanianae districtum Vinodol donat, docetur, locum et fluvium Rika (Fiume) intra limites Regni Croatiae situm fuisse.

Bela dei gracia Hungarie, Dalmacie, Croacie, Rame, Galicie, Lodomerie & Cumanorum Rex, Vniuersis Christi fidelibus presentes nostras visuris salutem. Postquam Reges regnarent, Dominique possiderent terras & Regna, oportet ex Regum Gubernijs, omnium linguarum vniuerse gentis, que se alacriter subderet, ita providere, vt illi qui deinceps venerint & succedent, per illorum exemplum et doctrinam multo feruencius et vtilius cogantur obedire, et ea facere, que sunt fidelitatis Regie. Ideo ex hac ratione volumus, et simul vniuersis et singulis tam presentibus quam successuris fidelibus notum facimus. Siquidem in tantum multitudo et malicia peccatorum vniuerse gentis & hominum, sub nostro regimine degencium, prevaluit, et citra omnem timorem & pauorem Diaboli, humani generis hostis, plus quam Arena & Abyssus maris excreuit. Sed nolens Deus ipsorum mala opera & iniquitates absque pena impune permittere & pullulare, excitauit Tartaros in ruinam Christianorum. Per quos Tartaros, vt agnoscerent vindicem Deum, super hominibus plenis iniquitatibus et dolo propter que scelera & peccata, Deus omnipotens in sua misericordia preseruando, puniuit nos tali modo, quod cum nos configendo cum Tartaris in campo Su (sic), ut ab iisdem totaliter victi et confusi fuerimus. Vnde nos videntes nullum auxilium adesse, quinimo aufugere nos debere, sicuti etiam aufugimus ad partes Maritimas, quereutes locum abscondicionis et recepcionis intra mare. Vbi nos deplorantes, sicut Rachel, considerando ruinam et necem vel maxime nostrorum. Sed Deus misericordie et deus consolacionis, ille, qui solatur suos veros et fideles in omni

molestia et tristitia, ostendit et apperire dignatus est nobis fontem sue misericordie, et misit ad nos, tanquam ex celo consolandos, Illustres Magnificos et eximios viros Fridericum & Bartholomeum Frangepan, qui donarunt nobis in Scyphis & poculis aureis & argenteis plus quam viginti Millia Marcharum in pecunia, vno verbo in Scyphis magni valoris. Et postquam deus mitigasset et auertisset iram suam a nobis, considerauimus seruicium et condicionem horum illustrium virorum, et donauimus eis vnum nostrum locum, qui est penes Mare, Vinodol (vocatam) cum omnibus suis appertinencijs et omnibus questibus ad dictum locum spectantibus, predictis scilicet Friderico & Bartholomeo, illis et illorum heredibus & posteritatibus iure perenni, ita, vt nunquam ab iisdem recipi possint, taliter tenenda et possidenda, sicut et nos antea possedimus et tenuimus. Notificantes simul et hoc, quod si vnus illorum deficeret sine herede, ex tunc heredes alterius teneant et possideant illum locum. Cuius confinia ad Tramontanam, imprimis est fluuius et locus Rika, in monte maris incipiendo; et nostra libera aqua Richina, vsque ponticulum penes Prohouo. Trans aquam prima meta est in vno lapide, in quo est littera A meta et aqua sequitur libera, que aqua ex monte nostro Grobncensi et confinio scaturit, murus supra inchoatur in Jilievicheh, qui dicitur Prezum, murus in piscina ad praputische, ex illa parte Terstenik, locus autem Terstenik manet noster et integer. Ex Praputische ad Kupin kamen, a kupin kamen ad lisen kamen, a lisen kamen ad bila voda, in valle Papruthio. A valle papruthio ad montem Berinschek, a monte Berinschek ad Gromache, a Gromache ad Brezidin et Babinopolie. Hec sunt vero confinia a monte maris vsque Babinopolie. In maius robur predicti doni pro eterna memoria dedimus ipsis Friderico & Bartholomeo has nostras litteras appertas cum nostro duplici sigillo. Per manus prudentis hominis Magistri Farcasij electi in Aula Cancelarij. Datum in Dobra. Anno domini M. CC Sexagesimo. Regni nostri anno vigesimo sexto.

(L. S.)

Kerčelić. Notitiæ praelim. pag. 195.

---

## LVIII.

*Anno 1263. die 21. Decembris.*

**Urbanus IV. Papa Belam, totius Slavoniae Ducem, in protectionem suscipit.**

Urbanus Episcopus etc. Dilecto filio nobili viro B. Duci Sclavonie, salutem etc. Pro fidei meritis est, etc. Hinc est, quod nos tuis et carissimi in Christo filii nostri B. Ungarie Regis Illustris, patris tui, supplicationibus inclinati, personam tuam cum ducatu Sclavonie ac de Olcha, de Bragna, Symigia, Sala et

Ferreo Castris, nec non salibus aquaticis ad ducatum ipsum spectantibus, aliisque iuribus et pertinentiis suis, que impresentiarum rationabiliter te obtinere proponis, sub protectione apostolice sedis et nostra suscipimus, districtius inhibentes, ne quis te persistentem in devotione sedis eiusdem super ducatu, Castris et aliis supradictis temere impedire seu molestare presumat. Nulli ergo etc. nostre protectionis et inhibitionis etc. Datum apud urbem veterem XII. Kalend. Januarii, Pontificatus nostri anno Tertio.

Ex Reg. orig. An. III. ep. 1419. Theiner, Monumenta vetera Hung. Romae 1859. T. I. p. 255.

## LIX.

Anno 1264.

Comitatum Požeganum in Ducatu Slavoniae comprehensum esse hac bulla Urbani IV. evincitur.

Vrbanus Episcopus. etc. — Dilecto filio... Priori Provinciali fratrum predicatorum de Ungaria, salutem etc. Justa desideria carissime in Christo filie nostre M. illustris Regine Ungarie, que per dei gratiam vigilanter insistere dicitur operibus pietatis, auditu benigno suscipere et promptis delectamur affectibus adimplere. Sane ipsius Regine et carissimi in Christo filii nostri B. (Bele) illustris Regis Ungarie viri eius, petitio nobis exhibita continebat, quod cum iidem Rex et Regina, ac multi nobiles regni Ungarie, propter timorem de Tartarica feritate conceptum, ad loca maritima fecissent transitum, dicta Regina, iam dictis nobilibus positus in gravi necessitate compatiens, pro sustentatione ipsorum de suis parafernalis bonis non modicam expendit pecunie quantitatem. Demum vero idem Rex huiusmodi pietatis opus clementer attendens, castrum de Possega, ad eum pertinens, in ducatu Sclavonie constitutum, accedente demum ad id consensu carissimi in Christo filii nostri Stephani, regis illustris primogeniti, ac nobilis viri Bele ducis Sclavonie, nati dictorum Regis et Regine, nec non prelatorum et Baronum supradicti Regni, Regine prefate regia liberalitate donavit, prout in patentibus litteris Regis eiusdem confectis exinde plenius dicitur contineri. Quare pro parte dictorum Regis et Regine petebatur a nobis, ut donationem huiusmodi, non obstantibus constitutionibus contrariis, que inter virum et uxorem donationes fieri prohibent, apostolico curaremus munimine roborare. Nos itaque considerantes attente ius prohibite donationis huiusmodi non amare, nec tamquam inter infestos fore tractandum, sed tamquam inter maximo coniunctos affectu, et solam timentes inopiam, quod profecto ad donatoris et donatorie magnificentiam ac doni exiguitatem respectu habito, locum sibi non vendicat in hoc casu, donationem ipsam, sicut alias provide facta est, ratam et firmam habentes,

eam, non obstantibus huiusmodi constitutionibus, auctoritate apostolica duximus confirmandam. Quocirca discretioni tue mandamus, quatenus dictam reginam non permittas super premissis contra huiusmodi confirmationis nostre tenorem ab aliquibus indebite molestari, molestatores huiusmodi etc.

Raynaldi ad a. 1264. — Fejér, Codex Dipl. Regni Hungariae. T. IV. vol. III. p. 236. — Theiner, Monumenta Historica Hungariae. Romae 1859. I. p. 272.

## LX.

*Anno 1264. Nonas Octobris.*

**Bela IV. Rex** fratribus Kreč, Kupiša et Rak, ex comitatu sirmiensi oriundis, ob singularia, quibus occasione invasionis Tartarorum se illustravere, merita, nobilitatem et possessiones quasdam donat.

Bela Dei gratia Hungariae, Dalmatiae, Croatiae, Sclavoniae, Ramae, Serviae, Gallitiae, Lodomeriae, Bulgariaeque Rex. Omnibus Christi fidelibus praesens scriptum intuentibus salutem in eo, a quo Triumphus largiuntur gloriosi; qui in se credentibus, totius orbis Regibus, Marchionibusque & potestatibus praebeuit feliciter regnare & dominari. Regiae excelsae sublimitati ex innata sibi liberalitate convenit, omnium nationum pariter et lingvarum gentes, sibi semper subjective adhaerentes, de eorum multitudine gratulari, & eosdem taliter providere, ut universi amplius viventes & supervenientes, eorum felici exemplo immitando, ad summae fidelitatis opera exercenda, arctius, frequentiusque immitentur, & eosdem audatius aiment ad similia exhibenda, illis quoque pro suis honoribus commodisque et prosperis profectibus fama celebris frequentioribus detestatur studiis desudasse, digno meritoque dexteram suae munificentiae affluentius elargiri, & ea, quae ex voto sinceræ benignitatis favorabiliter conceduntur & denantur, jus appetit, ordo expostulat, ratioque justa exquirat, ut suarum lucidarum literarum seriem debeant exordiri, ne lapsu temporis calamitate exurgente, exhinc incommoda irritentur, oculis gratiosis intueri, & ad memoriam posterarum extremitatum perpetuam, literarum patrocinio debeant commendari. Proinde ad universorum tam praesentium, quam futurorum notitiam harum serie volumus pervenire: quod cum humani generis sordidis sceleribus praevalentibus, multitudo inaestimabilis, rabidae gentis Tartaricae, ex affluentis indignatione trium machinarum Domini Plasmatoris nostri, per climata totius Regni nostri perfusa, severissime ulciscendo fuisset, & nos una cum fidis Primatibus et egregiis Nobilibus nostris extra Monarchiam nostram, usque ad littora pontus aerissime persequendo, in quandam maximam Insulam Veglae contiguam repellendo, de qua etiam vi extrahere satagendo, per varia naufragia & derivativa

ingenia beluina, in nos et exercitum nostrum irruere, & caput nostrum Regium truncare, aut nos in miserabile jugum paganissimum traducere conassent, ubi in quodam turbinoso invasionis afflictu, nobis hinc inde trepide dilatantibus, imminente eventu, perpetuo Divino anathemati dato, circumquoque multitudine pugnantorum gentium ipsorum Tartarorum obsessi, universis tam novis insultibus, asperimis jaculis, crudelium verberum ictibus, afficiendis gladiis feriunt turmas nostras, sagittas lanceasque suas inebriant sanguine occisorum, undique ut muro obstructi, aut pisces in gistro compræhensi, incommodissimis verberibus strictissime afflicti, ut nec antea procedere, nec fugæ locum habere poteramus, ubi inter nostros & ipsos Tartaros, servato intervallo, nostrorum funera, plusquam ultimum capitis nostri exterminium, more Rachelis, jugulo, alta ad Dominum intensius suspiria fundebamus, Kyrie-eleison! & protector noster aspice Deus, gementes exclamabamus, vitam nostram Regiam & nostrorum, summo desiderio, a mortis impetu arcius evitare cogebarur; jam electi & praecepti praecepti, terribilem necem in momento expectabamus. Pater tandem ineffabilium misericordiarum & Dominus pie consolationis, in quo spes est omnium fidelium, oppitulando suae dexteræ virtutem porrigere dignatus est; et excelsi angulo suo jube dicente, & quasi de nube olimpi a Paraclyto missi, tres indoli viriles juvenes, Kres videlicet, Kupissa, nec non Rak vocati, de Syrmio oriundi, ut fortes athletæ, cum triginta octo fortissimis pugnantorum fratribus & consanguineis suis, fulcitis optimo militari apparatu, a nobis non postulati, nec stipendiarii salario appreciati, sed tanquam fidelissimi Christicolæ, in nostram Regiam fiduciam, illico Regio nostro lateri adhaerentes, ad gratissimum votum nostrum Regium, contra asperima agmina & pugna dictorum Tartarorum militari brachio viriliter se contulerunt pugnaturos, caput nostrum Regium, priusquam sua propria, fideliter eliberantes: hinc inde per acies, et propagulas, cum eorum caterva ipsos Tartaros in ore ipsorum feritantes, ubi acies fortiorum pugnantorum persenserunt, illac se ferventius contulerunt pugnaturos. Banderium nostrum Regium, in gyro fidelium nostrorum aulicorum trepide tenentium ad honorem & perpetuum incrementum nostrum Regium, & totius Regni nostri feliciter reservantes. Interea unum mirabilem artificem prae omnibus fortiolem & acriorem sagacem, diligenti habito clanculo, praedictus Kres tenso suo arcu, sua acutissima sagitta, simul ambos suos effixit oculos, & coram oculis nostris Regiis vivum in carinam proiecit maris. Rursus in alios sagaces et pugnaturos audacius insultans, & eosdem illac & isthac, ut jumenta in ore gladio, subtus pedes eorum in terram calcando, & ut aucas in piscinam, per littora pontus, transpassim trucitando, illico volente altissimo, qui solus cuncta praeordinat, resumptis viribus, ad refulciendum & corroborandum animum nostrum Regium, cum universorum Primatibus, & aliis gentibus nostris, alacrius in opem & nostrae personae in salubriorem remedium, iterum in ipsos Tartaros asperrime ut imbres pluviarum irruendo, & eosdem translatius, ut flumen exordio voraginis, trans litus & ultra, usque fluvium Kerka, & ad Brezcsa transpartius sunt transfugati, & nos exinde ad salubriorem processimus remedium, vota nostra altissimo in aeternum aspirando, ubi annotati fideles nostri Kres, Kupissa & Rak, reverissime, tanta nobis & Regno nostro ac sacrae coronae nostrae fidelissima exhibuerunt obsequia, quantum caput nostrum Regium praevalebat. Quae licet praetudio legentium misimus silentio, sed quantum totius Christianae Religionis una valuit zona, pro quibus necdum latam vel largam terram, sed dignum dicere,

unam partem unius Comitatus, vel honoris nostri Regii in Regno nostro, a nostra perpetue mererentur obtinere Majestate; nam & ipsi Kres, Kupissa & Rak, in hujusmodi ipsorum agilibus certaminibus & praeliis, non parva ad capita & humeros eorum retulerunt, & viginti quinque fratres & proximos eorum vita miserunt exutos; nihilominus tamen, ut in aliqua parte suorum fidelissimorum obsequiorum & sanguinis effusione, ac fratrum & proximorum suorum nece miserrima, nec non expensarum plurima onerositate, a nostra Majestate se agnoscant benigne remunerati, hanc eisdem Kres, Kupissa, & Rak praebuimus gratiam & libertatem, ut a modo in aeternum illibati Nobiles, et veri aulices Regales censeantur, & cuncta militaria praeludia, ante conspectum Regum & alias ubivis facere valeant & possint. Quocirca quasdam spaciosas terras nostras Regales, unam contiguam terrae monasterii sanctissimae & intactae Dei Genitricis Mariae in Thopozska, aliam in contiguitate terrae generationis Dresnik vocatas, omnes in Cottu. Zagrabiensi sitas & habitas, per venerabilem virum Magistrum Farkassium Ecclesiae Albensis Praepositum & aulae nostrae Cancellarium, fidelem & dilectum nostrum, a Majestate nostra specialiter ad hoc deputatum, reambulatas, & separatim ab aliis possessionatis hominibus metaliter distinctas, & segregatas, et unam quamquam in suum gyrum confertas, ac omnibus commetaneis et convicinis earundem terrarum, palam & publice, ac lucide & manifeste denuntiatis & designatis, cum omnibus ipsarum terrarum utilitatibus, & pertinentiarum integritatibus, ac fructuositatibus universis, quovis nomine & vocabulo censitis & designatis, pro nostris fidelibus Kres, Kupissa, & Rak, de praedicto Syrmio, & eorum haeredibus, haeredumque successoribus, & posteritatibus universis, de consilio & beneplacita voluntate Praelatorum et Baronum ac Procerum Regni nostri universorum praemature, dedimus, donavimus, & contulimus, imo damus, donamus, & perreniter conferimus, & in scriptis nostris eisdem tenendas, gaudendas, & possidendas perpetue, et irrevocabiliter, patrocinio mediante confirmamus. Exinde quoque universos successores nostros, felices Reges Hungariae, in Christo Rege sempiterno devotissime obsecramus, ut haec nostra liberalis donatio, & personalis confirmatio, praenominatis fidelibus nostris Kres, Kupissa, & Rak, ac eorum cunctis posteritatibus, perpetue indemnite, & illaesa, ac in omnibus suo modo observata valeant perdurare. Ita etenim, et eo modo servitia eorundem Kres, Kupissa, & Rak, ac eorum cunctarum posteritatum, de praedictis terris nobis & nostris successoribus Regibus Hungariae perpetuo vigeant, et per eosdem in aeternum administrari debeant, et teneantur; ut dum & quando Generalis & communis Regni exercitus, ad confinia ejusdem Regni, aut alias contra partes, & aemulos protervos, pro defensione proclamatus fuerit, & nos aut caeteri successores nostri Reges propria accederimus, vel accederint persona, ex tunc praenarati Nobiles nostri Kres, Kupissa, & Rak ac eorum posteritates, dum per Banum ac Capitaneos, vel Belli-Ductores Regios admoniti fuerint, semper tribus equitibus pharetrariis in eorum sumptibus ad quindecim dies sub Banderium Regum comparere parati sint, & teneantur. Transactis vero ipsis quindecim diebus, semper in nostro ac caeterorum Regum usuali stipendiali salario, et sumptibus, quo eisdem nos, ac caeteri Reges, aut Bani, vel capitanei, aut Regii Belliductores demandaverint accedere, & dummodo talis exercitus, ad propria rediverit, famulari debebunt, & tenebuntur. Decimas autem eorum, dum praedictas terras ipsorum gentibus appopulaverint, ex tunc ipsi, ac Jobagyones ipsorum, decimas in Provincia mona-

sterii S<sup>m</sup> Dei-Genitricis Virginis Mariae in Thopolszka usuales & consuetas, tempore suo solvere et administrare teneantur. Judicia quoque et universas causas eorum justitiaras in sede Comitatus Zagradiensis, ad instar aliorum Nobilium ejusdem sedis prosecui, actitare, et actitatas observare teneantur. Alias enim universas & quaslibet causas justitias Jobagyonum ipsorum, quae in eorum Territoriis, et inter eosdem Jobagyones ipsorum quomodocunque contingunt, homicidia, violentiae, furticia, & alia quaevis secularia vitia, omnes Nobiles annotati Kres, Kupissa, & Rak, ac eorum posteritates, in eorum sede, quacunque feria hebdomadali, per eosdem legitime praefixa, judicare, et universos maleficos, rusticos. juxta eorum excessus punire, & quaecunque birsagia, ad maius tres marcas, & poenam pacis, centum denarios usuales, medietatem praefati Nobiles, aliam medietatem iudices ipsorum, per eosdem legitime pro tempore constituti, tollere, et prosecui, recipereque valeant, atque possint. In cujus donationis & perennalis confirmationis memoriam firmitatemque perpetuam, concessimus has litteras nostras privilegiales, dupplicis sigilli nostri in appensione munimine roboratas. Datum per manus Venerabilis viri Magistri Farkasii, Albensis Ecclesiae Praepositi, Cancellarii nostrae Majestatis, dilecti fidelis nostri. Anno Incarnationis Dominicae Millesimo Ducentesimo sexagesimo quarto. Nonas Octobris, Regni autem nostri vigesimo sexto.

Ex transumptis, in comunitatibus Nobilium Kresić seu Krašić et Kupšina seu Kupčina, descendunt a supranominatis Kres et Kupiša, asservatis. Habet quoque Kerčelić Hist. Eccl. Zagr. p. 329.

*(Easdem donationales et privilegiales litteras confirmarunt: Ludovicus I. Rex a. 1364, Vladislaus IV. a. 1499, Ludovicus II. a. 1519, Ferdinandus I. a. 1548, Maximilianus II. a. 1571 et Rudolfus II. a. 1583.)*

---

## LXI.

*Anno 1264. Idus Martii.*

Abbati Toplicensi media pars terrae, quae Kralla vocatur, a Michaelae Comite de Sana, quod in hodierna Croatia turcica erat, possidenda traditur.

Tenor Privilegij super Crala. Universis has Litteras inspecturis. Michael Comes de Sana, subscriptas veritati fidem adhibere. Noverint Universi, quod Nos de mandato et praecepto Excellentissimi Domini Nostri Regis Hungariae, medietatam Terrae Kralla, cum suis pertinentijs omnibus, sicut eam Pribislaus Comes tenuit in vita sua et possedit, Domino Abbati de Toplica, per Fratrem Desiderium Monachum suum, qui cum Litteris et praecepto venit ad Nos ex

parte Domini Regis, assignavimus in praesentia Domini Episcopi Ladislai, eo jure, et ea Libertate, qua dictus Pribislaus eam tenuit, perpetuo possidendam, et ibidem pro voluntate sua Grandiam aedificandam. In cujus rei Testimonium praesentem paginam, sigilli nostri munimine signatam, Domino Abbati contulimus. Datum Anno Domini Millesimo Ducentesimo Sexagesimo quarto. Idus Martij. In Insula. Pristaldus Noster Jacobus Comes noster Curialis de Bichich (Bihać).

Ex transsumpto Privilegiorum Abbatiae B. M. V. de Thopusko.

## LXII.

*Anno 1267. Kal. Martii.*

**Bela IV. Rex Cives de monte Greč seu Zagrabia a solutione omnium tributorum et tricesimarum exemptos reddit.**

Bela Dei gratia Hungarie, Dalmacie, Croacie, Rame, Servie, Galicie, Lodomerie, Cumanieque Rex, omnibus presentes litteras inspecturis salutem in omnium saluatore. Officii nostri debitum remedijs inuigilat subditorum, nam dum eorum utilitati prospicimus, dum concedimus per futura plebum numerus crescit iugiter et augetur, in quo Regis gloria specialiter denotatur. Proinde ad vniuersorum notitiam harum serie volumus peruenire, quod dilecti et fideles nostri Ciues et hospites in nouo Castro nostro, per nos iu monte Grecz constructo existentes, ad nostram Majestatis accedentes presentiam nobis revellare procurarunt, quod cum ipsi in confinio Regni, in partibus Sclauonie sint constituti, et preter concessa tributa et transitus ac cum suis mercimoniis questum non possent habere aliqualem, et in his ipsa Ciuitas nostra molestiam pateretur non modicam; a nobis humiliter postularunt, ut nos ipsos a solutione dictorum tributorum et tricesimarum redderemus exemptos, seu absolutos. Nos igitur dignis et iustis petitionibus eorum inclinati, et maxime quia iidem Ciues nostrj in diuersis negotijs Regni nostri et nostris debitam fidelitatem sancte corone nobisque semper exhibuerunt. non parcendo rebus et personis, imponendo se et suos diuersis casibus et fortunis, de consensu et bona uoluntate domine regine, Charissime consortis nostre, nec non omnium Baronum regni nostrj nobis assedentium, hanc specialem gratiam eis duximus faciendam, quod ipsi Ciues nostri, intra terminos Regni nostri, aliquot tributum, tam in aquis quam in terris, nec aliquam Tricesimam in ullo loco soluere teneantur, sed sint a solutione eorum exempti penitus et immunes; et hoc cum alijs omnibus libertatibus ipsorum, similiter per nos eisdem concessis, inuolabiliter confirmamus et per nostros successores uolumus conservari. In cuius rei memoriam et perpetuam firmitatem presentes concessimus litteras duplicis sigilli nostrj munimine roboratas. Datum per manus magistri Farkasij prepositi



**Albensis Ecclesie, Aule nostre vite Cancellarij, dilecti et fidelis nostri. Anno domini Millesimo ducentesimo sexagesimo septimo. Kalendis Martij, Regni autem nostri anno tricesimo secundo.**

*Ex transcripto Originalis membr. Rudolphi II. Regis anno 1595 exaratae, in Archivio Regni Croatiae Fasc. 984. N. 22.*

### **LXIII.**

*Anno 1269. 12. Kal. Julii. Spalati.*

**Bela, totius Slavoniae Dux, in Regno Dalmatiae auctoritate regia plene usque adeo fungitur, ut in diplomatibus ab eo editis ne Regis quidem nomen memoretur.**

**In nomine domini aeterni amen. Incarnationis eiusdem Millesimo, ducentesimo sexagesimo nono. Indictione duodecima, die duodecimo Kalendas Julii. Temporibus Domini Belae inclyti Slavoniae Ducis et nostri Domini nati. Ven. Patris Domini Johannis Spalatensis Archiepiscopi, Comitis Nicolai egregiae potestatis. Praedictus dominus Johannes Archiepiscopus locum fratrum Ordinis Praedicatorum in horto Archiepiscopali positum..... Praedicatorum ipsorum ipsis Fratribus Praedicatoribus collatum, auctum esse prospiciens etc.**

*Parlat. Illyricum Sacrum T. III. p. 284.*

### **LXIV.**

*Anno 1271. In Bihac.*

**Amica conventio, inter communitatem civitatis Bihac, nunc in Croatia Turcica sitae, et Conventum Toplicensem inita.**

**Nos Jacobus, major villae, et tota Comunitas Civitatis de Bihig, ad universorum notitiam volumus pervenire, quod nos cum Venerabili Patre Domino M. Venerabili Abbate de Toplica, de beneplacito suo, et Nostro communi consilio**

et assensu talem inter Nos et ipsum ordinavimus compositionem, ut ipse nullum de Nostris Jobagionibus de Veliho ad suum districtum in Crala recipiat, et Nos e converso nullum equidem de suis Jobagionibus de Crala ad Nostrum districtum de Veliho, auctoritate praesentis ordinationis recipere praesumimus. Quod si pars alterutra ordinationem istam aliquatenus in recipiendo alterius partis Jobagionem infringere praesumpserit, ex vi praesentis Statuti ipsum Jobagionem cum rebus ablatis cum iudicio duplici adversae parti restituere teneatur. Datum in Bihig anno Domini Millesimo Ducentesimo septuagesimo primo.

Ex Transsumpto Privilegiorum Abbatiae B. M. V. de Thopusko.

---

## LXV.

*Anno 1272. 10. Augusti. Budae.*

**Ladislaus, Hungariae et Croatiae Rex, civibus Spalatinis mandat, ut in signum fidelitatis suos extraneos iudices e civitate expellant et quatuor conspicuos viros negotia Regni Croatiae cum Rege ordinaturos mittant.**

Ladislaus fidei suo Comiti ciu. Spalat. salutem et gratiam. Quia nobis semper fidelitatis opera exhibuistis, indefesse vos prosequimur Regio cum fauore. Sed quia propter variarum guerrarum discrimina ad vos accedere nequimus vsque modo, Intelliximus, quod vos Iudices extraneos de alijs Regnis accipere consuevistis, quod non est fidelitatis indicium; ciues etiam nostros Tragurienses non modicum discrimini perturbare; quosdam etiam nobis fideles de uestra Communitate expulistis. Quare fidelitati uestre firmiter precipiendo mandamus, quatenus, si nos naturalem Dominum Regem Hungarie et Croacie cognoscitis, ex tunc iudices extraneos de communitate uestra expellatis, et de Regno nostro nobis fideles pro potestate uobis assumatis, ac ciues nostros Tragurienses non presumatis in aliquo perturbare: si autem aliquam habetis actionem contra ipsos, experiamini coram nobis, iustitia mediante; illos etiam nobis fideles, quos de Regno nostro exclusistis, reducat, et bona ac possessiones restituatis eorundem; preterea quatuor ex uobis meliores, si nobis fideles esse vultis, vsque festum S. Michaelis ad nos transmittatis, vt nos vna cum ipsis de bono statu Regni Croacie ordinemus. Datum Budae in festo S. Laur. Mar. 10. Aug.

Lucius I. Memorie Istoriche di Tragurio ora detto Traù. pag. 93.

## LXVI.

*Anno 1272. die 14. Junii. Spalati.*

**Archiepiscopus Spalatensis provinciam Likam Episcopatui  
Nonensi cedit.**

In nomine Dei aeterni Amen. Anno Incarnationis ejus 1272, Indictione XV. die 14. intrante Junii, regnante D. N. Stephano Serenissimo Rege Ungariae, tempore D. Joannis venerabilis Spalatensis Archiepiscopi, Domini Joachini Pe-ctari Bani Sclavoniae, Comitis D. Vulcet (Vulchet) egregiae Potestatis, Dobri Buscize (Dusizze), Vulcine (Vulcena), Frese Judicum.

Nos Joannes D. G. Spalatensis Archiepiscopus, ad universorum praesentium et futurorum, harum serie, plenam notiam volumus devenire, quod suscepta regiminis cura venerandae sedis Ecclesiae Spalatensis, dolentes et gementes reperimus et invenimus ipsam de sua antiqua dignitate, suffraganeorum videlicet pluralitate, possessionum provenientium multitudine, et provinciarum (Parochiarum) numero, praedecessorum nostrorum indulgentia, multifarie multisque modis spoliatam, quinimo pene totaliter suffocatam, et suis juribus destitutam. Cujus dissolutionis tacti dolore cordis intrinsecus, totis praecordiis compatiētes, et ipsius reparationi studium pro posse adhibentes, ab ipso primordio nostri adventus fama celebri, multorumque nobilium relatione percepimus, Provinciam Lika ad praefatam Sedem Spalatensem pertinuisse; et ideo cum consilio et cum consensu nostri Capituli praedictam Provinciam Lika ad jus et proprietatem Beati Domnii resumere volebamus, Domino Regi contra venerabilem fratrem nostrum D. Stephanum Episcopum Nonensem graves quaerimonias faciendo, et ipsum in causam coram ipso attrahendo. Cumque tale negotium diu coram Domino Rege inter nos verteretur, praedictus D. Nonensis Episcopus supplicavit nobis saepe saepius humiliter, privilegiorum suorum munimen allegando, et suam justitiam declarando, sibi misericorditer in hac parte assentire. Quapropter nos et Capitulum Spalatense Deum habentes prae oculis, jus et honorem Nonensis Ecclesiae cupientes et volentes, sicut debemus et tenemur ex officio nobis injuncto, integraliter confirmare et conservare, veritati et non famae innitentes super eadem quaestione, cum nostro Capitulo aliisque sapientibus et religiosis viris deliberatione habita et consilio diligenti, praedictam Provinciam Lika cum omnibus suis juribus et pertinentiis per nos et Capitulum nostrum ac successores nostros, praecipue cum in eadem questione nihil juris penitus habeamus, salvo secundum morem patriae visitationis officio, Venerabili fratri nostro Stephano Nonensi Episcopo, et ejus successoribus, nostrae Nonensi Ecclesiae realiter et personaliter, pacifice ac quiete relinquimus perpetuo possidendam: renunciantes et cedentes totaliter quaestioni. In cujus rei memoriam perpetuam et notitiam pleniorē, praesentem cessionem,

atque reformationem, nostro nostrique Capituli Sigillis pendentibus iussimus communi. Actum in Spalato in praesentia et testimonio nobilium virorum Martini Grisogoni, Josephi Petri, et Martini Simeonis in palatio.... Ego.... D. Lucas Canonicus et juratus Notarius Spalatensis his interfui et mandato ac praecepto D. Archiepiscopi nec non et Capituli, ut audiui scripsi, complevi et roboravi. \*)

Ex Archivio Nonensis Ecclesiae . Parlati Illyricum Sacrum. T. III. p. 285.

## LXVII.

*Anno 1274, pridie Calend. Junii.*

**Ladislaus Rex populum Ecclesiae Zagrabiensis a pendentis collectis marturinarum undecim et septem denariorum, in Regno Slavoniae consuetis, liberat.**

Ladislaus, Dei gratia Hungariae, Dalmaciae, Croaciae, Ramae, Serviae, Galiciae, Lodomeriae, Cumaniaeque Rex, omnibus tam presentibus quam futuris, et specialiter collectoribus Marturinarum undecim et septem Denariorum per Slavoniam ad praesens, et pro tempore constitutis, quibus expedit, et praesentes ostendentur, salutem in omnium Salvatore. Cum populi Zagrabiensis Ecclesiae, tam Episcopi videlicet quam Capituli loci eiusdem ab omni collecta, siue exactione qualibet marturinarum videlicet, et aliarum exactionum quarumcunque, iuxta antiquam et consuetam ejusdem Ecclesiae libertatem, vallatam multis praedecessorum nostrorum Priuilegiis, et specialiter Priuilegio Domini Stephani serenissimi Regis, clarae recordationis Patris nostri, liberi sint penitus et exempti, Nosque eandem Ecclesiam & Populos ipsius in prioribus velimus eorum libertatibus indemnes conseruare: Vniuersitati vestrae praesenti dictione perpetuo duratura specialiter inhibemus, ne quis praedictos Populos Episcopi et Capituli Zagrabiensis, nomine, ratione seu occasione collectae cuiuslibet, et specialiter praetextu collectae undecim et septem Denariorum, praesumat quatenus molestare, aut ali-

\*) Hanc cessionem Stephanus V. Rex a. 1272. 8. Julii ad praeces Episcopi Nonensis confirmavit. In ejus diplomatae haec leguntur: „Nos itaque cum ex forma litterarum earundem edocti, cum etiam per testimonium Rolandi Bani, aliorumque nobilium informati, nec non ex serie Instrumentorum Nonensis Ecclesiae edocti, quod Provincia de Lica, et ejus decimatio nunquam ad Spalatensem Ecclesiam, sed semper et pacifice ad praefatum Nonensem Episcopum et Ecclesiam suam pertinuerit et debuerit de jure pertinere, suadente juris aequitate, litteras easdem ratas habentes, et acceptas, et inseri de verbo ad verbum facientes, praesentibus confirmamus etc. Datum per manus Magistri Praepositi Onodiensis (Onodiensis) aulae nostrae V. Cancellarii etc. Venerabilibus Patribus etc. Jachimo Bano totius Sclavoniae, Paulo Bano Comite Biachiensi.“

quam collectam exigere ab eisdem, non obstantibus literis nostris, si quae contra tenorem Priuilegiorum eorundem, seu contra formam libertatis Ecclesiae emanassent, vel deinceps quomodolibet contingerit emanare, cum praedictam Ecclesiam, sicut praemisimus, ob reuerentiam sanctorum praedecessorum nostrorum, Stephani et Ladislai Regum Hungariae, nec non propter approbatam fidelitatem Venerabilis Patris Timothaei, eiusdem Ecclesiae Episcopi, dictam Ecclesiam, Populos, et lura eius velimus et intendamus manutenere, et conseruare in eorum consuetis et antiquis libertatibus inconcusse. In cuius rei memoriam et perpetuam firmitatem praesentes dedimus literas dupplicis Sigilli Nostri munimine roboratas. Datum per manus Magistri Benedicti S<sup>mo</sup> Strigoniensis Ecclesiae Electi, ejusdemque Loci Comititis perpetui, Aulae Nostrae Vice-Cancellarii & Praepositi Budensis, Dilecti & Fidelis Nostri. Anno Domini Millesimo Ducentesimo septuagesimo quarto, pridie Calendas Junij Indictione secunda, Regni autem nostri secundo. Venerabilis Patribus Stephano Colocensi et Joanne Spalatensi Archiepiscopis, Lamberto Agriensi, Briccio Csanadiensi, Job Quinque-Ecclesiensi, Philippo Vaciensi, Aulae Dominae Reginae, Consortis Nostrae, Cancellario, Timothaeo Zagrabiensi, Lodomero Varadiensi, Dyonisio Jauriensi et Petro Transylvano Episcopis, Ecclesias Dei feliciter gubernantibus. Dyonisio Palatino, Comite de Oklich & Judice Cumanorum. Nicolao Judice Curiae Nostrae, Comite de Guecke. Henrico Bano totius Sclavoniae, Nicolao voyvoda Transylvano et Comite de Zonuk, Paulo Bano de Seuerino, Joachymo Magistro Tauernicorum Comite de Plyss, Reinoldo Magistro Dapiferorum Comite Zulgageriensi (?), Nicolao Magistro Pincernarum, Herbordo Magistro Agazonum nostrorum, Comite Barana. Moys Magistro Tauernicorum Dominae Reginae, Consortis nostrae charissimae, Comite Simighiensi; Joanne Comite Soproniensi, Gregorio Comite Castriferrei, Dedalo Comite Zaladiensi, Jacobo Comite Nitriensi, et aliis quam pluribus Comitatus Regni tenentibus et honores.

Ex transsumpto litterarum originalium. in Archivio Capituli Zagrabiensis asservaturum.

---

## LXVIII.

*Anno 1275.*

**Elisabetha Regina nobiles Comitatus Verevče, ultra fluvium Dravum seu in Hungaria in jus vocari non posse statuit.**

Elisabeth, dei gracia Regina Hungarie, vniuersis christi fidelibus tam presentibus quam futuris presens scriptum inspecturis salutem in omnium saluatore. Ad vniuersitatis vestre noticiam harum serie volumus pervenire. Quod cum dominus Ladislaus rex et dux Andreas, frater eiusdem, karissimi filij no-

stri, victoriosissimo patre eorum domino Stephano illustri Rege Hungarie de medio sublato, in etate tenera constituti, regnum et subditos suos debito nequirent regimine gubernare, et exinde per hostes extraneos varie necessitates Regno, et per discordiam baronum inter se habitam iniuriarum acciones incolis eiusdem in ablacione possessionum imminerent: inmunitati quorumlibet ex officio pietatis succurrere cupientes, Dammasa, Thome nobilibus de Werevch, filijs Mathye, in comitatu de Wereuche more nobilium terram tenentibus, duximus annuendum, ut terram Lusanch vocatam, prope fluuium Ilua existentem, ad eundem comitatum de Wereuche pertinentem, quam domina Maria socrus nostra pie memorie eisdem in concambium terre Bryzniche dedit cum vineis et omnibus pertinencijs suis ydem Damasa, Thomas filij Mathye antedicti ac heredes heredumque suorum successores perpetuo tenere valeant et eo modo possidere, ut si heredum solacio fuerint destituti, legandi, vendendi cuicunque voluerint ipsam terram liberam habeant vendendi facultatem, salvo in omnibus iure dominij principalis, eo, quod nobis et nostris successoribus reseruamus. De collectis autem marturinarum et alijs debitis populorum suorum nobis persolvendis, terciam recipiant porcionem. Concessimus insuper, ut ultra Drauam ad curiam domini Regis et ad nostram vel alterius iudicis cuiuscunque citati, nullatenus accedere teneantur, et quod persona extranea testes extraneos producere non possit contra ipsos. Mete autem ipsius terre hoc ordine distinguuntur, prima meta incipit ab oriente per tres arbores Byk vocatas de capite puteij Nepesch, iuxta terram magistri Egydy tendens uersus meridiem iuxta terras vyznicatus pervenit ad arborem Cerasij cruce signatam, et inde ad arborem Gyrtyan meta terrea circumfusam, inde pervenit ad fluuium Ilua et per ipsum fluuium tendit uersus occidentem, et de illo fluuiio exit directe ad arborem pomi meta terrea circumfusam, deinde tendit ad quemdam riuulum in feneto, et per eundem riuulum supra versus occidentem ad arborem Gyrtyan, sub qua est meta terrea, deinde ad arborem ficum cruce signatam, meta terrea circumfusam. Postea ascendit ad Byrch et per ipsam Byrch reflectitur ad septemtrionem et pervenit ad terram Jacoby filii Belthe, ubi est arbor yhor, meta terrea circumfusa, et ibi inter duas vineas pervenit ad arborem Cerasij cruce signatam. Inde tendens directe ad eandem plagam in monte usque ad magnam vineam Mathye antedicti, et inde tendit ad viam iuxta terram magistri Egydy et transiens per eandem, per metas terreas, pervenit ad tres arbores antedictas et metam memoratam, ibique terminatur. In cuius rei memoriam firmitatemque perpetuam presentes eisdem Damasa, Thome ad dictam possessionem, concessimus litteras dupplicis sigilli nostri munimine roboratas. Datum per manus Magistri Gregorij Aule nostre fidelis Cancellarij, anno domini Millesimo ducentesimo septuagesimo quinto.

Orig. membr. in Archivio Regni Croatiae inter acta monasterii de Dobra Kuća. Fasc. I. Nro. 1.

## LXIX.

*Anno 1275. die 4. nonas Decembris.*

**Ladislaus IV. Rex populos Stephani filii Michaelis, in Banatu Slavoniae habitantes, a marturinis et a zaluzina, Slavoniae Bano pendenda, immunes declarat.**

Ladislaus, dei gracia Hungarie, Dalmacie, Croacie, Rame, Seruie, Gallicie, Lodomerie, Cumanie, Bulgarieque Rex. Omnibus Christi fidelibus presentes litteras inspecturis, salutem in omnium Salvatore. Prouida regum circumspectio suorum subditorum, sibi fideliter famulantium, obsequia debet prospicere oculis pietatis, et occurrere eisdem largifluis manibus, atque donatiuis, vt eo exemplo alii suis naturalibus Dominis addiscant eo diligencius famulari. Proinde ad vniuersorum, tam presencium, quam posterorum noticiam harum serie uolumus peruenire: Quod attendentes fidelitates et meritoria obsequia, et obsequiosa merita Stephani, filii Michaelis . . . nostri, que idem Domino Stephano, patri nostro karissimo, clare recordacionis, et nobis ac regno Hungarie in diuersis expeditionibus, cum omni feruore fidelitatis exhibuit, et impendit; volentes eidem aliquali remuneracionis gracia in recompensacionem suorum seruitiorum respondere, licet maiora debuisset promereri; tamen ex munificentia regia statuimus, et concessimus, vt populi eiusdem Stephani, in banatu Sclauonie constituti, collectam marturinorum et victualium, que Zolusma (zaluzina) nuncupatur, bano Sclauonie pro tempore constituto nullatenus soluere teneantur; sed ab huiusmodi collecta excepti penitus et exempti habeantur; sed iidem populi eidem Stephano, Domino suo, prout eidem videbitur expedire, in eadem collecta debeant respondere. Vt autem huiusmodi gracia per nos eidem facta et concessa, robur obtineat perpetue firmitatis, et ne processu temporum per quempiam possit vel debeat in irritum reuocari, aut aliquatenus retractari, presentes concessimus litteras dupplicis sigilli nostri munimine roboratas. Datum per manus venerabilis viri Magistri Benedicti, sancte Strigoniensis Ecclesie electi, eiusdem loci Comitis perpetui, Prepositi Budensis, Aule nostre Vice-Cancellarii, dilecti et fidelis nostri, anno Domini MCCLXXV. IV. nonas Decembris, Indictione tertia, regni autem nostri anno quarto. Venerabilibus Patribus, Stephano Colocensi et Joanne Spalatensi Archiepiscopis; Philippo Vaciensi, aule Domine Regine, Consortis nostre karissime, Cancellario: Job Quinqueecclesiensi, Lodomerio Varadiensi, Thymoteo Zagradiensi, Dionysio Jauriensi, Petro Transilvano, Gregorio Chanadiensi, Episcopis, et Petro electo et confirmato Wesprimiensi, Ecclesias Dei feliciter gubernantibus. Petro Palatino, Comite Supruniensi, et Iudice Cumanorum; Thoma Bano totius Sclauonie, Wgrino Woywoda Transilvano, Comite de Zonuk; Matheo, Magistro Tauarnicorum nostrorum; Stephano, Magistro Dapiferorum nostrorum, Comite Borsiensi; Petro Ma-

gistro Agazonum nostrorum, Rolando Magistro Tauarnicorum Domine regine, karissime consortis nostre, Comite de Zana; Moys Comite Symighiensi, Michaelae Comite Nitriensi, Bagum Comite de Zala, Iwanka Comite Albensi, et aliis quam pluribus, Comitatus regni nostri tenentibus et honores.

E dipl. Hung. Széchényi pag. 424. — Fejér G. Codex Dipl. Regni Hung. eccl. et civ. T. V. v. II. p. 277.

## LXX.

*Anno 1277.*

**Ladislaus Rex Timotheo Episcopo Zagrabiensi ejusque successoribus Comitatum Gerzencze seu Berzencze una cum collectis marturinarum et septem denariorum ac zaluzinarum confert.**

Ladislaus etc. Etsi quibuslibet coronae regiae fidelibus et devotis aperire debemus munificentiae nostrae manus, illis tamen, et maxime praelatis Ecclesiarum tenemur ardentius et specialius respondere, quos videmus nostris et regni nostri negotiis insistere fideliter et devote; et praesertim cum per hoc et honor accrescat regius, et salus attendatur animarum. Proinde ad vniuersorum notitiam harum serie volumus peruenire, quod gratam et commendabilem fidelitatem et meritoria ac multiplicia obsequia ven. Patris Timothei, miseratione diuina episcopi Zagrabiensis, dilecti et fidelis nostri, quibus in regni nostri negotiis, et coram nostrae maiestatis oculis absque aliquo offensionis scrupulo studuit multipliciter complacere, attendentes, volentesque ob hoc eidem dignae remunerationis beneficio complacere; licet respectu eius, quod ad praesens sibi conferimus, potiora mereretur; in aliqualem tamen recompensationem fidelium obsequiorum eiusdem Episcopi, de baronum nostrorum consilio et assensu, contulimus sibi, et per eum episcopatui Zagrabiensi, Comitatum de Gerzencze, cum collecta marturinarum et septem denariorum, tenendum, habendum et possidendum, perpetuo et irreuocabiler, pacifice et quiete; cum illa et eadem libertate, quo possessiones et populi dicti Episcopatus Zagrabiensis a temporibus sanctorum praedecessorum nostrorum, illustrium regum Hungariae, gratulantur; statuantes, quod nec banus Sclauoniae, ratione collectae marturinarum et septem denariorum, ac Zaluzinarum; et similiter magister Tauernicorum nostrorum, nomine eiusdem collectae septem denariorum, de ipso comitatu de Gerzencze prouenientium, praedictum episcopum et successores suos praesumat vel debet molestare. Et insuper vniuersi populi, in eodem Comitatu de Gerzencze existentes, nec bani, nec iudicum suorum iudicio in quouis articulo debeant subiacere; quum ipsum



comitatum, non ut honorem, sed in possessionem perpetuam episcopatus Zagrabien-  
 si contulerimus irrevocabili- ter possidere. In cuius rei memoriam et perpe-  
 tuam firmitatem praesentes concessimus litteras dupplicis sigilli nostri munimine  
 roboratas. Datum per manus M. Demetrii, Praepositi Albensis, aulae nostrae  
 Vice-Cancellarii dilecti et fidelis nostri, anno Domini MCCLXXVII, regni autem  
 nostri anno quinto.

Kerčelić. Hist. Eccl. Zag. p. 89. — Katena. Tom. VII. pag. 721.

## LXXI.

Anno 1279.

Ladislaus Rex privilegium Nicolai Bani totius Slavoniae  
 de libertatibus Nobilium Campi Zagrabien- sis transsumit  
 et confirmat.

Ladislaus, dei gratia Hungarie, Dalmatie, Croatiae, Rame, Seruie, Gallitiae,  
 Lodomerie, Cumanie, Bulgariaeque Rex. Vniuersis Christi fidelibus, ad quos pre-  
 sentes peruenerint, salutem in omnium Salvatore. Ad vniuersorum notitiam tenore  
 presentium volumus peruenire: Quod accedens ad nostram presentiam Comes La-  
 dislaus, filius Gumzyna, Jobbagio Castri nostri Zagrabien- sis, pro se et aliis sociis  
 exhibuit nobis priuilegium Nicolai Bani totius Sclauoniae, petens cum instantia, ut  
 idem ratum habere, et nostro dignaremur priuilegio confirmare; cuius quidem  
 priuilegii tenor is est: Nos Nicolaus, Banus totius Sclauoniae, significamus tenore  
 presentium, quibus expedit, vniuersis: quod cum feria tertia proxima ante ascen-  
 sionem Domini congregationem regni Sclauoniae Zagrabie haberemus generalem.  
 vniuersi Jobbagiones Castri Zagrabien- sis ad nostram accedentes presentiam, in  
 communi concilio predicto, conditiones libertatum ipsorum antiquas nobis ex-  
 posuerunt sub hac forma: Quod persolutis commutationibus descensuum, ex  
 parte ipsorum prouenientibus, nec Vice-Judex noster, aut Curialis Comes eius-  
 dem, descensum facerent, eo facto a debito commutationis descensus iidem  
 Jobbagiones castri essent expediti; si vero descensum non facerent, ex tunc  
 semel in anno, scilicet circa festum Sancti Martini, ratione eiusdem descensus.  
 Comiti nostro decem et octo pensas iidem Jobbagiones dare tenerentur; et sub  
 eadem forma ratione descensus nostri in festo predicto nobis octo marcas soluere  
 tenerentur; eo quod nec Judex noster, nec Curialis Comes ipsius in eundo versus  
 Gozd, vel redeundo, descensum facere possent inter ipsos, vel familia eorundem,  
 aut nostra. Item quantum in habita compositione aduersae parti darent, tantumdem  
 Judici dare tenerentur, nec aliquis possessionatus ratione alicuius debiti deberet  
 captiuari. Si quis vero ex ipsis contumacia ductus usque septimum terminum

iuri parere negligeret, penam eiusdem terrestris Comes iudicis nostri predicti recipere teneretur, et receptam ipsi Comiti nostro assignare; nec aliquis inter ipsos terrestris Comes esse posset, nisi de communi consensu eorundem; et euoluto termino anni terrestrem Comitatum renouandi haberent facultatem. Subiunxerunt etiam, quod nullus collectorum Jobbagiones in cura eorum Jobbagionum Castri existentes dicandi haberet optionem; nec ratione iudiciorum exercitus ipsos possemus aggrauare, nisi eadem collecta emergeretur per regnum supradictum. Curialis uero Comes Zagrabiensis predictus nullo vnquam tempore posset descensum facere inter ipsos. Nos itaque auditis, et intellectis libertatibus supradictis, volentes plenius certificari de eisdem, vniuersos nobiles regni, quorum multitudo aderat copiosa, requisiuimus, qui vnanimiter retulerunt, quod iidem Jobbagiones castri, a tempore, cuius non exstat memoria, in libertatibus predictis permansissent. Vnde nos per Nobiles regni certificati de libertatibus supradictis, easdem, ne in futurum per quempiam possint irritari, presentibus duximus roborandas. In facti memoriam, et cautelam ampliorem, presentes contulimus sigilli nostri munimine roboratas. Datum Zagrabie in ascensione Domini. Anno ab incarnatione eiusdem MCCLXXVIII. Igitur nos iustis et legitimis petitionibus eiusdem Comitis Ladislai fauorabiliter inclinati, ipsum priuilegium ratum habentes et acceptum, de verbo ad verbum presentibus inseri facientes, dupplicis sigilli nostri patrocinio duximus roborandum. Datum per manus discreti viri Magistri Nicolai, aule nostre Vice-Cancellarii, dilecti et fidelis nostri. Anno Domini MCCLXXIX, regni autem nostri anno septimo.

Transumptae ac confirmatae a Sigismundo Rege a. 1436. et a Vladislao a. 1514. Ex harum pari vidimato liberalitate Ill. D. Baronis Bedeković, obtinuit eas Georgius Fejér et exhibuit in Codice diplomatico R. Hungariae. Tom. V. Vol. II. p. 498.

---

## LXXII.

Anno 1279.

Comitatum Wolkov (Valkoviensem) jurisdictioni Ducis totius Slavoniae subjectum fuisse patet.

Capitulum Ecclesie Beati Petri de Posaga, omnibus Christi fidelibus, tam presentibus, quam futuris, salutem in Domino sempiternam. Ad vniuersorum noticiam harum serie volumus peruenire: quod Ladizlaus, filius Comitis Pasca, et Nicolaus, filius Emchud, ab vna parte; Magister Dacianus, et Christoforus, filii Johannis, consobrini Comitis Pasca, ab altera, coram nobis personaliter comparentes, ydem Ladizlaus et Nicolaus confessi sunt viua voce, quod terram Borsod vocatam, in Comitatu de Wolkou existentem, quam rex Bela felicitis recordationis adhuc tempore sui Ducatus Comiti Pasca, patri eiusdem Ladislai contulerat, cuius

terre medietatem idem Ladizlaus supradicto Nicolao, ex concessione regia dederat et assignarat, supradictis Magistro Dacyano et Christoforo, pro quadraginta et duabus marcis, partim in denariis, et partim in estimacione condigna, plene receptis, vendidissent perpetuo possidendam; quas tamen XL et duas marcas, Magister Dacyanus et Christoforus persoluerunt coram nobis Ladizlao et Nicolao prenotatis. Dixit etiam Ladizlaus, quod non solum predictam terram Borsod, pro predicta summa pecunie vendidisset, verum etiam maxime pro eo dedisset, quod cum Comes Paska, pater eiusdem, in extremis laboraret, paterna benedictione sibi iniunxisset, vt si heredum solatio destitutus fieret, nemini de cognatis suis eandem terram vendere seu dare presumeret, nisi filijs Johannis, consobrini sui, videlicet Dacyano et Christoforo prenotatis. Nec hoc pretermittimus, quod Ladislaus et Nicolaus prenotati, recepta sepedicta pecunia plenarie, priuilegium Regis Bele, super collacione eiusdem terre confectum, in manus Magistri Dacyani et Christofori statuerunt coram nobis. Sepe dictam terram Borsod, in metis et terminis, in ipso priuilegio continentibus, tenendam, et possidendam in filios filiorum suorum relinquendo. In cuius rei memoriam firmitatemque perpetuam presentes concessimus, ad instanciam et petitionem Ladizlai et Nicolai predictorum, sigilli nostri munimine roborando. Datum anno Domini MCC. septuagesimo nono.

Fejér. Codex Dipl. Regni Hung. T. V. v. II. p. 588.

### LXXIII.

*Anno 1279—1419.*

**Privilegia Communitatis Nobilium Praedialium castri et oppidi Reicha seu Rovišće, nunc in confinio militari siti.**

Nos Nicolaus de Gara, regni Hungarie Palatinus, et Iudex Comanorum, nec non Comes Petrus de Peren Iudex Curie Serenissimi et Magnifici principis domini Sigismundi, dei gracia Romanorum regis semper Augusti, ac Hungarie etc. regis, memorie commendantes tenore presencium significamus, quibus expedit vniuersis. Quod cum Elias filius Mykech de Welike, Comes terrestris Reychensis, nec non Ladislaus filius Michaelis de Fodorostyna et Petrus filius Petri Chvrch de Pribenoch, in eorum ac vniuersorum et singulorum predialium et Nobilium Castri Reychensis personis, domino nostro Sigismundo regi, in eo, quod quamvis ipsi et quilibet eorum prediales et nobiles Jobagiones Castrenses existendo, per diuos reges Hungarie, propter preclara progenitorum eorum seruiciorum merita specialibus libertatum prerogatiuis et graciosis indultis, vigore certorum litteralium Instrumentorum exinde confectorum, fuissent et essent presigniti,

(Pars I. Privil. et Libert.)

eisdemque a tempore, cuius contrarium non existeret, ad instar predialium et Nobilium verorum et naturalium serviencium regalium, vltra Drauam constitutorum, et iuxta eorundem libertates vsi fuissent et gausi fruique deberent de iure et gaudere; nichilominus tamen Martinus dictus ders de Zeredahel, litteralia eorum munimenta, que apud se habuisset, manibus suis vendicando, et premissis eorum libertatibus fraudulentè obuiare machinando, tam ipse Martinus oers, quam deum nobilis domina consors, nec non filij et adherentes ipsius Martini ders, ipsos nobiles Castri predicti diuersis pecuniarum et alijs taxis, nec non dacijs, exactionibus, et seruicijs, sepe replicatis uicibus, eis et eorum singulis impositis, et ab eis exactis et extorsis, certis eciam possessionibus, et porcionibus possessionarijs nonnullorum ex eis pro se ipsis occupatis, et illic suos rusticos locatis, ipsis, vt eos premissis eorum libertatibus ac possessionibus et porcionibus possessionarijs priuari, ac in rusticos conuertere possent, contra premissas eorum libertates et graciosà indulta multipliciter impediuisent, turbassent, et agrauassent, querimoniam porrexissent. In contrarium vero Briccius filius Andree de Saarkecz, familiaris prefate domine et filiorum suorum, ad eiusdem domini nostri regis presentiam accedens, nominibus et in personis ipsorum filiorum et relicte Martini Bani, ipsos prediales prefato Martino et eius filijs datos, iuxta suam regiam donacionem eis factam, conseruasse, ex eoque ipsos in premissis innocentes existere patefecisset. Et huiusmodi querelis ambarum parcium perceptis, idem dominus noster rex nobis inter eosdem prediales prefatamque dominam et filios eius omnibus Juribus et litteralibus ipsorum Instrumentis, factum premissum tangentibus, examinatis, proposicionibusque, ac alijs legitimis documentis intellectis, verum et iustum Iudicium facere demandasset, huiusmodique Iudicij et iusticie inpensio ad presentes octauas diei Medixline (sic) fuisset deducta. Nempe eisdem octauis instantibus prescripti Elias filius Mykech de velike Melyke, comes terrestris, Item Benedictus filius alterius Mykech de Rempoch, Briccius filius Martini de Kletynch et Lachk filius Stephani de Iwanoch, prediales dicti castri Reyche, pro se personaliter, pro Stephano vero et Simone filijs Mattius, Vrbano et Thoma filijs Georgij, Nicolao filio Dermthych, Georgio filio Johannis, Lachko filio Stephani, Petro filio eiusdem Lachk, Thoma filio Dyonisij de Petrosinch, nec non Petro et Clemente filijs Gordose, Andrea sartore filio petri, Anthonio filio Myke, Nicolao filio eiusdem, petro, dicto Zerdilonich; Matheo, Francisco et Nicolao filijs Michaelis, Johanne filio Iwan, Adriano filio Fabiani, Nobili domina relicta Thome, Nicolao dicto Twrina, et Matheo filio Petri de Zobchynch, Ladislao filio Mychaelis, et Valentino filio Nicolai de Fodrostina, Demetrio et Gregorio filijs Bank, Andrea filio Laurencij Leukes, Blasio et Elia filijs Andree, Kemyn filio Fabiani, Matheo filio Clementis, Jacobo et Johanne filijs Laurencij, ac Georgio filio Nicolai de Dragchewch, Nicolao filio Nicolai, Briccio et Stephano filijs Martini de Kletynch, Martino filio Blasij, Anthonio filio Petri, Stephano & Johanne filijs Johannis, Thoma filio Petri, Wallentino filio alterius Petri, Petro filio Iwan, Thoma filio Blasij, Blasio filio Fabiani, Matheo filio Iwan, et nobili domina relicta Petri de Iwan-kouch, discreto viro domino Stephano plebano sancte crucis de Welike predicta, Symone filio Emerici, Nicolao filio eiusdem Emerici, dominico filio Laurencij, Martino filio Thome, nobili domina relicta Clementis, et Clemente dicto Dragayech de Mykostina, Anthonio filio Dyonisij, Petro filio Iwnusonych, Johanne & Valentino filijs Iwan de Somrakouch, Marco filio Dragynych, Georgio filio eiusdem, Matheo

filio Petri, et Anthonio filio eiusdem, Nicolao filio Mathei de Lipa, Georgio filio Briceij, et Paulo filio Blasij de predicta Welike, Nicolao Verus filio Petri de Wlchakostina, domina relictā Johannis filij Petri, Nicolao filio Stephani, filij pwnek, Nicolao filio Petri, Georgio filio Nicolai, Nobili domina relictā Gregorij, Paulo filio Nicolai, Thoma filio alterius Nicolai, et Symone filio pwnek de Petozlauch, nobili domina relictā Blasij, Adriano et Benedicto filijs Thome, Johanne dicto Kwkethych, Wrano filio Stephani, Fabiano filio Pauli, Johanne filio Petri, Matheo filio Pauli, Thoma Anthonio et Blasio filijs Stephani, Georgio et Matheo filijs Marci, Georgio litterato et Gallo filijs eiusdem Mathei, ac Iwan filio Johannis de Wechkouch, Johanne filio Mychaelis, Benedicto prediali Malchech filio Mathei, Johanne et Stephano filijs Thome, Thoma filio Petri, Matheo filio Stephani, Nobili Domina Rosa vocata relictā Stephani, Thoma filio Andree, Puczko filio Thome, Anthonio et Stephano filijs Georgij, Ztanko filio Petri, Matheo et Stephano filijs Michaelis de Pribinouch, Johanne filio Wrani, Gregorio filio Anthonij, Andrea filio Mathei, Anthonio filio Thome, Georgio filio Mykus, Malecz filio Iwan, Berlek filio Gregorij, Anthonio filio Valentini, Jacobo filio Johannis et Fabiano filio Wrani de Wilkanouch, nobili domina Znegawa vocata filia Johannis filij Fabiani de Rempostyna, Matheo filio Dyonisij, Georgio filio Johannis, Clemente et Valentino filijs Laurencij, ac Symone filio Clementis de Cherenkostyna, Benedicto filio Clementis et Anthonio filio Thome de Ranizlouch, Emerico filio Adriani, Andrea filio Barnabe, et Wrano filio Fabiani de Strelnayeustyna, domino Matheo sacerdote filio Nicolai, Clemente filio alterius Gregorij, Stephano fratre eiusdem Clementis carnali, Demetrio filio Blasij, Valentino filio Jacobi, Stephano sartore, de Dragowanch, Johanne filio Andree, Gregorio filio Benedicti, Thoma filio Dyonisij, Andrea filio Barnabe, Anthonio filio Andree, Demetrio filio Johannis, Valentino filio Iwan, Paulo filio Martini, et Clemente filio Thome de Lukachouch, Blagonia filio Blasij, Myke et Paulo filijs Petri de Blasistrouch, nobilibus predialibus et Jobagionibus prefati Castri Reyche: eosdem in presentem causam intro-mittendo, iidem cum procuratorijs litteris Comitum et Judicum Nobilium Comitatus Crisyensis, ab vna, parte vero ex altera prefata nobilis domina relictā prefati Martini Bani, Anna vocata, et Georgius filius eius, coram nobis adherentes, et ipsi prediales exhibicione litterarum priuilegialium domini regis Lodonici, duobus Sigillis suis dupplicibus pendentibus, vno priori et antiquo in partibus Wzure deperdito, et alio novo consignatarum, anno gracie Millesimo trecentesimo quinquagesimo sexto, octauo Idus Aprilis mensis, regni autem sui anno quinto decimo confectarum, et tandem duodecimo Kalendis mensis Junij, Anno domini Millesimo trecentesimo sexagesimo quarto confirmatarum, que tenorem litterarum regis Ladislai filij Stephani, filij Bele regis quarti. Anno domini Millesimo ducentesimo septuagesimo nono, regni autem sui anno septimo subortarum, verbaliter et confirmative in se habebant priores eorum, et se ipsos, veluti nobiles Jobagiones Castri & prediales Comitatus de Reyche, a Iudicatu, Iudicio, Inisdiccione et potestate filij Henryci Bani, Nicolai uidelicet quondam Comititis de Reyche & aliorum Comitum pro tempore constitutorum, per ipsum Ladislao rege modo litteris in eisdem contento, pure & simpliciter, de gracia sua speciali, tanquam ueros et naturales seruientes suos regales, ultra Drauam constitutos, iuxta libertatem eorundem nobilium, exemptos exstitisse declarando, litteras Capituli ecclesie Chasmensis priuilegiales, domine Marie regine relatorie rescriptas, quarto die ferie

sexte proxime ante festum beatorum Philippi et Jacobi Apostolorum anno domini Millesimo trecentesimo nonagesimo primo emanatas, habentes in se tenorem litterarum eiusdem domine Marie regine adiudicatorum, eidem Capitulo directarum, presentarunt continentes: quod inter predialas et nobiles Jobagiones Castri de Reyche, litteris in eisdem nominatos, vt actores ab vna, & inter Stephanum filium Stephani filij Mychk Bani, parte ab alia, super occupatione eorundem predialium, et quorumlibet Iurium ipsorum, coram ipsa domina nostra regina lis mota, existisset; in qua quidem lite, ipso Stephano filio Stephani deficiente, eadem domina regina, vniuersa predia, et quaslibet porciones possessionarias dictorum predialium, ipsos ab antiquo contingentes, sub condicionibus et libertatibus eorum eis et eorum heredibus perpetuo possidendas, restatuere commisisset; Paulus itaque dictus contra de Nagech, homo reginalis, ad id specialiter transmissus, et magister Gregorius Canonicus ipsius Capituli, testimonium, ad facies vniuersorum prediorum et porcionum possessionariarum prescriptorum predialium et nobilium Jobagionum, videlicet Johannis filij Emerici de Zelna, alterius Johannis filij Fabiani de Rempoch, Georgij filij Fabiani de Saulfelde, Wrbani filij Fabiani de Wlkanolch, Andree filij Barnabe de Lukachouch, Petri filij Iwan de Welike Melike, Petri filij Blasij similiter de Weliky Melike, Michaelis filij Petri de Pribynouch, Dominici filij Jacobi de Rathkpetherfelde, Ladislai filij Dominici de Saulfelde, Gregorij filij Fabiani de alia Wlkanolch, Petri et Benedicti filiorum Dyonisij de Chernkoch, Dominici filij Laurencij de Keresthur, nec non Nicolai filij Ladislai de Kletynch, alio nomine Lehafelde, Mathei filij Martini de Lippa, Dyonisij filij Blasij similiter de Welike Melike, Mykech filij Stephani penes fluuium Marocha, Petri filij Vlchyak de Capite Velike filij predicti Georgij filij Iwan de Wechkolch, Ladislai filij Michaelis de Fodorostyna, Myke fluuij Puneck de Myrostyna, Mathie filij Gregorij de Dernechynchyna, Benedicti filij Johannis de Hranizlauch, Benedicti filij Dragina de Drageverolch, Fabiani filij Georgij de Moysna, et Laurencij filij Petri de Radozlaustyna nominatorum, in tenutis et pertinencijs prelibati Castri Reyche habitorem, vicinis et commetaneis eorundem vniuersis, inibi legitime conuocatis et presentibus, accedendo, memorata predia, seu possessionarias porciones, cum earundem vtilitatibus et pertinencijs vniuersis annotatos prediales ab antiquo contingentes, eisdem et ipsorum heredibus, sub condicionibus et libertatibus premissis prefato magistro Stephano filio Stephani filij Mychk, in hac parte silentium imponendo, restituissent et commisissent, nemine alio contradictore inibi penitus appa-  
rente, perpetuo possidenda et habenda; quibus quidem litteris per ipsos prediales productis, seriebusque earum perceptis et intellectis, eadem domina dictusque Georgius filius suus, se et alios filios dicti Martini Bani, preterea dicti prediales similiter se ad pacis reformationem in premissis faciendam, per nos transmitti postularunt. Quos, cum nos ad eandem pacem faciendam benivole admissemus, tandem sicuti prescribitur, prefati Georgius filius et nobilis Domina Anna relicta ipsius Martini Bani, pro se personaliter, pro Ders vero et Petro filijs eiusdem Martini Bani, iidem sine litteris procuratorijs, quorum onera et quelibet grauamina, si ipsi simul uel diuisim de subscriptis resilire et ea reiterare uellent et conarentur, super se cunctasque eorum hereditates et bona receperunt ab vna parte; siquidem, ex altera, prefati Elias, Benedictus, Briccius et Lachk prediales, pro se similiter personaliter, pro predictis vero alijs predialibus, cum prescriptis procuratorijs litteris, nostri comparentes in presencia, dixerunt et proposuerunt in hunc

modum: quod ipsi ex induccione nobilium virorum magistrorum Georgij filij Petri de Dombo, Stephani filij Petri de Bochka, et aliorum, pro pace inter eos fienda laborantium, taliter concordassent & ad perpetue pacis vnionem deuenissent, vt tam premissam causam inter eos motam et habitam, quam eciam alias vniuersas et singulas, hactenus inter eos et prefatum condam Martinum Banum exortas et suscitatas, tamquam sopitas et cassatas, condescendere fecissent, seque alternatim et mutua vicissitudine, superinde expeditos et modis omnibus absolutos reddidissent: cunctas et singulas causales litteras, vbilibet sub quibusuis verborum formis alterutrum confectas, inanes, friuolasque, et exhibitoribus nocituas relinquendo, ymo concordarunt, supersedere fecerunt, cassarunt, & mortificarunt coram nobis, hys articulis moderaminum specificie adiectis, quod ipsi Georgius, Ders et Petrus filij, nec non nobilis domina Anna, relicta prefati Martini Bani, ipsorumque heredes et posteritates vniuersi, prescriptos Eliam Comitem terrestrem, aliosque prediales, in superioribus nominatim conscriptos, et eis succedentes semper temporibus successiuus, perpetuis in illa eorum libertatis prerogativa et gracia, quibus priores eorum, et per consequens ipsi ante tempus prescripte donacionis, ipsi Martino Bano facte, freti fuissent et gauisi, inmutabiliter et inconcusse conseruare tenebuntur, nullamque nouitatem, vltra dictam libertatem, super eos et eorum posteros facere et immutare valebunt. Et quod ipsi prediales et cuncti eis succedentes, ipsis filijs, et relicte Martini Bani, eorumque heredibus sicuti eorum ueris et naturalibus dominis, semper obedire, ipsosque uereri, seruiciaque et dacia ac collectas debitas, sicuti alias, dum sub manu et potestate regie maiestatis fuissent constituti, fecissent et exercuissent, locis et temporibus ingruentibus, eis dare, amministrare, facere et exhibere obligati haberentur. Sic et eo modo, vt per tempora euiterna, in quolibet anno, quilibet ex ipsis puta predialibus, de predio suo sibi subiecto, quantecunque quantitates existerent, in quolibet die festiuitatis beati Georgij Martyris, singulas duas pensas denariorum noue monete, deinde uero secundario in qualibet die festiuitatis beati Martini Confessoris, ipsi omnesque prediales communiter et indiuisi, septem marcas computi regni Sclauonie, pro qualibet scilicet marca duos florenos nouos computando, prefatis filijs et relicte Martini Bani in heredum heredes, pro collecta dare et soluere tenebuntur; ceterum, quia ipsi prediales regali vel reginali maiestati, dum vltra Drauam in regnum Sclauonie subintrassent, iuxta ritum antiquum victualia dare fuissent astricti, idcirco ipsa regalis uel reginalis maiestas, quandocunque et quocienscunque illuc in ipsum regnum Sclauonie accederent, huiusmodi uictualia semper, tociens quociens hoc eueniret, non ipsis regali aut reginali maiestati, sed precise ipsis filijs et relicte Martini Bani, aut eorum posteris, tanquam eorum dominis, dare et amministrare debebunt; nichilominus autem, sicut ab antiquo fuisset consuetum, ipsi prediales pro faciendo Iudicio in villa Keresthur, sedem Iudiciariam habebunt, eo modo, quod ex parte ipsorum predialium Comes terrestris eorum, ex parte uero prefatorum filiorum et relicte Martini Bani, uel heredum eorum, Comes uel officialis eorum, pro tempore constituti, ibi in dicta Keresthur, sede Iudiciaria, pro ipso Iudicio faciendo simul et ad inuicem, non uero diuisim consedebunt, causantibusque et querulantibus Iudicium facient, de quo quidem Iudicio ipsorum amborum Comitum, si ipsi litigantes contentabuntur, bene quidem, alioquin sicut solitum fuisset, huiusmodi Iudicium et eius examen per partem, que uellet, in Crisium ad sedem Iudiciariam Nobilium ipsius regni Sclauonie pro ha-

benda deliberacione deduceretur. Et deinde, si aliquis parciū uellet, ad curiam regiam, iuxta libertatem dictorum nobilium, examen huiusmodi Iudicij transferre posset, ubi autem aliquis causidicus, vel litigans, coram ipsis ambobus Comitibus aliquatenus conuinceretur, duas partes hirsagiorum, vel aliorum grauaminum, Comes prefatorum filiorum prefati Martini Bani et domine, eorumque successorum, terciam vero annotatus Comes terrestris ipsorum predialium semper pro se reciperent et tollerent, nec hoc pretermisso, quod prefati domina et Georgius filius ipsius Martini Bani, nominibus quorum supra predia subscripta et eorundem particulas prefatum Martinum Banum ab eis receptas, et alienata uidelicet predictum predium Rempoch condam Johannis filij Fabiani nobili domine filie sue coniugi predicti Benedicti filij Mykech; item predium Fodorostyna prefato Ladislao filio Michaelis filij Valentini, sub eisdem metis, quibus tenta fuissent, deinde de predio Saulfelde fenetum quadraginta curribus aptum, quod ipse Martinus ad suam propriam Curiam de Tapalouch applicasset; item de predio Lukanoch illam particulam terre arabilis, quam ipse Martinus Banus pro se ad ciuitatem suam Reyche applicasset, Anthonio filio Valentini cum fratribus suis; item de predio Pribinouch, tria iugera terre arabilis, et unum fenetum ad possessionem suam Konzka occupatas, deinde de predio Hranizlouch, illum montem, qui ante prefatam Reyche haberetur, et quem ipse Martinus eidem Reyche applicasset, post hoc de predio Roysna illam partem cum loco sessionali ipsius predii, quas ipse Martinus pro se habuisset, Urbano filio Fabiani et Emerico filio Adriani; item predium Radoslastyna ex integro Emerico filio Fabiani, in heredum heredes, sub condicionibus et libertatibus antiquis, iure perpetuo tenenda duxerunt pleno iure remittenda, eatenus veluti eis ab antiquo pertinuissent, predictum eciam Wulchakostyna, quod pro nunc ipse Nicolaus rufus possidet, et quod vnum ex dictis predijs prescriptorum predialium exstilisset, in numerum eorundem prediorum vice versa computarunt, et inmiscuerunt, sub dacijs et seruicijs, libertateque preassertis. In cuius rei memoriam et perpetuam firmitatem, presentes nostras litteras priuilegiales, sigillis nostris authenticis pendentibus communitas, ipsi Elie Comiti terrestri et alijs prelibatis predialibus duximus concedendas. Datum Albe tricesimo sexto die octauarum diei Medixline (sic) predictarum. Anno domini Millesimo quadringentesimo decimo nono.

Originalis membr. in Archivio Regni Croatiae N. R. A. 561. Nro. 36.



## LXXIV.

*Anno 1283. 12. Maji. Spalati.*

**Joannes, Spalatensis Archiepiscopus et totius Dalmatiae, Croatiae, Slavoniaeque Primas, Episcopum Scardonensem, ne in alienis Dioecesibus potestatem ordinis et jurisdictionis episcopalis exerceat, serio monet.**

Johannes diuina miseratione Spalatensis Archiepiscopus, tocius Dalmatie, Croatiae, Sclauoniaeque Primas, venerabili fratri domino N. per eandem episcopo Scardonensi, salutem in domino. Testante sacro Concilio anno preterito in Spaleto celebrato, ordinasse ac firmiter precepisse recolimus, quod nullus suffraganeorum nostrorum, in preiudicium alterius, clericos alterius dioecesis ad sacros ordines promouere, aut alia ecclesiastica et episcopalia sacramenta ministrare presumat, sub pena quingentarum librarum. Sed sue dioecesis finibus sit contentus. Quod preceptum et tam salubre statutum venerabilis frater noster G. dei gracia Traguriensis episcopus, in festo beati Dompnii, presentibus nostris suffraganeis, et vniuerso clero, vos infregisse grauiter nobis est conquestus, dicens, vos Sibenicensis Clericos ad sacros ordines promouisse, ac eis Crisma contulisse, nec non baptismum paruulorum, ac alia sacramenta ecclesiastica et episcopalia celebrasse, in sui preiudicium et grauamen. Cum dicti Clerici Sibenicensis et totum Sibenicum, subiecti sint de iure episcopo et episcopatu Traguriensi, excusantes uos omnia supradicto nostro mandato et auctoritate fecisse. Hanc totam suam querimoniam nobis impingendo et contra nos conquerendo, plurimum nobis, quin potius supra modum debitum, exstitit infestus et molestus, tamquam grauiter sauiatus et afflictus. Et si bene recolitis, cum nuper in societate Pauli Bani ad nos accessistis, super eodem facto non solum a Traguriensibus, sed etiam a Spalatensibus, grauissimas lamentaciones et terribiles conquestiones in presencia domini potestatis Spalatensis et omnium nobilium Spalatensium, non absque magno nostri cordis dolore, et multi certaminis agone, opposita etiam contra nos rigida, dura, aspera et molesta appellacione, audiuius. Super quibus omnibus grauiter afflictus et perturbatus, ad instanciam et preces multas omnium suffraganeorum nostrorum, qui presentes in festo sancti dompnii exstiterunt, taliter vestre fraternitati scribimus et per hoc presens scriptum nostrum firmiter et districte precipimus et precipiendo mandamus: Quatenus in antea, sicut gratiam beati dompnii et nostram caram habetis, et dicti concilij penam uultis effugere, supradictam nullatenus acceptetis et in predictis nullatenus excedatis. Alioquin indignacionem

beati dompnii et nostram ac supradicti concilij penam, si contra feceritis, procul dubio incurretis.

Data Spaleti in palacio Archiepiscopali die Martis XII Madij infra octauas beati dompnij. Indictione sexta.

Orig. membr. in mea collectione Diplomatum originalium.

---

## LXXV.

Anno 1285.

Radislaus, Comes de Glaas, Verbas et Sana (nunc in Croatia Turcica), agrum et insulam Tympor Abbatiae Toplicensi reddit.

Nos Radislaus, Comes de Glaas, Vrbaz et Zana, memoriae commendantes significamus universis, quibus expedit, praesentium per tenorem. Quod cum terra quae dicitur Insula Tympor, sita juxta fluvium Wn (Una), post obitum ipsius Tympor, Fratri Nostro Dyonisio Bano, bonae memoriae, et Nobis, mediantibus instrumentis Regalium Literarum remansisset. Nobisque eandem terram per plura tempora possidentibus pacifice, et tenentibus, nemini viventium de Nobilibus Regni Sclavoniae contradicente, vel pro ipsa Nobis adversante, venerabilis Pater Fr. Jacobus dictus Abbas, et Conventus Ecclesiae Toplicensis, Litteras Privilegiales Domini Regis, super ipsa terra confectas, Nobis praesentaverunt, quorum tenore viso et intellecto, prout vidimus in ipsis Litteris plenius contineri, considerantes esse illicitum et incongruum, ut terra Ecclesiae Toplicensis, per Nos aliquvaliter occupetur, vel impediatur, reddimus eandem terram et restituimus Ecclesiae Toplicensi perpetuo rehabendam, et possidendam, eo modo: Quod nec per Nos, nec per Nostros successores, seu aliquos de Nostra generatione, aliqua impetio, quaestio, seu requisitio, pro terra praefata possit fieri contra Ecclesiam Toplicensem. In cujus rei testimonium praesentes Literas Nostras concessimus, pendentis Sigilli Nostri munimine roboratas. Datum Anno Domini Millesimo Ducentesimo octuagesimo quinto.

Ex Transsumpto Privilegiorum Abbatiae B. M. V. de Thopusko.

---

**LXXVI.***Anno 1289. Tertio Idus Junii.*

**Ladislaus IV. Rex Joanni et Leonardo Comitibus de Vinodol, Modrus et Veglia possessiones nec non jus patronatus Ecclesiae Corbaviensis et Senyensis confirmat.**

Ladislaus, dei gracia Hungarie, Dalmacie, Croacie, Rame, Seruie, Gallicie, Lodomerie, Cumanieque Rex, vniuersis Christi fidelibus, tam presentibus, quam futuris, presencium noticiam habituris, salutem in omnium saluatore. Dignum est et consentaneum rationi, vt ea, que per inclitos reges, progenitores nostros, sibi fideliter obsequentibus, iuste et legitime sunt collata, perpetuo robore fulciantur et inuiolabiliter obseruantur. Proinde ad vniuersorum noticiam tenore presencium volumus peruenire. Quod nobiles viri Johannes, Leonardus et eorundem filii, filii comitis Vyd de Wynodol, Modrussia et Vegla, missis ad nos procuratoribus suis, a nostra regia pecierunt humiliter supplicando maiestate, quod nos possessiones eorum. villas, predia, castella, insulas, nemora, terras, silvas, iura patronatus ecclesiarum de Corbouia et de Scenya, que et quas ex collacione illustrium Regum Hungarie, progenitorum nostrorum, piarum recordacionum, iuste et legitime possederunt, eis relinquere dignemur, et nostro priuilegio confirmare. Quorum nos iustis petitionibus fauorabiliter inclinati, attendentesque fidelitatis et seruiturum merita graciosam eorundem Johannis, Leonardi, predictorum comitum, que karissimis progenitoribus nostris illustribus Regibus Hungarie et Stephano Regi patri nostro reuerendo cum fauore summe fidelitatis impenderunt, prout nobis per relaciones fidelium nostrorum est relatum, considerantes et obsequia eorundem gratuita, que in recepcione nunciorum nostrorum ad curiam Romanam et ad inclitum Karulum Regem Sylicie et filios suos cognatos nostros perdilectos destinatorum, hospitalitatis gratiam impendendo, non sine magnis eorum sumptibus impenderunt, vt fideliter, sic deuote, vniuersas possessiones eorum, predia, villas, castella, terras, insulas, nemora, silvas, iura patronatus ecclesiarum de Corbouia et de Scenya, que et quas iusto titulo collacionis predictorum Regum pacifice possederunt, super quibus litteras, priuilegia seu munimina predictorum Regum et Regis Stephani patris nostri karissimi, legitime optenta, habent uel habere dicuntur, et voluerint presentare loco et tempore opportunis, eisdem Johanni, Leonardo et filijs eorum comitibus, et per eos ipsorum heredibus heredumque suorum successoribus, relinquimus pacifice possidendas, tenendas et habendas, et presencium auctoritate duximus confirmandas, dupplicis sigilli nostri munimine roborando. Datum per manus venerabilis patris Gregorii dei gracia episcopi cheniadiensis, aule nostre cancellarij, dilecti et fidelis nostri. Anno domini mille-

simo ducentesimo octuagesimo nono. Tercio Idus Iunij. Regni autem nostri anno decimo octauo.

(*A tergo scriptura antiqua : Confirmatio priuilegiorum et Jurium patronatus super eligendum episcopum Corbauensem et episcopum Segniensem.*)

ДѢЯЮЩЕГО ФІЛІППОСА.  
LIT FRANKAPANSKI

Orig. membrana in Archivio Regni Croatiae. N. R. A. Fasc 316. N. 5.

## LXXVII.

Anno 1293. die 12. Maji. Spalati.

Archiepiscopus Spalatensis totius Dalmatiae, Croatiae et Slavoniae Primatum habuit.

Johannes diuina Misericordia Spalatensis Archiepiscopus, totius Dalmacie, Croacie, Slavonieque Primas. Ven. Fratri D. N. per eandem Episcopo Scardonensi salutem in Domino. Testante Sacro Concilio Anno preterito in Spaleto celebrato, ordinasse ac firmiter precepisse recolimus, quod nullus suffraganeorum nostrorum, in prejudicium alterius, Clericos alterius Diocesis ad sacros ordines promouere, aut alia Ecclesiastica et Episcopalia sacramenta ministrare presumat, sub pena D. librarum, sed sue diocesis finibus sit contentus. Quod preceptum, et tam salutare statutum, Ven. Frater noster G. (Gregorius) Dei Gratia Traguriensis Episcopus, in festo B. Dompnij, presentibus nostris sufraganeis et universo Clero, vos infregisse graviter nobis est conquestus, dicens: vos Sibenicensis Clericos ad sacros ordines promovisse, ac eis crisma contulisse, nec non baplisma parvulorum, ac alia Sacramenta Ecclesiastica et Episcopalia celebrasse, in sui prejudicium et gravamen; cum dicti Clerici Sibenicensis, et totum Sibenicum subiecti sint de jure Episcopo et Episcopatu Traguriensi; excusantes vos etiam, omnia supradicta nostro mandato et autoritate fecisse; hanc totam suam querimoniam nobis inpingendo, et contra nos convertendo, plurimum nobis, quin potius supra modum debitum extitit infestus et molestus, tanquam graviter sauciatus, et afflictus. Et si bene recolitis, cum nuper in societate Pauli Bani ad nos accessistis, super eodem facto non solum a Tragurinis sed etiam a Spalatensibus gravissimas lamentationes, et terribiles conquestiones, in presentia D. Potestatis Spalatensis et omnium nobilium Spalatensium, non absque magno nostri cordis dolore, et multi certaminis agone, opprobria etiam contra nos rigida et dura, aspera et molesta appellacione audivimus. Super quibus omnibus graviter afflicti, et perturbati, ad instantiam et preces multas omnium Suffraganeorum nostrorum, qui presentes in festo S. Dompnij extiterunt, taliter vestre fraternitati scribimus, et

per hoc presens scriptum nostrum firmiter et districte precipimus, et precipiendo mandamus, quatenus in antea, sicut gratiam Beati Dompnij et nostram ceram habetis, et dicti Consilij penam vultis effugere, supradicta nullatenus atemptetis, et in predictis nullatenus excedatis. Alioquin indignationem B. Dompnij, et nostram, ac supradicti Concilij penam, si contrafeceritis, procul dubio incurretis. Data Spaleti in Palatio Archiepiscopali, die Martis 12 Madii, infra octauas B. Dompnij. Indictione sexta.

Joannes Lucius. *Memorie di Traù* pag. 134. — *Farlati. Illyricum Sacrum* Tom. III. pag. 293. — Originale in archivio capituli Traguriensis.

## LXXVIII.

*Anno 1320 die 23. Septembris in Vrbaz, et 1321 die 8. Novembris  
in Castro Oklit.*

Johannes, totius Slavoniae Banus, vectigalia in districtu Rakonok (Rakovec) exigenda Nicolao Ladislai de Rakonok filio auctoritate regia cedit.

Johannes, Banus totius Sclavoniae, dilectis sibi vniuersis Christi fidelibus, presens scriptum inspecturis, salutem in salutis largitore. Pro meritis nostrorum fidelium vigilantia animo nostro conuenit providere, quia dum bonis bene facimus, dum eorum quieti assurgemus, dum ipsos bonis ditamus, oportunos per hec nostre magnitudinis conquiescit animus merito et fouetur. Proinde ad vniuersorum tam presencium quam futurorum noticiam harum serie volumus peruenire: Quod nobilis vir magister Nicolaus filius Ladislai de Rakolnok, ad nostram personaliter accedens presenciam, exhibuit nobis litteras nostras patentes, petens nos precum cum instantia, vt easdem de verbo ad verbum rescribi faceremus, ac nostris litteris priuilegialibus eidem dignaremur confirmare, cuius tenor talis est: Nos Johannes Banus totius Sclavonie significamus quibus expedit vniuersis. Quod nobilis vir Nicolaus filius Ladislai de Rakonok, dilectus et fidelis noster, cum vniuersis nobilibus et viris idoneis districtus regni Sclavonie, videlicet Comite Georgyo filio Georgij, Petro filio Michaelis, Michaelis filio Radomeri de Kamarcha, Iwachino filio Thome, filij Berywoy, ad nostram accedens presenciam, sueque fidelitatis seruicia nobis proponens et declarans, petens a nobis precum cum instantia, vt pro suis fidelitatibus et servicijs nobis impensis et impendendis per eundem, in districtu possessionis eiusdem in Rakolnok ipsum contingentibus, per magnam viam de Crisio ad Zagrabiam euntibus, transeuntibus et redeuntibus, quibusbet cum mercimonijs pergentibus, tributum iuxta regni consuetudinem approbatam dare et confere, auctoritate regia, qua fungimur in Ba-

natu, dignaremur. Nos itaque iustis et dignis petitionibus predicti magistri Nicolai aures nostre magnitudinis advertentes, cognoscendo eiusdem petitiones fore iustas, et a prescriptis nobilibus regni Sclavonie veridica relacione agnoscentes, tam pro eo, quia idem magister Nicolaus a flore sue iuventutis semper in omnibus expeditionibus regni Sclavonie, vna nobiscum, sacrosancte corone debite viriliter dimicando, in nullo rebus parcens, vel personis, et specialiter tunc, cum nos, vna cum filijs Henrici, bellum siue prelium habuissemus personale, idem magister Nicolaus multorum suorum proximorum cede et sui sanguinis effusione, multa pro nobis sustulerit uulnera, quam etiam, quia strata ipsa et transitus fluuiorum in proprijs possessionibus eiusdem Nicolai existentibus, videlicet Delebzsk, Zwha Delebzsk, Zalnuk et Radowysche, ac eciam per Lonam, grauis erat et periculosus, ex certa sciencia ac de beneplacita voluntate vniuersorum nobilium regni Sclavonie prescriptorum et aliorum quorumlibet nobiscum existencium, predictum tributum predicto magistro Nicolao duximus conferendum, heredum per heredes in hunc modum: vt pontes predictorum foncium per predictum magistrum Nicolaum prompti habeantur nunc et semper, seu parati, et ipsum tributum auctoritate regia per nos vna cum nobilibus regni Sclavonie collatum et statutum, consentientibus vniuersis cometaneis et vicinis, perpetuo more solito ab omnibus, quibus decet, exigatur in hunc modum, vt de curru duo denarij et de pedite dimidius denarius et non plus, tributum autem prenotatum de omnibus pontibus fluuiorum eidem Nicolao et suis posteris in recompensacionem suorum seruiciorum datum et collatum in Radovysche, vbi idem residere dinoscitur, sine contradiccione et more consueto ab antiquo, eidem et suis successoribus perpetuo amministretur, per nos, per nos (sic) et nobiles regni Sclavonie exstitit definitum. Presentes autem cum nobis fuerint reportate, in forma priuilegij nostri, propter uberio rem cautelam, ac iuris et iusticie evidenciam, redigi faciemus. Datum in Vrbaz sexta feria ante festum beati Michaelis Archangeli anno Domini Millesimo CCC° vigesimo. Nos itaque predictas nostras litteras patentes cernentes fore esse iustas, non abrasas, non cancelatas, nec in aliqua parte sui corporis viciatas, ex certa sciencia approbamus, ratificamus et presentis patrocinii auctoritate presencium confirmamus. Datum sub castro Oclich in octavis Omnium Sanctorum. Anno Domini Millesimo CCC° vigesimo primo.

Ex Transsumpto in membr. Ladislai de Egervara, Dalmatiae, Croatiae et Slavoniae Bani, a. 1481. facto, in Archivio Regni Croatiae inter Acta Conventus FF. Eremitarum S. Pauli Crisiensis. Fasc. III. N. 5. asservato.

## LXXIX.

*Anno 1324. Crisii.*

Nicolaus, totius Slavoniae Banus, generalis congregationis nobilium Regni Slavoniae et denariorum banalium mentionem facit.

Nicolaus banus totius Sclauonie, comes Sopruniensis et de Kaminin, dilectis sibi omnibus presens scriptum inspecturis salutem in salutis amatore. Cum humane mentis discrecione repertum est, vt ea que aguntur in in (sic) tempore, ne cursu temporum elidantur, litterarum testimonio solent confirmari. Proinde ad vniuersorum tam presencium quam futurorum noticiam thenore presencium harum serie uolumus peruenire, quod nobilis vir magister Jacobus, dictus paruus, in Congregatione nostra generali, quam vna cum nobilibus regni Sclauonie, secunda feria, ex precepto et mandato domini nostri Karoli dei gracia illustris Regis Hungarie, duximus celebrandam; in eadem Congregatione nostra predictus magister Jacobus supredictus, exhibuit nobis litteras priuilegiales Andree quondam Regis Hungarie, et Capituli Chazemensis ecclesie, in quibus conperimus, quod possessio Chanow vocata, in comitatu Crysiensi existens, per eundem emptionis titulo per Matheum filium Nicolai filij Juan predicto paruuo Jacobo pro quinquaginta marcis denariorum banalium \*) uenditam fuisse irreuocabiliter et iure perpetuo possidendam. Vnde cum nos litteras prescriptas non abrasas, non cancellatas, nec in aliqua partes (sic) sui corporis viciatas comperimus, nec aliquem contradictorem contra litteras priuilegiales ipsius magistri Jacobi adinuenimus. Preterea predictam possessionem Chanow vocatam, cum omni plenitudine sui iuris, sicut prius, sic et nunc, predicto magistro Jacobo auctoritate presencium duximus roborandam, et eciam confirmandam, prout in Congregatione nostra generali, vna cum nobilibus Regni Sclauonie in Crisio tertia feria ante quindenas Epiphanie domini celebrata, discursum exstitit illud idem. Datum in Crisio tertia feria ante quindenas Epiphanie domini. Anno domini M. C° C° C° XX quarto.

(L. S.)

Originalis membr. in Archivio Familiae Forić. Zagrabiae.

---

\*) Denariorum banalium et zagrabionsium in plurimis diplomatibus et literis publicis mentio occurrat.

**LXXX.**

*Anno 1325. die 9. Februarii. In Vissegrad.*

**Carolus Robertus Rex privilegia a Bela IV. Rege civibus  
Zagrabiensibus collata confirmat.**

Karolus, dei gracia Rex Hungarie, fidelibus suis magistro Tauernicorum suorum, Judici curie sue, bano tocius Sclauonie, Comitibus parochialibus seu prouincialibus, Castellaneis item quorumlibet, ciuitatum et villarum Judicibus seu villicis, ac qualiscumque preeminencie et status hominibus, eorumque vices gerentibus, presentibus et futuris, quouis nomine uocientur, quibus presentes ostenduntur, salutem et gratiam. Cum libertas fidelium ciuium nostrorum de monte Greycensi seu Zagrabiensi per dominum Belam quondam inclytum Regem Hungarie, proauum nostrum karissimum clare memorie, mediante suo Priuilegio, data eis et concessa, per nosque tam priori et antiquo quam nouo et autentico nostro Sigillo ipsis confirmata id requirat, ut nullus extraneus seu eiusdem Ciuitatis homo in quibuslibet causis Ciues predictae ciuitatis nostre Greycensis seu Zagrabiensis et quemlibet ex eisdem, pariter Jobagiones et populos villarum dicte ciuitatis in territorio existencium, ad nostram seu quorumlibet Judicum seu Justiciariorum Regni nostri presenciam valeat euocare seu trahere ordine Judiciario in causam. Quod si qui aliquid actionis contra eos aut aliquem ex ipsis uel ad ipsos pertinentes habuerint, in presenciam Iudicis seu villici dicte Ciuitatis nostre exequi debeant. Qui quidem Iudex seu villicus ipsius ciuitatis, simul cum prioribus eiusdem ciuitatis, si quibuspiam ex parte suorum conciuum et ad eos pertinencium uel alicui ex eisdem aliquialiter Iusticiam facere neglexerit, non hy, uel Is, contra quos agitur, ymmo idem Iudex seu villicus dicte ciuitatis ad nostram presenciam debeat euocari eo facto, et nos dictos fideles ciues nostros in iam dicta libertate inuolabiliter conseruare intendamus. Vestre fidelitati firmiter precipiendo mandamus per presentes: quod ciues predictae ciuitatis nostre, et ad eos pertinentes uel aliquem ex eisdem, in quibuslibet causis motis et mouendis contra quospiam iudicare nullatenus audeatis, sed ut premititur quicumque contra eosdem uel aliquem ex eis accionem habuerint in presenciam Iudicis seu villici eiusdem ciuitatis prosequantur. Qui si iusticiam cuipiam non fecerit, non hy, contra quos agitur, sed idem Iudex seu villicus sicut prescribitur ad nostram presenciam euocetur. Datum in Vissegrad quarta feria proxima post festum beate Agate Vlriginis et martiris. Anno domini Millesimo trecentesimo XX<sup>mo</sup> quinto.

Originalis membr. in Archivio Regni Croatiae.



## LXXXI.

*Anno 1325. In Vissegrad.*

**Statutum Caroli Regis, quo decernitur, incolas Banatus Slavoniae unius Bani jurisdictioni subesse, nec a quoquam eorum Palatino aut Curiae Regiae aut quocunque alio iudice in jus vocari posse.**

Nos Capitulum Chasmensis ecclesie memorie commendantes significamus quibus expedit vniuersis, presencium per tenorem, quod Anno domini Millesimo trecentesimo vigesimo quinto, in vigilia beati Luce evangeliste, nobiles et prouidi viri, videlicet Mark filius Hegen, Johanes filius Vrbani, et Nicolaus filius Jwachini filii Mortunus de Kamarcha, ad nostram personaliter accedentes presenciam, exhibuerunt nobis Litteras patentes Domini Karoli Dei gracia illustris regis Hungarie, non abrasas, non cancellatas, nec in aliqua sui parte viciatas, petentes a nobis precum cum instancia, ut tenorem et formam earundem nostris in litteris priuilegialibus de verbo ad verbum inseri, et transsumpti faceremus nunc Sigilloque nostro autentico consignari, quorum petitionibus iustis et honestis annuentes, maxime, quia easdem iustas et laudabiles fore comperimus, ipsas de verbo ad verbum presentibus inseri, et transscribi fecimus, nostrique Sigilli appensione communiri, quarum tenor talis est: Nos Karolus Dei gracia Rex Hungarie, memorie commendantes significamus quibus expedit tenore presencium vniuersis: quod tanto magis regale sceptrum extollitur, quanto a sollicitudinibus releuatur, et quanto tribunal ipsius digniores in circuitu conspicit contriuios regionis; porro hac consideratione commoniti, qui de celesti prouidencia regni moderamur abenas, ad reformationem nostri regni precipua reddimur cura solliciti, quia honor Banatus totius Sclavonie, prout ex litteris Magnifici viri Mykeh Bani eiusdem regni Sclavonie, dilecti et fidelis nostri recepinus, per exemptiones, quas per nos, aut predecessores nostros, ad importunitatem petencium fere omnibus Nobilibus de Sclavonia scimus esse concessas, in Iudiciis, Jurisdictionibus, et Juribus suis valde est, ymmo omnino diminutus; volentes vt ipsius Banatus honor sic magnifice moderetur, et ex magnificentia ipsius Banatus excellentia regia decoretur, et quiescat, sicut in diebus antiquis, omnes exempciones, si quas quibuslibet Nobilium terre Banatus a nobis, vel nostris predecessoribus obtinuissent, per quas se a Iudicio, et Jurisdictione, aut Jure Banatus in aliquo retraxissent; de prelatorum et Baronum nostrorum consilio, et consensu revocantes, et cassantes, prouida deliberacione statuimus, quod universi et singuli homines, tam nobiles, quam alii cujuscunque preeminentie, conditionis, et status existant, ultra fluium Drawa, in tota terra Banatus constituti, Iudicio et Jurisdictioni Bani pro tempore constituti subiaceant, et nullus possit aliquem de terra Banatus co-

ram Palatino, vel Iudice Curie regie, aut coram quouis alio Iudice in Iudicio, aut extra Iudicium convenire, nisi coram Bano, pro tempore constituto, vel eius Vice-Judicibus, per quos volumus vice, et auctoritate regia, ac sui ordinaria potestate, quibusbet Injuriam passis, vel querulantibus, Justicie copiam ministrari. Ad hec statuimus, ut nulli omnino Iudicum liceat suam Jurisdictionem, et Iudicium in causas, ortas in terra Banatus, aut inter homines terre Banatus intromittere, nec cause huiusmodi ad presenciam alicuius Iudicis per Comites, vel aliquod speciale mandatum deferantur; vniuersis itaque Iudicibus Regni nostri, Palatino, Iudici Curie nostre, Comitibus, et aliis quibusbet pro tempore constitutis, regio edicto precipimus, firmiter precipientes, mandantes, quatenus universos, et singulos Homines de terra Banatus, nec suo Iudicio astare compellant, nec etiam in causas inter eosdem ortas suum Iudicium, et Jurisdictionem aliquo qualiter intromittere presumant. Si quispiam autem Iudicum presentis mandati nostri transgressor extiterit, aut ad premissa se intromiserit, eius sententia, seu Iudicium, nullius roboris optineat firmitatem, et insuper indignacionem regiam non evadat. Datum in Wissegrad in quindenis Nativitatis beati Johannis Baptiste. Anno domini Millesimo trecentesimo vicesimo quinto. Nos itaque premissis justis, et juri consonis petitionibus annotati Lourandi litterati annuentes, pretactas litteras nostras privilegiales, non abrasas, non viciatas, nec in aliquali sui parte suspectas, de verbo ad verbum, absque diminutione et augmento aliquo transsumpti, et transscribi, presentibusque similiter litteris nostris privilegialibus inseri faciendo, tenorem et transumptum earundem presentibus verbotenus insertum eidem Lourando Litterato duximus concendendum ad cautelam. In cujus rei memoriam presentes Litteras nostras privilegiales pendentis autentici Sigilli nostri munimine roboratas duximus concedendas. Datum Feria quarta proxima post festum beati Michaelis Archangeli. Anno Domini millesimo quadringentesimo vigesimo primo.

Originale membr. in Archivio Regni Croatiae Priv. N. 5.

---

## LXXXII.

*Anno 1328. 11. Kal. Octobris. In Pruk..*

Ulricus de Walse, Styriae Capitaneus, districtum quemdam inter fluvios Muram et Dravam situm, Carolo Regi cedit.

Nos Ulricus de Valse, Capitaneus Styriae, memoriae commendantes significamus tenore praesentium quibus expedit Universis, quod Nos quemdam districtum, inter fluvios Drava & Mura habitum, intra veras metas Regni Hungariae existere & fore, Jus Regis ejusdem Regni revera esse cognoscentes, quem usque modo habuimus & tenuimus, deinceps nostro & omnium haeredum nostrorum,

cum omnibus terris, castris, villis, oppidis & aliis utilitatibus, seu dominiis plenius, Excellentissimo Principi Domino Karolo Regi dicti Regni Hungariae & suis haeredibus, non metu, neque vi per quempiam coacti, sed sponte, pure & simpliciter, reddimus, restituimus, remittimus & resignamus, nihil juris, nihilque proprietatis vel domini in eisdem, vel aliquo eorum, nobis vel nostris haeredibus reservando, imo omni juri, si quod in ipso districtu, terris, villis, castris seu oppidis habuissemus, renunciantes, litterasque & instrumenta quaelibet exinde confectas, si quas obtinimus & reservavimus reddentes, cassas, frivolas, & per omnia carituras viribus & vigore. Datum in Pruk undecimo Kalendas Octobris. Anno Domini Millesimo trecentesimo vigesimo octavo.

(*Sigillum pendens.*)

### Tenor Intitulationis:

*Super Districtu inter Fluvios Drava et Mura existente Regi Carolo remisso.*

Originalis membr. a Comite Keglević Comiti Festetić cessa, inque Archivio hujus asservata.

## LXXXIII.

*Anno 1329. mense Julio. In Vissegrad.*

Carolus Robertus Rex privilegia, civibus Zagrabiensibus collata, iterum confirmat.

Karolus, dei gracia Rex Hungarie, fidelibus suis Zagrabiensis et Chasmensis Ecclesiarum Capitulis salutem et gratiam. Quia libertas fidelium civium nostrorum de ciuitate Zagrabiensi seu Greycensi, per dominum Belam condam Regem hungarie chare memorie, mediante priuilegio suo, eis concessa et per nos eisdem pro ipsorum seruitijs meritorijs confirmata, hoc requirat, quod dicti ciues et ad eos pertinentes, vel aliquis ex eisdem, non ad nostram vel aliquorum aliorum Judicum aut Justiciariorum Regni nostri, preterquam in antea Judicum seu villicorum eiusdem ciuitatis citari debeant presenciam. Quod solum Judicem aut Justiciarios dicte ciuitatis pro eo, si cuicumque in antea iusticiam facere denegauerint uel neglexerint, ad nostram presenciam debeant euocari. Idem vestre fidelitati precipimus firmiter per presentes, quatenus, quicumque litteras nostras citatorias uel aliorum quorumlibet Judicum Regni nostri, contra predictos ciues nostros et ad eosdem pertinentes uel aliquem ex ipsis uobis exhibuerint, testimonium seu vero hominem ad citandum ipsis postulantis vel aliquem ex eisdem preterquam ad citandum Judicem ipsorum, vt premittitur, cuipiam in antea dare,

(*Part. I. Privil. et Libert.*)

seu transmittere nullatenus debeatis, sicut non offendere formidatis, aliud non facturi. Datum in Vissegrad in con....nis beati Jacobi Apostoli. Anno domini Millesimo C<sup>o</sup>C<sup>o</sup>C<sup>o</sup> X<sup>o</sup>X<sup>o</sup> nono.

Originalis membrana in Archivio Regni Croatiae.

## LXXXIV.

Anno 1334. IV. Non. Junii.

Carolus M. Donch, Comiti Zoliensi, castrum Comarom loco castrorum Strigov et Čaktornja, in insula inter Muram et Dravum sitorum, donat.

Karolus, Dei gracia Hungarie, Dalmacie, Croacie, Rame, Servie, Galicie, Lodomerie, Comanie, Bulgarieque Rex, Princeps Sallernitanus et honoris ac montis Sancti Angeli Dominus. Omnibus Christi fidelibus, presentibus pariter et futuris, noticiam presentium habituris, salutem in omnium salutis largitore. Cum bene meritis fauor debitus impenditur, et sinus dilectionis panditur, fideliterque obsequentibus digna merces redditur, Deus placari creditur, et subditi ad fidelitatis opera exercenda facilius inuitantur, accenduntur, que sub spe et desiderio retributionis amplioris. Proinde ad universorum tam presencium quam futurorum noticiam volumus pervenire: quod cum nos nobili viro Magistro Donch, filio Dominici, Comiti de Zolio, fidei nostro, mediantibus litteris honorabilium virorum Capituli scilicet Ecclesie Strigoniensis privilegialibus in permutacionem castri Arua, nuncupati, quod idem nobis et nostris heredibus, sive successoribus restituit et reliquit cum toto districtu eiusdem et suis pertinenciis universis ac singulis perpetuo possidendum, tenendum pariter et habendum, quedam castra nostra Strigow et Chaakturnya nominata, intra fluvios Drava et Mura habita et situata, similiter cum suis districtibus et pertinenciis universis, ac tenuitis ad eandem spectantibus, dedissemus et tradidissemus perpetuo in filios filiorum eiusdem possidenda; que quidem castra idem pleno iure sibi statuta pluribus diebus titulo dicte permutacionis habuisset et tenuisset, tandem idem magister Donch ad nostram accedens presentiam, exposuit nobis humiliter, supplicando, quod castrum Camarun nuncupatum, in comitatu ad Camarun, in insula Danubii habitum, propter hoc, vt ipse ad nos, in curia nostra propius fieri possit, et debeat, ac sua nobis fidelia seruicia magis continue erga nos existendo commodius valeat frequentare, sibi magis vtile, quam predicta castra Strigow et Chakturnya vocata, vt premititur, in permutacionem castri Arua nominati, per nos sibi date fore inspexisset, et pariter estimasset; petens vt predictum castrum nostrum Camarun vocatum in permutacionem iam dictorum castrorum Strigow et Chakturnya dare sibi de benignitate

regia dignaremur. Itaque nos petitionibus eiusdem fauorabiliter inclinati, tam predicta consideratione, ea videlicet, ut idem magister Donch in curia nostra existat et resideat, ac nobis commodius valeat famulari, quam pro suis serviciis, quoniam debemus cuiuslibet fidelium nostrorum servicia attendere, et ipsis pro eisdem serviciis esse fauorabiles, et pariter generosi; predictum castrum nostrum Camarum vocatum, cum omnibus suis vtilitatibus et pertinenciis, villis scilicet, tributis, piscinis, sive piscaturis et aliis universis et singulis iuribus, rite et iuste ad ipsum castrum, salvo iure alieno, sub metis, terminis et limitationibus antiquis, spectantibus et pertinentibus, eidem magistro Donch, qui ipsum castrum Camarum sibi fore, vt predictur, magis vile, quam castra predicta allegabat, et a nobis ei dari instantissime propter causas predictas postulabat, dedimus, tradidimus et contulimus, iure perpetuo et irrevocabiliter, in filios filiorum eius et heredes possidendum, tenendum pariter et habendum; predicto tamen Comitatu Camariensi nobis et nostris heredibus sive successoribus reservato; e converso quidem magister Donch in permutacionem dicti castri Camarum, supradicta castra Strigow et Chakturnya, cum omnibus pertinenciis eorumdem, quibus erant sibi statuta, nobis et nostris heredibus ac successoribus reddit et restituit pleno iure; nihilque proprietatis sibi et suis heredibus in ipsis castris Strigow et Chaakturnya, eorumque iuribus et pertinenciis universis deinceps reservando. In cuius rei memoriam et firmitatem perpetuam, presentes eidem concessimus litteras duplicis authentici sigilli nostri appensione communitas. Datum per manus venerabilis viri magistri Thatamerij, Albensis Ecclesie Prepositi, aule nostre Vice-Cancellarii, dilecti et fidelis nostri, quarto nonas Junii, anno Domini Millesimo tricesimo tricesimo quarto. Venerabilibus in Christo patribus et dominis Chanadino Strigoniensi, fratre Ladislao Colocensi, aule nostre Cancellario, Archiepiscopis. Nicolao Jauriensi, Ladislao Quinqueecclesiensi, Andrea Transilvano et alio Andrea Varadiensi, Ladislao Zagrabiensi, Nicolao Agriensi, Meskone Nistriensi, fratre Rudolfo Waciensi, fratre Paulo Albensi de Nandor, et Jacobo Chanadiensi, Ecclesiarum Episcopis, Ecclesias Dei feliciter gubernantibus. Westprimiensi autem, Syrmieni ac Bosnensi sedibus vacantibus. Magnificis Baronibus Wyllermo Drwgeth Palatino, Comite Zepsien et Wjwar, Demetrio magistro Thavernicorum nostrorum, Thoma Wajwoda Transilvano et Comite de Zonuk; Comite Paulo, Symonis filio, Iudice Curie nostre, Mykch Bano tocius Sclavonie, Johanne Bano de Machow, Paulo magistro Tavernicorum Domine Regine consortis nostre carissime, Dionisio Dapiferorum nostrorum magistris, ac Nicolao Comite Posoniensi, aliisque quam pluribus regni nostri Comitatus tenentibus et honores.

Ex auth. transumpto Vladislai II. anno 1504. in coll. Nic. Jankovich de Jesenicze. — Fejér. Codex Dipl. Regni Hung. T. VIII. v. III. p. 722.

## LXXXV.

*Anno 1339. Zagrabiæ.*

**Provinciam Metlikam una cum Sihestain, Sichemberg et Grachan (nunc in Carniolia) intra ambitum Dioecesis Zagrabiensis esse sed ab Equitibus Theutonicis tempore bellorum, in Hungaria exortorum, a Croatiae Regno avulsa fuisse, demonstratur.**

In nomine Domini Amen. Anno eiusdem Millesimo trecentesimo quadragesimo: Pontificatus sanctissimi in Christo patris domini Benedicti duodecimi divina providentia Sacrosanctæ Romanæ ac universalis Ecclesiæ summi Pontificis Anno Sexto. Frater Joannes Ordinis Cisterciensis Abbas Conventus Ecclesiæ Monasterii Sanctæ Mariæ de Toplica, Zagrabiensis Dioecesis, iudex unicus ad infrascripta a Sede Apostolica delegatus, Universis præsentium noticiam habituris Salutem in Domino. Litteras Sanctissimi Patris domini Benedicti Papæ supradicti, eius bulla plumbea in filo canapis more Romanæ Curiae bullatas, veras et integras, ac omni suspitione carentes, pro parte Ecclesiæ Zagrabiensis et Venerabilium virorum Capituli eiusdem Ecclesiæ, per Reverendum virum dominum Jacobum Lectorem, Generalem Vicarium Venerab. in Christo patris domini Ladislai Dei et Apostolicæ Sedis gratia eiusdem Zagrabiensis Ecclesiæ exhibitas, nos percepisse noveritis in hæc verba. Benedictus Episcopus Servus Servorum Dei, dilecto filio Abbati Monasterii Sanctæ Mariæ de Toplica, Zagrabiensis Dioecesis, Salutem et Apostolicam benedictionem. Dilectorum filiorum Capituli Ecclesiæ Zagrabiensis precibus inclinati, præsentium tibi auctoritate mandamus, quatenus ea, quæ de bonis ipsius Ecclesiæ alienata inveneris illicite vel distracta, ad ius et proprietatem eiusdem Ecclesiæ legitime revocare procures. Contradictores per Censuram Ecclesiasticam appellatione postposita conpscendo. Testes autem qui fuerint nominati, si se gratia, odio vel timore subtraxerint, Censura simili, appellatione cessante, compellas veritati testimonium perhibere. Datum Avinionis quarto Nonas Martii. Pontificatus Nostri anno quinto. Quibus quidem litteris Apostolicis, per nos cum ea, qua decuit, reverentia receptis, idem dominus Jacobus Vicarius nomine eiusdem Zagrabiensis Ecclesiæ Capituli graviter est conquaestus: Quod Religiosus vir Frater Henricus, ordinis Cruciferorum domus Theothonicae Commendator sive praeceptor domus eiusdem de Chernomel in Methlica, et fratres eius, decimas ibidem et circumquaque ad ipsum Capitulum pertinentes, indebite occupatas percipiebant, quas petebat ad ius et proprietatem Ecclesiæ Zagrabiensis, et per consequens, Capituli eiusdem reduci, sicut habebamus per Apostolicas litteras in mandatis. Nos vero ordine iuris procedentes,

dictum Capitulum citari fecimus, octavum diem festi Nativitatis Beatæ Virginis eisdem coram nobis comparendi pro termino assignantes. Et quoniam eodem termino adveniente, idem Frater Henricus et fratres sui non curaverunt comparere contra Capitulum, Venerabili viro domino Joanne Archidiacono de Guerche, procuratore eiusdem Capituli legitimo, ipsorum contumaciam accusante; ideo eosdem Fratrem Henricum et suos fratres secundo et peremptorie fecimus ad nostram præsentiam evocari et citari, contra idem Capitulum, eis octavum diem post festum Omnium Sanctorum ex tunc coram nobis comparendi pro termino assignando: Quo termino occurrente et nobis in Claustro Sanctæ Mariæ nostri Ordinis existentibus Zagrabiæ, propter copiam peritorum, prædictus Frater Henricus præceptor sive commendator de Chernomel in Methlika comparuit in iudicio coram nobis. Cui quidem per prædictum dominum Joannem procuratorem sæpedicti Capituli oblatus fuit libellus, in hæc verba. In nomine Domini Amen. Anno eiusdem M<sup>o</sup>CCCXXXIX, Pontificatus Sanctissimi patris domini Benedicti divina providentia Sacrosanctæ Romanæ et Universalis Ecclesiæ Summi Pontificis Anno quinto, coram vobis domino Fratre Joanne Abbate Conventus Ecclesiæ et Monasterii Sanctæ Mariæ de Toplica, Zagrabiensis diocesis, Iudice a Sede Apostolica delegato: Ego Joannes Archidiaconus de Guerche, procurator Capituli Zagrabiensis Ecclesiæ, dico nomine eiusdem Capituli et propono: quod cum decimæ, sive redditus decimales provinciæ Methlikæ, sicut et aliæ decimæ in Archidiaconatu de Guerche, ex institutione et ordinatione antiqua, ratione quartæ, de rebus sive bonis Episcopalibus Ecclesiæ Zagrabiensis ad Capitulum eiusdem Ecclesiæ pertineant, de cuius Ecclesiæ diocesanæ existunt; Frater Henricus Ordinis Cruciferorum domus Theothonicæ præceptor sive Commendator de Chernomel in Methlika, et fratres sui de eadem domo, ipsas decimas cum suis participibus laicis ab aliquibus suis prædecessoribus tempore manifestarum guerrarum in Regno Hungariæ, contra Deum et justitiam, in grave detrimentum et præiudicium ipsius Capituli usurpatas percipiunt et hucusque perceperunt. Quare nomine procuratoris ipsius Zagrabiensis Capituli peto compelli eundem Fratrem Henricum præceptorem, et fratres suos, desistere a perceptione eorundem reddituum sive proventuum decimalium in provinciâ de Methlika, et ibi locis adherentibus, et ab impetitione sive molestatione huiusmodi compesci, et eidem Zagrabiensi Capitulo dictos redditus sive proventus decimales adiudicari, ac per vestram sententiam declarari: redditus sive proventus decimales in eadem provinciâ de locis ibi adhaerentibus esse de pertinentiis decimationis Capituli supradicti, tamquam de existentibus infra limites Zagrabiensis diocesis, usque Ecclesiam beatissimi Stephani Regis Hungariæ de Zemch inclusive, quæ Ecclesia cum sua Parochia et Capellis, circa et extra limites Aquilegiensis diocesis existit, parte in illa, et abhinc limes protenditur per cacumen montium versus Aquilonem, directe quodammodo Ecclesias de Sihestain, de Sihembergh, et de Grachan ad Zagrabiensem Ecclesiam diocesanam includendo, salvo iure mihi semper addendi, minuendi vel mutandi præmissa, vel ex eis aliqua, prout videbitur expedire. Actum in Claustro Sanctæ Mariæ de Zagrabia, anno et die prænotatis. Tandem ad petitionem eiusdem Fratris Henrici, pro se et suis fratribus, de consensu sæpedicti domini Joannis Archidiaconi procuratoris Capituli antedicti, eidem Fratri Henrico et suis fratribus ad respondendum peremptorie ad prædictum libellum, et in contentis, concessimus pro termino octavum diem Na-

tivitatis beati Joannis Baptistae proximo venturum, ipso fratre Henrico, pro se et suis fratribus consentiente et acceptante dictum terminum, ad hunc finem, et in Claustro praedicto. Demum adveniente praedicto termino, scilicet octavo die festi Sancti Joannis Baptistae, idem Frater Henricus non comparuit, nec aliquis ex fratribus suis, immo nec misit aliquem nuntium simplicem, saltem ad aliquam excusationem allegandam; nobis ipsum ex tunc quatuor diebus immediate sequentibus, ob reverentiam sui Ordinis, expectantibus, ipso Joanne Archidiacono comparente semper, et eiusdem Fratris Henrici et suorum fratrum contumaciam fortius accusante, petenteque, se nomine eiusdem Capituli mitti in possessionem decimationis supradictae, iuxta formam oblatis libelli. Quare non valentes ulterius in offensam iuris et praejudicium dicti Capituli, saepedicti Fratris Henrici et suorum fratrum contumaciam manifestam sustinere, utpote, qui ad peremptoriam responsionem sponte assumptam, sicut superius exprimitur, non curarunt comparere, vel saltem aliquem accusatorem mittere, eundem dominum Joannem Archidiaconum procuratorem saepedicti Capituli et nomine eiusdem in possessionem omnium percipiendorum reddituum sive proventuum decimalium in provinciola Methlike, de Sihestain, de Sihembergh, et de Grachan, cum suis pertinentiis, tanquam infra limites Zagrabiensis Ecclesiae dioecesis existentium, iuxta tenorem petitionis eiusdem Archidiaconi superius contentae: de consilio peritorum et proborum, tunc nobis assidentium, causa rei servandae, auctoritate Apostolica nobis in hac parte commissa, induximus et inducimus in his scriptis. Per hoc tamen nolumus ipsi Fratri Henrico, suis fratribus et suo ordini, aliquod praejudicium generari, quin possint, si voluerint, recuperare possessionem omnium praemissorum, in quantum a iure permissum reperitur. Actum in Claustro Sanctae Mariae supradicto, die quinto post octavas beati Joannis Baptistae anno praenotato. In praemissorum autem omnium testimonium nostrum Sigillum praesentibus duximus appendendum.

E Codice MSC. Joannis Archidiaconi de Guerche.

---

## LXXXVI.

*Anno 1344. 11. Novembris. Zagrabiae.*

Nicolaus, totius Slavoniae Banus, jus et lucrum Camerae Banalis, omnibus Regni Nobilibus in unum congregatis consentientibus, Jacobo, Civi Graecensi, 300 marcis denariorum novae monetae banalis locat.

Nos Nicolaus, Banus totius Slavoniae, memoriae commendamus tenore praesentium — — quibus expedit universis: quod nos consideratis — — de-



votionis sinceræ meritis, item ob fidelitatis constantiam Jacobi, filii Vlfardi, civis de civitate Graecensi — quibus omnibus studuit complacere, ex consensu et declaratione universorum Nobilium regni Sclavoniae, nobiscum existentium, cameram nostram per totam Sclavoniam, cum omni plenitudine iuris et lucro eiusdem, ad honorem Banatus spectantibus, in festo S. Martini confessoris incipien. usque ad revolutionem eiusdem, pro tercentis marcis denariorum novorum monetae nostrae anno in praesenti cum quinque pensis computatis — nobis persolvendis, eidem Jacobo — duximus collocandum. Datam Zagrabiæ in festo sancti Martini. Anno Domini MCCCXLIV.

Ex charta originali. Kéler Anal. Hist. Tom. I. 225. — Fejér. C. D. H. Tom. 9. Vol. I. p. 255.

## LXXXVII.

Anno 1345.

Clemens PP. VI. provinciam Metlikam intra ambitum Dioecesis Zagrabiensis esse agnoscit.

Clemens Episcopus Servus Servorum Dei, dilectis filiis Abbati Monasterii Sanctae Mariae et priori fratrum Ordinis Praedicatorum Zagrabiensis, ac Officiali Zagrabiensi, salutem et Apostolicam benedictionem. Sua nobis dilecti filii Capitulum Ecclesiae Zagrabiensis petitione monstrarunt, quod olim ipsi ad Abbatem Monasterii Sanctae Mariae de Toplika, Zagrabiensis dioecesis, Apostolicas sub ea forma literas impetrarunt, ut ea, quae de bonis ipsius Ecclesiae idem Abbas alienata inveniret, illicita vel extracta, ad ius et proprietatem eiusdem Ecclesiae revocare curaret. Contradictores per censuram Ecclesiasticam, appellatione postposita, compescendo, ac Henricum Commendatorem et fratres domus hospitalis Sanctae Mariae Theotonicorum de Chernomel, dictae dioecesis, fecerunt coram eodem Abbate auctoritate dictarum litterarum ad iudicium evocari, quodam oblato libello, in quo proposuerant, quod scilicet perceptio decimarum provenientium ex fructibus terrarum, possessionum, et aliorum bonorum consistentium in loco dicto, provinciola de Methlika, et eius adherentiis dictae dioecesis, ad eosdem Capitulum de antiqua et approbata ac hactenus pacifice observata consuetudine pertineret, et tam ipsi quam praedecessores eorum fuissent in pacifica possessione vel quasi iuris percipiendi dictas decimas, et tempore cuius contrarii memoria non extabat: tamen Henricus Commendator et fratres praedicti, decimas ipsas et possessionem percipiendi easdem tenen. contra iustitiam usurparant et occupant, dictasque decimas perceperant et percipiebant, ac alienatas ac distractas indebite detinebant et delinebant. Quare petebant eosdem Commendatorem et Fratres compelli, desistere ab occupatione, et perceptione dictarum decimarum, dictasque decimas

et possessionem percipiendi easdem, ad ius et proprietatem eiusdem Ecclesiae reuocari, ipsosque Commendatorem et fratres ab huiusmodi impedimento compesci; dictusque Abbas ad instantiam dictorum Capituli, eisdem Commendatori et fratribus ad respondendum dicto libello vel dicendum causam rationabilem: quare ei respondere non deberent, certum competentem peremptorie terminum assignauit, in quo praefatis Capitulo coram eodem Abbate in iudicio competentibus et praedictorum Commendatoris et fratrum non comparentium contumaciam accusantibus, et propter huiusmodi eorum contumaciam se in possessione percipiendi dictas decimas in eodem libello petitas, causa rei reservandae, mitti petentibus, praefatus Abbas eosdem Commendatorem et fratres ad dicendum causam rationabilem, si quam haberent, quare huiusmodi missio fieri non deberet, coram se citari fecit, ad competentem peremptoriam certam diem; in qua praedictis Capitulo coram eodem Abbate in iudicio comparentibus et praedictorum Commendatoris et fratrum non comparentium contumaciam accusantibus, et in eorum contumaciam in non comparendo ad respondendum dicto libello in eandem possessionem se mitti petentibus, praefatus Abbas reputans eosdem Commendatorem et fratres, quo ad hic prout exigente iustitia contumaces propter huiusmodi eorum contumaciam in non comparendo ad respondendum libello praedicto, recepta prius informatione summaria, praefatos Capitulum in possessione percipiendi dictas decimas in eodem libello petitas, causa rei servandae mittendas fore decernit et misit. Et tandem cum ab huiusmodi decreto et..... non fuisset infra tempus legitimum appellatum, ac praefatus Henricus Commendator infra tempus a iure statutum non curans super praemissis iuri parere, easdem decimas pro se et alios percipere praesumeret, dictosque Capitulum in possessione percipiendi easdem decimas contra iustitiam impediret, praefatus Abbas, cum praemissa adeo essent notoria, quod nulla poterant tergiversatione celari, eundem Commendatorem Canonice moneri fecit, ut infra certum alium peremptorium terminum competentem ab huiusmodi perceptione et impedimento desistere, vel interim coram eo causam, si quam haberet rationabilem, allegaret, monitionem huiusmodi minime parere deberet, pro qua praedictus Henricus Commendator, infra praedictum ultimum terminum, uel post, eidem monitione parere contumaciter non curaret, nullam proponens causam rationabilem, pro qua ei parere minime teneretur, praedictus Abbas in eundem Henricum Commendatorem propter hoc excommunicationis sententiam, exigente iustitia, promulgavit. Quare praedicti Capitulum nobis humiliter supplicarunt, ut eandem excommunicationis sententiam robur faceremus firmitatis debitum obtinere. Quocirca discrecioni vestrae per Apostolica scripta mandamus, quatenus sententiam excommunicationis, sicut rationabiliter est prolata, faciatis auctoritate nostra, appellatione remota, usque ad satisfactionem condignam inuolabiliter observari, non obstante indulgentia, qua sibi prior ordini suo a sede Apostolica dicitur esse concessum, quod ipsius ordinis fratres non teneantur se intromittere de quibuscunque negociis, quae eis per eiusdem sedis litteras committuntur, nisi in eisdem litteris de concessione huiusmodi plena et expressa mentio habeatur. Quod si non omnes his exequendis potueritis interesse, duo uestrum ea nihilominus exequantur. Datum Avinione, Kal. Decembris, Pontificalus nostri anno quarto.

## LXXXVIII.

1347. *Feria 5 ante dominicam Oculi. Zagrabiae.*

**Privilegium oppido Krapina a Ludovico I. Rege concessum.**

Nos Ludovicus, Dei Gratia Rex Hungarie, significamus presentium per tenorem memorie commendantes. Quod ciuibus et hospitibus nostris sub castro Krapyna existentibus et commorantibus, ac ad eosdem convenientibus, hanc libertatem de liberalitate regia duximus faciendam. Quod quicumque de ipsis ciuibus et hospitibus tria Jugera de terra habet et tenet, ille annuatim quinquaginta denarios banales soluere teneatur, quorum viginti quinque soluet in festo beati Michaelis Archangeli, et iterum viginti quinque denarios banales soluet in festo beati Georgij Martyris, et non plures. Item, descensum, vulgariter Zallas dictum, bis in anno soluere teneantur, hoc modo: Quod pro vno descensu vnam pecudem pascualem, sexaginta denarios banales ualentem, centum panes, sex pullos, quinque cubullos de auena, tres cubulos de uino, vnam libram de pypero et croco, ac sal dare debent. Item alia uice eodem anno. Similiter quicumque ipsorum dominus perueniet, prandium uel cenam dare teneantur. Item homicidium eorundem ciuium et hospitum nostrorum sint viginti quinque marce, et non extendat se vltra uiginti quinque marcas. Item quilibet eorum possit iurare pro media marca et iuramentum eorum talium quorumlibet, qui uillicatum in medio eorundem non tenuerunt, extendat se ad mediam marcā. Tales uero ex ipsis, qui uillicatum tenuerunt, possint iurare super vna marca, et iuramentum talium, qui uillicatum tenuerunt, ualeat vnam marcā. Item Castellanus noster tres causas in medio ipsorum iudicare possit, uidelicet causam furti, causam uolentie seu potentie, et causam homicidii seu sanguinis, in quibus tribus causis, duas partes birsagij Castellanus noster, et tertiam partem uillicus ipsorum accipiet, alias omnes causas, inter eos emersas, et emergentes, uillicus eorum, quem comuniter eligent et perficient, iudicandi habeat facultatem. Item si causa, in predictis tribus terminis et articulis causarum, iudicio Castellani nostri reseruatis, adiudicata fuerit ad iuramentum, tunc ille, qui iurabit, in loco iuramenti quadraginta denarios persoluere pro expurgatione sui teneatur, sed in causis per uillicum iudicatis nihil soluere teneantur. Item, duellum inter ipsos adiudicari et fieri non possit. Item si qui ex ipsis heredum solatio destituti decesserint, illi de omnibus bonis et possessionibus suis liberam habeant, sicut uoluerint, facultatem, tantummodo Castellano nostro vnum fertonem, uel vnam pecudem pascualem, cuius cornua ligaturam capere, et in cuius cornibus ligatura stare possit, dare teneantur. Item, libere veniant, et liberi clara luce recedant, saluis rebus eorum et personis, tantummodo pro terragiis quilibet eorum duodecim denarios

persoluant et deponant. Item, si aliqui seruientes sub eodem castro edificia facere, et in medio eorum commorari uoluerint, tum ad eandem libertatem sicut ciues et hospites ipsius libere ville nostre descendant, et in eadem libertate commorentur, et totum onus cum eiusdem ciuibus et hospitibus portare teneantur. Item, Castellanus vnus et non plures eis constituemus, et volumus, quod Castellanus noster nunc constitutus et in futurum constituendus, contra hanc libertatem per nos gratiose eis factam, eosdem non audeat et non presumat molestare vel aliquialiter pregrauare. Datum Zagrabie feria quinta proxima ante Dominicam Oculi, anno Domini Millesimo trecentesimo quadragesimo septimo.

*(Exstant confirmatoriae litterae Mathiae I. Regis a. 1489, Johannis Corvini Bani et Ducis a. 1495, Beatricis Comitissae de Frangepanibus a. 1506., Georgii Marchionis Brandenburgensis a. 1511., Petri Keglević a. 1534, Lucae et Michaelis Sekel de Kewend a. 1547 et 1577., Mathiae II. Regis a. 1588. datae.)*

Originale in Archivio oppidi Krapina.

---

## LXXXIX.

*Anno 1349. Zagrabiae.*

**Loci inter Savum et Dravum, in quibus tributa injusto modo exigebantur.**

Magnifico viro Domino Nicolao, tocius Sclavonie et Croatie Bano, Capitulum Zagrabienſis Ecclesie salutem et orationes pro eo ad Dominum. Noveritis nos vestras recepisse litteras in hec verba: Viris discretis et honestis Capitulo Zagrabienſis Ecclesie, amicis suis reverendis, Nicolaus tocius Sclavonie et Croatie Banus amicitiam paratam cum honore. Conqueruntur nobis universi Nobiles Regni Sclavonie inter Dravam et Zavam existentes, quod quam plurima indebita tributa in medio ipsorum tam tempore aliorum Banorum predecessorum nostrorum, quam nostro, facta fuissent et incoata, propter quod non modicam iniuriam seu dampnum paterentur, unde, quia nostro Banatui incumbit officio, ut nobilibus regni de necessitate ipsorum provideamus remedio opportuno, volentes ipsos alleviare, amicitiam vestram presentibus petimus affectuose, quatenus unum ex vobis virum idoneum, una cum magistro Benedicto de Kalanda, Castellano nostro de minori Kemlek, et Comite de Morovcha, in medium universorum nobilium regni Sclavonie pro testimonio transmittatis, qui sciant et inquirent de premissis ab omnibus hominibus, quibus decet et licet, omnimodam veritatem, et post hec, prout vobis veritas premissorum constiterit, nobis amicabiliter rescribatis. Datum Zagrabie feria quarta post festum beati Marci Evangeliste. Anno Domini Millesimo

trecentesimo quadragesimo nono. Volentes igitur nos vestris petitionibus satisfacere, cum predicto magistro Benedicto, homine vestro, discretum virum magistrum Dyonisium Archydiaconum de Varasd, socium et concanonicum nostrum, ad premissa exequenda pro testimonio duximus transmittendum; qui demum ad nos redeuntes, nobis concorditer retulerunt, quod cum ipsi iuxta vestrum mandatum accessissent ad locum in Kamarcha, qui vocatur Jakovzeredahel, ubi universi nobiles et regnicole feria quarta proxime preterita post festum inventionis sancte crucis convenerant pro quibusdam expeditionibus eorundem, ibique ab ipsis nobilibus et regnicolis seriose requisivissent, que tributa, et in quibus locis inter Zavam et Dravam iniuste exigenterentur, et contra antiquam observationem? tandem dixerunt se ab eisdem nobilibus et regnicolis veraciter et certitudinaliter rescivisse, quod tributum, quod nunc in Rakonus a transeuntibus exigitur, esset iniuste et indebite impositum tempore Mykch quondam Bani, et per ipsum, nec unquam ibidem alias fuisset constitutum tributum. Item in Poroztoch, Vukorja, et apud Ecclesiam Sancti Johannis de Sabnycha, similiter tempore eiusdem Mykch Bani, fuissent imposita tributa indebita et iniusta, que usque hodie a transeuntibus indebite exiguntur. Item in Hraschyna tempore domini Nicolai filii Stephani quondam Bani fuisset impositum tributum similiter indebite et injuste, quod usque hodie exigitur indebite et injuste. Item in fluvio Cranya vocato, ubi in magna via, qua itur ad Gerencham, quidam pons existeret. Item circa arborem Jegyna et in fluvio Breznycha, ubi quidam Jobagio nomine Gregorius pertinens ad Racham resideret, similiter tributa indebita et iniusta exiguntur, que tempore vestro fuissent instituta, que nunc per Stephanum filium Thome officialem vestrum de eadem Racha indebite exiguntur. Item in Zobochina in . . ekovch et Zybovch tributa indebita exiguntur, que tempore vestro fuissent instituta indebite et iniuste. Item in Megeriucha in sex locis tempore vestro tributa fuissent instituta, que usque hodie indebite exiguntur. Item in Borsonovch in septem locis tempore domini Nicolai filii Stephani quondam Bani fuissent tributa indebita et iniusta, que usque nunc indebite exiguntur et iniuste. Item in Gersencha quoddam tributum indebite exigitur et iniuste. Item in Gutryg solum fuit tributum fori ab antiquo, in quo quatuor denarii de curru exigebantur, nunc autem in quinque locis circumquaque tempore Nicolai filii Stephani quondam Bani tributa instituta, per vestros indebite exiguntur et iniuste. Item prope Ecclesiam Sancti Jacobi in Polosnycha, tempore magistri Stephani filii Mykch quondam Bani et per ipsum fuit quoddam tributum iniuste institutum, et nunc per vestros indebite exigitur et iniuste. Item in Velyka duo tributa in viis, unum videlicet in villa Velyka, et aliud in villa Pukar per vestros indebite exiguntur et iniuste. Item in Gordoa duo tributa in viis tempore Nicolai filii Stephani quondam Bani iniuste fuissent instituta, que et nunc per vestros indebite exiguntur et iniuste. Item in ponte fluvii Toplica in possessione Ladislai filii Jacobi prope Zdench, tempore Mykch quondam Bani quoddam tributum indebite fuisset institutum, quod usque hodie sic indebite exigitur et iniuste. Item in Detha et in Gerkonokfen de novo duo tributa per magistrum Stephanum filium Mykch quondam Bani fuissent indebite instituta, et nunc indebite exiguntur et injuste. Item in Cerekorda in possessione magistri Johannis filii Mark quoddam tributum fuisset indebite institutum, et nunc per Castellatum vestrum de majori Kemlek indebite exigitur et iniuste. Item investigando diligenter rescivissent, quod ab antiquis temporibus

bus pro marturina a quolibet Jobagione integre curie exigebantur duodecim denarii Banales, item pro lucro Camere iidem denarii septem, et sic denarii decem, et novem simul conjungendo, et ultra hec exigebantur duo denarii competentes exactori ipsarum marturinarum et septem denariorum. Item unus denarius similiter de quolibet Jobagione per hominem domini Episcopi Zagrabiensis, qui homo domini Episcopi ab antiquis temporibus pro testimonio in exactione huiusmodi procedebat, ne aliquis ex regnicolis iniuste posset per exactiones huiusmodi aggravari, nunc vero ultra hec indebite et iniuste exigitur lucrum Camere in foris, loco cuius fuerunt ipsi septem denarii ordinati, quamvis ipsi septem denarii et nunc exigantur cum marturinis, ut est dictum. Datum feria secunda proxima ante festum Ascensionis Domini, anno ejusdem supradicto.

Originalis membr. in Archivio Regni Croatiae Priv. Nro. 4.

## XC.

*1350. Sabatho proximo ante Dominicam Laetare. In Toplica.*

Paulus de Vgal, totius Slavoniae et Croatiae Banus, quosdam articulos, praestationes hominum Abbatiae Toplicensis attinentes, e privilegiis eidem Abbatiae ab Andrea II. a. 1211 et 1213 datis, transsumit.

Nos Paulus de Vgal, per dominum Stephanum, Dei gracia tocius Sclavonie, Croacie et Dalmacie Ducem, in dictis Regnis Sclavonie et Croacie Banus constitutus, memorie commendantes tenore presencium quibus expedit significamus vniuersis. Quod vir religiosus frater Guillermus, Abbas monasterij Beate Virginis de Toplica, sua et tocius dicte Ecclesie sue conventus vice et nomine, ad nostram accedendo presenciam, exhibuit nobis quedam duo priuilegia serenissimi principis domini Andree olim illustris regis Hungarie, beate recordationis, fundatoris scilicet dicti monasterij, vnum anno ab Incarnatione domini Millesimo ducentesimo decimo primo, per manus domini Thome aule sue regie cancellarij, et Vesprimiensis prepositi, duplici sub sigillo regio confectum, et aliud anno ab Incarnatione domini Millesimo ducentesimo decimo tercio, per manus Thome Albensis prepositi, et Hungarie cancellarij, sub quodam sigillo eius rotundo emanatum; petens nos humili precum cum instancia, vt quia ipsa duo priuilegia propter viarum discrimina et alios infortunatos casus, ad tuicionem seu conservacionem iurium dicti monasterij, continue secum in specie deferre non auderet, ideo quosdam articulos eorundem priuilegiorum ad conservacionem iurium dicti

monasterij plurimum necessarios, de eisdem priuilegijs collective excipiendo, presentibus nostris litteris priuilegialibns, de verbo ad verbum transsumendo, transscribi et sigillo nostro consignari facere dignaremur. Qui quidem articuli in dictis duobus priuilegijs ipsius domini Andree Regis, de verbo ad verbum talibus verborum prolationibus inventi fuisse dinoscuntur. Principaliores quoque et seruicia, que nos ipsi tempore Ducatus nostri, de eodem Comitatu recepimus annuatim, presenti pagine duximus inserenda. Pro marturinīs vnaquoque mansio viginti quatuor frisaticos soluere tenetur annuatim; ab hac autem marturinarum solucione nullus exemptus est, preter quinque, quorum hec sunt nomina: Brennue in Boiacha, Wlkan, Berkis, Bogdan et Gostue; istorum quinque Jobagionum, quilibet cum fratribus uterinis et nepotibus, debent ecclesie tres pensas annuatim, et descensum tenere, porcos uero regios debet ecclesia de tota terra colligere, ita, quod nullus ab eorum solucione sit exemptus. Omnes uero isti supradicti, qui soluunt tres pensas, per totum regnum Hungarie, ad iussionem Abbatis, vel illius, qui uices eius, mandato ipsius, suppleuerit, quoties iussi fuerint, proprijs equis et sumptibus, ipsi et heredes eorum, ire tenentur, et si ire noluerint, abbas iudicio subiacebunt. Homines de foro Toplice, preter marturinas, reddere debent tunellam vini, bouem vnum, et de singulis domibus panem vnum, et hoc ter in anno, scilicet in natali Domini, in pascha et in assumptione beate virginis. Preterea sciendum est, quod hospites de foro Toplice, singulis annis decem pensas frisaticorum, eidem ecclesie soluere tenentur, in nativitate quinque pensas, et in pascha quinque pensas, preter marturinas, quas, sicut alij soluant. Hospites autem et castrenses omnes prenominati Comitatus, soluant monasterio Toplice singuli de singulis mansionibus annuatim cubulum vnum frumenti, et alium avene, cuius mensura erit quatuor pugnorum et quatuor digitorum, a festo s. Michaelis vsque ad festum omnium sanctorum, sicut et marturinas, et collectoribus duas pagachas, et cubulum vnum avene et gallinam vnam. Nos siquidem iustis et legitimis petitionibus prefati fratris Gujllermi, Abbatis de Toplica, fauorabiliter inclinati, predictos articulos, seu clausulas necessarias, de eisdem duobus priuilegijs prememorati domini Andree regis, collectivè excipiendo sine diminucione et augmento aliquali, presentibus nostris litteris priuilegialibus, de verbo ad verbum fecimus inseri et sigillo nostro autentico consignari, uberiolem ad cautelam. Datum in Thopolcha sabatho proximo ante dominicam Letare. Anno domini Millesimo trecentesimo quinquagesimo.

Ex Transsumpto Privilegiorum Abbatis Thopuskensis.

**XCI.***Anno 1350. die 10. Julii. Budae.*

**Stephanus, totius Slavoniae, Croatiae et Dalmatiae Dux,  
antiquas libertates civium Zagradiensium tuetur.**

Stephanus, dei gracia totius Sclauonie, Croacie & Dalmacie Dux, fidelibus suis vniuersis Prelatis, Baronibus, Comitibus, Castellanis, Nobilibus ac eorum vices gerentibus, item ciuitatibus, villisque et earum rectoribus, nec non quibusuis alijs hominibus cuiusuis condicionis et preeminencie existant, et specialiter tributarijs in dicto Regno suo Sclauonie constitutis et constituendis in futurum, quibus presentes ostenderentur, salutem et gratiam. Querele nunciorum ciuium nostrorum de monte Grech, in eo, quod per nonnullos extraneos contra eorum libertates ab antiquo conseruatas perturbarentur, aures nostre maiestatis humilime propulsarunt; vnde cum nos dictos ciues nostros seu hospites de Grech, in eorum libertatibus, ab antiquo obseruatis, velimus conseruare, fidelitati vniuersitatis vestre, ducali edicto, firmiter precipientes mandamus, quatenus predictos ciues nostros, contra eorum libertates, in nullis casibus indebite et iniuste molestare, agrauare et perturbare presumatis. Aliud, sicut nostram indignacionem incurrere formidatis, non facturi in premissis. Datum Bude, feria sexta proxima post quindenas festi natiuitatis beati Johannis Baptiste. Anno domini M<sup>o</sup>C<sup>o</sup>C<sup>o</sup>C<sup>o</sup> quinquagesimo.

Orig. membr. in mea collectione Diplomatum originalium.

**XCH.***Anno 1350. 3. Kal. Novembris.*

**Ludovicus, Hungariae et Croatiae Rex, Stephano Lacković, Transylvaniae Voivodae, ob insignia bello Neapolitano parta merita, castra Osztróg (Strigovo) et Csaktornya (Čakovec), inter Muram et Dravam (Medjumurje) sita, donat.**

**Ludovicus, Dei gratia Hungariae, Jerusalem, Siciliae, Dalmatiae, Croatiae, Ramae, Serviae, Lodomeriae, Galiciae, Cumaniae, Bulgariaeque Rex, Princeps**



Salernitanus, et honoris montis sancti Angeli Dominus, universis Christi fidelibus, praesentibus pariter et futuris, praesentes litteras inspecturis, salutem in Domino sempiternam. Obtutus regii consideratio speculativa provide deliberationis statera pensans merita singulorum, illos praecipue tenetur attollere favoris regio praenio potiori, qui a primaevae pueritiae suae temporibus, in domo regiae celsitudinis, sicut ut aliis, sic virtutum meruerunt recipere incrementa, et quodammodo per gradus gratituae donationis conscendentes, pro coronae regalis honore se variis exponere periculorum generibus nullatenus formidarunt. Considerantes itaque inter virtuosa virtute eximia et constantium numero potissima constantia, magnificum virum Stephanum Wayvodam Transylvaniae et Comitem de Zonuk, virum utique nobilem, refulgere, nimirum cum nostrae menti incalabilis sinceritatis suae impressio quodam sigillari stigmate se offerat et exponat, cogimur non immerito magnificis ipsius gestis recensitis, quae diversis necessitatibus urgentibus pro regno et regali corona exercuit, ad perpetuam gestorum memoriam, ne succensivi obscurentur rubigine temporis, ipsius servitia enarrare. Et licet prolixum esset eadem prae multitudine per singula recitare, ut tamen ea, quae nec aemula lividitas, nec livida aemulatio celare posset, per nos non celentur, qui sicut ad vindictam malorum, sic ad laudem honorum, regium diadema noscitur divinitus assecuti, servitia ipsius, quae praesentibus paulo inferius annotantur, exprimi iussumus nominatim. Primo siquidem, cum Serenissimus Princeps Dominus Andreas, inclitus rex dictorum Jerusalem et Siciliae regnorum, germanus frater noster dulcissimus, adolescens innocens, agnus immaculatus, Deo et sanctae Ecclesiae devotus, hominibus graciosus et placidus, ac multis virtutibus perfulgens, per acerbae mortis excidium, per occultos proditores, ausu nephario et detestabili, Dei et hominum timore postposito, in ipso regno Siciliae, in civitate Aversa, quae potius fuisset subversa, extitisset immolatus et nequiter iugulatus; nos tanti regis, fratris nostri, crudelissima morte, quae medullam nostri cordis dira passione amarissime lacerabat, condolentes, sententia de throno Dei prodeunte, et virtute altissimi rectum iudicium sperante, ad eiusdem regis, fratris nostri, iniuriam visibiliter vindicandam, assumptis nobiscum ipso Stephano Wayvoda et aliis regni nostri Baronibus et militibus, versus Italiam feliciter accessimus, et quosdam in praemissa interemptione fratris nostri culpabiles, ex certa informatione, repertos poena debita condemnando, remeavimus in regnum nostrum Hungariae memoratum. Denique quia propter dictum nostrum de dicto regno nostro Siciliae discessum, Joanna et Ludovico de Tarento marito eiusdem, capitalibus inimicis nostris, cum eorum gentis multitudine, ipsum regnum nostrum Siciliae invadentibus, satagentibusque nonnullis aliis nostri fratris diadematis inimicis, nec non proditoribus et rebellibus sacrae regiae maiestatis nostrae, ipsum regnum nostrum diversimode extiterat lacessitum, quam pluribus ipsius regni nostri magnatibus et civitatibus a fide nostra, in contemptum regii honoris nostri et coronae contumeliam segregatis; ideo volentes et animo cupientes huic miserabili regno nostro Siciliae de remedio providere oportuno, ne per ipsos nostros capitales inimicos, aemulos et rebelles, regnique nostri praedatores fideles nostri opprimantur, praefatum magnificum virum Stephanum Wayvodam Transylvaniae, Consiliarium et familiarem nostrum dilectum, qui glorioso Principi D. Carolo, genitori nostro carissimo, sceptrum regiminis dicti regni Hungariae, in memoria felici importante, a primaevae pueritiae suae temporibus, et per consequens nobis ad tro-

num et coronam, regalis fastigii succedentibus, labores continuos, expensarum honera et servilia indefessa, pro exaltatione regii culminis et honoris, pro reintegratione et augmento reipublicae, ac reformatione pacis in regno Hungariae praedicto, in diversis expeditionibus ipsius Patris nostri, et nostris, ductor exercitus existens, potissime in conservatione confiniorum et recuperatione terminorum regni nostri Hungariae praelibati, tempore sanctissimorum Progenitorum nostrorum, olim illustrium regum Hungariae, in conterminis regnorum Austriae et Bohemiae limitatorum, et demum ipso regno nostro Hungariae suo naturali rectore destituto, nec habente in se, qui suae aequitatis habenas recto tramite gubernaret, penitus ad dicta vicina regna nequitiose occupatorum, cum effusione sanguinis sui, et quam plurimorum proximorum et servitorum suorum caede, fidelissime exhibendo, prae aliis regalibus nostris famam pollentem, et nomen ducebat gloriosum, de ipsius industria et legalitate confidentes, adiuncta sibi gentis multitudine, in praedictum regnum nostrum Siciliae, ut seductorum nequitia extirpetur, tyrannorum puniatur crudelitas, perversorum compescatur temeritas, praesumptuosa refrenetur audacia, malorum evellatur perversitas, superborum consterneretur elatio, et elatorum cornua deprimantur, fideliumque et bonorum sinceritas clarius elucescat, duximus destinandum. Qui quidem Stephanus Wayvoda, postquam fuisset in Fogya, praefatum Ludovicum de Tarento, nostrum hostem publicum et regni nostri Siciliae invasorem, et sequaces suos in civitate Luceriae, districte, fortiter obsedit, idemque Ludovicus timore magno perterritus, et angustiis undique circumdatus, gentis suae, et salutis suae prope desperatus, de dicta Luceria civitate discedens, versus civitatem Exculii volens pergere, ante ipsum Stephanum Wayvodam vix vicinam civitatem Troyae attingere valuit fugiendo, praedictus vero Stephanus Wayvoda, ut prudens vir, volens in cepto proposito publicato in actu praeponere necem vitae, priusquam ab incepto ignominiose desistat, ipsum Ludovicum de praedicta civitate Troyae, cum sua gente, cum Banderiis seu vexillis explicitis, versus praedictam civitatem Exculii in convallibus iter arripientem, invasit, et cum ipsa gente Ludovici praeliavit, in quo praelio, sicut Domino placuit, victoriam sibi iustitia ministravit, et praeter occisos et vulneratos ad mortem, trecentos equites captivavit, vexilla Ducis Vernellii, Domini Nicolai de Acherolis, Domini Philippi, dicti mali spiritus, Domini Joannis de Turgonia, et alia tria connestabulorum Corporalium seu Nobilium apportavit; praedicti vero Dux Vernellius et Dominus Nicolaus de Acherolis, cum multis aliis, per multa personarum pericula viribus equorum suorum perffulti, de manibus ipsius Stephani Wayvoda incogniti vix evaserunt. Dampnificata itaque gente praedicti Ludovici et praedicta perditione, sequenti die idem Ludovicus sub silentio noctis aufugit de ipsa Troya in civitatem Exculi praenotatam, et demum nonnullis diebus transactis idem Stephanus Wayvoda praefatum Ducem Vernellium cum quingentis armatis societati ipsius Ducis Vernellii adiunctis in civitate Corneth captivavit. Post haec cum idem Ludovicus aggregata sibi gentis multitudine appreciatæ, et compluribus regni nostri Siciliae infidelibus in suam societatem applicatis, confidens in gentis suae multitudine, ipsum Stephanum Wayvodam cum tota gente sibi adiuncta, in contumeliam nostri regii honoris penitus exterminare cupiens, et animo desiderans anhelanti, ante civitatem Neopolitanam in area ad certamen belli prius per ipsum Stephanum Wayvodam in contrarium ipsius Ludovici praeparata, belli certamen commisit, ubi idem Stephanus Wayvoda zelo

devotae fidelitatis armatus, volens potius post mortem vivere per famae gloriam, quam tergum hostilitati huiusmodi vertere, se obiecit, et ibi sonis bellicis utrinque hostiliter perflatis, acerbissime praeliavit; quod quidem praelium etiam apud Troyanos fortissimos potuisset decentissime commendari. Sed quid plura; ille siquidem supremus opifex, qui fidelibus dextram praebet, et iustis auxilii sui commodum procul ponere non novit, victoriam memorato Stephano Wayvodae ab hostibus desideratam digne praebuit reportare; ubi superbi perierunt, fortes et bellicosi corruerunt, et infideles, quorum non est numerus, languidi iacuerunt lethalis gehennae gustantes potum marcescibilem perempniter et in aevum. In quo quidem ingenti praelio praefatus Stephanus Wayvoda leonino accinctus robore, quam plures Magnates, Barones et potiores milites partis adversae triumphaliter captivavit, partem adversam penitus debellando. Deinde idem Stephanus Wayvoda solitae fidelitatis insistens fervori, quam plures validissimas ipsius Ludovici expeditiones multifarie multisque modis debellavit, et civitates plurimas expugnavit, ac gravia et horrenda personarum pericula eidem Ludovico adhaerentibus irrogavit, ut certa relatio nobis haec omnia patefecit; sicque potiores et nobiliores ipsius regni nostri Siciliae magnates et milites ad fidei nostrae cultum adduxit, et nostris servitiis applicavit. Nos igitur attendentes praedicti Stephani Wojvodae huiusmodi fidelitates, et praeclara servitiorum multa laude digna merita, pro quibus licet plura et maiora mereretur, in aliqualem tamen recompensationem fidelissimorum servitiorum suorum, de nostra regia auctoritate, et beneplacito, conniuentia et consensu serenissimae Principissae, Dominae Elisabeth, reginae Hungariae, Genitricis nostrae charissimae, et Domini Stephani, totius Sclavoniae, Croatiae et Dalmatiae Ducis, fratris nostri dulcissimi, et de consilio et consulto Praelatorum, Baronumque nostrorum praematuris, castra nostra Oztrogo et Chiaktornia vocata, inter fluvios Dravae et Mura existentia, quae olim per Teutonicos Australes, serenissimi Principis Domini Stephani, quondam regis Hungariae, pia memoriae, avi nostri charissimi, potentialiter et per vim occupata, et usque ad praedicti Patris nostri adeptionis sui regni gubernaculum detenta fuerant, et demum ipso patre nostro praedicti sui regni pleno feliciter adepto gubernaculo, quamvis idem Pater noster charissimus, iuxta Maiestatis suae voluntatem moto exercitu suo validissimo, potentiae suae viribus, suis manibus eadem potuisset applicare; ne tamen inter Hungariae et Austriae Christianissima regna indicibile necis periculum et sanguinis tanquam fluvialis inundatio oriatur; per ipsum charissimum patrem nostrum solutis quattuor millibus marcarum fini argenti pecuniis quantitate, ad manus ipsius Patris nostri devoluta, ne per nos hactenus habita ac possessa fuerant, de nostris regalibus manibus, tamquam propria nostra, cum omnibus eorum utilitatibus, videlicet villis populosis et desertis, Ecclesiis et capellis in eisdem habitis et constructis, vineis, silvis, nemoribus, rubetis, fluviis, piscinis, piscaturis, terris arabilibus, fimatis et campestribus, molendinis, habitis et habendis tributis, redditibus, iuribus, fructibus et usibus, in superficie possessionum et villarum ad dicta castra pertinentium existentibus universis, prout ipsa duo fluvia Drava et Mura circumdant et ambiunt, salva solummodo possessione Joannis, dicti Chuz, ibidem ipsum contingenti remanente, praedicto Stephano Wojvodae, et per eum Dyonisio, Magistro Agazonum nostrorum, Nicolao, Emerico, Stephano et Ladislao filiis suis, et eorum heredibus, heredumque suorum successoribus ac posteritatibus ipsorum universis,

dedimus, donavimus et contulimus, ea iuris integritate ac plenitudinis quantitate, quemadmodum apud regiam maiestatem permanserunt et possessa extiterunt, perpetuo et irrevocabiliter possidenda, tenenda et habenda. Ut igitur ipsius fidelitatis et devotionis merita ferantur oculis posterorum, et donationum ob hoc factarum tituli persistere valeant in vigore, et tam praefatus Vojvoda, quam sui filii et heredes, ac tota ipsorum posteritas in proprium, in corporali dominio dictorum castrorum, possessionum, villarum, iurium, proventuum, et generaliter quarumlibet utilitatum et pertinentiarum eorundem absque cuiuslibet contradictionis obstaculo secure iugiter perseverent, et tranquillitate omnino potiantur, nec processu temporum aliquatenus privari valeant de eisdem, praesentes concessimus litteras nostras privilegiales autentici dupplicis sigilli nostri munimine roboratas. Datum per manus honorabilis et discreti viri magistri Thatamerii, Albensis Ecclesiae Praepositi, aulae nostrae Vice-Cancellarii, dilecti et fidelis nostri. Anno Domini MCCCL. tertio Kalend. Novembris, regni autem nostri anno IX. Venerabilibus in Christo Patribus, Dominis Nicolao confirmato Strigonienſi, locique eiusdem Comite perpetuo, Dominico Spalatensi Archiepiscopo, fratre Dyonisio Archielecto Colocensi, Nicolao Agriensi, Andrea Transilvano, Demetrio Varadiensi, Nicolao Quinque-Ecclesiensi, Colomano Jauriensi, Mychaele Vaciensi, fratre Peregrino Bosnensi, Episcopis, Nicolao Zagrabiensi, Joanne Vesprimiensi, fratre Stephano Nitriensi, fratribus Thoma Syrmienſi et Thoma Chanadiensi ecclesiarum electis, confirmatis, ecclesias Dei feliciter gubernantibus. Magnificis viris Nicolao Palatino, Iudice Curiae nostrae, eodem Stephano Vajvoda Transilvano, et Comite de Zonuk, Oliverio Magistro Thauernicorum nostrorum et Iudice Curiae reginalis, Dominico Bano de Machov, magistro Nicolao de Zeech, Bano de Zeurino, magistro Paulo Thauernicalium reginalium, Nicolao Conth, magistro Pincernarum nostrorum, Comite Poseniensi, Theutus magistro Janitorum nostrorum, Comite Pilisiensi, Dyonisio Agazonum, Leustachio Dapiferorum nostrorum magistris, aliisque quam pluribus comitatus regni nostri tenentibus et honores.

Ex transumpto Elisabethae reginae a. 1351 facto. — Fejér. Cod. Dipl. Reg. Hung. T. IX. v. I. p. 756—764.

### **XCHII.**

*Anno 1351. 6. Kal. Aprilis. Budae.*

Elisabetha, Hungariae Regina, Regis Ludovici mater, donationem duorum inter fluvios Dravam et Muram sitorum castrorum, a filio suo Stephano Lacković factam, confirmat.

Elisabeth, Dei gratia Regina Hungariae etc. Omnibus Christi fidelibus praesens scriptum inspecturis, praesentibus pariter ac futuris, salutem in vero

Salvatore. Cum bene meritis fauor debitus impenditur, et fideliter obsequentibus iuxta exigentiam meritorum in muneribus donationis digna merces attribuitur, attributaque perennali fulcimento firmata illaese conseruantur, Deus placari creditur, et subditi ad ampliora fidelitatis studia facilius prouocantur, accenduntque se spe et desiderio consimilis retributionis vel etiam amplioris. Ad vniuersorum igitur notitiam harum serie volumus peruenire: Quod magnificus vir, Dominus Stephanus, Banus totius Sclauoniae, Croatiae et Dalmatiae, ad nostrae Serenitatis accedens praesentiam, quoddam priuilegium Excellentis Principis Domini Ludouici eadem gratia illustris regis Hungariae, filii nostri charissimi, super donatione duorum castrorum, T. et T. nuncupatorum, ac possessionum seu villarum, aliarumque quarumlibet vtilitatum spectantium ad eadem, per eundem Dominum regem, natum nostrum perdilectum, sibi facta confectum tenoris infrascripti nobis praesentauit; supplicans exinde nostrae humiliter Serenitati: vt idem priuilegium nostris litteris priuilegialibus de verbo ad verbum transscribi facere, ac collationi et donationi eiusdem Domini regis de iam dictis castris, possessionibus et terris sibi factae nostrum reginalem consensum et beneuolam permissionem ac voluntatem approbanter praebere dignaremur; cuius tenor talis est: Ludouicus Dei gratia etc. (vide N. XCII). Nos igitur secundum quod reginalis nostrae sublimitatis exigentia postulat et requirit, vt vnus cuiusque regii fidelis merita animo metiamur pietatis, et his, quos opera suae virtutis regali remuneratione dignos efficit, et nos grata debemus reddere praemia meritorum, propositis petitionibus eiusdem Domini Stephani, totius Sclauoniae et Croatiae Bani, iustis et admissione dignis benigno fauore dignis, auditis, reuocatisque in memoriam multiplicibus fidelitatibus et fidelium obsequiorum meritis, laude dignis, quibus idem a primaeuis suae pueritiae temporibus in cunctis et regni expeditionibus admodum necessariis, prosperis et aduersis, ac specialiter in viridi aetate mortui praefati Domini Andrae, filii nostri dulcissimi, quae sicut ipsi Domino Regi, filio nostro charissimo, sic et nobis in hac parte exhibuit et impendit diuersis fortunae casibus pluries, in partibus vltra marinis, se submittendo, feruenti studio et labore sollicito studuit complacere et se reddere gratiosum et acceptum. Volentes fidelitatum multimodis meritis eidem gratuito respondere cum fauore. Attendentes etiam, quod dignis digna impendi iustum est, et magnos labores copiosa merces reficere debet; praefatum priuilegium ipsius Domini Ludouici regis, filii nostri perdilecti, in nulla sui parte vitiatum, de verbo ad verbum praesentibus transcribi et inseri facientes, voluntatem et consensum nostrum, permissionemque nostrae reginalis maiestatis sicuti nuper tempore donationis et collationis praemissorum castrorum, possessionum et terrarum spectantium ad eadem inter iam dictos fluuios Drauae et Mura existentium, modoque supra eundem Dominum regem sibi factae, sic et nunc vigore praesentium attribuimus, donamus et praebemus, imo in quantum nostra iurisdictio reginalis ad ea se extendit, nostrae perpetuae donationis titulo approbamus, ratificamus, et irreuocabili foedere eidem, et per eum suis heredibus et successoribus conferrimus perpetuo et donamus, praesentis scripti patrocinio et vigore. Vt autem huius donationis et collationis series robur obtineat perpetuae firmitatis, nec processu temporum per quempiam retractari valeat, vel in irritum reuocari; praesentes concessimus litteras duplicis sigilli nostri munimine roboratas. Datum Budae per manus venerabilis viri Domini Joannis, electi et

confirmati Ecclesiae Wesprimiensis, aulae nostrae Cancellarii, fidelis nostri, sexto Kalendas Aprili. Anno ab Incarnatione Domini MCCCLI.

Ex authentico transumpto Stephani Ducis Transylvaniae, fratris Ludovici Regis. — Fejér. Cod. Dipl. Hung. Tom. IX. Vol. II. p. 81.

## XCIV.

*Anno 1354. die 15. Mai. In castro Ioanich.*

**Stephanus, totius Slavoniae, Croatiae et Dalmatiae Dux,  
nonnullos Nobiles Jobbagiones Castri Moroucha (Moravče)  
veros Nobiles creat.**

Nos Stephanus, Dei gratia totius Slavoniae, Croatiae et Dalmatiae Dux, memoriae commendantes tenore praesentium significamus quibus expedit vniuersis: Quod Nicolaus filius Katchk, nobilis Jobbagyo Castri de Moroucha, sua, Iwan et Georgij, filiorum Nicolai fratrum patruelium, ac Martini, filij Brokon vitrici, suorum, nec non Bank, filij Petri, similiter Nobilium Castrensiū de eodem Comitatu Moroucha, in personis, ad nostrae Serenitatis accedendo conspectum fidelitates et servitia fidelia praefatorum Patruī, fratrum et vitrici suorum, in diversis regni nostri expeditionibus, una cum magnifico viro Mykch, quondam dictorum Regnorum Slavoniae et Croatiae Bano, contra regni aemulos, morte et sanguinis effusione, membrorumque mutilationibus, ac aliis multimodis periclitationibus ac captivationibus, quae omnia per seriem longum esset enarrare, Excellentissimo Domino Lodovico regi Hungariae fratri nostro carissimo et nobis per consequens, prout a praesentibus potioribus regni nostri Nobilibus exinde certitudinaliter fuimus informati, suprema cum aviditate fidelitatis exhibita et impensa, nostrae Majestati proponens et declarans ac in nostri reducentes memoriam cum affectu, supplicans exinde nostram humiliter et deuote Maiestatem, ut cum eisdem gratiose agendo, ipsos ac eorum haeredes simul cum possessionibus eorum de praemisso Nobili Jobbagionatu Castri ex pietate ducali generose eximere dignaremur; Nos itaque qui suscepti nostri regiminis officio cunctorum fidelium famulantium votis aures pietatis inclinare tenemur, praesertim hys, qui se et sua personae . . pericula pro constantia fidelitatis casibus fortunae exponere non formidant, supplicationibus ipsius Nicolai filij Katchk, quo supra modo, nobis porrectis, Ducali favorabilitate inclinati, recensitis fidelitatibus et servitijs praenominatorum Nobilium Jobbagionum modo praehabito impensis, licet ijdem pro praemissis ampliori dono insigniri nostra mererentur Maiestate, tamen ad praesens in recompensationem servitiorum ipsorum aliqualem, hanc eisdem libertatis praerogativam pro innata Ducali benignitate duximus annuendam, quod praefatos Nicolaum filium Katchk,

Iwan et Georgium, filios Nicolai, ac Martinum, filium Brokony, nec non Bank, filium Petri, et eorum haeredes ac posteritates simul cum vniuersis possessionibus et possessionariis eorum portionibus a dicto Nobili iobbagyonatu Castri de Morocha penitus et per omnia eximimus, in coetum et numerum purorum regui Nobilium et seruientium regalium, nulla pristinae ignobilitatis macula super eisdem reservata, generose in perpetuum duximus aggregandos; propterea vobis Bano, Comitibus partium alibi, Iudicibus Nobilium Comitatus de Moroucza pro tempore constitutis, et alijs in futurum constituendis, firmo Ducali sub edicto damus in mandatis, quatenus praefatos Nicolaum filium Katchk, Iwan, Georgium, Martinum et Bank filium Petri, ac ipsorum haeredes ratione Nobilis Jobbagyonatus Castri cum possessionibus eorum molestare et perturbare non audeatis, sicut nostram indignationem graviter offendere formidatis. In cuius rei memoriam firmitatemque perpetuam praesentes concessimus litteras nostras patentes sigilli nostri mediocris munimine roboratas. Datum in Iwanch feria quinta proxima post quindenae festi sancti Georgy Martyris. Anno Domini MCCC quinquagesimo quarto.

*(Locus sigilli dorso impressi.)*

Ex orig. membr. in coll. Nic. Jankovich existente. — Fejér. Cod. Dipl. Reg. Hung. T. IX. v. VI. p. 266.

## XCV.

*Anno 1357. die 14. Decembris. Ad ciuitatem Nonam.*

Joannes Chuz, totius Croatiae et Dalmatiae Banus, libertates ac privilegia ciuitatis Sibenici regia potestate confirmat.

Nos Joannes, totius Croatiae et Dalmatiae Banus, memoriae commendantes tenore praesentium significamus quibus expedit vniuersis: quod cum vniuersi Nobiles, ciues et communitas Ciuitatis Sibenicensis per nobilem virum Radoslanum Crassuenacich, ciuem eiusdem ciuitatis, ambasciatorem et nuncium ipsorum specialem, habita conuersione ad Dominum regem et eius sacram coronam, libertates siue gratias, donationes et consuetudines inferius declarandas, a nobis instantissime sibi dari postulassent; nos itaque iustis et condignis petitionibus eorundem annuentes, in persona dicti Domini nostri regis, infrascriptas libertates, iura, gratias, donationes et consuetudines eisdem ciuibus et communitati supradictae ciuitatis Sibenicensis, iurando super signo uiuificae crucis, sancta Dei euangelia et reliquias Sanctorum, concessimus et concedimus, damus et donamus iure perpetuo atque irrevocabiliter habenda, tenenda et possidenda. Primum videlicet: quod omnes iniurias, offensiones et excessus, per ipsos Sibenicenses

factos et illatos contra regiam Maiestatem, vel eius subditos, aut alios quoslibet, vsque ad haec tempora, quouis modo, parcimus, ignoramus, dimittimus et indulgemus, nec eosdem ciues, vel quemlibet ipsorum quispiam super excessibus et culpis possit imputare, aggrauare, temporis in euentu aliquali. Item omnes sententias, deliberationes, acta per Comitem et Curiam, siue per consilia eiusdem ciuitatis, temporibus retroactis facta et ordinata, confirmamus et ratificamus in perpetuum obseruanda. Item omnia priuilegia, gratias, donationes et libertates ipsius ciuitatis, per excellentissimos Principes olim illustres reges Hungariae datas et concessas, inconcusse et firmiter uolumus obseruare; in eis denique libertatibus et donis ipsos ciues ampliare, non minuere, intendentes. Item duas insulas, Srimaz et Zuvri vocatas, cum earum pertinentiis, quas olim commune Jadrense illicite occupauerat, in quorum tenutum et possessionem Dominium Venetum eosdem introduxit, restituendo eisdem resignamus pacifice iure hereditario possidendas. Item quod de cetero, videlicet ratione praemissarum insularum iidem Jadrenses vel alii quilibet, eosdem nullatenus valeant molestare. Item molendina siue Slap, cum flumine Karka, quae nunc possidere dignoscuntur, eisdem in perpetuum gubernanda commisimus. Item nullum castrum nullaue fortalitia in praedicta ciuitate Sibirici, nec in districtu eiusdem vel extra districtum, quae essent vicina dictae ciuitati, in praeiudiciu eiusdem vlllo vnquam tempore, aedificare per quoscumque faciemus. Item totum, quod per regimen eiusdem ciuitatis est, et in futurum fuerit sententiatum et deliberatum, sit ratum atque firmum, et inuiolabiliter absque contradictione quorumlibet in ciuitate et districtu obseruandum, nec etiam iidem ciues possint citari, vel cogi in praesentiam quorumvis iudicum extra dictam ciuitatem. Item si per aliquos Banos vel tyrannos, Temporibus elapsis, aliqua in ciuitate vel eius districtu fuissent occupata et detenta; ea remaneant illis, qui nunc ipsa possident, nec ratione temporum aliqua molestia in eis inferatur. Item Vlahi vel Villani in districtu ipsius ciuitatis, absque licentia et voluntate ciuium pascua ipsorum seu gramina depascere non possint. Item quod nos vel alter quouis, sub dominio praelibati domini nostri regis constitutus et constituendus, nullum debitum, nullamque collectam a communi dictae ciuitatis vel eius districtus, praeter ius regiarum portarum, quod tributum appellatur, prout in eorumdem priuilegiis continetur, extorquere et exigere valeamus; nec etiam nos, aut alii quicunque, in praescriptam ciuitatem Sibenicensem manu potenti venire valeamus, nisi in quantitate, qua placuerit ciuibus, seu regimini ciuitatis, vnum prandium semel in anno, et non plus, ipsa communitas nobis dare teneatur, et si vltius in eadem ciuitate voluerimus permanere, super nostra expensa et bona voluntate hospitis nostri, absque molestia quorumlibet ciuium, debemus manere in eadem. Item praefatus Dominus noster rex, et nos in persona eiusdem, totis viribus et potentia ab omnibus aemulis et impetitionibus ipsam ciuitatem cum districtu eiusdem defendere et protegere, cum auxilio et iuramento spondemus et assumimus. Item si aliquando Dominus noster Rex vel eius successores de proprietatibus et libertatibus dictae ciuitatis quibusuis alienassent et tradissent, ipsas alienationes idem Dominus rex in irritum reuocabit. Item antedictus dominus noster rex, aut nos, vel alter, nomine eiusdem Domini nostri regis, obsides de eadem ciuitate nullatenus petere et recipere potest. Item quod praelibata ciuitas Sibenicensis habeat omnem gratiam, libertatem generalem et specialem, quam aliae ciuitates regni Dalmatiae habent.



amplio<sup>rem</sup>. Insuper attendentes fidelitatem ciuium praedictae ciuitatis Sibenicensis, villas Rachitnicza, Dazlina et Grabrouci, citra fluuium Karka, ex parte occidentali existentes, item villam Neuest, Coparno, Peremich et Sitnicza, locatas ex alia parte eiusdem fluminis habitas, eidem communitati ciuitatis Sibenicensis, addendo ad districtum eiusdem, dedimus et conferrimus in perpetuum possidendas. In cuius rei memoriam praesentes concessimus litteras pendenti sigillo nostro munitas. Datum in obsidione ciuitatis Nonae die XIV. mensis Decembris. Anno Domini M.CCC.LVII.

*(Hocce Privilegium Ludovicus Rex die XVIII. Kal. Jan. anno MCCCLVIII, regni autem anno XVI., confirmavit.)*

Lucius de Regno Dalm. & Croatiae. Lib. IV. cap. XVII.

## XCVI.

*Anno 1358. die 18. Februarii.*

**Tabulae pacis inter Ludovicum I. Regem ac Ducatum Venetum initae, qua tota Dalmatia revindicatur.**

Ludovicus, Dei gratia Hungariae, Dalmatiae, Croatiae, Ramae, Serviae, Bulgariae, Cumaniaeque Rex, Princeps Salernitanus et Honoris montis Sancti Angeli Dominus. Vniuersis Christi fidelibus praesentes nostras litteras inspecturis salutem in Domino sempiternam. Rex pacificus pro Redemptione generis humani de supremis caelorum ad yma mundi descendens, et tandem mortem subiens temporalem, Dominus noster Jesus Christus post gloriosam resurrectionem suam Ascensionis ad Patrem, pacem, quae charitatis est uinculum, in suo natali glorioso coelestium agminum multitudine nuntiatam suis praebuit fidelibus, et reliquit pacis instruens amatores, ut relegato odio fraternae inuidiae, amor regnaret, et quod novercha discordia seiunxisset, mater concordia pacis amica solidaret. Proinde ad vniuersorum notitiam praesentium litterarum serie uolumus peruenire. Quod cum inter quosdam praedecessores nostros Illustres Reges Hungariae, et nos demum ex vna parte, ac inclitos Duces, et commune Venetiarum ex altera, procurante hoste, antiquo humani generis inimico, multae discordiae et rixae, contentiones, derobationes, oppressiones, offensiones, strages et damna orta fuissent, temporibus retroactis occasione Regni Dalmatiae, quam iidem Duces, et commune ab olim tenuerunt et tenebant. Tandem Inclitus dominus Joannes Delphino Venetiarum Dux, et tota communitas ciuitatis antedictae, postquam plures Ambascatas factas hinc et inde, et honorabiles viros, Petrum Triuisanum et Joannem Gradonico, ac Beneintendi, Ducatus Venetiarum Cancellarium, ciues ciuitatis

praelibatae ad nos cum pleno et sufficienti mandato, ut apparet ex forma instrumenti manuscripti Raphayni de Caresinis publici auctoritate imperiali notarij et Ducatus Venetiarum scribae, sub millesimo trecentesimo quinquagesimo septimo, die uigesimo octauo mensis Nouembris, decimae indictionis, dum in ciuitate nostra Jadrae fuisset, transmiserunt, et nos declaratis ipsorum uoluntatibus ad perpetuae pacis et concordiae uinculum amicabiliter inuitarunt per eosdem. Nos igitur, qui cum Christianis quibuscumque, et potissime cum Venetis, antiqua amicitia regno nostro coniunctis, pacem optauimus, et optamus, ad infrascriptam pacem et concordiam, Deo propitio perpetuo duraturam, deuenimus cum eisdem in hunc modum. Videlicet, quod idem Dux, et communitas Venetiarum, et in eorum personis, ac uice, et nomine eorundem, Ambaxatores, nuntij, procuratores, et syndici praelibati, habentes ad infradicenda plenam et liberam potestatem, uigore instrumenti iam dicti, quod penes nos retinuimus ad cautelam, contenti fuerunt renuntiare, et effectualiter renuntiauerunt de facto in manibus nostris, nostro et successorum nostrorum Regum nomine, toti Dalmatiae, a medietate scilicet Quar-narij, usque ad confines Duracij, omnibus ciuitatibus, terris, castris, insulis, portibus et iuribus, quae habuissent et tenuissent, et habebant, et tenebant, in eisdem quoquomodo, et spetialiter ciuitatibus Nonae, Jadrae, Scardonae, Sibenici, Tragurij, Spalati et Ragusij, in terra firma existentibus. Item ciuitatibus et terris Obseri uidelicet, et Chersi, Veglae, Arbi, Pagi, Brachiani, Lesnae et Corzulae, cum insulis et omnibus utilitatibus et pertinentijs eorundem, ac titulis Dalmatiae et Croatiae, quibus uti consueuerant Duces antedicti, et totum ipsorum ius, et dominium, ac proprietatem, si quos habuissent, in nos et successores nostros, sponte, deliberate, et animi maturitate transferrentes. Renuntiantes insuper omni actioni et omni iuri, et legis beneficio, quibus ullo unquam tempore possent contra praedicta, uel praedictorum aliquod se iuvare, et promittentes solemniter, sub vinculo sacramenti, pro se, et dictis, Duce et communi corporaliter praestiti, de ipsa Dalmatia, ciuitatibus, terris, castris, locis, insulis, iuribus et titulis, ac ipsorum Dominio, seu possessione nullo unquam tempore per se, uel alios se intromittere uel aliquatenus impedire usque confines antedictos. Obligantes se, omnes ciuitates, terras, castra, loca, portus, insulas, atque iura infra dicta confinia existentia, quae sunt pro nunc in mera potestate ipsorum, liberè, purè, et simpliciter nobis, uel quem ad hoc deputauerimus, absque omni dolo, siue fraude infra spatium uiginti duorum dierum a tempore datae litterarum praesentium resignare. De terris autem et locis, quae in ipsorum potestate non essent, sed regerentur per Rectores eorundem, reuocare, et extrahere quoslibet Rectores, et Officiales, et gentes quaslibet eorum nomine ibidem residentes, et quod eis imposterum contra nos, uel aliquod auxilium, uel iuamen non dabunt; supplicantes ex nunc, quod ipsas ciuitates, terras, castra et loca, cum ad nostram obedientiam deuenierint, dignaremur sub fauoribus et gratijs nostris recipere, sicut soliti fuimus esse alij gratiosi. Et uersa uice, Nos, uolentes ipsos Ducem, et commune habere perpetuo in amicos carissimos, promittimus, quod omnes terras, castra et loca, quas ipsi, seu eorum subditi, et sequaces tenebant in partibus Triuisanae, et Cenetensis, ac Istriae, seu alibi, quae ad nostras manus deuenissent, uel deuenirent, uel nostrorum, et nomine nostro tenerentur, aut nostrorum; sibi, et dictis suis subditis, et quorum erant, faciemus tradi, restitui et libere assignari, infra terminum uiginti duorum dierum praedictorum, seu qui-

bus duxerint deputandos. Nec de ipsis locis et terris ullo unquam tempore per nos, successores nostros, uel alios nos intromitemus uel impediemus. Renuntiantes ac in eos transferrentes ius, si quod acquisiuissemus in eis. Ita tamen, quod ipsas terras, castra, et loca, et subditos earum, nec non omnes amicos, adhaerentes, et sequaces nostros tam nobiles, quam ignobiles tractent dulciter et benigne, remissis omnibus iniurijs et offensis, et sicut faciebant ante nouitates praesentis guerraee, et sicut si nobis numquam adhaesissent. Et e conuerso nos promittimus facere et seruare de omnibus amicis, adhaerentibus, et sequacibus suis tam nobilibus, quam ignobilibus. Item quod captiui ex utraque parte libere relaxentur. Item quod ex utraque parte remittantur, et ex nunc remissae intelligantur omnes offensus, iniuriae, et dampna praeterita, non intelligendo debita, quibus sibi inuicem tenerentur spetiales personae, de quibus fiat iustitia hinc inde. Item, quod bona fide prohibebimus et ordinabimus cum effectu, quod in aliqua terrarum, seu Insularum, aut locorum, quae peruenturae sunt ad nostrum dominium, et quae iam peruenerunt, non armabitur in cūsum, neque exercebitur piratica, seu damnum aut uolentia aliquibus nauigantibus, nec receptabuntur in eorum portubus cursarij, et malefici, sed potius turbabuntur et arcebuntur, sicut decet Regiam iustitiam et honorem: et e conuerso in eorum terris et insulis ipsi promiserunt se facturos illud idem. Praeterea promittimus uerbo nostro regio uniuersos et singulos ciues, subditos et fideles ipsius Domini Ducis, et communis Venetiarum, uenientes ad terras, portus et Insulas, et loca quaeque subdita praesentialiter et in futurum maiestati nostrae, habere et haberi facere saluos, et securos cum personis, bonis et nauigijs, atque rebus eorundem; quod secure, et quiete possint ire, stare et redire, ac transire per dictos portus, terras et loca cum nauigijs, personis et mercimonijs suis, ymo ipsos tractabimus et tractari uolumus dulciter et benigne sub fauore et gratia nostra: et e contra idem dominus Dux et commune tractabit nostros tali uinculo interiecto in praedictis omnibus et singulis. Quod si partium aliqua huic ordinationi et dispositioni concordiae, atque paci niteretur contraire, et eam infringere, uel uiolare conaretur, aliquas terras, castra, insulas aut portus de ijs, quae renuntiata sunt occupando, uel aliter paci contrafaciendo, ex tunc pars altera id Sedi Apostolicae intimare debeat, et dominus Papa uigore emologationis (sic) et potestatis datae per nos, et per ipsos tenore praesentium litterarum, teneatur et uelit infra spatium unius mensis simpliciter, et de plano, absque strepitu et figura iudicij, solum recepta fide et certificatione uiolationis et infractionis antedictae, ad obseruantiam dictae ordinationis et dispositionis illum, uel illos astringere, et censura Ecclesiastica mediante in personas, uel communitatem contrafacientem sententias uidelicet interdicti et excommunicationis proferendo, a qua nullatenus absoluantur, donec per partem praedictam infringentem, uel infringere procurantem, parti alteri obseruanti satisfiat, prout erit iustum, illum, uel illos, nihilominus denuntiando fidefragos et periuros. Si autem aliqua damna, uel iniuriae, aut offensiones committerentur per subditos utrorumque alterutrum, ex tunc per nos, uel nostros Officiales locorum ipsorum, et Rectores pertinentibus ad eosdem, et per ipsos, uel eorum Rectores et Officiales pertinentibus ad nos infra spatium unius mensis a tempore depositae quaerellae plenaria satisfactio impendatur, nec per hoc ordinatio et dispositio, concordia et pax intelligantur uiolatae, sed in sua firmitate debeant permanere, ad quae nos, et ipsi, spontanea nos obligamus uoluntate. Praemissa

autem omnia et singula cum infrascriptis nostris Baronibus et Proceribus regni nostri iurauimus ad sacrosancta Dei Euangelia tactis scripturis per nos et successores nostros, et omnes pertinentes ad nos, inuiolabiliter et integraliter observare, et non contrafacere uel uenire, per nos, uel alios, de iure uel de facto, directe uel indirecte, palam uel occulte, quouis ingenio, uel colore, sub indignatione Dei omnipotentis, et omnium Sanctorum suorum. Et similiter dicti Ambaxiatores et syndici nomine ipsorum Ducis, et communitatis, et successorum eorum, et pertinentium ad eos, in eorum animas solempniter iurauerunt praesentium sub nostrae maiestatis testimonio litterarum. Nomina autem Baronum nostrorum, qui nobis iurauerunt, sunt haec: Dominus Stephanus Episcopus Zagradiensis, dominus Petrus Episcopus Bosnensis, dominus Ladislaus electus Vesprimiensis, dominus Baudonus Cornuti Prior Auranae. Dominus Nicolaus iudex curiae nostrae. Dominus Joannes Banus Dalmatiae et Chroatiae. Dominus Nicolaus magister Tauernicorum Reginalium. Dominus Stephanus Comes de Posaga et de Zala. Dominus Leuchus magister Dapiferorum et Pincernarum nostrorum. Dominus Stephanus Comes Liptouiensis. Dominus Nicolaus Comes Castellanus de Villagusforti. Dominus Dominicus Castellanus de Dragun, Comes Hunten. Dominus Nicolaus Secretarius notarius noster. Dominus Franciscus de Georgio Miles: Praelati, Barones et Consiliarii nostri. Datum Jadrae in monasterio sancti Francisci Ordinis Fratrum minorum, in sacristia Ecclesiae suae, praesentibus Venerabili viro domino Gregorio Custode Varadiensi, decretorum Doctore. Domino Nicolao, filio quondam domini Stephani Voyuodae. Domino Bonifacio de Lupis, milite Paernense. Cheto de Leone, ciue Paduano, et prouido viro ser Bartholomaeo Iusti, notario Ducatus Venetiarum, testibus rogatis, et alijs. Anno Domini Millesimo, trecentesimo quinquagesimo octauo, indictione undecima, die Dominico decimo octauo mensis Februarij feliciter. Amen.

Ex libro Factorum Reipublicae Venetiarum in Archivio aulico Viennae asservato. T. V. p. 396.

## XCVII.

1358 XVII. Kal. Januarii.

**Ludovicus, Hungariae Rex, jura et libertates Sibenicensibus a Johanne Bano concessa, confirmat et auget.**

Lodovicus, Dei gracia Hungarie, Dalmacie, Croacie, Rame, Seruie, Gallicie, Lodomerie, Comanie, Bulgarieque Rex, Princeps Salernitanus et Honoris montis Sancti Angeli Dominus. Omnibus Christi fidelibus presentibus et futuris, presencium noticiam habituris, salutem in omnium Saluatore. Diligenter circa subditorum fidelium libertates et iura debet Princeps solertiam adhibere, et vt

**fideltas in eis per curricula temporum augmentetur, eos amplioribus munificencie regie brachiis amplexari, vt in aliis etiam exemplo inde sumpto fidelitatis igniculus accendatur. Proinde ad vniuersorum notitiam harum serie volumus peruenire, quod accedentes ad nostre Maiestatis presenciam Gregorius Dragoy et Elias quondam Padoani, Ambaxiatores et nuncii fidelium nostrorum Rectorum et communis ciuitatis Sybiniciensis, nomine et vice eorundem, quoddam priuilegium magnifici viri Johannis dicti Chuz, Bani totius Croacie et Dalmacie, super eorum libertatibus, iuribus, graciis, donacionibus et consuetudinibus confectum et emanatum nobis curarunt exhibere; petentes nos ex parte dictorum Rectorum et communis humiliter et deuote, vt ipsum priuilegium et libertates, iura, gracias, donaciones, consuetudines in eo expressas, acceptare, approbare, ratificare et nostro dignaremur priuilegio confirmare. Cuius quidem priuilegii tenor est talis: Nos Joannes (vide N. XCV). Nos itaque petitionibus predictorum fidelium nostrorum Rectorum et Communis, nobis per dictos eorum ambaxiatores et nuncios humiliter porrectis, liberaliter inclinati, pretactum priuilegium non abrasum, non cancellatum, nec in aliqua sui parte viciatum, presentibus de verbo ad verbum insertum, simul cum dictis eorum libertatibus, iuribus, graciis, donacionibus, et consuetudinibus in eodem expressis, acceptamus et de plenitudine nostre Maiestatis pro eisdem Rectoribus et Comuni presentis priuilegii nostri patrocinio confirmamus. In cuius rei memoriam perpetuamque firmitatem presentes concessimus litteras dupplicis sigilli nostri munimine roboratas. Datum per manus fidelis nostri, dilecti, venerabilis Patris Domini Nicolai, Archiepiscopi Colocensis, aule nostre Cancellarii, XVII. Kal. Januarii. Anno Domini M.CCC. quinquagesimo octaao. Regni autem nostri anno XVI. Venerabilibus in Christo Patribus, Dominis Nicolao Strigoniensi, locique eiusdem Comite perpetuo, et Huggolino Spalatensi Archiepiscopis, Nicolao Agriensi, Demetrio Waradiensi, Nicolao Quinque-Ecclesiensi, Dominico Transyluano, Colomano Jauriensi, Ladislao electo Wesprimiensi, Thoma Chanadiensi, Mychaele Waciensi, Petro Boznensi, fratribus, Thoma Syrmiensi, Stephano Nitriensi et Blasio Tinniniensi, Ecclesiarum Episcopis, Ecclesias Dei feliciter gubernantibus. Magnificis viris Nicolao Konth Palatino, Andrea Wayuoda Transyluano, Cyko magistro Tauernicorum nostrorum, Comite Nicolao de Zeech, Iudice Curiae nostre, Nicolao de Machow Bano, Leustachio Bano tocius Sclauonie Banatum tenente, Comite Symigiensi, Tolnensi et Albensi, Leukus Dapiferorum et Pincernarum, Dyonisio Agazonum, et Thoma Janitorum nostrorum magistris, ac Symone, filio Mauriti, Comite Psoniensi, aliisque pluribus regni nostri comitatus tenentes et honores. Ceterum gratiam gratia cumulare volentes, communi et vniuersitati supradicte ciuitatis Sybenicensis quasdam possessiones nostras, Dazlma et Grobona vocatas, circa fluuium Kerka, ex parte occidentali sitas, et etiam possessiones Neuest, Copno, Peromethi et Zitnucha nominatas, ex alia parte eiusdem fluuii in Dobraue, iuxta confinia districtus eiusdem ciuitatis existentes, quas alias supradictus Johannes Banus certis ciuibus dicte ciuitatis per suas litteras ob eorum fidelitatis et probitatis merita contulisse dinoscitur, perpetuo possidendas, cum omnibus earum vtilitatibus et pertinentiis vniuersis, terris scilicet cultis et incultis, syluis, nemoribus, aquis aquarumque decursibus, pratis, fenilibus, pascuis et aliis cunctis ad ipsas pertinentibus, inter veras metas et terminos earundem existentibus, quouis nominis vocabulo vocitatis, eo iure, quo ad nostram collacionem pertinere dinoscitur, de**

consensu et beneplacito supradictorum civium dedimus, donauimus et contulimus; imo damus, donamus, conferimus presenti priuilegio per ipsos et ipsorum posteritates tenendas, habendas et perpetuo possidendas. Datum ut supra.

Ex membrana originali in coll. Jankovićiana. — Fejér G. Codex Dipl. Regni Hung. T. IX. v. II. p. 685.

## XCVIII.

*Anno 1359—1377. In Vissegrad.*

**Privilegium Ludovici I. Regis, quo incolae Regni totius Slavoniae ab omni alia praeter unius Regni hujus Bani jurisdictione eximuntur.**

Nos Lodovicus Dei gratia Rex Hungarie, Polonie, Dalmatie etc. Memorie commendantes tenore presentium significamus, quibus expedit vniversis: quod Dyonisius filius Johanis de Orbouch, sua, ac vniversorum nobilium et aliorum hominum regni nostri Sclavonie personis ad nostre serenitatis accedendo presentiam, exhibuit nobis quasdam litteras nostras patentes maiori sigillo nostro consignatas, tenoris infrascripti, supplicans humiliter nostre Maiestati, vt ipsas litteras nostras patentes presentibus de verbo ad verbum transcribi et transumpti facere dignaremur pro eisdem ad cautelam; quarum tenor talis est: Nos Lodovicus Dei gratia Rex Hungarie memorie commendantes tenore presentium significamus quibus expedit, vniversis: quod nos de statu tranquilliori fidelium nostrorum nobilium videlicet et aliorum, quorumlibet hominum in regno nostro Sclavonie existentium providentes huiusmodi gratiam eisdem duximus faciendam, vt nullus omnino hominum ipsos in Curiam nostram, vel in aliquorum aliorum Iudicum extraneorum, ex ista parte fluvii Drave existentium, presentiam citare valeat, aut alicubi res et bona eorundem prohibere; sed si qui cum eisdem regni Sclavonie hominibus quicquam habent actionis, in presentia Bani ipsius regni Sclavonie, vel vices eius gerentis, legitime exsequatur. Et si in iudicio ipsius Bani, vel vices eius gerentis, aliquis querelantium suspicatus fuerit, nec contentus esse voluerit, extunc seriem Iudicii per ipsum Banum, vel vices eius gerentem facti, in nostram et Prelatorum ac Baronum nostrorum presentiam in Curiam nostram transducere valeat atque possit, pro deliberatione fienda super Iudicio prenotato. Datum in Vissegrad in Festo decorationis Sancti Johannis Baptiste. Anno Domini Millesimo trecentesimo quinquagesimo nono. Nos itaque iustis et iuri consonis supplicationibus prefati Dyonisii nominibus, quibus supra, nostre humiliter porrectis Maiestati, pietate favorabili inclinati, iam dictas litteras nostras patentes presentibus de verbo ad ver-

bum transscribi, et transsumpti fecimus pro eisdem ad cautelam. Datum in Vyssegrad feria quinta proxima ante Dominicam reminiscere. Anno Domini Millesimo trecentesimo septuagesimo septimo.

Orig. membr. in Archivio Regni Croatiae. Priv. Nro. 6.

## XCIX.

*Anno 1362. Zagrabiae.*

Transsumptum privilegii hospitibus in oppido Pernja (nunc in banali confinio) a Bela, juniore Rege, a. 1225 concessi, a Capitulo Zagrabensi a. 1362 factum.

Nos Capitulum ecclesie Zagrabensis memorie commendantes tenore presencium significamus quibus expedit vniuersis. Quod anno domini M<sup>o</sup>CCC<sup>o</sup>IX<sup>o</sup> secundo, feria quarta proxima post dominicam Oculi, Georgius filius Wlchik, villicus, Wlk filius Petyne, Tuxa filius Mareni, et Chernech filius Gerdine, hospites de Pernya, ad nostram personaliter accedentes presenciam, exhibuerunt et presenterunt nobis quasdam litteras priuilegiales felicitis recordacionis serenissimi principis domini Bele condam regis Hungarie, tenoris infrascripti; petentes nos cum instancia, vt tenorem earundem de verbo ad verbum transscribi, et presencibus inseri facere dignaremur; quorum nos petitionibus, vtpote iustis et congruis, annuentes, tenorem earundem de verbo ad verbum transscribi, et appensione nostri sigilli autentici, fecimus consignari, quarum tenor sequitur et est talis: In nomine sancte Trinitatis et indiuidue vnitatis. Bela dei gracia Hungarie, Dalmacie, Croacie, Galicie, Rame, Seruie, Lodomerieque Regis Andree primogenitus, et Rex in perpetuum. Cum de beneuolencia ac predestinatione supremi Regis ad hoc simus preordinati, vt singulis in iurisdiccione nostra constitutis simus secundum apostolum in iusticia debitores, propensius et specialius hospites, qui nostrum sibi senserint subsidium profuturum, debita volumus iusticia protueri. Hinc est, quod nos tam presencium, quam futurorum volumus noticie declarare, quod hospitibus nostris de Perina (sic) commorantibus, talem hoc modo concessimus libertatem, vt per septem annos in nullo nobis teneantur, nec forum, quod ibi celebratur, per septennium tributum persoluat; transactis vero annis, annuatim centum pensas Regie persoluant maiestati, uel dexterarium, tot pensis valentem, tributum autem fori tertia pars, maiori eiusdem ville spectet iurisdiccioni, quicumque fuerit, residuas autem partes Regie celsitudini debet administrari; nec aliquis ipsos preter defensorem ipsorum, a domino Rege statutum, audeat iudicare, et si ab ipsorum defensore conquerentibus satisfieri non poterit, ad domini Regis presenciam dicta causa discucienda transferatur, et si ipsi coram iudice quemquam inpeterent super aliquo, eis iudicetur iuramentum. Statuimus eciam, quod si Banus eis ad valorem vnus marce dampnum fecerit,

in centuplo restitueret eisdem, tamen Bano non aliud, quam domos suas, occasione descensus, dare teneantur, pro alijs vero necessarijs precium recipiant; et si aliquis ipsorum prole caruerit, tam ipso viunte, quam ab hoc seculo transmigrante, bona sua, cuicumque voluerit, conferat retinenda; et si aliquis de villa super equo vel boue calumpniaretur ab aliquo, pro quanto sacramentum facere presumpserit sibi calumpnians, testibus astantibus, restituat, et res, pro qua causabatur, ad requirentem deuoluatur; et si quis villam istam intrare voluerit moraturus, omnia bona sua, domos suas videlicet, et alia, que possiderat, omnibus scientibus liberam habeat vendendi facultatem, et recedens de villa ista, retineat eandem; et ligna, que ad vsus suos, videlicet igni superponenda, vel ad edificandas domos suas, expedierint, concessimus possidenda; et statuimus, quod sacerdotem, quemcunque voluerint, in suam recipiant ecclesiam, de decimis ipsorum, prout mos est hospitibus vbicunque manentibus, disponentes. Sane, super hec ad utilitatem ipsorum, montem quendam nomine Grachye, et terram, nec non vbicunque in terra Zalac vineas plantare voluerint, omnium reclamacione postposita, assignauimus eisdem. Et ne termini terrarum dubitentur ab aliquo, fecimus annotari, quarum prima incipit ab oriente, vbi minor Chemernica transit per viam, que vulgariter Hoduc vocatur, et via dirigitur illa versus partem meridiionalem, vbi meta ipsorum existit; ab inde diuertitur dextrorsum per montem vnum, vbi minor Pernica cadit in magnum Pernica, ibi est meta; exinde minor Pernica dirigitur versus occidentem per viam, que ad cruciferos vadit, ibi est meta assignata; et de via illa descendit versus septemtrionem, vbi ipsa via et Prichlisnica et Perna simul veniunt, ibi est eciam meta; Prichlisnica (sic) vero ascendit abhinc ad caput ipsius montis, et ibi est meta, et abinde progreditur iuxta semitam dextrorsum, et vadit ad caput aque Jelesnica vocatum, et ibi meta sita est; aqua vero nominata confluit abinde iuxta villam Drascu, et cadit in viam, que venit de foro Regis, et ibi est meta, et via illa ascendit ad orientem, iuxta prenomiatum minorem chemernica, et ibi contignatur mete priori. Et ut hoc firmiter et stabiliter permaneat, nec per alicuius machinacionem in irritum valeat retractari, sigilli nostri carattere fecimus roborare. Pristaldis vero, Petro Comite Pilisiensi et Mirizlao de Goricha terigena existentibus. Datum per manus Mathie prepositi Zagrabiensis, tunc temporis aule nostre Cancellarij. Anno gracie M<sup>mo</sup>. CC<sup>mo</sup>. XX<sup>mo</sup>. quinto. Venerabilibus Vgrino Colocensi, Gunzulino Spalatensi Archiepiscopis existentibus. Stephano Zagrabiensi, Martino Corbauienti, Micus Pyzeciensi (?), Episcopis existentibus. Chak Budrugensem, Pol Bachiensem, Buzad ferrei castri, Gecha Zaladiensem, Mykka Symigiensem Comitatus gubernantibus. Paula Tauarnicorum, Andrea Dapiferorum, Bogomilo Pincernarum, Johanne Agazonum magistratus regnantibus.

*A tergo :*

Pretiosissimum Privilegium Belae Regis Hospitibus de Perina in Sclauonia super libertatibus, Tributis, Foro, Datis, Iure Patronatus etc. cum libertate testandi, alegandi, collatum, deductionem metalem quoque pulchre complectitur.

Orig. membrana in Archivio Regni Croatiae. N. R. A. Fasc. 1531. N. 2.



## C.

*Anno 1364—1391.*

**Superius Privilegium, Regno Croatiae a Ludovico Rege anno 1359 datum, a. 1364 confirmatur, atque a Capitulo Časmensi a. 1391 transsumitur.**

Nos Capitulum Ecclesie Zagrabiensis memorie commendantes tenore presentium significamus quibus expedit universis: quod anno Domini millesimo trecentesimo nonagesimo primo, feria sexta proxima post festum omnium Sanctorum proxime preteritum, Paulus filius Andree de Bliznafsfeu ad nostram personaliter veniendo presentiam, exhibuit et presentavit nobis quasdam litteras privilegiales Serenissimi Principis Domini Domini Lodovici olim Regis Hungarie felicitis et excellentis memorie, duobus Sigillis suis, videlicet antiquo in Boznia deperdito, et nouo post hoc reparato, in pendenti veris et autenticis ipsius Sigillis sigillatas, in tenoreque earundem nec ubique vitiatas, tenoris infrascripti, cum illa clausula: ad perpetuam rei memoriam etc. petens nos cum instantia, ut ipsas litteras de verbo ad verbum transscribi faceremus et ad testimonium et fidem firmissimam, quoad tenorem earundem, Sigillo nostro consignaremus. Cujus nos petitionibus, utpote justis et juri consonis annuentes, preallegatas litteras nobis presentatas veras approbantes, easdem de verbo ad verbum transscribi fecimus, et sigilli nostri autentici communiri, in fidem et testimonium omnium infrascriptorum. Quarum quidem litterarum privilegialium tenor sequitur, et est talis: Lodovicus Dei gratia Hungarie, Dalmatie, Croatiae, Rame, Servie Gallicie, Lodomerie, Comanie, Bulgarieque Rex, Princeps Salernitanus, et Honoris Montis Sancti Angeli Dominus, omnibus Christi fidelibus, tam presentibus, quam futuris presentium notiam habituris salutem in omnium Salvatore. Proinde ad universorum notitiam harum serie volumus pervenire, quod nos de statu tranquilliori fidelium nostrorum nobilium videlicet et aliorum quorumlibet hominum in regno nostro Sclavonie existentium providentes, huiusmodi gratiam eisdem duximus concedendam seu faciendam, ut nullus omnino hominum ipsos in Curiam nostram, vel in aliquorum alium Judicum extraneorum, ex ista parte fluvii Drave existentium, presentiam citare valeat, aut alicubi res et bona eorundem prohibere, sed si qui cum eisdem regni Sclavonie hominibus quicquam habet actionis, in presentia Bani ipsius regni Sclavonie, vel vices eius gerentis, legitime exequatur; et si in Iudicio ipsius Bani, vel vices eius gerentis aliquis querulantium suspicatus fuerit, nec contentus esse voluerit, extunc seriem Iudicii per ipsum Banum, vel vices eius gerentem facti, in nostram et Prelatorum ac Baronum nostrorum presentiam, in Curiam nostram transducere valeat atque possit pro deliberatione fienda super Iudicio prenotato. In cuius rei me-

moriam, firmitatemque perpetuam, presentes concessimus litteras nostras privilegiales, pendentis et autentici sigilli nostri dupplicis munimine roboratas. Datum per manus Venerabilis in Christo Patris Domini Nicolai Archiepiscopi Strigoniensis, locique eiusdem Comitatus perpetui, Aule nostre Cancellarii dilecti et fidelis nostri. Anno Domini Millesimo trecentesimo quinquagesimo nono, tertio Kalendas Septembris, Regni autem nostri anno decimo octavo. Venerabilibus in Christo Patribus et Dominis: Eodem Nicolao Strigoniensi, Thoma Colocensi, Ugulino Spalatensi, Nicolao Jadrensi, Elia Ragusino, Archiepiscopis, Nicolao Agriensis, Demetrio Varadiensis, Dominico Transylvaniensis, Gregorio electo confirmato Chanadiensis, Nicolao Quinqueecclesiensis, Colomano Jauriensis, Ladislao Veszprimiensis, Stephano Zagrabienis, Michaelae Vacziensis, Petro Boznensis Fratribus; Stephano Nitriensis, Thoma Syrmienis, Johane Tininiensis, Demetrio Nonsensis, Bartholomeo Traguriensis, Valentino Makarensis, Stephano Farensis, Mattheo Sibinicensis, Fratribus, Michaelae Scardonensis, Portino Senniensis, et Ladislao Corbaviensis Ecclesiarum Episcopis, Ecclesias Dei feliciter gubernantibus. Magnificis viris Nicolao Konth Palatino, Andrea Vajvoda Transylvano, Comite Nicolao filio Ugrini Iudice Curie nostre, Nicolao de Zech totius Croatiae et Dalmatie Bano, Leustachio eiusdem Regni Sclavonie, Nicolao de Gara de Machov Banis, Leukus Dapiferorum et Pincernarum, Dyonisio Agazonum nostrorum Magistris, ac Magistro Simone Poseniensi, aliisque quampluribus Regni nostri Comitatus tenentibus et honores. Ad perpetuam rei memoriam. Nos Lodovicus Rex prefatus universis declaramus, quod ubi in Regno nostro Bozne innumerable multitudo hereticorum et Patarenorum pululasset, in terrorem fidei orthodoxe, ad extirpandumque de ipso Regno nostro eosdem, ex una parte nos personaliter instaurato valido exercitu proficiscebamur, ex alia vero parte Venerabilem in Christo Patrem Dominum Nicolaum Archiepiscopum Strigoniensem, nostrum Cancellarium, penes quem utrumque par sigilli nostri autentici habebatur, et virum Magnificum Dominum Nicolaum Palatinum cum ceteris Prelatis, Baronibus et Regni Proceribus in Boziam destinarem, quidam familiares ipsius Domini Archiepiscopi, pro custodia deputati, utrumque par sigilli nostri preconcepta malitia subtraxerunt; nos itaque precaventes, ne ex huiusmodi sigilli nostri deperditione regnicolis nostris in eorum iuribus successive periculum possit imminere, sigillum novum in duobus paribus fecimus pro nobis sculpi, quod ad omnia Privilegia nostra, et quondam Domini Karoli Regis Patris nostri, sub priori sigillo eiusdem tempore sue coronationis sculpto, et demum per eundem eo, quod sub ipso plurime infidelitates perpetrare extiterunt, repente permutato, ac sub alio sigillo ipsius in partibus transylvanis casualiter deperdito, confecta, iuxta dicta tria sigilla decrevimus fore apponendum, ad quaecunque vero privilegia paterna dictis duobus prioribus suis sigillis consignata, que per eundem Patrem nostrum per sigilla eiusdem posteriora, vel per nos cum sigillo nostro premissis deperdito confirmata non haberentur, et ad ipsa privilegia ipsum novum sigillum nostrum non appenderetur, vel quaecunque patentes littere nostre et paterne non confirmarentur, ea privilegia et littere, sicut per eundem Patrem nostrum fuerunt revocata et annullata, sic et nos ipsas seu ipsa comisimus viribus caritura, nullamque roboris obtentura firmitatem. Inter que presens privilegium nostrum, omni suspicione destitutum, et omnia in eo superius contenta et expressa predictis nobilibus regni Sclavonie et eorum successoribus, dicti sigilli nostri novi

dupplicis et autentici appensione innovamus, et perpetuo confirmamus. Datum per manus eiusdem Domini Nicolai Archiepiscopi, Cancellarii nostri, quinto Kalendas Martii. Anno Domini Millesimo trecentesimo sexagesimo quarto, Regni autem nostri anno vigesimo tertio.

*(Locus sigilli Capitularis in exteriori facie appressi.)*

Orig. membr. in Archivio Regni Croatiae. Priv. N. 7.

## CL.

*Anno 1369. die 27. Augusti. Spalati.*

Districtum Cetina sub jurisdictione Bani Dalmatiae et Croatiae fuisse, hocce documento probatur.

Excelsissimo Principi et domino eorum naturali, domino Lodovico dei gratia Serenissimo regi Hungarie, Capitulum majoris ecclesie Spalatensis, Vestre Majestatis fideles, cum recommendatione humili se ipsos, et orationes pro vestra incolumitate continuas, apud bonorum omnium largitorem. Vestre Celsitudinis litteras nuper cum omni reverentia et honore, quibus decuit, recepimus, cum impressione a tergo Vestri Regalis anularis sigilli, in cera rubra, per manus Nobilis viri Symonis filij pauli de districtu zetine, clausas more litterarum directivarum, in hec verba: Lodovicus dei gratia rex Hungarie fidelibus suis Capitulo Ecclesie Spalatensis salutem et gratiam; dicunt nobis Scemlien, filius pauli de districtu zetine, et Nenada, filius suus, quod quedam possessiones eorum, Luchan, Zopcich et Walmasan vocata, in eodem districtu Zetine habite, apud manus eorumdem, legitima reambulatione, et ab aliorum possessionibus metali sequestratione indigerent; super quo fidelitati vestre firmiter precipiendo mandamus, quatenus vestrum mittatis hominem pro testimonio fide dignum, quo presente dubranach, vel hlapach aut Turuk filius Raduch, aliis absentibus, homo noster, ad facies predictarum possessionum Luchan, Zophich et Walmasan, presentibus vicinis et conmetaneis suis universis, legitime convocatis, accedendo reambulent ipsas per veras suas metas et antiquas, novas juxta veteres in locis necessariis erigendo, reambulatasque et ab aliorum juribus possessionariis distinctas metaliter et separatas relinquat eisdem Scemlien, et Nenada filio suo, eo jure, quo ad ipsos dignoscuntur pertinere perpetuo possidendas, si non fuerit contradictum. Contradictores vero, si qui fuerint, citet eos contra dictos Scemlien et Nenada filium suum in nostram, vel Bani regnorum nostrorum Dalmatie et Croatiae (presentiam) ad terminum competentem. Et post hec seriem ipsius reambulationis, cum cursibus metarum, vel nomina contradictorum et citatorum, cum termino assignato, nobis vel eidem Bano rescribatis. Datum in Serenchez, loco venationis nostre, die crastino festi beati Antonij anno domini millesimo trecentesimo sexagesimo nono. Exteriorius in superscriptione ipsarum litterarum Regalium dicebatur sic: fidelibus

*(Pars I. Privil. et Libert.)*

suis Capitulo Ecclesie Spalatensis pro Seemlien et Nenada filio ejus reambulatoria. Quare volentes fideliter Vestrum mandatum exequi, ut tenebamur, ad requisitionem jam dictorum Symeonis et Nenade ejus filii, illico unum ex nobis videlicet..... magistrum Johanem Zintzij, concanonicum nostrum, hominem fide dignum, ad infra scripta negocia peragenda, una cum nobili viro dubrancio dubrancich, hominē vestro superius inter alios vestros homines nominatum expresso duximus destinandos, qui a nobis recedens, tandem pariter tam homo vester quam noster ad nos reddere, ac voce consona nobis retulerunt, eo modo: quod ipsi in octava festi beati Laurentij levite et martiris, nunc proxime preteriti, cum vicinis ac conmetaneis possessionum Lucane, Zopcichi et Velmosane, de quibus superius in vestris litteris Regalibus fit mentio, procedendo, simul a Nobilibus, ignobilibus, Clericis et Laycis, ac aliis cujusvis status et condicionis hominibus, prout de infra inscriptis scire potuissent, diligenter investigando, talem scivissent veritatem, quod metas predictarum trium possessionum, Lucane, Zobicichi et Welmosane ac confinia earundem, nullo contradictore apparente, sed potius omnibus Vicinis ipsarum possessionum assentientibus reambulantes, taliter invenerunt. Quod pretacte possessiones ab oriente terminantur in quadam Valle nuncupata Mocni dolaz. Et sic versus meridiem procedendo..... in quodam colle seu monticulo vocato Nebessa, deinde versus occidentem procedendo per viam super Radosichi. Et sic versus congeriem lapidum appellatum Vidomira gomila. Et ultra procedendo in via stricta vocitata Vodice. Et deinde ultra in loco appellato Plisunza, que quidem Plisunza est meta inter ipsas possessiones Symeonis et Nenade ejus filij, et inter possessiones Georgij dubrancich de yazuina. Post hec ab occidente progrediendo versus aquilonem, terminantur ipse possessiones Symeonis et Nenade in Kalaz qui vocatur Karleni. Et recto tramite procedendo in puteo nuncupato Orihovich, et sub Orihouich in Torentem, qui ducit ad quandam arborem vocatam gelham in prato, quod quidem confinium siue meta est inter territorium ecclesie sancti Luce de Cetina et ipsas tres possessiones, demum progrediendo a dicta Gelha in quandam arborem juxta Villam, que vocatur Margudi. Et inde per viam publicam, que ducit ad tres lapides prope yasuinam. Et sic recto tramite in monticulo, qui vocatur Clobucina, et usque ad silicem, qui nuncupatur Lapis perforatus, sive juxta sclavicum ydyoma et proprius Uti kami vel Uti Stina. Posthec recta linea, per aquilonem versus orientem procedendo usque ad locum appellatum Godel. Et ab ipso in supradictam vallem Mocni dolaz. Et ita prout ab ipsis audivimus, Vestri maiestati per nostras litteras fideliter et consentiose intimamus. Datum Spaleti in nostra matrici Ecclesia, sub impressione nostri Capitularis sigilli autentici, feria secunda proxima post festum beati Bartholomei Apostoli. Anno domini ab ejus nativitate millesimo trecentesimo sexagesimo nono, Indiccione vero septima.

*A tergo :*

Excellentissimi Principi et domino eorum Naturali, domino Ludovico, dei gratia Serenissimo Regi Hungarie, pro Symeone et Nenada ejus filio in facto confinium et metearum ipsorum possessionum in Cetina.

Originalis membr. in c. r. secreto Archivio Viennensi.

### CH.

*Anno 1371. In Vissegrad.*

Ludovicus Rex Magistro Saracheno, Camerarum Syrmien-  
sis et Quinqueecclesiensis Comiti, insulas Absarum et  
Cherso, in Regno Dalmatiae sitas, et quidem cum iis-  
dem praerogativis, quibus alii nobiles Regnorum Dalma-  
tiae et Croatiae suas possessiones conservant, donat.

Nos Ludovicus, Dei gratia Rex Hungarie, Polonie, Dalmacie etc. Signi-  
ficamus tenore presentium quibus expedit vniuersis, memorie commendantes:  
Quod nos, cui interest ex innata Regia libertate vniuscuiusque obsequiorum  
merita propensius in statera librare equitatis, et illis, quos Regie remunerationi  
dignos efficiunt, grata impendere premia meritorum; intuitis fidelitatibus, et fide-  
lium Seruitiorum meritis, laude dignis, fidelis nostri dilecti Magistri Saracheni,  
Comitis Camerarum nostrarum Syrimiensis et Quinqueecclesiensis, quibus idem  
tam sollicite, tamque curiose in cunctis nostri et Regni nostri agendis sibi con-  
fisis et commissis studuit nobis complacere, vt in eius obsequiis noster animus  
mitissime conquieuit; volentes sibi pro tantis gratuitis seruitiis Regie remunera-  
tionis antidoto occurrere Regio cum favore, quandam insulam nostram Absari  
et Kersi appellatam, in Regno nostro Dalmatie intra ambitum maris habitam, cum  
omnibus iuribus, vtilitatibus et pertinentiis ac prouentibus vniuersis, quouis no-  
minis vocabulo vocitatis, et ab antiquo ad ipsam Insulam Absari et Kersi spe-  
ctantibus, de manibus nostris regiis ex certa nostra scientia, eidem Magistro  
Saracheno, si heredibus caruerit, vsque duntaxat terminum vite sue, si vero ex  
altissima prouidentia, cuius nutu singula diriguntur, ipsum Magistrum Sarachenum  
heredes seu prolem habere contingat de femore suo descendentes, tunc iure per-  
petuo et irreuocabiliter, noue donationis nostre titulo in filios filiorum suorum  
et heredum per heredes dedimus, donauimus et contulimus, immo damus et con-  
ferimus sub hiisdem prerogativis, quibus alii nobiles ipsorum Regnorum nostro-  
rum Dalmatie et Croatiae, eorum possessiones proprias conseruant, possedendam,  
tenendam et habendam, harum sub secreti nostri sigilli testimonio litterarum, quas  
in formam nostri priuilegii redigi faciemus, dum nobis fuerint reportate. Datum  
in Wysegrad feria quarta proxima ante festum beate Margarethe Virginis et  
Martyris. Anno Domini M.CCC.LXX. primo.

*(L. S. inferius impressi.)*

Ex Archivio Imp. Vienn. — Fejér, Codex Dipl. Regni Hungariae. T. IX. p. 327.

## CIII.

*Anno 1375. 12. Aprilis. Spalati.*

**Comitatum Tinniniensem in Regno Croatiae fuisse patet.**

In christi nomine amen. Cum hoc sit, quod dudum Nobilis vir Gausina filius quondam Marini de Gausina de Tragurio, per se suosque heredes et successores, iure proprio et inrevocabili, titulo et nomine pure, mere, libere et inrevocabilis donationis donasset, remisisset, tradidisset et refutasset donacionem que dicitur inter vivos domine Radoslaue, sue sororis uterine filie dicti condam Marini, omnes et singulas villas, territorias, possessiones, prata, nemora, pascua, aquas et aquarum decursus, tam cultas quam incultas, positas tam in districtu civitatis Tragurie, quam in Regno Croatie, existentia pertinentia et spectantia dicto Gausine et que ad ipsum pertinere seu spectare poterant quoquo modo. Et ipsas villas et possessiones cum earum iuribus et pertinentijs promississet eidem ab omni homine et universitate legitime defendere et exculpniare, cum hac conditione et pacto, videlicet quod dicta domina Radoslaua siue sui heredes vel successores deberent et tenerentur manu tenere et gubernare dictum Gausinam suum fratrem, prebendo ei victum et vestitum, usque ad vitam dicti Gausine sub certa pena soluenda, rato manente predicto contractu; prout hec annia lacius et plenius continentur in quibusdam literis Capituli Nonensis, datis sub sigillo pendente dicti Capituli in Ecclesia Maiori Nonensi Anno natiuitatis domini Millesimo trecentesimo sexagesimo octauo, Indictione septima die octavo mensis Octobris, Pontificatus sanctissimi in Christo patris et domini domini Urbani pape quinti Anno quinto. Cumque etiam post hec dictus Gausina coram eodem Nonensi Capitulo fuerit confessus, habuisse et recepisse causas mutui a Paulo condam Purche de Aurana habitatore Iadre cognato suo et a domina Radoslaua dicta sorore sua uterina et uxore legitima dicti Pauli ducatos mille boni auri et iusti ponderis, ad rationem librarum trium et solidorum quatuordecim pro quolibet ducato, pro quibus dictus debitor dictis creditoribus obligauit nomine pignoris totam et integram unam villam suam vocatam dassini dolzi in Comitatu Tininij et Regno Croatiae positam et existentem. Item medietatem integram unius ville vocate prapatiza. Item medietatem integram cuiusdam tercie ville vocate Lubitouo, et que in confinibus dictarum trium villarum continentur, vel si forte aliqui forent alij confines veraciores, et cum omnibus et singulis iuribus et pertinentijs earumdem, taliter pacto et condicione adiectis, quod ipsi locatarij deberent abicere pro teratico dictarum villarum quolibet anno ducatum unum auri, cum certis alijs conuentionibus, conditionibus et pactis, que in ipsis litteris continentur. Datum None in Cathedrali ecclesia Anno natiuitatis domini Millesimo trecentesimo septuagesimo, Indictione octaua, die uigesimo sexto Martij; prout in literis

in carta membrana compositis per Venerabile Capitulum Nonensis Ecclesie uel eius Capituli notarium plenius apparerebat et eiusdem Ecclesie sigillo impendente munimine sigillatam seu Capituli prope dicti. Nunc vero conprehentibus contrahentibus prenotatis coram nobis Andrea Archipresbitero, Bucardo, Jacobo Primizerio, canonicis et Capitulo maioris Ecclesie Spalatensis, ad dicta officia in nostra matrici Ecclesia antedicta congregatis exhibitisque coram nobis dictis litteris sub appensione Sigilli pendentis dicti Capituli Nonensis, predicti Paulus et domina Radoslawa Iugales, contenti et confessi fuerunt, se rehabuisse et recepissee ac manualiter eis datos et muneratos fore dictos ducatos mille auri a dicto Gausina, quos confessi fuerunt se habuisse et recepissee ut supra, exceptioni non eis datis, non traditis et non restitutis dictis ducatis, omnino renunciantes, et ob hoc non vi, non dolo nec metu deducti, dicti Paulus et domina Radoslawa et quilibet eorum per se dederunt, cesserunt et refutauerunt per se et suos heredes et successores eidem Gausine pro se suisque heredibus et successoribus stipulanti et recipienti omne ius, omnemque actionem generalem et partialem, utilem et directam, quod et quam habent in omnibus et singulis bonis contentis in presentibus litteris et in litteris Nonensis Capituli supradictis, positis in comitatu Tininij et extra territorium et districtum ciuitatis Traguriensis, que bona dicti iugales adquisierant vel alter eorum tam titulo donacionis, quam et emphitesticæ locationis, vel aliter quomodo, dummodo dicta cessio et refutatio ad bona posita in ciuitate vel districtu Traguriensi nullatenus se extendat; volentes, quod dictus Gausina amodo deinceps possit et valeat de dictis villis, rebus et bonis, tamquam de rebus suis proprijs suam facere omnimodo uoluptatem; constituentes se dictas villas et bona omnia supradicta, existentia in dicto Comitatu Tininij, dicti Gausine nomine possidere, donec ipsarum rerum possessionem acceperit corporalem, quam accipiendi eidem auctoritatem et licentiam omnimodam concesserunt. Et dictus Gausina remisit et refutauit ac penitus relaxauit eidem domine Radoslawe Victum et uersutum, ad quod eidem erat obnoxia, uirtute litterarum predictarum superius expressarum; et hoc, quia uidebatur, quod aliter non poterant quiete et pacifice commanere nec conuenciones predictas attendere bono modo. Promittentes dictæ partes una alteri et altera alteri, dictas refutationes, daciones, restitutiones et remissiones predictas ratas, gratas et firmas habere et tenere, attendere et obseruare per se et suos heredes et successores, et non contrafacere uel uenire per se vel alium seu alios de iure vel de facto, sub pena Quingentarum librarum parvarum, solvendarum per partem non attendentem parti obseruanti; que pena tocians possit exigi cum effectu, quociens fuerit contrafactum; et pena soluta vel non, predicta omnia firma producent et sub refectione omnium dampnorum et interesse et expensarum litis et extra; pro quibus omnibus attendendis obligauerunt sibi vicissim unus alteri et alter alteri omnia bona sua presentia et futura. Nos igitur supradicti Archipresbiter, primicerius, canonici et Capitulum Ecclesie Spalatensis, harum serie universis et singulis tam presentibus quam futuris quibus expedit vel expedire foret, per presentem paginam significamus, quod . . . . . omnibus et singulis in presenti pagina contentis fecimus duas litteras testimoniales, nostre ecclesie predictæ Sigillo et Capituli impendente munimine roboratas, super omnibus et singulis in presenti pagina annotatis. Sub Anno domini Millesimo trecentesimo septuagesimo quinto, Indictione tertia decima die XII. mensis Aprilis, Pontificatus sanctissimi in christo patris et domini

nostri, domini Gregorij diuina providentia pape undecimi Anno quinto .....  
publicata per presentem formam.

*A tergo :*

Hec sunt acta in mei presbiterj Johannis de Sibinico condam Georgij canonici Ecclesie maioris Spalatensis et quietationis et aliorum prout in presentibus cartulis luculenter apparet scripta manu mea propria, ex commissione facta per venerabilem Capitulum dicte Ecclesie Spalatensis in foliis ..... duobus sub Anisque ..... indictione, mensibus et diebus in eis sic dictis cartulis anotatis.

Orig. in c. r. aulico Archivio Vienensi. Acta Spalatensia.

## CIV.

*Anno 1375. 15. Junii.*

**Dalmatia generali Slavoniae nomine comprehensa.**

Nouerint Uniuersi presens hoc Instrumentum publicum inspecturi, quod nos frater Benedictus de Venetiis, ordinis beate Marie seruorum Camere apostolice in partibus Sclauonie in Spalatensi et nonnullis alijs prouintijs generalis Vicarius, Subcollector et Locumtenens per Reuerendum in christo patrem et dominum dominum Raymundum, dei et apostolice sedis gratia Episcopum paduanum, in supradictis et nonnullis alijs prouintijs et partibus Italie eiusdem sedis nuncium et Collectorem generalem, specialiter deputatus. Recepimus nomine Camere apostolice supradicte a Reuerendissimo in christo patre et domino, domino hugolino, predicta gratia Archiepiscopo Spalatensi, et eius Clero Ciuitatis et dioecesis Spalatensis, per manus venerabilium uirorum dominorum Buzardi primicerij, duymi, Petri, Jacobi, Nicole et Nicole Canonorum ecclesie Spalatensis, pro compositione, per ipsos dominos Archiepiscopum et Canonicos nobiscum nomine camere supradicte factam, de et super decima bienali domini nostri pape Gregorij XI<sup>mi</sup>, per eundem dominum nostrum papam Gregorium XI. nuper imposita, uidelicet pro primo et secundo terminis primi Anni ipsius decime bienalis ducatos sexaginta boni auri et iusti ponderis; de quibus quidem sexaginta .... ducatis auri facimus nomine camere memorate eisdem dominis Archiepiscopo et Canonicis, recipientibus pro se et toto Clero, exempto et non exempto, et pro monasterijs monialium et aliarum ecclesiasticarum personarum Civitatis et dioecesis Spalatensis, finem, quitationem, absolutionem et remissionem plenariam, ac pactum de ulterius non petendo. Quas quidem finem, quitationem, absolutionem, remissionem, et pactum permittimus nomine camere sepedicte semper de cetero



firmas ratas et gratas habere et tenere, ac ipsos dominum Archiepiscopum et Clerum supradictos occasione premissa minime molestare. In quorum testimonium presens hoc publicum Instrumentum scribi et fieri iussimus per Victorium scribamque nostrum publicum infrascriptum et nostri sigilli iussimus appensione muniri. Acta fuerunt predicta in Curia loci Monasterij sancti dominici de extra et prope Spaletum ordinis predicatorum. Anno natiuitatis dominice Millesimo trecentesimo septuagesimo quinto, Indictione tertia decima, die quinta decima mensis Iunij, Pontificatus suprascripti domini nostri pape Gregorij XI. Anno quinto; presentibus Reuerendo in christo patre domino fratre Boniohannes, supradicta gratia Abbate Monasterij sancti Michaelis de monte, polensis dioecesis, Ganoro condam domini Lanzaroti de Mantua, notario Communis Spaleti, et Clapacio mercedro de Spaletto, ac Nicola Jacobi Andree de Spaletto, testibus vocatis ad hec specialiter et rogatis.

*Signum Notarii :*

Ego Victor Guillielmi de Torcello, publicus imperiali auctoritate notarius ac scribe supradicti domini Subcollectoris, suprascriptis omnibus et singulis interfui, eaque de mandato dicti domini Subcollectoris scripsi, et in hanc publicam formam reddegi, siquid meum una cum ipsius domini Subcollectoris sigilli appensione consuetum apponens in testimonium premissorum.

*(Sigillum avulsum.)*

Orig. in c. r. aulico Archivio Viennensi. Acta Spalatensia.

---

**CV.**

*1377. die 31. Octobris. Zolii.*

**Ludovicus Rex litem, coram Iudice Curiae motam, Slavoniae Bano, competenti iudici, decidendam tradit.**

Lodovicus dei gracia hungarie, polonie, dalmacie etc. fideli suo magnifico viro Comiti Iacobo de Scepus, iudici sue curie, salutem et gratiam. Fidelitati vestre damus in mandatis, quatenus causam inter Ciues nostros Grecenses de Zagrabia ab una, parte vero ex altera inter venerabilem in Christo patrem dominum Demetrium Episcopum Zagrabiensem et Capitulum loci eiusdem coram vobis vertentem, statu in eodem, absque omni grauamine ad iudicium et examen Magnifici viri Petri Zudor, regni nostri Sclauonie Bani, transmittimus, partibus

coram eodem comparendi terminum assignando competenter, prout ipsius regni Sclauonie libertas et consuetudo id requirit. Datum Zolij in vigilia festi omnium sanctorum anno domini M<sup>o</sup>CCC<sup>o</sup>lxx<sup>m</sup> septimo.

(*Sigillum Regis annulare.*)

Originalis charta in mea collectione.

## CVL.

*Anno 1382. Zagrabiae.*

### Ludovicus I. Rex libertates et Privilegia civitatis Cattari confirmat.

Ludovicus dei gratia Rex Ungariae, Poloniae, Dalmatiae etc. Fidelibus suis Iudicibus, Consilio et Communi civitatis nostrae Catharensis salutem et gratiam. Missis ad nostrae Celsitudinis conspectum Damiano et Marco, nuntiis et ambasciatoribus vestris, ex parte vestra nobis extitit humiliter supplicatum per eosdem, quod quia ipsa civitas nostra Catharensis, tum propter inopinabilis ignis incendia, tum etiam propter maximam guerram Venetorum tunc nostrorum aemulorum de novo sopitam, et ad pacis pulchritudinem deductam, derobationes et desolationes non modicas perpessa extitisset, imo multi et quamplures ex ipsa civitate nostra ad extraneas provincias et tenutas dispersi extitissent, supplicantes nostrae maiestati vice et nominibus vestris, ut vestrae Communitati ac eidem civitati vestrae Catharensi in signum nostri Regii adminiculi libertatum praerogativas et gratiarum privilegia, quibus hactenus cives eiusdem civitatis nostrae Catharensis gavisa fuissent, ratificari et confirmari dignaremur, ut, iis a nostra Maiestate graciose concessis, sicut numero sic nominibus possetis fidelitate multiplicari et augeri, profectus et honoris materia a vestra Communitate nostrae proveniret maiestati. Nos itaque considerante quod cum nostris fidelibus subditis in eorum narrationibus gratiarum praerogativas concesserimus, et dum eorum onera removebimus, in ipsorum quiete quiescimus, et fovemus in pace, praemissis supplicationibus, ex parte vestri nostrae porrectis Majestati, gratiose exauditis, admissis, praemissarum libertatum, praerogativarum et gratiarum privilegia, quibus hactenus gavisi extitistis, confirmantes ratificamus, quousque sibi Deo propitio dictam civitatem nostram Catharenssem personaliter visitabimus, vel domina Regina consors nostra carissima ad illas partes feliciter accedendo visitabit, et tum nos, aut eadem domina Regina, super qualitatibus libertatumstrarum in melius sciscitari, et experti de vestro commodiori et tutiori statu, ac libertatum

praerogativis, vestrae fidelitati indulgeri debendis maturius deliberare possimus. Datum Zagrabiae Sabbatho proximo ante festum Epiphaniae Domini. Anno eiusdem Millesimo CCC octuagesimo secundo.

Fariati. Illyricum Sacrum T. VI. p. 453.

## CVII.

*Anno 1381. die 8. Augusti. Taurini.*

Pacis a Rege Hungariae, Januensibus, Paduanis et Patriarchatu Aquilegiensi Taurini factae instrumentum, quo Ludovico, Hungariae, Dalmatiae et Croatiae Regi et ejus successoribus Dominium totius Dalmatiae confirmatur.

In Christi nomine, sanctae et individuae Trinitatis, Patris et Filij et Spiritus Sancti, et gloriosae Virginis matris eius, ac totius curiae Supernorum feliciter Amen. Anno Dominicae nativitatis millesimo trecentesimo octuagesimo primo, Indictione quarta, die Jovis, octavo mensis Augusti, ante et circa hora Vesperorum, in civitate Taurini, provinciae pedemontium, in castro, in quo Illustris ac Magnus Princeps dominus dominus Amadeus Comes, Sabaudiae Princeps, Dux Cablaysij et Augustae, et Marchio Italiae suam residentiam faciebat, et aula maiori dicti castri. Praesentibus Reverendis in Christo Patribus Dominis Joanne Episcopo Taurinensi, Philippo Episcopo Trosselano, Guidone Abbate Sancti Michaelis Clissini etc. — — — Visis etiam, et studio frequenti, matura deliberatione pensatis ac examinatis proinde petitionibus, demandis, et singulis quaestionibus et quaerellis, ac etiam responsionibus et exceptionibus factis subtiliter hinc et inde, ipsae partes, videlicet Reverendi in Christo Patres et Domini, dominus Valentinus Quinqueecclesiensis, decretorum Doctor, et dominus Paulus Zagrabien-sis Episcopi, procuratores, actores, nuntij et legati Serenissimi et Invictissimi Principis et domini domini Ludovici Dei gratia Hungariae, Poloniae, Dalmatiae, Croatiae, Ramae, Serviae, Galitiae, Lodomeriae, Bulgariae, Cumaniaeque Regis, Principis Salernitani et honoris montis Sancti Angeli Domini, procuratorio et actorio nomine praefati Domini Regis, habentes ad infrascripta plenum et sufficiens mandatum, prout constat publicis literis regiis magno sigillo Maiestatis Regiae sigillatis in pendent, datis Budae in Palatio Regali decima tertia Februarij, millesimo trecentesimo octuagesimo; quarum tenor inferius est insertus. Cum quibus dominis Procuratorijs Regijs fuit praesens egregius dominus Joannes Dominici de Pastoch, miles aulae Regiae, qui cum dictis dominis Ambaxiatoribus

(Pars I. Privil. et Libert.)

fuerat ad ea, sicut adseruerunt, per Regiam maiestatem transmissus. Et cum eis fuerunt etiam praesentes egregij viri domini Paulus de Georgijs miles, et Jacobus Raduchus Legum Doctor, communis Jadrae Ambaxiatores, ut asserebant ex una parte; et honorabiles et egregij viri domini Zacharias Contareno, Joannes Gradonico et Michael Mauroceno Procuratores Ecclesiae Sancti Marci, cives Venetiarum, Syndici, Procuratores, Actores, Ambaxiatores et nuntij spetiales Illustris et Magnifici Domini Domini Andreae Contareno, Dei gratia Ducis Venetiarum etc. et consiliariorum eius, et communis Venetiarum, nomine et vice praefatorum Illustris et Magnifici Domini Ducis, consiliariorum et communis Venetiarum, habentes ad infrascripta plenum et sufficiens mandatum, ut patet publico instrumento, scripto manu Leonardi de Anzetellis, de Venetijs notarij, sub anno Domini millesimo trecentesimo octuagesimo primo, indictione quarta, die quinta mensis Aprilis; cuius tenor inferius est insertus etc. — — — Item cum in pace antiqua, alias facta inter praefatum Serenissimum dominum Regem et commune Venetiarum, contineatur: Quod dominus Dux et commune Venetiarum effectualiter renuntiant de facto in manibus domini Regis Ungariae et successorum suorum toti Dalmatiae; nuncque dicti Syndici, Procuratores et Ambaxiatores dicti domini Ducis et communis Venetiarum, nomine dictorum dominorum Ducis et communis Venetiarum, in praesenti pace renuntiant effectualiter, de iure et de facto, in manibus supradictorum dominorum Episcoporum, Procuratorum et actorum dicti domini Regis et successorum suorum in Regno et Corona, toti Dalmatiae, a medietate scilicet Carnarij, usque ad fines Durachij, tamquam ab antiquo de iure regno et Coronae Ungariae spectanti et pertinenti. Item fuit actum inter dictas partes, quod super facto Standalis Sancti Marci de Seigna, et iurisdictionis Consulatus, quam commune Venetiarum in loco Seignae obtinet, sit et esse debeat in electione Serenissimi Domini Regis et Dominorum Comitorum Seignae; simul in hac forma: videlicet, quod si disposuerint vel elegerint Standalem, et Consulatam de Seigna tolli, quod hoc casu dicti domini Comites de Seigna carere debeant omnibus et singulis beneficijs, honoribus, privilegijs, pactis et conventionibus, quae haberent in Venetijs et cum communi Venetiarum, nisi tunc ipsi Domini Comites Seignae ostenderint se in Venetijs et cum communitate Venetiarum habere alia privilegia, honores, beneficia, pacta et conventiones, alia occasione, quam occasione dictorum, standalis et Consulatus, quae dicti de Venetijs habent in loco Seignae, quo casu illa alia, quae alia occasione ostenderent se habere, etiam in posterum habeant, non obstante remotione dictorum Standalis et consulatus. Item fuit actum et solemniter conventum inter dictas partes: Quod omnes subditi Regij, et praecipue Jadratini, tam in civitate Venetiarum, quam in quibuscunque terris et locis sibi subditis, possint et valeant tute et secure mercari, et mercationes facere, et alia quaecumque, quae, et prout ante praesentem guerram facere poterant. Et quod dicti subditi Regij, et praecipue Jadratini, per commune Venetiarum, et eius Officiales, benigne et favorabiliter tractentur, sine aliqua iniuria vel offensa. Sane semper intelligendo, quod per praesens Capitulum nec aliqua in ipso contenta, non intelligantur dicti subditi regij seu Jadratini, navigare seu mercari posse in dictis buccis, nec alijs locis in praesenti instrumento prohibitis. Et versa vice dicti Veneti et subditi eorum in regno Ungariae, et terris et locis sibi subditis, possint et valeant tute et secure mercari, et mercationes facere, et alia quaecumque, quae, et prout

ante praesentem guerram facere poterant. Et quod dicti Veneti et eorum subditi per praefatum Serenissimum dominum Regem et eius officiales benigne et favorabiliter tractentur, sine aliqua iniuria vel offensa. Et ultra praedicta, quod dicti Jadratini usque ad annos viginti singulis annis, et quolibet anno, et alii Dalmatini usque ad dictos annos viginti singulis annis, et quolibet anno, possint et valeant, et eis conceditur, et concessum esse intelligatur per dictum commune Venetiarum, portare, vel portari facere ad dictam civitatem Venetiarum tot res seu merces ex illis, quae nascuntur vel extrahuntur de territorio dicti domini Regis, quae valeant ducatorum triginta quinque millia auri, videlicet dicti Jadratini valorem ducatorum viginti millium, et alij Dalmatini valorem quindecim millium ducatorum. Quas res et merces ad dictam civitatem Venetiarum per dictos Jadratinos et Dalmatinos delatas vel transmissas, vendere et vendi facere, et alio quocumque titulo alienare possint in dicta civitate Venetiarum, quibuscumque personis eis placuerit, et non Venetis. Et in dicta civitate Venetiarum dicti Jadratini et Dalmatini emere et alio quocumque titulo acquirere possint singulis annis, et quolibet anno, ex dictis annis viginti, tantam quantitatem mercium mobilium, quae valeant dicta triginta quinque millia ducatorum, dividenda intra dictos Jadratinos et Dalmatinos, pro rata praedicta, a quibuscumque personis, et non Venetis. Et ipsas merces portare possint Jadram et Dalmatiam, et ad alias partes subditas dicto domino Regi, ipsis Jadratinis et Dalmatinis solventibus, tam portando, quam extrahendo, et tam ementibus, quam vendentibus gabellas, datia, pedagia et alia onera consueta, quae per Venetos tantum solvuntur. Et quod per dictum commune Venetiarum licentia concedatur quibuscumque non Venetis emendi a dictis Jadratinis et Dalmatinis, ut supra, et similiter eisdem vendendi absque aliquo banno siue poena, et hoc singulis annis pro quantitibus et usque in quantitates contentas in praesenti capitulo. Dummodo per praedicta non intelligatur, quod dicti Jadratini et Dalmatini possint Venetias portare salem, nec immittere vel extrahere de Venetijs ea, quae Veneti proprij immittere vel extrahere non possint. Et sic praedicta fiant sine dolo, et tali cautella adhibita, quod salvis praedictis, et concessione praedicta, commune Venetiarum conceditur, et concessum intelligatur in perpetuum dictis Jadratinis, quod eisdem liceat emere in Venetijs, et inde extrahere cupos seu tegulas, et matones tantum pro constructione et reparatione edificiorum suorum, absque solutione alicuius pedagij, datij vel gabellae. Item fuit solemniter conventum et actum inter partes praedictas, nominibus ante dictis: Quod commune Venetiarum vel aliquis officialis eiusdem non possit facere aliquod statutum, decretum vel provisionem specialem contra subditos dicti domini Regis, et praecipue contra Jadratinos, seu in ipsorum praesudicium; generaliter vero statuere et ordinare liceat pro libito voluntatis. Item fuit actum et conventum inter dictas partes, dictis nominibus: quod bona immobilia singularium personarum, existentia in Venetijs, vel territorio dicti communis Venetiarum, quae tempore inchoationis praesentis guerrae erant aliquorum subditorum dicti Domini Regis, seu per eos possidebantur; restituantur eisdem in eo iure possessionis et Dominiij, quo tenebantur tempore inchoationis praesentis guerrae. Et eodem modo omnia bona immobilia singularium personarum de Venetijs, vel eorum territorio, existentia in territorijs praefati Serenissimi Domini Regis, dictis singularibus personis restituantur in iure possessionis et Dominiij, quibus tenebantur ante praesentem guerram. Item fuit actum et spe-

cialiter conventum inter dictas partes, dictis nominibus: quod de debitis, ad quæ subditi unius partis tenebantur subditis alterius partis tempore inchoactionis praesentis guerra, fiat iustitia, per inde ac si praesens guerra non occurrisset. Item, quod Veneti cum aliqua galea, vel galeis armatis, intrare non possint aliquem portum de cathena dicti domini Regis, seu subditorum suorum, contra voluntatem habitantium seu tenentium dictum portum. Item fuit actum et specialiter conventum inter dictas partes, dictis nominibus: quod dicto Domino Regi restituantur omnes terrae, loca et castra, quae per commune Venetiarum tenentur, quae dicto domino Regi ablata fuissent per Venetos tempore praesentis guerra, et specialiter civitas et castrum Cathari. etc.

Ex libro Factorum Reipublicae Venetiarum, in c. r. aulico Archivio Viennae asservato. T. VI.

## CVIII.

*Anno 1383. 5. Novembris. Jadrae.*

**Elisabetha, Hungariae Regina, jura, statuta ac libertates  
Sibenicensium confirmat.**

Elisabeth Dei gracia Regina Hungarie, Polonie, Dalmatie etc. Significamus tenore presentium quibus expedit vniuersis, quod fideles nostri Communitas ciuitatis nostre Sibenicensis, missis ad nostre Serenitatis conspectum eorundem sufficientibus Ambassiatoribus et nuncijs, nobis graui cum querela detexerunt, quod nonnulli homines Dalmatini, Sibenicenses et alij, suggesta falsitate et rei veritatem celantes, tales nostras litteras sepiissime a nostra impetrarent Maiestate, quarum tenores contra eorundem fidelium nostrorum Sibenicensium statuta, iurisdictiones et reformationes protenderent seu extenderent, eisdem et eorum iuribus maxime preiudicando; supplicantes nostro reginali culmini humili pietate et deuota, vt ipsis de remedio prouidere dignaremur in hac parte oportuno. Nos itaque, qui iuxta nostri reginalis officij debitum singulos nostros regnicolas in eorum iuribus illesos et indempnes tenemur conseruare, pensata eciam ipsorum fidelium nostrorum Sibenicensium fidelitatis constancia et fide eorum inuarabili, quam ad nos et sacrum nostrum dyadema constanter noscuntur habuisse, ac ipsorum grata obsequia, quibus nostre Serenitati se studuerunt indesinenter complacere, serie eisdem pollicemur, ipsos in eorum iuribus, libertatibus, legibus honestis et iuri consonis et racionalibus, inuiolabiliter et inconuulse conseruare, nec alicui hominum vel personarum in detrimentum seu preiudicium libertatum, iurisdictionum et statutorum ipsorum laudabilium et approbatorum nostras litteras dabimus vel dari faciemus; ymo si ex errore obliuionis alicui Dalmatino vel Sibenicensi, aut alteri cuiquam contra eorundem statuta, iurisdictiones et reformationes prescriptas,

aliquas litteras nos dare, et easdem nostris fidelibus Sibenicensibus destinare contingeret, vt iidem Sibenicensis ex serie talium litterarumstrarum se grauari sentirent, earumdem executionem tamdiu differre habeant, quousque ipsi nostram maiestatem de mera rei veritate et dicti negocij certitudine, in quo eodem littere n stre iuri et libertati ipsorum preiudicium generare et aggrauamen inferre videntur, per nuncios seu litteras ipsorum speciales potuerint loculente nostram informare Maiestatem, quorum informacione percepta, nos tandem in premissis id facere queamus, quod nostre de iure conuenire videbitur Serenitati. Datum Jadre, quinta die mensis Nouembris, anno Domini MCCCLXXX tertio.

*(L. S. in forma Crucis acuatae, cui inscriptum : deliberatio Baronum.)*

Ex originali in coll. Nic. Janković. — G. Fejér. Codex Dipl. R. H. T. 10. vol. 3. pag. 1—2.

## CIX.

*Anno 1383. die 5. Nouembris. Jadrae.*

**Eadem Elisabetha Sibenicensis a Vlahis defendi praecipit.**

Elisabeth Dei gratia Regina Hungarie, Polonie, Dalmacie etc. fidei suo, magnifico viro Domino Emerico Bubek, regnorum nostrorum Dalmatie et Croatiae Bano, et eius vicesgerentibus, salutem et gratiam. Ex graui querela fidelium nostrorum nobilium virorum, scilicet Thome, Dominici et Johannis Naplavigh, ambassiatorum civitatis nostre Sibenicensis, noveritis nos percepisse, qualiter Olahi tam nostri, quam Joannis filii Ivan Nyelpecy de Zetina, multa dampna, nocumenta, homicidia ac spolia in districtu nostre civitatis antedictae fecissent et comisissent, et continue facere non cessarent, in eo videlicet, quod dicti Olahi venientes ad territorium et districtum dicte nostre civitatis, pascua ipsius civitatis occupando, offensiones, interemtionen, ac alia facta nephanda perpetrarent potentialiter, et minus iuste, in preiudicium ipsorum civium nostrorum non modicum, et desolationem ac destructionem civitatis nostre Sibenicensis antedictae; et quod vos, visis aliis literis nostris prescriptoriis, dictos Olachos de ipso districtu civitatis nostre Sibenicensis non expulissetis, et ipsam penam seu condemnationem pene, iuxta continentias aliarum litterarumstrarum, exinde vobis directarum, ab ipsis Olahis extorquere voluissetis, neque velletis medietatem ipsius pene ipsis Sibenicensibus per ipsos Olachos dare et facere administrare: de quibus nimium admiramur, et admirare non sufficimus, cur littere nostre Maiestatis, de qua ipsum honorem Banatus conservatis apud vos, qua presumptionis audacia parvi penduntur et aspernantur: vobis exinde nimium improperamus. Unde cum crescente contumacia Olachorum excrescere debeat et pena, volumus

igitur, et fidelitati vestre sicut per alias literas nostras, sic presentibus firmo firmitus reginali damus sub edicto, quatenus visis presentibus prefatos Olachos tam nostros, quam prefati Johannis filii Ivan Nyelpecy, contumaces et rebelles, de ipsorum districtu Sibenicensium expellere et remove, medietatemque dictorum florenorum, iuxta continentias aliarum literarum nostrarum vobis loquentium, publice exigere, aliam vero medietatem eorundem predictis fidelibus civibus nostris Sibenicensibus per dictos Olachos persolvi et administrari facere debeatis plene et integre, dissimulatione et occasione quibuslibet procul motis, et aliud sub obtentu nostre gratie facere non ausuri in premissis, ne iidem ulterius nobis conquerantur in hac parte. Insuper committimus vobis, ut nullus Olachus per totam Bosilinam possit neque valeat stare, pascui facere, nec morari ullo tempore, modo superius expresso; pro eo videlicet, quod dicti Olachi, in dicta Bosilina commorantes, non tantum Sibenicensibus, sed etiam Cameris Salium nostrorum ac navigantibus per mare inferunt gravamina non modica, atque dampna et spolia perpetrant incessanter, imo super omnibus premissis, ex parte predictorum Olachorum ipsis Sibenicensibus congruam impendatis satisfactionem, dictante iuris equitate. Et hoc idem iniungimus aliis Banis et Vice Banis ipsorum dictorum regnorum nostrorum Dalmatie et Croatiae in futurum constituendis, dantes eisdem similibus sub preceptis. Datum feria secunda proxima ante festum beati Adalberti Martyris. Anno Domini Millesimo trecentesimo LXXX tercio. Presentes autem post lecturam reddi iubemus exhibenti. Datum ut supra.

*Infra Sigillum, cerae rubrae in ipsa pergamena ab intus impressum, legi possunt haec:*

Relatio Comitissae Nicolai de Zeech, Iudicis Curiae Regiae, ad consequentiam nostrarum litterarum prius datarum.

Collat. cum Orig. autograph. collectionis Nic. Jankević. — G. Fejér. Codex Dipl. T. 10. Vol. 3. pag. 2—4.

---

## CX.

*Anno 1383. Budae.*

**Maria Regina civibus Ragusinis privilegium vendendi salis ac vini confirmat.**

Nos Maria Dei gratia Regina Vngariae, Dalmatiae, Croatiae etc. Notum facimus tenore praesentium, quibus expedit universis, quod fideles nostri rector, iudices, consilium et commune civitatis nostrae Ragusii, missis ad nostram Maiestatem providis viris Petro de Gondola et Stephano de Luccaro, eorum civibus, nunciis et ambasciatoribus, nobis humiliter significarunt, quod nonnulli



forent homines in dictis Regnis nostris Dalmatiae et Croatiae, qui vinum et salem ad quoddam Castrum, de novo per Dominum regem Rasciae et Bosnae (Tvarthum) inter praedictam civitatem nostram Ragusii et civitatem Cathari appellatam, in loco Dracavizza nominato constructum, et etiam ad alia loca inconsueta, contra libertatem et antiquam consuetudinem ipsius civitatis nostrae Ragusii, et in opprobrium et diminutionem iurium eiusdem civitatis nostrae, portant et deferrent; supplicantes nobis, ipsis super hoc providere de remedio opportuno. Nos itaque volentes dictam civitatem nostram Ragusii in suis libertatibus et consuetudinibus antiquis illibate conservare, ut exinde dicti cives nostri discant sub principe glorioso devote famulari, atque ab ipsis utilitatibus et honoris materia lucrumque fructiferum regiae proveniat Maiestati; de consilio consensu et beneplacita voluntate serenissimae et excellentissimae Principis D. Elisabeth, praemissa Dei gratia reginae Ungariae, Poloniae, Dalmatiae etc. genitricis nostrae carissimae, praelatorumque et baronum regni nostri, praemature sancientes duximus committendum, ut a modo et deinceps nullus incolarum regnorum nostrorum memoratorum, vinum et salem ad praedictum castrum novum, in loco Dracavizza, ut praefertur, constructum, et alia loca inconsueta, contra antiquam libertatem et consuetudinem dictae civitatis nostrae Ragusii et diminutionem iurium eiusdem civitatis nostrae, portare praesumat vel deferre, sub poena ammissionis et privationis vinorum et salium praedictorum. Et hoc volumus in foris et locis publicis, in dictis regnis nostris Dalmatiae et Croatiae palam ubique facere proclamari. Datum Budae sub magno nostro sigillo, Sabbatho proximo post quindenas festi Pascae Domini. Anno eiusdem M.CCC.LXXXIII.

Lacus. De Regno Dalm. et Croat. L. V. c. III.

## CXI.

*Anno 1383.*

**Eadem Maria Ecclesiae Traguriensi sigillum authenticum privilegio confert.**

Maria Dei gratia Hungariae, Dalmatiae, Croatiae, Ramae, Serviae, Gallitiae, Lodomeriae, Bulgariaeque Regina, Princeps Salernitana et honoris montis Sancti Angeli Domina. Omnibus Christi fidelibus tam praesentibus quam futuris, praesentium notitiam habituris, salutem in omnium Salvatore. Regia licet sublimitas pedisequa sedens throno in excelso cunctis suis sequacibus digna debeat impendere praemia meritorum, ad instar tamen ipsius supremi regis splendore paternae gloriae de luce eius claritate mundum illustrantis, verbi scilicet incarnati, sacrosanctae matri Ecclesiae, quam ipse praetiosissimi sui sanguinis effu-

sione pro generis humani redemptione pendens in cruce decoravit mirifice, tota mentis intentione studiosius debet intendere pariter et invigilare; cuius cultu, cuiusque nutu, cuiusque rationibus prospera regibus cuncta succedunt et accedunt; nam de moerore cum gaudio provenit ipsis laetitia, et tristitiae redeunt solatia, de nebula svavis aura prodit et nimium dulcorosa, et de hoste seu hostibus consurgit victoria simul et triumphus; et omnino terrestria in coelestia feliciter commutantur. Proinde ad universorum notitiam harum serie volumus pervenire: quia Serenissimo Principe Domino Ludovico eadem Dei gratia Hungariae, Poloniae, Dalmatiae etc. Rege, Genitore nostro charissimo, laudandae recordationis, volente Domino coeli, cuius nutu omnia reguntur et disponuntur, absque prole masculina de medio sublato, nobisque iure successorio et ordine geniturae solium et coronam dicti regni Hungariae ac sceptrum regiminis ipsius Genitoris nostri feliciter adeptis, fidelis noster specialis Capellanus, venerabilis in Christo Pater Dominus Chrysogonus, praemissa et apostolica gratia Episcopus Ecclesiae Traguriensis, ad nostrae serenitatis accedendo praesentiam, nostrae humiliter supplicavit Maiestati, ut quia dicta Ecclesia Traguriensis sub vocabulo gloriosissimi Christi Martyris Laurentii constructa, foret Cathedralis, et hactenus sigillo caruisset authentico; ideo de benignitate reginali eidem Ecclesiae et suo Capitulo sigillum, quo perpetuis temporibus Canonici seu Capitulum ipsius Ecclesiae Traguriensis uterentur, dare et concedere dignaremur; sicut aliae etiam cathedrales Ecclesiae regni nostri sigillis gaudent et fruuntur. Nos itaque vestigiis priorum Praedecessorum nostrorum, olim illustrium regum Hungariae beatissimarum recordationum, qui tam Ecclesias chathedrales et collegiatas, quam alias regni nostri, diversis libertatum praerogativis et privilegiis decorarunt et regia liberalitate refoverunt, inhaerentes, supplicationibus praefati Domini Chrysogoni Episcopi, quem in cunctis nostri et regni nostri negotiis prosperis et adversis iuxta nutum nostrae voluntatis semper sagacem, et solertem ac fidelem reperimus, favorabiliter inclinatae, volentes sibi de benignitate reginali complacere, potissime etiam ob spem et devotionem nostram, quam ad ipsum gloriosissimum Christi Martyrem Laurentium gerimus et habemus, provida deliberatione una cum excellentissima et Serenissima Principe et Domina Elisabeth, praemissa Dei gratia regina Hungariae, Poloniae, Dalmatiae etc., genitrice nostra percara, nec non praelatis et Baronibus regni nostri praehabita, sigillum novum, quo Capitulum et Canonici memoratae Ecclesiae cathedralis Beati Laurentii Martyris de Tragurio perpetuis temporibus potiantur et utantur, in quo imagines infrascriptae, videlicet B. Laurentii Martyris, tenens craticulam in manu, in habitu Levitarum, ac duorum Angelorum, a dextris et sinistris ipsius imaginis Beati Laurentii, flexis genibus cereos in manibus gestantes, ac inferius circa pedem ipsius imago unius Episcopi induta pontificalibus et flexis genibus tenens baculum pastorem in manu, sculptae habeantur, ex desiderio affluentis nostrae Maiestatis ad dictam Ecclesiam Cathedrallem ipsius Beati Laurentii Martyris de Tragurio, perpetuo duximus concedendum: committentes, et de plenitudine nostrae potestatis sacientes, ut dictum sigillum ipsius Ecclesiae et Capituli Traguriensis a modo et deinceps autenticum habeatur, et eidem, a litteris omni veritate scribendis et conficiendis sub eodem, indubitata fidei certitudo per omnes regnicolas nostras tam in iudicio, quam extra adhibeatur. In cuius rei firmitatem memoriamque perpetuam praesentes concessimus litteras nostras privilegiales, pendentis et autentici sigilli nostri munimine

roboratas. Datum per manus Reverendissimi in Christo Patris et Domini Domini Demetrii Misericordia divina tit. SS. quatuor coronatorum S. R. E. Presbyteri Cardinalis, sanctae Strigoniensis Ecclesiae Gubernatoris perpetui, locique eiusdem Comitatus similiter perpetui, et aule nostre fidelis cancellarij. Anno Domini M.CCC.LXXXIII quinta idus Maii, regni autem nostri anno secundo. Reverendissimis et Venerabilibus: eodem Domino Demetrio Gubernatore Ecclesiae Strigoniensis perpetuo, Ludovico Colocensi, Petro Jadrensi, Ugolino Spalatensi et Ugone Ragusini Archiepiscopis; Emerico Agriensi, Paulo Zagrabienzi, Gubliano Transylvano, Valentino Quinqueecclesiensi Decretorum Doctore, Joanne Baratenzi, Guilelmo Jaurienzi, Benedicto Vesprimienzi, Joanne Chanadienzi, Georgio Bosnensi, Petro Vacienzi, Joanne Syrmienzi, fratre Dominico Nitrienzi, Paulo Tinniniensi, Demetrio Nonnensi, eodem Grisogono Traguriensi, Matheo Sibiniensi, Stephano Farenzi, Jacobo Macarenzi, Michaelae Scardonensi et Thoma Segnienzi, Ecclesiarum Episcopis, Ecclesias Dei feliciter gubernantibus. Corbaviensi sede vacante. Magnificis viris Nicolao de Gara, regni nostri Palatino et Iudice Cumanorum, Ladislao Vajvoda Transylvano et Comite de Zonuk, Comite Nicolao de Zeech Iudice Curiae nostrae, Stephano de Lindua, totius regni Slavoniae, Emerico dicto Bubek Dalmatiae et Croatiae, ac Stephano filio Phylipus de Machow Banis, Nicolao dicto Zambo Tavernicorum, Blasio dicto Forgach Pincernarum, Nicolao filio Nicolai de Telegd Janitorum, Ladislao filio quondam Domini Dyonisii, Wajvodae Agazonum nostrorum Magistris, praedicto Nicolao, dicto Zambo, Comite Poseniensi, aliisque quam plurimis regni nostri Comitatus tenentibus et honores.

(L. S. p.)

Infra scriptum: Stephanus Georgy etc. — Wagner MSS. tomo V. Nro. XIII. — Fejér. C. D. H. T. 10. V. 1.

## CXII.

1386 22. Januarii. Budae.

Carolus Rex Stephano, Vegliae et Modrušae Comiti, eam largitur gratiam, ut, si hic absque masculo haerede decesserit, omnia ejus bona in filiam Elisabetham transeant.

Karolus dei gracia Vngarie, Jerosolimi et Sicilie, nec non Dalmacie, Croatiae, Rame, Servie, Galicie, Lodomerie, Comanie, Bulgarieque Rex, Prouincie et forcalgrij ac Pedimontis Comes, vniuersis presentes litteras inspecturis, tam presentibus quam futuris. V...tis et ...tis ad collaciones beneficas ex debito naturalitatis astringimus, sed illis propensius rependium nostre munifice liberalitatis

(Pars I. Privi. et Liberi.)

persoluimus, qui gratum nobis exhibuerunt obsequium, prebendo alijs laudabilis imitationis exemplum. Sane attendentes sincere ac constantis deuotionis et fidei merita, quibus vir Magnificus Stephanus Vegle et Modruxij Comes, affinis et fidelis noster dilectus, erga maiestatem nostram euidentibus operibus claruit, ipsius quoque grandia, vtilia et fructuosa seruicia, que nobis hactenus, persone et rerum suarum non parcendo periculis, laboribus et sumptibus, indefexe prestitit, ac ad presens prestat ac prestare poterit vtiliter in futurum, ex quibus nedum sibi, sed suis eciam posteris ostendere nostre liberalitatis gratiam obligamus, eidem Comiti harum serie de certa sciencia nostra concedimus, quod in casu, quo eundem Comitum subtrahi ab hac luce contigerit, legitimis liberis masculis ex suo corpore non relictis, in eo casu magnifica infantula Elizabeth, eiusdem Comitis filia primogenita et legitima ac si esset masculus, et legitime descendentes ex ea, qui tunc superstites fuerint, succedant et succedere debeant eidem Comiti in dicto comitatu Vegle et Modruxij, omnibusque alijs terris, castris, villis et bonis, que ad presens idem Comes habet et possidet, ac habere et acquirere poterit iusto titulo in futurum, et ad eos in premissis casu huiusmodi successio deuoluatur. Nos enim iam dictam Elizabeth, et legitime descendentes ex ea, ex nunc in casu premissis ad successionem huiusmodi et omnes alios actus legitimos ac quelibet alia ad successionem ipsam pertinentia, de dicta certa nostra sciencia et Regie nostre potestatis plenitudine, habiles reddimus et capaces, Lege uel constitutione Regni nostri Hungarie contraria non obstante. Nec eciam obsistentibus quibuscumque litteris, cedulis uel scripturis, factis per recollende memorie dominum Ludovicum dei gracia Vngarie Regem etc., Reuerendum dominum patrem nostrum, aut alijs quibuscumque seu per nos uel alios similiter factis uel imposterum faciendis, de translacione huiusmodi successionis et ipsius comitis bonorum in alium quemcumque et illius habilitacionem ad successionem eandem, quas et que de dicta certa nostra sciencia tollimus et reuocamus, ac viribus et efficacia totaliter vacuamus. In cuius rei testimonium presentes litteras exm.... fieri et pendenti Maiestatis nostre sigillo iussimus communiri. Datum Bude anno domini Millesimo trecentesimo octuagesimo sexto, die vicesimo secundo Januarij, none Indiccionis, Regnorum nostrorum Vngarie, Dalmacie etc. anno primo, Jerosolimi uero et Sicilie anno quinto.

*(Ab inferiori parte sigillum rubrum pendens.)*

Orig. membrana in Archivio Regni Croatiae. N. R. A. Fasc. 1592. N. 5.

**CXIII.***Anno 1387. Budae.*

**Sigismundus Rex Dalmatinos ac Croatas ad fidelitatem,  
Regi ac Regno debitam, hortatur.**

Sigismundus Dei gratia Hungariae, Dalmatiae, Croatiae etc. Rex, ac Marchio Brandenburgensis, fidelibus suis universis Nobilibus et alterius conditionis hominibus, in Regnis nostris Dalmatiae et Croatiae existentibus, salutem et gratiam. Fideles nostri dilecti! Licet Joannes de Hericart, pridem Banus, et Joannes (de Palisna), gerens se pro priore Auranae, Sacrae Coronae, et Regni Hungariae, et nostrae Maiestatis speciales aemuli, in Regnis nostris grandia hactenus commisissent scelera, et iam, ut communis asserit relatio, se perpetrare, quod non credimus, disponunt; tamen altissimo annuente in brevi, una cum fidelibus nostris Praelatis et Baronibus Regni Hungariae deliberabimus opportuna exhibere obstacula, et tales nostros rebelles de eorum protervia digne emendare; quare requirimus vestrae fidelitatis universitates, vobisque serius committentes, quatenus in fidelitate, qua hactenus sacrorum Regum temporibus vestri Praedecessores, ac etiam vos fideles fuistis, et adhuc vos esse firmiter speramus, persistere debeatis, eisdem ipsis aemulis viriliter resistendo; de quo vobis et cuilibet vestrum volumus generosius reminisci. Datum Budae in die Caenae Domini. Anno eiusdem MCCC.LXXX septimo.

Lucius. De Regno Dalm. et Croat. Lib. V. cap. II.

**CXIV.***Anno 1387. 1432. 1451. 1481.*

**Mathias Rex privilegia, incolis Scrisiae seu Bagi a Comitibus Corbaviae a. 1387, 1432, 1451 concessa, his literis,  
a. 1481 die 29. Decembris Budae datis, confirmat.**

Nos Mathias, Dei gracia Rex Hungarie, Bohemie etc. Memorie commendamus tenore presencium significantes, quibus expedit vniversis, quod Nobilis Mirko, filius Georgij Mirkowych de Scrisia, nostre Maiestatis veniens ad

20\*

conspectum, in sua ac ceterorum Nobilium, Ciuium et Incolarum Ciuitatis et terre nostre Scrisie siue Bag vocate, exhibuit nobis et presentauit quedam priuilegia, pendentibus sigillis confecta, que in se nonnullas libertates et prerogatiuas libertatum eiusdem ciuitatis et terre nostre continuisse dinoscebantur. Sed quoniam eadem priuilegia, siue propter malam et incautam eorundem conseruacionem, siue propter alium quemcunque casum adeo corrupta et vt apparebat aquis destructa erant, ut earum series verbalis nullo modo a quocunque plene et bono modo perlegi poterat; obtulit igitur simul etiam quasdam copias siue exempla eorundem Priuilegiorum, vt dicebat per manus Notarii publici, antequam Priuilegia ipsa totaliter fuissent corrupta, exemplata et transsumpta, tenorum infrascriptorum, supplicans Maiestati nostre humiliter, vt eadem Priuilegia scilicet et omnia et singula in prescriptis copiis et exemplis eorundem contenta, rata, grata et accepta habentes, pro eisdem ciuibus et inhabitatoribus ciuitatis et terre nostre predictae perpetuo valitura roborare dignaremur; quorum quidam Priuilegiorum siue exemplorum eorundem prioris tenor sequitur in hec verba: Nos Johannes, filius olim bone memorie Thome, ac Paulus et Carolus, filij similiter olim felicitis recordacionis Caroli Comitis Corbaue etc., memorie commendamus tenore presencium significantes quibus expedit vniuersis, et quorum in presentia presens pagina nostra peruenerit, Manifestum confitemur, quod aduenientes nostri in conspectum Nobiles et prouidi viri Georgius Myrkowych, Nicolaus Jursych et Matheus Bugnich, ciues et habitores loci Scrisiensis, sua et vniversorum ciuium et habitatorum loci predicti Scrisiensis in personis, exhibuerunt nobis quasdam litteras priuilegiales predecessorum nostrorum, Clarissimorum Comitum Corbaue, Pociteli et Scrisie, in ipsorum premissorum ciuium et habitatorum loci predicti Scrisiensis et liberas eorundem libertates perpetue et inreuoocabiliter duraturas confectis et emanatis sub eorum sigillis consuetis appensione communitas; per fidelia eorundem, vt dicitur, opera exercenda, nec non status decorare cupientes per eosdem, quos semper ab antiquo tempore in suis immunitatibus, consuetudinibus et libertatibus a Regibus et principibus antea habuerunt, retribuendo; — suplicantes nos humiliter ac debita cum instantia, vt easdem litteras, ratas, gratas et acceptas habentes, Nostrum beniuolum consensum pariter et assensum prebentes, nostro Priuilegio approbare, ratificare et confirmare dignaremur; quorum tenor sic incipit: Nos Nicolaus, Tomas et Butcho, filii olim Comitis Budislai, et Paulus, filius olim Comitis Caroli, et Carolus, filius olim Comitis Gregorij, Corbaue, Lyche, Bussane, Scrisie Domini et Comites naturales. Vniuersis et singulis, ad quos presentes peruenerint, notum facimus et manifestum. Quod ad nostram presenciam comparuerunt viri nobiles Vitus Caci-chiewych et Hlapaz Obrosych, Vice et nomine communitatis terre nostre Scrisie siue Bagh, supplicantes humiliter et devote postulantes, vt eis approbaremus et confirmare uolemus eorum iura, libertates et immunitates, ac eorum antiquas consuetudines, quibus omnibus ab antiquo tempore potiti sunt; — nos vero considerantes et uisis dictorum fidelium nostrorum eorumque progenitorum erga nos operum fidelium effectus, nostrosque progenitores, qui semper erga statum nostrum eleuationem et exaltationem non pepercerunt personis suis neque facultatibus, semper persistentes in actu fidelitatis eorum, in nos et in culmine status nostri; que digna opera et fidelia seruicia eorum nos inducunt, vt postulationes condignas, iustas et honestas illis graciose et liberaliter annuere, con-

cedere, confirmare et declarare ualeamus; quia eciam iusticia suadet, reddere unicuique quod suum est: Quapropter nos Comites prenominati, moti propria voluntate ad iustas petitiones, omnes et singulas eorum antiquas consuetudines, libertates et immunitates, ac eorum iura, quibus ab antiquo tempore potiti sunt, et nunc potiuntur et vtuntur ex confirmationibus Regalibus et nostrorum progenitorum ..... Item declaramus et confirmamus metas et confinia sui districtus, quibus semper potiti sunt ab antiquo tempore, videlicet incipiendo a parte Boreali dicti Burgi nostri Scrisie, a loco dicto Belwischa Draga iuxta mare, inde ascendendo superius versus trauersum ad partem Borealem locorum dictorum Stanischa, et sic recto tramite ad locum dictum Dubaz, deinde ad Ledenyze, exinde vero ad australem plagam ad locum dictum stupize, deinde recto tramite ad cerne stine, vsque ad locum dictum Bani stany, deinde versus quirinalem plagam eundo inferius ad mare in Dragam, que dicitur Moschiena, iuxta mare, et has eis volumus imponere metas, vt nullus Vallachus vel alter quicumque aliqualiter sit ausus infradictas metas manere vel pascere aliqua animalia, seu facere aliquod laborarium, sub pena librarum centum, soluendarum ciuitati Scrisie, videlicet Comiti et iudicibus, qui pro tempore erunt. Item damus, concedimus et confirmamus predictis fidelibus nostris Scrisiensibus, vt et semper habuerunt, quod possint pascolare eorum animalia in planitijs montane nostre, extra eorum predicta confinia et metas et in planicijs incedere fena, arare, seminare, ac uallibus dicte montane incidere lignamina et trahere versus locum suum, quin ex his nobis valeat utilitas, sine contradictione alicuius. Quibus omnibus predictis et quolibet predictorum per nos datorum, concessorum et declaratorum, volumus perpetuis temporibus permanere firma, rata et grata, et ab omnibus obseruari debere. In cuius rei testimonium presentes fieri fecimus, et sigilli nostri communis munimine roborari. Datum Obrovacij secundo die mensis Nouembris anno Domini Millesimo trecentesimo octuagesimo septimo. Alterius vero series verbalis est hec: Vniuersis et singulis, presentem paginam ac priuilegium inspecturis, Carolus et Thomas, fratres et filii quondam Comitis Pauli, et Franciscus, filius quondam Buthchi, Dei et Incliti Romanorum Regis semper Augusti gratia Comites Corbauie etc., harum serie notum facimus et manifestum. Quod cum honorum laborum grauitas est fructus et virtutum premia bene meritis, exigente iustitia conferuntur; quare considerantes amplissimam fidelitatem et perfectam seruitutem fidelium nostrorum de terra nostra Scrisie siue Bagh, et ipsorum ac parentum suorum fidelissima opera et seruitia erga nos progenitoresque nostros semper et continue maxima fidelitate ostensa et gesta; idcirco nos Comites suprascripti, volentes merito vniuersitati terre nostre dicte tribuere, damus eidem, et per nos et heredes et successores nostros concedimus in perpetuum omnia et singula in infrascriptis Capitulis contenta; vt omnes et singuli Nobiles, ciues et vniuersitates terre nostre dicte siue filii et heredes merito de bonis operibus sibi tributis contententur. Capitula demum, que a nobis conceduntur, sunt hec, videlicet primo: Confirmamus omnes et singulas veteres vsitationes dicte terre nostre Scrisie siue Bagh, contente et descripte in volumine statutorum dicte terre nostre, ac etiam omnia et singula Capitula, in dicto volumine descripta, vt bona, vera et iusta, factaque cum bonis, veris et iustis ordinibus. Item omnes et singulos fideles nostros, presentes et futuros, de eadem terra nostra facimus exemptos ac liberos in perpetuum de omnibus et singulis suis introitibus quarumcunque suarum possessio-

num, vt puta vinearum, siluarum, agrorum, animalium et quarumcunque aliarum rerum, ubicunque habentium et reperientium, ab omni datio, gabela aut targovina. Item omnes et singulos fideles nostros, presentes et futuros, facimus exemptos et liberos ab omni angaria reali et personali, in emendo siue destinando, in exercitu aut hostilicio siue voyscina sclauae, aut pro causis dictis soluendo quomodocunque aut qualitercunque. Item promittimus dictis nostris fidelibus, presentibus et futuris, quod per nos et heredes successoresque nostros nunquam impositiones, taxam sive collectionem aliquam aliquando vel causa ponere eis et suis heredibus amodo in antea in perpetuum volumus; tamen quod dicti fideles nostri teneantur et solvere debeant dacium sive targovinam usitatam iuxta continentia dicti statuti. Item concedimus eisdem fidelibus nostris, ut amodo in antea et in perpetuum eligant ad suum velle et beneplacitum singulo anno iudices duos, qui iudicare debeant in ciuilibus et criminalibus, una cum vice-comite, ad Regimen loci nostri eiusdem destinato singulo anno, et cum per nos de anno in annum destinabitur, qui iuuare teneatur reddere ius et iustitiam petentibus, una cum iudicibus dictis, secundum formam iuris statutorum supranominatorum, bona fide et sine fraude. Quos Vice-Comitem et iudices, qui pro tempore erunt, exemptos facimus et liberos a dicta targovina. Item quod omnes et singule condemnationes pecuniarie, que per dictos Vice-Comitem et iudices fient, diuidant per tertium, due videlicet partes devenire in nos et Comites debeant, tertia vero pars in comune dicte terre nostre. Exemptos denique facimus a dicta targovina omnes fideles nostros dictos de omni eo et toto, id quod in dicta terra nostra et eius districtibus ac extra siue alibi pro suo et domorum suarum usu emerent. Que omnia et singula, in suprascriptis Capitulis contenta, damus, et libere dictis fidelibus nostris concedimus amodo in antea et in perpetuum, promittentes de ratiabitione semper per nos et heredes nostros atque successores perpetuo, ipsa omnia et singula suprascripta firma et rata habere, tenere et non contrafacere uel uenire, per nos uel alium, aliqua ratione uel causa, de iure uel de facto, sed potius ipsos manutenere, defendere, autorisare tanquam fideles nostros et benemeritos. In quorum fidem presentes fieri iussimus nostrorumque sigillorum appensione muniri. Datum sub nostro castro Pocitel, in villa vocata Podgradie, tempore Illustrissimi et Serenissimi Domini Sigismundi, Dei gracia Regis Hungarie, Dalmatie, Croatie et Bohemie nec non Incliti Regis Romanorum semper Augusti, currentibus Annis Domini nostri Jesu Christi natiuitatis eiusdem Millesimo quadringentesimo tricesimo secundo, Indictione decima, die vigesima mensis Octobris. Nos itaque suis iustis, congruis vt puta et legitimis petitionibus annuere volentes, prefatas litteras non abrasas, non cancellatas, nec viciatas repertas, sed omni vicio et suspectione carentes, considerantesque in mentibus nostris et reuoluentes, dignum et congruum esse, dare unicuique quod suum est, iustitia suadente, et precipue digna opera et seruitia fidelia congruis honoribus, comodis, opportunis et amplissimis donis fidelibus suis retribuere seruitia et fidelitates suas, visis etiam et prospectis Priuilegijs predictis et testificacionibus nostrorum Progenitorum de fidelitate et bonis operibus dictorum Nobilium Scrisiensium, eis ostensis et demonstratis, cum effectibus operum, que omnia secuta nos docent, quia etiam nobis unquam desisterunt seruitia bona nec desistunt facere, non parcendo laboribus nec expensis, et in rebus arduis et nostrum statum opportunos semper fidelissimos et promptissimos ad exaltationem culminis status nostri reperimus, et quia, ut notum



est, ciuitatem et locum munitum et tutum non habentes, multociens ob potentiam inimicorum nostrorum derelictis domibus et facultate, pro nostro honore non pepercerunt fidelissime pro nobis et pro exaltatione nostra, et multa alia fidelissima opera et seruitia versus nos et Dominationem nostram ostenderunt pariter et fecerunt, sicut decet seruitores fideles erga dominos suos facere; que quidem nos inducunt cum eis generose se gerere, et ut principum decet bonis et generosis favoribus animos fidelium suorum seruitorum de bono in melius augere; qua de re sincero animo et mente moti ad nobiles Scrisienses, fidelissimos seruitores nostros, propter eorum bona opera et seruitia, inprimis confirmamus, approbamus et ratificamus omnes et singulas consuetudines antiquas, semper Scrisie obseruatas usque in hodiernum, similiter statutis ordinibus eorum, que statuta sunt in quodam volumine libri, et omnes alias eorum libertates, quas ipsi progenitores nostri dederunt, concesserunt et confirmarunt, que in supra dictis Priuilegiis, nominatis in hoc nostro Priuilegio, generose continentur, et sincero animo et mente confirmamus et ratificamus omnia et singula supra scripta, imo tamquam veri domini predictorum Nobilium Scrisiensium pro eorum fidelium seruitiis et laboribus versus nos gestis, de nouo autoritate nostra damus, concedimus et attribuimus omnes suas libertates, immunitates, consuetudines, quas ab antiquo habuerunt. Et hec omnia et singula alia, que in predictis Priuilegiis nostrorum predecessorum, de quibus hoc nostrum Priuilegium facit mentionem, pro predictis Nobilibus Scrisiensibus eorumque heredibus et posteritatibus confirmantes, approbantes, roborantes, ratificantes et nominantes, perpetuo ualituros et memoraturos. In quorum omnium et singulorum robur et testimonium hoc nostrum Priuilegium fieri iussimus, et nostris sigillis pendentibus munientes roborari. Datum in oppido sub Pocitel vigesima septima die mensis Octobris Millesimo quadringentesimo quinquagesimo primo. Nos igitur supplicationibus prefatis Mirchonis Maiestati nostre modo, quo supra, porectis, Regia benignitate exauditis clementer et admissis, prescripta exempla et copias dictorum Priuilegiorum presentibus litteris priuilegialibus sine diminutione et augmento aliquo insertas, quoad omnes earum continentias, clausulas et articulos quosvis, in quantum rite et legitime existunt emanate, viribusque eorum veritas suffragatur, acceptamus, approbamus et ratificamus. Nichilominus vero ut iidem Nobiles, cives et incolae dicte ciuitatis et terre nostre Scrisie et fidelitate et numero eo magis studeant augeri, quo se maiori favore nostro peruenientes esse conspexerint, easdem litteras et ipsarum copias et exempla prefacta ac omnia in eis contenta, pro eisdem perpetuo valitura roboramus et confirmamus harum nostrarum, quibus secretum sigillum nostrum, quo ut Rex Hungarie utimur, est appensum, vigore et testimonio litterarum meritoque. Datum Bude in festo beati Thome Apostoli. Anno Domini Millesimo quadringentesimo octogesimo primo. Regnorum nostrorum, Hungarie etc. vigesimo quarto, Bohemie vero tredecimo.

*Ad propositionem Thome de Erdewd, prepositi Tituliensis.*

Orig. membrana apud Laurentium Mirković Carolopagi, cujus erroribus plenum transumptum accepimus.

## CXV.

1388. die 6. Octobris. Scardonae.

**Foedus inter Spalatenses, Sibenicenses et aliquos nobiles Dalmatiae contra Sigismundi Regis aemulos initum.**

In Christi nomine Amen. Pateat vniuersis et singulis presentes litteras inspecturis, quod egregii viri Dominus Comes Neliptius, natus bone memorie Domini Comitis Constantini, Castellani Scardonensis, suo nomine, Cumulus de Petrarchis de Spaletto Comes, et viri nobiles Thomas Dobruli et . . . . Zori, habentes ad infrascriptam potestatem et baliam a civitate Spalatensi, vice et nomine dicti Comitis; et eidem Domini Comulus Comes predictus ac viri nobiles Doymus Zuratich, Johannes Naplavich, Saracenus Nicolai et Thoma Dominici de Sibenico, auctoritate et balia eis attributa per communitatem Sibenicensem, vice et nomine dicti Comitis; egregius vir Comes Wido Comitis Georgii Vgrenich, per se et nomine Comitis Georgii, fratres; et domina Elisabeth relicta olim Comitis Nicolai, sui fratris, pro quibus promisit de rato, — cupientes sese et terras, loca et bona quaecunque sua dictis nominibus conservare in fidelitatem debitam sacre corone Vngarie ad honorem dicte corone, considerantesque turbines eturbationes varias, quibus precipue regna Dalmatie et Croatiae ad presens affliguntur, maxime per illustrissimum Principem Dominum Stephanum Tuarchonem, regem Bosne, et Dominum fratrem Johannem de Palisna . . . . . et quoscunque alios infideles, inimicos et rebelles sacre corone predictae, ad conservandum commodius fidelitatem, et quia funiculus triplex dificile solvitur, fecerunt inter se et ordinaverunt ligam, vnionem, duraturas vsque ad beneplacitum dicte corone, omni modo, iure et forma, qua melius potest, sub modis, pactis et condicionibus, videlicet: Quod vna pars alteram, et altera alteram teneatur et debeat adiuuare, prestando vna pars alteri consilium, auxilium et favorem contra predictos, et generaliter contra quoslibet infideles, inimicos rebelles dicte corone, et contra prestantes dictis infidelibus, inimicis et rebellibus auxilium, consilium et favorem. Item quod si rebus exigentibus de regno Hungarie aliqua novitas evenierit, dictarum partium non possit nec valeat alicui Principi, Dominio persone, communi vel vniuersitati, nisi cum voluntate aliorum colligatorum liceat offendere inimicos, infideles et rebelles, et prestantes eis auxilium et favorem, absque reprehensione aliqua aliorum colligatorum; pro quibus omnibus attendendis et observandis bona fide, sine fraude, prestiterunt subscriptis nominibus corporale iuramentum, in ecclesia B. Virginis Cathedralis Scardone. Anno nativitatis Domini MCCCLXXXVIII. Indictione XI. die Martis, VI. Octobris. In quorum omnium testimonium quatuor littere ejusdem tenoris sunt confectae, deinde singulis partibus predictis sigillis Domini Neliptii et dictarum communitatum et dicti Domini Widonis a tergo sigillande.

# JURA

REGNI

CROATIAE, DALMATIAE & SLAVONIAE.

Cum Privilegiis, Libertatibus, Articulis et Constitutionibus Diaetarum seu Generalium Congregationum ejusdem Regni, ac Constitutionibus Diaetarum seu Comitiorum Regni Hungariae, idem Socium Regnum spectantibus, ex Corpore Juris Hungarici excerptis.

Edidit

**Joannes Kukuljević aliter Bassani de Sacchi.**

---

**PARS I. VOLUMEN II.**

---







# JURA

REGNI

**CROATIÆ, DALMATIÆ & SLAVONIÆ.**

EDIDIT

JOANNES KUKULJEVIĆ ALITER BASSANI DE SACCHI.

**PARS I.**

---

**ZAGRABIAE, 1892.**

**VELOCIBUS TYPIS DRIS. LUDOVICI GAJ.**

# **PRIVILEGIA & LIBERTATES**

**REGNI**

**CROATIAE, DALMATIAE & SLAVONIAE.**

**EDIDIT**


**JOANNES KUKULJEVIĆ ALITER BASSANI DE SACCHI.**



---

**ZAGREBIAE, 1892.**

**VELOCIBUS TYPIS DRIS. LUDOVICI GAJ.**





## Index partis I.

---

	Pagina
1. Anno 837. 4. Martii. Byacii, prope Salonam. Terpimirus Dux Croatorum affirmat Ecclesiam Salonitanam Metropolim fuisse usque ripam Danubii et pene per totum Regnum Croatorum . . .	3
2. Anno 892. die 28. Septembris. Biacii, prope Salonam. Mučimir Croatorum dux haereditarius confirmat donationem Terpimiri ducis, factam Ecclesiae Salonitanae, communi consilio cunctorum fidelium et Primatum populi . . .	6
3. Anno 914. Spalati. Decreta Croatorum et Serborum in consilio eorum Spalatensi, praesidente Tamislavo Rege Croatorum et Dalmatarum sancita, agente potissimum Legato romano cum praesulibus latino-dalmaticis . . .	8
4. Circa annum 925—959. Comitatus et termini Regni Croatiae, saeculo X. . .	11
5. Anno 927—928. Spalati. Decreta Synodi Spalatensis, praesidente Rege Croatorum sancita, in quibus inter caetera antiqua Statuta et consuetudines Regni Croatiae confirmantur . . .	12
6. Anno 928. Leo VI. Pontifex Romanus, Jadrensem, Nonensem, Scardonensem, Absarensem, Arbensem, Spalatensem et Ragusanum Episcopatum in Croatorum terra fuisse attestatur . . .	13
7. Anno 1069. Nonae. Cresimirus, Croatiae et Dalmatiae Rex haereditarius, Regni Congregationem in urbe sua Nona celebrat, et mare adriaticum dalmaticum nominatum fuisse testatur . . .	14
8. Anno 1071. 8. Julii. Belgradi. Cresimirus, Dalmatinorum et Croatorum Rex, una cum suis principibus, parochias Ecclesiae Arbensis ordinat et inter caetera mentionem župae seu comitatus Lichae et Bužani facit . . .	15
9. Anno 1076. Mense Octobri Salonae. Demetrius Svinimir, unanimi totius Cleri populique consensu Rex Croatorum Dalmatinorumque electus, in Salonitana Basilica S. Petri coronatur, Pontifici romano regnum suum devovet, Sedique Apostolicae Monasterium Vranae donat . . .	16
10. Anno 1076. Primatus totius Dalmatiae et Croatiae regnante Demetrio Svinimiro Archiepiscopo Spalatensi competit . . .	18
11. Anno 1076. Belgradi. Svinimirus Rex Croatorum nominatur Rex Slavorum . . .	18
12. Anno 1076. die 9. Octobris. Svinimir, Croatorum et Dalmatinorum Rex, in fidelium suorum maxima congregatione, assentientibus Praelatis et Baronibus Regni, Ecclesiae Spalatensi Privilegium Terpimiri et Mučimiri confirmat . . .	19
13. Anno 1086 aut 1087. Apud castrum Sibenicum. Post mortem Svinimiri Regis Stephanus Croatorum et Dalmatinorum Rex haereditarius, omnibus nobilibus collaudantibus solium capit . . .	20
14. Circa Annum 1100. Nota anonymi saeculi XII. de Regum et Banorum Croatiae eligendorum modo . . .	21
15. " " 1100. De Regni Croatiae terminis . . .	22
16. Anno 1102. Nota Anonymi contemporanei de juramento Colomani Hungariae Regis Croatis et Dalmatinis de libertatibus ipsorum conservandis praestito . . .	22
17. Anno 1102. Colomanum Hungariae Regem Belgradi supra mare, Dalmatiae et Croatiae Regem coronatum fuisse patet . . .	23
18. Anno 1102. Pacta conventa seu conditiones, quibus duodecim tribuum Croaticarum legati Colomanum Croatiae Regem agnoscent . . .	24

(Part. I. Privil. et Libert.)

	Pagina
19. Anno 1103. die 15. Junii. Colomanus, Hungariae et Croatiae Rex, antiquas donationes Ecclesiae Spalatensi factas, confirmat . . . . .	25
20. Anno 1108. 25. Maji Tragurii. Colomanus, Hungariae, Croatiae et Dalmatiae Rex, se Tragurinatorum libertatem conservaturum juramento spondet praetereaque promittit, quum ad eos, qua Rex Croatiae et Dalmatiae coronandus aut negotia regni cum illis tractaturus venerit, se nemini civium, ut quem hospitio susciperent, vim illaturum esse . . . . .	26
21. Anno 1111. Colomanus Hungariae Rex, Cresimiri Regis privilegium fundationale Ecclesiae Arbensi datum confirmat, unaque Dalmatiae Clericos iisdem libertatibus, quibus Hungariae Clerici fruuntur, donat . . . . .	27
22. Anno 1118. Ordelaufus Faledrus, Venetiarum Dux, se Arbenses suis antiquis libertatibus ac consuetudinibus, prout iis Colomanus Rex sponderat, recturum esse promittit . . . . .	28
23. Anno 1124. Stephanus, Colomani Regis filius, Tragurinis et Spalatensibus, eadem quae Pater ejus Colomanus, juramento promittit . . . . .	29
24. Anno 1143. die 3. Maji. Spalati. Geisa, Hungariae, Croatiae et Dalmatiae Rex, juramentum Colomani Regis, civitatibus Croatiae et Dalmatiae factum, renovat . . . . .	29
25. Anno 1151. Bolus Bannus immo dicitur post Regem in fronte diplomatis Hungarici nominatur . . . . .	30
1. Anno 1151. Geysa II., Hungariae, Dalmatiae Croatiaeque Rex, juramentum Colomani Regis, civitatibus Croatiae et Dalmatiae praestitum, civibus Tragurinis renovat. (Additamenta) . . . . .	483
26. Anno 1169. Stephanus III. Rex, juramentum a Colomano Rege civitatibus Croatiae et Dalmatiae praestitum, renovat . . . . .	31
27. Anno 1173—1196. Status Regni Hungariae, Croatiae et Dalmatiae Bela III. regnante . . . . .	31
28. Anno 1185. Petrus Spalatensis Archiepiscopus, celebrato Concilio, Parochias inter Episcopatus Croatiae et Dalmatiae aequo jure distribuit multasque salutare ordinationes sancit . . . . .	32
29. Anno 1194. die 9. Julii, apud Tinium. Emericus, junior Rex, Regia auctoritate Dalmatiam et Croatiam gubernat . . . . .	35
30. Anno 1195. Jadera. Emericus seu Enricus filius Bolae III. Regis, Dalmatiam et Croatiam, Rex junior, separatim gubernat . . . . .	36
31. Anno 1198. Andreas. Regni Dalmatiae et Croatiae Dux, Regia auctoritate fungitur, atque Episcopatum Pharensensem Archiepiscopatus Spalatino, cui etiam olim suberat, subjicit . . . . .	36
32. Anno 1198. Andreas, Dalmatiae et Croatiae Dux, regia auctoritate fungitur, atque suorum majorum, Geysae et Stephani Regum, dona, Archiepiscopatus Spalatino data, confirmat . . . . .	37
33. Anno 1199. Andreas, Dalmatiae et Croatiae Dux, regio jure utens, urbis Spalati libertates jurejurando confirmat . . . . .	37
34. Anno 1200. Andreas, Dalmatiae et Croatiae Dux, agrum Dub, in suburbio Sibenicensi situm Ecclesiae SS. Cosmae et Damiani regio jure donat . . . . .	38
35. Anno 1207. Andreas Rex Almissanorum atque totius Regni Croatiae privilegia jurejurando confirmat . . . . .	39
36. Anno 1207. Andreas II. Hungariae Rex Spalatinarum atque totius Regni Croatiae jura confirmat . . . . .	40
37. Anno 1209. Andreas II. Rex civitatem Varadinensem propter servitia in captivitate sibi exhibita privilegiis donat et insulam Zrepichar seu Zrepinec ultra fluvium Dravam in circuitu metarum ejusdem civitatis sitae mentionem facit . . . . .	41
38. Anno 1210—1265. Ludovicus Hungariae Rex, privilegium Cetinensi Comiti Joanni a Rege Andrea II. anno 1210 concessum confirmat; eadem occasione duodecim generationum Nobilium Regni Croatiae mentionem facit . . . . .	43
39. Anno 1217. Andreas II. Hungariae Rex privilegia Ecclesiae Zagradiensis confirmat, unaque monetae Regis Hungariae intra ambitum possessionum Episcopi et Capituli Zagradiensis, licet ea nunquam in Regno Slavoniae ab aliquo Hungariae Rege introducta fuerit, extra communem usum ponit . . . . .	46
40. Anno 1218. Privilegium princeps liberorum Comitum Regni Croatiae, in quo Generalium Congregationum Comitatum primo mentio fit . . . . .	47

41. Anno 1224. 9. Kal. Januarii. Bela Rex junior, Croatiam et Dalmatiam auctoritate Regia gubernat, hocque nomine Jobbagionibus de Gorica terram Klokoč in confinio Banali sitam, donat	49
42. Anno 1225. Bela Rex, primogenitus Andreae R. H., Turropoljensium stipites e servitio castri Zagrabienis in coetum Nobilium Regiorum cum plena libertate transfert	51
43. Anno 1226. Kal. Augusti. Spalati. Colomanus, totius Slavoniae Dux, Traguriensi Ecclesiae in Dalmatia praedium regale Drid regali donatione confert	52
44. Anno 1231. die 9. Julii. Amica inter Templarios in Dalmatia et Croatia et Colomanum Slavoniae Ducem diversarium litium compositio a Pontifice Romano Gregorio IX. rati habetur	53
45. Anno 1231. Colomanus, totius Slavoniae Dux, hospitibus ad castellum Walkow in inferiori Slavonia incolentibus immunitates quasdam regia potestate confert	56
46. Anno 1231. Colomanus, totius Slavoniae Dux, ab Andrea fratre in Regno Slavoniae armis petitus, Jobagyonibus castri Roicha (Rovišće?), ob eximiam ea occasione demonstratam fidem, terram Konjska regia potestate donat	57
47. Anno 1233. die 22. Septembris. Colomanus, totius Slavoniae Dux, condiciones initae inter Regem Hungariae et Pontificis Legatum conventionis, se quoque servaturum promittit et iuramento roborat	58
48. Anno 1234. Colomanus Dux villae Verevče (Verovitica) Regia potestate libertates et jura concedit	58
49. Anno 1239. Potestas Ducis Slavoniae ad Comitatum etiam Valkoviensem extenditur, atque apparet, eundem Comitatum secundum consuetudinem regni Slavoniae decimas marturinarum pendere debuisse	59
50. Anno 1240. Colomanus, Slavoniae Dux, communitati Petrinienisi in Confinio Banali sitae potestate regia libertates et jura confert	60
51. Anno 1242. Bela IV. Rex civibus de Samobor insignes libertates, a Colomano totius Slavoniae Duce concessas, confirmat	62
2. Anno 1242. Bela IV. Rex Jadrensis privilegia, eisdem a predecessoribus suis concessa, confirmat (Additamenta)	483
52. Anno 1242. 16. Kal. Decembris. Bela IV. Rex civitati Montis Grečensis seu Zagrabiae insignes libertates et jura confert	63
53. Anno 1246. 6. Kal. Decembris. Bela IV. Rex Demetrii de genere Aba in sacra contra Saracenos expeditione ac filii ejus Alexandri in pugnis contra Tartaros insignia merita recenset ac villis Adrian et Coatar remuneratur	67
54. Anno 1246. die 29. Martii. Lugduni. Innocentius IV. P. M. episcopum Segniensi (Phillippo) dat petitam facultatem divina officia slavice, littera glagolitica, celebrandi	67
3. Anno 1248. In insula leporum. Maria regina hospitibus in Virovitica privilegia tribuit (Additamenta)	484
55. Anno 1252. In Regno Dalmatiae consuetudo pro lege valuit	68
56. Anno 1252—1253. prope castrum Baboč. Bela IV. Rex liberae civitatis privilegium oppido Crisio a Stephano totius Slavoniae Bano concessum confirmat	69
4. Anno 1257. 2. Idus Januarii. Bela IV. Rex hospitibus in Jastrebarska libertates tribuit (Additamenta)	486
57. Anno 1260. In Dobra. His litteris, quibus Bela IV. Rex familiae Frangepanianae districtum Vinodol donat, docetur, locum et fluvium Rika (Fiume) intra limites Regni Croatiae situm fuisse	71
58. Anno 1263. die 21. Decembris. Urbanus IV. Papa Belam, totius Slavoniae Ducem, in protectionem suscipit	72
59. Anno 1246. Comitatum Požeganum in Ducatu Slavoniae comprehensum esse hac bulla Urbani IV. evincitur	73
60. Anno 1264. Nonas Octobris. Bela IV. Rex fratribus Kres, Kupiša et Rak, ex Comitatu Sirmienensi oriundis, ob singularia, quibus occasione invasionis Tartarorum se illustrare, merita, nobilitatem et possessiones quasdam donat	74

	Pagina
61. Anno 1264. Idus Martij. Abbati Toplicensi media pars terrae, quae Kralla vocatur, a Michaelē Comite de Sana, quod in hodierna Croatia turcica erat, possidenda traditur . . . . .	77
62. Anno 1267. Kal. Martii. Bela IV. Rex Cives de Monte Greč seu Zagrabia a solutione omnium tributorum et tricesimarum exemptos reddit . . . . .	78
63. Anno 1269. 12. Kal. Julii. Spalati. Bela, totius Slavoniae Dux, in Regno Dalmatiae auctoritate regia plene usque adeo fungitur, ut in diplomatibus ab eo editis ne Regis quidem nomen memoretur . . . . .	79
64. Anno 1271. In Bihać. Amica conventio, inter communitatem civitatis Bihać, nunc in Croatia Turcica sitae, et Conventum Toplicensem inita . . . . .	79
65. Anno 1272. 10. Augusti. Budae. Ladislaus, Hungariae et Croatiae Rex, civibus Spalatensis mandat, ut in signum fidelitatis suos extraneos iudices e civitate expellant et quatuor conspicuos viros negotia Regni Croatiae cum Rege ordinaturos mittant . . . . .	80
66. Anno 1272. die 14. Junii. Spalati. Archiepiscopus Spalatensis provinciam Likam Episcopatu Nonensi cedit . . . . .	81
67. Anno 1274. pridie Calend. Junii. Ladislaus Rex populum Ecclesiae Zagrabienſis a pendendis collectis marturinarum undecim et septem denariorum in Regno Slavoniae consuetis, liberat . . . . .	82
68. Anno 1275. Elisabetha Regina nobiles Comitatus Verevče, ultra fluvium Dravum seu in Hungaria in jus vocari non posse statuit . . . . .	83
69. Anno 1275. die 4. nonas Decembris. Ladislaus IV. Rex populos Stephani filii Michaelis, in Banatu Slavoniae habitantes, a marturinſis et a zaluzina, Slavoniae Bano pendenda, immunes declarat . . . . .	85
70. Anno 1277. Ladislaus Rex Timotheo Episcopo Zagrabienſi ejusque successoribus Comitatum Gerzenſe seu Berzenſe una cum collectis marturinarum et septem denariorum ac zaluzinarum confert . . . . .	86
71. Anno 1279. Ladislaus Rex privilegium Nicolai Bani totius Slavoniae de libertatibus Nobilium Campi Zagrabienſis transmittit et confirmat . . . . .	87
72. Anno 1279. Comitatum Wolkow (Valkoviensem) jurisdictioni Ducis totius Slavoniae subjectum fuisse patet . . . . .	88
73. Anno 1279—1419. Privilegia Comitatus Nobilium Praedialium castri et oppidi Reicha seu Roviſce, nunc in confinio militari siti . . . . .	89
74. Anno 1283. 12. Maji. Spalati. Joannes, Spalatensis Archiepiscopus et totius Dalmatiae, Croatiae, Slavoniaeque Primas, Episcopum Scardonensem, ne in alienis Dioecesibus potestatem ordinis et jurisdictionis episcopalis exerceat, serio monet . . . . .	95
75. Anno 1285. Radislaus, Comes de Glass, Verbas et Sana (nunc in Croatia Turcica), agrum et insulam Tymor Abbatis Toplicensis reddit . . . . .	96
76. Anno 1289. Tertio Idus Junii. Ladislaus IV. Rex Joanni et Leonardo Comitibus de Vinodol, Modruſ et Veglia possessiones nec non jus patronatus Ecclesiae Corbaviensis et Senyensis confirmat . . . . .	97
77. Anno 1293. die 12. Maji. Spalati. Archiepiscopus Spalatensis totius Dalmatiae, Croatiae et Slavoniae Primatum habuit . . . . .	98
5. Anno 1298—1307. Chasmae. B. Augustinus, Zagrabienſis Episcopus, privilegium liberae villae sub castro Ugra in Comitatu Zagrabienſi, a praedecessore suo Michaelē concessum, confirmat (Additamenta) . . . . .	488
6. Anno 1203. in Crastino Pentecostes. In Hocucha. Mladinus Šubić, Bosnae et Croatorum Banus, Spalatensibus immunitatem Commerciſ et alia privilegia concedit (Additamenta) . . . . .	490
7. Anno 1307. die 4. Januarii. Scardonae. Privilegium a Paulo, Croatorum Bano et Bosnae Domino, Arbensi communitati concessum (Additamenta) . . . . .	491
78. Anno 1320. die 23. Septembris in Vrbaz, et 1321. die 8. Novembris in Castro Oklić. Johannes, totius Slavoniae Banus, vectigalia in districtu Rakonok (Rakovec) exigenda Nicolao Ladislai de Rakonok filio auctoritate regia cedit . . . . .	99
79. Anno 1324. Crisii. Nicolaus, totius Slavoniae Banus, generalis congregationis nobilium Regni Slavoniae et denariorum banalium mentionem facit . . . . .	101
80. Anno 1325. die 9. Februarii. In Visegrad. Carolus Robertus Rex privilegia a Bela IV. Rege civibus Zagrabienſibus collata confirmat . . . . .	102

81. Anno 1325. In Vissegrad. Statutum Carolis Regis, quo decernitur, incolas Banatus Slavoniae unius Bani jurisdictioni subesse, nec a quoquam coram Palatino aut Curiae Regiae aut quocunque alio iudice in jus vocari posse . . . . .	103
82. Anno 1328. 11. Kal. Octoris. In Bruk. Ulricus de Walse, Styriae Capitaneus, districtum quemdam inter fluvios Muram et Dravam situm, Carolo Regi cedit . . . . .	104
83. Anno 1329. mense Julio. In Vissegrad. Carolus Robertus Rex privilegia, civibus Zagrabien-sibus collata, iterum confirmat . . . . .	105
84. Anno 1334. IV. Non. Junii. Carolus Robertus Rex M. Donch, Comiti Zoliensi, castrum Comarom loco castrorum Štrigov et Čaktornja, in insula inter Muram et Dravam sito-rum, donat . . . . .	106
85. Anno 1339. Zagrabiae. Provinciam Metlikam una cum Sihestain, Sichemberg et Gracham (nunc in Carniolia) intra ambitum Dioecesis Zagrabien-sis esse sed ab Equitibus Theutonicis tempore bellorum, in Hungaria exortorum, a Croatiae Regno avulsa fuisse, demonstratur . . . . .	108
86. Anno 1344. 11. Novembris Zagrabiae. Nicolaus totius Slavoniae Banus, jus et lucrum Ca-merae Banalis, omnibus Regni Nobilibus in unum congregatis consentientibus, Jacobo, civi Grecensi, 300 marcis denariorum novae monetae banalis locat . . . . .	110
87. Anno 1345. Clemens PP. VI. provinciam Metlikam intra ambitum Dioecesis Zagrabien-sis esse agnoscit . . . . .	111
88. Anno 1347. FERIA 5 ante dominicam Oculi. Zagrabiae. Privilegium oppido Krapina a Lu-dovico I. Rege concessum . . . . .	113
89. Anno 1349. Zagrabiae. Loci inter Savum et Dravam, in quibus tributa injusto modo exigebantur . . . . .	114
90. Anno 1350. Sabatho proximo ante Dominicam Laetare. In Toplica. Paulus de Vgal, totius Slavoniae et Croatiae Banus, quosdam articulos, praestationes hominum Abbatiae Toplicensis attinentes, e privilegiis eidem Abbatiae ab Andrea II. a. 1211 et 1213 datis, transsumit . . . . .	116
91. Anno 1350. die 10. Julii. Budae. Stephanus, totius Slavoniae, Croatiae et Dalmatiae Dux, antiquas libertates civium Zagrabien-sium tuetur . . . . .	118
92. Anno 1350. 3. Kal. Novembris. Ludovicus, Hungariae et Croatiae Rex, Stephano Lacković, Transylvaniae Vojvodae, ob insignia bello Neapolitano parata merita, castra Osztrog (Štrigovo) et Csaktornya (Čakovec) inter Muram et Dravam (Medjumurje) sita, donat . . . . .	118
93. Anno 1351. 6. Kal. Aprilis. Budae. Elisabetha, Hungariae Regina, Regis Ludovici mater, dona-tionem duorum inter fluvios Dravam et Muram sitorum castrorum, a filio suo Stephano Lac-ković factam, confirmat . . . . .	123
94. Anno 1354. die 15. Mai. In castro Ivanich. Stephanus, totius Slavoniae, Croatiae et Dalmatiae Dux, nonnullos Nobiles Jobbagiones Castri Moroucha (Moravče) veros Nobiles creat . . . . .	124
95. Anno 1357. die 14. Decembris. Ad civitatem Nonam. Joannes Chuz, totius Croatiae et Dal-matiae Banus, libertates ac privilegia civitatis Sibenici regia potestate confirmat . . . . .	125
96. Anno 1358. die 18. Februarii. Tabulae pacis inter Ludovicum I. Regem ac Ducatum Ven-etum initae, qua tota Dalmatia revindicatur . . . . .	127
8. Anno 1358. die 20. Februarii. Venetiis. Tabulae pacis inter Ducem Joannem Delfino et Lu-dovicum I. Hungariae Regem initae (Additamenta) . . . . .	492
97. Anno 1358. XVII. Kal. Januarii. Ludovicus, Hungariae Rex, jura et libertates Sibenicensibus a Johanne Bano concessa, confirmat et auget . . . . .	139
98. Anno 1359—1377. In Vissegrad. Privilegium Ludovici I. Regis, quo incolae Regni totius Slavoniae ab omni alia praeter unius Regni hujus Bani jurisdictione eximuntur . . . . .	132
99. Anno 1362. Zagrabiae. Transsumptum privilegii hospitibus in oppido Pernja (nunc in banali confinio) a Bela, juniore Rege, a. 1225 concessi, a Capitulo Zagrabien-si a. 1362 factum . . . . .	133
100. Anno 1364—1391. Superius Privilegium. Regno Croatiae a Ludovico Rege anno 1359 da-tum, a. 1364 confirmatur, atque a Capitulo Časmensi a. 1391 transsumitur . . . . .	135
101. Anno 1360. die 27. Augusti. Spalati. Districtum Cetina sub jurisdictione Bani Dalmatiae et Croatiae fuisse, hocce documento probatur . . . . .	137

102.	Anno 1371. In Vissegrad. Ludovicus Rex Magistro Saracheno, Camerarum-Syrmienensis et Quinqueecclesiensis Comiti, insulas Absarum et Cherso, in Regno Dalmatiae sitas, et quidem cum iisdem praerogativis, quibus alii nobiles Regnorum Dalmatiae et Croatiae suas possessiones conservant, donat . . . . .	139
103.	Anno 1375. 12. Aprilis Spalati. Comitatum Tinniniensem in Regno Croatiae fuisse patet . . . . .	140
104.	Anno 1375. 15. Junii. Dalmatia generali Slavoniae nomine comprehensa . . . . .	142
105.	Anno 1377. die 31. Octobris. Zolii. Ludovicus Rex litem, coram Iudice Curiae motam, Slavoniae Bano, competenti iudici, decidendam tradit . . . . .	143
106.	Anno 1382. Zagrabiae. Ludovicus I. Rex libertates et privilegia civitatis Cattari confirmat . . . . .	144
107.	Anno 1381. die 8. Augusti. Taurini. Pacis a Rege Hungariae, Januensibus, Paduanis et Patriarchatu Aquilegensi Taurini factae instrumentum, quo Ludovico, Hungariae, Dalmatiae et Croatiae Regi et ejus successoribus Dominium totius Dalmatiae confirmatur . . . . .	145
108.	Anno 1383. 5. Novembris. Jadae. Elisabetha, Hungariae Regina, jura, statuta ac libertates Sibenicensiam confirmat . . . . .	148
109.	Anno 1383. die 5. Novembris. Jadae. Eadem Elisabetha Sibenicensis a Vlahis defendi praecipit . . . . .	149
110.	Anno 1383. Budae. Maria Regina civibus Ragusinis privilegium vendendi salis ac vini confirmat . . . . .	150
111.	Anno 1383. Eadem Maria Ecclesiae Traguriensi sigillum authenticum privilegio confert . . . . .	151
112.	Anno 1386. 22. Januarii. Budae. Carolus Rex Stephano, Vegliae et Modrušae Comiti, eam largitur gratiam, ut, si hic absque masculo haerede decesserit, omnia ejus bona in filiam Elisabetham transeant . . . . .	153
113.	Anno 1387. Budae. Sigismundus Rex Dalmatinos ac Croatas ad fidelitatem, Regi ac Regno debitam, hortatur . . . . .	155
9.	Anno 1387. 22. Julii. In Sutiska. Tvartko, Bosnae Rex, communitati Clissae privilegia concedit (Additamenta) . . . . .	493
114.	Anno 1387. 1432. 1451. 1481. Mathias Rex privilegia, incolis Scrisiae seu Bagi a Comitibus Corbaviae a. 1387, 1432, 1451 concessa, his literis, a. 1481 die 29. Decembris Budae datis, confirmat . . . . .	155
115.	Anno 1388. die 6. Octobris. Scardonae. Foedus inter Spalatenses, Sibenicensis et aliquos nobiles Dalmatiae contra Sigismundi Regis aemulos initum . . . . .	160
116.	Anno 1388. 19. Januarii. Spalati. Spalatenses Sigismundi Regis protectionem unaque privilegiorum suorum confirmationem quaerunt . . . . .	161
10.	Anno 1390. die 11. Junii. In Sutiska. Stephanus Tvartkus, Bosnae Rex, Sibenicensibus promittit, se eorum libertates, eidem a Ludovico Hungariae Rege concessas, conservaturum (Additamenta) . . . . .	493
11.	Anno 1390. die 22. Julii. In Sutiska. Stephanus Tvrdko, Rasciae et Bosnae Rex, jura et libertates Insulae Brachiae, eidem a Ludovico Rege concessa, confirmat (Additamenta) . . . . .	495
12.	Anno 1390. die 30. Augusti. In Sutiska. Stephanus Tvartko, Rasciae et Bosnae Rex, Spalatensi Ecclesiae protectionem spondet (Additamenta) . . . . .	498
117.	Anno 1395—1402. Posonii. Sigismundus Rex Ludovici Regis privilegium, sub Nro. XCVIII. adductum, confirmat . . . . .	163
118.	Anno 1395. die 10. Octobris. Spalati. Andreas, Archiepiscopus Spalatensis, cum Joanne Comite Neluptio de decimis ecclesiasticis amicam conventionem, praesente Vicebano Dalmatiae et Croatiae ac compluribus Nobilibus Croatiae, init . . . . .	165
119.	Anno 1396. 24. Junii. Nonae. Sigismundus Rex insulam Pagum a dominatione Jadrensi liberam declarat . . . . .	167
120.	Anno 1397. 26. Octobris. Temesvarini. Sigismundus Rex Dalmatinis civitatibus spondet, se Segniam venturum, ibique Diaetam generalem celebraturum esse . . . . .	167
121.	Anno 1397. Budae. Sigismundus Rex insulas Chersum et Absarum, ab Elisabetha Regina magistro Joanni Saracheno datas, Nicolao Gara, Bano, donat . . . . .	168
122.	Anno 1398. In Diaco. Sigismundus Rex Nicolao de Gara, Bano, ejusque fratri Joanni insulas Absarum et Cherso una cum omnibus earundem proventus donat . . . . .	169

	Pagina
123. Anno 1398. In Gara (Goryan). Diocesis Zagrabienſis ultra Murum fluvium extenditur . . .	170
124. Anno 1398. In Gara. Nicolaus de Gara, Regnorum Dalmatiae, Croatiae et Slavoniae Banus, Privilegium Regni de libera Protonotharii electione confirmat . . .	171
125. Anno 1399. In Šikloš. Nicolaus et Joannes de Gara, Bani, Episcopatum Absarenſem fratri Nicolao de Šikloš conferunt . . .	172
126. Anno 1401. die 22. Aprilis. In Pachoch. Comitatum Tinin enſem in Regno Croatiae attum, ibique marturinas tributi nomine datas faisse, hoc St. ismundi Regis privilegio fit manifestum . . .	173
127. Anno 1403. die 14. Augusti. Jadrae. Vladislaus Rex privilegia, insulae Brachiae a prioribus regibus et principibus concessa, confirmat . . .	174
128. Anno 1406—1470. Privilegium Sigismundi Regis, de Decimis a Regnicolis Regni Slavoniae Episcopo Zagrabienſi secundum antiquam consuetudinem praestandis, anno 1406. exaratum et a Blasio Magyar, Regnotum Bosnae, Dalmatiae, Croatiae et Slavoniae Bano, a. 1470 transsumptum . . .	176
129. Anno 1412. 3. Februarii. Budae. Sigismundus Rex modum solvendae Banis a civitate Tra- gurio tergovinae (tributi) determinat . . .	177
130. Anno 1412. Kal. Novembris. Sigismundus Rex Nicolao Vegliae Comiti possessionem Vegliae et minorum ad eam pertinentium insularum confirmat . . .	178
131. Circa annum 1416—1418. Constitutiones Nobilium Regni Slavoniae, in generali Congrega- tione latae, a Hermanno Comite Cillae et Zagoriae Regni Slavoniae Bano, confirmantur . . .	179
132. Anno 1418. Transsumptum Davidis Lacak de Zantho, Regni Slavoniae Bani, anno 1418 fac- tum, continensque: 1. Statutum Sigismundi Regis, anno 1414 Nobilibus Comitatum Crisiensis et Zagrabienſis exaratum, quo vi generalis Decreti toti Regno dati constituitur, ut solummodo tempore Generalium Congregationum in jus vocari possint. 2. Alterum ejusdem Regis, anno 1417 exaratum statutum, quo quantas Capitula in obeundis publicis muniis taxas erigere possint, constituitur. 3. Bullam a Benedicto XII. anno 1334. exaratum, et a Sigismundo Rege anno 1417. transsumptam, qua abusus circa suicidarum sepulturam tolluntur . . .	185
133. Anno 1432. Statutum Sigismundi Regis, de Marturinſis in Regno Slavoniae secundum anti- quam consuetudinem ejusdem Regni dicandis et exigendis, anno 1432. exaratum . . .	190
134. Anno 1434. Edictum a Sigismundo Rege a. 1434 datum, de tributis exigendis, militibusque contra Haereticos et Turcas cogendis, in quo juris liberae electionis Regni Capitanei prima mentio occurrit . . .	192
135. Anno 1435. die 4. Aprilis. Posonii. Insulam Vegliam ad Coronam et Regnum Croatiae perti- nuisse, hoc Documento probatur . . .	194
136. Anno 1435. 7. Aprilis. Tininiſi. Sedem judicariam Tininiensem in Regno Croatiae fuisse in eaque juxta consuetudinem Regni Croatiae justitiam administratam fuisse, hocce documento docetur . . .	198
137. Anno 1439. Matko de Thalovec, Regni Dalmatiae, Croatiae et totius Slavoniae Banus, jus Statuum et Ordinum Regni Slavoniae Prothonotarium eligendi confirmat . . .	199
138. Anno 1442. Die festo Corporis Christi. Clissae. Petrus de Talovec, Dalmatiae et Croatiae Ba- nus, suis Castellanis et Vice-Castellanis, in Comitatibus Cethinae et Clissae existentibus, man- dat, ut decimas, propter quamdam inter Coronam Hungariae et Regnum Dalmatiae exortam differentiam ab Ecclesia Spalatensi abalienatas, eidem Ecclesiae imposterum reddant . . .	201
139. Anno 1457. die 24. Februarii. Budae. Decretum Ladislai Regis de proventibus mardurinalibus in Regno Slavoniae eodem modo dicandis et exigendis, quo proventus lucri camerae in Regno Hungariae dicantur et exiguntur . . .	203
140. Anno 1458. 2. die festi Penthecostes. Albae Regiae Decretum antecedens Regis Ladislai de proventibus Mardurinalibus solvendis a Mathia Rege anno 1458. confirmatur . . .	204
141. Anno 1462. Sabatho proximo post festum Ascensionis Domini. Budae. Cautela Statuum et Or- dinum Regni Hungariae et foederatorum Regnorum anno 1462. consignata de nulla contri- butione praestanda . . .	206
142. Anno 1462. Feria 2. post festum Ascensionis Domini. Budae. Mathiae Regis promissum de non exigenda a Nobilibus Regni Hungariae contributione anno 1462. factam, atque speciatim Regno Slavoniae exaratum . . .	207

143.	Anno 1467. In Korneuburg. Mathias Rex SS. et OO. Regni Slavoniae jus eligendi Regni Capitaneum confert . . . . .	208
144.	Anno 1468. Sabbatho proximo post festum S. Francisci Confessoris. Posonii. Mathias Rex omnibus Regni sui Slavoniae possessionatis hominibus praecipit, ut decimas, Episcopo Zagrabienſi debitas, praestent . . . . .	209
145.	Anno 1447. In festo B. Margarethae. Budae. Amica inter Regni Slavoniae Nobiles et Zagrabienſem Episcopum Osvaldum de praestandis decimis Conventio a Mathia Rege anno 1474. confirmatur . . . . .	211
146.	Anno 1477. die 18. Novembris. In Korneuburg. Mathias Rex universos Regni Slavoniae Nobiles, de defendendo Regno acturos, ad generalem a Bano indicendam Congregationem venire jubet . . . . .	213
147.	Anno 1480. die 28. Novembris. Crisii. Nobiles Regni Slavoniae in generali sua Congregatione in Zdenc celebrata cum Episcopo Zagrabienſi Osvaldo de decimis conveniunt . . . . .	215
148.	Anno 1481. Crisii. Banus Ladislaus de Egervara una cum Nobilibus Regni Slavoniae, quanta telonia et vectigalia in Regno solvenda sint, in Regni Congregatione, prope Zagrabiam servata, determinat . . . . .	217
149.	Anno 1481. 43. Julii. Budae. Mathias Rex incolis Slavoniae jus salem vendendi tribuit . . . . .	220
150.	Anno 1484. die 30. Augusti. Budae. Mathias Rex priora sua decreta de decimis Episcopatus Zagrabienſis hoc novo confirmat . . . . .	221
151.	Anno 1490. In Castris prope villam Farkashyda. Diploma inaugurale Vladislai Regis, Regno Croatiae separatim datum . . . . .	223
152.	Anno 1491. die 16. Aprilis. Budae. Vladislaus Rex omnes Regni Slavoniae possessionatos homines de pace cum suis adversariis inita edocet, unaque eosdem rogat, ne ab obedientia et a devotione erga illum alio flecti et moveri se permittant . . . . .	227
153.	Anno 1494. die 14. Novembris. Budae. Vladislaus Rex Ladislao de Kanisa, Regni Dalmatiae Croatiae et Slavoniae Bano, mandat, ne Regni Slavoniae Nobiles ad militandum extra limites Regni adstringat . . . . .	228
154.	Anno 1495. Inter octavas Resurrectionis Domini. Crisii. Joannes Corvinus, Liphoviae Dux, Regnorumque Dalmatiae, Croatiae et Slavoniae Banus, nobilem Hungarum Joannem Gyulay, SS. et OO. Regni Slavoniae consentientibus, salvo jure Regni, Vice-Banum nominat . . . . .	230
155.	Anno 1496. die 4. Decembris. Budae. Mandatum, a Vladislao Rege Regni Slavoniae Tricesimatoribus datum, ut a novo, contra antiquas libertates et consuetudines Regni ejusdem inducto exactionum modo, abstineant . . . . .	231
156.	Anno 1496. 4. Decembris. Budae. Vladislaus Rex antiquam legem et consuetudinem Regni Slavoniae, qua ejusdem Regni Banus suos Vicebanos solummodo e gremio possessionatorum Incolarum eligere poterat, confirmat . . . . .	232
157.	Anno 1496. 4. Decembris. Budae. Vladislaus Rex Regno Slavoniae jus appellationis ad Tabulam Banalem confirmat . . . . .	233
158.	Anno 1496. 8. Decembris. Budae. Vladislaus Rex Regno Slavoniae nova arma et sigillum confert . . . . .	234
159.	Anno 1498. In Vigilia festi s. Corporis Christi. Budae. Vladislaus Rex antiquam consuetudinem Regni Slavoniae, ut Prothonotarius Regni tempore depositionis ab officio cujuslibet Bani ejusdem Sigillum in medium SS. & OO. afferre teneatur, confirmat . . . . .	236
160.	Anno 1498. In Dominica Invocavit. Budae. Vladislaus Rex pro Regno Slavoniae, ut in eodem Regno tria solummodo loca credibilia habeantur, contra Constitutionem Diaetae Regni Hungariae, dispositionem facit . . . . .	237
161.	Anno 1498. In Dominica Invocavit. Budae. Vladislaus Rex edictum Regni Slavoniae, vi cujus nemini licitum erat, a Rege privilegium novi Teloni sine scitu universitatis Regni Slavoniae impetrare, confirmat . . . . .	238
162.	Anno 1498. FERIA 2. post Dominicam Invocavit. Budae. Vladislaus Rex Tricesimatoribus Regni Slavoniae, ut in eodem Regno antiquas libertates et consuetudines quoad taxationem manteneant, mandat . . . . .	240



	Pagina
163. Anno 1499. die 5. Februarii. Budae. Vladislaus Rex Regno Slavoniae jus appellationis ad forum Banale confirmat . . . . .	241
164. Anno 1499. Feria 4. post festum Resurrectionis Domini. Budae. Vladislaus Rex slavonica subsidia et pecunias mardurinales non pro suo privato commodo, sed tam pro Regno Hungariae quam etiam Slavoniae, et potissimum pro solutione Banorum et pro conservandis finitimis castris istius Regni exigere velle se litteris his declarat . . . . .	242
165. Anno 1499. die 21. Octobris. Budae. Vladislaus Rex Vicario et Capitulo Zagradiensi, ne causas spirituales Regnicolarum Regni Slavoniae per Locumtenentem Chasmensem judicari prohibeant, mandat . . . . .	442
166. Anno 1499. Feria 6. ante festum ss. Trinitatis. Budae. Vladislaus Rex discordias Nobilium, cum Prelatis et Baronibus Regni Slavoniae quoad modum exercitationis habitas, componit et novos articulos super eo edit . . . . .	245
167. Anno 1499. Feria 4. post festum Pentecostes. Budae. Vladislaus Rex Vicario Zagradiensi et Capitulo Časmensi, ut in sensu Decreti Regni Slavoniae propter factum testamenti, matrimonii, dotum et rerum paraphernalium, jurium quartalitorum, perjurii verberationis, vulnerationis et spoliationis Clericorum et mulierum, et propter illas alias causas, quae prope hanc non essent, in foro spirituali nulla causa tractetur, mandat . . . . .	247
168. Anno 1501. Feria proxima ante dominicam Ramis palmarum. Budae. Vladislaus Rex a Regno Slavoniae ad defendendum castrum Jajca, cui a Turcis periculum imminabat, auxilia petit . . . . .	248
169. Anno 1501. die 25. Maji. Budae. Vladislaus Rex contra violentam in Regno Slavoniae abductionem Jobagionum dispositionem facit . . . . .	249
170. Anno 1501. die 17. Decembris. Budae. Vladislaus Rex Banum Slavoniae octavas in Regno Slavoniae secundum statuta ejusdem Regni celebrari jubet . . . . .	251
171. Anno 1503. Festo die ss. Corporis Christi. Budae. Vladislaus Rex confirmat antiquam Regni Slavoniae legem, ut Vicecomites et Judices e patriae filiis tantum eligi possint . . . . .	252
172. Anno 1504. Feria 2 proxima post festum Ascensionis Domini. Budae. Vladislaus Rex Bano Slavoniae, ut secundum legem et consuetudinem Regni Slavoniae, Processus Juridicos debitae executioni demandari in futurum non praetermittat, committit . . . . .	253
173. Anno 1505. In campo Rakos. Judex Curiae Regiae decretum Statuum et Ordinum Regni Hungariae, de extraneo Rege post mortem Vladislai Regis non eligendo, ad preces oratorum Regni Slavoniae huic Regno seorsim edit . . . . .	254
174. Anno 1508. Budae. Vladislaus Rex Status et Ordines Regni Slavoniae de futura filii sui Ludovici coronatione edocet . . . . .	259
175. Anno 1513. 28. Decembris. Budae. Vladislaus Rex Banum Regni Slavoniae sententias executioni mandare jubet . . . . .	262
176. Anno 1513. die 28. Decembris. Budae. Vladislaus Rex Banum Regni Slavoniae oppressis nobilibus contra oppressores auxilium praestare jubet . . . . .	263
177. Anno 1514. die 30. Novembris Budae. Mandatum Vladislai Regis contra illos Regni Slavoniae incolae datum, qui neglectis iudicibus ordinariis Rescripta pontificia quaerunt, sicque regnicolas in causam coram aliis iudicibus attrahunt . . . . .	264
178. Anno 1515. Feria 5. post dominicam Quasimodo. Posonii. Vladislaus Rex Nobilibus Regni Slavoniae praecipit, ut a Bano requisiti periclitanti Regno Croatiae trans Savum contra Turcas sine mora auxilium ferant . . . . .	265
179. Anno 1515. Sabato proximo ante festum S. Georgii. Posonii. Vladislaus Rex ad generalem Regni Slavoniae Congregationem Regnorum Dalmatiae, Croatiae et Slavoniae Banum mittit . . . . .	267
180. Anno 1516. Festo conceptionis B. M. V. Budae. Ludovicus II. Rex regnicolas octavia, a Bano indicendis, interesse jubet . . . . .	268
181. Anno 1516. Dominica proxima post festum OO. SS. Budae. Ludovicus II. Rex Bano Croatiae, Slavoniae et Dalmatiae praecipit, ut a Nobilibus unius sessionis subsidium viginti quinque denariorum, in Regno Slavoniae lege lata ordinatum et oblatum, quoquo modo colligat . . . . .	268

(Pars I. Privil. et Libert.)

b

	Pagina
182. Anno 1516. Budae. Ludovicus II. Rex prothonotarium Regni Slavoniae octavis, a Bano indicendis, interesse jubet . . . . .	269
183. Anno 1517. Feria 2. post festum B. Valentini. Budae. Ludovicus II. Rex, ut inchoatae octavae, nullo brevium Budae celebrandorum judiciorum respectu habito, continuari possint, permittit . . . . .	270
184. Anno 1517. Feria 4. ante festum B. Mathiae Apostoli. Budae. Ludovicus II. Rex, ut inchoatae octavae, nullo Budae celebrandorum brevium judiciorum habito respectu, continuari possint, permittit . . . . .	271
185. Anno 1519. die 12. Decembris. Regnum Croatiae et Dalmatiae Regi Hungariae, qui cum Turcis foedus nulla de iis facta mentione pepigerat, amplius obedire nolens, tutelam et protectionem Pontificis Romani expetit . . . . .	272
186. Anno 1523. Dominica proxima ante festum B. Dionysii. Budae. Credenciales a Ludovico II. Rege Johanni Statilio ad Diaetam Regni Slavoniae misso oratori datae . . . . .	272
187. Anno 1523. Festo B. Philippi et Jacobi Apostolorum. Budae. Ludovicus II. Rex Francisco a Bathyan, Bano Croatiae, ob bene acta et tractata in Regni Slavoniae diaeta negotia complacentiam suam exprimit, eidemque Joannem Tahy collegam mittit . . . . .	273
188. Anno 1523. Feria 2. post festum Pentecostes. Budae. Ludovicus II. Rex Franciscum de Bathyan, Regni Dalmatiae, Croatiae et Slavoniae Banum hortatur, ut omnibus viribus contendat, quo negotia in Diaeta Slavonica, ad quam Joannem Deeshazy oratorem mittit, bene absolvantur . . . . .	274
189. Anno 1523. Feria 4. post festum Elisabethae Viduae. Budae. Ludovicus II. Rex Bano F. Bathyan scribit, ut omnem curam adhibeat, quo Joannes Tahy occasione Diaetae Slavonicae a regnicolis in pristinam Banatus dignitatem recipiatur, et Jajce victualibus provideatur . . . . .	275
190. Anno 1523. Feria 6. proxima post festum B. Luciae Virginis. Budae. Ludovicus II. Rex Bano F. Bathyan scribit, ut Regni Croatiae Nobiles, qui pacem cum Turcis cupiebant, ad patientiam disponat . . . . .	276
191. Anno 1530. die 17. Martii. Praegae. Ferdinandus Rex Locumtenentem Bani de iis, quae ad Croatiam caeteraque sua regna defendenda suscepit, edocet . . . . .	277
192. Anno 1531. die 27. Augusti. In oppido Scherdingen. Ferdinandus I. Rex post mortem Bani Joannis Torquati Karlović Episcopum Tinniniensem Andream primum Locumtenentem Banalemi nominat . . . . .	279
193. Anno 1567. die 29. Julii. Posonii. Maximilianus Rex Vicebani, Prothonotarii, Viceprothonotarii, Vicecomitum et Judicum Nobilium Regni Slavoniae bona secundum consuetudinem et legem ejusdem Regni a census et taxae publicae solutione immunita esse vult . . . . .	280
194. Anno 1577. Mense Februario. Posonii. Camera Hungariae Diaetas Regni Slavoniae nonnisi Bano jubente celebratas fuisse testatur . . . . .	282
195. Anno 1581—1629. Privilegium Carolostadiense a Regibus Rudolpho II. et Ferdinando III. elargitum . . . . .	284
196. Anno 1599. die 17. Maji. Praegae. Rudolphus Rex SS. et OO. Regni Croatiae et Slavoniae provocat, ut in sua diaeta Confiniis Slavonicis provideant . . . . .	288
197. Anno 1618. 15—25. Maji. Posonii. Litterarum assecuratoriarum Ferdinandi II. Regis Regno Slavoniae seorsim data authentica paria . . . . .	289
198. Anno 1618. 15. Calendas Julias. Posonii. Diploma assecurationis a Ferdinando II. Rege Statibus et Ordinibus Regni Croatiae & Slavoniae seorsim datum . . . . .	294
199. Anno 1620. die 12. Julii. Vindobae. Ferdinandus II. Rex ordinat, ut Valachi, in Croatia et Slavonia agentes, medio Commissionis juxta Articulus diaetae a. 1618 jurisdictioni dominorum terrestrium subiciantur . . . . .	296
200. Anno 1622. Diploma assecurationis a Ferdinando II. Rege SS. et OO. Regni Croatiae et Slavoniae ante coronationem datum . . . . .	298
201. Anno 1622—1692. Vindobae. Privilegia Ogulinensium . . . . .	299

	Paginae
202. Anno 1626. die 6. Aprilis. Viennae. Ferdinandus II. Rex aliquorum negotiorum Regni Slavoniae causa commissionem mittit, cui regnicolas parere jubet . . . . .	305
203. Anno 1626. die 24. Maji. Viennae. Ferdinandus II. Rex SS. et OO. de commissione praesidii Petrinensis causa exmissa edocet unaque eosdem ad cooperandum provocat . . . . .	306
204. Anno 1627. die 20. Maji. Viennae. Ferdinandus II. Rex SS. et OO. notum reddit, se Banum nominasse et commissionem in negotio Valachorum constituisse . . . . .	307
205. Anno 1630. die 5. Octobris. Ratisbonae. Jura et Privilegia Valachis, in Regno Slavoniae inter Savum et Dravum degecutibus, a Rege Ferdinando II. concessa . . . . .	308
206. Anno 1646. Posonii. Privilegia Nobilium arcis Kalnik . . . . .	318
207. Anno 1647. die 17. Junii Posoini. Ferdinandus III. Rex Regno Croatiae et Slavoniae de iisdem in Romano-catholica religione conservandis solenne diploma dat . . . . .	337
208. Anno 1670. die 6. Augusti. Viennae. Leopoldus Rex se Banum brevi nominaturum aliisque postulatis SS. et OO. remedium laturum promittit . . . . .	338
209. Anno 1671. die 7. Januarii. Viennae. Leopoldus Rex quosdam Nobiles, Zrinii et Frangepani assecclas, in gratiam recipit, idque SS. et OO. notum reddit . . . . .	339
210. Anno 1673. die 29. Januarii. Viennae. Privilegium a Leopoldo I. Rege oppido Cirkveno, tardius Confinio militari via facti incorporato, concessum . . . . .	341
211. Anno 1673. die 30. Julii. Viennae. Leopoldus Rex stipendia pro confinaria militia promittit; Locumtenentem Bani ultro quoque suo officio fungi vult; renovat onem diplomatis de fidelitate Croatorum spondet . . . . .	344
212. Anno 1677. die 9. Augusti. Viennae. Leopoldus Rex SS. et OO. significat, se necdum posse votis eorundem nominatione realis Bani satisfacere . . . . .	345
213. Anno 1680. die 27. Aprilis. Viennae. Leopoldus Rex SS. et OO. hortatur, ut quo majore numero contra Turcas insurgant seseque copiis belliducis Leslie adjungant . . . . .	347
214. Anno 1681. die 1. Novembris. Sopronii. Leopoldus I. Rex Nuncios Regni Croatiae et Slavoniae in Dieta Regni Hungariae contra conclusionem ejusdem intuitu Augustanae et Helveticae confessionis solemniter protestatos fuisse testatur . . . . .	348
215. Anno 1683. 21. Julii. Passaviae. Leopoldus Rex Banum requirit, ut quo majores copias in Regno colligat, quae a Turcis obsessae Viennae in auxilium mitti possent . . . . .	350
216. Anno 1683. 26. Julii. Passavii. Leopoldus Rex occasione a Turcis obsessae Vindobonae maximas spes in succursum Croatorum locat . . . . .	351
217. Anno 1683. 26. Julii. Passavii. Leopoldus Rex intemeratam Croatorum fidelitatem summis extollit laudibus, eosdemque provocat, ut in unione cum aliis caesareis copiis defensionem Austriacarum et Regni Croatiae terrarum studeant . . . . .	353
218. Anno 1683. die 28. Julii. Passavii. Leopoldus Rex fidelitatem Croatorum summis extollit laudibus eosque ad fortiter hosti resistendum monet . . . . .	354
219. Anno 1683. 7. Augusti. Passavii. Leopoldus Rex Banum de modo belli contra Turcas et rebelles Hungaros gerendi edocet . . . . .	356
220. Anno 1699. die 2. Novembris. Viennae. Leopoldus Rex prohibet, ne domini, jure gladii polientes, malefactoribus condemnatis vitam donare praesument . . . . .	357
221. Anno 1700. die 22. Januarii. Viennae. Leopoldus Rex eos Regni Slavoniae incolas, qui in terris, a Turcarum dominio liberatis, jus aliquod possessionis praetendunt, coram Neoaquistica commissione comparere jubet . . . . .	359
222. Anno 1700. die 30. Septembris. Zagrabiae. Comes Adamus de Batthyan, Croatiae, Dalmatiae et Slavoniae Banus, suo et suorum successorum nomine cum SS. et OO. Regni Croatiae et Slavoniae intuitu jurium, iisdem SS. et OO. in Confinio Militari competentium, solennia pacta init . . . . .	350
223. Anno 1701. die 11. Junii. Viennae. Leopoldus Rex novas salium officinas in Croatiae et Slavoniae Regno errigit; salis marini questum, sub aliquibus tamen conditionibus, liberum dicit . . . . .	362

	Pagina
<b>324.</b> Anno 1701. Mense Decembri. In Districtu Medjumurje. Parochi districtus Medjumurje testantur, in eodem districtu solam linguam croaticam vigere et in administratione sacramentorum verbique divini annuntiatione adhiberi . . . . .	363
<b>325.</b> Anno 1703. die 15. Junii. Viennae. Leopoldus Rex Valachos, inter Unam, Colapim et Savum fluvios degentes, Regni Croatiae Banique jurisdictioni subicit ac Capitaneatum Petrinensem abolet . . . . .	366
<b>326.</b> Anno 1704. die 18. Januarii. In oppido Miskolz. I. Copia litterarum Principis Francisci Rakoczy, quibus SS. et OO. Regni Croatiae in suas partes inducere nititur . . . . .	369
— Anno 1704. die 25. Januarii. In Castris Ormosdinum inter et Varasdinum. II. Responsoriae SS. et OO. Croatiae, datae Principi Francisco Rakoczy . . . . .	371
<b>327.</b> Anno 1704. die 8. Februarii. Viennae. Leopoldus Rex SS. et OO. Regni Croatiae ad fidem servandam et ad arma contra rebelles in Hungaria summenda hortat . . . . .	372
<b>328.</b> Anno 1704. 5. Julii. Viennae. Leopoldus Rex fidelitatem SS. et OO. Regni Croatiae et Slavoniae laudat et conservationem libertatum et jurium eorundem SS. et OO. spondet . . . . .	374
<b>329.</b> Anno 1705. die 14. Maji. Viennae. Josephus I. Rex se post mortem patris sui thronum conscendisse SS. et OO. Regni Croatiae nunciat; eosdemque SS. et OO. ad fidelitatem hortatur, sua ex parte conservationem jurium et libertatum promittendo . . . . .	375
<b>330.</b> Anno 1706. die 25. Maji. Viennae. Josephus Rex fidelia Croatorum servitia laudat . . . . .	377
<b>331.</b> Anno 1706. die 3. Novembris. Viennae. Josephus I. Rex Croatas, qui Rakoczii incitamentis restiterunt, ob eorum fidelitatem laudat . . . . .	378
<b>332.</b> Anno 1708. die 21. Novembris. Viennae. Josephus I. Rex Bano, in Hungaria bellicis negotiis occupato, locumtenentem dat . . . . .	379
<b>333.</b> Anno 1708. die 26. Novembris. Viennae. Josephus I. Rex a Bano constitutum Locumtenentem Banalem in hac dignitate confirmat . . . . .	381
<b>334.</b> Anno 1712. 16. Maji. Viennae. Carolus III. Rex de fidelitate Croatorum noviter edoctus, eosdem de conservandis eorum juribus et libertatibus certiores reddit . . . . .	383
<b>335.</b> Anno 1714. die 22. Junii. Viennae. Carolus III. Rex salis turcici usum in Regno Croatiae prohibet, maritimi vero concedit . . . . .	384
<b>336.</b> Anno 1720. die 28. Augusti. Viennae. Carolus III. Rex contractum, inter Cameram Interioris Austriae et Croatiae Status ratione bonorum Zrinjano-Frangepaniorum innitum, confirmat . . . . .	386
<b>337.</b> Anno 1721. die 20. Maji. In castro Laxenburg. Carolus III. Rex mandat, ut Status Croatiae unam alteramve legionem militum aestivis mensibus sustentent, vel 50.000 flor. hoc nomine solvant . . . . .	391
<b>338.</b> Anno 1721. die 17. Maji. Viennae. Carolus III. Rex angustiis aerarii pressus, ordinat, ut Croatiae Status unam alteramve legionem aestivis mensibus sustentent, aut 50.000 flor. hoc nomine solvant, speratque Status Croatiae hanc ejusdem ordinationem suo assensu probaturos esse . . . . .	393
<b>339.</b> Anno 1724. die 11. Aprilis. Viennae. Carolus III. Rex modum solvendi a SS. et OO. assumpti subsidii militaris determinat . . . . .	394
<b>340.</b> Anno 1724. die 19. Aprilis. Viennae. Carolus III. Rex a SS. et OO. Regni Croatiae, et Slavoniae militare subsidium 24.000 flor. petit . . . . .	396
<b>341.</b> Anno 1725. die 7. Junii. In castro Laxenburg. Carolus III. Rex Tabulam Judiciariam pro Regno Croatiae et Slavoniae regulat . . . . .	397
<b>342.</b> Anno 1736. die 29. Novembris. Viennae. Carolus III. Rex SS. et OO. Croatiae et Slavoniae conservationem jurium et libertatum pollicetur . . . . .	399
<b>343.</b> Anno 1738. die 24. Martii. Viennae. Carolus III. Rex Communitatem Sichelburgensem a tricesimae praestatione, quoad sibi necessaria, vi obtenti ab eadem Communitate privilegii, liberam dicit . . . . .	401
<b>344.</b> Anno 1745. die 1. Aprilis. Viennae. Instructio Commissariis pro reincorporatione Inferioris Slavoniae constitutis, a Regina Maria Theresia data . . . . .	402
— Anno 1745. 27. Aprilis. Viennae. Maria Theresia SS. et OO. Regnorum Dalmatiae, Croatiae et Slavoniae Commissarios pro reincorporatione Slavoniae Inferioris nominare jubet . . . . .	411

	Pagina
245. Anno 1743. die 1. Julii. Viennae. Instructio a Regina Maria Theresia Marco Alexandro libero baroni Pejačević, Comitatus Syrmienſis Officii ſupremi Comitſ Adminiſtratori, totoque ejusdem Comitatus Magiſtratu data . . . . .	412
246. Anno 1743. die 1. Julii. Viennae. Instructio novis ſupremis comitiſ et officii ſupremi comitiſ adminiſtratori in Comitatiſ Inferioris Slavoniae a Sua Caesarea et Regia Majeſtate data . . . . .	417
247. Anno 1743. die 9. Decembris. Eſſeki. Universitas Comitatus Veröceniſ de ſua et totius inferioris Slavoniae reincorporatiſe Generali Regni Dalmatiae, Croatiae et Slavoniae Congregationi gratulatur . . . . .	422
248. Anno 1743. 12. Decembris. In oppido Valkovar. Universitas Comitatus Syrmienſis de ſua et totius inferioris Slavoniae reincorporatiſe Inclytiſ SS. et OO. Regni Dalmatiae, Croatiae et Slavoniae gratulatur . . . . .	423
249. Anno 1747. die 7. Martii. Viennae. Instructio neoerectiſ comitiſ Inferioris Slavoniae a Rege medio Generaliſ Regni Congregationiſ data . . . . .	425
250. Anno 1749. 3. Junii. Viennae. Reſolutio Regia de inſtituendo in Croatia uno Vice-Magiſtro Thavernicali et Foro Reviſorio cauſarum Civitatensium . . . . .	429
251. Anno 1750. die 16. Januarii. Viennae. Maria Theresia regulationem Confiniorum banalium ſancit, nonnullaque Privilegia Regni confirmat . . . . .	431
252. Anno 1751. die 2. Aprilis. Illokini. Motiva et reflectiones, ex quibus inferiorum Regni Comitatum Ablegati, in hocce I. D. Statuum et Ordinum Congressu praesentes, ultra tres hactenus ablegari ſolitos, alios adhuc tres, et quidem ex ipsis inferioriſ Comitatiſ, e ſingulo videlicet unum Nuntium, in qualitate Regni Slavoniae Ablegatorum ad imminentiſ et ſubſecuturas continuas Regni Hungariae Diaetas exmitti humillime poſtulant . . . . .	439
253. Anno 1759. Systema Regulationiſ Regni Croatiae Comitatum . . . . .	442
254. Anno 1761. die 8. Maji. Viennae. Intimatum Regium circa diverſa Poſtulatorum puncta SS. et OO. Croatiae datum . . . . .	445
255. Anno 1767. 1. Auguſti. Viennae. Maria Theresia erectioni novi Conſilii Regii Croatiae ultro inhaeret . . . . .	450
256. Anno 1773. die 8. Martii. Viennae. Mandatum Regium Bano Croatiae datum, ut ſuam opinionem dicat, quiſ maxime oportunuſ in merito augendae Contributioniſ inferioriſ Slavoniae pro celebranda Generali Regni Congregatione terminuſ conſtitui poſſet . . . . .	452
257. Anno 1776. die 9. Auguſti. Viennae. Reſolutio Mariae Theresiae de Flumine immediate Regno Croatiae incorporando, de Comiatu Severinenſi conſtituendo deque Fluminenſi portu Tergeſtini inſtar ſpecialiſ favoriſ providendo, dicasteriſ communicata . . . . .	453
258. Anno 1776. die 2 Octobriſ. Zagrabiae. Intimatum Conſilii Croatiae de Urbe et portu Fluminenſi, nec non Boniſ Buccarenſiſ, in quantum Caroloſtadio Flumen verſuſ ad dextram viae Carolinae ſita ſunt, Civitate denique Caroloſtadienſi immediate Regno Croatiae reincorporatiſ, emanatum . . . . .	456
259. Anno 1777. die 29. Auguſti. Viennae. Reſcriptum Regium ddo. 9. Auguſti 1777., quo diſponitur, ut omneſ Cauſae Civileſ Regno Croatiae immediate incorporatee Urbis Fluminis a Foro Judicuſ Urbis ad Tabulam Banalem via appellationiſ promoveantur . . . . .	457
260. Anno 1777. die 5. Septembris. Viennae. B. Reſcriptum R. Mariae Theresiae SS. et OO. Regnorum Dalmatiae, Croatiae et Slavoniae miſſum et ordinanſ, ut in cambiū Statui Militari ceſſarum plagarum Urſ et portuſ Fluminenſiſ cum Podbregh et Lopacza, nec non Bona Buccarenſia, Caroloſtadio Flumen verſuſ ad dextram viae Carolinae ſita, una cum Civitate Caroloſtadio immediate Regno Croatiae reincorporentur, et ex neoincorporatiſ partibuſ novuſ, Conſilio Regio Croatiae ſubordinandus, Comitatuſ erigatur . . . . .	459
261. Anno 1777. die 10. Novembris. Viennae. Maria Theresia ordinationibuſ ſuiſ de partium maritimarum reincorporatiſe, de inducendo commerciali ſystemate, deque praestando ſtatui militari ſequivalente porro quoque inſiſtit . . . . .	463

(Pars I. Privil. et Libert.)

	Pagina
262. Anno 1777. die 27. Octobris. Zagrabiae. Repraesentatio SS. et OO. Regni Croatiae de partibus maritimis Cubernatori Huminensi non subjiciendis, de regulatione novi Severinensis Comitatus et omnibus excorporationibus usque ad generalia Regni Hungariae Comitatus sistendis . .	466
263. Anno 1777. die 10. Novembris. In Mrkopalj. Relatio Comitatus Severinensis de sui instauratione et accepta organisatione, e prima sua generali Congregatione 10-a Decembris 1777, Consilio Croatico praestita, demonstrans, Commercialium Communitatem Fluminensem una cum suis possessionibus Podbreg et Lopacza in dicto Comitatu Severinensi quoad contributionem ante diplomatis Elibertationis dde. 23. Aprilis 1776. emanationem taxatam, Regnoque Croatiae immediate incorporatam, hancque incorporationem usu roboratam fuisse . . . . .	472
264. Anno 1778. die 10. Aprilis. Viennae. Maria Theresia Comitatum Severinensem instituit . . .	474
265. Anno 1790. die 2. Septembris. Budae. Veto Bani Comitatus Joannis Erdedy de Acaatholicis in Regna Croatiae; Dalmatiae et Slavoniae non admittendis, in Comitibus Regni Hungariae dictam	480



## CXVI.

*Anno 1388. 19. Januarii. Spalati.*

**Spalatenses Sigismundi Regis protectionem unaque privilegiorum suorum confirmationem quaerunt.**

In Christi nomine Amen. Nos Johannes de Pizinacolis de Ancona, Capitaneus, Judices & Consiliiarii Ciuitatis Spalati, vobis viris nobilibus Mattheo Chrystophori & Nicole Srichie, Ambaxatoribus nostris, salutem et sincere dilectionis affectum. Harum serie committimus vobis, quod (pro) parte nostra ire debeatis ad Serenissimum et Illustrissimum Principem Dominum nostrum Sigismundum, Vngarie, Dalmatie, Croatie Regem inclitum, et ad Serenissimam Dominam nostram Dominam Mariam, Regnorum eorundem Reginam inclitam, et eisdem et utrique eorum cum omni reuerentia inclinabitis, sicut honori Regio et nostro cognoscetis conuenire, de sua coronatione, liberatione, regimine et suis felicibus successibus congaudentes. Nos, consilium nostrum ciuitatis, ciues et incolas ciuitatis regie Spalatensis, sue Maiestati fidelissimos, et quos in regiis aduersitatibus contra tot nobis aduersa comprobauit constans et vera fides, vt notorium est, recommendabitis eisdem, sicut discretionis vestre videbitur conuenire, et si vobis videbitur, aduersa distinguere. Nos et Ciuitatem excusabitis, si ante ad eorum Maiestatis non misimus Ambassadors, quia non potuimus, tum propter viarum discrimina, tum propter guerram nobis factam, et damna illata, et grauamina multa, nobis impensa per Regem Bosne, Priorem Aurane et alios Sue Maiestatis emulos, et alia vt infra, que omnia satis nota sunt omnibus, de quibus estis plenissime informati, que nec cessaret nec cessant, in futurum videmus, nisi diuina prouidentia manum porrigat adiutricem, et Sue Maiestatis potentia succurrat, quod facere dignetur, supplicamus. Nouissime Maiestas Vestra fideles, imo fidelissimos suos Spalatenses requisiiuit, vt ad eiusdem presentiam Ambaxatores destinarent, pro confirmatione vnionis et pacis, quam concludere intendebat et facere cum Duce et Communitate Venetiarum; qui vti filij obedientie et veri fideles, nos, quam velocius potuerunt, expediuerunt iuxta mandatum predictum, et gratia Dei nos auidos colere Maiestatem Vestram deuotione tota, in eiusdem deduxit conspectum mandato Maiestatis Vestre. His dictis stabitis et responsum exspectabitis, si dabitur; et si non dabitur, procurabitis scire, quid factum sit de predictis, aut que sit ejus intentio; et super hoc providebitis ordine isto: videlicet conferre debetis cum Ambaxiatoribus aliarum terrarum Dalmatie, et hortari Dominum Regem ad pacem cum omnibus et precipue cum Venetis, quia bona et ea minima concordia crescant, discordia maxima dilabuntur, et supplicare ac pro posse procurare, quod remaneamus sub protectione et dominio Corone Vngarice, et quod in alios non transferamur, et quod nullum alium dominium vel commune habeat vel aquirat

aliquo titulo, aliquod dominium, potestatem, nec iurisdictionem in Dalmatia, cum simus dispositi et intendimus viuere et mori sub eadem Corona Vngarie. Post hoc, cum tempus videbitur aptum, vos ad regiam Maiestatem et cum distincta serie, qua poteritis, exponentes tribulationes, angustias, passiones, obsidiones, hys temporibus per nos passas, ob fidelitatem sue corone seruandam, quam cum grauitatibus maximis seruauimus et seruare intendimus vsque ad mortem. Narrabitis damna nobis illata in campo nostro per regem Bosne, Priorem Aurane, Clissiensis et alios circumvicinos Sue Maiestatis emulos, mortem et captiuitatem nostrorum, eorumque redemptiones, seminarum nostrarum turpes et inhonestos tractatus, fructuum et reddituum nostrorum binam deuastationem et perditionem molendinorum, destructionem vitium et arborum, campi prostrationem et incisionem et alia multa, de quibus estis plene informati. Que grauia fuissent et essent nedum Spalatensibus, sed potentiore civitati partium istarum; et quantumcunque grauia fuerint et sint, in eadem constanter perseuerare disposuimus; et vt hec et alia futura illariter tollerare valeamus et possimus animo, supplicamus, dignetur Maiestas Vestra nobis subuenire de aliquibus corone vestre, et nobis vtilibus satis. cum ad sustentationem vite nostre, que nobis a terra surrepta est pro magna parte, quia Rex Bosne et Clissani magno tempore ex toto nos tenuerunt obsessos et nunc tenent pro magna parte, cum aliquis nostrorum hominum non audeat neque possit ire infra terram, et sic durior imo durissima est vita nostra; dabunt et hec nobis pacem et concordiam cum vicinis nostris, cum quibus sumus in differentia et discordia, et quod deterius est, sepius non exspectato iudicio nos predantur et damnificant et nunquam sine damno nostro transire possumus, et immerito: in qua pace et quiete viuentes, Deo et Maiestati Vestre continuis horis regratiari non cessabimus. Et his peractis procurabitis, quod priuilegium libertatum, praerogatarum et immunitatum nostrarum, dudum nobis concessarum per felicitis memorie plures Regum Vngarie, confirmentur, et si vobis videbitur tempus faciendi ipsas omnes nostras libertates districte notari in nouis Priuilegiis. faciatis in bona hora, et optimum erit tunc eas confirmari faciatis et fieri procurabitis, quo meliori modo poteritis. Procurabitis, quod habeamus confines inter nos et Clissenses ita, quod flumen Salone sit nostrum versus Spalatum et vltra sit castrum, et hoc magis pro pace habenda cum Castro, quam pro vtilitate consequenda. Procurabitis, quod mete et fines sint inter nos et castrum Almissi, ita quod flumen discurrens prope ipsum castrum sit meta et confinis inter nos et castrum; ita quod terrenum citra flumen versus Spalatum sit nostrum vsque in mare, et hoc magis pro pace, vt supra. Procurabitis, quod nobis in patrimonium et sustentationem nostram dentur insule Fare, Curzule et Bracie, quod nobis concedatur iurdictio, quam habet regia Maiestas, scilicet, quod ad eas de nobis ipsis per nostrum Comitem et Consilium mittatur Comes, cum salario illis dari solito, cum eis viuere valeamus; et si non totum, partem, quam poteritis. Procurabitis obtinere litteras regias ad summum Pontificem, quod Hugolinum, Archi-Episcopum nostrum, ad aliam Ecclesiam permutare dignetur extra regnum suum, et nobis de bono pastore providere, cum quo pacifice viuere possimus sine scandalo. Praeterea possitis et libertatem habeatis pro obtinendo vobis commissa expendere ducatos Mille auri et abinde infra, vbi et in quibus vobis melior videbitur. Nullo modo, nulloque colore, vel ingenio, malum dicetis de aliquo ciue nostro, nec forense Corone Vngarie et Baronibus, nec Prelatis, nec alicui



alie persone; immo si quis quidpiam mali diceret de aliquo ciue nostro, toto posse excusationem facietis pro eo, ipsam semper fidem profitendo; nec contra facere presumatis. Preterea vos per vos, nec per aliam personam procurabitis, nec recipietis aliquid in vestri vtilitatem, nec alicuius alterius specialis persone; sed tantummodo facta nostri Communi vobis commissa. Et hys contenti eritis, et hec sub poenis, in parte capta contentis, vid. lib. 25 par. pro quolibet, et infamie, que sic intelligatur, quod qui fecerit vltra commissa, aut contra commissa, non possit esse Judex, testis, nec in aliquo publico officio, et nihilominus per eum impetratum vel emptum deueniat in commune. De omnibus suprascriptis plenissime informati, et preterea in omnibus supradictis pro posse procurabitis, sicut melius et vtilius discretio vestra cum sollicitudine omni, quod nostrum sortiamur seu habeamus intentum. Ad alia, ad omnia interrogata respondebitis reuerenter, prout cognoueritis conuenire honori regio et statui nostro; et quecunque videritis conducere ad bonum statum et commodum nostre ciuitatis et communitalis, procurabitis obtinere pro posse. Date die XIX. Januarii et sigillate. Anno MCCCLXXXVIII.

Lucius. Memorie di Traù p. 336 seqq.

## CXVII.

*Anno 1395—1402. Posonii.*

Sigismundus Rex Ludovici Regis privilegium, sub Nro. XCVIII. adductum, confirmat.

Nos Sigismundus Dei gratia Rex Hungarie, Dalmatie, Croatie etc. Sacrique Romani Imperii Vicarius Generalis, ac Regni Bohemie Gubernator. Memorie commendamus per presentes, quod Magister Paulus de Zyrinio in sua, ac universorum Nobilium Regni Nostri Sclavonie ad Nostram veniendo presentiam exhibuit Nobis quasdam Litteras Nostras patentes, priori Secreto Sigillo Nostro consignatas, super nonnullis Libertatum prerogativis eorundem Nobilium confectas et emanatas, tenoris infrascripti, supplicans Nostro culmini, suo et Nominibus, quibus supra, prece humillima et subjectiva, ut easdem Litteras Nostras de verbo ad verbum presentibus Litteris Nostris patentibus transcribi et transumpmi facientes, sibi, et predictis Nobilibus Regni Sclavonie concedere dignaremur, Juris eorum ad cautelam, quarum tenor talis est. Nos Sigismundus, Dei gratia Rex Hungarie, Dalmatie, Croatie etc., Marchioque Brandenburgicus etc., memorie commendamus tenore presentium significantes quibus expedit universis. Quod Magister Johannes, filius Chupur de Monozlo, et Stephanus de Athyna in personis universorum Nobilium Regni Nostri Sclavonie ad Nostre Maiestatis venientes conspectum, Nobis significare curarunt, quomodo Serenissimus Princeps olim fe-

licis recordationis Dominus Lodovicus Rex, Pater Noster charissimus, Ipsis hanc gratie prerogativam Litteris suis mediantibus, quarum tenorem coram Nobis spectietenus produxerant, fecisset specialem, ut nullus omnino Hominum ipsos in Curiam Nostram, vel in aliquorum aliorum Judicum extraneorum, ex ista parte fluvii Drave existentium, presentiam citare, seu evocare, aut in causam atrahere valeret neque posset modo aliquali; sed si qui cum eisdem quicunque actionis vel questionis haberent, id in presentia Bani ipsius Regni Nostri Sclavonie, vel vices eius gerentis, legitime exequi deberent; et si in Judicio ipsius Bani, vel vices eius gerentis, aliquis querulantium suspicatus foret, nec contentus esse vellet, extunc seriem Judicii per ipsum Banum, vel vices ejus gerentem, in Nostram, ac Prelatorum et Baronum Nostrorum presentiam, in Curiam Nostram pro deliberatione fienda transducere valeret atque posset super Judicio prenotato. Nunc autem ipsa libertate obmissa quamplures ex eisdem Nobilibus, immo fere omnes per extraneorum Capitulorum citationes, et evocationes, ac in Causam attractiones, et non per comprovincialium, clandestine, et furtive, ac nequitiose unus alium ad Curiam Nostram, et alias citare, evocare, in causam atrahere, et per terminorum completiones aggravare, ac pnt . . . . e sepe sepius procurarent, in quo facto multe ammissiones Possessionum, ac alia diversa genera malorum et gravaminum multoties orirentur, et evenirent, dictumque Regnum Nostrum Sclavonie per hoc maxime foret gravatum: Supplicantes Nostro Regio culmini prece humili et devota, ut eisdem super premissis de Regia benignitate dignaremur succurrere, et providere de remedio opportuno. Nos itaque supplicationibus eorundem Nobilium moti, benevole inclinati, nolentesque ipsos gravamina pati, hujusmodi dictam constitutionem et libertatem ipsis per dictum Dominum Lodovicum Regem datam et concessam, ratam et gratam habendo, una cum Prelatis et Baronibus Nostris matura deliberatione prehabita, sane decrevimus, ut nullus prorsus Hominum, seu Nobilium dicti Regni Sclavonie, alter alterum, nec aliquis alius Regnicolarum Nostrorum ipsos Nobiles Regni Nostri prescripti per extranea Capitula, nisi solum per Comprovincialia citare, evocare, aut in Causam atrahere in Nostram, aut in cujuscunque Regni Nostri Judicis presentiam, nec obmissa ipsa libertate in Curia Nostra aliquam litem suscitare, nisi prius in presentia Regni Nostri Bani predicti fuerit suscitata, possit nec valeat modo aliquali; in Casu autem, quo hujusmodi facta temporis in processu evenirent, et si que pars adversa hoc ipsum contra aliam partem efficaciter comprobare posset, extunc hujusmodi facta, seu quevis gravamina, que in premissis evenirent, nullius existant vigoris nec momenti, sed prorsus mortua et viribus caritura habeantur. Quocirca vobis viris Magnificis, Dominis Palatino et Judici Curie Nostre, vestrasque vices in Judicatu gerentibus, et generaliter cunctis Regni Nostri Judicibus, et Justitiariis, Ecclesiasticis videlicet et secularibus, presentibus et futuris, firmiter precipiendo mandamus, quatenus quantumcumque et quotiescunque premissa facta coram vobis emergerint seu evenerint, et modo prehabito approbata fuerint, eadem autoritate Nostra Regia cassare, revocare, annullare, mortificare, et prorsus annihilare debeatis, quibus et Nos derogamus praesentium Litterarum Nostrarum patrocinio mediante, quas, dum Nobis in specie fuerint reportate, in formam Nostri Privilegii redigi faciemus. Datum Bude Secundo die Festi Penthecostes Anno Domini Millesimo trecentesimo nonagesimo quinto. Nos itaque iustis et Juri consonis supplicationibus annotati Magistri Pauli, nobis

in sua, et nominibus quibus supra, subjective porrectis Regio cum favore inclinati, prefatas Litteras Nostras patentes presentibus Litteris Nostris patentibus de verbo ad verbum transcribi et transumpni facientes, eidem Magistro Paulo duximus concedendas, Juris sui et dictorum Nobilium Regni Nostri Sclavonie annecti uberiorem ad Cautelam. Datum Posonii die decimo proximo post festum beati Mathei Apostoli et Evangeliste. Anno Domini Millesimo quadringentesimo secundo.

*(Locus sigilli Regii appressi.)*

Orig. membr. in Archivo Regni Croatiae. Priv. N. 7.

## **CXVIII.**

*Anno 1395. die 10. Octobris. Spalati.*

Andreas, Archiepiscopus Spalatensis, cum Joanne Comite Neliptio de decimis ecclesiasticis amicam conventionem, praesente Vicebano Dalmatiae et Croatiae ac compluribus Nobilibus Croatiae, init.

In Christi nomine amen. Anno nativitatis eiusdem Millesimo trecentesimo nonagesimo quinto. Indictione III. Regnante Serenissimo Principe et Domino nostro naturali Domino Sigismundo, Dei gratia Hungarie, Dalmatie, Croatie etc. Rege inclito, et Marchione Brandenburgensi. Temporibus quidem Reverendissimi in Christo Patris et Domini Andree, Dei et Apostolice Sedis gratia Archiepiscopi Spalatensis et legum Doctoris; Magnifici et strenui viri Domini Nicolai de Gara, dictorum Regnorum Dalmatie et Croatie Bani, nec non civitatis Spalatensis Comitum plurimum honorandi, Nobiliumque et prudentium virorum Dominorum Dyonisii Helie, Nicole Zeri de Comis, et Antonii Joannis de Grisogonis, Rectorum et Judicum hon. Civitatis Spalatensis. Die undecima Octobris prefatus Reverendissimus in Christo Pater et Dominus Andreas Spalatensis Archiepiscopus ibi presens, in presentia testium examinatus, et mei notarii infrascripti, dixit ac contentus et confessus fuit, quod omne compromissum, sub quacumque forma per ipsum ex una parte factum, et compromissum in conventionem cum Magnifico et potente Domino Joanne Neliptio, Cetine Comite, super facto decimarum, per dominum Comitem Joannem debitarum eidem domino Spalatensi Archiepiscopo, et ipsi Spalatensi Ecclesie, in Reverendissimum in Christo patrem et Dominum Dominum Dei et Apostolice Sedis gratia Archiepiscopum Strigoniensem. et ipsius Domini Strigoniensis Archiepiscopi personam, et omnis sententia ex hoc et ex

dicto compromisso data, lata, promulgata vel emanata, vigore concordie de dictis decimis facte inter ipsum Comitem Joannem, prout de dicta concordia decimarum, inter eos facta, patet publico instrumento, scripto, publicato, rogato manus mei Notarii infrascripti, dictis Anno millesimo et indictione, et die decimo mensis octobris, sit cassum et cassa, irritum et irrita, et nullius valoris et efficacie vel momenti. Et hoc fecit et facit prefatus Dominus Andreas Spalatensis Archiepiscopus, requisitus et rogatus per dictum Dominum Comitem Joannem, et ad petitionem et requisitionem prefati Domini Joannis Comitis Cetine, ibidemque presentis et ipsum Dominum Archiepiscopum instanter requirentis. Qui dominus Archiepiscopus nunc et de presenti, quantum ad ipsum spectat et pertinet, cassat et irritat, annullat et annichilat. Promittens prefatus Dominus Archiepiscopus Andreas, per se et eius successores, praedicto Domino Comiti Joanni, pro se et eius heredibus et successoribus, recipienti et stipulanti, nunquam per se, vel alium sive alios, petere; super hoc arbitrari seu sententiari aliqua ratione vel causa, per dictum compromissum, seu aliquam sententiam, ex dicto compromisso emanatam, in iudicio, nec extra, contra dictum Dominum Comitem Joannem producere, exhibere vel ostendere; et promisit quamdam sententiam a dicto compromisso latam et emanatam, ad omnem petitionem et requisitionem ipsius Comitis Joannis eidem Comiti Joanni dare et consignare omni gratia et vigore, supradicte concordie, etiam sub capitali sigillo Spalatensi vel Traguriensi. Promittens per se et suos Successores, solempni stipulatione interveniente, praedicto Domino Joanni Comiti, pro se et eius heredibus et successoribus, recipienti et stipulanti, dictam suam confessionem et dictam suam promissionem perpetuo et omni tempore habere ratas et firmas; et omnia et singula supradicta facere, attendere et observare, et non contrafacere vel venire per se, vel alium, seu alios aliqua ratione vel causa, cum resarcione omnium dampnorum et expensarum, et sub obligatione omnium suorum et dicte sue Spalatensis Ecclesie bonorum. Actum Spalati super sala superiori Archiepiscopalis palatii: presentibus Magnificis et potentibus viris Domino Paulo Michaelae, dictorum Regnorum Dalmatie et Croatia Vicebano, Domino Butcone Comite Corbavie, Comite Gevraio Butkovich et aliis.

*Signum Notarii :*

Ego Jacobus, filius quondam Ubertini de Pugliensibus de Placentia, publicus Imperiali auctoritate Notarius, de praemissis rogatus, scripsi fideliter et publicavi etc.

Ex Archivo Archi-Ep. Spalatensis. — Farlati Illyricum Sacrum. T. III. p. 337.

**CXIX.***Anno 1396. 24. Junii. Nonae.*

**Sigismundus Rex insulam Pagum a dominatione Jadren-  
sium liberam declarat.**

Nos Joannes, apostolicae sedis gratia Zagrabiensis Episcopus, Decretorum Doctor, Serenissimi Principis et Domini Domini Sigismundi, eadem Dei gratia incliti Hungariae, Dalmatiae, Croatiae etc. Regnorum Regis, Marchionis Brandeburgensis etc. Secretarius etc. Cancellarius etc.; Nicolaus, Dei gratia Regnorum Dalmatiae et Croatiae Banus, per executionem regiam ad ipsas partes Dalmatiae et Croatiae pro inquirendis suis iuribus regalibus et vniuersis querulantibus iudicio et iustitia impendendis, nec non quibusuis defectibus et incommoditatibus ipsorum regnorum suorum et ciuitatum suarum, in regno Dalmatiae constitutarum et existentium, specialiter autem in factis et causis inter nobiles et prudentes viros rectores, consilium, et commune civitatis Jadrensis ab una parte, ex altera autem rectores, consilium, Commune insulae Pagensis vertentibus, iudicandis, disponendis et reformandis, cum pleno monument. potestate seu facultate, celsitudinis regiae Vicarii, seu delegati generales, notum facimus: Solum Deum habentes prae oculis, commisimus et iudicauimus, vt praefata insula Pagensis, omnesque habitantes eiusdem a modo deinceps temporibus futuris, vna cum singulis possessionibus saluis, de dictorum Jadertinarum manibus, potestate, dominio, libera, exempta, absoluta habeatur; ex causa et rationibus praeallegatis, ipsam insulam pagensem, dicta auctoritate praedicti Domini Nostri Regis, nobis in hac parte attributa, coeui vniuerso et consortio caeterarum ciuitatum regaliū Dalmatarum coadunantes et aggregantes, dictis Jadrensis et ipsorum haeredibus et vniuersis posteritibus eorumdem dicta auctoritate nobis concessa silentium perpetuum imponentes etc. Datum Nonae, die XXIV. Junii. Anno Domini MCCCXCVI.

Paris T. V. p. 446.

**CXX.***Anno 1397. 26. Octobris. Temestarii.*

**Sigismundus Rex Dalmatinis civitatibus spondet, se Se-  
gniam venturum, ibique Diaetam generalem celebraturum  
esse.**

Sigismundus etc. Fideles nostri dilecti. Gratum quippe Maiestati nostre non parum extitisset, ad hanc nostram congregationem Temisiensem oratores Ve-

stros, quos non ab re euocari feceramus, aduenisse; verum, quod actum non est, reformari iterum satis commode potest. Nos quidem Segnie, diuinitate fauente, in festiuitate B. Katharinae Virginis proxima omnino esse decreuimus, quo denuo euocauimus Ambaxatores omnium Dalmatiae ciuitatum; illuc quoque suos cum pleno, largo et sufficienti mandato nobiscum tractandi communitatemque vestram obligandi fidelitas Vestra procul dubio transmittat. Sic omni ex causa legitima volumus et iubemus. Datum in Themisuar die XXVI. Octobris. Anno Domini MCCCXCVII.

Ex archiuo ciuitat. Tragurii. Lucius. Memorie di Traù. In Venetia MDCLXXIV p. 365.

## CXXI.

*Anno 1397. Budae.*

Sigismundus Rex insulas Chersum et Absarum, ab Elisabetha Regina magistro Joanni Saracheno datas, Nicolao Gara, Bano, donat.

Nos Sigismundus, Dei gratia Rex Hungarie, Dalmatie, Croatie etc. ac Marchio Brandenburgensis etc. memorie commendamus per presentes: quod Magistris Blasio et Michaeli, filiis Magistri Joannis Saracheni de Meszthegeu, coram nobis personaliter constitutis, per eosdem propositum exstitit uniformiter pariter et relatum, quomodo ipsi quasdam litteras patentes quondam Serenissime Principis Domine Elisabeth Regine felices reminiscencie Socrus nostre, factum Donationis cuiusdam Insule Kersi et Abseri nuncupate, ampnibus Pellagi vallate, in dicto Regno nostro Dalmatie situate, nunc Magnificis viris Nicolao de Gara, Dalmatie et Croatie ac Sclavonie Regnorum nostrorum Bano, et Johanni ejus Germano, filiis condam Nicolai Palatini, per nos perhempniter collate, clare concernentes, dadum preannotato Magistro Johanni Saracheni et suis fratribus vigoroze emanatas, per ipsosque in laribus et scriniis paternis indilate requirendas, et quamprimum receptas in specie assignare ipsis Nicolao Bano, et Johanni Germano suo in solidum assumpsissent, una sponponderunt et assumpserunt eorum Nobis presentium patrocinio, eorumque ultronea voluntate mediante. Datam Bude, feria secunda proxima ante festum Ascensionis Domini. Anno eiusdem Millesimo Tercentesimo Nonagesimo septimo.

Auth. Transumptum in Archivo Regni Croatiae.

## CXII.

*Anno 1398. In Diako.*

Sigismundus Rex Nicolao de Gara, Bano, ejusque fratri Joanni insulas Absarum et Cherso una cum omnibus eorundem proventibus donat.

Nos Sigismundus, Dei gratia rex Hungarie, Dalmacie, Croacie etc., Marchioque Brandenburgensis etc., notum facimus vniuersis, quibus incumbit, per presentes: Quod quia nos exigentibus, imo plurimum requirentibus fidelissimis obsequiis, gratissimis complacenciis, strenuosis actibus et gestis virtuosis, laude dignisque et preconio attollendis meritis viri magnifici Domini Nicolai de Gara, dictorum regnorum nostrorum Dalmacie et Croacie, nec non Sclauonie Bani, ac Johannis, fratris eiusdem vterini, filiorum scilicet condam Domini Nicolai Palatini Gara de predicta, per ipsos sacro diademati, et per consequens nostro regio culmini ac toti regno nostro, vti cunctis liquet, cum suprema fidelitatis constantia, temporibus et locis opportunis, intrepide exhibitis et impensis, eisdem ac eorundem heredibus quandam insulam nostram regiam Absary et Kersy appellatam, in regno nostro Dalmacie infra ambitum maris existentem, cum quibusuis eiusdem vtilitatibus, integritatibus, aliis litteris exinde confectis mediantibus, nostre regie noue collacionis titulo perhempniter et in eum perhibemus contulisse. Ideo etiam nos volentes eisdem fidelibus nostris pro eorundem multimodis, plurimis et vberimis fidelitatibus et fidelium obsequiorum eorundem laude dignis meritis, in prefatis aliis litteris nostris serius et clarius explicatis, regio ampliori respondere donatiuo, tricesimam nostram insula in prefata exigi consuetam, nec non cameram salium nostrorum regalium maritimarum, in dicta insula vendi solitorum, simul cum obuencionibus et emolumentis ac iuribus vniuersis, ad prefatas tricesimam et cameram salium nostrorum rite pertinentibus, veluti de nostris regiis manibus memoratis Domino Nicolao Bano et Johanni fratri suo carnali, ipsorumque heredibus, heredumque cunctis sobolibus et successoribus vniuersis, premissis noue nostre donacionis titulo, auctoritate regia, ex certa nostre Maiestatis sciencia, de Prelatorum et Baronum nostrorum consilio prematuro dedimus, donauimus et in eum contulimus, imo damus, donamus, perhempniter et effectiue conferimus, per ipsos, eorumque heredes et posteritates vniuersas perpetuo et irrenocabiliter possidendas, tenendas, pariter et habendas, pleno iure, patrocinio presencium mediante, sine duntaxat preiudicio iuris alieni. Presentes autem in specie, dum nobis fuerint reportate, easdem in nostri priui-

legii formam redigi faciemus pro eisdem. Datum in Dyako in Dominica Judica. Anni Domini M.CCC. nonagesimo octauo.

(L. S. a tergo impressi.)

Ex archivo Imp. Viennensi — Fejér G. Codex Dipl. Regni Hung. Anno 1399. T. X. p. 645.

## CXXIII.

Anno 1398. In Gara (Gorjan).

Dioecesis Zagrabiensis ultra Muram fluvium extenditur.

Sigismundus, Dei gratia rex Hungariae, Dalmatiae, Croatiae etc., Marchioque Moraviae etc., suis fidelibus magnificis Stephano et Joanni, filiis condam Joannis Bani, nec non Ladislao, filio condam Stephani Bani, et Sigismundo, filio Ladislai de Lindua, vniuersis salutem et gratiam. Datur nostrae intelligi Maiestati, quomodo vos, quosdam Plebanos vestros, ad dioecesim Ecclesiae Zagrabiensis semper et ab antiquo pertinentes, ab eadem Ecclesia Zagrabiensi sequestrando, ad dioecesim Vesprimiensem conferre niteremini et velletis, in dispendium salutis animae vestrae valde magnum. Vnde nos ipsam Ecclesiam Zagrabiensem suis iuribus seu iudicialiter destitui non volumus. Igitur fidelitati Vestrae firmiter praecipiendo mandamus, quatenus praefatos Plebanos vestros Transmuranos, qui alias ad praedictam Dioecesim Zagrabiensem pertinuisse et spectasse debebant, vos a praelibata dioecesi Vesprimiensi penitus remouentes et sequestrantes, iustam ad obedientiam et debitam subiectionem praetitulatae Ecclesiae Zagrabiensi exhibendam compellatis et astringatis iustitia suadente; et aliunde sub graui animae Vestrae perditione non ausitis intermittere. Datum in Gara, feria quarta proxima post festum Pentecostes. Anno Domini M.CCC.XCVIII.

Ex autographo Kaprinai sub C. p. 10—11. — Fejér. Cod. Dipl. Reg. Hung. Anno 1399. T. X. p. 571.



## CXXIV.

*Anno 1398. In Gara.*

**Nicolaus de Gara, Regnorum Dalmatiae, Croatiae et Slavoniae Banus, Privilegium Regni de libera Protonotharii electione confirmat.**

Nos Nicolaus de Gara, Regnorum Dalmatie, Croatie, Sclavonie Banus. Memorie commendamus, significantes, quibus expedit vniversis. Quod quia dicti Regni Sclavonie Nobiles nobis per suos speciales nuntios id querulose significare curarunt, quod alii nonnulli Bani, vel Vicecomites eorundem Regni predicti, ipsos de antiquis consuetudinibus et libertatum prerogativis ab antiquo approbatis, signanter vero in alienatione sigillorum, quibus ipsi in ipsorum officio fungerentur seu uterentur, et notario eorundem per ipsos electo. seu eligendo, facta exceperunt et eosdem in eisdem minime tenere et conservare curarunt. Supplices Nobis per nuntios ipsorum prenotatos, ut ipsos in eisdem consuetudinibus et libertatum prerogatiuis, quibus ipsi tempore domini Lodovici olim Regis Hungarie, indelende memorie tenti fuissent et conservati, et prout etiam Serenissimus Princeps Dominus Sigismundus, Rex Hungarie ac Dalmatie, et Croatiae predictorum, dominus noster graciosus, easdem Libertates eorundem pridem in Temesvar de vnanimi sanctione et communi decreto totius Regni sui Baronum et Procerum, ymo vniversorum nobilium, literis suis mediantibus confirmasset et roborasset, prout in eisdem literis coram nobis specietenus exhibitis limpidius continetur, tenere et conseruare dignaremur. Nos igitur iustis et legitimis eorundem nobilium supplicationibus et petitionibus sicuti dignum arbitramur aquiescentes, nihilominus prefatis literis ipsius domini nostri Regis contraire non valentes, eosdem nobiles ipsius Regni Sclavonie in eisdem consuetudinibus et libertatum prerogatiuis, quibus ipsi tempore dicti domini Lodovici Regis tenti fuissent et conseruati, ac etiam prout in eisdem literis ipsius domini nostri Regis Sigismundi per omnia continetur, a modo et deinceps illesos et indemnes volumus frui, permanere et potiri; eo modo videlicet, quod sepefati nobiles quemcumque Notarium eligere voluerint, liberam eligendi et deponendi, dandi, et removendi habeant facultatem; ac etiam Comites nostri predicti Regni pro nunc constituti, et in futurum constituendi, universa sigilla ipsorum Comitum, Judicia et causas ipsorum nobilium concernentia, teneantur dare et assignare Nothario prenotato, hoc etiam declarato, ut huiusmodi Notharius de sede Judiciaria eorundem sigilla antefata ad locum alienum minime assportare valeant atque possint (sic); et quod dicti Notarii ac Comites ejusdem Regni Sclavonie sine Judicibus nobilium causas nobilium predictorum nullatenus judicare,

vel literas ad possessionarias perpetuationes et causarum diffinitiones sigillare queant atque possint; id etiam adjecto, quod dicti Notarii et Comites ipsius Regni sub sigillo minori non plures literas nisi Inquisitorias, citatorias, prorogatorias, ac Judiciales dare possint et valent modo aliquali; sed nec hoc pretermisso, quod littere ad ipsas possessionarias perpetuationes et causarum qualiumcumque diffinitiones, et expeditorie sub majori sigillo emanari queant atque possint, vna cum sigillis nobilium predictorum; et quod Comites supradicti litteras expeditorias super facto Birsagiorum non de pluribus nisi de duabus . . . . bus judiciorum predictorum dare possint et valeant, sed non de tertia parte dictorum nobilium iudicibus proveniente. In cuius rei memoriam perpetuamque firmitatem pendens sigilli nostri munimine fecimus . . . . atum in Gara feria tertia proxima post Dominicam Letare. Anno Domini Millesimo Trecentesimo Nonagesimo Octavo.

*(Locus Sigilli pendens.)*

Originalis membr. in Archivo Regni Croatiae. Priv. N. 9.

---

## CXXV.

*Anno 1399. In Šikloš.*

Nicolaus et Joannes de Gara, Bani, Episcopatum Absarensem fratri Nicolao de Šikloš conferunt.

Nos Nicolaus et Johannes de Gara, Regnorum Dalmatie, Croatiae, Sclavonieque Bani, omnibus Christi fidelibus, tam presentibus quam futuris, presentem paginam inspecturis, salutem in omnium saluatore. Fautor et deuotio specialis nos inducunt, vt hos, quos opera sue virtutis dignos efficiunt, prosequi amur prerogatiua, fauore, et gratia speciali; vt ipsorum remunerata deuotio ylare scat, et alij eorum exemplo ad virtutis speciem amplexius et forcius incitentur; nos etiam ex debito iuris cogimur iustas admittere preces, et vota supplicantium clementer exaudire. Cum igitur Episcopatus Absariensis, in Ecclesia Cathedrali B. Virginis in insula nostra Vzor vocata constructa, situs, per Serenissimum Principem Dominum nostrum, Dominum Sigismundum, Regem Hungarie etc., nobis sub noue donationis titulo simul cum patronatu ipsius Ecclesie et collatione dicti Episcopatus perpetuo donata, per decessum venerabilis in Christo Patris Domini Protyni, pye recordationis Episcopi predictae Ecclesie Absariensis, iam in dicta nostra insula de iure et de facto vacare contingat, cuius collatio seu presentatio ad nos, vt premittitur, pertinere dinoscitur; Nos itaque atten-

centes morum honestatem, industriosa virtutum merita, et sufficientem litterarum honorabilis et religiosi viri Domini fratris Nicolay, filij condam Magistri Pauli de Soklos, prouincialis fratrum Canoniorum regularium Ordinis B. Augustini per Hungariam, quibus idem nostre Magnificentie probali commendatur testimonio, predictum Episcopatum in predicta nostra Insula et ad eandem spectantibus existentem, modo premisso vacantem, cum omni plenitudine sui iuris eidem Domino Nicolao Prouinciali, vtili et proficuo, ymo simul cum vniuersis suis iuribus et pertintijs, veluti sui predecessores vsi et fructi fuissent, duximus conferendum et prestandum, et de eodem eidem prouidendum, et in corporale eiusdem Episcopatus dominium introduci faciendo, decernentes testimonio litterarum nostrarum mediante. Datum in Soklos predicta feria quarta proxima in festo B. Gregorij Pape. Anno Domini Millesimo trecentesimo nonagesimo nono.

(*L. S. duorum Sigillorum.*)

Ex Archivo Imp. Viennæ. — C. Fejér. Codex diplomaticus Hungariæ ecclesiasticus ac civilis. Anno 1399. Tom. 10. Pag. 743.

## CXXVI.

*Anno 1401. die 22. Aprilis. In Pachech.*

Comitatum Tininiensem in Regno Croatiae situm, ibique marturinas tributi nomine datas fuisse, hoc Sigismundi Regis privilegio fit manifestum.

Sigismundus Rex Vngarie, Dalmatie, Croatiae etc. etc. Cum nos alias cum plerisque Prelatis et Baronibus nostris, ac proceribus et nobilibus Regni nostri ad Regnum nostrum Bulgarie, ubi immanissimorum Turcorum et aliarum barbararum nationum grandis casus pululabat, una cum valido nostro exercitu applicuissemus, et cum eisdem Turcis et alijs Paganis personaliter agrediendo ducentes in arca certaminis preliando, tandemque occulto Dei iudicio permittente, et fortuna nobis pro dolor nostris viribus nostri exercitus deficientibus, et pluribus fidelibus nostris nostro lateri pro nunc adherentibus prostratis, prefatus q. Nicolaus sub vexillo fidelis nostri M. Viri D. Nicolai de Gara, Regnorum nostrorum Dalmatie et Croatiae ac totius Sclavonie Bani, per eosdem Paganos succubuit et extitit interemptus. Quorum pretextu volentes ipsius Regio occurrere cum favore, quasdam possessiones, seu villas, Brusniche et Zacucchie vocatas, in Comitatu Tinniniensi in Regno nostro Croatiae existentes, in quarum pacifico et quieto dominio ipse Blasco et Nicolaus frater suus, nec non progenitores eorum a tem-

pore q. D. Belle Regis, qui easdem villas ipsis progenitoribus eorum, uti idem Blasco ait, donasset et contulisset, extitissent forentque, et ipse Blasco nec non Marinus, Andreas et Petrus filii predicti q. Nicolai pacifice de presenti etc.

(*Et infra:*)

Nihilominus pro premissis eorum fidelitatibus et servitiis solutionem seu collectam Mardurinarum, de premissis possessionibus nobis et fisco nostro Regio pervenire debentem, eisdem Blasconi et filiis q. Nicolai ipsorum heredibus donando et perpetuo approbando premissa nostra Regia auctoritate remittimus et relaxamus, presentium nostrorum testimonio litterarum; quas dum nobis fuerint representate, in forma nostri Privilegii redigi faciemus. Datum in Pachech feria secunda proxima ante festum S. Georgii Martyris. Anno Domini 1401.

Lucius. Memorie di Traù pag. 397.

## CXXVII.

*Anno 1403. die 14. Augusti. Jadrae.*

Vladislaus Rex privilegia, insulae Brachiae a prioribus regibus et principibus concessa, confirmat.

Vladislaus, Dei Gratia Hungariae, Jerusalem, Siciliae, Dalmatiae, Croatiae, Ramae, Serviae, Galitiae, Lodomeriae, Romaniae, Bulgariaeque Rex, Provinciae et Folcaquerii, ac Pedemontis Comes. Universis praesentes Litteras inspecturis, tam praesentibus quam futuris. Petitiones supplices nostrorum fidelium libenter admittimus, et cum expedit ad exauditiones gratiam perducere libenti animo procuramus, ut nostra benignitas magis clareat et ad rei gestae cautelam robur abundantior accedat. Sane pro parte Mixae de Petrullo et Michaelis da Baloe, Nuntiorum et Ambasciatorum, ad nos transmissorum pro parte Communitatis Universitatis et hominum Insulae Brachiae, nostrorum fidelium, fuit Majestati nostrae humiliter supplicatum: ut, cum antiqui Reges Hungariae, et praesertim bonae memoriae Rex Ludovicus, concesserint et fecerint eisdem Communitati, Universitati, et hominibus insulae Brachiae certa privilegia, libertates et gratias in favorem dictae Insulae, Statuta, Reformationes et Consuetudines, prout in Libris ipsorum Regum et dicti Ludovici plenius continentur; et subsequenter bonae memoriae Stephanus Tuarko, Rasciae, Bosnae et Maritimae Rex, tum dicta privilegia, gratias et libertates, ac Statuta, Reformationes et consuetudines per suas patentes litteras duxerit confirmandas, et addiderit atque concesserit potestatem et licentiam eligendi eis Comitem, cum confirmatione tamen Regiae Majestatis;

et deinde Illustrissimus Princeps Stephanus Dabissa, dictorum Rasciae, Bosnae et Maritimae Rex, post scilicet mortem dicti Regis Stephani Tuarko, praedictas libertates, gratias et privilegia, Statuta, Reformationes et Consuetudines, ac potestatem electionis dictorum Comitum per suas patentes litteras ratificaverit et acceptaverit; postmodum vero Vir Magnificus Hervoja, summus Vojvoda Bosnensis, noster in Regno nostro Hungariae, et aliis Regnis sibi annexis, Vicarius generalis, jam dicta omnia per suas litteras confirmaverit; postremoque Vir Magnificus Aloysius de Aldemarisco de Neapoli, Miles Regni nostri Siciliae, Marescialus ac Capitaneus Galearum nostrarum, nosterque in dictis Regnis Vicarius generalis, praedicta omnia et singula per evidentes litteras acceptaverit et duxerit confirmanda; — Propterea ad majorem cautelam dignamur praefatas gratias, libertates, privilegia, Statuta, Reformationes et Consuetudines ac litteras praedictas, exinde subsecutas, et potestatem, et electiones Comitum praedictorum per nostras litteras patentes confirmare. Nos autem devolis supplicationibus praedictorum praefatas gratias, libertates, privilegia, Statuta, Reformationes et Consuetudines eisdem, Communitati et hominibus praefatae Insulae Brachiae, ut praedicatur, factas, et facta, ac etiam confirmatas, et potestatem etiam electionis dictorum Comitum, qui sunt utique fideles nostri, cum confirmatione tamen nostra, juxta praedictarum omnium litterarum tenorem et continentias, harum seriarum, de certa nostra sententia, ac cum consensu praedictorum . . . . Magnatum et Baronum dicti Regni nostri Hungariae, nobis adstantium, confirmamus, ratificamus et approbamus, nostroque confirmationis, ratificationis et approbationis munimine roboramus, itaque quod nullum diminutionis vel infractus incomodum pertimescant. In cujus rei testimonium praesentes Litteras exinde fieri et magno nostro pendenti sigillo jussimus communiri. Datum Jadrae per Antonium de Poma, Secretarium familiarem et fidelem nostrum dilectum. Anno Domini 1403. die 14. Mensis Augusti, Indictione 11., Regnorum nostrorum Anno 17.

(L. S. N.)

Nicolò Wragnizan, Nodario Publico, ha fatto copiare da fida mano d'altra simile, esibita mi dal Sig. Don Andrea Cicarelli, sottoscritto e sigillato.

Cicarelli Andrea. Osservazioni sull' Isola della Brazza. Venezia 1802, p. 129.

# CXXVHL.

*Anno 1406 — 1470.*

**Privilegium Sigismundi Regis, de Decimis a Regnicolis Regni Slavoniae Episcopo Zagrabiensi secundam antiquam consuetudinem praestandis, anno 1406. exaratum et a Blasio Magyar, Regnorum Bosnae, Dalmatiae, Croatiae et Slavoniae Bano, anno 1470. transsumptum.**

Nos Blasius Magyar, Regnorum Bosnae, Dalmatie, Croatiae et Slavoniae Banus etc. memorie commendamus: Quod Nobilis Johannes Viti de Korbawa, et Anthonius de Kopyncz, ad nostram venientes presentiam, in ipsorum ac totius universitatis Regni Slavoniae nobilium nominibus et in personis exhibuerunt et presentarunt nobis quasdam litteras condam Domini Sigismundi Regis sigillo suo a tergo appressas communitas, patenter — ad relationem Magnifici Domini condam Johannis filii Henrici Wayvode Transylvaniensis emanatas, factum decimarum, libertatemque ipsorum Regnicolarum et consuetudinem antiquam in se denotantes et continentes, tangentes — petentes nos cum Instantia, ut easdem litteras presentibus litteris nostris transcribi et transumi facientes, eisdem dare et concedere dignaremur, Jurium ipsorum in cautellam. Quarum tenor talis est: Sigismundus dei gratia Rex Hungarie, Dalmatie, Croatiae etc. Marchioque Brandenburgensis etc., Sacri Romani Imperii Vicarius generalis, et Regni Bohemiae Gubernator, fidelibus suis Spectabili et Magnifico Viro Domino Hermannо Comiti Cilie et Zagorie, Dalmatieque et Croatiae, ac totius Slavoniae Regnorum nostrorum Bano, nec non Gubernatori Episcopatus Zagrabiensis, ac Decimatoribus seu Exactoribus Decimarum Episcopatus ejusdem, nunc scilicet constitutis et in futurum constituendis, salutem et gratiam. Licet nos premissas Decimas, frugum scilicet et vinorum aliarumque rerum cujuslibet generis eidem Episcopatui, Episcopoque ecclesie loci ejusdem, ex parte Incolarum praefati Regni nostri Slavoniae provenientes, certis causis nos urgentibus, in anno proxime evoluto a Reverendo in Christo patre domino Eberhardo Episcopo annotate Zagrabiensis ecclesie conductive recipientes, in specie et in colore, contra consuetudines et libertates antiquas ejusdem Regni nostri recipi et exigi faceremus. Tamen supplicationibus nobilium, Procerum, aliorumque Incolarum dicti Regni nostri Slavoniae, nostre pro eorundem parte subjective oblatis Majestati, favorabiliter inclinati concessimus et annuimus: vt universi Regnicole nostri hujusmodi Decimas praetacto Episcopo provenientes, de quibuscunque rebus eorum, non in specie et colore sed modo ab antiquo consveto dare, solvere et amministrare teneantur, mandantes vestre fidelitati firmiter et districte per presentes, quatenus amodo deinceps in antea prescriptas Decimas a prefatis Incolis, sub Jurisdictione dicti Episcopatus

constitutis, provenire debentes non in specie et colore uti premissum, sed more alias ab antiquo scilicet consueto ab eisdem recipere et exigere debeatis, secus in premissis nullo modo facere presumentes; et hoc idem iniungimus futuris Decimatoribus et Dicatoribus, Exactoribusque Decimarum earundem firmiter observari; presentes quoque perlectas reddi iubemus presentanti. Datum Agrie Sabbato proximo ante Festum Beatorum Cosme et Damiani Martyrum. Anno Domini Millesimo Quadringentesimo sexto. Unde nos petitionibus prefatorum Johannis, Viti et Anthonii de Kwpyncz, in ipsorum et aliorum quorum supra nominibus et in Personis, nobis porrectis favorabiliter inclinati, prescriptas litteras domini Sigismundi Regis presentibus litteris nostris patentibus de verbo ad verbum sine diminutione et augmento aliquali transumi et transcribi facientes, eisdem Regni nobilibus duximus concedendas. Datum in Zenthghewrgh in festo Beatorum Cosme et Damiani Martyrum predicto Anno Domini Millesimo quadringentesimo septuagesimo.

*(Locus sigilli a tergo impressi.)*

Orig. membrana in Archivo Regni Croatiae. Priv. N. 11.

## CXXIX.

**1412. 3. Februarii. Budae.**

**Sigismundus Rex modum solvendae Banis a civitate Tragurio tergovinae (tributi) determinat.**

Sigismundus etc. fidelibus nostris Magnifico viro Petermanno de Medwe, Regnorum nostrorum Dalmatie et Croatiae Bano, vel Vicebano eiusdem, nec non tributarijs eorundem, vel aliorum quorumcunque in tributis dicto Banatui pervenire debentibus constitutis; Item Banis vel Vicebanis constituendis, alijs etiam cuiusvis status, dignitatis seu conditionis hominibus, huiusmodi tributum tenentibus et habentibus, quibus presentia innotuerint, salutem et gratiam. Ex querela nobilis viri fidelis nostri sincere dilecti Nicolai Petri Micacij de Tragurio, Ambassadoris consilij, Rectoris et Communitatis dicte Ciuitatis nostre Tragurii, in persona eorundem nobis porrecta, intelleximus displicenter, quod vos tributum vulgo Tergovinam, vobis ratione dicti Banatus pervenire debens, contra antiquam consuetudinem et privilegiam libertatem dicte Ciuitatis nostre Tragurii, non ibi et in eo loco, vbi prius seu antea exigi et recipi solitum fuisset, sed in pertinentijs ipsius Ciuitatis Tragurii et quandoque in ea-

(Pars I. Privil. et Libert.)

dem Ciuitate, vbi in exactione huiusmodi tributi plurima disconuenientia et frequenter orirentur, exigere facere incessanter, in preiudicium prescripte priuilegiatæ libertatis et antiquæ consuetudinis eorum valde magnum; et quia nos ipsam Ciuitatem nostram Tragurium in antiquis suis consuetudinibus et priuilegiatis libertatibus intendimus illibate conseruare, ideo fidelitati uestre firmo Regio damus sub edicto, mandantes, quatenus a modo in antea et deinceps dictum tributum non in dicta Ciuitate nostra Tragurio, nec in pertinentijs seu districtu eiusdem, sed ibi in eodem loco, vbi ab antiquo exigere fuit consuetum, recipi, exigere et extorqueri facientes, eandem Ciuitatem nostram in antiquis suis consuetudinibus et priuilegiatis libertatibus illibate conseruando, ab huiusmodi vexationibus et inconuenientijs, que in exactione dicti tributi quoquo modo oriri possent, precauere et custodire debeatis, aliud pro nostra gratia non facturi; presentes denique perfectas semper reddi edicimus presentanti. Datum Bude feria tertia proxima post festum Sancte Dorotee Virginis et Martyris. Anno Domini Millesimo quadringentesimo duodecimo. Regni nostri Anno, Hungarie etc. vigesimo quinto, Romanorum vero secundo.

Lucius I. Memorie Istoriche di Tragurio p. 403.

---

## CXXX.

*Anno 1412. Kal. Novembris.*

**Sigismundus Rex Nicolao Vegliae Comiti possessionem Vegliae et minorum ad eam pertinentium insularum confirmat.**

Sigismundus, dei gracia Romanorum Rex semper augustus, ac Hungarie, Dalmacie, Croacie, Rame, Seruie, Galicie, Lodomerie, Cumanie, Bulgarieque Rex, Marchio Brandenburgensis, nec non Bohemie et Luceaburgensis heres, vniuersis et singulis Christi fidelibus presentibus et futuris presencium noticiam habituris Salutem in salutis largitore. Ne transeant cum tempore, que in tempore aguntur, prouidencia adinuenit humana, vt rerum gestarum series sub litterarum testimonio perpetue memorie comendetur; proinde ad vniuersorum tam presencium quam futurorum noticiam harum serie volumus peruenire: Quod Magnus vir dominus Nicolaus, Comes Vegle, Segne, Modrusce etc., ad nostre Maiestatis presenciam veniens, nobis porrexerit priuilegiales patentes litteras predecessorum nostrorum Regum Illustrum Hungarie, progenitorum nostrorum, suplicans exinde nostre Celsitudini humiliter ac deuote, ut eas litteras regales Juraque sua ac omnia in ipsis continencia sibi hereditibusque suis here-



damque suorum successoribus approbare, ratificare et nostro dignaremur patenti regalique privilegio confirmare. Ideo nos ultra benevolentiam nostram regiam, quam sibi pro suis meritis grata libertate gerimus, visis, auditis et diligenter intellectis Juribus suis, Inclinatique iustis requisicionibus suis, attendentesque fidelitates et seruiciorum merita graciosi, per eum nostro culmini exhibita, Insulam suam Veglensem, Civitatem, Castrum, villam, siluas, nemora, portus, maritimas salinas, scopulos, vocatos videlicet peruich, plasnich et almis, cum illorum pertinencijs, Juraque patronatus ecclesiarum, nostra Regia auctoritate perpetuo ipsi Magnifico viro Comiti Nicolao predicto, suisque heredibus ac heredum successoribus approbamus, ratificamus ac relinquimus pacifice possidere, habere et tenere pleno iure et cum omni Integritate. In cuius rei memoriam perpetuam presentes concessimus litteras has nostras priuilegiales, pendentis autentici sigilli nostri dupplicis, quo videlicet vt Rex hungarie utimur, munimine roboratas. Datum per manus Reuerendi in Christo Patris domini Eberhardi, Episcopi Zagrabiensis, aule nostre Maiestatis summi Cancellarij, fidelis nostri grate dilecti. Anno domini Millesimo Quadringentesimo duodecimo, Kalendis Nouembris, Regnorum autem nostrorum Anno, hungarie etc. XXVI., Romanorum vero tercio.

Orig. membrana in Archivo Regni Croatiae. Fasc. 1646. Nr. 4. — Habet quoque Morčelić in „Notitiis Prael.“ pag. 209, ast erronee.

## CXXXI.

*Circa Annum 1416—1418.*

**Constitutiones Nobilium Regni Slavoniae, in generali Congregatione latae, a Hermano Comite Ciliae et Zagoriae Regni Slavoniae Bano, confirmantur.**

Nos Hermanus, Cilye, Zegurieque Comes etc. et Regni Sclauonie Banus, Memorie comendamus, quod cum post recessum Serenissimi Principis domini nostri Regis Sigismundi de hoc Regno suo Hungarie facto, multe et diuerse rixe, discordie, discessiones, hominum interemptions, spoliations, latrocinia, furticia, combustiones, depredationes, et occupationes possessionum indefinite quasi die noctuque, exclusiones etiam nobilium de eorum domibus propriis cum receptionibus bonorum ac rerum eorundem vniuersarum, ac etiam litterarum Instrumentorum, confractiones et spoliations ecclesiarum et claustrorum, ymmo etiam expugnationes et receptiones Castellorum, aliaque et diuersa multorum et quasi

indicibilium diuersorum malorum genera exorta, suscitata, perpetrata, ymmo in tantum et adeo agregata, ac per quosdam potentes accumulata extiterant, ut ex his malis propter oppressionem pauperum Nobilium et aliorum possessionatorum hominum maxima guerra in hoc Regno Sclauonie oriri uidebatur, ymmo iam exorta extiterat, dictique Nobiles Regni hujus Sclauonie ne in infidelitatem contra Serenissimum principem dominum nostrum regem Sigismundum aliquomodo necessitate compulsi incurrissent, eorum fortalitia atque castella, domos, possessiones et hereditates ad manus et potestates nostras dare et assignare uolebant et conabantur; videntes igitur et considerantes, ut ubi super premissis de remedio oportuno prouisum non fuerit, et dicti actus nephandissimi et perniciosi potentiarii magis et magis augmentarentur, extunc per oppressionem potentum, eorumque sequaces ipsum Regnum Sclauonie quasi in nihilum redigeretur, et pauperes nobiles Regni huius eorum hereditatibus eradicarentur, et eorum rebus et bonis plenarie priuarentur, vna cum Prelatis, Baronibus, Regnique Sclauonie Proceribus, in Crisiensi, Zagrabiensi, Varasdinensi et de Verewcze Comitatibus constitutis, ad presentes octavas festi beati Georgii Martyris signanter et precise pro prosecutione infrascripte dispositionis huc ad nos confluentibus, vnanimi et concordii voluntate vsque felicem aduentum dicti domini nostri Regis in dictum Regnum suum Hungarie fiendum, hanc fecerunt et instituerunt dispositionem: Quod primo et principaliter annuatim non plures nisi quatuor octavas, videlicet festiuitatum Sanctorum Georgii, Jacobi, Michaelis et Epiphaniarum Domini instituemus, in quibus vniversis nobilibus Regni Slavonie in Crisiensi, Zagrabiensi, Varasdinensi et de Verewcze Comitatibus Iudicium et iustitiam juxta antiquam consuetudinem Regni, et presentis Institutionis stabilitatem debeant judicare, ita videlicet, vt semper ipse octaue inchoentur feria secunda proxima post octauum diem festorum predictorum, et birsagia distribuantur feria tertia, videlicet die sequenti; Item decretum proclamate Congregationis vsque felicem aduentum Regie Majestatis ad Regnum suum Hungarie fiendum nullus emanari facere debeat, et in eo ulterius non procedat vsque terminum prefixum, sed omnino condescendat et sopiatur, sed super actibus potentiariis post recessum dicti domini Regis de hoc Regno factum quicumque Regni nobilis unus super alterum perpetrasset, vel alia nocumenta, dampna, iniurias, spolia, nouas possessionum seu terrarum occupationes, hominum interemptions, aliorumque quorumuis malorum genera intulissent, aut vsque aduentum domini nostri Regis in Regnum suum Hungarie fiendum intulerint, talis, cui, vel super quem premissa perpetrata facta potentiaria, ac dampna et alia omnia intulissent, in eisdem octauis, in sedibus Crisiensi, Zagrabiensi, Varasdinensi et de Verewcze predictis, querimonia coram nobis et nostris Vicebanis et Comitibus ac Vicecomitibus Comitatum predictorum, ceterisque probis viris et Iudicibus nobilium, qui pro tunc in eisdem octauis aut in quacunque earundem octauarum in ipsa sede fuerint constituti, aut constituti, querimoniam promouere debeant et teneantur, ibique nos et prefati Vicebani nostri aut Comites vel Vicecomites ex dictis nobilibus . . . ndem nobilium audita ipsa querimonia ipsius querulantis, si factum arduum extiterit, extunc octo vel sex, ubi minus factum fuerit, extunc quatuor, ex dictis autem Iudicibus nobilium similiter si arduum factum fuerit, tunc omnes quatuor, ubi vero minus factum, tunc duo ad faciem possessionis facti perpetrati . . . . . eaque . . . investi-gandi et rescindi meram certitudinis ueritatem, scitaque mera ueritate juxta

fidem ipsorum, Deum et eius justitiam habendo pre oculis, odio, favore, amore, timore et pretio postpositis, si premissa conquesta, et querimoniam suo modo in toto vel in parte investigaverint, factaque so.....otunc ad talem, contra quem ipsam querimoniam in ipsa sede coram judiciali curia nobis et dictis nostris Vicebanis, Comitibus vel Vicecomitibus, et dictis nobilibus ac Judicibus nobilium sepefatis porrecta fuerit, ad domum suam accedere, et eundem, aut ipso absente Dominam Consortem .....ayuodas ac aut uilicos, quos reperire potuerint, in eo amonere debeant, ut ipse talis facti potentia perpetrati, super dampnis, aut terris et novis possessionum occupationis dicti domini Regis factis, juxta adjudicationem, commissionem et deliberationem prefatorum Comitum ..... dicum nobilium pro tunc inibi existentium ipsi querulanti et querimoniam promouenti omnimoda satisfactione coram eisdem impendere debeant et teneantur; qui si fecerint, bene quidem, alioquin iidem Comites et dicti nobiles Regni adminus qua ..... octauis in sedem venientes se penes fidem eorum suo modo fateri et recitare debeant et teneantur, annotatum vero talem, qui prefata facta potentiaria perpetrasset, et suo modo juxta antedictorum commissionem Comitum ac nobilium Regni et Judicum nob ..... potencie convictum facere, et agrauatum in ipsa sede denuncient, pronuncient et adjudicent, ac super huiusmodi adjudicatione nos vel Vicebani nostri, Comites vel Vicecomites litteras sententionales emanari facere, et parti .. lese ..... non plus nisi vnum florenum aureum dare teneantur, de paribus autem primis dispositionis solum centum denarios recipere possint, et non plus; Nos quoque vel Vicebani nostri et Comites, ac ..... que pronunciatu fuerit vniversas possessiones, et portiones possessionarias ipsum proprie concernentes, in dictis Comitibus existentes, occupare et conservare, adjudicatoque leso, et querulanti prius ..... ampnis, et rebus ablatis, mutilatoribus, sanguinis efusoribus, ac hominum interfecto-ribus, detentoribus, tormentatoribus, verberatoribus et quorumcunque malorum generis perpetratoribus, vel propter ..... eisdem possessionibus et proventibus eorundem satisfactionem omnimodam impendere, possessiones autem et jura possessionaria ipsius conuicti cum consuetis prouentibus prout, et quemadmodum per ipsum ..... Serenitate sibi de remedio, et gratia prouideret opportuno, hoc in premissis adiecto, quod si annotati Vicebanus, Comites vel Vicecomites, nobiles Regni ac Judices nobilium ..... repererint, extunc super illum, contra quem ipsa querimonia porrecta fuerit, tres marcas denariorum nouorum, ex quibus una Comiti et alia nobilibus Regni, ac tertia Judicibus nobilium, ubi autem premis ..... nominatos perpetrata fore non repererint, extunc super talem querulantem ipsas tres marcas extorquere ualeant atque possint, et ubi annotati nobiles Regni in ipsa sede in dictis octauis ex ..... ac satisfactionis complementum deputati cum dicto Comite, et Judicibus nobilium ad premissa perficienda accedere noluerit vel noluerint, dempto casu, si alter ipsorum quibusdam aliis suis negotiis arduis, ac infirmitate occupatus ..... aut fienda sibi credibiliorum aut propinquiorem ad premissa deputare et destinare sit obligatus, et si premissa adimplere seu perficere recusaret, extunc talis ex dictis nobilibus in viginti quin-

que marcis convincatur easdem ..... ad tres partes supranominatas dividantur; ubi vero in executione dictorum octo proborum viro-  
rum aliqua contentio oriretur, extunc eosdem tales probos viros, qui pro tunc in sede extiterint et ad ea eligerentur, per se et distinctim ..... et ad vnum pilium imponendo nomina quorumcunque octo proborum virorum promans(?) et antea se-  
riatim de ipso pilio excerpta fuerint, iidem tales octo probi viri per dictum mo-  
dum sortis electi ad prosecutionem huiusmodi factorum previe, et .....  
... antur, ipseque talis nobilis nec litteris regalibus, nec nostris aut aliis quibus-  
vis occasionibus de talibus octavis, in quibus ipsa fassio predictae amonitionis  
facta fuerit, possit probare, et huiusmodi littere casse, vane, viribusque cari-  
ture ..... ipsasque viginti quatuor marcas prefati Vicebanus, Comites,  
Vicecomites, nobiles Regni ac Iudices nobilium super prefatos nobiles talem, vel  
tales, qui de premissa sede judiciaria ad premissam satisfactionem et amoni-  
tionem deputatus, vel deputati fuissent, recusarunt vel noluerunt, usque quindecim  
diem super possessionibus talium, vel talis, extorquere valeant atque pos-  
sint, in tres partes similiter inter se dividendas. Ceterum post pululationem et  
multiplicationem malefactorum et nocivorum hominum taliter extitit determinatum:  
ut in bienni termino, per nos ad id deputando, quilibet nobilis et homo possession-  
natus in facie possessionis sue coram mentionatis Iudicibus nobilium, ac duobus  
nobilibus Regni ad id specialiter exigendis et deputandis, inter Jobagiones suos  
juratos Assessores eliget; qui scilicet jurati Assessores universos et quoslibet  
fures, latrones, predones, intoxicatores, fironissas, incantatores, specialiter in-  
cendarios et interfectores hominum, spoliatores viatorum, de medio ipsorum no-  
minare facere, proscribi et extradare debeant; quos proscriptos et criminales ma-  
lefactores per ipsos juratos extradatos, ipsi nobiles, vel alter eorum coram eis-  
dem juxta eorum demerita interficere debeat et teneatur ibidem in facie sue  
possessionis prenotate, dictique Vicecomes et prenominati nobiles Regni, ac Ju-  
dices nobilium, de rebus ac bonis huiusmodi proscripsi non plus nisi unam mar-  
cam denariorum de propriis rebus ipsius interfecti habere et similiter inter se ad  
tres partes diuidere debeant; et si res et bona ipsius interfecti se ad ipsam unam  
marcam non extenderent, extunc ipsa una marca careant; in casu vero, quo hu-  
iusmodi nobilis premissa facere recusaret, tunc nos una cum nobilibus Regni  
universis possessiones et iura possessionaria ubilibet in dictis Comitatus exi-  
stentia, occupare possimus atque valeamus, easdem tamdiu conservandi, quousque  
a Regia Serenitate sibi de remedio seu gratia promissum fuerit opportuno, hoc  
specialiter declarato, quod si aliquis nobilium talem proscripsum coram eisdem  
juxta sua demerita interfici et pena debita plecti non faceret, et eundem absque  
scitu et sua voluntate abire seu salire retulerit et asseruerit, extunc talis nobilis  
sexto se nobilibus id asseverare mediante juramento debeat et teneatur, ubi  
juramentum non deposuerit, tunc viginti marcas denariorum super eundem Iudices  
antedicti extorquere, quas similiter ad tres partes dividere inter se valeant atque  
possint. Extitit etiam determinatum, quod nos vel Vicebani nostri, Comitesque vel  
Vicecomites, ac Iudices nobilium occupationes possessionum nobilium in dictis  
Comitatibus existentes per litteras Regias, et nostras preceptorias et consuetas  
ac sub quacunque forma verborum emanatas facere et juxta vigorem earundem  
procedere non valeant, neque possint, nisi per formam et deliberationem seu  
dispositionem superius stabilitam seu specificatam. Preterea institimus, quod si

Vicebanus, Comites vel Vicecomites, ac Iudices nobilium dictorum Comitatum, quibuspiam Regnicolis in dictis Comitatus existentibus, post recessum domini nostri Regis de regno Hungarie factum, aliqua facta potentiaria, dampnaque, et rerum ablationes, mutilationes, verberationes, sanguinum efusiones, hominum interfectiones, possessionum et terrarum occupationes, aliaque malorum genera et nocumenta minus juste et indebite perpetrassent vel perpetrarunt, intulissent vel intulerunt, extunc nos specialem hominem nostrum vna cum dictis octo vel sex nobilibus, vel adminus quatuor, ac Iudicibus nobilium similiter quatuor, aut duobus, ad faciem possessionis facti perpetrati ad ammonendum et satisfactionis complementum impendendum et premissa investigandum destinemus, qui prefatus homo noster, et dicti nobiles ac Iudices nobilium, rescita premissorum mera veritate, si per annotatos Vicebanum, Comitem ac Vicecomitem, nec non familiam eorundem, eo modo facta fore compererint, extunc facta ammonitione ex parte talium vel talis perpetratorum vel perpetratoris ad plenariam satisfactionem et solutionem astringant, et si premissam satisfactionem et solutionem facere recusaret vel recusarent, extunc possessiones habentes per occupationes possessionum eorundem, si vero impossessionati extiterint, per ablationes bonorum et rerum suarum, ymo si necesse fuerit cum detentione personarum ipsi leso et querulanti satisfactionem valeant atque possint; insuper huiusmodi possessiones occupatas tamdiu, quousque a Regia Majestate sibi de remedio gratioso provisum fuerit, idem querulans conservare valeat atque possit; e converso autem, quicumque nobilis premissa facta potentiaria ipsis Vicebanis, Comitibus ac Iudicibus nobilium consimiliter perpetrarunt aut perpetraverint, consimilem penam consequantur. Ceterum extitit determinatum, quod Prelati et Barones, ac procures et nobiles regni in ipsas sedes judicarias tempore octavarum predictarum confluentes, non pluribus nisi quatragesima equitibus .. facta eorum prosequentes ad Iudicium progredientes venire valeant, ita videlicet, quod universi et singuli cuiuscumque status et conditionis homines existant, ad sedem Iudicariam tempore predicto in Iudicium accedentes inermes, videlicet sine loriceis, clipeis, gladiis, sagittis ac aliis quibusvis armorum generibus, demptis duntaxat bicellis, venire debeant et teneantur, aliudque non sint ausi facere modo aliquali. Et si quis ausu temerario contra hanc previam dispositionem processerit vel fecerit, talis in persona captivetur, ac armis, et rebus et bonis circa ipsum habitis per Vicebanum et Comites predictos priuetur et desumatur; hoc non pretermisso, quod idem nobiles nobis propter fidelitatem domino nostro Regi observandam, et quoad defensionem et tuitionem dictorum Comitatum et universorum premissorum perfectionem et impletionem totis viribus juxta posse ipsorum fidelia servitia exhibere assumpserunt, quos et nos serie presentium protegere spondimus, ubi nos talem, vel tales, qui in premissis persistere nollent, et se premissis opponere attemptarent aut rebellizarent, huiusmodique dispositioni et ordinationi acquiescere nollent, vel contra premissa ausu temerario et rebellionem procederent, cum nostris viribus ad premissa faciendam et complendam astringere et vincere non valeremus aut non possemus, et dictis nobilibus regni insurgere mandaremus, extunc universi universaliter, et singuli singulariter, videlicet cum equitibus et pedibus, demptis orphanis, viduis, infirmis et viribus destitutis insurgere, et contra talem vel tales procedere, et eosdem juxta eorum dem.... per occupationes possessionum suarum punire valeamus, atque possi... ita tamen, quod fratres

indiuisi unus cum alio et Pater cum filiis indiuisis in huiusmodi processu se expedire possit. Que omnia premissa et premissorum singula usque felicem aduentum ipsius domini nostri Regis in suum regnum Hungarie fiendum in suo statu .oluimus, et voluerunt remanere. Deliberatum etiam extitit, vt vbi aliquis potentior premisse dispositioni consentire nollet, huic repugnare machinando, extunc facta ammonitione per Iudices nobilium vniversi nobiles famuli ..... potentum infra octo dies ipsius ammonitionis ipsius potentis relinquere teneantur, qui si fecerint, bene quidem, alioquin nos aut Vicebani nostri et Comites predicti eosdem tales ... rebelles in person..... talium possessionatorum vnversa occupare, et tamdiu, quousque a Regia Majestate sibi ipsis gratiam obtinere poterunt, tenere, possidere, ignobiles vero familiares talium potentum tam nos et Vicebani nostri ..... nobilis quilibet seu homo possessionatus captiuare, captiuosque ad spinam tanquam latrones pertrahere valeant, teneantur atque possint. Conclusum etiam est, ut et ex parte Emerici et Johannis filii Vaynoch de Marchaly, Comitum Comitatus de Verewcze predicti, eisdem Emerico et Johanne presentibus et benigne acceptantibus, ac etiam ex parte Vicecomitum ipsorum, seu familia, super omnibus actibus in superioribus declaratis modo simili vniversis nobilibus in eodem Comitatu de Verewcze existentibus, et conuenientibus, contra eosdem iterum exurgentibus juxta suprascriptam dispositionem presente homine nostro, prius ad id deputando, consimiliter octo probi et nobiles viri dicti Comitatus cum Iudicibus nobilium in dicta sede Verewcze eligendi totiens quotiens necesse et opportunum fuerit, vti in superioribus declaratur, facere, perficere et efectui mancipare suo modo teneantur. In quorum premissorum testimonium et firmitatem presentes litteras nostras patentes sigillo nostro authentico consignatas, penesque sigilla reverendi in Christo Patris domini et domini Johannis Episcopi ecclesie Tyninyensis, Magnificorumque virorum Alberti Prioris Aurane, ac Emerici et Johannis filiorum Vaynoch de Marchaly, prescriptorum Comitum de Verewcze, prescripta.

*(Locus Sigilli Banalis, et quinque aliorum Sigillorum in inferiori Margine appressorum)*

Orig. membr. in Archivo Regni Croatiae. Priv. N. 12.

**CXXXII.***Anno 1418.*

**Transsumptum Davidis Laczk de Zantho, Regni Slavoniæ Bani, anno 1418 factum, continensque: 1. Statutum Sigismundi Regis, anno 1414 Nobilibus Comitatum Crisiensis et Zagradiensis exaratum, quo vi generalis Decreti toti Regno dati constituitur, ut solummodo tempore Generalium Congregationum in ius vocari possint. 2. Alterum ejusdem Regis, anno 1417 exaratum statutum, quo quantas Capitula in obeundis publicis muniis taxas exigere possint, constituitur. 3. Bullam a Benedicto XII. anno 1334. exaratam, et a Sigismundo Rege anno 1417. transsumptam, qua abusus circa suicidarum sepulturam tolluntur.**

Nos David Laczk de Zantho, Regni Sclauonie Banus, Memorie commendantes tenore presentium significamus quibus expedit vniuersis: Quod nobis feria secunda proxima post octauas festi beati Georgii martyris, vna cum regni Nobilibus pro faciendo moderatio Judicio causantibus in sede nostra Judiciaria sedentibus, Michael Litteratus filius Johannis dicti Kazmer de Rawen, vnus ex Judicibus Nobilium Comitatus Crisiensis, in nostram ueniendo presentiam quasdam tres litteras domini nostri Sigismundi, Dei gratia Romanorum ac Hungarie etc. Regis etc., vnâ ad propriam commissionem eiusdem sub Imperiali, et secundam ad commissionem Baronum sub maiori, nec non tertiam sub mediocri sigillis eiusdem, super libertatibus dicti Regni Sclauonie omnino patenter emanatas, nobis demonstrauit, nosque series earundem coram vniuersitate nobilium dicti Comitatus Crisiensis suo modo perlegi et exponi fecissemus. Mox Egregius vir Emericus filius quondam Ladislai de Gordowa, alias dicti Regni Sclauonie bani, . . . in sua ac Bartholomei et Ladislai fratrum suorum carnalium personis allegauit eo modo: Quomodo ipsi tenoribus dictarum trium litterarum regalium sumptus indigerent, petens nos suo et aliorum predictorum nominibus, vt tenorem earundem litterarum in litteras nostras transcribi facere ipsisque dare dignaremur, vberiori pro cautela. Quarum vnus tenor is est: Nos Sigismundus, Dei gracia Romanorum Rex semper Augustus ac Hungarie etc. Rex, Memorie commendantes tenore presentium significamus, quibus expedit vniuersis. Quod quamuis uigentibus in dicto regno nostro Hungarie quampluribus indebitis et illicitis artibus, per

quosdam nostros Regnicolas calumpniöse excogitatis et adinuentis, quibus nostri Regnicole in rebus et bonis, nec non iuribus ipsorum possessionariis per Banos, Vicebanos, Comites et Vicecomites Comitatum et Regnorum, sub iurisdictione nostra et sacre nostre regni Hungarie corone existentium, assidue et continue uexabantur, infestabantur et affligebantur, alias vna cum Prelatis, Baronibus et Proceribus dicti regni nostri pari et vnanimi arbitrio pro bono communi et reformatione status reipublice in eo videlicet, ne falsitas equitati, sed equitas et Justitia predominari videretur falsitati, huiusmodi actibus, in detrimentum et desolationem regni nostri exquisitis, de ipso regno nostro radicitus extirpatis; vniuersalis cetera Regnicolarum nostrorum perpetue pacis et quietis tranquillitate quiret gratulari, matura deliberatione id decreuerimus, et vbique in regno nostro singulis successivis temporibus firmiter observandum statuerimus, vt nullus Banorum, Vicebanorum, Comitum et Vicecomitum quorumcunque regnorum et Comitatum sub nostra et nostre sacre corone regni Hungarie iurisdictione existentium quospiam nobiles et alterius cuiusvis status et conditionis possessionatos homines, sub iurisdictione honoris ipsorum constitutos et commorantes, in ipsorum presentias in causam attrahere, uel aduersus eosdem aliquas litium materias, tamdiu donec ipsi Bani, Vicebani, Comites et Vicecomites huiusmodi honoris fungerentur dignitate, suscitare; vniuersa etiam Iudicia et quenis Iudiciorum grauamina, in quibus quipiam dictorum Nobilium in presentiis prefatorum Banorum, Vicebanorum, Comitum et Vicecomitum contra quoscunque ordine iudiciario conuincerentur, non alias, nisi tempore generalis congregationis in huiusmodi Regno aut Comitatu, per quempiam aut quoscunque nostros fideles, ex nostra speciali commissione celebranda, super ipsos nobiles et alios possessionatos homines mediante condigna estimatione extorquere deberent seu ualerent. Tamen vti ex querela, in personis vniuersorum Nobilium et alterius cuiusvis status et conditionis possessionatorum hominum Zagrabiensis et Crisiensis Comitatum nostra intellexit Serenitas, Banus, Vicebanus, Comes et Vicecomes dictorum Comitatum, ipso nostro decreto minime observato, mandatisque nostris in hac parte parum pensis, ipsos Nobiles ad nullius alicuius actoris uel causidici Instantiam aut Requisitionem, nisi contra semet ipsos, excogitatis contra eosdem Nobiles diuersis cautelis et calumpniis, Iudices et actores simul esse volentes, in ipsorum presentias, in sedem iudiciariam dictorum Zagrabiensis et Crisiensis Comitatum euocari et citari faciendo, diuersis Iudiciorum oneribus aggrauarent, et tam prescripta Iudicia, quam etiam alia, in quibus iidem Nobiles successu temporum contra alios quoscunque causidicos in presentiis dictorum Bani, Vicebani, ac Comitum uel Vice-Comitum conuincerentur, non iuxta prescriptum nostrum decretum, tempore alicuius Congregationis Generalis, sed secundum uoluntatis ipsorum libitum temporibus quibusbilibet supra prescriptos Nobiles exigerent et extorqueri facerent, incessanter ipsos et eorum quemlibet immaniter depredando et spoliando, in preiudicium dictorum Nobilium et dampnum contemptumque dicti nostri decreti valde magnum. Supplicatum itaque extitit in eorundem Nobilium nostre maiestati humili prece et deuota, ut eis circa premissa de remedio prouidere dignaremur oportuno. Nos enim, qui ex suscepti nostri Regii Regiminis officio quorumlibet nostre ditioni subjectorum incommoda et successus asperos in finem reducere sole-  
mus concupitum, volentes prefatos Nobiles et possessionatos homines dictorum Zagrabiensis et Crisiensis Comitatum precipuis libertatibus secundum formam



dicti nostri Generalis Decreti frui et gaudere illibate de nouo et denuo in dictis Comitatus temporibus quibuscumque firmiter obseruandis, statuimus et committimus, vt a modo in posterum nullus quipiam Banorum, Vicebanorum, ac Comitum et Vicecomitum dictorum Zagrabienſis et Criſienſis Comitatum pro tempore conſtituti, uel alter eorundem, quouſque eoſdem huiſmodi honoris officio fungi contigerit, preſcriptos Nobiles uel alterum eorum in ipſorum preſentias in ſedem dictorum Comitatum pro quibuſcunque factis contra ſe in cauſam attrahere, uel contra eoſdem in dicta ſede aliquam litis materiam ſuſcitare (audeat). Vniuerſa etiam iudicia ſeu iudiciorum grauamina, in quibus prefati Nobiles dictorum Comitatum, uel alter earundem contra quouſcunque coram eiſdem conuicti extitiſſent, aut eoſdem conuinci contigerit, non alias, niſi tempore Congregationis Generalis, per quouſcunque fideles noſtros ex noſtra ſpeciali commiſſione in medio dictorum Nobilium celebrande, extorquere debeat atque poſſit. Quocirca uobis fidelibus noſtris, Bano uel Vicebano, ac Comiti et Vicecomiti dictorum Comitatum ad preſens conſtitutis et in futurum conſtituendis, firmo noſtro Regio damus ſub edicto, omnino uolentes, quatenus a modo in poſterum preſcriptos Nobiles et alterius cuiuſuis ſtatus et conditionis poſſeſſionatos homines Comitatum preſcriptorum, contra formam preſcripti noſtri generalis decreti, modo quo ſupra, contra uoſmet ipſos ueſtri in preſentiam pro quibuſcunque factis euocare, citare ac in cauſam attrahere, dictaque iudicia aliis temporibus, preter quam in dicta Congregatione Generali, in dictis Comitatus celebranda, ſuper eiſdem extorquere, aut eoſdem Nobiles ratione premiſſorum in perſonis, poſſeſſionibus, ac rebus et bonis eorundem impedire, moleſtare quouis modo, uel dampnificare nullo tenus preſumatis, nec ſitis auiſi modo aliquali, aliud facere non auſuri, gratie noſtre ſub obtentu. Preſentes perſecte ſemper reddantur preſentanti. Datum Cremona in feſto Conuerſionis Beati Pauli Apoſtoli. Anno Domini Milieſimo Quadringenteſimo quarto decimo, Regnorum noſtrorum Anno Hungarie etc. uigefimo ſeptimo, Romanorum uero quarto. Alterius uero Continetia ſequitur eſſe talis: Nos Sigismundus, Dei gratia Romanorum Rex ſemper Auguſtus, ac Hungarie, Dalmatie, Croatiae etc. Rex, Memorie commendamus: Quod in preſentibus tractatibus et colloquiis (cum) Prelatis et Baronibus noſtris, vna cum potioribus quouilibet huius regni noſtri Hungarie Comitatum proceribus, ex ſpeciali noſtre maiestatis commiſſione pro faciendis certis diſpoſitionibus, utilitatem et commodum ipſius regni noſtri regnicolarumque noſtrorum continetibus, congregatis et conſtitutis, inter cetera ex eorundem procerum noſtrorum queruloſis relatibus ad noſtram ipſorumque Prelatorum et Baronum noſtrorum audientiam latius eſt deductum, quod ipſi Proceres et Nobiles regni noſtri per Capitula et Conuentus in ipſo regno noſtro habita, et exiſtentes, in ſuperfluis redemptionibus litterarum eorum ſuper diuerſis ipſorum nobilium negotiis quae excipiendarum, per hominesque ipſorum Capitulum et Conuentuum pro faciendis inquisitionibus, euocationibus, ſtatutionibus et reambulationibus poſſeſſionariis, ac ceteris ipſorum nobilium factis iuxta regni noſtri conſuetudinem exequendis, pro teſtimoniis deputandos ratione laborum ipſorum adeo taxarentur et uexarentur, vt nonnullos ex eiſdem pauperiores, ab eorum iuribus ab ipſis alienatis, et iniuriis a potentioribus eiſ illatis, proſequendis ceſſare oporteret, et ſupersedere, nec litem ſeu motionem aliquam ſuperinde ualeret ſuſcitare; et quod dicatores lucri Camere noſtre tempore dicationis ipſius a ſingulis uillicis ipſorum nobilium vnam pintam uini, nouitate ad-

inuenta, ui recipere consueuissent et extorquere, in ipsorum iuris grande derogamen, oppressionemque non modicam. Supplices exinde sibi per nos ad dictos Prelatos et Barones nostros certam limitationem et dispositionem fieri condecens. Ipsi itaque Prelati et Barones nostri, simul cum dictis regni nostri nobilibus, habito superinde deliberatio consilio et tractatu, taliter duxerunt ordinandum, et ordinarunt vnanimi uoluntate, ut dicta Capitula et prefati Conuentus de singulis litteris euocatoriis, proclamatoriis, statutoriis et reambulatoriis, in quibus scilicet contradictio secuta fuerit, item expeditoriis, prohibitoriis et fassionalibus, super facto uidelicet possessionarie impignorationis, et huiusmodi patenter utputa emanandis, singulos uiginti quatuor denarios nouos, de simplicibus uero inquisitoriis et aliis consimilibus clause dandis singulos duodecim denarios, de priuilegialibus quoque et super perpetuitate possessionaria constituendis centum denarios, homo autem ipsius Capituli uel Conuentus, qui ad faciendas inquisitiones, euocationes, statutiones et reambulationes possessionarias, ac ad alia quecunque facta peragenda pro testimonio ducitur, si in equo proprio ierit, tunc pro singulis diebus singulos uiginti quatuor denarios, si uero in equo illius, cuius factum exequitur, ductus fuerit, pro quolibet die duodecim denarios et non ultra recipere ualeant atque possint; dicatores etiam prefati lucri Camere nostre dictam pintam uini a uillicis ipsorum nobilium recipere non presumant, nisi redemptionem dicarum tantummodo tollere debeant. Ceterum quia plerique falsificatores et falsarum monetarum cutores, pecuniarumque abrasores in diuersis locis ipsius regni nostri existere perhibentur, ex quo tam nobis et fisco nostro regio in nostris quam dictis Prelatis, Baronibus, Nobilibusque et possessionatis dicti Regni nostri hominibus in eorum prouentibus, decimarumque, collectarum et dacionum solutionibus maxima dampna, defectusque non modicos creberrime euenisse, et de die in diem euenire dignoscuntur. Ideo iidem Barones cum dictis Proceribus statuerunt, ut predicta falsa moneta pecunie abrase apud quemcunque habita, et existens, infra quindecimum diem festi Epiphaniarum Domini nunc uenturum penitus suffocetur, depereat et aboleatur, nec quispiam hominum ipsam secum portare et cum ea forisare audeat. Si quis uero cuiuscunque status et conditionis homo, ausu temerario, huiusmodi falsam monetam pecuniam circumcisam post tempus premissum secum portare, aut cum ipsa emptiones et forisationes quasuis facere presumpserit, et erga quempiam in quibuscunque locis et foris huiusmodi pecunie inuente fuerint, talis procul dubio comburetur. Et hec uolumus per fora et loca publica, ubiuis in dicto regno nostro palam facere proclamari, presentesque sigillo nostro maiori, quo ut Rex Hungarie utimur, fecimus consignari. Datum in festo Beate Marie Virginis Anno Domini Millesimo Quadringentesimo decimo septimo, regnorum nostrorum Anno Hungarie etc. Trigesimo primo, Romanorum uero Septimo. Tertia uero series sequitur in hec uerba: Nos Sigismundus, Dei gratia Romanorum Rex semper Augustus, ac Hungarie etc. Rex, Memorie commendamus: Quod fideles nostri Thomas Litteratus de Mindzenth et Stephanus dictus ..... ad nostram ueniendo presentiam exhibuerunt nobis quamdam Copiam Bulle seu littere Sedis Apostolice, tempore Sanctissimi in Christo Patris domini Benedicti Pape emanate, cum quadam additione et nostra subinscriptione in margine eiusdem facta, sigilloque nostro minori abolito consignatam, tenorum subsequentium, supplices nobis humili prece ac deuote ..... eiusdem Copie cum ipsa additione uerbotenus transcribi, et

transcriptum sub consignatione sigilli nostri mediocris, ipsis dari facere dignamur. Cuius quidem Copie continentia talis est: Benedictus Episcopus Seruus Seruorum Dei. Venerabili Fratri Archiepiscopo Strigoniensi Salutem et Apostolicam benedictionem. Contingit interdum aliquam consuetudinem reperiri, que recto rationis obuiet, mortalitatis venustati repugnet et sacris presertim Canonibus contradicat, illa ueluti corruptella est Principis auctoritate sonora extirpanda radicitus, penitus abolenda et omnino a vulgarij errorum obseruantia precidenda, talisque circa id debet cautelle prouisio adhiberi, scripturis authenticis et perpetuis Codicibus commitenda, quo in parte deriuetur in posterum, et in illis memoriter propagetur, ne in recidiue contagium per obliuionis rubricam demergatur, fiatque propterea eius detestabilis, iamque dampnate obseruantia rediuiua. Nuper siquidem, ex insinuatione charissimi in Christo filii nostri Caroli Regis Hungarie illustris ad Apostolicum nostrum peruenit auditum, quod in regno suo Hungarie quedam abusus detestabilis inoleuit, uidelicet, quod cum contigit aliquem, quocunque modo interfici hominem, ipse interfectus etiam, si testatus decedat, ad Ecclesiasticam nullatenus dimittitur sepulturam, nisi pro eo, vltra omnia funeralia et alia in talibus alicubi consuetudinem vna marca argenti seu marce vsualis monete, illius terre Archidiacono uel uices gerenti eius, in cuius Archidiaconatu idem interfectus sepeliri debet, pro ecclesiastica sepultura plenarie persoluatur. Quod si bona interfecti uel interfactoris ad hoc non suppetant, et propterea restet dicte marce solutio facienda per Archidiaconum uel ipsius uices gerentem, prefatos omnes de parochia ecclesie, vbi talis interfectus sepeliri debet, supponuntur ecclesiastico interdicto, donec de huiusmodi marce dicto Archidiacono uel suo uices gerenti predicto extitit satisfactum. Quare nobis idem Rex humiliter supplicauit, vt de tollenda prorsus abvsiōe prefata et iniusta exactione predictae marce pro huiusmodi sepultura effectualiter prohibenda, prouidere, de circumspecta Apostolice Sedis Clementia dignaremur. Nos igitur iustum et rationabile merito reputantes, pro sanctionibus etiam canonicis obseruandis fore per Apostolici fauoris presidium in hac parte solide et perpetue prouisionis remedium opponendo, pijs et honestis super hoc ipsius Regis notis efficaciter annuendo, fraternitati tue per Apostolica scripta committimus et mandamus, quatenus si premissa inueneris ita esse, cum pretacta consuetudo euidenter appareat exorbitare a matris tramite, nec non ab honestatis debito discrepare, prefatam consuetudinem, tamquam iniquam et labem Simoniacam continentem, dum modo aliud Canonicum non obstat, auctoritate Apostolica patenter detesteris et tollas, eamque facias omnino cessare, ac eandem auctoritate generaliter prohibeas, ne aliqui presumant in posterum illam aliqualiter obseruare, nec ex causa dicte sepulture vltius marcam exigere uel recipere memoratam, contradictores per censuram ecclesiasticam sublato Appellationis obstaculo compescendo, non obstantibus abvso longo consuetudinis antedictae, seu proscriptione, qui possent forsan in contrarium cauillose ab aliquibus allegari, siue aliquibus his, per que tradite tibi super hoc potestatis exercitio minus rationabiliter posset quomodolibet impediri, aut si aliquibus communiter uel diuisim ab eadem sit sede indultum, quod excommunicari, suspendi uel interdicti non possint, per litteras Apostolicas non facientes plenam et expressam, et de uerbo ad uerbum de indulto huiusmodi mentionem. Datum apud pontem Sergie An..ensis Dioecesis. Idus Augusti Pontificatus nostri Anno primo. Istius uero Additionis series hec est:

Nos Sigismundus, Dei gratia Rex Hungarie, Dalmatie, Croatie etc., Marchio-  
que Brandenburgensis etc., Sacri Romani Imperii Vicarius generalis et Regni  
Bohemie Gubernator, Memorie commendamus per presentes. Quod littera Apo-  
stolica Sanctissimi in Christo Patris condam domini Benedicti Pape tenoris su-  
prascripti cum Bulla Cannapina appensa, coram nobis producta exstitit, quam in  
specie omni suspicione carentem conspeximus, et nostro conseruatorio seu The-  
saurario commisimus reponi, presenti uero transscripto pro testimonio sigillum  
nostrum apponi mandauimus euidentiori transscripta. Bude decimo octauo die  
May. Anno Domini Millesimo Quadringentesimo quinto. Nos itaque iustis suppli-  
cationibus prefatorum fidelium nostrorum Thome Litterati et Stephani per eos-  
dem nostre humiliter porrectis maiestati, pie exauditis, tenorem ipsius Copie  
ipsis sub cum eadem Additione transscribi et transscriptam eiusdem de verbo  
ad verbum consignatione dicti sigilli nostri mediocris dari fecimus vberiore  
ad cautellam. Datum Bude, Sabbatho proximo ante festum beati Jacobi Apo-  
stoli, Anno Domini Millesimo Quadringentesimo decimo septimo. Vnde nos  
petitionibus annotati Emerici in sua .... fratrum suorum personis nobis por-  
rectis inclinati, tenores predictarum trium litterarum de verbo ad verbum sine  
diminutione et augmento aliquali presentibus litteris nostris patentibus transscribi  
et transumpmi faciendo eisdem filijs ladislai Bani duximus concedendas. Datum  
Crisii sexto die termini prenotati Anno Domini Millesimo quadringentesimo de-  
cima octauo.

*(Locus Sigilli appressi.)*

Orig. membr. in Archivu Regni Croatiae. Priv. N. 13.

---

## CXXXIII.

*Anno 1432.*

Statutum Sigismundi Regis, de Marturinis in Regno Sla-  
voniae secundam antiquam consuetudinem ejusdem Regni  
dicandis et exigendis, anno 1432. exaratum.

*Commissio propria Domini Regis.*

Sigismundus ..... Hungarie, Bohemie, Dalmacie, Croacie etc. Rex. Spec-  
tabili et Magnifico Hermano Cilie, Zagorieque Comiti, nec non Regn.....  
dilecto Salutem et gratiam. Pro parte vniuersitatis fidelium nostrorum Nobilium

regni nostri Sclauonie nostre extitit Cels ..... et Jobagiones propter illegitimas mardurinarum dicationes et exactiones, ac intollerabiles, inconsuetasque et indebitos descensus ..... et varias calumpniarum impositiones, horrendas etiam et inauditas patrationes ac iniustorum birsagiorum exactiones ..... panibus, pullis et cera extorsione, quas Annis singulis uestri in dicatione et exactione mardurinarum ..... temporibus condam Serenissimi Patris et Soceri nostri carissimi domini ..... misericorditer .... super quibus ..... querulose porrexissent, et taliter iam paupertatis oneribus essent oppressi ..... persistere possent debet ..... Domini per huiusmodi depauperationem suorum Jobagionum, et etiam per calumpniasas ..... innouatione mediante ..... desuper Maiestati; propter quod nostro culmini humiliter supplicarunt, vt dignaremur per opportuna remedia providere, ne .... dicator ... pro tempore constituti premissa et premissorum aliquod contra et supra consuetudinem eorundem ab antiquo obseruatam possent aut valerent facere, vel quouis ..... huiusmodi iniustas et insolitas exactiones et vexationes permittere introduci et (in) consuetudinem trahi, quarum grauedines (sic) ..... strene pauperum clamoribus eiulatissimis penetraretur celum, et deus, qui cunctorum adiutor et releuator oppressorum flectere ..... ad faciend ..... debitam vltiorem, nobisque nutu diuino regno prefato presidentibus, et vobis, qui nostras in eodem regno vices geritis, non gloria, nec vtilitas, nec honoris ..... tantummodo culpe omnigena accumulatio esset, exinde, nisi remediaretur, indubitanter prouentura, cum nulla possit subsistere ignorantie excusatio, aut ..... Magnificus Nicolaus de Gara, regni nostri Hungarie predicti Palatinus, viuuntque et alii, a quibus cœtitudinaliter de consuetudine in premissis prelibati regni .... Sclauonie litteratorie, aut vocaliter edoceri poteritis, qui honore Banatus memorati regni nostri Sclauonie functi in premissis et circa premissa omnia nec per se, nec ..... mardurinarum dicatores vilo tempore limites equitatis et consuetudinis dicti regni nostri Sclauonie fuere transgressi. Quorum reuera temporibus nulla super talibus ..... nostre clementie aures fatigauit. Cum autem nostre et vestre indicet etas vite, nos proximiores iuuenibus fore debitum soluere nature, minus ergo nobis et vobis ..... e iuuenibus liceat vltionem super nos iustissimi dei prouocare. Sed conuenit ex debito in omnibus equitatem obseruare. Quapropter vestre fidelitatis grati ..... hortamur affectibus, atque eidem regio sub edicto seriusus precipimus, quatenus statim receptis presentibus, in et super omnibus premissis ..... prescripto domino .... alis, si qui nunc premissorum notitiam habent, informatione habita, pretermisissis aliis vestris agendis, personaliter ad id vocare, et assumptis ad vos nobilibus ..... oribus ipsius regni nostri Sclauonie, fide et probitate laudabiliter famatis, disponatis et omnino ordinetis .... fiat dicatio et exactio mard... nec non et descensuum ac victualium, presertim auene, panum, pullorum et cere dacio secundum antiquam et limitatam consuetudinem ab antiq..... quondam Regis Ludouici in talibus obseruatam, et ita fixam in premissis et circa premissa ordinationem, dispositionem et limitationem faciat ..... liter quoad auenam, panem, pullos et ceram, vt successu temporis nec nos aut nostros successores, nec etiam vos ..... at de necessitate ..... in his subire labores. Quoniam nolumus, vt per detrimenta nostre anime et ..... secus ergo nullatenus facere presumatis in premissis .... etiam post earum ..... prima post festum purificationis Beate Marie Virginis gloriose Anno Domini Millesimo quadringen-

tesimo trigesimo secundo, regnorum nostrorum Anno Hungarie etc. quadragésimo quinto, Romanorum uigesimo primo et Bohemie duodecimo.

(*Locus Sigilli Regii appressi.*)

Orig. in Archivo Regni Croatiae. Priv. N. 15.

## CXXXIV.

Anno 1434.

Edictum, a Sigismundo Rege anno 1434 datum, de tributis exigendis, militibusque contra Haereticos et Turcas cogendis, in quo juris liberae electionis Regni Capitanei prima mentio occurrit.

*Commissio propria Domini Imperatoris.*

Sigismundus, Dei gratia Romanorum Imperator semper Augustus, ac Hungarie, Bohemie, Dalmacie, Croacie etc. Rex, fidelibus nostris grate dilectis vniversis et singulis Baronibus, Nobilibus et quibusuis possessionatis hominibus regni nostri Sclauonie in Comitatu Crisiensi constitutis et commorantibus, salutem et gratiam. Quia Sacrum Basiliense Concilium ad exstirpationem et destructionem hereticorum Hussitarum de regno nostro Bohemie specialiter intendens, inter ceteras prouidas ordinationes pro huiusmodi salubri negotio feliciter exequendo statuit et conclusit, vt per totam Christianitatem semidecime, id est vigesima pars decimarum, et similiter omnium aliorum certorum prouentuum annualium, ab omni clero, cuiusuis ordinis et libertatis existat, tam exempto, quam non exempto, ab vniuersis uero Principibus, Comitibus, Baronibus, proceribus, militibus, clientibus, ciuibus, ciuissis, familiaribus, mancipiis, diuitibus et pauperibus, qui annuales prouentus et census habent, siue tales prouentus existant in prompta pecunia. siue in vino, blado, vel aliis quibuscunque rebus, estimari et precari possibilibus, quinquagesima pars seu quinquagesima, denarius vtputa de quinquaginta florenis vnus, de aliis vero rebus mobilibus in prompto repositis, vtputa Thesauris aut pecuniis ad debita mutuatis, ad valorem iustum estimatis, de mille florenis vnus, aut vbi mille floreni minus vel magis existerent, secundum estimationem condecentem, exceptis tamen equis, armis et ad ea spectantibus argenteriiis, ornatis et vestibus, que ad personas eorum spectant; item a qualibet persona, nullos certos prouentus habente, sex denarii vsuales exigantur: ad congregandum et stipendiandum gentes armatas et ad alia opportuna remedia destruendi, elimi-

mandi et exstirpandi hereticos memoratos. Nosque aduertentes et oculis nostris visibiliter conspicientes oratores, ambasciatores et legatos omnium Principum et Regnorum fere totius Christianitatis in ipso Sacro Concilio constitutos, preattactam ipsius Sacri Concilii ordinationem nominibus Principum et Regnorum, a quibus missi sunt, affectuosis voluntatibus acceptasse, considerantes nihilominus ipsum regnum nostrum Hungarie vicinius grauiusque insultibus, non solum ipsorum hereticorum, verum etiam Turcorum et aliorum emulorum nostrorum perturbari et lacerari, quam alia regna remotiora, que ad eorundem hereticorum destructionem et diminutionem anhelantium, predictam impositionem et ordinationem nedum acceptare, verum magis fieri procurare cupierunt, vna cum fidelibus nostris Consiliariis nobiscum hic existentibus mature superinde deliberantes decreuimus, eandem dispositionem nostro et regni nostri Hungarie et aliorum Regnorum nostrorum nominibus rationabiliter acceptandam, nec aliqua causa honesta refutare debendam; cum in hoc negotio, presertim ipsius regni nostri Hungarie, cuius magna pars per insultus dictorum Turcorum iam deuastata est, in hac parte specialiter defensionis causa tractari videatur, idcirco fidelitati vestre et vestrum cuiuslibet firmissimo damus sub edicto, quatenus statim visis presentibus, dilationibus et subterfugiis procul motis, ad preattactam impositionem ipsius quinquagesime et aliarum impositionum superius declaratarum, vel si considerata magnitudine guerrarum regno nostro ex parte ipsorum Hussitarum et Turcorum ac aliorum emulorum ingruentium predicta impositio parua fore visa fuerit, extunc maiores impositiones secundum deliberationem Prelatorum, Baronum et regnicolarum nostrorum limitande, ex medio vestre vniuersitatis certas et idoneas personas fidedignas, Nobiles notabiles, et super premissis rationem dandi facultatem habentes, qui vobis visi fuerint, eligere et deputare debeatis, qui videlicet dictas impositiones ab vniuersis et singulis prenotatis cuiusuis status et conditionis hominibus in predicto Comitatu possessiones Seculari iure habentibus et tenentibus, quoad Seculares personas duntaxat, dicent, exigant et congregent, et de eisdem secundum vnanimem et concordem ordinationem et commissionem vicariorum nostrorum, et vestram, ceterorumque fidelium regnicolarum nostrorum gentes et homines exercitiales, in rebus bellicis bene peritos, vna cum Spectabili et Magnifico Hermanno, Cilie et Zagorie Conite, Regnique nostri Sclauonie Bano, socero nostro charissimo et fideli sincere dilecto, vel eius Vicebano seu Vicecomite Comitatus predicti ..... adiuncto sibi aliquo de vestri medio per vos eligendo ipsis gentibus exercitualibus pro Capitaneo ..... similiter de vestri medio stipendietis et appromptuetis taliter ... cum ..... ligencia, vt in estate presenti tempore debito aduersus dictos Turcos aut hereticos, seu alios emulos, ad quascunque partes magis necesse fuerit, vna cum eisdem procedere ualeant, et nos p ..... in breui proposuimus cum auxiliis earundem gentium ad destructionem dictorum Turcorum ac hereticorum, seu aliorum emulorum prompti esse valeamus, prouidentes tamen, vt ipsi per uos deputati predictas collectas pecuniales superfluis expensis super eos fiendis non minuant, neque grauent eos, a quibus erunt exigende. Quidcunque vero ex huiusmodi pecuniis a stipendiatione et promptuatione gentium exercitualium forsitan residuum fuerit, apud manus dictorum collectorum seu aliorum fideles manus, prout vobis visum fuerit, pro vltioribus vtilitatibus et defensionibus dicti Regni nostri Hungarie disponatis conseruandum. Ceterum cum ex causis animum nostrum inducentibus sigilla nostra

regia penes nostram Maiestatem reseruanda duximus; fidelitati vestre et cuiuslibet vestrum firmissime mandamus, quatenus vniuersis et singulis nostris litteris preceptoriiis, nomine nostro Imperiali et Regali scribendis, sigilloque Reuerendissimi in Christo Patris Domini Georgii Archiepiscopi Strigoniensis Vicarii nostre maiestatis, cui ad id faciendum cum plena nostra auctoritate mandatum dedimus speciale, consignandis, tanquam proprio sigillo nostro sigillatis, omnimodam obedientiam adhibere debeatis, fidelibus nostris prefatis Comiti Cilie et Bano, eiusdemque Vicebanis, nec non Vicecomitibus ac Iudicibus Nobilium Comitatus prenotati hoc idem firmis nostris damus in mandatis. Et aliud in premissis nullo modo facere presumatis. Datum Basilee feria quinta proxima post festum Beati Ambrosii Episcopi et Confessoris. Anno Domini Millesimo quadringentesimo trigesimo quarto, regnorum nostrorum Anno Hungarie etc. XLVIII<sup>to</sup>, Romanorum XXIII<sup>to</sup>, Bohemie XIII<sup>to</sup>, Imperii uero primo.

(*Locus Sigilli Regii appressi.*)

Originale in Archivo Regni Croatiae. Priv. N. 16.

---

## CXXXV.

*Anno 1435. die 4. Aprilis. Posonii.*

**Insulam Vegliam ad Coronam et Regnum Croatiae pertinuisse, hoc Documento probatur.**

Nos Capitulum ecclesie Zagrabiensis memorie commendantes tenore presentium significamus quibus expedit vniuersis. Quod nos litteras Serenissimi principis domini Sigismundi, dei gratia Romanorum Imperatoris semper Augusti, ac Hungarie, Bohemie, Dalmacie, Croacie etc. Regis, domini nostri naturalis, Introductorias, Statutorias et Restatutorias. nobis preceptorie loquentes, obediencia, qua decuit, recepimus, in hec verba: Sigismundus dei gracia Romanorum Imperator semper Augustus, ac Hungarie, Bohemie, Dalmacie, Croacie etc. Rex, fidelibus nostris Capitulo ecclesie Zagrabiensis Salutem et gratiam. Noveritis, quod nobis tempore date presenciarum, vna cum Prelatis et Baronibus ac dicti regni nostri Hungarie proceribus pro prenominatis regni nostri negociis expediendis, hic Posonij constitutis, Spectabilis et Magnificus Vlricus Comes Cilie, filius Spectabilis Friderici similiter Comitis Cilie ex Magnifica domina Elizabeth vocata, filia olim Magnifici Stephani, Segnie, Wegle et Modrusse Comitis, natus, presentibus et audientibus Spectabili ac Magnificis Johanne et Stephano, Regnorum nostrorum Dalmacie, Croacie predictorum Banis, Item Nicolao, Bartholomeo, Dionysio, Sigismundo, Andrea et Ivano, filiis quondam Nicolai, similiter Segne,



Wegle, Modrussie Comitis, proposuit eo modo: Quod quamuis olim Magnus Comes Segnie, Wegle et Modrussie, avus videlicet ipsorum Banorum et Comitum, mediantibus literis et instrumentis efficacibus, superinde confectis, et coram nostra maiestate in specie productis, inter cetera, in eisdem litteris et instrumentis plenius contenta, triginta duo Millia florenorum auri puri et iusti ponderis in dotem et ratione dotis predictae quondam domine Elizabeth, matris ipsius Comitis Vlrici, sponte et liberaliter ordinasset, disposuisset et promisisset, pro quibus quidem triginta duobus Millibus florenorum auri medietatem insule Wegle, nec non Castra Tersath, Bukarij et Berberij vocata, cum omnibus iuribus et proventibus eorum, nec non villam Birchopag, ac vineam in Vinodolio, penes mare, prope villam dictam Selca sitam, ad habendum et vsufruendum, quemadmodum predictus quondam Comes Stephanus, pater eiusdem domine Elisabeth possedisset et tenuisset, nomine et titulo pignoris obligasset, eademque domina Elizabeth, mater ipsius Comitis Vlrici, ipsam medietatem insule simul cum predictis Castris et eorum pertinentijs, ratione sue dotis, titulo iusti pignoris, vsque vite sue tempora pacifice et absque contradictione tenuisset, possedisset, et vtilitates, emolumenta et proventus eorum percepisset et percipi fecisset. Tamen eadem domina Elizabeth, provt domino placuisset, ab hac vita sublata, mox prefatus quondam Comes Nicolaus, pater videlicet predictorum Banorum et Comitum Johannis, Stephani, Nicolai, Bartholomei, Dwyimi, Sigismundi, Andree, Ivani, antefatam medietatem insule Wegle, nec non Castra prenomina, villamque Birchopagh ac vineam supradictas, a manibus ipsius Comitis Vlrici, suorumque officialium, nulla sibi et predictis triginta duobus Millibus florenorum auri, in eum iure materno devolutis, satisfactione impensa, potentialiter occupasset, et occupatas per nonnulla tempora detinuisset. Nuncque prenominati Bani et Comites, filii ipsius quondam Comitis Nicolai, huiusmodi medietatem ipsius insule Wegle, supradictam, simul cum certa parte aliorum Jurium suorum matrum occupatiue et indebite detinerent, proventusque et vtilitates ac obventiones ad summam adminus usque decem Millium florenorum ipsi Comiti Vlrico provenire debentium se extendentes, a principio occupationis vsque in presens tempus de eisdem extrahendo et percipiendo; supplican.. idem Comes Vlricus, super premissis ex parte prefatorum Banorum et Comitum Segnie de iuris et iusticie remedio prouideri; cumque nos hijs auditis et perceptis, per prefatos Johannem et Stephanum Banos ac alios Comites fratres eorum prenotatos, vna cum dictis Prelatis et Baronibus nostris, rationi huiusmodi occupationis et detencionis dicte medietatis insule Wegle a'iorumque premissorum, in nostra ac dictorum Prelatorum ac Baronum nostrorum presencia proponi et allegari petiuissimus et audire voluissimus, ipsis siquidem Banis et Comitibus Segnie premissa non abnegantibus, diuersisque inter partes vtrasque per certos Prelatos et Barones nostros, per Maiestatem nostram ad id deputatos, colloquijs seu interlocutionibus prehabitis, tandem prefati Comes Vlricus personaliter hinc, inde vero prenominati Johannes et Stephanus Bani, Comitesque Nicolaus, Bartholomeus, Dwyimus, Sigismundus, Andreas et Iwanus, pro se similiter personaliter et pro Martino absente fratre eorum vterino, totum onus et grauamen eiusdem in omnibus et singulis supra et infra scriptis in se ipsos assumptum, se vtrumque sponte et voluntarie uiue uocis ipsorum confessione oretenus facta, in et cum totali causa premissa, omnibusque et singulis eiusdem cause dependencijs, con-

nexis et sequelis quibuscunque, et eadem et eius quibusvis articulis rationabiliter deriuari et oriri possibilibus, nostre maiestatis manibus, arbitrio, determinacioni et declaracioni omnimode submiserunt, assignarunt et ex vtraque parte manu tradiderunt. Nos itaque ex innata nobis indicione benignitatis, qua cunctorum nobis subiectorum paci et tranquillitati iugiter indefessum affectum solemus adhibere, cupientes partes inter predictas sanguinis et affinitatis uinculum, iure geniture affectum, concordij et mutui amoris indissolubilitate perpetua combinare, vna cum prenomatis Prelatis et Baronibus nostris vtriusque parcium premissarum allegationibus, responsionibus, probacionibus, iuribus, litteris, instrumentis auditis, uisis, intellectis et debita maturitate compensatis, predictis eciam ambabus partibus uolentibus, consentientibus et acceptantibus, ac infrascripta se presentialiter oretenus obligantibus, pro bono pacis et fraterni ac mutui amoris obseruacione, inter ipsas partes perpetuanda et iugiter seruanda, postergatis, remotis et amputatis omnibus iuris rigoribus, grauaminibus et censuris, que secundum Regni nostri legem et consuetudinem occasione premissorum ordinarie et iudicialiter persecutorum et deductorum oriri, sentenciari et pronuntiari potuissent, commisimus, ac arbitrarie sententialiter commisimus, composuimus et conclusimus in hunc modum: Quod licet prefatus Comes Vlrucus predicta iura sua materna modo antelato primum per olim antefatum quondam Comitem Nicolaum totaliter, et tandem per supranominatos filios ipsius parcialiter indebite occupata et detenta fore, nunquam per eosdem similiter detineri mediante potentia, in quorum omnium vsufructuum et prouentui percepcione predicta decem Millia florenorum auri, dampni percepisse in sui preiudicium allegauerit; tamen ex nostra dictorumque Prelatorum et Baronum nostrorum tranquilla et amicabile compositione presenti, ipse Comes Vlrucus de predicto facto potencie, in occupacione et detencione huiusmodi quomodolibet commisse, simul cum dictis decem Millibus florenorum auri, omnibusque aliis prouentibus, ex predictis iuribus suis maternis occupatis, per predictos Banos et alios Comites Segnie etc, et ad eos pertinentes hucusque perceptis, extractis, condescendendo, eosdem Johannem et Stephanum Banos, nec non Comites Segnie, fratres eorum prenotatos, eorundemque heredes, familiares et quoslibet ad eos pertinentes, pure et simpliciter liberos, expeditos et absolutos, reddere et committere, ipsi uero Johannes et Stephanus Bani ceterique Comites prenotati predictum Comitem Vlrucum in pacificum dominium et realem possessionem sepetacte medietatis insule Wegle ac omnium suarum pertinentiarum, nec non villa Birchopagh et ipsius vinee in Vinodolio, penes mare prope villam dictam Selce habita, per memoratum quondam Comitem Johannem auum ipsorum olim domine Katharine, auo ipsius Comitum Vlruci, mediantibus suis litteris priuilegialibus, coram nobis productis, imperpetuate, omnique et singularum tenutarum pertinencium et contractorum Castrorum Cersach (sic), Bwcharij et Berberij, si quas fortassis ab eisdem retraxissent, occupassent seu impediissent, absque qualibet vltiori resistencia et contradiccione intromittere et imponere ac in eisdem et eorum dominio, et pacifica ac reali possessione, vsufructuacione, prouentuum et omnium vtilitatum integra percepcione, sub titulo et nomine ueri et iusti pignoris predictis triginta duobus Millibus florenorum auri permittere et possetenus manutenere et defendere teneantur tamdiu, donec easdem medietatem insule nec non Castra et villam supranominatas cum earum pertinencijs, iuxta contenta literarum et instrumentorum, superinde conscriptorum et confectorum, simul

aut successiue, ipsi uel eorum heredes, potuerint uel uoluerint, legitima redemptione mediante, ab ipso Comite Vlrico uel eius successoribus eximere et liberare, tali obligaminis uinculo interserto: quod in casu, quo ipsi Bani Johannes et Stephanus et ceteri Comites Segnie fratres eorum sepius nominati, seu ipsorum aliqui uel aliquis, per se uel per alios subordinatos, premissam compositionem, in toto uel in parte irritando aut infringendo, memoratum Comitem Vlricum in plenum et pacificum dominium, omni in premissa compositione conscriptorum absque contradiccione non intromitterent, uel ipsius et eius heredes successu temporis in eisdem et eorum utilitate et prouentibus non conseruarent, seu ante tempus prenominate legitime redemptionis inquietarent, perturbarent aut dampnificarent, extunc ipsi in facto potencie eo facto conuincantur, ipsi autem Comiti Vlrico, seu eius heredibus, omne ius, interesse et actio predictorum decem Milium florenorum et omnium aliorum de dictis suis iuribus maternis occupatiue et minus licite perceptorum et percipiendorum, remanere debeat semper saluum. Ad que omnia et singula premissa firmiter et inmutabiliter adimplenda partes predictae se astrinxerunt et obligauerunt personaliter, ac nostro in conspectu; uerum quia ad restitutionem omnium et singulorum premissorum noster et uester homines necessario sunt transmittendi, ideo fidelitati uestre firmiter precipiendo mandamus, quatenus uestrum mittatis hominem pro testimonio fide dignum, quo presente Ladislaus de Zenche uel Georgius de Bykzad, aut alter Georgius de Greben siue Stephanus Rwhyngus de Bathyna, siue Stephanus filius Andree filii Henrici de Rohonch, alijs absentibus, homo noster per nos ad id specialiter deputatus, octauo die festi beati Georgij martyris proxime uenturi, et alijs diebus, ad id aptis et sufficientibus, ad facies prescripte medietatis insule Wegle, nec non prenominatorum Castrorum, uille et uinee ac vniuersarum pertinenciarum et utilitatum earundem, accedendo, introducat prefatum Comitem Vlricum in dominium earundem, eidem et suis heredibus premisso titulo pignoris possidenda; predictorum Johannis et Stephani Banorum ac aliorum fratrum ipsorum Comitum Segnie supranominatorum contradiccione non obstante. Et post hec huiusmodi introductionis et statucionis seriem, ut fuerit expediens, nobis fideliter rescribatis. Datum Posonii in festo beati Ambrosij Episcopi et confessoris Anno domini Millesimo quadringentesimo tricesimo quinto. Regnorum nostrorum Anno Hungarie etc. quadragesimo octauo, Romanorum uigesimo quinto, Bohemie quintodecimo, Imperij uero secundo. Vnde nos mandatis ipsius domini nostri Imperatoris et Regis semper obedire cupientes, ut tenemur, vna cum prefato Stephano Rwhyng de Bathina, homine sue maiestatis, ad id specialiter deputato, nostrum hominem, uidelicet honorabilem uirum Magistrum Fabianum de Rowycha, socium et canonicum nostrum ad premissa fideliter peragenda nostro pro testimonio transmissimus fidedignum, qui tandem exinde ad nos reuersi, nobis vniformiter retulerunt, quod prefatus homo ipsius Serenitatis, presente dicto nostro testimonio, pretacto octauo die predicti festi beati Georgii martyris proxime preteriti, et alijs diebus ad id aptis et sufficientibus, ad facies prescripte medietatis insule Wegle, nec non prenominatorum Castrorum, uille, uinee, ac vniuersarum pertinenciarum et utilitatum earundem accedendo, introduxisset prefatum Comitem Vlricum earundem in dominium, statuissetque et restatuisset easdem eidem et suis heredibus premisso titulo pignoris possidendas, predictorum Johannis et Stephani Banorum ac aliorum fratrum ipsorum Comitum Segnie prenominatorum contradiccione non

obstante. In cuius rei memoriam presentibus sigillum nostrum duximus appendendum. Datum uigesimo secundo die diei introduccionis, statucionis et restatucionis predictarum. Anno Domini Millesimo quadringentesimo tricesimo quinto supradicto.

Orig. in c. r. aulico Archivo Vienensi.

## CXXXVI.

*Anno 1435. 7. Aprilis Tinninii.*

Sedem judicariam Tiniensem in Regno Croatiae fuisse in eaque juxta consuetudinem Regni Croatiae justitiam administratam fuisse, hocce documento docetur.

Nos Capitulum ecclesie Tiniensis memorie commendantes significamus tenore presencium quibus expedit vniuersis: Quod in nostram personaliter veniens presenciam vir nobilis Andreas Woksich de Starauaz, legitimus procurator spectabilis et magnifici domini Nicolai de Frangepanibus, Wegle, Segnye, Modrusieque etc. Comitis. Idem Andreas nobis exhibuit quamdam litteram honeste sedis Tiniensis, petens nos debita cum instantia, vt eandem transscribi et acopiari dignaremur. Cuius quidem litere tenor per omnia talis est: Nos Iwan Wladkonis Milinich, locum tenens Dalmacie et Croacie Vicebanatus, Nicolaus Mendesich de genere Bucichiorum, Symon Budoyessich de genere Vhnachac et Wok Berislauch de genere Ciprianorum, iudices iurati nobilium Cornuatorum sedis Tiniensis, memorie commendantes tenore presencium significamus quibus expedit per presentes, quod cum nos vna cum Nobilibus Regni Crouacie nonnullis consedissemus, ad ius reddendum vnicuique postulantibus eam, tunc de medio aliorum causidicorum exurgens coram nobis vir nobilis Andreas Wksich de Starawaz de Bussan, legitimus procurator viri magnifici domini Nicolay filii quondam Nicolay de Frangepanibus, Wegle, Segnye, Modrusie etc. Comitis, nomine et in persona ipsius Magnifici Comitis, nos de consuetudine Regni Crouacie tali modo interrogasset, dicens: Quod licet predictus Magnus quondam Nicolaus de Frangepanibus, Wegle, Segnye, Modrussie etc. Comes, Regnorum Dalmacie et Croacie Banus, pater prenominati moderni domini Nicolay de Frangepanibus, eorundem Wegle, Segnye, Modrusie etc. Comitis, quasdam possessiones seu Comitatum Bussane uocatas a Serenissimo principe domino Sigismundo, dei gracia Rege Hungarie etc. pro pignore habuisset: nunc autem date nobis consuetudinem Regni Crouacie; si idem quondam magnificus dominus Nicolaus Comes et Banus easdem possessiones seu Comitatum Bussane dictum, sibi pignori obligacione proueniens, filio suo prenominato moderno magnifico do-

mino Nicolao, aut vxori eiusdem, vel aliquibus aliis dare, alienare, vendere vel impignorare potuisset vel non. Nos . . . eo prenominati Iwan locumtenens vicebanatus, ac Iudices, vna cum nonnullis Nobilibus Regni Crouacie, nobiscum in Iudicio consedentibus, habito inter nos maturo consilio et deliberatione, secundum consuetudinem Regni Coruacie (sic) inuenimus et deliberauimus ac consuetudinem Regni Crouacie dedimus: Quod prenomatus quondam Magnificus dominus Nicolaus de Frangepanibus, Wegle, Segnye, Modrussie etc. Comes, Regnorum Dalmacie et Crouacie Banus, possessiones in Comitatu Bussan, sibi pignori obligatas, filio suo moderno Nicolao, vel eiusdem filii sui, seu aliis quibusuis (et) quibuscunque voluisset, liberam habuisset facultatem dandi, vendendi, alienandi et pignori obligandi. In cuius rei testimonium atque robur presentes, cum appensione sigilli nostri, duximus roborandas. Datum Tininij feria secunda proxima post festum Epiphaniarum domini, anno eiusdem domini Millesimo CCCC<sup>o</sup> Tricesimo quinto. Nos itaque predicti Andree, suis iustis et legitimis petitionibus annuere cupientes, predictas litteras sanas et integras reperiendo, ipsius Iwani et Iudicum Nobilium eorum autentico sigillo consignatas inuenimus. Quas transscribi et accopiare fecimus, nil hadendo nec diminuendo, nostroque sigillo Capitulari in locum ueritatis (?) sibi exhibendo cum appensione duximus roborandas. Datum in predicta nostra ecclesia Cathedrali in die sancti Dyonisi. Anno Domini quibus vt supra.

*(Sigillum Capitulare pendens)*

Orig. membr. in Archivo Regni Croatiae. N. R. A. Fasc. 1593. N. 20.

## CXXXVII.

Anno 1439.

Matko de Thalovec, Regni Dalmatiae, Croatiae et totius Slavoniae Banus, jus Statuum et Ordinum Regni Slavoniae Prothonotharium eligendi confirmat.

Nos Matko de Talloucz, Regnorum Dalmacie, Croacie ac totius Sclauonie Banus, memorie commendamus, tenore presencium significantes, quibus expedit vniuersis. Quod nobis feria secunda proxima ante diem diei medie Quadragesime, Crisii vna cum Regni Nobilibus existentibus, iidem Nobiles inter alias dispositiones per nos cum ipsis ibidem pro communi bono factas, nobis studuerunt declarare: Quod nempe ipsis multorum Regum Hungarie Dominorum ipsorum naturalium, et Banorum eiusdem Regni Sclauonie, nostrorum scilicet predeces-

sorum temporibus, Protonotarios seu Conseruatores sigillorum Banorum in ipso regno pro tempore constitutorum pro iusticia comuni ministranda elegerint, et eligere consueuerint; tamen a quibusdam paucis retroactis annorum curiculis.... Bani ipsius regni eosdem nobiles de huiusmodi eorum consuetudine in electione Prothonotariorum predictorum modo preuio obseruato excepissent, et ipsimet huiusmodi Prothonotarios seu sigillorum eorum conseruatores, in dicta sede Crisiensi elegissent; ex quorum quidem Prothonotariorum per ipsos Banos electorum fauorosis processibus sepenumero sub confidentia ..... eorum .... ipsi Nobiles premissa eorum consuetudine priuati et orbat, ipsos Prothonotarios culpis suis requiren..., de huiusmodi eorum officiis more alias consueto remouendi habuissent facultatem; in discussione causarum ipsorum non modica scandala euenissent, et multi pauperes Nobiles ipsius regni Sclauonie dampna et precipue iurium eorum alien... percepissent, cum si per amplius prefata eorum antiqua consuetudine in electione ipsorum Prothonotariorum vt predictur obseruata priuarentur, formidarentur multis ex eis maiora scandala, peiora prioribus, in futurum in suis iuribus posse euenire. Quibus sic vt prefertur declaratis, iidem Nobiles nobis tanquam personam Serenissimi principis domini nostri Alberti, Dei gracia Romanorum Regis semper augusti, ac Hungarie, Bohemie, Dalmacie, Croacie etc. Regis domini nostri naturalis representantem, supplicarunt, vt ipsis circa premissa de remedio iuri consono dignaremur providere. Nos itaque, qui inter alias ipsius Regie Maiestatis sollicitudines, curas et curarum peruigiles instantias, per nos de ipsius Regie Maiestatis commissione et annuentia speciali expedientes, ad huiusmodi rempublicam commune bonum concernentes, curam sollicitam tenemur adhibere. Eorundem Nobilium declarationibus premissis ordine factis, auditis et intellectis, pro eo, vt huiusmodi Prothonotarii seu Conseruatores sigillorum timore priuationis huiusmodi officiorum suorum percussi in eorundem Nobilium causarum processibus communi et mera iustitia ministran'... magis .... eisdem Nobilibus Comitatus Crisiensis duximus annuen... et conceden..., imo annuimus et concedimus, vt uidelicet amodo et in posterum futuris temporibus vniuersis iuxta eorum antiquam consuetudinem, qua per quosdam ipsius Regni Sclauonie Banos vt prefertur a quibusdam precedentibus temporibus priuati et destituti fore perhibentur, Prothonotarios seu Conseruatores sigillorum pro discussione causarum ipsorum eis per nos et futuros eiusdem Regni Sclauonie Banos assignatorum et assignandorum, eligendi, et tandem culpis huiusmodi Prothonotariorum exigentibus eosdem de eiusmodi eorum officiis remouendi liberam habeant facultatem. In cuius rei memoriam presentes litteras nostras sigillo nostro in pendentem communitas, eisdem Nobilibus duximus concedendas. Datum Crisii predicta tertia die termini prenotati. Anno Domini Millesimo Quadringentesimo trigesimo nono.

(*Signum Sigilli pendentis.*)

Orig. membr. in Archivo Regni Croatiae. Priv. N. 14.

# CXXXVIII.

*Anno 1442. Die festo Corporis Christi. Clissae.*

**Petrus de Talovec, Dalmatiae et Croatiae Banus, suis Castellanis et Vice-Castellanis, in Comitatibus Cethinae et Clissae existentibus, mandat, ut decimas, propter quamdam inter Coronam Hungariae et Regnum Dalmatiae exortam differentiam ab Ecclesia Spalatensi abalienatas, eidem Ecclesiae imposterum reddant.**

Nos Petrus de Talouez, Cethine ac Clissie Comes, Regnorum Dalmacie et Croacie Banus etc. memorie commendamus tenore presencium significantes, quibus expedit vniuersis, quod nos tam considerantes afflictionem, qua populi Christiani deuotioni Sacri Regni Hungarie Corone per seuissimos paganos aliosque dicte Sacre Corone inimicos iusto Dei iudicio affliguntur, per manus secularium personarum minus iuste usurpantur, quam etiam piis supplicationibus Reuerendissimi in Christo patris et domini Jacobini Baduarij Archiepiscopi Ecclesie Metropolitane Spalatensis attentis, volentes etiam supradictam Ecclesiam et eius ministros in omnibus melius adiuuare et subleuare, quam deprimere vel damnificare, vt tenemur iuxta morem bonorum Christianorum, decreuimus, et nostrorum habito maturo consilio, deliberauimus, vt vniuersas decimas aliaque iura ecclesiastica, que a multis retroactis temporibus per nonnullos Reges Sacri Regni Hungarie Corone, et Banos dicti Regni Croatiae propter quandam differentiam inter Sacram Coronam et Regnum Dalmatie exortam, pro dicto Archiepiscopatu Spalatensi fuerunt alienata, et ad sustentationem castrorum Sacre Corone in suprascripto Regno Croatiae habitorum comutata. Tum propter prefatam afflictionem populi Christiani, ne forte Deus omnipotens oculos sue misericordie uelit super nos dirigere, et uidens nos legem suam adimplentes iuxta dictum suum Euangelicum: Reddite, que sunt Cesaris Cesari, et que sunt Dei Deo, nos a manibus seuissimorum paganorum aliorumque Sacre Corone inimicorum suo benigno auxilio dignaretur liberare. Tum etiam uolentes piis supplicationibus dicti domini Archiepiscopi annuere suprascriptas decimas aliaque iura ecclesiastica, que, vt supra, pro sustentatione Castrorum Sacre Corone in Regno Croacie habitantium, exigebantur, ad prefatam Ecclesiam S. Duymi Spalatensem de iure spectantia, et in Comitatibus nostris Cethine uidelicet et Clisse existentia, remittendas et prefate Ecclesie assignandas, imo remittimus et resignamus presencium per uigorem. Quapropter vniuersis et singulis Castellanis et Vicecastellanis aliisque quibusuis Officialibus et Commissariis nostris in dictis Comitatibus Cethine et Clissie existentibus, firmiter precipiendo mandamus, quatenus dictas decimas et alia iura ecclesiastica ad prefatam Ecclesiam Spalatensem de iure

spectantia, a modo in posterum non exigatis, nec exigere sitis ausi modo aliquali, sicut nostram gratiam cupitis obtinere. Ad cuius rei propter maiorem memorie firmitatemque perpetuam has nostras litteras priuilegiales sigillo nostro pendenti iussimus roborari. Datum in Castro nostro Clissie in die Sacra Corporis Christi de Anno Domini 1442.

Lucius I. Memorie Istoriche di Tragurio ora detto Traù p. 458.

## CXXXIX.

*Anno 1457. die 24. Februarii. Budae.*

**Decretum Ladislai Regis de proventibus mardurinalibus in Regno Slavoniae eodem modo dicandis et exigendis, quo proventus lucri camerae in Regno Hungariae dicantur et exiguntur.**

*Commissio propria Domini Regis.*

Nos Ladislaus, Dei gracia Hungarie, Bohemie, Dalmacie, Croacie etc. Rex, Austrieque et Styrie Dux, nec non Marchio Moraue etc., significamus tenore presencium, quibus expedit vniuersis: Quod inter ceteros nuncios regni nostri Sclauonie ad nos missos. nostre Celsitudinis uenientes in conspectum Egregii et Nobiles, fideles nostri dilecti Heningus miles de Zumzedwar et Petrus filius Georgii de Byzad, Nuncii vniuersitatis Nobilium ac aliorum possessionatorum hominum Comitatus Zagrabiensis, in ipsorum ac eiusdem vniuersitatis nominibus et in personis, nobis ac Prelatis. Baronibus et Consiliariis nostris exposuerunt in hunc modum: Quod preteritis temporibus Vicebani dicti regni nostri Sclauonie. nec non Comites ac Vicecomites et Iudices Nobilium Comitatum eiusdem regni, item dicatores et exactores collectarum seu prouentuum mardurinalium, nobis ex eodem regno de antiqua consuetudine prouenientium circa dicationem et exactiorem eorundem prouentuum, plures nouitates ipsis Nobilibus et possessionatis hominibus ac Jobagionibus eorundem, non solum onerosas, verum etiam plurimum damnosas adinueniendo induxissent, et a multis iam temporibus preteritis incolas eiusdem Regni nostri diuersimode grauassent. Inter quas precipue hee essent: Quod vnumquemque villicum, qui ab huiusmodi collecta mardurinali omnino supportatus esse deberet, in vno floreno auri dicare, nec non de singulis dicis sex denarios Soldinos. Item de vnoquoque sigillo similiter sex denarios. et de quitancia seu expeditoria duodecim denarios extorquere. Item per portarium seu hostiarium ipsorum exactorum mardurinalium a quolibet villico intrante vnus denarius, et de singulis dicis similiter vnus denarius exigeretur et reciperetur. Preterea inquilini seu seruitores ipsorum Nobilium et possessionatorum hominum



apud curias eorundem residentes, quibus, sed et coniugibus et liberis ipsorum uictus cottidianos (sic) per dominos eorum ministraretur, qui ad solutionem huiusmodi collecte mardurinalis minime tenerentur, provt etiam nec ab antiquo tempore dicati exstitissent, in medium aliorum ad soluendum dictos prouentus arctarentur et compellerentur. Et vltra hec tempore exactionis huiusmodi mardurinarum diuersa victualia hominibus et equis necessaria, per villas in rebus ac in pecuniis vltra debitum exigerentur, multisque aliis diuersis adinuentionibus incole dicti Regni nostri Sclauonie et Comitatus specialiter Zagrabiensis prefati grauarentur et opprimerentur. Quod in maximum preiudicium ipsorum Nobilium et possessionatorum hominum cederet, oppressionemque pauperum atque dampnum. Supplicauerunt itaque prefati Nuncii suis et aliorum quorum supra nominibus nostre Maiestati humilli precum instantia, vt eisdem circa premissa regali subleuamine prouideremus. Vnde nos, qui cunctorum nostrorum subditorum nobis fidelium ex officio nostri regiminis casus nociuos per consueta remedia reformare, ac iniuste grauatis et oppressis regia prouidentia solemus subuenire. Supplicationibus predictis regali pietate exauditis et clementer admissis, volumus, vt amodo deinceps et in posterum huiusmodi prouentus mardurinales in dicto regno Sclauonie et Comitatu Zagrabiensi iuxta dispositionem quondam Serenissimi principis domini Sigismundi Imperatoris et Regis Hungarie. Aui nostri, eodem modo, quo prouentus lucri Camere nostre in hoc regno nostro Hungarie dicantur et exiguntur, vt porro de singulis quoque portis vnus florenus auri aut valor eiusdem sine aliqua nouitatis inductione consueto tempore exigatur. Quocirca vobis fidelibus nostris dicatoribus et exactoribus predictorum prouentuum mardurinalium in prefato Regno nostro Sclauonie, ac in dicto Comitatu Zagrabiensi nunc constitutis et in futurum constituendis. harum serie firmiter precipientes, mandamus, quatenus amodo in posterum omnibus affuturis temporibus prescriptos prouentus mardurinales secundum predictam dispositionem seu ordinationem tempore consueto a populis et Jobagionibus iam factorum Nobilium et hominum possessionatorum dicti regni nostri Sclauonie et signanter Comitatus Zagrabiensis exigere et leuare debeatis, nec quidquam amplius pro dica, uel sigillo aut quittancia, uel etiam portario seu hostiario vestro petere, seu vltra debitum aliqua victualia in rebus aut in pecuniis a villanis et villicis predictis exigere seu extorquere aliquatenus presumatis. Volumus etiam, vt villici et inquilini seu seruitores predicti contra antiquam dicti Regni nostri Sclauonie consuetudinem in huiusmodi dicatione non connumerentur, sed a talium prouentuum solutione iuxta priorem consuetudinem omnino liberi sint, et supportati habeantur, secus facere non ausuri in premissis. Presentes autem post lecturam semper reddi iubemus presentanti. Datum Bude in festo Beati Mathie Apostoli. Anno Domini Millesimo quadringentesimo quinquagesimo septimo. Regnorum nostrorum Anno Hungarie etc. decimoseptimo, Bohemie vero quarto.

*(Locus Sigilli Regii impressi.)*

Orig. membr. in Archivo Regni Croatiae. Priv. N. 22.

## CXL.

*Anno 1458. 2. die festi Penthecostes. Albae Regiae.*

**Decretum antecedens Regis Ladislai de proventibus Mardurinalibus solvendis a Mathia Rege anno 1458. confirmatur.**

Nos Mathias, Dei gracia Rex Hungarie, Dalmacie. Croacie etc. Memoriam commendamus tenore presencium significantes, quibus expedit vniuersis. Quod nostre Maiestatis venientes in presenciam fideles nostri vniuersi Nobiles Regni nostri Sclauonie exhibuerunt et presentauerunt nobis quasdam litteras Serenissimi principis domini Ladislai similiter Regis Hungarie etc. predecessoris nostri suo secreto sigillo, quo vt Rex Hungarie utebatur, super limitatione solutionis prouentuum mardurinalium e medio populorum et Jobagionum eorundem Nobilium fisco Regio prouenire debentium, modo et ordine inferius in tenore earundem litterarum dicti quondam Ladislai Regis specificata impressione consignatas, tenoris infrascripti, supplicaruntque iidem Nobiles Maiestati nostre humili precum cum instantia, vt easdem litteras prefati quondam domini Ladislai Regis ratas, gratas et acceptas habendo, litterisque nostris priuilegialibus verbotenus inseri et inscribi faciendo, pro ipsis Nobilibus dicti regni nostri Sclauonie presentibus et futuris innouantes, perpetuo ualituras confirmare dignaremur, quarum quidem litterarum tenor is est: Nos Ladislaus Dei gracia Hungarie. Bohemie. Dalmacie. Croacie etc. Rex, Austrieque et Stirie Dux, nec non Marchio Moraue etc. Significamus tenore presencium, quibus expedit vniuersis, quod nostre Maiestatis venientes in conspectum fideles nostri Egregii Nicolaus de Dombo, Turbeltus de Bersthyanovcz, Stephanus Byczkele de Zelin, Nicolaus de Zenthlylek, Nobiles et Nuncii vniuersitatis Nobilium ac possessionatorum hominum Regni nostri Sclauonie, in ipsorum ac eiusdem vniuersitatis nominibus et personis, nobis ac Prelatis, Baronibus et Consiliariis nostris exposuerunt in hunc modum: Quomodo preteritis temporibus Vicebani dicti Regni nostri Sclauonie nec non Comites et Vicecomites et Iudices Nobilium Comitatum eiusdem Regni, item dicatores et exactores collectarum seu prouentuum mardurinalium nobis ex eodem Regno de antiqua consuetudine prouenientium circa dicationem et exactionem eorundem non solum onerosas, verum etiam plurimum dampnosas consuetudines induxissent, quibus multis iam temporibus preteritis incolas eiusdem Regni nostri diuersimode grauassent, inter quas precipue hee essent: quod vnumquemque villicum, qui ab huiusmodi collecta mardurinali omnino supportatus esse debet, in vno floreno auri dicare, nec non de singulis dicis sex denariorum Soldinos, item de vnoquoque sigillo similiter sex denarios, et quittancia seu expeditoria duodecim denarios extorquerent, item per portarium seu hostiarium ipsorum exactorum mardurinalium a quolibet villico intrante vnus denarius et de singulis dicis simi-

liter vnus denarius exigeretur et reciperetur, preterea inquilini seu seruitores ipsorum Nobilium et possessionatorum hominum apud curias eorundem residentes, quibus, sed et coniugibus et liberis ipsorum victus quotidianos per dominos eorum ministraretur, qui ad solutionem huiusmodi collecte mardurinalis minime tenerentur, provt etiam nec ab antiquo tempore dicati exstitissent, in medium aliorum ad soluendum dictos prouentus arctarentur et compellerentur, et vltra hec tempore exactionis huiusmodi mardurinarum diuersa victualia hominibus et equis necessaria per villas in rebus ac in pecuniis vltra debitum exigerentur, multisque aliis diuersis adinventionibus incole dicti Regni nostri Sclauonie grauarentur et opprimerentur, quod in maximum preiudicium ipsorum Nobilium possessionatorum hominum cederet oppressionemque pauperum atque dampnum, supplicarunt itaque nuncii suis et aliorum, quorum supra nominibus nostre Maiestati humili precum instantia, vt eisdem circa premissa regali sub leuamine prouideremus, vnde nos, qui cunctorum nostrorum subditorum nobis fidelium ex officio nostri regiminis casus nocuos per consueta remedia reformare, ac iniuste grauatis et oppressis regia prouidentia solemus subuenire, supplicationibus predictis regali pietate exauditis et clementer admissis volumus . . . modo deinceps et inposterum huiusmodi prouentus mardurinales in dicto Regno nostro Sclauonie iuxta dispositionem quondam Serenissimi principis domini Sigismundi Imperatoris et Regis Hungarie, aui nostri eodem modo, quo prouentus lucri Camere nostre in hoc Regno nostro Hungarie dicantur et exiguntur, vt puta de singulis quinque portis vnus florenus auri aut valor eiusdem sine aliqua nouitatis inductione consueto tempore exigatur. Quocirca vobis fidelibus nostris dicatoribus et exactoribus predictorum prouentuum mardurinalium in prefato Regno nostro Sclauonie nunc constitutis et in futurum constituendis, harum serie firmiter precipientes mandamus, quatenus amodo inposterum omnibus affuturis temporibus prescriptos prouentus Mardurinales secundum predictam dispositionem seu ordinationem tempore consueto a populis et Iohagionibus iam fatorum Nobilium et hominum possessionatorum dicti regni nostri Sclauonie exigere et leuare debeatis. nec quidcunque amplius pro dica vel sigillo aut quittancia vel etiam portario seu hostiario vestro petere, seu vltra debitum aliqua victualia in rebus aut in pecuniis a villanis et villicis predictis exigere seu extorquere aliquatenus presummatis, volumus etiam, vt villici et inquilini seu seruitores predicti contra antiquam dicti regni nostri Sclauonie consuetudinem in huiusmodi dicatione non connumerentur; sed a talium prouentuum solutione iuxta priorem consuetudinem omnino liberi sint et supportati habeantur, secus facere non ausuri in premissis, presentes tandem post lecturam semper reddi iubemus presentanti. Datum Bude Sabbato proximo ante festum Cathedre beati Petri Apostoli. Anno Domini Millesimo quadringentesimo quinquagesimo septimo. Bohemie vero . . . . . Nos itaque humillimis et deuotis supplicationibus prefatorum Nobilium Regni nostri Sclauonie regia benignitate exauditis et clementer admissis, prescriptas litteras dicti quondam domini Ladislai Regis non abrasas non . . . . . aliqua sui parte suspectas, immo mere et sincere veritatis integritate prepollentes, presentibusque litteris nostris de verbo ad verbum sine diminutione et augmento aliquali insertas, quoad omnes earum . . . . . et articulos . . . . . approbamus et ratificamus, easque ex certa nostre Maiestatis sciencia et animo deliberato Prelatorum etiam et Baronum nostrorum ad id accedente consilio pro prefatis Nobilibus Regni nostri Sclauonie presentibus et fu-

turis ..... confirmamus, presentis scripti nostri patrocinio mediante. In cuius rei memoriam firmitatemque perpetuam presentes concessimus litteras nostras pendentis et authentici secreti sigilli nostri, quo ut Rex Hungarie utimur, munimine roboratas. Datum in Alba Regali secundo die festi Penthecostes Anno Domini Millesimo quadringentesimo quinquagesimo octauo.

*Locus Sigilli ex zona sericea coloris albi, rubri et viridis pendentis.*

Originale in Archivo Regni Croatiae. Priv. N. 23.

## CXLI.

*Anno 1462. Sabbatho proximo post festum Ascensionis Domini. Budae.*

**Cautela Statuum et Ordinum Regni Hungariae et foederatorum Regnorum anno 1462. consignata de nulla contributione praestanda.**

Nos Dyonisius. Cardinalis Archiepiscopus Ecclesie Strigoniensis, Summus Cancellarius Regius, Stephanus Archiepiscopus Colocensis, locique eiusdem Comes perpetuus, Ladislaus Agriensis, Joannes Varadiensis, Albertus Veszprimiensis, locique eiusdem Comes perpetuus, Augustinus Jauriensis, locique eiusdem Comes perpetuus, Johannes Quinqueecclesiensis et Urbanus Syrmienensis Ecclesiarum Episcopi, Nicolaus Bodo Prepositus Ecclesie Albensis, Secretarius Cancellarius Regius. Item Michael Orszagh de Gwth, Regni Hungarie Palatinus, Nicolaus de Wjlak Wayuoda Transyluaniensis ac Machouiensis, et regni Sclauonie Banus, Comes Ladislaus de Palocz Iudex Curie Regie, Johannes de Rozgon Thauernicorum Regalium, Emericus de Hederwara Janitorum Regalium Magistri, Ladislaus de Kanisa pridem Wajwoda Transyluaniensis, Emericus de Zapolja Summus Thezaurarius Regie Maiestatis, Nicolaus de Dombo, Regnorum Dalmacie et Croacie Banus, Stephanus de Peren et Ladislaus de Bathor Dapiferorum, Simon de Homonna et Andreas Pangraczy de Dengelegh Pincernarum Regalium Magistri, Paulus de Dombo Agazonum Regalium Magister, Jacobus Czwdar de Olnod. Nicolaus Pethew de Gerse Comes Comitatus Zaladiensis, Paulus et Nicolaus Hercegh de Zentgero, Andreas de Bathor et Emericus de Kanisa notum facimus tenore presencium significantes quibus expedit vniuersis: Quod quia nos pro redemptione Sacre eiusdem regni Corone in hac Congregatione nostra generali vnanimi omnium Nobilium Regnicolarum voluntate contributionem vnus floreni auri pro hac vice exoluendam disposuimus, promisitque propterea nobis et omnibus Regnicolis huius Regni Serenis-

simus princeps dominus Mathias Dei gracia Rex Hungarie, Dalmacie, Croacie etc. Dominus noster graciosissimus, vt nullo vnquam tempore ad solucionem alicuius contribucionis nos et ipsos Regnicolas coarctabit, nec adstringet, nec irrapiet, sed neque petet. Sed magis in omnibus antiquis libertatibus et graciis, quibus scilicet predecessores sui Reges nos et dictum Regnum tenuerunt, realiter tenebit. Ideo nos vnanimi omnium voluntate pro prefato domino nostro Mathia Rege fideiubemus et promittimus in verbo veritatis ac bona fide Christiana nostra penes prefatum dominum nostrum Regem, vt ipse a modo deinceps nullo vnquam tempore nos et dictos Regnicolas ad solucionem alicuius contribucionis compellet, nec adstringet, sed omnia premissa effectiue obseruabit. Nos vero nunquam dabimus aliquam contribucionem, nec irrapere permittemus, harum nostrarum uigore et testimonio literarum mediante. Datum Bude Sabbatho proximo post festum Ascensionis Domini Anno eiusdem Millesimo quadringentesimo sexagesimo secundo.

(Locus Sigillo-um impressorum. et quidem in cera rubra numero norem, in cera viridi numero septem.)

Orig. in Archivo Regai Croatiae. Priv. N. 25.

## CXLII.

Anno 1462. FERIA 2. post festum Ascensionis Domini. Budae.

Mathiae Regis promissum de non exigenda a Nobilibus Regni Hungariae contributione anno 1462. factum, atque speciatim Regno Slavoniae exaratum.

*Commissio propria Domini Regis.*

Nos Mathias, Dei gracia Rex Hungarie, Dalmacie, Croacie etc. Memorie commendamus tenore presencium significantes quibus expedit vniuersis. Quod, quia fideles nostri Prelati, Barones et Nobiles huius regni nostri Hungarie vniuersi pro recuperacione Sacre Corone huius Regni nostri in hac Congregatione generali eorum vnanimi omnium voluntate contributionem vnus floreni auri pro hac vice exoluendam disposuerunt: Ideo nos in verbo nostro Regio, ac fide nostra christiana mediante, promittimus, ipsos Prelatos et Barones ac Nobiles huius Regni nostri Hungarie ad solutionem alicuius contributionis nullo vnquam tempore coarctabimus, nec adstringemus eosdem quoquo modo, et neque petemus ab eis aliquam contributionem, sed magis ipsos et quemlibet eorum in antiquis

eorum libertatibus, quibus temporibus diuorum Regum vsi sunt, tenebimus. Harum nostrarum vigore et testimonio litterarum mediante. Datum Bude feria secunda proxima post festum Ascensionis Domini. Anno eiusdem Millesimo quadringentesimo sexagesimo secundo.

(*Locus Sigilli Regii appressi.*)

Orig. in Archivo Regni Croatiae. Priv. N. 26.

### CXLIII.

*Anno 1467. In Korneuburg.*

**Mathias Rex SS. et OO. Regni Slavoniae jus eligendi Regni Capitaneum confert.**

*Commissio propria Domini Regis.*

Mathias Dei gracia Rex Hungarie, Bohemie etc. Fidelibus nostris Magnificis, Egregiis et Nobilibus ac alterius cuiusvis status et condicionis possessionatis hominibus in Regno nostro Sclauonie constitutis, salutem et gratiam. Cum per hos dies fideles nostros Egregios Nicolaum de Dombo, Ladislaum Hermani de Gereben et Petrum Bykzadi, vestro nomine ad nos misissetis, declarantibus ipsis intelleximus tribulationes, angustias et calamitates vestras, quas per Turcorum incursum nouissime perceperitis. De quibus licet maxime doluerimus et tanto maiorem conceperimus animo molestiam, quanto vestrum incommodum Maiestati nostre magis quam alteri cuiquam iure dolendum sit. Tamen id nobis graue inprimis et molestius est, quod ad alia maxime urgentia Regni nostri negotia occupati et distracti, defensionis vestre personaliter non possumus, prout maxime optaremus, succurrere, et nos ipsos iuxta desiderium nostrum exponere in protectionem vestram. Nec dubitetis, quod vbi Deus hisce Belli occupationibus, ad quod hostilis insultus et maxime Regni nostri defensio nos excitauit, prout spes nobis optima est, liberaverit, non parcemus laboribus, non expensis, sed et personam et vires nostras pro vestra defensione et statu illius Regni nostri recuperando libentissime exponemus. Verum ne nobis interea ad alia intentis et occupatis, Regnum illud et vos (ex negligentia) maiora suscipiatis dampna et iacturas, prouidendum duximus, vt ad communem Regni illius defensionem communia omnium vestrum auxilia concurrant, vt collatis inuicem viribus facilitas Regnum incursandi infidelibus eripiat. Commissimus itaque fidelibus nostris Magnificis Johanni Thuz de Lak et Ladislao Egervara, Regnorum nostrorum Sclauonie et Croacie Bano, vt vobis vnam generalem Congregationem in-

dicant, et ad vnum diem, per ipsos presigendum, vniuersitatem vestram, nemine penitus excepto personaliter conuocent. Requirimus igitur fidelitates vestras et mandamus vobis et vnicuique vestrum harum serie strictissime, quatenus habita presencium noticia, iuxta requisicionem et informacionem prefatorum Johannis Thuz de Lak et Ladislai Bani, ad diem et locum, quem ipsi vobis prefixerint, conuenire, et Congregatione habita, vos ipsi vnumquemque tam Magnatem quam Nobilem cuiusuis status et condicionis possessionatum hominem connumerare, et quot quisque homines ad defensionem et conseruationem eius Regni nostri pro facultate disponere possit, fideliter computare et estimare debeatis, decernatis quoque sub pena debita, vt iuxta connumeracionem et disposicionem vestram eo numero, quo vos in ea Congregatione indixeritis, quotiens pro defensione eius Regni nostri opportunum fuerit, vnusquisque personaliter insurgere debeat et teneatur. Volumus autem, vt in eadem Congregatione vestra pari voluntate et communi consilio penes Banum nostrum vnum eligatis Capitaneum specialem, qui vobis magis idoneus videbitur; qui vna cum ipso Bano nostro defensioni vestre assidue inuigilare, et quotiens opportunum foret, iuxta disposicionem vestram omnes ad insurgendum compellere, vosque et Regnum illud ab hostium incursionibus precauere debeat et defensare. Interea vero, vt vos et vniuersi Regnicole eius Regni nostri vires eo facilius resumere et defensioni communi eo feruentius intendere possitis et valeant, id ex speciali gracia nostra duximus vobis annuendum, vt hinc ad quatuor annorum spacium ab omni solucione taxe exempti sitis et penitus supportati. Datum in ciuitate nostra Corneuburgh in festo beati Luce Euangeliste, Anno Domini Millesimo . . . . . agesimo septimo, Regnorum nostrorum Hungarie etc. anno vigesimo, Bohemie ve . . . . .

(*Sigillum Regium ceræ rubræ impressum.*)

Originale in Archivo Regni Croatiae. Priv. N. 45.

## CXLIV.

*Anno 1468. Sabbatho prox. post festum S. Francisci Confessoris. Posonii.*

**Mathias Rex omnibus Regni sui Slavoniae possessionatis hominibus praecipit, ut decimas, Episcopo Zagrabiensi debitas, praestent.**

*Commissio propria Domini Regis.*

**Mathias, Dei gracia Rex Hungarie, Dalmacie, Croacie etc. Fidelibus nostris vniuersis et singulis Nobilibus et alterius cuiusuis status possessionatis**

(*Pars I. Privil. et Libert.*)

hominibus Regni nostri Sclauonie salutem et gratiam. Intelleximus, quod nonnulli essent ex vobis, qui decimas vniuersarum frugum, bladorum et aliarum rerum decimari solitarum de bonis vestris fidei nostro Reuerendo in Christo Patri domino Osualdo Episcopo Ecclesie Zagrabiensis prouenire debentes, eo modo, prout antiqua priuilegia dicte Ecclesie continerent, et quemadmodum nos superinde vna cum Prelatis et Baronibus nostris alias Crisii deliberaueramus, soluere et extradare recusarent; in quo ipsi domino Osualdo Episcopo ac Ecclesie sue non modica preiudicia et dampna fuissent hactenus causata. Vnde nos volentes vnumquemque subditorum nostrorum et signanter Prelatos Ecclesiarum Regni nostri, qui cultui diuino continue insistere debent, in eorum antiquis iuribus illibate conseruare, fidelitati vestre harum serie firmiter committimus et mandamus, quatenus receptis presentibus, omnes decimas de bonis vestris eo modo, prout alias Crisii superinde cum Prelatis et Baronibus nostris deliberaueramus, et quemadmodum antiqua priuilegia ipsius Ecclesie Zagrabiensis continent, prefato domino Osualdo Episcopo aut hominibus suis per eum ad id deputatis, sine omni recusa persoluere et persolui facere debeatis. Vbi autem quipiam e vobis secus in premissis facere attentarent, commissimus et presencium serie strictius committimus fidelibus nostris Banis et Vicebanis predicti Regni nostri Sclauonie, vt ipsi vos et quemlibet vestrum ad solutionem huiusmodi decimarum modo premissis faciendam, iuxta contenta Decreti condam domini Sigismundi Imperatoris superinde editi, cum birsagiis trium marcarum ac etiam alia oportuna remedia arctius compellant et adstringant, auctoritate nostra Regia ipsis presentibus in hac parte attributa et iusticia mediante; secus ergo non facturi. Presentibus perlectis exhibenti restitutis. Datum Posonii Sabbatho proximo post festum Beati Francisci Confessoris. Anno Domini Millesimo quadringentesimo sexagesimo octauo, Regni nostri Anno undecimo, Coronacionis vero quinto.

*(Locus Sigilli Regii appressi.)*

Orig. membr. in Archivo Regni Croatiae. Priv. N. 33.



# CXLV.

*Anno 1474. In festo Beatae Margarethae. Budae.*

Amica inter Regni Slavoniae Nobiles et Zagrabiensem  
Episcopum Osvaldum de praestandis decimis Conventio  
a Mathia Rege a. 1474. confirmatur.

Nos Mathias, Dei gracia Rex Hungarie, Bohemie etc. Memorie commendamus per presentes: Quod Reuerendus in Christo Pater dominus Osualdus Episcopus Ecclesie Zagrabiensis personaliter nostre Maiestatis veniens in conspectum, quasdam litteras nostras super dispositione et concordia inter ipsum dominum Osualdum Episcopum ex vna, ac Nobiles et incolas Regni nostri Sclauonie ex altera partibus, pretextu solucionis decimarum, coram nostra Maiestate ac Prelatis et Baronibus factis et conclusis, sub nostro secreto ac eorundem, Prelatorum et Baronum sigillis pendentibus confectas, eidem nostre Maiestati exhiberi curauit, supplicans eidem nostre Maiestati cum instantia, vt paria earundem litterarumstrarum sibi dare dignaremur. Quarum tenor is est: Nos Mathias Dei gracia Rex Hungarie, Bohemie etc. memorie commendamus tenore presentium significantes quibus expedit vniuersis: Quod licet nos visis iam sepius et examinatis iuribus et priuilegiis Ecclesie Zagrabiensis super limitatione solucionis decimarum, vna cum Prelatis et Baronibus nostris ipsa iura eiusdem Ecclesie vigori suo iudicialiter relinquerimus, litterisque nostris mediantibus roborauerimus. Nouissime tamen orta iterato differentia aliquali super solutione ipsarum decimarum inter fideles nostros Reuerendum in Christo Patrem dominum Osualdum Episcopum dicte Ecclesie Zagrabiensis Nobilesque et incolas Regni nostri Sclauonie. Cum pridem vna cum Prelatis et Baronibus nostris hic Bude nobiscum existentibus, visis de nouo et examinatis litteris et iuribus Ecclesie memorate finalem limitationem decisionemque iuxta continentiam priuilegiorum diuorum Regum predecessorum nostrorum et etiam nostram prius factam fecissemus, datis et confectis litteris nostris super premissa limitatione et adiudicatione per nos, vt premittitur, de consilio dictorum Prelatorum et Baronum nostrorum facta, penes sigillum nostrum et ipsorum etiam dominorum nobiscum tunc in examine huiusmodi cause existencium, sigilla apponi, et paria litterarum partibus dari mandassemus, superuenerunt iterato ad nos fideles nostri Nobiles Petrus de Bykzad, Andreas Capitanffy de Desznicze et Johannes Viti de Korboua, nomine et in persona vniuersorum Nobilium ceterorumque incolarum tocius dicti Regni nostri Sclauonie, ac supplicantes nobis, quod quia ipsis decimarum solutio nimis hoc tempore onerosa esset, ita, vt nequirent simul et seruicia Maiestati nostre exhibere, et Turcorum insultibus, quorum crebro et frequenti incursu vastarentur,

resistere, et commode debitas decimas persolvere, partes nostras interponere dignemur, ut in exigendis huiusmodi decimis, et presertim in solutione capeciarum Millii aliquod illis alleuiamen fieret. Nos autem supplicationibus prefatorum Nobilium et incolarum totius Regni nostri Sclauonie benigne exauditis, cupientes necessitati et grauedini ipsorum in hac parte consulere, eosque in hac condicione temporis inter tot eorum molestias, quibus urgentur, cum aliquali etiam ipsius domini Osualdi Episcopi et Ecclesie sue grauamina aliquantulum in hoc onere ad tempus releuare, et presertim pro quietiori ambarum partium statu, commiseramus fidelibus nostris Reuerendissimo, Reuerendisque in Christo Patribus dominis Gabrieli Colocensis et Bacsensis Ecclesiarum canonice vnitarum Archiepiscopo, alteri Gabrieli Alben Transyluaniensis, Sigismundo electo et confirmato Quinqueecclesiensis, Alberto Vesprimiensis et Johanni Csanadiensis Ecclesiarum Episcopis; item Magnificis Emerico de Zapolya Comiti perpetuo terre Scepusiensis, Comiti Stephano de Bathor Iudici Curie nostre Regie, Johanni Ernst Thesaurario nostro et Bano Regni Sclauonie, et Emerico de Palocz Agazonum nostrorum Regalium Magistro, ut nomine nostro cum prefato domino Osualdo Episcopo Zagrabiensi super his tractarent disponentque, ut consideratis necessitatibus prefati Regni nostri ipse dominus Episcopus pro mutua eorum pace in solutione prefatarum decimarum aliquam illis faceret alleuiacionem. Qui quidem Prelati et Barones memorati ad nostram Maiestatem accedentes, presentibus etiam partibus antefatis, retulerunt, prefatum dominum Osualdum Episcopum Nobilesque prefatos in persona totius Regni nostri Sclauonie deputatos ad talem intelligenciam, concordiam siue disposicionem reduxisse, quod quamuis ipsi vniuersi incole totius Regni nostri prefati inter alias res decimales de singulis capeciis Millii sex denarios iuxta antiquam diuorum Regum et etiam nostram limitationem prefato domino Osualdo Episcopo et Ecclesie sue de iure soluere deberent, tamen deinceps pro singulis capeciis Milliorum quatuor denarios tantummodo soluere teneantur. In aliis autem solutionibus rerum decimalium antiqua Priuilegia dicte Ecclesie iuxta limitationem diuorum Regum et nostram omnino obseruentur. Interpositis etiam condicionibus infra memorandis, primo, quod per istam intelligenciam, disposicionem siue concordiam antiquis iuribus ipsius Ecclesie Zagrabiensis et etiam partis alterius, nec non limitationibus diuorum Regum et etiam nostris non preiudicetur. Quodque huiusmodi dispositio in intelligencia siue concordia viuente duntaxat ipso domino Osualdo Episcopo Zagrabiensi perduret. Ad quod se ambe partes sponte obligarunt. Tali etiam firmitate adiecta, quod si prefati Nobiles et incole Regni nostri Sclauonie, uel aliqui ex eis temporum in successu in soluendis huiusmodi decimis prefato domino Osualdo Episcopo tergiuersacione exquisita contumaces essent, prefatasque decimas soluere nollent, vel occasione earum coram nobis, vel alias vbicunque locorum lamentarentur, vel lites suscitant, rursus et iterato ad solutionem sex denariorum, quos de singulis capeciis Milliorum iuxta limitationem antiquam et etiam nostram de iure soluere debent, reincidant eo facto. Ad quam quidem solutionem sex denariorum nos eos compellere tenebimur, aut Bani vel Vicebani prefati Regni nostri pro tempore constituti, solum vigore presencium, non exspectato alio superinde mandato. Extunc per grauamina opportuna compellere eos et astringere debeant et teneantur; auctoritate nostra presentibus ipsis in hac parte attributa mediante. Super qua quidem disposicione siue concordia litteras fassionales sub

sigillo palatinali premissa omnia ratificantes et adprobantes quintodecimo die datarum presencium vniuersi Nobiles et incole tocius Regni nostri Sclauonie ipsi domino Episcopo dare debebunt et tenebuntur. Ad quod se prefati Petrus de Bykzad, Andreas Capitanfy de Desnyze et Johannes Viti de Korboua in persona tocius vniuersitatis Nobilium obligauerunt, coram nobis ac Prelatis et Baronibus nostris predictis. In cuius rei memoriam firmitatemque perpetuam presentes litteras nostras secreto sigillo nostro in pendenti communitas et penes sigillum nostrum vberiore ad cautelam etiam sigillis prefatorum dominorum Prelatorum et Baronum nostrorum in huiusmodi dispositione et concordia nobiscum existentium roboratas, vtrisque partibus in simili forma decreuimus concedendas. Datum Bude in festo Inuencionis Sancte Crucis. Anno Domini Millesimo quadringentesimo septuagesimo quarto, Regnorum autem nostrorum Anno Hungarie etc. decimo septimo, Bohemie vero sexto. Nos itaque supplicatione prefati domini Osualdi Episcopi nostre modo premissa porrecta Maiestati exaudita, prescriptas litteras nostras compositionales de verbo ad verbum sine diminutione et augmento aliquali transscribi et transumpmi, presentibusque litteris nostris patentibus inseri facientes, paria, seu tenorem earundem eidem domino Osualdo Episcopo duximus concedenda. Datum Bude predicta in festo Beate Margarethe Virginis et Martiris Anno Domini Millesimo quadringentesimo septuagesimo quarto supradicto.

*(Sigillum Regium appressum)*

Orig. membrana in Archivo Regni Croatiae. Priv. N. 40.

---

## CXLVI.

*Anno 1477. die 18. Novembris. In Korneuburg.*

**Mathias Rex universos Regni Slavoniae Nobiles, de defendendo Regno acturos, ad generalem a Bano indicendam Congregationem venire jubet.**

*Commissio propria Domini Regis.*

**Mathias, Dei Gracia Rex Hungarie, Bohemie etc. Fidelibus nostris vniuersis, et singulis Nobilibus, et alterius cuiusvis status possessionatis hominibus Comitatus Crisiensis salutem et gratiam. Cum per hos dies Fideles nostros Egregios Nicolaum de Dombo, Ladislaum Hermany de Gereben et Petrum Bykzady vniuersitas Nobilium illius Regni nostri Sclauonie ad nos misisset, decla-**

rantibus ipsis intelleximus tribulationes, angustias et calamitates ipsius Regni, quas per Turcorum incursum nouissime percepit; de quibus licet maxime doluerimus et tanto maiorem receperimus animo molestiam, quanto ipsius Regni nostri incommodum Maiestati nostre magis quam alteri iure dolendum sit. Tamen id nobis graue imprimis et molestum est, quod ad alia maxime urgencia Regni nostri negocia occupati et distracti defensionem illius Regni personaliter non possimus, prout maxime optaremus, succurrere, et nos ipsos iuxta desiderium nostrum exponere in protectionem ipsius Regni nostri. Verum ne nobis hisce belli occupationibus, ad quod hostilis insultus et maxime Regni nostri defensio nos excitauit, intentis, interea Regnum illud, ex negligencia, maiora suscipiat dampna et iacturas, prouidendum duximus, vt ad communem Regni illius defensionem, tam maiorum quam minorum auxilia concurrant; vt collatis inuicem viribus facilis Regnum incursandi infidelibus eripiat. Commisimus igitur fidelibus nostris Magnificis Johanni Thuz de Lak, et Ladislao de Egervara Regnorum nostrorum Sclauonie et Croatie Bano, vt ipsi vniuersitati illius Regni nostri et omnibus vobis vnam generalem Congregationem indicant, et ad vnum diem per ipsos prefigendum vniuersitatem illius Regni nostri et vos omnes, nemine penitus excepto, personaliter conuocent. Mandamus itaque fidelitati vestre et vestrum cuiuslibet sub debita fidelitatis obediencia, quatenus receptis presentibus, iuxta requisicionem et informacionem prefatorum Johannis Thuz et Ladislai Bani ad diem et locum, quem ipsi vobis prefixerint, inter alios fideles nostros, quibus similia scripta misimus, conuenire, et id, quod illic circa defensionem illius Regni per vniuersitatem Nobilium, et per vos omnes pari voluntate conclusum et ordinatum fuerit, obseruare debeatis, et aliud, prout bonum illius Regni desideratis, et mandata nostra obseruare vultis, facere non debeatis. Datum in Oppido nostro Korneuburg in festo sancti Luce Euangeliste. Anno Domini Millesimo Quadringentesimo septuagesimo septimo, Regnorum nostrorum Hungarie etc. vigesimo, Bohemie vero nono.

*(Sigillum Regium rubra cera impressum.)*

Originale in Archivo Regni Croatiae. Priv. N.-44. \*)

---

\*) Huc pertinet Documentum superius sub Nro. CXLIII. erronee ad annum 1467. positum.

## CXLVII.

*Anno 1480. die 28. Novembris. Crisii.*

Nobiles Regni Slavoniae in generali sua Congregatione in Zdenc celebrata cum Episcopo Zagrabiensi Osvaldo de decimis conveniunt.

Nos Ladislaus de Egeruara Regnorum Croacie et Sclauonie Banus memorie commendamus, quod nobis feria secunda proxima post octauas festi beati Georgii Martiris vna ..... in sede nostra Crisiensi constitutis et littere nostre super facto solucionis decimarum per Egregium Magistrum Petrum de Gadovcz V ..... ipsius Regni Sclauonie coram nobis exhibite fuissent, hunc tenorem continentes: Nos Ladislaus de Egeruara, Regnorum Dalmacie, Croacie, ..... us Sclauonie Banus, memorie commendamus tenore presencium significantes, quibus expedit vniuersis. Quod cum de mandato Serenissimi Principis Domini Mathie, Dei gracia Regis Hungarie, Bohemie ec. Domini nostri naturalis atque graciousissimi, in presenti festo beatorum Fabiani et Sebastiani Martyrum hic in oppido Zdencz vna cum certis Magnatibus Proceribusque et Nobilibus dicti Regni Sclauonie pro excogitandis et adinueniendis viis, modis, atque remediis, quibus predictum Regnum seua rabie seuissimorum Turcorum iam fere in parte maiori lacessitum et conculcatum ab eorundem Thurcorum vlterioribus insultibus et perturbacionibus eripi et defensari possit, congregati fuisset, certosque exinde tractatus peregissemus, tunc inter ceteros in Christo Pater dominus Osualdus Episcopus Ecclesie Zagrabiensis personaliter ab vna, item Egregii et Nobiles domini Nicolaus de Dombo, Ladislaus Hermani de Gereben, alter Ladislaus de Zenche, Petrus Bochkay de Raszinakerezthur, Nicolaus Posegay de Garignicza, Gregorius Horvath de Gay, Johannes de Gepew, Ladislaus Byczkelew de Zelnawar, Ladislaus, Stephanus et Johannes filii Poch de Decche, Andreas Capitan de Desnicze, Magister Petrus de Gudowcz, Ladislaus et Stanislaus de Szerenche, Magister Johannes Viti de Corbowa, Nicolaus de Kamarcza, Antonius de Kopincz, Blasius Briga de Jakozerdahely, Michael de Zenth-Iwan, Nicolaus Fanchy de Gordowa, Blasius Budor de Budrovcz, Nicolaus filius Michaelis de Peker, alter Nicolaus filius Laurentii de eadem, Georgius de Ztobicza, Gregorius de eadem, Nicolaus Borothwa de Terzthenicze, Joannes de Kamarya, Georgius Lazovetz, Joannes, Andreas et Thomas filii Wytez de Kamarcza, Johannes de Chertzwecczenth-Peter, Ladislaus Simonouich de Miletincz, Stanislaus de Buthkafeld, Mathias Sos de Gothallowcz, Emericus Zebene de Zebenowcz, Petrus de Bykzad, Nicolaus filius Petri Erdeli de Hachko, Petrus Saffar de Gothallowcz, Janko de Chazmafew, Nicolaus Vitez de Kamarcza, Petrus Kerhen de Bellossowcz et Stephanus Peres de Gerecz in suis ac vni-

uersorum Nobilium et incolarum preattacti Regni Sclauonie possessiones habentium nominibus, et in personis, parte ex altera, coram nobis constituti, sponte dixerint et exstiterint confessi in hunc modum: Quod licet super facto et modo solucionis decimarum vini inter decimatores prefati domini Osualdi Episcopi ex vna, et prescriptam vniuersitatem Nobilium seu regnicolarum, eorumque officiales parte de altera, fere singulis annis frequentes et assidue difference et discrepaciones oriebantur et suscitabantur, quod parti utrique satis tedio exstitit. Tamen ipse partes saluti pari commodo et quieti consulere cupientes, vt et diuino et humano iuri satisfaceret, nullaue proin dispendium pateretur in hac parte, super modo et facto solucionis decimarum vini prescriptarum, sic et taliter concordassent et inter se ordinassent; imo concordarunt et ordinarunt nostri in conspectu, vt tam vbertatis, quam sterilitatis tempore, vita iam fato domino Osualdo Episcopo duntaxat comite, singulis annis in quolibet decimacionis cutelo decimatores ipsius domini Episcopi pro quolibet decimo cubulo, pro et de singulis duabus pintis vini semper vnum solidum vel denarium, quorum denariorum centum vnum florenum auri pro tempore facient et valebunt, a populis et Jobagionibus dictorum Nobilium exigere et recipere debeant. In quo prefati domini Nicolaus de Dombo, Ladislaus de Gereben, alter Ladislaus de Zenche, et Petrus Bochkay, alique predicti se ipsos, nec non prescriptos vniuersos Nobiles Regni, fide eorum Christiana mediante persistere velle, et id ipsum firmiter tenere et obseruare assumpserunt. E conuerso autem prenomatus dominus Osualdus Episcopus ad petitionem preattactorum Regni Nobilium eisdem id annuit, quamuis ipsi de bonis et possessionibus eorum annis singulis vsque festum beati Martini Episcopi et Confessoris decimas bladi et vini et omnium aliarum rerum decimari solitarum iuxta Jura et Priuilegia ipsius domini Episcopi et Ecclesie sue integraliter persolvere tenerentur, vt a die dicacionis ipsarum decimarum vsque festum Purificacionis Beate Marie Virginis, in vita prelibati domini Episcopi, ipsa solutio decimarum bladi, et vini, et aliarum rerum successiue integraliter fieri et perfici debeat, quodque ipse dominus Episcopus et decimatores sui vsque vigesimum diem festi Natiuitatis Domini dictis Regnicolis, vel eorum alteri, ratione non solutionis ipsarum decimarum ecclesiasticum interdictum imponere non valeant neque possint, sed eodem vigesimo die elapso quoslibet soluere recusantes huiusmodi ecclesiastico possint et valeant interdicto innodare, quod quidem interdictum semper vsque festum Purificacionis predictum ac vel mediate vsque plenariam huiusmodi decimarum exactionem et persolucionem debeat perdurare, nichilominusque eciam transacto dicto Purificacionis festo interdicto ecclesiastico prenotato non obstante, Bani Regni Sclauonie predicti aut eorum Vicebani et Comites Crisiensis ac Zagrabienensis pro tempore constituti, singulos rebelles et soluere recusantes in trium marcarum birsagio ad solucionem earundem decimarum compellere et astringere valeant atque possint. Ad que omnia premissa firmiter obseruanda partes predictae sese, nec non prenominati domini Nicolaus de Dombo, Ladislaus de Gereben, et alter Ladislaus de Zenche et Petrus Bochkay cum eorum complicitibus prenarratis, predictos vniuersos Regni Nobiles vltro obliigarunt voluntate coram nobis. In cuius rei testimonium presentes litteras nostras sigillis Vicebanorum et Comitum nostrorum Crisiensium consignatas sepefato domino Osualdo Episcopo duximus concedendas, quas dum nobis in specie reportate fuerint, sub sigillo nostro Banali, et authentico confici et emanari fa-

ciemus. Datum Crisii die Dominico proximo ante festum beatorum Simeonis et Jude Apostolorum. Anno Domini Millesimo quadingentesimo septuagesimo octauo. Mox Egregius Andreas Capitan de Desnicze Vicebanus et Comes noster Crisiensis nostram exurgens in presenciam paria earundem litterarum per nos sibi dari postulauit, que eidem duximus concedenda communi iustitia suadente, presentes autem sigillo Egregii Petri Bochkay de Razinakerezthur Vicebani et Comititis nostri Crisiensis fecimus consignari. Datum Crisii feria secunda prenotata Anno Domini Millesimo quadingentesimo octuagesimo.

*(Locus Sigilli in exteriori facie appressi.)*

Orig. in Archivo Regni Croatiae. Priv. N. 47.

## CXLVIII.

*Anno 1481. Crisii.*

Banus Ladislaus de Egervara una cum Nobilibus Regni Slavoniae, quanta telonia et vectigalia in Regno solvenda sint, in Regni Congregatione, prope Zagrabiam servata, determinat.

Nos Ladislaus de Egervara, Regnorum Dalmacie, Croacie et tocius Sclauonie Banus, memorie commendamus, quod cum feria tertia proxima ante festum Purificacionis Beate Marie Virginis Serenissimus princeps dominus Mathias Rex, dominus noster graciosus, per Magnificos dominos Michaellem Orzag de Gwth dicti Regni Hungarie Palatinum, et Comitem Stephanum de Bathor Judicem Curie Sue Maiestatis, prope ciuitatem Zagrabiensem, pro reformatione status Regni Sclauonie extirpandisque malefactoribus et nociuis hominibus, cunctis etiam maleficiis ac prauitatibus et malis abolendis, vniuersis Nobilibus eiusdem Regni Sclauonie Crisiensis, Zagrabiensis, Varasdiensis et Werewcze Comitatum Congregationem celebrare fecisset generalem, et in eadem inter alia, que pro dicti Regni comodo et iusticie augmento acta fuere, non mediocres de et super tributis in hoc Regno vbique habitis et erectis tractatus et labores facti exstiterint, vbi comperto, agnitioque et intellecto, quod in quibusdam tributorum predictorum valde iniuste inconuenientesque et superflue exactiones a pretergredientibus cum mercantiis et aliis questoribus habite fuere, ex eisdem quedam iusta et recta, quedam vero iniusta et superflua, et proscriptione Comitum et Judlium, Juratorumque Assessorum ipsius Congregationis condemnata exstitere, quamuis expost

(Pars I. Privil. et Libert.)

prefatus Dominus noster Rex ad dictorum vniuersorum Nobilium Regni Sclauonie supplicationem, propterea Sue Maiestati porrectam, eisdem prescriptis iniustis et superfluis tributis gratiam fecerit, et in deposita esse promiserit ea conditione, vt ipsa tributa amodo et in antea in dampnum et iniuriam quorumcunque tam mercatorum, quam questorum et ceterorum cuiusuis status et conditionis hominum non fiant, sed eorum possessores et officiales, atque amministratorum vt tributarii, iustis duntaxat, rectisque et conuenientibus exactionibus vti et eis contenti esse debeant, idem Dominus noster Rex nobis firmiter dederat in mandato, vt exactiones huiusmodi tributorum seu Theloniorum quorumcunque Nobilium et possessionatorum hominum huius Regni et in quibusuis Comitatibus et locis in hoc Regno Sclauonie existencium, et exigi solitorum, in octauis festi beati Georgii Martyris vnacum Regni Nobilibus ordine debito limitare et moderare deberemus. Ipsis itaque octauis occurrentibus, nos vna cum vniuersitate Nobilium dictorum Comitatum ipsius Regni Sclauonie in exactionibus et solucionibus tributorum seu theloniorum quorumcunque, de mandato et voluntate eiusdem Domini nostri Regis limitationem infra declarandam cunctis futuris perpetuis successiuis temporibus duraturam, Comitatus prescriptis duximus imponendam atque statuendam eo modo: Primo videlicet de singulis curribus balarum ligatarum florenus vnus exigatur, item de curru onerato cum pannis more balarum non ligatis florenus medius, item de pannis sericeis et aliis pannis preciosis Italicis, speciebus, oleo, ficibus et aliis rebus maritimis de Italia deferendis, a quolibet pondere soluantur denarii quatuor, iidem de pomis naranchet pamagranatis de pondere denarii duo, item de curru onerato cutibus ligatis florenus medius, item de curru onerato salibus lapideis, si fuerint centum, vel vltra, denarii quatuor et lapis vnus, et si non fuerint sales centum, denarii duntaxat quatuor, item de salibus maritimis de quolibet curru onerato medietas vnus metrote vlgariter chetherth mensure ciuitatis Montis Grecensis de iisdem salibus et denarii quatuor recipiantur, item de curru onerato velleribus denarii quatuor, item de curru onerato ferro denarii quatuor, item de curru onerato piscibus recentibus denarii quatuor, item de medio curru piscibus onerato denarii duo, item de curru onerato piscibus salsis denarii sex, item de curru onerato piscibus siccis denarii sex, item de curru onerato tritico et aliis bladis denarii quatuor, item de medio curru onerato cum eisdem bladis denarii duo, item de curru onerato vino vel ceruisia denarii quatuor, item de curru onerato laridis et arinuus denarii quatuor, item de curru onerato cera denarii quatuor, item de curru onerato pellibus pellificum, denarii quatuor, item de curru onerato subbis et aliis pellicis denarii quatuor, item de curru onerato lino denarii quatuor, item de curru tela onerato denarii quatuor, item de curru panno albo vlgariter Darowch onerato denarii quatuor, item de curru onerato melle denarii quatuor, item de curru onerato cordis seu faniculis denarii quatuor, item de curru onerato ollis et quibuscunque aliis linifigulorum artificijs denarii quatuor, item de curru e mercibus sutorum onerato denarii quatuor, item de curru maluasia onerato denarii duodecim, item de vno equo onerato de rebus cuiuscunque generis denarii duo, item de bigis oneratis quibusuis rebus denarii duo, item de vno boue denarius vnus, item de porcis et vaccis denarius medius, item de equis minoribus non babatatis et cabellis denarius vnus, item de equis sellatis magnis denarii quatuor, item de quinque ouibus denarius vnus, item de caseis, ouis et aliis similibus, que mulieres solent super capita por-



lare, recipiatur denarius medius, minus autem decem caseis, quinquaginta ovis nil soluatur, item de pullis et antis infra valorem decem denariorum nil soluatur, et si fuerint ad valorem decem denarius medius, item de pedite ponderato denarius vnus, item de pedite vacuo denarius medius, item de viginti capris denarius vnus, item de viginti porcellis seu suellis denarius vnus, item de duobus vasis vacuis venalibus denarius vnus, item de tribus doleis denarius vnus, item de Matt . . . . fistellis Zathor ad pondus humanum denarius vnus, item de ocreis et aliis calceis vsque quinque paria ocrearum et decem paria calceorum denarius medius, de minori vero numero nil soluatur, item de duabus cutibus dispositis denarius vnus, item de quatuor cutibus indispositis denarius vnus, item de curru nouo denarius vnus, item de duabus rotis nouis denarius medius, item de timis et idreis quantumcunque in dorso portare poterit, denarius medius, item de vomeribus, securibus, ligonibus, palis, terebellis, falcibus iuxta pondus denarius medius, item de fructibus cuiuscunque generis portio modesta recipiatur, item carnifices si ibidem vendere potuerint carnes et cutem denarius vnus, si autem vendere non potuerint, denarius medius, item de capriolo vel agnello vno, vel duobus, de quinque pullis, suello vno vel duobus, lapide salis vno, et lepore vno, tributum non recipiatur, ita tamen, quod si horum aliqua vendi non potuerint denariis duodecim, et si vendentur, recipiatur medius denarius, item emptores salium infra duodecim denarios non teneantur soluere tributum, item venditores olei vnus lagene, denarium vnum, item de arcubus denarium medium, item de gladiis denarium medium, item de sagittis denarium medium, item de clypeis denarium medium, item de vno vehiculo onerato quatuor vel sex animalibus trahendo, denarii quatuor, item de vehiculo parvo duobus animalibus trahendo denarii duo, item de vehiculo per vnum hominem trahendo denarius vnus, item artifices soluant sicut alii pedites, item de curribus nuptialibus et hominibus nichil exigatur, item de bladis Nobilium et ignobilium ad molendina deducendis et deportandis nil exigatur, item a deductoribus Jobagionum nil exigatur. in vadis autem quorumlibet fluviorum eadem moderatio vel solutio obseruetur, item de porcis. qui depelluntur ad sylvas glandinosas ad impinguandum, de centum porcis denarii sex, de quinquaginta denarii tres et infra viginti denarius vnus, item de rebus Nobilium de vna possessione ad aliam deducendis et deportandis, ac etiam pro sustentatione domorum ipsorum comparatis nichil exigatur. Ne igitur temporum in processu in exactione et solutione ipsorum tributorum et nauigiorum inter tributarios, nautas, ac mercatores et questores difference oriantur. ideo iuxta prescriptam limitationem tales denarii per tributarios exigantur, quorum centenarius numerus facit vnum florenum auri. aut valor denariorum eorundem declarato, quod vbicunque in principalibus et capitalibus tributis solutio facta fuerit, ibi in filialibus tributis nichil exigatur, et e conuerso. et quod tributarii in possessionibus et terris aliorum Nobilium neque tributa tollere, neque progredientes et proficiscentes cum rebus venalibus quoquo modo impedire et infestare audeant. Cum itaque ipsa moderacione seu limitatione facta et peracta, eam preattactorum Comitatum Nobilibus in publicum videndam prebuissemus, et coram eis legi et in omnibus ipsius particulis, clausulis et articulis exponi fecissemus, omnibus congrua, competens, utilis et accomoda visa exstitit, agnita et probata, quam in litteras nostras redigi et in scripto pro memoria et firmitate sempiterna per nos sibi concedi, dari, accuratius optarunt atque petierunt; nos vero de huiusmodi eorundem

vniuersorum Nobilium tam placito, quam voluntate, vt ipsa semper pro communi bono in suo vigore permaneat, statuimus et sanximus, ac auctoritate a dicto domino nostro Rege nobis attributa decreuimus, vt quicumque Nobilium regnicolarum tributa habentium, hanc nostram disposicionem, ordinacionem, limitacionem et moderacionem pro vniuersali commodo, et vtilitate, iusticiaque communi per nos modo premissis factas, superfluis, ineptis, illicitisque et iniustis tributorum exactionibus transgressi fuerint, infringerint seu violauerint, et hoc contra tales vel talem attestacione veridica vicinorum et commetaneorum ac Nobilium comprovincialium legitime comprobari poterit, mox tales et talis transgressores seu transgressor in perpetua amissione huiusmodi sui tributi vel tributorum sint vel sit conuicti seu conuictus, et eisdem, iuribusque tributorum eorum in evum priuati ac destituti habeantur. In cuius rei testimonium presentes litteras nostras ipsis Nobilibus Regni Sclauonie et Comitatus predictis duximus concedendas. Datum Crisii duodecimo die octauarum festi beati Georgii Martyris predictarum Anno Domini Millesimo quadringentesimo octuagesimo primo.

*(Locus Sigilli in exteriori facie appressi.)*

Orig. charta in Archivo Regni Croatiae. Priv. N. 50.

## CXLIX.

*Anno 1481. 13. Julii. Budae.*

**Mathias Rex incolis Slavoniae jus salem vendendi tribuit.**

Nos Mathias, Dei gracia Rex Hungarie, Bohemie etc., memorie commendamus tenore presencium significantes, quibus expedit vniuersis: Quod nos tum ad nonnullorum supplicacionem Maiestati nostre pro parte et in personis fidelium nostrorum vniuersorum regnicolarum Regni nostri Sclauonie propterea factam, tum etenim pro commodo et vtilitate eorundem id ipsis gracie duximus annuendum et concedendum, vt iidem vniuersos illos sales, quos ipsi de quibuscunque Cameris salium nostrorum, precio, vel alias qualitercunque gracia questus aut alia de causa leuauerint vel leuassent, extra loca seu cursus Camerarum nostrarum, vbique libere vendicioni exponere valeant atque possint. Imo annuimus et concedimus presencium per vigorem. Quocirca vobis fidelibus nostris vniuersis et singulis Camerariis et Vicecamerariis predictorum salium nostrorum vbiuis in dicto Regno nostro Sclauonie constitutis et existentibus, presencium noticiam habituris, harum serie firmiter precipientes committimus et mandamus, quatenus prescriptos sales per dictos regnicolas nostros de ipsis Cameris nostris leuatos, eisdem vbique libere et sine aliqua contradictione vendere et

vendicioni exponere permittere et permitti facere debeatis et teneamini; nec ipsos contra formam presentis nostre annuentie in personis, rebusque et bonis eorum quibuscunque propter vendicionem huiusmodi salium impedire, turbare, molestare, seu quouis modo dampnificare presumatis graciae nostre sub obtentu. Presentibus perlectis exhibenti restitulis. Datum Bude in festo Beate Margarethe Virginis. Anno Domini Millesimo quadringentesimo octuagesimo primo. Regnorum nostrorum Hungarie etc. Anno vigesimo quarto, Bohemie vero tredecimo.

*(Sigillum Regium impressum)*

*In dextro inferiori margine:*

**Ad Relationem Urbani Electi Jauriensis, Thesaurarii.**

Orig. in Archivo Regni Croatiae. Priv. N. 52.

---

**CL.**

*Anno 1484. die 30. Augusti. Budae.*

**Mathias Rex priora sua decreta de decimis Episcopatus  
Zagrabiensis hoc novo confirmat.**

*Commissio propria Domini Regis.*

Mathias Dei gracia Rex Hungarie, Bohemie etc. Fideli nostro Magnifico Mathie Gereb de Wyngarth, Regnorum nostrorum Dalmacie, Croacie et Sclauonie Bano, eiusque Vicebanis prefati Regni nostri Sclauonie salutem et gratiam. Etsi superioribus annis factum dicacionis et solucionis decimarum, qualiter videlicet regnicole nostri Sclauonie de frugibus, bladis, vinis, milliis, hedis, porcis et aliis rebus decimari solitis, Reuerendo domino Osualdo Episcopo Ecclesie Zagrabiensis successoribusque suis decimas annuatim soluere deberent, visis eotunc et examinatis antiquis iuribus et priuilegiis prefate Ecclesie Zagrabiensis, per diuos Reges Hungarie eidem Ecclesie exinde concessis, vna cum Prelatis et Baronibus nostris, ad hoc specialiter conuocatis, debito modo limitauerimus et sententialiter concluderimus, prout in litteris nostris adiudicatoriis, exinde confectis, late continetur; oblatis tamen fuerant certi articuli per ipsos regnicolas nostros Maiestati nostre, quibus querebantur, ipsum dominum Episcopum, sed et decimatores eiusdem, huiusmodi limitationes et decisiones nostras excessisse et ad ampliore solucionem faciendam eos coarctare, propterea supplicabant nobis, exinde

ipsis de remedio providere opportuno. Nos autem volentes et prefate Ecclesie commoditati et dictorum Regnicolarum nostrorum quieti equo dispensacionis moderamine providere, volumus igitur et fidelitati vestre harum serie firmissime committimus, aliud in omnem euentum habere nolentes, quatenus habitis presentibus, prefatas decimas frugum, bladorum, vinorum, milliorum, aliarumque omnium rerum, decimari hactenus solitarum, per prefatos decimatores annotati domini Osualdi Episcopi et successorum suorum, iuxta moderacionem et limitacionem duorum Regum Hungarie, nostrorum scilicet predecessorum, in priuilegiis eorundem contentam, et adiudicacionem nostram cum Prelatis et Baronibus Regni nostri superioribus annis, imprimis in oppido nostro Crisiensi in Anno Domini Millesimo quadringentesimo sexagesimo sexto, et deinde Bude in Millesimo quadringentesimo septuagesimo quarto, superinde factam, semper temporibus debitis et congruis, videlicet fruges statim post messem, vinum vero et millium post vindemiam dicare, dicatasque per ipsos regnicolas nostros ipsi domino Osualdo Episcopo et suis successoribus, ipsorumque decimatoribus infra terminum, in ipsis litteris nostris declaratum, per omnia remedia opportuna et grauamina, in talibus fieri solita, exoluere et reddi facere debeatis et teneamini. Qui quidem Regnicole, si huiusmodi decimas vsque terminum, in ipsis litteris nostris adiudicatoriis expressum, soluere recusarent. vel eorum aliqui recusauerint, extunc ipsos ad soluendum easdem iuxta tenorem et continencias earundem litterarum nostrarum adiudicatoriarum, similiter per omnia onera et remedia opportuna compellere modis omnibus debeatis; volumus tamen et fidelitati vestre rursus committimus, quod si forte prefatus dominus Episcopus aut eius decimatores contra huiusmodi nostram adiudicacionem, limitacionem et decisionem ipsos Regnicolas nostros ad aliquas superfluas aut maiores exactiones siue per censuras, siue aliter cogere et compellere niterentur, eisdem regnicolis nostris assistere et eosdem in hac parte contra ipsum dominum Episcopum et suos dicatores defendere debeatis, atque decimas huiusmodi non aliter, quam in dictis litteris nostris adiudicatoriis continetur, exigere permittatis, auctoritate nostra presentibus vobis in hac parte attributa, et iusticia mediante, secus non facturi, presentibus perlectis, exhibenti restitutis. Datum Bude feria sexta proxima post festum beati Bartholomei Apostoli Anno Domini Millesimo quadringentesimo octuagesimo quarto, Regnorum nostrorum Hungarie etc. Anno vigesimo septimo, Bohemie vero sexto decimo.

*(Locus Sigilli Regii in inferiori margine appressi)*

Orig. charta in Archivo Regni Croatiae. Priv. N. 54.

# CLI.

*Anno 1490. In Castris prope villam Farkashyda.*

## Diploma inaugurale Vladislai Regis, Regno Croatiae separatim datum.

Nos Wladislaus Dei gracia Hungarie Bohemieque Rex ac Marchio Morauie etc. Recognoscimus et tenore presencium notum facimus, quibus expedit vniuersis: Quod cum his diebus superioribus Serenissimus Princeps condam dominus Mathias Rex Hungarie et Bohemie etc. predecessor noster bone memorie ab hac luce absque heredis legitimi solacio decessisset, Domini Prelati et Barones, ceterique Primores et vniuersi Incole Regni eiusdem, ad quos scilicet ius eligendi novum Regem ex vetustissima Regni ipsius libertate et consuetudine deuolutum exstiterat, animaduertentes, se principe orbatos esse, nec posse commode et sine Regni graui detrimento diutius capite carere: Post plures tractatus de nouo Rege eligendo et preficiendo inter se habitos, oculos mentis ipsorum in nos conijecerunt et ceteris omnibus principibus christianis, competitoribus scilicet nostris, qui videlicet Regnum ipsum similiter ambiebant, nos pretulerunt, sibi que cum infrascriptis condicionibus, pactis et articulis in Regem dominumque et principem elegerunt et solenniter pronunciauerunt. Ac tandem missis nobis obuiam de eorum medio nonnullis Prelatis et Baronibus in ipsum Regnum Hungarie feliciter coronandos introduxerunt. Quorum quidem articulorum primus est. Quod Regnum Hungarie cum ceteris Regnis et prouinciis sibi subiectis, dominosque Prelatos et Barones, omnes ecclesias ecclesiasticasque personas, ac Nobiles et ciuitates, nec non ceteros Incolas et Inhabitatores eiusdem Regni conseruabimus in antiquis Juribus, Priuilegiis, Immunitatibus, Libertatibus et Consuetudinibus approbatis, in quibus scilicet per dinos quondam Reges conseruati, quibusque gauisi et vsi fuerunt, ita, quod nullas prorsus Nouitates, quemadmodum prefatus quondam dominus Mathias Rex fecerat, in eorundem detrimentum et oppressionem, ac contra huiuscemodi antiquas libertates ipsorum sub aliquo quesito colore introducamus, introductas vero per ipsum Serenissimum condam dominum Mathiam Regem aboleamus, contribucionem autem seu taxam vnus floreni nulla ratione exigamus, sed antiquis iustis, ordinariis et consuetis prouentibus regalibus contenti esse debeamus, item quod bona et alia quecunque Jura aliorum, per prefatum condam dominum Mathiam Regem et Reginalem Maiestatem, ac etiam per alios quoscunque male et preter viam Juris occupata, visis et examinatis Juribus talium, remittamus et faciamus etiam per alios remitti his, quorum exstiterunt. Item, quod Coronam Regni de manibus dominorum Prelatorum et Baronum nulla ex causa, vel quesito colore, nulla etiam industria

vel arte auferamus, sed permittamus et patiamur. Quod iuxta veterem consuetudinem ac libertatem ipsorum certi de eorum medio per ipsos vnanimiter ad hoc eligendi et deputandi illam teneant et conseruent. Quodque castrum Wysssegradiense pro conseruacione ipsius Corone ab antiquo deputatum, ad manus ipsorum conseruatorum eiusdem Corone dari et assignari faciamus. Item promittamus, quod Morauiam, nec non Slesiam et Lusaciam vtrasque a Corona et Regno Hungarie non alienabimus, sed infra tempus redempcionis iuxta inscriptiones et obligaciones alias in dieta Olomucensi factas, ad ipsam Coronam Hungarie semper tenebimus, et si nos forte absque herede legitimo decedere contingeret, ita prouidebimus in uita, quod etiam post obitum nostrum ab eadem Corona et Regno infra tempus redempcionis sub aliquo colore vel via non alienentur. Et insuper elaborabimus et efficiemus, quod sex ciuitates, iuxta pacta et disposicionem in predicta dieta factam, instar illarum aliarum Prouinciarum se eidem Regno et Corone Hungarie inscribent et obligabunt, et superinde litteras eorum dabunt et emanari facient, illasque ad domum Thauernicalem Corone Hungarie reponi et assignari faciamus; si vero successu temporum prefata dominia a Corona et Regno Hungarie per illos, quibus iuxta inscriptiones et obligaciones superinde factas, competit, redimerentur, extunc illam totam summam pecunie ad manus conseruatorum Corone ad Wysssegrad penes Coronam pro Regni necessitate conseruandam assignemus, tandemque ad defensionem et vtilitatem Regni iuxta voluntatem et Consilium dominorum Prelatorum et Baronum exponamus et conuertamus, et de ipsa pecunia preter voluntatem ac consilium et liberum expressumque consensum eorundem dominorum Prelatorum et Baronum nulla ratione disponamus quidpiam vel agamus. Item, quod ex quo prefatus condam dominus Rex Austriam et nonnulla castra et ciuitates in Stiria, Carinthia et Carniolia thesauro Regni Hungarie acquisiuit et obtinuit, ob hoc promittamus et nos obligemus, quod Austriam ipsam et cetera loca Cesaree Maiestati aut Serenissimo domino Romanorum Regi vel eorum heredibus absque speciali et expresso consensu et libera voluntate dominorum Prelatorum et Baronum nunquam restituamus, sed teneamus ad Coronam Hungarie defendamusque et tueamur contra prefatas Maiestates, nec aliqua mundi via ab Hungaria alienemus. Item quod cum dictis Maiestatibus absque consilio, consensu et libera expressaque voluntate eorundem dominorum Prelatorum et Baronum superinde non concordemus, et si forte contingeret, quod de eorum voluntate, consilio et annuencia concordia sequeretur, id totum, quod ex huiusmodi concordia nostra veniret et cederet, si id terra aut dominium aliquod fieret, perpetuo ad Hungariam et eius Coronam annectamus, applicemus et inscribamus, si vero parata seu numerata pecunia fieret, illam totam summam ad manus conseruatorum Corone ad Wysssegrad penes Coronam pro Regni necessitate conseruandam, assignemus, tandemque ad defensionem et vtilitatem Regni eiusdem iuxta voluntatem et consilium eorundem dominorum Prelatorum et Baronum exponamus et conuertamus, de ipsa autem pecunia preter voluntatem et consilium, ac liberum et expressum consensum eorundem dominorum Prelatorum et Baronum aliter nulla ratione disponamus. Item quod pro maiori parte in Hungaria maneamus, ut commodius faciliusque Regni necessitatibus consulere et prouidere possimus; cum autem causa requirente exire voluerimus, Regnum illud bono (in) ordine atque disposicione relinquamus vsque ad felicem nostrum reditum. Item quod dum in Hungaria manebimus

Consiliarios, Cancellarios, Thesaurarium, Cubicularios, Dapiferum, Pincernam, Comites Camararum et generaliter omnes officiales maiores et minores Hungaros teneamus et habeamus. Item quando de rebus et negociis Regni Hungarie aut partium sibi subiectarum agetur, non cum alijs, preterquam cum Hungaris Consiliariis tractemus et consulemus, et alios forenses aliasque nationes ad talem consultationem, taleque consilium non admittamus. Item quod beneficia ecclesiastica, presertim vero Archiepiscopatus, Episcopatus, Abbacias, Preposituras, ceterasque Prelaturas nonnisi Hungaris, vel qui sunt Corone ab antiquo subiecti, absque expresso consensu et libera ac spontanea voluntate dominorum Prelatorum et Baronum, Regnique Consiliariorum conferre valeamus, conferamus autem personis probitate ac virtutibus benemeritis. Item quod Wayuodam Transylvaniensem, et Comitatum Siculorum et Themesiensem, Posoniensem, preterea Banatum Sclauonie, Dalmacie et Croacie, nec non Zewriniensem, Nandor Albensem et de Jaycza, aliaque loca et castra finitima, nec non ciuitates Regales, non alijs preterquam Hungaris pro officiolatu dare et conferre valeamus, bene tamen meritis. Item possessiones et iura possessionaria non forensibus, sed benemeritis incolis, tamen Regni et Corone Hungarie subiectis, iuxta eorum merita et obsequia conferamus. Item, quod in celebrationibus octauarum iudices Regni Hungarie ordinarii personaliter intersint, nisi ex causa legitima in arduis negocijs Regni prepediti fuerint, vel alter illorum fuerit; ipsi autem et eorum Vicesgerentes et Coassessores liberam, plenam et omnimodam habeant facultatem omnibus causantibus maioribus et minoribus cuiuscunque status et condicionis seu dignitatis existant, absque omni timore meram et sinceram, iuxta Regni antiquam et approbatam consuetudinem, iusticiam ministrandi, et quod neminem Judicum compellamus vel astringamus in fauorem alicuius consuetudines, communem obseruanciam ac iuris ordinem immutare seu perturbare, vel prout in nouo decreto fuerit expressum. Item, quod ad simplicem querelam vel sinistram suggestionem neminem Regnicolarum nostrorum cuiuscunque status seu condicionis existat, in persona, possessionibus seu quibuscunque rebus aliquomodo, preter viam iuris et partibus non auditis, impediamus. Item, quod neque motu proprio, neque ad quorumcunque delacionem vel querelam contra quempiam Regnicolarum nostrorum, cuiuscunque status seu dignitatis sit, aliquam occasionem nocendi, siue in personis, siue in rebus concipiamus vel exquiramus. Item, quod moneta presens ad tempus non mutetur, quando vero mutari deberet, hoc fiat cum consilio Prelatorum et Baronum, et non aliter. Item quod quicquid domini Prelati et Barones cum ceteris incolis Regni Hungarie pari voto ac communi deliberatione pro libertate et tranquilla quiete atque conseruacione eiusdem Regni vsque tempus Coronacionis conceperint, conscripserint et concluderint, more ab antiquo consueto et semper obseruato, quod Regni decretum appellatur, teneamur litteris efficacibus acceptare, confirmare, roborare, ratificare et approbare; quemadmodum alij Reges Predecessores nostri, ex laudabili et approbata consuetudine Regni semper fecerunt, quodque semper obseruemus et per omnes alios obseruari faciamus. Item, ex quo Domini Prelati et Barones vrgentibus arduis necessitatibus Regni pro solucione stipendiariorum prefati condam domini Mathie Regis, qui in Slesia fuerant, coacti sunt notabilem summam florenorum conquirere, vt Regnum ipsum integrum et illesum nobis manutenere et assignare possint, et proinde certa loca et certos prouentus Regales nonnullis personis, que summam illarum pecu-

narum mutuarum inscripserunt et impignorauerunt, vsque tempus redemptionis, et insuper pro preteritis seruitutibus prefatorum stipendiariarum infra certum tempus futurum, rursus certa summa pecuniarum persolui debet. Quamobrem optant fidem domini Prelati et Barones, ac totum Regnum, vt nos prefatam redemptionem locorum et prouentuum impignoratorum, ac etiam dictam futuram summam pecuniarum dictis stipendiariis persoluendam, cum omnibus pactis, condicionibus, obligaminibusque exhinc factis et secutis in nos recipiamus et assumpnamus, ipsosque Prelatos et Barones, ac totum Regnum ab huiusmodi solucionibus et pactis exonerare et subleuare dignaremur. Nos itaque Vladislaus Rex prefatus considerantes singularem illam deuotionem et affectionem prefatorum dominorum Prelatorum et Baronum, ceterorumque Regnicolarum, quam erga nos in eiusce- modi electione habuerunt. Volentes eisdem aliqualem gratitudinem nostram ostendere et alioquin animaduertentes premissam ipsorum ordinacionem ac delibera- cionem iustam et honestam esse, preinsertos articulos et omnia in eisdem con- tenta laudauimus, approbauimus et ratificauimus, laudamusque, acceptamus, appro- bamus et ratificamus, promittimusque in verbo nostro Regio ac fide nostra Chri- stiana mediante et sub honore nostro: quod eosdem articulos in omnibus eorum clausulis et punctis, semper inuiolabiliter et absque omni immutacione obserua- bimus, et tam per Reginalem Maiestatem, quam omnes alios nobis subiectos simili modo faciemus obseruari, harum nostrarum, quibus sigillum nostrum est appensum, vigore et testimonio litterarum mediante. Datum in castris exercitus nostri prope villam Farkashyda Sabbato proximo ante festum ad vincula sancti Petri Apostoli Anno Domini Millesimo quadringentesimo nonagesimo, Regnorum nostrorum Hungarie etc. Anno primo, Bohemie vero decimo nono.

*(Sigillum Regium pendens.)*

Orig. membr. in Archivo Regni Croatiae. Priv. Nr. 63.



## CLII.

*Anno 1491. die 16. Aprilis. Budae.*

Vladislaus Rex omnes Regni Slavoniae possessionatos homines de pace cum suis adversariis inita edocet, unaque eosdem rogat, ne ab obedientia et a devotione erga illum alio flecti et moveri se permittant.

*Commissio propria Domini Regis.*

Wladislaus. Dei gracia Rex Hungarie et Bohemie etc. Fidelibus nostris Magnificis, Egregiis, Nobilibus et alterius cuiusvis status et condicionis possessionatis hominibus Regni nostri Sclavonie salutem et gratiam. Credimus ad aures vestras vel cum ipsa fama iam diu peruenisse. Qualiter miserum hoc Regnum partim ab externis, partim a domesticis hostibus iam vndique vsque in diem hodiernum vexatum direptumque sit, et qualibus hostilitatibus refertum, simul in quo periculo vsque in diem presentem positum. Sane insuper cognouimus, quot miseras et crudeles vexaciones, quanta denique incendia, spolia et dampna ab hostibus vos quoque misere suscepistis, et quibus adhuc diripiimini quotidie incendiis ac rapinis. Cui rei hactenus certe omni via et modo occurrissemus, nec a rabie illorum hostium tam crudeliter vos diripi passi fuissetis, nisi ab Illustrissimo domino Alberto Duce, fratre nostro charissimo, preter omnem opinionem et expectationem nostram impedimentum habuissemus, contra quem prius nobis multis ex causis procedendum resistendumque fuit. Sed sciatis, propterea alioquin vos iam vel rumore nuncio dudum credimus intellexisse, quod nos tam cum ipso domino Alberto Duce, quam etiam cum Maiestate domini Genitoris nostri Regis Polonie pacem perpetuam pepigimus et partes illas superiores ab illa hostilitate, cum Dei auxilio, liberauimus. atque insuper inter hec tria Regna, videlicet Hungariam, Bohemiam et Poloniam, foedus eternum percussimus et sempiternam confederationem fecimus. Quibus rebus efficitur, ut iam pro auxilio facilius vobis quoque et ceteris partibus Regni succurrere deinceps poterimus. Nam prefata Maiestas domini genitoris nostri tum ex vi huiusmodi foederis et obligationis, tum vero aliis multis bonis ex causis nobis et huic Regno contra quosvis hostes semper in posterum necessaria auxilia mittere debet: sicque unde prius oppugnatores habebamus, iam inde auxiliores et defensores habebimus. Sitis itaque boni et constantis animi, nec ob presentes calamitates, quas assiduo pati vos intelligimus, a nostra obedientia et a deuotione huius Sacre Corone, ad suggestionem et sinistram exhortacionem aliquorum, qui vos stimulant, alio flecti et moueri debeatis, atque vos seduci permittatis; sed quemadmodum diuis condam Regibus, nostris scilicet Predecessoribus, vos et

maiores vestri debitam semper fidem cum omni integritate instar aliorum membrorum huius Regni constantissime obseruastis, ita nobis quoque et Sacre huic Corone solido et firmo animo obseruare velitis; et quamuis, vt intelligimus, a nostra obediencia et vetusta illa vestra fide nonnulli vos auertere auocareque conentur, tamen rogamus vos et requirimus magnopere, ut talibus seductoribus et susurronibus faciles aures non prebeat, facile etiam fidem maiorum vestrorum, ad vos iure successionis deuolutam, aliquo neuo siue macula coinquinari non paciamini. Nos siquidem habemus certe non mediocre rationem periculorum vestrorum et susceptorum dampnorum, et profecto Dei munere de necessariis auxiliis iamiam prouidebimus, nec amplius ab illis hostibus vexari vos patiemur. Quod si vos in priori erga nos fide velle in posterum persistere cognoscemus, omni certe nostra gracia et fauore, omni etiam nostra munificencia erga vnumquemque vestrum nacta opportunitate certe recognoscere studebimus. Et in hoc pro honore, fideque vestra. et maiorum vestrorum, atque etiam animi vestri integritate rogamus et requirimus, item et hortamur, aliud non faciatis. Datum Bude feria sexta proxima ante festum Beati Georgii Martiris. Anno Domini Millesimo quadringentesimo nonagesimo primo, Regnorum nostrorum Anno Hungarie &c. primo, Bohemie vero vigesimo.

*(Sigillum Regium appressum.)*

Orig. carth. in Archivo Regni Croatiae. Priv. N. 65.

## CLIII.

*Anno 1494. die 14. Novembris. Budae.*

Vladislaus Rex Ladislao de Kanisa, Regni Dalmatiae, Croatiae et Slavoniae Bano, mandat, ne Regni Slavoniae Nobiles ad militandum extra limites Regni adstringat.

*Commissio propria Domini Regis.*

Wladislaus Dei gracia Rex Hungarie et Bohemie etc. Fideli nostro Magnifico Ladislao de Kanysa, Regnorum nostrorum Dalmacie, Croacie et Sclauonie Bano, salutem et graciam. Venerant ad Maiestatem nostram fideles nostri Egregii Georgius de Zenche et alter Georgius Capithanfy de Desnycze, cum litteris et intimatis fidelium nostrorum Vniuersitatis Nobilium illius Regni nostri Sclauonie, Maiestati nostre conquesti sunt nomine Regnicolarum nostrorum in hunc modum: Qualiter vos ipsos Regnicolas nostros contra disposicionem et ordina-

cionem Prelatorum et Baronum Regni nostri de singulis viginti Jobagionibus, tociens quociens opus fieret et per vos requirentur, ad exercituandum vel ad Croaciam, aut quo necessitas postularet, compelleretis; qui etsi ad exercituandum et ad resistendum inimicis iuxta morem et consuetudinem illius Regni nostri impigri fierent, maiorem tamen partem illius Regni nostri certi Domini Prelati et Barones et pociores Nobilium possiderent, sine quorum auxilio ipsi Nobiles parum tutele siue defensionis ipsi Regno nostro facere possent. Vnde supplicarunt Maiestati nostre iidem Nobiles, vt communem huiusmodi Regni necessitatem communi omnium auxilio propulsari facere dignaremur. Et quia nos ipsos Regnicolas nostros preter antiquam consuetudinem nouo et inusitato genere exercituacionis impedire nolumus, volumus propterea et fidelitati vestre serie presentium firmiter mandamus, vt ipsos Nobiles inusitatis exercituacionibus extra limites et terminos illius Regni nostri non compellatis. In extrema tamen necessitate et periculo Regni nostri euitando, primum Domini Prelati et Barones Regni nostri, ibidem bona et possessiones habentes, auxilia gentium penes vos depulare, tandem vero vniuersitas Regnicolarum ipsorum iuxta ordinacionem superinde factam homines ipsorum eo, quo necessitas postulauerit, preterea pro Regni defensione mittere debeat. Volumus preterea, vt octauas festi beati Georgii Martiris proxime affuturi factatis in illo Regno nostro Sclauonie celebrari, et que ibidem iudicialiter terminata fuerint, absque cuiusuis fauore exequi faciatis. Prorogacionem tamen Regnicolis nostris penes Maiestatem nostram occupatis, et simul confinia Regnorum nostrorum et Castrorum finitimorum tutelam obseruantibus, iuxta formam decreti faciatis obseruari. Quia vero fidelem nostrum Egregium Magistrum Petrum de Gudowcz, Viceprothonotarium illius Regni Sclauonie, pro veteri consuetudine eiusdem Regni nostri ab onere exercituacionis exemptum fuisse accepimus: ideo volumus, vt si consuetudo huiusmodi ita exigerit, ipsum ab huiusmodi exercituacione exemptum et supportatum habere relinquereque debeat. Secus non facturi Presentibus perlectis exhibenti restitutis. Datum Bude feria tertia proxima ante festum beati Gregorii Pape. Anno Domini Millesimo quadringentesimo nonagesimo quarto. Regnorum nostrorum Hungarie &c. anno quarto, Bohemie vero vigesimo quarto.

(*Locus Sigilli Regii appressi*)

Orig. carth. in Archivo Regni Croatiae. Priv. N. 67.

## CLIV.

*Anno 1495. Inter octavas Resurrectionis Domini. Crisii.*

**Joannes Corvinus, Liphoviae Dux, Regnorumque Dalmatiae, Croatiae et Slavoniae Banus, nobilem Hungarum Johannem Gyulay, SS. et OO. Regni Slavoniae consentientibus, salvo jure Regni, Vice-Banum nominat.**

Nos Johannes Corvinus Oppaue et Liphonie Dux, ac Regnorum Dalmacie, Croacie, Sclauonieque Banus &c. Memorie commendamus per presentes: Quod licet in predicto Regno Sclauonie semper et ab antiquo consuetudo per Banos prò tempore constitutos observata fuisset: Quod Bani eorum officium Vicebanatus aliis personis dare et conferre non potuissent nisi pocioribus Nobilibus, familiaribus scilicet eorum, in eodem Regno Sclauonie possessiones et bona habentibus; tamen nunc iidem Nobiles Regni Sclauonie, tum quia condam Serenissimus Princeps Dominus Mathias Rex &c. laudande memorie dominus genitor noster, ipsos in eorum libertatibus gracie fouisset et tenuisset; tum etiam ex eo, quod nos Almanos, qui proxime sedatis disturbiorum temporibus in hoc Regno Sclauonie multa castra, castella et fortalicia obtinuerant, de eisdemque diuersa spolia, dampna, incendia et alias hostiles enormitates exercebant, nostris propriis sumptibus et expensis cum bombardis et aliis ingeniis non absque notabili nece et effusione sanguinis familiarium nostrorum ab eisdem Almanis obtinuimus. et illis, quorum fuerunt, restituimus. Ob que iidem Nobiles, non volentes esse immemores graciosis beneficiis eiusdem quondam domini nostri Regis atque nostris, Egregium Johannem Gyulay in eorum Vicebanum ad petitionem nostram susceperunt et assumpserunt. Nos autem pollicemur et promittimus eisdem Nobilibus presencium per tenorem, vt si idem Johannes Gyulay in conseruacione et gubernacione huiusmodi Officii Banalis contra eorum libertatem et iusticiam aliqua dampna vel iniurias cuicunque ex ipsis fecerit, aut homines sui intulerint, quod nos quemlibet eorum de huiusmodi dampnis et iniuriis contentare volumus et teneamur, quodque idem Vicebanus, Vicecomites, Notabiles ex Nobilibus eiusdem Regni Sclauonie et non extraneis constituere debeat et teneatur. Vbi autem officium dicti Vicebanatus nos ab eodem Johanne Gyulay auferre contigerit, vel autem idem sponte nobis resignauerit, extunc in posterum non alium, quam ex pocioribus Nobilibus huius Regni Sclauonie, familiarium scilicet nostrorum, in Vicebanum preficere et constituere valeamus et teneamur. In cuius testimonium presentes litteras nostras eisdem Nobilibus Regni duximus concedendas. Datum Crisii inter octauas Resurrectionis Domini. Anno eiusdem Millesimo quadringentesimo nonagesimo quinto.

*(Sigillum Johannis Corvini, in rubra cera, appressum).*

Orig. carth. in Archivo Regni Croatiae. Priv. N. 69.

## CLV.

*Anno 1496. die 4. Decembris. Budae.*

**Mandatum, a Vladislao Rege Regni Slavoniae Tricesimatoribus datum, ut a novo, contra antiquas libertates et consuetudines Regni ejusdem inducto exactionum modo, abstineant.**

*Commissio propria Domini Regis.*

Wladislaus Dei gracia Rex Hungarie et Bohemie &c. Fideli nostro Egregio Benedicto de Wemer Tricesimatori Regni nostri Sclauonie salutem et gratiam. Ex querimonia simul et supplicatione fidelium nostrorum Vniuersitatis Nobilium eiusdem Regni nostri Sclauonie accepimus non sine displicencia. Qualiter vos Tricesimas nostras non in locis alias consuetis, neque eo modo, prout ab antiquo solitum fuit, recipere et exigere incepissetis, sed passim in ipso Regno deambularetis, et vbicunque pecora eorundem Regnicolarum in medio Regni inueniretis, mox eadem nomine nostro occupare, et ab eisdem alienare consueti essetis, velletisque ab eisdem Regnicolis Tricesimas, quod nunquam antea fuisset consuetum, extorquere. Nos autem vt intelligatis, predictum Regnum nostrum, et eosdem Regnicolas nullo modo volumus per vos contra ipsorum antiquas libertates et consuetudines, neque cum exactione huiusmodi Tricesimarum. neque aliter impediri. Ideo mandamus fidelitati vestre firmiter, vt a modo deinceps ab huiusmodi nouitatibus et exactione ipsarum omnibus modis se abstineatis, de illisque pecoribus, que ad proprium vsum eorundem Regnicolarum, aut alterius ipsorum coemuntur, aliquas Tricesimas exigere et extorquere nullo modo presumatis. Dampna autem hactenus per vos illata eisdem omnibus modis rectificare debeatis, et aliud facere non presumatis. Presentibus perlectis exhibenti restitutis. Datum Bude feria secunda proxima ante festum beati Nicolai Episcopi et Confessoris Anno Domini Millesimo quadringentesimo nonagesimo sexto.

*(Sigillum Regium appressum.)*

Orig. carth. in Archivo Regni Croatiae. Priv. N. 71.

## CLVI.

1496. 4. Decembris. Budae.

Vladislaus Rex antiquam legem et consuetudinem Regni Slavoniae, qua ejusdem Regni Banus suos Vicebanos solummodo e gremio possessionatorum Incolarum eligere poterat, confirmat.

*Commissio propria Domini Regis.*

Wladislaus Dei gracia Rex Hungarie et Bohemie etc. Fideli nostro Illustri Johanni Cornino, Oppauie et Liphonie Duci, ac Regni nostri Sclauonie Bano etc. salutem et gratiam. Expositum exstitit Maiestati nostre pro parte, et in personis fidelium nostrorum Vniuersitatis Nobilium Regni nostri Sclauonie. Quod, quamuis ipsi ab antiquo hanc habuerint priuatam legem et consuetudinem, vt Vicebani semper in ipsorum medio, de pocioribus et antiquioribus Nobilibus per Banos nostros pro tempore constitutos electi fuerint, et non externi qualescunque, aut nouiter nobilitati. Tamen his aliquot annis preteritis huiusmodi ipsorum antiqua consuetudo aliququaliter exorbitasset. Quod cederet in oppressionem et iniuriam eorundem non mediocrem. Quia autem nos ipsum Regnum nostrum Sclauonie et eiusdem incolas omnino in antiquis suis iuribus et libertatibus intendimus et volumus conseruare. Ideo fidelitati vestre harum serie mandamus firmiter, vt a modo deinceps dictam vniuersitatem Nobilium in eorum predictis antiquis consuetudinibus et iuribus conseruetis, Vicebanos tales in medio eorundem, qui sint modo premissis de pocioribus Nobilibus et antiquiori familia in ipso Regno nostro Sclauonie eligendo. Et hoc volumus etiam per futuros Banos eiusdem Regni nostri suo modo obseruari. Secus non facturi. Presentibus perlectis exhibenti restitutis. Datum Bude feria secunda proxima ante festum Beati Nicolai Episcopi et Confessoris. Anno Domini Millesimo quadringentesimo nonagesimo sexto.

*(Sigillum Regium appressum.)*

Orig. carth. in Archivo Regni Croatiae. Priv. N. 73.

## CLVII.

Anno 1496. 4. Decembris. Budae.

Vladislaus Rex Regno Slavoniae jus appellationis ad Tabulam Banalem confirmat.

*Commissio propria Domini Regis.*

Nos Wladislaus dei gracia Rex Hungarie et Bohemie &c. Memorie commendamus tenore presencium significantes, quibus expedit vniuersis: Quod pro parte et in personis fidelium nostrorum Vniuersitatis Nobilium Regni nostri Sclavonie, nostre Maiestati expositum exstitit cum querela. Quod quamuis antiqua libertatis et laudabilis consuetudinis ipsorum prerogatiua requirente, omnes cause ipsorum pro quocunque facto vel negocio inter sese pro tempore mote vel suscitae, primum in presencia Bani eiusdem Regni tractari et adiudicari, et dehinc pars litigancium non contenta, in Curiam nostram Regiam per viam appellationis suam causam deducere, sed et de ipsa Curia nostra iudicium, et sententiam ipsius Bani nostri infirmatam aut confirmatam, rursus ad eundem Banum pro executione semper reducere debuerit et debeat. Tamen nunc plurimi essent Nobiles in medio ipsorum Regnicolarum nostrorum bona et possessiones habentes, qui non curata huiusmodi libertate, et consuetudine eorundem, quo facilius partem aduersam in suis iuribus turbare, suasque causas etiam sinistras promouere in oppressionem partis aduersae possint, statim a principio cause suos aduersarios in Curiam nostram euocare, et hic obtenta pro se sententia, eandem non ad Banum pro executione referre, sed sub quadam taciturnitate aliis viis et modis exquisitis, exequi facere inceperant, in preiudicium premissae libertatis ipsius Regni nostri, et oppressionem eorundem Regnicolarum nostrorum manifestam. Nos igitur intellecta huiusmodi querimonia, sed et accepta superinde supplicatione eorundem Regnicolarum nostrorum, nolentes ipsos per cuiuscunque astutam calumpniam in suis antiquis libertatibus et consuetudinibus perturbari, sed eosdem pro debito regiminis nostri in suis iuribus conseruare. Omnes tales causas, euocationes, adiudicationes, sentencias, processusque earundem, que contra prescriptam libertatem et consuetudinem, extra ordinem superius narratum per quoscunque hactenus factas et reportatas, de consilio dominorum Prelatorum et Baronum nostrorum auctoritate nostra Regia duximus reuocandas, cassandas, et annullandas, imo reuocamus, cassamus ac nullius vigoris esse declaramus. Volentes nichilominus et decernentes, vt a modo deinceps premissus ordo consuetudinarius in medio eorundem Regnicolarum nostrorum in processu iudiciario semper et imperpetuum inuiolabiliter obseruetur. Quod si per quempiam aliquam temeritate aut astucia fieret et attentaretur contrarium, id ex nunc premissa nostra Regia auctoritate in irritum reuocamus. Harum nostrarum vigore et testimonio litterarum mediante. Datam Bude feria secunda proxima ante festum

(Pars I. Privil. et Libert.)

beati Nicolai Episcopi et Confessoris. Anno Domini Millesimo quadringentesimo nonagesimo sexto. Regnorum nostrorum Hungarie etc. Anno septimo, Bohemie vero vigesimo sexto.

(*Sigillum Regium in inferiori margine appressum.*)

Originalis membr. in Archivo Regali Croatiae. Priv. N. 74.

## CLVIII.

Anno 1496. 8. Decembris. Budae.

Vladislaus Rex Regno Slavoniae nova arma et sigillum confert.

*Commissio propria Domini Regis.*

Wladislaus, Dei gracia Hungarie, Bohemie, Dalmacie, Croacie, Rame, Serbie, Gallicie, Lodomerie, Comanie, Bulgarieque Rex, nec non Slesie et Lucemburgensis Dux, Marchioque Moraue et Lusacie &c. Ad perpetuam rei memoriam, decet Regiam Maiestatem iustis et congruis precibus condescendere subditorum, et ipsos subditos de plenitudine gracie sue continuis honoribus afficere, ut dum suo subiecti dominio, suaue iugum se portare senserint, forcius accendantur ad observanda suscepto debiteque fidelitatis exercitia. Tunc enim subditi in virtute letantur boni presidentis, cum eos non in antiquis solummodo legibus et consuetudinibus suis studiose fouet et conseruat, sed insuper nouis extollit honoribus, et Regalis magnificencie adornat donatiuis. Proinde ad vniuersorum noticiam harum serie volumus peruenire. Quod cum his diebus in hac ciuitate nostra Budensi, vna cum nonnullis dominis Prelatis et Baronibus Regni nostri fuissemus constituti; fideles nostri Nobiles et Egregii Bernaldus de Thwroc, Georgius Capitanffy de Desnyeza, ac Nicolaus Woikfy de Woykowcz, nomine, et in persona Vniuersitatis Nobilium Regni nostri Sclauonie, nostre Maiestatis accedentes in conspectum, exponere curauerant. Quod quamuis illud Regnum nostrum Sclauonie ab antiquo habuerit pro armorum insigni vnum Mardurem et hys armis vsque in presenciarum semper vsum fuerit, et eiusdem Vniuersitas vniuersaliter vsa exstiterit, tamen propter certas causas et rationes cupereat Idem Regnicole, hoc armorum insigne per nostram Maiestatem renouari, et sibi de nouo ad perpetuam memoriam renouatum condonari. Nos igitur, qui prefatum Regnum nostrum Sclauonie et eiusdem Regnicolas, nichilominus, quam alia Regna et dominia astra et eorundem incolas cupimus, non solum in antiquis legibus, iuribus et consuetudinibus suis conseruare, sed etiam maioribus honorum titulis de Regia nostra providencia et libertate decorare. Nam Regnum hoc inter duo flumina, videlicet Sawm et Drawm constitutum, contra et aduersus Thurcos, Christianitatis perpetuos hostes et inimicos sibi proxima loca tenens, continuas bella exercet,



et ita se armis tutatur et conseruat, vt vix eam Regionem Thurcus vnquam ingreditur, quin accepta grauissima clade et calamitate ex eodem Regno nostro recedat. Quapropter non immerito hoc ipsum Regnum nostrum vnum precipuum scutum, vel potius antemurale huius Regni nostri Hungarie appellauerimus, vt itaque hoc ipsum Regnum nostrum Sclauonie, atque Vniuersitas fidelium nostrorum in eodem constituta, nostram Regiam munificenciam persenciat et experiatur liberalem, hec arma, videlicet in vno scuto triangulari duo flumina superius denominata, per transuersum directe depicta, in eorumque medio supersticio, campo scilicet penitus rubicundo, predictum mardurem, antiquum eorum insigne, coloris naturalis et proprii, reliqui autem duo campi eiusdem scuti, duas partes exteriores predictorum fluminum occupantes, sunt penitus colore depicti celestino, in quorum superiori vnam stellam, quod propter bellicas exercitaciones continuas, in quibus prefatum Regnum nostrum Sclauonie et eiusdem incole aduersum predictos Thurcos continue agitantur, Sidus Martis volumus appellare. Preterea supra scutum galeam vnam in vero colore, propriaque figura, variis floribus veluti vento agitat, vniuersum gyrum eiusdem galee atque scuti, totamque armorum descriptionem pulchra diuersitate ambientibus, prout hec in principio seu capite presencium litterarum nostrarum figurata sunt, et distinctius expressata, animo deliberato, et ex certa nostra sciencia, ac de consilio predictorum dominorum Prelatorum et Baronum nostrorum, plenitudineque potestatis nostre Regie, eidem Regno nostro Sclauonie, Vniuersitatiq[ue] Nobilium eiusdem duximus danda et conferenda. Annuentes eisdem, et concedentes, vt ipsi amodo deinceps in perpetuum, his armis in Banderiis suis et aliis quibusuis rebus et exercitiis militari- bus, Vniuersitatem illius Regni nostri concernentibus, fruantur et vtantur, atque vt fidem publice vtilitati sue caucius et prouidentius consulere possint, eisdem armis in sigillo per impressionem cere rubree, quantum in litteris et epistolis missilibus omnibus in rebus nomine Vniuersitatis sue vti, frui et gaudere possint et valeant. De talismodi igitur singularis et specialis nostre gracie antidoto merito exultent, et tanto ampliori studio ad honorem Regie Maiestatis ipsorum de cetero solidetur intencio, quanto se ipsos largiori fauore Regio preuentos esse conspiciunt et munere graciaram. In cuius rei memoriam, firmitatemque perpetuam presentes litteras nostras pendentis et authentici dupplicis Sigilli nostri, quo Rex Hungarie vtimur, consignatas, eidem Regno nostro Sclauonie, Regnicolarum- que eiusdem Vniuersitati duximus concedendas. Datum per manus Reuerendi in Christo Patris domini Thome Episcopi Ecclesie Agriensis, aule nostre summi et secretarii Cancellarii et fidelis nostri dilecti. Budae predicta in festo Conceptionis beatissime Marie Virginis. Anno Domini Millesimo quadringentesimo nonagesimo sexto, Regnorum nostrorum Hungarie etc. Anno septimo, Bohemie vero vigesimo sexto.

*(Sigillum Regium duplex in zona rubri coloris pendens.)*

Orig. membrana in Archivo Regni Croatiae. Priv. Nr 70.

## CLIX.

*Anno 1498. In Vigilia festi s. Corporis Christi. Budae.*

**Vladislaus Rex antiquam consuetudinem Regni Slavoniae, ut Prothonotarius Regni tempore depositionis ab officio cuiuslibet Bani ejusdem Sigillum in medium SS. & OO. afferre teneatur, confirmat.**

*Commissio propria Domini Regis.*

Wladislaus, Dei gracia Rex Hungarie et Bohemie &c. Fidelibus nostris vniuersis et singulis Nobilibus et alterius cuiusuis status et condicionis possessionis hominibus Regni nostri Sclauonie salutem et graciam. Ex querelis et supplicationibus nunciorum vestrorum, nominibus et in personis Vniuersitatis vestre nobis porrectis intelleximus, qualiter vos a diuturnis temporibus introducta et vsque ad hec tempora obseruata consuetudine, et quidem tali semper vsi fuissetis: Quod Prothonotarius vester tempore deposicionis ab officio cuiuslibet Bani vestri, sigillum authenticum in medium vestri afferre teneretur, et tandem illud pro euitanda, tollendaque quauis suspicione, que exinde posset euenire, in partes secaretis. Quam quidem consuetudinem tametsi Prothonotarii vestri pro tempore existentes semper obseruauerunt. Tamen Egregius condam Magister Johannes de Korothna Palatinalis, et illius Regni nostri Prothonotarius, post ablationem a fidele nostro Magnifico Ladislao de Kanysa pridem Bano vestro factam, sigillum ipsius authenticum more alias consueto vestri in medium non attulisset, sed illud apud se vsque ad mortem suam reseruasset, nec sciri posset, quo deuentum exstitisset. Qua ex re suspicaremur aliquam falsitatem posse medio tempore in emanacione litterarum fieri, que in periclitacionem Iurium vestrorum vergeret. Supplicatum itaque exstitit Maiestati nostre in personis Vniuersitatis vestre, vt huic sollicitudini, simulque suspicioni vestre opportune prouidere dignaremur. Accepta igitur et admissa supplicatione vestra, volumus et mandamus fidelitati vestre serie presencium firmiter, vt acceptis presentibus, vniuersas litteras priuilegiales sub preattacto sigillo iam fati Ladislai de Kanysa Bani emanatas, ad octauas primitus in illo Regno nostro Sclauonie celebrandas afferatis, atque per Magistrum Prothonotarium vel Viceprothonotarium vestrum in margine ipsarum litterarum casum et ammissionem sigilli preattacti subscribi facientes, penes sigillum ipsius Ladislai de Kanysa sigillum quoque fidelis nostri Magnifici Georgii de eadem Kanysa moderni Bani vestri in signum vere et iuste emanacionis ipsarum litterarum presentandarum appendi faciatis. Si qui vero essent ex vobis, qui a presentacione huiusmodi litterarum suarum se abstraxerint, et eas

coram vobis presentare noluerint, talium litteras inuigorasas et inualidas, nullasque momenti fore, et existere presentibus decernimus et declaramus. Secus igitur non facturi. Datum Bude in vigilia festi Sacratissimi Corporis Christi. Anno eiusdem Millesimo quadringentesimo nonagesimo octauo.

*(Sigillum Regium anulare appressum.)*

Orig. cart. in Archive Regni Croatiae. Priv. Nr. 76.

## CLX.

*Anno 1498. In Dominica Inuocavit. Budae.*

Vladislaus Rex pro Regno Slavoniae, ut in eodem Regno tria solummodo loca credibilia habeantur, contra Constitutionem Dietae Regni Hungariae, dispositionem facit.

*Commissio propria Domini Regis.*

Nos Wladislaus Dei gracia Rex Hungarie et Bohemie &c. Memorie commendamus tenore presencium significantes, quibus expedit vniuersis: Quod quamuis superioribus diebus per Vniuersitatem Regnicolarum nostrorum in Dieta nouissime in campo Rakos celebrata conclusum et per Maiestatem quoque nostram litteris etiam id concessum fuerit, vt Capitulum Ecclesie Boznensis testimonium suum vbique per totum Regnum nostrum Hungarie ad quascunque execuciones faciendas mittere possit. Tamen vt ex querelis fidelium nostrorum Vniuersitatis Nobilium tocus Regni nostri Sclauonie intelleximus, huiusmodi concessio nostra ipsa in eo potissimum officeret, quia in illo Regno nostro Sclauonie tria Capitula essent, que ad facta illius Regni et Regnicolarum nostrorum satis, et super sufficientes sunt. Nam propter multa loca credibilia varie falsitates in eo potissimum committerentur, quia aliquando persone ignote loco Nobilium ad fassionem destinarentur, et bona talium per fraudem faterentur, quod non fieret, si in aliquo duntaxat Capitulorum illius Regni nostri Slavonie, et non in aliis remotis locis, tales fassiones fierent. Quapropter supplicatum exstitit Maiestati nostre in personis eorundem exponencium, vt ipsos ab huiusmodi contingentibus periculis eripere dignaremur. Nos igitur, qui inter alias curas et sollicitudines nostras ad ea potissimum intendere debemus, que statui et commodo fidelium nostrorum conducerent. Admissa igitur supplicatione prefatorum exponencium nolentes, vel Iuribus vel antiquis consuetudinibus illius Regni nostri per huiusmodi concessionem nostram dere-

gare, id eisdem Regnicolis nostris graciose duximus annuendum et concedendum, ut a modo prefatum Capitulum Bonnenae ad illud Regnum nostrum Sclauonie ad Instanciam vigore concessionis nostre ..... testimonium mittere, aut aliquis in eo executiones facere vllō vnquam tempore possit et valeat, decernentes quod omnes littere fassionales ..... eiusdem Capituli cuiuscunque generis existant, pro parte ipsorum Regnicolarum nostrorum emanate nullius sint vigoris, et firmitatis. Immo annuimus et concedimus, atque decernimus harum nostrarum secreto sigillo nostro, quo vt Rex Hungarie ytimur, impressiue consignatarum vigore, et testimonio litterarum mediante. Datum Bude in Dominica Inuocauit. Anno Domini Millesimo quadringentesimo nonagesimo octauo. Regnorum nostrorum Hungarie &c. Anno octauo, Bohemie vero vigesimo octauo.

*(Sigillum Regium appressum.)*

Orig. membr. in Archivo Regni Croatiae. Priv. N. 79.

**CLXI.**

*Anno 1498. In Dominica Inuocauit. Budae.*

Vladislaus Rex edictum Regni Slavoniae, vi cuius nemini licitum erat, a Rege privilegium novi Telonii sine scitu universitatis Regni Slavoniae impetrare, confirmat.

*Commissio propria Domini Regis.*

Wladislaus, Dei gracia Rex Hungarie et Bohemie etc. Fidelibus nostris Magnificis Georgio de Kanyssa moderno, futurisque Banis Regnorum nostrorum Dalmacie, Croacie et Sclauonie, ipsorumque Vicebanis presentibus et futuris presentes visuris salutem et gratiam. Pro parte et in personis fidelium nostrorum vniuersorum et singulorum Nobilum et aliorum etiam possessionatorum hominum totius Regni nostri Sclauonie Maiestati nostre expositum exstitit in hunc modum: Quod licet alias ipsi Nobiles et tota Communitas concordii et vnanimi voluntate et assensu id inter sese ordinauerint et edicto publico firmauerint, vt nullus omnino ex ipsis sine scitu et expressa voluntate, admissioneque ipsius Vniuersitatis a Maiestate Regia aliquod tributum peteret aut institueret. Quam quidem ordinacionem et edictum etiam Serenissimus princeps condam deminus Mathias Rex predecessor noster gloriose memorie firmiter obseruandum mandauerat. Nonnulli tamen essent Magnatum et etiam Nobilium eiusdem Regni, qui contra huiusmodi edictum et publicam vtilitatem, impetratis sibi a Maiestate nostra sinistra ex-

posicione litteris, in bonis eorum tributa instituissent, et illic omnes transeuntes sine aliqua discrecione ad solucionem tributariam compellerent, in eorundem exponencium preiudicium et dampnum manifestum. Et quia illud Regnum nostrum crebris fluminibus adeo abundare dicitur, vt pro maiori parte quiuus Nobilium in bonis suis pontes et aggeres facere cogatur, qui si per hanc occasionem tributa pro sua quisque vtilitate habere contenderint, ad numerum Nobilium numerum excrescere Tributorum necesse esset. Quam abusionem in detrimentum publice vtilitatis vergentem de illo Regno nostro tollere volentes, omnes illas concessiones nostras, quas quibuscunque Regnicolis nostris cuiuscunque dignitatis, et status existant, preter voluntatem et admissionem dicte Vniuersitatis Nobilium super institutione Tributorum et Theloneorum vsque ad hec tempora fecimus, ex causis et rationibus premissis, animo deliberato, et potestatis nostre plenitudine duximus reuocandas et retractandas. Imo reuocamus et retractamus, litterasque nostras superinde confectas cassamus, et nullius firmitatis relinquimus, decernentes, vt amodo huiusmodi tributa modo premissa instituta deposita et abolita sint, ac pro depositis in perpetuum aboleantur. Quapropter fidelitatibus vestris et cuiuslibet vestrum serie presencium strictissime mandamus: vt acceptis presentibus, prescripta Tributa vigore prescripte concessionis nostre contra vtilitatem publicam dictorum exponencium instituta ad requisicionem eorundem exponencium quamprimum deponi et aboleri faciatis, et ad id faciendum omnes instituentes per omnia grauamina compellatis. Si qui vero Regnicolarum nostrorum cuiuscunque status et condicionis existant, deinceps aliqua Tributa preter liberam admissionem dictorum exponencium ausu temerario erexerint, vel post factam requisicionem vestram erecta et instituta deponere recusauerint; tales in onere solucionis centum florenorum per vos et Regnicolas nostros irremissibiliter extorquendorum conuincantur et conuicti ipso facto habeantur. Presentes post lectionem reddi volumus semper presentanti. Datum Bude in Dominica Inuocauit. Anno Domini Millesimo quadringentesimo nonagesimo octauo. Regnorum nostrorum Hungarie &c. Anno octauo, Bohemie vero vigesimo octauo.

*(Sigillum Regium appressum.)*

Orig. membr. in Archivo Regni Croatiae. Priv. Nr. 80.

## CLXII.

*Anno 1498. feria 2. post Dominicam Inuocavit. Budae.*

**Vladislaus Rex Tricesimatoribus Regni Slavoniae, ut in eodem Regno antiquas libertates et consuetudines quoad taxationem manteneant, mandat.**

*Commissio propria Domini Regis.*

Wladislaus, Dei gra . . . . . Hungarie et Bohemie &c. Fidelibus nostris vniuersis, et singulis Tricesimatoribus nostris in Regno nostro Sclauonie vbiuis nunc constitutis, et in f . . . . . stituendis, presentes visuris salutem et gratiam. Ex querelis simul et supplicatione fidelium nostrorum Vniuersitatis Nobilium Regni nostri Scla(uonie intelle)ximus. Quod quamuis nos pluries vobis commiserimus, vt ab ipsis Regnicolis nostris ratione rerum suarum, quas ipsi de illo Regno nostro Sclau . . . . . xtera Regna exportare, et pro eisdem rebus alias res de exteris Regnis pro vsu et ornamento domus, familieque suorum importare consue . . . . . aliquam Tricesimam non reciperetis, vos tamen nec mandatorum nostrorum, sed nec libertatis, et antique prerogatiue ipsorum Nobilium rationem . . . bere velletis, sed de rebus huiusmodi ab omnibus Tricesimam reciperetis, et ad eam soluendam eosdem compelleretis, et quia nos illud Regnum nostrum in omnibus suis antiquis libertatibus, et prerogatiuis approbatis manutenere . . . et conseruare intendimus, idcirco volumus et mandamus fidelitatibus vestris, et cuiuslibet vestrum, serie presencium firmissime, vt amodo . . . . . nullus omnino vestrum a prefatis Regnicolis nostris, vel eorum aliquo in locis Tricesimarum vestrarum ratione rerum ipsorum propriarum, quas ipsi vel extra Regnum nostrum efferre, vel alias pro eisdem emptas, vel permutatas pro vsu et ornamento domus, et familie suorum . . . . . vel exigere, petique sew exigi facere, aut eosdem in personis rebusque, et bonis eorum propterea impedire . . . . . presumat, neque sit ausus modo aliquali gracie nostre sub obtentu. Presentibus perlectis exhibenti restitutis. Datum Bude feria secunda proxima post Dominicam Inuocavit &c. Anno Domini Millesimo . . adringentesimo nonagesimo octauo.

*(Sigillum Regium in inferiori margine appressum.)*

Orig. membr. in Archive Regni Croatiae. Priv. Nr. 77.

## CLXIII.

*Anno 1499. die 5. Februarii. Budae.*

**Vladislaus Rex Regno Slavoniae jus appellationis ad forum Banale confirmat.**

*Commissio propria Domini Regis.*

Wladislaus, Dei gracia Rex Hungarie et Bohemie etc. Fidelibus nostris vniuersis et singulis Nobilibus et alterius cuiusuis status et condicionis possessionatis hominibus tocius Regni Sclauonie salutem et gratiam. Inter alia negocia, pro quibus fideles nostros Egregios Bernaldum de Thwroc et Magistrum Nicolaum Woykfy de Kerezthwr, Prothonotarium vestrum, Nuncios vestros ad Maiestatem nostram miseratis, etiam in hoc Maiestati nostre supplicastis, vt Egregios Stephanum, Georgium et Franciscum de Zenche, nec non Stephanum, Ladislaum et Ludouicum de Peker, et Georgium Castelanfy ac Nicolaum Acacy de Zenthlelek, pro illis excessibus, pro quibus nos contra ipsos essemus indignati, et pro quibus etiam bona eorum certis fidelibus nostris contuleramus, in Curiam nostram Regiam, ad standum contra nos Juri non compelleremus, sed quod negocium huiusmodi in presencia Bani Regni nostri Sclauonie diffiniretur et diiudicaretur. Quodque bona prefati Georgii de Zenche, que nunc apud manus nostras habentur, eidem interim remitti facere dignaremur. Nos vero tametsi aliter superinde statuerimus. Tamen volentes in hoc vobis complacere et huiusmodi petitioni vestre locum dare, contenti sumus, vt negocium prescriptum inter nos et prefatos Nobiles, quorum bona aliis contulimus, non hic in Curia nostra Regia, sed coram Bano vestro, presente etiam procuratore nostro, quem illac propterea missuri sumus, discuciat; et postea, si qua partium huiusmodi Iudicio contenta non fuerit, eadem causa huc in Curiam nostram Regiam iuxta antiquam illius Regni consuetudinem remittatur. Remissionem autem siue restitutionem preattactorum bonorum dicti Georgii Zenchey propter plures respectus facere certe non possumus. Nam et alioquin plerique sunt ex illis Regnicolis nostris, presertim vero domina relictas et filie condamnati Nicolai Borothwa, qui aliquid Juris de aliquibus bonis, que ipse Georgius Zenchey possedit, se habere dicunt, et ideo nos bona illa nulli dare, sed ea in manibus nostris tenere decreuimus, quousque id de Jure reuidebitur. Quare volumus, vt ad vnum diem et locum, ad quem etiam nos directorem causarum nostrarum, vt premisimus, mittere decreuimus, huiusmodi causa et negocium istic in illo Regno nostro, vt prefertur, iuridice reuideatur, vt etiam nos postea possimus iuxta huiusmodi reuisionem de dictis bonis disponere. Vt autem ipse Georgius de Zenche habeat securitatem in medium vestri transeundi, ac Juri et iusticie standi, admittimus vobis et presentibus potestatem damus: vt nomine nostro Regio ipsum assecu-

(*Part I. Privil. et Libert.*)

retis, vt tuto et libere in medium vestri veniat, et se coram vobis et Bano nostro de his, que contra ipsum obiciuntur, expurget; provideatis tamen, ne sub confidencia huiusmodi securitatis ipse Georgius aliquos ex nostris Regnicolis offendat, vel aliquod scandalum faciat. Nam si hoc faceret, extunc nolumus sibi hanc datam securitatem in aliquo suffragari. Presentibus perlectis exhibenti restitutis. Datum Bude feria secunda proxima post festum beati Blasii Martyris. Anno Domini Millesimo quadringentesimo nonagesimo nono.

(*Sigillum Regium appressum.*)

Orig. carth. in Archivo Regni Croatiae. Priv. Nr. 81.

## CLXIV.

*Anno 1499. feria 4. post festum Resurrectionis Domini. Budae.*

Vladislaus Rex slavonica subsidia et pecunias mardurinales non pro suo privato commodo, sed tam pro Regno Hungariae quam etiam Slavoniae, et potissimum pro solutione Banorum et pro conservandis finitimis castris istius Regni exigere velle se litteris his declarat.

*Commissio propria Domini Regis.*

Wladislaus Dei gracia Rex Hungarie et Bohemie &c. Egregii et Nobiles fideles nobis dilecti. Ex responso vestro, quod fidelibus nostris Venerabili Thome Preposito ac Egregio Nicolao Zekel, Capitaneo Aulicorum nostrorum, quos his diebus ad vos miseramus, dedistis, intelleximus. Qualiter vos pro leuandis presentibus necessitatibus nostris, ac huius et illius Regni nostri. pro subsidio viginti quinque denarios et pecunias Mardurinales, que ex debito nobis de illo Regno prouenire debent, nobis dare et extradare obtulistis. Quod nobis gratum existit, et vobis ob id gracias etiam haberemus singulares. Verum tamen accepimus, quod licet hoc modo predictos quadragintaquinque denarios nobis obtuleritis, tamen huiusmodi pecunias non simul et semel, sed in diuersis terminis extradare velletis, quod, quia incommodum et nociuum nobis foret. per hos homines nostros, presencium scilicet ostensores, quos cum certa et sufficienti. plenaeque informacione, ac voluntate nostra ad vos misimus, lacius et apercius vobis significauimus et intimauius. Quare requirimus fidelitates vestras, et rogamus. nichilominus eisdem committimus, quatenus acceptis presentibus, iuxta declaracionem istorum hominum nostrorum, prout ab eis clarius intelligetis, istas pecunias iam



oblatis, simul cum pecuniis Mardurinalibus, semota absque vltiori dilacione, reddere et exolui facere, et nullam aliquam vltiorem dilacionem in ea facere velitis, ne duplex et nobis ac vobis et colonis vestris ad id cumulus laboris accedat. Nam nos, certi estote, istas pecunias non pro nostro priuato, sed pro istius et illius Regnorum nostrorum communi commodo et utilitate et potissimum pro solucione Banorum illius Regni nostri, et de Jaycza, que omnia vt inplurimum pro defensione vestra cedunt, postulauimus, quibusque iam pro maiore parte deputauimus; ad eiusdem itaque subsidii iam vt prefertur, per vos oblatis, et etiam viginti denariorum, hoc est, pecuniarum Mardurinalium dicacionem et connumerationem Fidelem nostrum Egregium Benedictum de Wemer, Capitaneum nostrum Segniensem, elegimus et deputauimus; penes quem vos quoque, si placuerit, et volueritis, hominem vestrum ex illo Regno nostro, Fidelem nostrum Egregium Magistrum Nicolaum Woykffy Prothonotarium eiusdem Regni nostri pro maiori cautela et aliqua suspicione euitanda eligere poteritis. Ob eam rem requirimus fidelitates vestras, et nichilominus eisdem committimus, quatenus acceptis presentibus prefatum Benedictum de Wemer, vna cum preattacto Magistro Nicolao, vt premisimus, tam ad predicti subsidii, quam pecuniarum Mardurinalium dicacionem exmittere et exmitti facere, eisdemque pecunias quantocius exolui et administrari facere debeatis, et teneamini; vt nos quoque cum illis pecuniis Banis ipsis et aliis occurrentibus negotiis in tempore solucionem facere et providere valeamus. Ac ea omnia, que iidem homines nostri vobis nomine nostro dixerint, credere et facere debeatis. Aliud non facturi. Datum Bude feria quarta proxima post festum Resurrectionis Domini. Anno eiusdem Millesimo quadingentesimo nonagesimo nono.

Intitulationis tenor:

Egregiis et Nobilibus Vniuersitati Nobilium Regni nostri Sclauonie fidelibus nobis dilectis.

*(Sigillum Regium ab extus appressum.)*

Orig. carth. in Archivo Regni Croatiae. Priv. Nr. 83.

## CLXV.

*Anno 1499. die 21. Octobris. Budae.*

**Vladislaus Rex Vicario et Capitulo Zagrabiensi, ne causas spirituales Regnicolarum Regni Slavoniae per Locumtenentem Chasmensem judicari prohibeant, mandat**

*Commissio propria Domini Regis.*

Wladislaus Dei gracia Rex Hungarie et Bohemie &c. Fidelibus nostris Honorabilibus Georgio Archidiacono de Bexin Vicario, ceterisque Canonicis et toti Capitulo Ecclesie Zagrabiensis salutem et gratiam. Expositum exstitit Maiestati nostre in personis fidelium nostrorum Vniuersorum Nobilium Regni nostri Sclauonie. Qualiter vos post mortem et decessum Reuerendi patris condam Domini Osualdi Episcopi Zagrabiensis Prelati vestri inhibuissetis Locumtenentem Ecclesie Chasmensis, contra consuetudinem hactenus obseruatam, ne se de causis Regnicolarum illius Regni nostri, qui illi Capitulo propinquiores essent et qui coram eo agere consueverunt, impediret; sed omnes tam Nobiles, quam etiam popularis condicionis homines litigare volentes, in vestri presenciam pro examinandis causis transmittere. Que res cum et iniusta sit, et illi Regno nostro Sclauonie, presertim vero Nobilibus prope Zdencz et Atthyna, aliisque locis remotioribus commorantibus nimis onerosa existat, nos pati nolentes, vt ipsi Regnicole nostri pro huiusmodi causis per tantam terrarum distanciam relictis Iudiciis, que coram Locumtenente Ecclesie Chasmensis fieri consueverunt, ad vos, et ad sedem illam laborare cogantur, presertim cum hucusque predictam consuetudinem obseruatam esse intelligamus. Mandamus propterea fidelitatibus vestris serie presencium firmissime: vt statim visis presentibus, illud edictum, quod fecisse perhibemini, ne scilicet Locumtenens Chasmensis se de causis Regnicolarum impediatur, reuocetis, et eundem Locumtenentem atque Capitulum Chasmense, sicuti hactenus, ita etiam deinceps lites omnium causancium, que in sui presenciam mote fuerint, adiudicare permittatis; et aliud nullo modo facere audeatis. Presentibus perlectis exhibenti restitutus. Datum Bude in festo undecim millium Virginum. Anno Domini Millesimo, quadringentesimo nonagesimo nono.

*(Sigillum Regium appressum)*

Orig. carth. in Archivo Regni Croatiae. Priv. Nr. 84.

## CLXVI.

*Anno 1499. feria 6. ante festum SS. Trinitatis. Budae.*

Vladislaus Rex discordias Nobilium, cum Prelatis et Baronibus Regni Slavoniae quoad modum exercituacionis habitas, componit et novos articulos super eo edit.

*Commissio propria Domini Regis.*

Wladislaus Dei gracia Rex Hungarie, Bohemie, Fidelibus nostris Egregiis et Nobilibus Vniuersitati Nobilium Regni nostri Sclauonie salutem et gratiam. Cum his diebus pro certis rebus et negociis vestris commune commodum illius Regni nostri concernentibus, ad nos certos fratres ac nuncios vestros misissetis, iidem inter alia nobis exposuerunt: Qualiter non modica contencio et controversia inter vos ac dominos Prelatos et Barones bona et possessiones in illo Regno nostro habentes, racione exercituacionis fieri et oriri consueuerit. Et ob id nobis humiliter in persona omnium vestrum supplicabant, vt hoc negocium cure habere et cum dominis ipsis, qui vt prefertur, bona et possessiones in medio vestri et in illo Regno nostro haberent, racione huiusmodi exercituacionis, bona media, bonum etiam modum reperiri dignaremur, qui etiam vobis esset tolerabilis, et deinceps occasio alterius discordie inter vos aboliretur. Nos igitur cum eisdem dominis ac ceteris Consiliariis nostris superinde tractantes, pro vltiori quiete ac commodo et vtilitate vtriusque partis, presentibus et consencientibus ibidem prefatis nunciis vestris, hos infrascriptos articulos in facto huiusmodi exercituacionis edendos statuimus. Inprimis, quod de triginta tribus colonis teneatur vnus eques levis armature, de centum vero tres equites, et sic consequenter. Ita videlicet, quod tales homines stipendiarii non muliebriter vestibus sericeis, auroque et gemmis, aliisque ad cultum apparatus se ornent, sed iuxta veterem morem progenitorum vestrorum viribus et armis conspicui sint, habeantque lorica, galeam et hastam, siue loco haste arcum manualet cum pharetra, et equum ad minus septem vel octo florenos auri valentem. Item conclusum est, quod domini Prelati et Barones, qui in Hungaria pariter et Sclauonia bona habent, racione bonorum, in illo Regno nostro Sclauonie habitorum, teneantur specialiter gentes pro numero Jobagionum suorum in corpore illius Regni nostri pro defensione eiusdem tenere, nec eas de illo Regno et a Capitaneatu eiusdem debeant diuellere seu sequestrare. Item conclusum est: quod Banus Regni nostri Sclauonie Capitaneatum stipendiariorum vestrorum sibi vendicare non possit. Sed talem Capitaneum nos ex auctoritate nostra eligemus. Et quidem talem, qui ad hoc officium idoneus et acceptus erit, quique cum gentibus vestris ad mandatum

nostrum et Bani vestri, quo nos iusserimus, et quo necessitas requisierit, pro Regni defensione proficiscetur. Item conclusum est: quod vnusquisque vestrum de singulis Jobagionibus vestris, pro tempore ad id per vos deputando, teneatur pecunias exercitiales in medium communitatis et ad manus hominum vestrorum, per vos ad id deputandorum, assignare, et nec eas quisquam audeat propria auctoritate pro se usurpare, quod si tales. sic vt preferitur, pecunias eorum in medium vestri assignantes ad exercituandum idonei, et vtilis vobis visi fuerint, et pro huiusmodi pecuniis soli seruire, et homines statuere et tenere voluerint, dummodo vtilis sint, talibus rursus pecunias ipsorum restitui, et vltro hoc etiam eis plus pecuniarum, prout ad bellum paraciores fuerint, dari debeantur. Domini vero Prelati et Barones Banderiati, siue non Banderiati, in illo Regno nostro bona habentes, teneantur Jobagiones ipsorum vobis connumerari permittere, pecunias tamen exercitiales iuxta huiusmodi connumeracionem possint libere pro se recipere et tollere. Ita videlicet: quod gentes eorum semper in illo Regno nostro paratas teneant, et ad requisicionem Capitanei vestri per vos, modo quo supra. eligendi, lociens, quociens opus fuerit, pro defensione Regni sine aliquali difficultate et renitencia, aut quouis quesito colore mittere debeant et teneantur. Si que vero necessitas, quod Deus auertat, vobis et illi Regno nostro in posterum ex parte Thurcorum vel etiam aliarum Nacionum eueniret, et huiusmodi gentibus vestris ad defendendum se contra hostes pares esse non possetis; extunc et in eo casu omnes simul per singula capita insurgere et hostium conatibus resistere teneamini, decernentes huiusmodi modum exercituacionis iuxta prescriptos articulos ab omnibus, tam scilicet Nobilibus, quam etiam Prelatis et Baronibus cuiusuis status et condicionis fuerint, in predicto Regno nostro bona habentibus, firmiter semper debere observari. Immo decreuimus harum nostrarum vigore et testimonio litterarum mediante. Datum Bude feria sexta proxima ante festum sancte et indiuidue Trinitatis. Anno Domini Millesimo quadringentesimo nonagesimo nono.

*(Sigillum Regium appressum.)*

Orig. carth. in Archivo Regni Croatiae. Priv. Nr. 89.

## CLXVII.

*Anno 1499. feria 4. post festum Pentecostes. Budac.*

Vladilaus Rex Vicario Zagrabiensi et Capitulo Časmensi, ut in sensu Decreti Regni Slavoniae propter factum testamenti, matrimonii, dotum et rerum paraphernalium, jurium quartalitorum, perjurii, verberationis, vulnerationis et spoliationis Clericorum et mulierum, et propter illas alias causas, quae prope hanc non essent, in foro spirituali nulla causa tractetur, mandat.

*Commissio propria Domini Regis.*

Wladislaus Dei gracia Rex Hungarie, Bohemie &c. Fidelibus nostris Venerabilibus Georgio Archidiacono de Bexyn, Vicario ecclesie Zagrabiensis, et Magistro Laurencio Custodi, Canonicoque et locumtenenti Chasmensi, salutem et gratiam. Exponitur nobis in personis fidelium nostrorum Vniuersitatis Nobilium et alterius etiam cuiusuis status et condicionis possessionatorum hominum Regni nostri Sclauonie. Quod licet in decreto Regni nostri id contineatur, vt propter factum testamenti, matrimonii, dotum et rerum parafernalium, Jurium quartalitorum, periurii, verberacionis, vulneracionisque et spoliacionis clericorum et mulierum, et propter illas alias etiam causas, que prope hanc non essent, in foro spirituali nulla causa tractetur. Tamen vos huiusmodi ordinacioni locum dare nolletis; sed indifferenter super omnibus factis et negociis citatorias litigantibus daretis. neque de materia rei geste, vel facte, in litteris ipsis citatoriis, vtrum pertineant ad forum vestrum, nec ne, aliquid specificaretis; ex quo fit, vt sepius ipsi Regnicole nostri, atque etiam coloni ipsorum, per calumpniam litigancium, sicut prefertur, citati. et de materia negocii, pro quibus citati sunt, ignari, in rebusque etiam aliis occupati, in presenciam vestram venire non valentes. per vos propter contumaciam excommunicarentur, et facta huiusmodi excommunicacione non mediocriter pactarentur. Quod cederet in preiudicium dictorum exponencium, et grauamen non modicum. Accepta igitur supplicacione ipsorum exponencium, volentes ea, que generali omnium Regnicolarum nostrorum consensu ordinata sunt, per vos facere obseruari. Mandamus fidelitati vestre serie presencium firmissime, vt a modo vnusquisque vestrum materiam, siue factum, pro quo citacio petitur, ab eo, qui causam mouere intendit, bene rescire et examinare debeat. Et si compererit, quod negocium huiusmodi forum spirituale contigerit, extunc litteras citatorias cum declaracione actionis rem gestam continentis, et non sub dubio, sicut hactenus factum fuisse dicitur, causantibus dare, decernereque debeat.

Vbi vero negocium huiusmodi ad forum vestrum minime pertinnerit, extunc nullas litteras citatorias talibus calumpniatoribus, ac tali lucro se sustentare solitis decernere debeatis. nec sitis ausi modo aliquali. Et hec volumus etiam per successores vestros Vicarios scilicet, et Locumtenentes dictarum Ecclesiarum facere firmiter obseruari, et presentes post lecturam reddi semper presentanti. Datum Bude feria quarta proxima post festum Pentecostes. Anno Domini Millesimo quadringentesimo nonagesimo nono.

(*Sigillum Regium appressum*)

Originale in Archivo Regni Croatiae. Priv. N. 94.

## CLXVIII.

*Anno 1501. Feria proxima ante dominicam Ramis palmarum. Budae.*

Vladislaus Rex a Regno Slavoniae ad defendendum castrum Jajca, cui a Turcis periculum imminebat, auxilia petit.

*Commissio propria Domini Regis.*

Wladislaus Dei gracia Rex Hungarie et Bohemie &c. Fidelibus nostris Magnificis ac Egregiis et Nobilibus Vniuersitati Regnicolarum Regni nostri Sclauonie salutem et gratiam. Certificati sumus; et omnino pro explorato habemus Thurcos castrum Jaycza in his diebus velle obsidere. Quod non vanum aut friuolum, sed certum et firmissimum existit. Nam vltra alia omnia intimata, que vt diximus, superinde non de vno duntaxat, sed de pluribus locis habuimus, quidam captiuus Thurcus missus fuerat ad nos, qui poenis et tormentis agitata, fassus est, ipsum Imperatorem Thurcorum procul dubio castrum illud velle obsidere; preterea plerique etiam alii Thurci in eodem castro Jaycza diuersis similiter tormentis cruciati, vniformiter et consentanea voce modo simili retulerunt premissa omnia vera et certissima esse. Non fugit autem vos, quantas necessitates presertim in victualibus castrum predictum patitur. Ne igitur in extremam perniciem ac periculum huius ..... Regni, atque omnium vestrorum castrum ipsum pereat, iam nos, quantum ..... pedites, et equites citissime ad idem castrum misimus, ac aliam ..... prouisionem fecimus. Quapropter pro euitando tanto, et tam formidabili ..... primis partibus illis et consequenter huic, et illi Regno; immo verius ..... rogamus, et hortamur fidelitates vestras, eisdemque etiam committentes, prout ..... s, et Nobili-

bus illarum parcium commisimus, quatenus statim acceptis presentibus ad .....  
 ..... que nos in presenciarum pro conseruacione eiusdem castri per vos et  
 alios ..... larum parcium interiorum dari et imponi commisimus, sine  
 omni vltiori ..... as pro defensione eiusdem Regni te-  
 nere et alere debetis, aut adminus ..... ingentos equites mittere, ac  
 huiusmodi victualia, vna cum aliorum ..... eos ad conductionem  
 ipsam mitti iussimus vsque ad idem castrum ..... omnibus debeatis.  
 Et aliud in quantum hoc et illud Regnum et vos omnes ..... ali futuro peri-  
 culo preseruari cupitis, in hoc null'a ratione facere audeatis. Datum Bude feria  
 proxima ante Dominicam Ramis Palmarum. Anno Domini Millesimo Quingente-  
 simo primo.

*(Sigillum Regium appressum.)*

Orig. in Archivo Regni Croatiae. Priv. N. 112.

---

## CLXIX.

*Anno 1501. die 25. Maji. Budae.*

Vladislaus Rex contra violentam in Regno Slavoniae ab-  
 ductionem Jobagionum dispositionem facit.

*Commissio propria Domini Regis.*

Wladislaus Dei gracia Rex Hungarie et Bohemie &c. Fidelibus nostris  
 Magnificis ac Egregiis, et Vniuersitati Nobilium et Regnicolarum Regni nostri  
 Sclauonie salutem et gratiam. Superioribus temporibus commiseramus fidelita-  
 tibus vestris, vt ex quo in illo Regno nostro propter damnablem illam et per-  
 niciosam consuetudinem violente et nocturnalis abductionis Jobagionum multe ho-  
 minum interempciones atque hostilitates plurimaeque dampna et alia nocumentorum  
 genera in altervtrum committantur, vt in vno die conuencionis siue Congregacio-  
 nis vestre super huiusmodi dampnosa et nociua Jobagionum abductione inter vos  
 tractaretis, et provt melius visum foret, in abolicione huiusmodi detestande con-  
 suetudinis pro vltiori quiete vestra viam reperiretis; et provt vobis melius vi-  
 sum fieret, id in formam articulorum redigeretis et Maiestati nostre transmittet-  
 retis. Super quo nos postea cum dominis Prelatis et Baronibus, qui bona in illo  
 Regno nostro habent, tractaremus, et si huiusmodi via et modus honestus ac  
 conducibilis pro communi bono vestro esset, illum acceptaremus et per litteras no-  
 stras etiam confirmaremus. Nunc vero ex relatibus nunciorum et fratrum vestro-

(Pars I. Privil. et Libert.)

rum, qui ad presentem Dietam festi beati Georgii Martyris nomine vestro venerunt, intelleximus: vos nihil in abolicione huiusmodi male consuetudinis abducendorum Jobagionum tractauisse, optare tamen, vt modum illum, qui inter Regnicolas parclum Regni nostri Transylvanarum observatur, in medio vestri inducere dignaremur. Vnde, postquam intelleximus fidelitates vestras ad abolendam malam consuetudinem, que tot malorum causa et origo existit, esse propensos et inclinatos, nos cum Prelatis et Baronibus nostris super hac re diucius tractauimus et cum iisdem ita decreuimus et deliberauimus, vt nullus omnino vestrum cuiuscunque status et condicionis existat, infra trium annorum integrorum spacium, a die exhibicionis presencium inclusiue computandum, alter alterius Jobagiones siue rusticos de bonis alterius ad suas possessiones moraturos abducere audeat atque possit, post lapsum vero huiusmodi trium annorum, si vobis videbitur, talis abductio Jobagionum sine preiudicio vestro de illo Regno commode tolli posse, deliberabimus, tandem si talis, qualis antea fuit, vel alius modus in abductionibus Jobagionum inter vos deinceps obseruari debeat. Quapropter fidelitati vestre serie presencium strictissime mandamus, quatenus a modo nullus omnino vestrum tempus infra premissum aliquem Jobagionem suum ad alterius cuiuspiam bona moraturum abire permittere, sed neque de aliorum Bonis ad suas possessiones siue bona contra formam premissae nostre ac Prelatorum et Baronum nostrorum deliberacionis recipere, siue abducere presumat neque sit ausus modo aliquali. Si qui vero ex vobis aliquem ex Jobagionibus Nobilis vicini sui impetrare voluerit, id libere faciat. ita tamen, quod dum Jobagio vester de bonis vestris recedere voluerit, eundem pro alio Jobagione libere et sine vlla cunctatione dimittere debeatis, et in hoc nullam difficultatem faciatis. Quoniam alioquin commisimus et presentibus firmiter mandamus Fidelibus nostris Illustri Johanni Coruino, Oppaue et Liphouie Duci, ac Regnorum nostrorum Dalmacie, Croacie et Sclauonie Bano, ac Egregiis Vicebanis vestris et Comitibus ac Iudicibus Nobilium Comitatus Crisiensis, vt ipsi vos et quemlibet vestrum ad premissa obseruanda atque facienda per remedia opportuna in talibus fieri solita arcent et compellant auctoritate nostra Regia presentibus ipsis in hac parte attributa et Iustitia mediante. Secus igitur nullo modo facturi. Presentibus perlectis exhibenti restitutis. Datum Bude in festo beati Vrbanii Pape. Anno Domini Millesimo Quingentesimo primo.

*(Sigillum Regium appressum.)*

Originale in Archivo Regni Croatiae. Priv. N. 111.



## CLXX.

*Anno 1501. die 17. Decembris. Budae.*

Vladislaus Rex Banum Slavoniae octavas in Regno Slavoniae secundum statuta ejusdem Regni celebrare jubet.

*Commissio propria Domini Regis.*

Wladislaus Dei gracia Rex Hungarie et Bohemie &c. Fideli nostro Illustri Johanni Coruino, Liphouie Duci ac Regnorum nostrorum Dalmacie, Croacie et Sclauonie Bano, salutem et gratiam. Quia fideles nostri vniuersi domini Prelati, Barones et Nobiles Regni nostri Sclauonie celebrationem octavarum eiusdem Regni nostri ad vnicum terminum puta Epiphaniarum Domini reducerunt, statueruntque, vt in dicto termino quolibet anno octaue ipsis sine intermissione celebrentur, eo dumtaxat casu excepto, si omnes illius Regni nostri Nobiles in propriis ipsorum personis cum Maiestate nostra in expeditione siue bello contra inimicos Regnorum nostrorum essent occupati; ob hoc Maiestati nostre per oratores suos ad nos missos humillime supplicarunt, vt hoc quoque anno non obstante absentia nostra octauas ipsis celebrari faceremus. Nos igitur volentes, vt iuxta huiusmodi ordinacionem et deliberacionem ipsorum ad futurum quoque festum Epiphaniarum Domini proxime venturum eisdem octaue celebrentur; mandamus fidelitati vestre harum serie firmiter, quatenus in dicto Regno nostro Sclauonie huiusmodi octauas in ipso termino celebrationis earundem, non obstante absentia nostra, more alias consueto ipsis celebrare siue celebrari facere modis omnibus debeatis et teneamini. Secus non facturi. Datum Bude feria quarta proxima post festum beate Lucie Virginis. Anno Domini Millesimo Quingentesimo primo.

*(Sigillum Regium appressum)*

Orig. in Archivo Regni Croatiae. Priv. N. 110.

## CLXXI.

*Anno 1503. Festo die SS. Corporis Christi. Budae.*

**Vladislaus Rex confirmat antiquam Regni Slavoniae legem, ut Vicecomites et Iudices e patriae filiis tantum eligi possint.**

*Commissio propria Domini Regis.*

Wladislaus Dei gracia Rex Hungarie et Bohemie &c. Fidelibus nostris Illustri Johanni Coruino, Lyphovie Duci ac Regnorum nostrorum Dalmacie, Croacie et Sclauonie Bano moderno, futurisque Banis et Vicebanis eiusdem Regni nostri Sclauonie salutem et gratiam. Ex querelis et supplicatione fidelium nostrorum Vniuersorum et singulorum Nobilium et Regnicolarum eiusdem Regni nostri Sclauonie intelleximus: Quod, quamuis iuxta veterem et laudabilem consuetudinem eiusdem Regni nostri in singulis scilicet Comitatibus eiusdem pro Vicecomitibus et Iudicibus non forenses vel extranei, sed semper tales Nobiles eligi fuerunt consueti, qui in illo Comitatu bene possessionati essent, quique post eiusmodi electionem Juramento se obligarent ad faciendam coram se litigantibus Justiciam, prout Regni illius consuetudo requireret. Tamen huiusmodi antiqua consuetudo ab antiquo introducta hac nostra tempestate in aliquibus Comitatibus, precipue vero in Zagrabiensi et Varasdiensi per Banos et Vicebanos fuisset aliquantulum immutata. In quibus non Nobiles eorundem Comitatum, sed forenses et alienigene pro Vicecomitibus electi fuissent, qui sicuti Juramento ad faciendam Justiciam non fuerunt astricti, ita etiam sepius et frequenter a Justitia atque a vero et iusto iudicio declinantes, plerisque Nobilibus et Regnicolis litigantibus maximas iniurias et dampna fecissent et nonnullos etiam ex eisdem oppressissent. Quod cederet in iniuriam et dampnum prefatorum Regnicolarum nostrorum non modicum. Vnde supplicatum existit Maiestati nostre in personis eorundem, vt ipsos in premissa antiqua et per multa secula in eligendis Vicecomitibus introducta et inuiolabiliter obseruata consuetudine atque libertate deinceps quoque tenere et conseruare, tenerique et conseruari etiam facere dignareremur. Nos igitur, qui Jura omnium subditorum nostrorum manutenere pro debito regiminis nostri officio debemus, considerantes premissam consuetudinem in eligendis Vicecomitibus laudabiliter prius fuisse introductam, et in hac etiam nostra tempestate per leges et statuta Regni nostri omnium Regnicolarum nostrorum assensu innouatam esse, volentes ipsos Regnicolas nostros, precipue vero in dictis duobus Comitatibus Zagrabiensi scilicet et Varasdinensi existentes, qui vt prefertur, in hac ipsa libertate et consuetudine fuerunt impediti, in eiusmodi eorum antiquis libertatibus conseruare, volumus et mandamus fidelitatibus vestris

et cuiuslibet vestrum harum serie firmissime aliud habere nolentes, vt amodo dum et quociescunque Vicecomites in Comitatibus illius Regni nostri, precipue vero in Zagrabienſi et Varasdinenſi eligi contigerit, tales obseruata priori et antiqua consuetudine iuxta formam Decreti non alienigenas, nec forenses, sed Nobiles illius Comitatus, in quo talis Vicecomes eligi debebit, eligantur et preficiantur; post quorum electionem ab eisdem Juramentum iuxta formam Decreti deponendum exigatis, quo in reddendis et administrandis Justicia et Judiciis magis stabiles et firmi existant, nec vlllo vnquam tempore premissam libertatem et consuetudinem antiquam quouis quesito colore infringere vel violare presumatis; sed ipsos Regnicolas nostros in ea ipsa libertate semper et omni tempore conseruare debeatis et teneamini. Secus nullo modo facturi gracie nostre sub obtentu. Presentibus perlectis exhibenti restitutiſ. Datum Bude in festo Sacratissimi Corporis Christi. Anno Domini Millesimo quingentesimo tercio, Regnorum nostrorum Hungarie &c. Anno tredecimo, Bohemie vero Tricesimo tercio.

(*Sigillum Regium appressum.*)

Orig. in Archivo Regni Croatiae. Priv. N. 113.

## CLXXII.

*Anno 1504. Feria 2. prox. post festum Ascensionis Domini. Budae.*

Vladislaus Rex Bano Slavoniae, ut secundum legem et consuetudinem Regni Slavoniae, Processus Juridicos debite executioni demandari in futurum non praetermittat, commitit.

Wladislaus Dei gracia Rex Hungarie et Bohemie &c. Fideli nostro Illustri Johanni Coruino, Lyphthouie Duci ac Regnorum nostrorum Dalmacie, Croacie et Sclauonie Bano. Salutem et gratiam. Noueritis, pro parte et in personis fidelium nostrorum Vniuersorum Regnicolarum illius Regni nostri Sclauonie nobis humiliter fuisse supplicatum, quatenus processus illos Juridicos et sentencias, qui et que in sede Judiciaria illius Regni nostri in quibuscunque causis per quosunque et contra quosunque ordine Juris obseruato, per compleciones terminorum ita et taliter facti sunt et reportate, quod nullus omnino processus Juridicus causis in eisdem vltterius fieri possit, debite per vos Execucioni demandari facere dignaremur. Nos itaque attendentes supplicacionem eorum iustam et Juri consonam esse; cum frustra fierent Iudicia, si ea, que iudicialiter decernuntur, debite non demandarentur executioni. fidelitati vestre harum serie firmiter precipientes mandamus, quatenus vniuersos ciuiscemodi processus Juridicos et sentencias, qui videlicet et

que modo premissis facti sunt et reportati, absque omni prorsus superflua dilatione debite executioni demandare modis omnibus debeatis et teneamini, prout lex et consuetudo illius Regni nostri requirit. Auctoritate nostra Regia presentibus vobis in hac parte attributa, ac Jure et iusticia mediante. Si autem contingeret, eiusmodi processus Juridicos et sententias contra aliquos adeo potentes reportari, quod vos ipsi ad executionem faciendam non sufficeretis, extunc volumus, quod vos id nobis per litteras vestras significare debeatis. Nos autem per vos certificati curabimus de tali remedio providere, ut ea, que iudicialiter decreta sunt, debite etiam executioni demandari possint. Secus igitur nullo modo facturi. Presentibus perlectis exhibenti restitatis. Datum Bude feria secunda proxima post festum Ascensionis Domini. Anno eiusdem Millesimo Quingentesimo quarto.

*In dextro inferiori margine:*

Relacio Reuerendi Domini Sigismundi, Episcopi Nitriensis, Secretarii Regii. — S. Thurzo.

*(Sigillum Regium appressum.)*

Orig. in Archivo Regni Croatiae, Priv. N. 115.

---

## CLXXIII.

*Anno 1505. In campo Rakos.*

Judex Curiae Regiae decretum Statum et Ordinum Regni Hungariae, de extraneo Rege post mortem Vladislai Regis non eligendo, ad preces oratorum Regni Slavoniae huic Regno seorsim edit.

Nos Comes Petrus, Comes de Sancto Georgio et de Bozyn, Judex Curie Serenissimi Principis domini Vladislai, Dei gracia Regis Hungarie, Bohemie &c. ac Waiuoda Transylvanie. Memorie commendamus tenore presencium significantes, quibus expedit Vniuersis: Quod cum in presenti Dieta seu Conuencione generali Vniuersorum dominorum Prelatorum et Baronum ac ceterorum Regnicolarum, pro festo beati Michaelis Archangeli proxime preterito, de Regio mandato in campo Rakos celebrata quedam littere eorundem Vniuersorum dominorum et Regnicolarum sanctionales et constitutionales factum cuiusdam Vnionis et conclusionis eorum super electione noui Regis post obitum prefati domini nostri

Wladislaw Regis domini nostri graciousissimi, siquidem absque heredibus masculinis decedat, fienda, ratificate in se exprimentes, in pargameno priuilegialiter confecto, sigillisque eorum in pendenti communitate, coram eisdem dominis et Regnicolis, nobis quoque presentibus, in ipso campo Rakos ad legendum pariter et sermone vulgari declarandum fuissent exhibite; mox Egregii Emericus de Hassagh Protonotarius, ac Georgius Castellany, nec non Bernardus de Thurocz et Elias Basnyak de Busthincz, Oratores Regni Sclauonie, in ipsorum et aliorum vniuersorum eiusdem Regni Nobilium nominibus et in personis, nostram exurgentes in presenciam paria earundem litterarum sanctionalium per Nos eidem Vniuersitati Nobilium predicti Regni Sclauonie dari pecierunt Jurium eorum ad cautelam; quarum tenor talis est: Nos Thomas tituli Sancti Martini in montibus Sacro Sancte Romane Ecclesie Presbyter Cardinalis Strigoniensis, et Gregorius de Frangepanibus Colocensis et Bachiensis Ecclesiarum Canonice vnitarum Archiepiscopi, ac Sigismundus Thwro Transyluaniensis, Georgius Waradiensis, Cancellarius Regius, Franciscus Jawriensis, Nicolaus de Chak Chanadiensis, Nicolaus de Báthor Waciensis, Stephanus Nitriensis Episcopi, et Johannes Orzag electus Syrmienensis. Ecclesiarum Prelati, ac Bartholomeus Prior Aurane Comes Dubicensis, item Emericus de Peren Comes Perpetuus Comitatus Abaujvariensis Regni Hungarie Palatinus et Iudex Comanorum. Comes Petrus Comes de Sancto Georgio et de Bozyn Iudex Curie Regie ac Waiuoda Transyluanus, Joannes de Zapolya Comes perpetuus terre Scepusiensis, Dux Laurencius de Wylak, Josa de Som Comes Themesiensis ac partium inferiorum Capitaneus Generalis, Blasius de Raska Thauernicorum, Moyses Bwzlay de Gergellaka Janitorum, Georgius de Bathor Agazonum, Michael de Palocz Pincernarum, Johannes Podmaniczky de Podmanyn Cubiculariorum Regalium Magistri, Antonius de eadem Palocz, Franciscus Comes de predictis Sancto Georgio et de Bozyn, Georgius de Kanysa Banus Nandoralbensis, Johannes Berizlo Regni Rascie Despotus, Stephanus de Thelegd Thesaurarius Regius. Johannes Bebek de Pelsewcz, Georgius Dragfy de Belthewg, Thomas Zechy de Felsewlyndva, Michael Orzag de Gwth, Franciscus de Hedervara, Stephanus Rozgony de Monyoros, Johannes de Homonna, Sigismundus de Lossoncz, Georgius Comes de Merczyn, Andreas Both de Bayna et Franciscus Balassa de Gyarmath Regnorum Dalmacie. Croacie et Sclauonie Bani electi, Johannes Pethew de Gersa Janitorum Reginalium Magister, Johannes Tharczay Siculorum, Ambrosius Sarkan de Akoshaza Posoniensis Comites, Michael de Chak, Johannes Banffy de Lossoncz, Barones, nec non Barnabas Belay Zewriniensis, Georgius More de Chwla Nandoralbensis, Nicolaus Kende de eadem Chwla de Sabacz Bani, Marcus Horwath de Kamichacz Castellanus Castri Budensis, Emericus Thewrek de E. nyng, Michael de Pakos, Martinus Czobor de Czoborzenth-Mihaly, Michael de Zob, Paulus de Magh Vice-Palatinus, Lodovicus Zerechen de M... nyew Vice-Iudex Curie Regie, Magistri Johannes de Ellyewe... Palatinalis, Stephanus de Werbewcz, Judicis Curie Regie et Partium Regni Transyluanarum, Matheus de Mezewgyan et Franciscus de Maroche personalis presencie Regie Maiestatis Prothonotarii, nec non Michael Emrehfy de Zerdahely, Andreas Litteratus de Banha Comes Chongradiensis. Osualdus Korlathkewy Castrorum Thatha et Comaromiensis Castellanus, Nicolaus Zolyomy de Albes, Nicolaus Zekel de Kewend, Ladislaus de Kys Warda. Nicolaus Haghmassy de Bereckzo, Albertus de Pakos, item Stephanus Kesserew de Gybarth, Ladislaus de

Zenth Pether de Walko, Franciscus Herczegh de Zekchew, Stephanus Istvanffy de Kissazzonyfalua, Johannes Bika de Therembegh, Georgius Orbonaz de Krasosfew; Leonardus Dacho de Ewr de Baranya, Stephanus de Korothna, Johannes Fanchy de Gordoua, Ladislaus Lengyel de Thothy, Johannes Kalman de Inakod simigiensis, Franciscus Bodo de Gyewrgy, Paulus et Nicolaus de Dombo, Georgius Zerechen de Mezthegnyew, Nicolaus de Morga Tolnensis, Thomas de Arthand, Nicolaus de Thorda, Michael de Thold, Johannes de Bayon, Nicolaus de Mochtho Byhoriensis, Georgius de Kerechen, Blasius de Chan, Andreas Kaczer de Lak Zaladiensis, Gregorius de Sywthke, Ladislaus Syberik de Zarwaskend Castriferri, Franciscus de Essegwar, Georgius de Hozgwthoth, Lazarus de Hathalom, Johanues de Ayka Wesprimiensis, Stephanus Chaky, Michael Loranth Soproniensis, Georgius de N... Blasius Lygandy Jawriensis, Georgius de Illyeshaza, Lodovicus de Kemend Poseniensis, Gregorius Erdews Albensis, Johannes Meghy Sedis Solth, Johannes Balogh de F..... Johannes Was de Wasdinnye Komaromensis, Clemens Ros.. Th... chiniensis, Matheus de Kwbyn de Arwa; Christophorus Tharnoczy ....., Thomas ...nay Lyphthouiensis ....., Mysinczky Zolyensis, Stephanus Maryassy de Markusfalua, Georgius Therney Scepusiensis, Gregorius Forgach de Gyimes, Benedictus de Thapolchan, Michael de Salgo Nitriensis, Ladislaus de Kalna, Georgius Baronyay Barsiensis, Blasius de S..., Osualdus de ..... Radno ... Theryen, Sigismundus ..... de N..hy Newgradiensis, Paulus ..... Georgius Mochkos de Nyenye, Ladislaus de Chehy, Johannes Bakos de Osgyan Honthensis, Nicolaus Etheley de Syn, Michael Kenderessy de Gyal, Magister Adam de Horwathy Pesthiensis, Stephanus de Thah ..... Pilisiensis, Franciscus de Bazthew .....niensis, Johannes et Dominicus de Pazthoh, Gallus de Bellyen Heuessiensis, Johannes de Chethnek, Nicolaus Loranthffy de Serke, Franciscus de Rymazech, Johannes de Fele Gewmeriensis, Franciscus de Gywlaffy de Kaza, Stephanus de Rech Borsodiensis, Petrus Thwrzo de Bethlenfalua, Ladislaus de Fanchal Abauuariensis, Christophorus de Pan, Georgius de Chap Zempleniensis, Matheus de Zwynya, Sebastianus de Segnyew, de Saros, Dominicus Dobo de Rwzka, Nicolaus ....hrythe de Wng, Ladislaus Jakchy de Kazon, Blasius de .amen, Martinus de Darocz de Bereg, Georgius de Wyhel, Nicolaus de Beken de Vgocha, Johannes Gethe .. Johannes ..... inarossiensis, Bartholomeus de Chalol, Georgius de Ghatal, Johannes Szcepeßy Zathmariensis, Nicolaus de Sarmasag, Thomas de Bewnye Zolnok mediocris, Jeronimus de Illoswa, de Crazna, Melchior ..... Clemens Dersy de Petttry de Zabolch, Sebastianus et Petrus Abramffy de Gerla, Ladislaus de Ladan de Bekes ..... Gyalw, Philippus de Banrewe, Johannes de Wesen Zolnok exterioris, Bernaldus Lepes de Varaskezy, Andreas Horvath de Zarand, Antonius Dersy de Petttry, de Zarand, Bartholomeus Path .... de Kechkemeth, Petrus de Rawazd, Nicolaus Akos de Kezy, Stephanus Kenther de Iwanhaza Orodienis, Ladislaus de Thelegd, Gregorius Mako de Makofalwa, Lucas de Kuthas Chanadiensis, Ladislaus de Gyarmath Themesiensis, Bartholomeus Kerey de Thorontal, Michael de Kenderes, Franciscus Zoltbay Bachiensis, Andreas Peres, Johannes de Dorozlo de Bodrog, Gregorius de Dooch, Gregorius Pesthyen de Marthonos, Stephanus de Sewenhaza Chongradiensis, Nicolaus de Zelnathach, Sigismundus Rathky de Posega, et Michael Petthrowich

de Orbaz, Comitatum predicti Regni Hungarie Nobiles Proceresque et Primores eiusdem Regni vniuersi, in presenti Dieta et Conuencione nostra generali in campo Rakos, de mandato prefati Domini nostri Wladislai Regis pro festo beati Michaelis Archangeli proxime preterito celebrata constituti, et existentes. Memorie commendamus tenore presencium significantes, quibus expedit vniuersis: Quod cum nihil in terris sit aut fiat Deo acceptius vel nature humane accommodacius, quam communi patrie vniuersorumque hominum coetui quam optime quamque studiosissime consulere, omnesque conatus, curas, solerciam, omne denique studium et industriam ad vsum et salutem ipsius patrie ac gentis sue referere; quoque ipsa salua sit et incolumis, presenciam pariter et impendenciam exactius vigilanciusque intueri, et vniuersa discrimina, in que illa ex incuria et desidia conseruatorum eiusdem facile incidere posset, ita propulsare, vt in tuto et tranquillo collocata et stabilita ex omni parte esse videatur. Sane igitur nos in animo nostro sepe reuoluentes grauem illam et prope exciosam huius Inclyti Regni Hungarie desolacionem atque indigenciam, in quibus illud idem hoc tempore enormiter admodum iacere quisque facile conspiceret potest, volentes more optimorum Regnicolarum et patrie nostre amatorum atque conseruatorum eiusmodi desolacioni atque extreme ruine eiusdem maturius consulere plures hinc inde Dietas magnas etiam et inexplicabiles labores, fatigas et expensas in ea ipsa re hucusque fecimus. Et licet aliqua sint per hec tempora multis et variis curis et laboribus reformata et rectificata, tamen vnum hoc precipuum comperimus, per quod hoc ipsum Regnum nostrum vehemeter dilaceratum, debilitatumque et ad hanc turpem desolacionem et in omnibus suis membris deformitatem exstitit redactum. Quod videlicet hoc ipsum Regnum sepenumero ab alienigenis et forensibus Dominis et Regibus exstitit gubernatum; quorum temporibus, si preterita commemorare liceret, aut opus esset, facile appareret, Regnum hoc nunquam maius detrimentum, nunquam maius periculum et desolacionem subiisse, quam tunc, quum sub forensi dominio et non sui linguagii fuit tentum et gubernatum. Hi etenim forenses priuatis rebus eorum intenti, priusquam mores et consuetudines huius Scythice gentis (que sicuti Regnum hoc cum maxima sanguinis sui effusione et fratrum suorum ingenti cede acquisiuit, ita ferro et armis modo quoque tutare solet) didicissent, semper ocio potius et quieti, quam armis incubuerunt. Quo factum est vt Rama, Seruia, Gallicia, Lodomeria, Bulgaria Dalmaciaque et alia quam plurima fortalicia per eorum incuriam ab hoc Regno sunt alienata adeo, vt dilaceratis extremitatibus verendum nobis sit, ne hostiles impetus iam etiam ad interiora se conuertant, que minime acta fuisse arbitramur, si hec gens Hungarica natalis soli dulcedine allecta non de e . . . . . Nacionibus, sed de gente sua quempiam Regem idoneum pro se elegeret. Nam vt Serenissimorum Andree Secundi Patris vtpote Regis B . . . . . quarti, ac Lodouici et Mathie, aliorumque diuorum Hungarie Regum acta preclaraque gesta, quibus gentem hanc Scythicam non solum claram magnificamque nomine et gloria reddiderunt . . . . . famam ipsius per totum orbem terrarum longe lateque diffusam ad ethera vsque extulerunt) breuitatis ratione pretereamus, nullus eorum, qui de stirpe Hungarice nacionis ad regale fastigium supplimatus fuisse dinoscitur, dispendium, sed potius augmentum et vtilitatem Regni attulit; e contra vero, qui de externa nacione . . . ucti exstiterunt, non solum huic Regno periculo fuere, verum etiam vt hostes interdum seuissimi intra viscera Regni crudeliter grassati probro ma-

ximo gentem hanc affecerunt. Huic igitur et tanto malo, nostroque omnium supremo dispendio volentes iam tandem occurrere; ne si modernum gratiosissimum dominum nostrum, dominum Wladislaum Regem Hungarie et Bohemie &c., qui nos in omni gracia et libertate non modo graciose rexit et conseruauit, sed etiam plures libertates nostras reformauit, ab hac luce absque heredibus masculinis decedere contingat nos et hoc Regnum in maiori discrimine permaneat, et ne quisquam forensium Principum Regnum istud sibi violenter usurpet, neque in seruitutem perpetuam redigat. Maxime etiam et precipue ea ratione inducti, quod per totum orbem nulla dinoscitur nacio seu gens, que non de gente et sanguine atque natione sua Regem et Dominum sibi eligeret. Ne igitur hoc Regnum, quod antemurale clypeusque Christianitatis existit, et magna sua et suorum cede semper Christianitatem ipsam defendit, minus et quodammodo infelicius aliis esse videatur, sancimus et vnanimiter omnes a minore ad maximum et a maximo ad minorem statuimus et ordinamus: Quod a modo deinceps quociescunque et quandocunque hoc Regnum Principe et Rege orbabitur, nullique heredes masculi de Jure atque consuetudine eiusdem Regni succedere debentes superstitibus remanserint extunc de cetero in perpetuum nullum penitus exterarum nacionum cuiuscunque linguagii . . . . . in Regem nostrum eligemus; sed tantummodo Hungarum ad hoc officium regiminis aptum et idoneum parili voto et vnanimi consensu et voluntate, in campo duntaxat Rakos et non alibi pro domino et Rege nostro assumemus, eligereque et assumere ac acceptare debeamus. Quoniam autem exstant nonnulli Principes et Reges vicini, qui ad hoc Regnum pro se vendicandum quotidie anhelant, qui post obitum prefati Serenissimi domini nostri Regis, siquidem absque heredibus masculis, quod Deus auertat, decederet, vel etiam eo in humanis adhuc agente hoc Regnum vel partes et membra sua armis impetere aut agredi, ipsumque et nos omnes vi forsitan et armis subiugare sibi conarentur; ne igitur in tali casu hoc ipsum Regnum, partesque eiusdem, et maxime fratres et amici nostri in confinibus existentes per eosdem hoc Regnum preter nostram vnanimem electionem et contra huiusmodi Statutum nostrum seu etiam alias qualitercunque occupare et ipsis appropriare volentes opprimantur; promissimus et iurauimus, promittimusque et iuramus in nostris ac heredum et successorum nostrorum nominibus et personis omnes stipulata manu, nos Prelati ad nostre consciencie puritatem nos vero Barones, Proceres et Nobiles prefati ad fidem nostram Christianam, atque honorem et humanitatem nostram, quod in tali casu nullus alterum derelinquet, sed alter alteri secundum imitationem superinde factam cum gentibus suis iuxta contenta generalis Decreti nostri conseruare debeant, et dum opus erit, maiori etiam potencia, qua poterit, semper et quidem in tempore fideliter succurrere, imo si necessarium fuerit, totum hoc Regnum et consequenter nos omnes per singula capita insurgere, talique hosti occurrere et pro ipsa patria nostra vsque ad mortem decertare teneamur. Nec interim villo pacto cessare debeamus, donec et quovsque nos a tali hoste in libertatem vendicabimus et Regnum hoc ab illius impetitione seu infestatione Dei auxilio liberabimus et in tranquillitatem priorem reponemus. Si qui vero nostrum contrarium premissorum facere presumerent, tales perpetui infideles Regni habeantur, quibus neque Maiestas Regia de nouo constituta, et nec totum ipsum Regnum gratiam facere possit, sed iugo perpetue seruitutis et rusticitalis subiecti reatus ipsorum poenam lugeant sine fine; harum nostrarum (quas nos



Prelati et Barones appensione sigillorum nostrorum sub veris armis nostris; nos vero Proceres et Nobiles prefati sigillis prelibatorum dominorum Emerici de Peren Comititis et Palatini, ac Comititis Petri Judicis Curie Regie et Wajuode Transyluaniensis authenticis communiri fecimus) vigore et testimonio litterarum mediante. Datum in campo Rakos predicto quintodecimo die Congregationis nostre generalis antedictae. Anno Domini Millesimo quingentesimo quinto. Vnde nos petitionibus prefatorum Emerici de Hassagh Protonotarii, ac Georgii Castellany, Bernardi de Thwroc et Elie Basnyak, oratorum predicti Regni Sclauonie, fauorabiliter inclinati tenorem earundem litterarum de verbo ad verbum sine diminutione et augmento aliquali transscribi et transsumpti, presentibusque litteris nostris priuilegialibus inseri facientes memoratis Emerico de Hassagh Prothonotario, ac Georgio Castellany, nec non Bernardo de Thwroc et Elie Basnyak, consequenterque ipsi Vniuersitati Nobilium dicti Regni Sclauonie, volentibus et consensientibus prefatis dominis et Regnicolis, duximus concedendas. Datum loco, termino et Anno inprenotatis.

*(Sigillum Judicis Curiae authenticum in zona sericea albi, rubri et viridis coloris, pendens.)*

Orig. in Archivo Regni Croatiae. Priv. N. 116.

---

## CLXXIV.

*Anno 1508. Budae.*

Vladislaus Rex SS. et OO. Regni Slavoniae de futura filii  
sui Ludovici coronatione edocet.

*Commissio propria Domini Regis.*

Nos Wladislaus, dei gracia Rex Hungarie et Bohemie &c. Memorie commendamus tenore presencium significantes, quibus expedit vniuersis: Quod cum nos sepenumero animo reuoluissimus, quot et quanta bella. discordie et perniciose dissensiones post obitum et mortem Serenissimorum Regum Hungarie Predecessorum nostrorum diue memorie, ob defectum et carenciam Regie masculine sobolis in hoc RegnoORTE fuerint, in qualemue ruinam desolacionem et periculum per eiusmodi bella et guerras hoc ipsum Regnum deuenerit et inciderit, et presertim in memoriam reduxissemus ea tempora, quibus nos ad hoc Regium culmen suscepti sumus, quot et quam pestiferis bellis tam internis quam externis hoc Regnum ob premissam causam ardebat vsque adeo, quod, nisi diuina ope et fidelium subditorum nostrorum fide ac prudenti consilio eadem illa bella et

imminencia ex ipsis pericula magno labore et longo tempore, magnis item et inexplicabilibus expensis nostris et huius Regni nostri depulsemus, procul dubio Regnum hoc vsque ad extremum concussum fuisset et defatigatum: nihil conducibilis, nihil salutaris in mentem venit, nec apcius ad conseruandum hoc ipsum Regnum in sua libertate et tranquillitate, ad tollendam denique occasionem futurorum bellorum et discriminum, quicquam subiit, quam vt Illustrissimus Princeps Dominus Lodouicus Dux, charissimus filius noster, quem a Deo ipso maximo non solum in nostram, sed in huius Regni nostri et vniuerse Christianitatis consolacionem datum et donatum esse arbitramur, nobis viuus et feliciter regnantibus coronaretur. Quippe non modo firma spes est, verum etiam ratio ipsam affirmat, Coronato hoc tempore eodem domino Duce, et externorum bellorum et intestinarum dissensionum atque discordiarum omnium fomitem et materiam Coronacionem ipsam fore sublaturam. Quamobrem cum hoc saluiferum nostrum propositum et deliberacionem in presenti Dieta et Conuencione generali pro vigesima die festi beati Georgii Martyris proxime transacti per nos celebrata vniuersis Dominis Prelatis, Baronibus, ceterisque Regnicolis, quos huius rei gracia ad hunc diem conuocari feceramus, exposuissemus, eosdemque fuisset hortati et rogassemus, vt ob premissas et plures alias ipsis conducibiles causas et rationes annuerent et volentibus animis accederent, prefatum Illustrissimum filium nostrum dominum Lodouicum Ducem cum sacra Corona huius Regni coronare. Idem domini Prelati et Barones, vniuersique Regnicole pro eorum erga nos integerrima semper fide, fidelitate et singulari deuocione et obediencia veluti boni et de beneficiis nostris grati subditi animi ipsorum eiusmodi nostre petitioni et desiderio accomodarunt et benevole accesserunt; petentes tamen, et in effectu dicte Coronacionis a nobis humiliter optantes: vt pro futura ipsorum securitate, tranquillitate et libertatis obseruacione, quando idem dominus Lodouicus Dux filius noster adhuc puer esset ac infans, tam in nostra, quam eiusdem filii nostri persona specialibus litteris nostris promitteremus, vt tam nos, quam ipse filius noster eosdem dominos Prelatos et Barones, ac Procere et Nobiles vniuersumque Regnum in Decretis ac concessis ipsis per nos libertatibus conseruare et easdem libertates et Decreta ipsa cum eisdem etiam dominis Prelatis et Baronibus et cum vniuersis Regnicolis, cuiuscunque condicionis fuerint, conseruare etiam faceremus. Preterea ex quo varii essent rumores ex parte Serenissimi Principis Domini Maximiliani Romanorum Regis et de conatibus eiusdem ad hoc Regnum, essentque illius voluntas et actiones ipsis suspecte; vt eosdem dominos Prelatos et Barones et vniuersos Regnicolas similiter litteris nostris assecuremus: vt neque viuentibus nobis, neque morientibus predictum filium nostrum ad manus eiusdem Domini Romanorum Regis, aut sub gubernacionem aut tutelam eiusdem vel alterius cuiuscunque forensis Principis non modo dabimus vel assignabimus, sed eundem hic in Regno et apud manus eorundem dominorum Prelatorum, Baronum ac reliquorum Regnicolarum mittemus ad gubernandum. Idcirca nos, qui per huiusmodi filii nostri Coronacionem nonnisi bonum, commodum ac perpetuam tranquillitatem dicti Regni nostri Hungarie ac ceterorum Regnorum nostrorum querimus, nec quicquam priuati commodi aut vtilitatis in hoc optamus, vt tam pium ac sanctum opus finem optatum consequatur; promittimus in verbo nostro Regio pro nobis et pro eodem Illustrissimo filio nostro, vniuersisque heredibus et successoribus nostris, vt prescripta Decreta et omnia in illis contenta, sed et

alias omnes libertates per nos eisdem dominis Prelatis et Baronibus, ceterisque Nobilibus huius Regni nostri concessas firmiter, inconcusse et inuiolabiliter nos obseruatos, et tam per eundem Illustrissimum filium nostrum Dominum Lodouicum Ducem, quam etiam dominos Prelatos et Barones, omnesque Regnicolas similiter firmiter, inconcusse et inuiolabiliter facere obseruari, Provt iidem domini Prelati et Barones, ceterique Regnicole nostri sese, ac eorundem heredes ac successores vniuersos obseruatos nostre Maiestatis in conspectu promiserunt. Promittimus preterea, quod nos eundem Illustrissimum filium nostrum, vt premissum est, nec in vita, nec in morte nostra prenominato Domino Regi Romanorum, sed neque cuicunque alteri Principi forensi ad educandum vel tenendum seu gubernandum dabimus, sed eundem apud manus dominorum Prelatorum ac Baronum et Procerum atque Nobilium, et in hoc Regno Hungarie dimitemus et reliquemus, et de eodem nullo pacto educere aut educi facere volumus seu procurabimus. Assecuramus insuper eosdem dominos Prelatos et Barones ac ceteros Regnicolas nostros, vt dum prefatus Illustrissimus Dominus Dux filius noster ad adultam et maturam etatem peruenerit, idem premissa Decreta et libertates conseruaturum similiter in verbo suo Regio promittere teneatur. Nec interim Regia auctoritas sibi concessa existat, donec premissa omnia se obseruare velle promittat. Ad que obseruanda eundem Dominum Principem Lodouicum filium nostrum, successoresque et heredes nostros omnes obligatos esse volumus. In quorum omnium fidem et testimonium presentes litteras nostras pendenti sigillo nostro communitas eisdem vniuersis Dominis et Regnicolis nostris duximus concedendas. Datum Bude quintodecimo die Diete seu generalis Congregationis prenotate. Anno Domini Millesimo quingentesimo octauo, Regnorum nostrorum Hungarie &c. Anno decimo octauo, Bohemie vero tricesimo octauo. Reuerendissimis ac Venerabilibus in Christo Patribus Dominis Thoma tituli Sancti Martini in Montibus Sacrosancte Romane Ecclesie Presbytero Cardinale Strigoniensi ac Patriarcha Constantinopolitano, summoque aule nostre Cancellario &c., Hypolitho Estensi de Arragonia tituli S. Lucie in Silia Diacono Agriensi, Petro titulo S. Ciriaci in thermis Presbytero Vesprimiensi Sacre Romane Ecclesie Cardinalibus, Gregorio de Frangepanibus Colocensis et Bachiensis Ecclesiarum Canonice vnitarum Archiepiscopo, Luca Zagradiensi, Francisco de Peren electo Transilvaniensi, Sigismundo Thurzo Waradiensi, Georgio Quinqueecclesiensi, Secretario Cancellario nostro, Francisco Jaurinensi, Johanne electo Vaciensi, Nicolao de Chaak Chanadiensi, Stephano Nitriensi, Personalis Presencie nostre Locumtenente, Joanne Orszagh de Gwth electo Syrmieni, Michaeli electo et confirmato Bosnensi, Briccio electo et confirmato Tinniniensi, Ferdinando de Frangepanibus electo et confirmato Modrusiensi, Jacobo Segniensis Ecclesiarum Episcopis Ecclesias Dei feliciter gubernantibus. Item Spectabilibus et Magnificis Emerico de Peren perpetuo Comite Abauuariensi ac Regni nostri Hungarie Palatino ac Iudice Cumanorum nostrorum, Johanne de Zapolya perpetuo Comite terre Scepusiensis, Petro Comite de Bozyn et de S. Georgio Iudice Curie et Wajuoda nostro Transilvaniensi et Comite Sicularum nostrorum, Laurencio Duce de Wylak, Johanne Beriszlo Regni nostri Rascie Despoto, Georgio de Kanisa et Johanne Ernuth de Chaktornya Regnorum nostrorum Croacie, Dalmacie et Sclauonie Banis, Josa de Som Comite Temesiensi et Generali Capiteo parcium Regni nostri inferiorum, Blasio de Raska Thauernicorum,

Moze Buzlay de Gergellaka Janitorum, Michaelae de Palocz Pincernarum, Georgio de Bathor Agazonum, Gabriele de Peren et Johanne Podmaniczky, Cubiculariorum nostrorum Regalium Magistris. Michaelae de Pakos et Barnaba Belay Zewriniensi, Emerico Therek de Ennyng Nandoralbensi, Nicolao Zekel de Kewend et Georgio Stresemlen de Jaycza, Stephano Kesserew Vicepalatino et de Zrebernik, Andrea de Baocha et Nicolao Kende de Sabach Banis, Johanne Petthew Magistro Curie Illustrissimorum Liberorum nostrorum, Ambrosio Sarpan Comite Poseniensi, aliisque quam plurimis Regni nostri Comitatus tenentibus et honores.

*(Sigillum Regium in zona coloris albi, rubri et viridis pendens.).*

Orig. in Archivo Regni Croatiae. Priv. Nr. 118.

---

## CLXXV.

*Anno 1513. 28. Decembris. Budae.*

**Vladislaus Rex Banum Regni Slavoniae sententias executioni mandare jubet.**

*Commissio propria Domini Regis.*

Wladislaus, dei gratia Rex Hungarie et Bohemie &c. Fidelibus Reuerendo in Christo patri domino Petro Beryzlo, Episcopo Ecclesie Wesprimiensis, Thesaurario nostro ac Banatus Regnorum nostrorum Dalmacie, Croacie et Sclauonie Prefecto, ac Egregijs Balthasar de Alap, Vice-Bano, ac Magistro Francisco de Marowcza, prothonotario nec non Iudlium ceterisque Nobilibus Juratis Sedis Iudicarie dicti Regni nostri Sclauonie Assessoribus presentibus et futuris salutem et gratiam. Conquesti sunt Maiestati nostre fideles nostri Vniuersi Regnicole parcium Regni nostri Sclauonie medio duorum Nunciorum suorum, qualiter ipsi in causis eorum adiudicatis debitis executionibus summe essent necessarij, quas dicti aduersarij eorundem sew nonnullae partes conuicte diuise in huiusmodi causis iuridice agruari debere agnoscerent, diuersimode hactenus turbare consueuissent, supplicantes Nostre Maiestati propterea humillime, vt eisdem in premissis de condigno Iuris remedio prouidere dignaremur. Et quia iusta petentibus non est denegandus assensus, pro eo Fidelitati Vestre harum serie firmiter precipientes mandamus, quatenus dum et quando per prefatos Nobiles et Regnicolas dicti Regni nostri Sclauonie vel eorum alterum cum presentibus fueritis requisiti, extunc tociens quociens opportunum fuerit, obseruata lege et consuetudine eiusdem Regni nostri in huiusmodi causis eorum adiudicatis et in futurum adiudicandis

semper debitam execucionem facere et id, quod leges et Jura eiusdem Regni nostri suadent expostulareque videbuntur, administrare debeatis et teneamini, auctoritate nostra vobis in hac parte attributa et Justicia mediante; secus non facturi. Presentes vero ob absenciam Maioris secreti Sigilli nostri anulari secreto Sigillo nostro iussimus consignari. Quas post earum lecturam reddi iubemus presentanti. Datum Bude in Vigilia festi Beati Thome apostoli anno Domini Millesimo quingentesimo tredecimo.

*(Sigillum Regium appressum.)*

Orig. carth. in Archivo Regni Croatiae. Priv. Nr. 119.

## CLXXVI.

*Anno 1513. die 28. Decembris. Budae.*

Vladislaus Rex Banum Regni Slavoniae oppressis nobilibus contra oppressores auxilium praestare jubet.

*Commissio propria Domini Regis.*

Wladislaus, dei gracia Rex Hungarie et Bohemie &c Fidelibus nostris Reverendo in Christo patri domino Petro Beryzlo, Episcopo Ecclesie Wesprimiensis, Thesaurario nostro ac Banatus Regnorum nostrorum Dalmacie, Croacie et Sclauonie prefecto eiusdemque Vicebanis ac Egregijs Magistris Prothonotarijs et Iudicibus ceterisque Juratis Assessoribus eiusdem Regni nostri Sclauonie Salutem et gratiam. Ex grauibz querelis fidelium nostrorum Vniuersorum Regnicolarum istius Regni nostri Sclauonie intelleximus, qualiter nonnulli forent in medio eorum, maxime vero potenciores, qui inferioris condicionis et status Nobites eorundemque Colonos et Jobagiones illegittime et indebite ac preter omnem viam Juris impedirent, dampnificarent et opprimerent, territoria et metas eorum occuparent et diversimode ipsos inquietarent; et dum lesi eos Jure conuenire propterea vellent, etiam ad litteras et mandata nostra Juri stare minime vellent, neque per Iudices ordinarios eiusdem Regni nostri compelli ad standum Juri possent. Quorum quidem licenciose huiusmodi accioni nos debito remedio occurrere, vt tenemur volentes, Mandamus Fidelitati Vestre harum serie firmiter, quatenus acceptis presentibus prefatos Nobiles sese ad defendendum impotes nullo modo a potencioribus opprimi aut turbari permittere debeatis. Si vero ex parte talium potentum et violentorum Jus et iusticiam habere et expetere a vobis voluerint, obseruata lege et veteri consuetudine eiusdem Regni nostri, ex parte eorundem plenum et indilatam Judi-

cium et iusticiam debiteque etiam satisfactionis complementum impendere et administrare modis omnibus debeatis et teneamini, Auctoritate nostra presentibus vobis in hac parte attributa et iusticia mediante, secus non facturi. Presentes vero ob absenciam maioris Sigilli nostri annullari secreto Sigillo nostro iussimus consignari. Datum Bude in Vigilia beati Thome Apostoli. Anno Domini Millesimo quingentesimo tredecimo.

*(Sigillum Regium appressum.)*

Orig. carth. in Archivo Regni Croatiae. Priv. Nr. 121.

## CLXXVII.

*Anno 1514. die 30. Novembris. Budae.*

Mandatum Vladislai Regis contra illos Regni Slavoniae incolas datum, qui neglectis iudiciis ordinariis Rescripta pontificia quaerunt, sicque regnicolas in causam coram aliis iudiciis attrahunt.

*Commissio propria Domini Regis.*

Wladislaus, Dei gracia Rex Hungarie et Bohemie &c. Fideli nostro Reuerendo in Christo Patri Domino Petro Beryzlo, Episcopo Ecclesie Wespriemiensis, Thesaurario nostro ac Regnorum nostrorum Dalmacie, Croacie et Sclauonie Bano, futurisque Banis vel eorum Vicebanis salutem et gratiam. Ex declaratione fidelium nostrorum Vniuersitatis Nobilium Regni nostri Sclauonie accepimus non sine displicencia: Qualiter nonnulli forent tam Ecclesiastici, quam seculares in illo Regno nostro Sclauonie homines, qui scilicet in minutissimis rebus exquisitis quibusdam calumpniosis occasionibus nonnullos ex ipsis Regnicolis nostris prius causa in presencia Iudicis Ordinarii, prout fieri deberet, minime inchoata per modum conquestus seu Rescripti Apostolici per varias hinc inde citationes non solum intra ambitum huius Regni nostri, verum etiam extra Regna nostra ad dominia Venetorum in Jadrensem, Sibinicensem. Novensem civitates et alia loca Venetorum Dalmacie in causam attraherent, sicque attractos huiusmodi litibus et grauibus fatigis et expensis adeo turbarent et aggrauarent, quod ipsi Regnicole nostri in extremam deuenire cogerentur inopiam et paupertatem. Supplicarunt itaque Maiestati nostre iidem exponentes, vt eisdem de remedio dignaremur prouidere opportuno. Cum autem in generali Decreto seu Statuto tocius huius Regni nostri manifeste inter cetera id contineatur: vt nullus

omnino hominum causam suam prius in presenciam Iudicis sui Ordinarii non inchoatam per modum huiusmodi Rescripti prosequi audeat. Propterea fidelitatem vestram requirimus et eidem nihilominus serie presencium comittimus, quatenus a modo deinceps dum et quando ac quotiescunque per prefatos exponentes, aut eorum alterum cum presentibus fueritis requisiti, omnes tales huiusmodi videlicet conquestuum et Rescriptorum Apostolicorum delatores, ne contra formam huiusmodi statuti Regni nostri in causis ipsorum procedere audeant, per omnia grauamina et queuis opportuna remedia cohercere et inhibere, transgressoresque huiusmodi poena etiam in Decreto ipso nostro contenta modis omnibus punire et castigare debeatis et teneamini; aliud nullo modo facere presumatis; presentibus perlectis exhibenti restitutis. Datum Bude in festo beati Andree Apostoli. Anno Domini Millesimo quingentesimo decimo quarto.

(*Sigillum Regium appressum.*)

Orig. in Archivo Regni Croatiae. Priv. N. 127.

## CLXXVIII.

*Anno 1515. Feria 5. post dominicam Quasimodo. Posonii.*

Vladislaus Rex Nobilibus Regni Slavoniae praecipit, ut a Bano requisiti periclitanti Regno Croatiae trans Savam contra Turcas sine mora auxilium ferant.

*Commissio propria Domini Regis.*

Wladislaus, Dei gracia Rex Hungarie et Bohemie &c. Egregij et Nobiles fideles nobis dilecti. Meminimus, crebris iam vicibus vobis et scripsisse ac mandasse et per nuncios quoque vestros nunciasse, vt, dum et quocienscunque opus fuerit, et per fidelem nostrum Reuerendum in Christo patrem dominum Petrum Beryzlo, Episcopum Ecclesie Vesprimiensis, Thesaurarium nostrum ac illorum Regnorum nostrorum Dalmacie, Croacie et Sclauonie Banum requiremini, subito cum vniuersis gentibus vestris insurgere, ac illo, quo Banus ipse iusserit, pro patrie istius et vestra defensione ire proficiscique deberetis. Tamen, vt intelligimus, vos alegantes talem subitam et frequentem insurrectionem profectionemque vltra Zawn vobis in derogamen vetuste consuetudinis vestre cedere, hactenus mandatis in hac parte nostris parere et satisfacere minime voluissetis: quandoquidem probe considerare deberetis, quod frequentibus excursionibus et periculis, que Regno Croacie et proinde vobis tanquam vicinis et contiguis a Thurcis inferun-

(*Part I. Privil. et Libert.*)

34

tur et imminet, nonnisi per continuam vigilanciam et defensionem obuiari potest, vos vero nullam in hoc nec priuate salutis, nec defensionis statusque vestri habere velletis rationem. Quomodo autem id quoque conueniens credibileque sit, vt illo pro defensione Regni Croacie, vestra quoque salute, que tota in conseruacione et defensione ipsius Regni dependet, gentes ex hoc Regno Hungarie proficiscantur, si vos ipsi defensioni vestre defueritis, nec ad obuandum huiusmodi assiduis periculis insurgere volueritis. Scitis enim bene, quantam multitudinem Christi fidelium, quantamque predam nuper quoque hostes ipsi Thurci ex Croacia abduxere, indiesque abducere, et misserrimam illam patriam deuastare despoliareque non desistunt. Nam et hac quoque hora hec aduersa noua nobis de confinibus illis Bosnensibus superuenere, quod scilicet hostes ipsi Thurci in maxima copia congregati valida manu confinia illa et maxime Regnum istud Croacie inuadere, et illud eiusque castra atque munitiones vltra solitum vastare et obruere decreuissent; quod si fieret, considerare potestis, quod nec vos quoque, qui illi vicini estis, periculum euitare poteritis: et ob hoc pericula ipsi Regno Croacie incumbencia vobis magis pre aliis subditis nostris cure esse debent. Mandamus itaque et committimus fidelitati vestre sub nota perpetue infidelitatis ammissioneque bonorum vestrorum harum serie firmissime, quatenus a modo dum et quando ac quocienscunque per ipsum Banum nostrum requisiti fueritis, subito cum gentibus vestris insurgere. et illas in pleno et perfecto numero ad dictum Banum nostrum, vel quo idem iusserit, et si plures poteritis, prout pericula Regni illius exposcere nostis, mittere in omnem euentum debeatis. Nam nos quoque gentes in maiori qua fieri poterit copia hinc ex Hungaria istuc ad succurrendum vobis et illi periclitanti Regno mitti ac dari citissime iussimus. Vbi autem vos quoque in premissis adhuc negligentes fueritis, ne per huiuscemodi libertatis vestre assercionem Regna illa pereant, commisimus in alijs litteris nostris et auctoritatem eciam nostram omnimodam dedimus prefato Bano nostro, vt ipse vos et quemlibet vestrum ad hoc faciendam eciam per occupationes bonorum vestrorum aliaque opportuna remedia astringere et compellere debeat. Super hys autem vobis dictus Banus noster iussu nostro et de mente Maiestatis nostre plura dicturus est. Cuius verbis et credere, et ea, que vobis facienda dixerit, facere et exequi modis omnibus debeatis et teneamini; et secus pena sub premissa facere nulla ratione presumatis. Datum Posonii feria quinta proxima post Dominicam Quasimodo. Anno Domini Millesimo Quingentesimo decimo quinto.

*Tenor Indorsatae :*

Egregijs et Nobilibus Vniuersitati Nobilium Regni nostri Sclauonie, fidelibus nobis dilectis

*(Sigillum Regium ab extus appressum.)*

Orig. in Archivo Regni Croatiae. Priv. N. 122.



## CLXXIX.

*Anno 1515. Sabato proximo ante festum S. Georgii. Posonii.*

Vladislaus Rex ad generalem Regni Slavoniae Congregationem Regnorum Dalmatiae, Croatiae et Slavoniae Banum mittit.

*Commissio propria domini Regis.*

Wladislaus, dei gracia Rex Hungarie et Bohemie &c. Egregij et Nobiles fideles nobis dilecti. Quum intelligamus, vos in proximo generalem congregationem in isto Regno nostro Sclauonie celebraturos atque habituros, cupientes quieti et tranquillitati vestre quo melius fieri posset consulere, deputauimus in vestri medium fidelem nostrum Reuerendum in Christo Patrem Dominum Petrum Beryzlo, episcopum ecclesie Wesprimiensis, Thesaurarium nostrum et Regnorum istorum nostrorum Dalmacie, Croacie et Sclauonie Banum, nunc istic in Sclauonia agentem; cui omnia pericula incommodaque et necessitates istorum Regnorum nostriorum et omnium vestrum optime cognita perspectaque existunt. Qui Maiestatis nostre nomine vobis de mente et voluntate ac commissione nostra superinde nonnulla dicturus est. Quare requirimus fidelitates vestras et eisdem nichilominus serie presencium firmiter etiam committimus, vt ea, que idem dominus episcopus nostro nomine, vt premisimus, vobis in hac parte referret, et ad que vos hortabatur, et credere, et pro nostra erga vos ampliori gracia et beneficencia Regia proque vestra salute et defensione facere exequi et adimplere in omnem euentum debeatis. Datum Posonij Sabbato proximo ante festum beati Georgij Martyris. Anno Domini Millesimo Quingentesimo decimo quinto.

*Tenor indorsationis:*

Egregijs et Nobilibus Vniuersitati Nobilium et Regnicolarum Regni nostri Sclauonie, Fidelibus nobis dilectis.

*(Sigillum Regium ab extus appressum.)*

Orig. in Archivo Regni Croatiae. Priv. N. 123.

**CLXXX.**

*Anno 1516. Festo Conceptionis B. M. V. Budae.*

**Ludovicus II. Rex regnicolas octavis, a Bano indicendis,  
interesse jubet.**

*Commissio propria Domini Regis de consilio.*

Lodouicus, dei gracia Rex Hungarie et Bohemie &c. Fidelibus nostris Magnificis ac Egregijs et Nobilibus vniuersitati Nobilium Regni nostri Sclauonie Salutem et gratiam. Intellecta et exaudita supplicacione vestra, nuper nomine et in persona istius Regni nostri Sclauonie nobis porrecta, octauas sew Judicia festi Epiphaniarum domini proxime venturi Reuerendo in Christo patri domino petro Beryzlo, Episcopo Wesprimiensi, Regnorum nostrorum Dalmacie, Croacie et Sclauone predicti Bano, eiusque Vice-Bano, per alias literas nostras more alias solito publicare celebrareque commisimus et iussimus. Quare volumus et fidelitati Vestre serie presencium firmiter committimus et mandamus, quatenus ad requisicionem dicti Bani nostri aut sui Vice-Bani omnes et singuli causantes celebracioni ipsarum octauarum interesse debeatis et teneamini. Secus non facturi. Datum Bude in festo conceptionis beatissime Marie Virginis. Anno domini Millesimo Quingentesimo decimo sexto.

*(Sigillum Regium appressum.)*

Orig. carth. in Archivo Regni Croatiae. Priv. Nr. 124.

**CLXXXI.**

*Anno 1516. Dominica proxima post festum OO. SS. Budae.*

**Ludovicus II. Rex Bano Croatiae, Slavoniae et Dalmatiae  
praecipit, ut a Nobilibus unius sessionis subsidium viginti  
quinque denariorum, in Regno Slavoniae lege lata ordina-  
tum et oblatum, quoquo modo colligat.**

*Commissio propria domini Regis de consilio.*

Lodouicus, Dei gracia Rex Hungarie et Bohemie &c. Fideli nostro Reuerendo in Christo Patri Domino Petro Beryzlo, Episcopo Wesprimiensi, Regno-

rum nostrorum Dalmacie, Cróacie et Sclauonie Bano, eiusque Vicebanis et Iudicibus Nobilium in Regno Sclauonie predicto constitutis salutem et gratiam. Intelleximus, qualiter Nobiles vnus sessionis in eodem Regno nostro Sclauonie commorantes subsidium viginti quinque denariorum, nuper ad impositionem victualium per Vniuersitatem Nobilium eiusdem Regni ordinatum et oblatum, exsoluere nollent. Quoniam autem ea lege fuerit oblatum, vt etiam ipsi Nobiles vnus sessionis soluere debeant, propterea volumus et fidelitati vestre harum serie firmiter mandamus, quatenus acceptis presentibus vniuersos et singulos Nobiles vnus sessiones predicti Regni nostri Sclauonie ad exolucionem predicti subsidij viginti quinque denariorum per omnia solita grauamina et queuis opportuna remedia compellere debeatis, Aucthoritate nostra Regia presentibus vobis in hac parte attributa mediante. Secus facere non ausuri. Nam alioquin certi sitis, quod si quid damni per negligenciam vestram in his perceperimus, vobis imputabimus et a vobis etiam requiremus. Presentes superinde pro vestra reseruando expedicione. Datum Bude die Dominico proximo post festum Omnium Sanctorum. Anno . . . . . Millesimo Quingentesimo decimo sexto.

(*Sigillum Regium appressum*).

Orig. in Archivo Regni Croatiae Priv. Nro. 126.

## CLXXXII.

*Anno 1516 Budae.*

**Ludovicus II. Rex prothonotarium Regni Slavoniae octavis,  
a Bano indicendis, interesse iubet.**

*Commissio propria domini Regis de consilio.*

Lodonicus, dei gracia Rex Huugarie et Bohemie &c. Fideli nostro Egregio Magistro Stephano Henczelly, Regni nostri Sclauonie prothonotario, Salutem et gratiam. Supplicatione Vniuersitatis Nobilium Regni nostri Sclauonie predicti nobis porrecta, intellecta et exaudita, octauas seu Iudicia festi Epiphaniarum domini proxime affuturi Reuerendo in Christo patri domino Petro Beryzlo, Episcopo Wesprimiensi, Regnorum nostrorum Dalmacie, Croacie et Sclauonie predicti Bano eiusque Vice-Bano per alias literas nostras publicare celebrareque ac ipsi Vniuersitati Nobilium ad requisicionem eiusdem Bani nostri aut sui Vice-Bani celebrationi earundem octauarum interesse commisimus . . . . et fidelitai tue harum serie firmiter committimus et mandamus, quatenus . . . . celebrationi interesse

debeas et tenearis. Secus non facturus. Datum Bude .... Marie Virginis. Anno Domini Millesimo quingentesimo decimo sexto.

(*Sigillum Regium appressum.*)

Orig. carth. in Archivo Regni Croatiae. Priv. Nr. 125.

## CLXXXIII.

*Anno 1517. Feria 2. post festum B. Valentini. Budae.*

Ludovicus II. Rex, ut inchoatae octavae, nullo brevium Budae celebrandorum iudiciorum respectu habito, continuari possint, permittit.

*Commissio propria domini Regis.*

Lodouicus, dei gracia Rex Hungarie et Bohemie &c. Magnifici, Egregij et Nobiles, fideles nobis dilecti. Miseratis huc ad Maiestatem nostram hunc fidelem nostrum Nobilem Paulum literatum de Neszpesa, nuncium et oratorem vestrum, presencium exhibitorem; cuius medio supplicastis nobis, vt presentes octauas festi Epiphaniarum Domini proxime preteriti, que iam ad litteras et Mandatum Maiestatis nostre inchoate essent, ad finem vsque celebrari et Justiciam causantibus quibusque administrari facere dignaremur. Qua quidem supplicatione vestra intellecta et admissa, cupientesque iustis huiusmodi et honestis petitionibus vestris annuere, commisimus hic et coram et eciam per literas nostras fidelibus nostris Bano et Vicebanis ac Magistro prothonotario et Juratis assessoribus Sedis Iudicarie istius Regni nostri Sclauonie, vt non curato eciam eo, si Iudicia Breuia in proximo hic Bude celebrantur vel non, celebrationem octauarum ipsarum ad finem vsque continuare et causantibus omnibus secundum deum Justiciam administrare debeant et teneantur: parati enim sumus, vt diximus, vobis tanquam Bonis fidelibus nostris in hijs, que iuste et honeste facere possumus, semper complacere. Datum Bude feria secunda proxima post festum Beati Valentini Martiris. Anno Domini Millesimo Quingentesimo decimo septimo.

*A tergo:*

Magnificis, Egregijs et Nobilibus Vniuersitati Nobilium et Regnicolarum Regni nostri Sclauonie, Fidelibus nobis dilectis.

(*Sigillum Regium appressum.*)

Originale in Archivo Regni Croatiae. Priv. Nr. 128.

## CLXXXIV.

*Anno 1517. Feria 4. ante festum B. Mathiae Ap. Budae.*

Ludovicus II. Rex, ut inchoatae octavae, nullo Budae celebrandorum brevium iudiciorum habito respectu, continuari possint, permittit.

*Commissio propria domini Regis.*

Lodouicus, Dei gracia Rex Hungarie et Bohemie &c. Fidelibus nostris Reuerendo in Christo patri domino Petro Beryzlo, Episcopo Ecclesie Wesprimiensis ac Regnorum nostrorum Dalmacie, Croacie et Sclauonie Bano, Item Egre-gijs Balthasari de Bathyan et alteri Balthasari de Alap, Vicebanis, ac Magistro Stephano Henczelffy de Petrowcz, Iudicis curie nostre et eiusdem Regni Sclauonie prothonotario, nec non Vniuersis Juratis assessoribus Sedis Iudiciarie predicti Regni Sclauonie Salutem et gratiam. Miserant fideles nostri Vniuersitas Nobilium istius Regni Nuncium et oratorem ipsorum ad Maiestatem nostram, Cuius medio supplicarunt nobis, vt presentes octauas circa festum Epiphaniarum domini proxime preteritum inchoatas celebrari et ad finem vsque continuari permittere dignaremur. Nos cupientes libertati et incremento status eiusdem Regni sicut in omnibus licitis et honestis, ita eciam in hoc prospicere et consulere: Scripsimus Eisdem per alias nostras literas, quod huiusmodi octauas ad supplicationes ipsorum celebrari et continuari per vos iussissemus. Quare fidelitati vestre harum serie firmiter committimus et mandamus, quatenus acceptis presentibus, non curato eo, quod in proximo hic Bude Iudicia Breuia celebrabuntur vel non, Vos nichilominus huiusmodi octauas, prout cepistis, celebrare et ad finem vsque continuare ac causantibus et litigantibus quibuslibet secundum Deum Iusticiam administrare debeatis et teneamini. Aliud nulla Racione facere audeatis. Datum Bude feria quarta proxima ante festum Beati Mathie Apostoli. Anno Domini Millesimo Quingentesimo decimo septimo.

*(Sigillum Regium appressum.)*

Orig. carth. in Archivo Regni Croatiae. Priv. Nr. 129.

**CLXXXV.***1519. die 12. Decembris.*

**Regnum Croatiae et Dalmatiae Regi Hungariae, qui cum Turcis foedus nulla de iis facta mentione pepigerat, amplius obedire nolens, tutellam et protectionem Pontificis Romani expetit.**

Anno 1519 die 12. Decembris lectae sunt litterae Bani Dalmatiae & Croatiae credentiales in persona Domini Thomae Nigri \*), qui introductus est in sacrum Consistorium nomine ipsius Bani, Comitum et Nobilium ipsorum Regnorum. Dixit, ipsa Regna parata se dedere Turcae, et quod miserunt ad Regem Ungarie oratores suos, ipsi protestaturos, quod nollebant amplius obedire; quia cum Turca foedus fecerat, nulla de iis facta mentione. Dimisso predicto Vicario, Sanctissimus dixit, se velle super hoc Regi Ungariae scribere, ut provideat ipse et Regna Dalmatiae & Croatiae in tutellam et defensionem recipiat; vel saltem permittat, ut sub alicuius Regis Christiani, vel suae Sanctitatis tutela et defensione esse possint.

Ex Codice Romano Actorum Consistorialium. — B. Kerčeliè. De Regnis Dalm. Croat. et Slav. Notitiae Praeliminare p. 314.

**CLXXXVI.***Anno 1525. Dominica proxima ante festum B. Dionysii. Budae.*

**Credenciales a Ludovico II. Rege Johanni Statilio ad Diaetam Regni Slavoniae misso oratori datae.**

*Commissio propria Domini Regis.***Ludovicus, Dei Gratia Rex Hungariae et Bohemiae &c.**

**Magnifice Fidelis nobis dilecte. Misimus ad istam Diaetam Regni Nostri Sclavoniae hunc fidelem Nostrum Venerabilem Joannem Statilium, Prepositum**

---

\*) Thomas Niger Spalatensis, amicus celeberrimi Marci Maruli, poetae latini et nationalis, Vicarius generalis Episcopi Vesprimiensis et Bani Croatiae Petri Berislavić, Episcopus Scardonensis (1519) et Traguriensis (1524), Orator Regni Croatiae et Dalmatiae ad Leonem X. Pontificem Romanum et Carolum V. Imperatorem, diligens collector rerum Patriarum, mortuus Spalati a. 1527.

Budensem, Secretarium Consiliarium Nostrum, cui commisimus, ut fidelitati tuae nonnulla nostro nomine referat. Committimus itaque, ut in his, quae prefatus orator noster dixerit, eisdem fidem indubiam adhibere debeas. Datum Budae Dominica proxima ante festum B. Dionisij. Anno Domini 1525.

*A tergo :*

Magnifico Francisco de Bathyan, Regnorum nostrorum Dalmatiae, Croatiae et Slavoniae Bano ac Pincernarum nostrorum Regalium Magistro, fidei nobis dilecto.

Originale in Archivo Kőrmendienai Ill. Principis de Bathyan.

---

## CLXXXVII.

*Anno 1525. Festo B. Philippi et Jacobi Apostolorum. Budae.*

Ludovicus II. Rex Francisco a Bathyan, Bano Croatiae, ob bene acta et tractata in Regni Slavoniae diaeta negotia complacentiam suam exprimit, eidemque Joannem Thahy collegam mittit.

*Commissio propria Domini Regis.*

Ludovicus, Dei Gratia Rex Hungariae et Bohemiae &c.

Magnifice fidelis nobis dilecte. Ea quae per te acta sunt in proxime praeterita Diaeta in Sclavonia, et ex litteris et ex nunciis tuis intelleximus, quae nobis valde placuerunt. Hortamur itaque fidelitatem tuam, ut ea, quae bene caepisti, bene etiam continues, et ad bonum finem tua industria perducas. Placet et illud Nobis, quod Banatum Joannes Thahy reddidisti, nam nos quoque eidem hic reddidimus et cum illo conservare omnino volumus, neque patiemur, ut autoritas Nostra ab illius aemulis et adversariis conculcetur. Hoc autem Nobis valde displicet, quod pars illa adversa ea, quae dicturus illi eras, audire noluit. Sed praeter voluntatem tuam disuccessit, id, quod silentio praeterire nolumus. Nunc itaque remisimus ad te Johannem Thahy Collegam tuum. Des itaque operam, ut jam tandem ab omnibus in Banum suscipiatur. Postquam autem toties hortati et requisiti iudicium ex parte ipsius Johannis Thahy ejus adversarii acceptare recusarunt, Nobis non videtur, ut ipse Johannes Thahy tam strictum iudicium, ad quod se offerebat, subire posthac cogatur; sed qui cum eo agere voluit,

(Pars I. Privil. et Libert.)

agant secundum Jura et consuetudinem istius Regni nostri Sclauoniae; nisi Johannes Thahy vellet extraordinarium Judicium ultra subire. Reliqua ex ipso Johanne Thahy atque etiam Nuncio tuo Anthonio literato accipies. Hortamur te, ea diligentia et dexteritate rem omnem cures, ut majores molestiae Nobis de rebus Sclauonicis non oriantur. Et quamvis libenter vellemus, ut in Diaeta Hungarica nobiscum esses, cum tamen intelligamus, presentiam tuam etiam in Sclavonia esse necessariam, contenti sumus, ut ibidem maneat et defensionem istius Regni Nostri Sclavoniae et Croatiae et dissensionibus Regnicolarum componendis pro viribus incumbas, donec uberius tibi providebimus, id quod propediem facturi sumus. Secus igitur ne feceris. Datum Budae in festo beatorum Philippi et Jacobi Apostolorum. Anno Domini 1525.

*A tergo :*

Magnifico Francisco de Bathyan, Regnorum nostrorum Dalmatiae, Croatiae et Slavoniae Bano ac Pincernarum nostrorum Regalium Magistro, fidei nobis dilecto.

Originale in Archivo Körmendiensi Illustr. Principis de Bathyan.

---

## CLXXXVIII.

*Anno 1525. FERIA 2. post festum Pentecostes. Budae.*

Ludovicus II. Rex Franciscum de Batthyan, Regni Dalmatiae, Croatiae et Slavoniae Banum hortatur, ut omnibus viribus contendat, quo negotia in Diaeta Slavonica, ad quam Joannem Decshazy oratorem mittit, bene absolvantur.

*Commissio propria Domini Regis.*

Ludovicus, Dei Gratia Rex Hungariae et Bohemiae etc.

Magnifice fidelis nobis dilecte. Hortamur fidelitatem tuam, et tibi etiam committimus, quatenus tam per te, quam per fratres et amicos tuos omni studio contendas, ut negotia nostra, et Regnorum Nostrorum, pro quibus ad Diaetam Regnicolarum Regni Nostri Sclavoniae fidelem Nostrum Egregium Stephanum Decshazy, Aulae nostrae familiarem, misimus, optato fine concludantur; quod



servitium tuum gratia nostra Regia compensabimus. Haec referet tibi nomine Nostro latius idem Decshazy, cui fidem indubitata adhibere debeas. Secus ne feceris. Datum Budae feria 3. post festum Pentecostes. Anno Domini 1525.

*A tergo :*

Magnifico Francisco de Batthyan, Regnorum nostrorum Dalmatiae, Croatiae et Slavoniae Bano ac Pincernarum nostrorum Magistro, fidei nobis dilecto.

(L. S.)

Orig. aut. charta in Archive Körmendiensi illustr. Principis Batthyan.

## CLXXXIX.

*Anno 1525. Feria 4. post festum Elisabethae Viduae. Budae.*

Ludovicus II. Rex Bano F. Batthyan scribit, ut omnem curam adhibeat, quo Joannes Tahy occasione Diaetae Slavonicae a regnicolis in pristinam Banatus dignitatem recipiatur, et Jajce victualibus provideatur.

*Commissio propria Domini Regis.*

Ludovicus, Dei Gratia Rex Hungariae et Bohemiae etc.

Magnifice fidelis nobis dilecti. Fuit hic fidelis noster Magnus Joannes Tahy, quem remisimus ad Diaetam Slavonicam, ea spe, ut per oratores nostros, quos illuc destinavimus, si Regnicolis id persvaderi poterit, in officium suum reponatur: alioquin invitis illis, eum non reponent. Vadatis igitur cito et vos ad illam Diaetam, et adhibeatis omnem operam, simul cum oratoribus nostris, ut partes dissidentes ad concordiam revocentur, et quod ipse Johannes Tahy cum suis adversariis concordare possit; nam si id fieret, facilius posset illis consentientibus in Banatum reponi. Non optat autem longo tempore fore in officio; neque nos cupimus hoc in alium finem, nisi, ut et dignitati nostrae et ejus honori fieret satis. Bani nostri Jayczenses victualia posuerunt ad Jayczam sine periculo, sed pauca; necesse est igitur, ut citissime plura inferantur, quia sine illis conservari non poterit. Johannes Tahy si reponeretur in officium, non recusaret laborem inferendi victualia ad Jayczam; quod si non fiet, tractetis cum oratoribus nostris et cum Regnicolis illius Regni nostri Slavoniae de alio

imponendi modo. Hunc autem Thahy libenter retineremus in servitiis nostris; sed vix manebit, si non fuerit officio restitutus. Ubi scribitis, quosdam aemulos vestros dixisse, quod vos laboraretis contra Joannem Thahy et vos essetis occasio privationis ejusdem, et illi hoc male de vobis dicerent et sentirent: nos de his nihil unquam audivimus, neque si audivissemus, crederemus. Venerunt huc nuncii Regni Croatiae, quibus quidquid responderimus, vobis significabimus. Vos invigilate et omnem operam impendite, ut oratores nostri ad Sclavoniam missi, bonum Nobis responsum referre possint. De violentia, quam exercere dicitur Comes Ferdinandus de Frangepanibus, loquamini cum Regnicolis in Diaeta, et consulatis tandem una cum ipsis, quid nobis sit faciendum. Non sumus oppressis auctoritate nostra defuturi, de illorum enim dissensione et quiete modis omnibus curam gerere volumus. Datum Budae feria quarta proxima post Elisabeth Viduae. Anno Domini Millesimo Quingentesimo vigesimo quinto.

*A tergo:*

Magnifico Francisco de Batthyan, Regnorum nostrorum Dalmatiae, Croatiae et Slavoniae Bano, fideli nobis dilecto.

Originale in Archivo Kőrmendiensi Illustr. Principis Batthyani.

---

## CXC.

*Anno 1525. feria 6. proxima post festum R. Luciae Virginis. Budae.*

Ludovicus II. Rex Bano F. Batthyan scribit, ut Regni Croatiae Nobiles, qui pacem cum Turcis cupiebant, ad patientiam disponat.

Ludovicus, Dei Gratia Rex Hungariae et Bohemiae etc.

Magnifice fidelis nobis dilecte. Comites et reliquiae Nobilium Regni Nostri Croatiae miserunt ad nos his diebus oratores suos, ex quibus animum illorum de concordia cum Turcis facienda cognovimus, nisi nos extremis et afflictis eorum rebus jam tandem subveniremus. Petunt autem a nobis, ut duobus verbis significemus subsidium et defensionem. Oratores cum bona spe nostrae in eos gratiae et futurae provisionis dimisimus; sed quum ipsis certum et finale responsum de his rebus difficillimis absque scitu et deliberatione Regnicolarum nostrorum facere nequiverimus, polliciti sumus, tum honoris ipsorum causa tum et aequiore animo expectarent, per oratores Nostros proprios velle ipsis ad postulata respondere.

Visum itaque Nobis est, ut te ob eam familiaritatem et amicitiam, quae tibi cum illis intercedit, ad eos mitteremus, adjuncto, si tibi videretur, Sigismundo Banffy, qui item Croatis gratus esse dicitur. Hortamur itaque te, ut aliis cum prudentia labores et contendas, una cum praedicto Sigismundo Banffy, ne graventur Regnicolarum nostrorum Conventum expectare, quem etiam si nullae aliae causae nos moverent, intra breve temporis spatium vel in hoc ipso carnisprivio celebrabimus. Mittimus ad te Instructionem, ex qua copiosius intelliges, quo nam modo cum eis sit tractandum, Illud autem tuo permittimus arbitrio, utrum Sigismundus Banffy sit huic legationi secum adhibendus: et ob eam causam duplices credentiae litteras ad te misimus, quarum alteras in solius tui personam scribendas curavimus. Quod si eundem sibi adjungendum existimas, mitte statim litteras nostras ad eum descriptas, ut tecum istud officium legationis obire valeat. Mora omnis in hoc negotio est amputanda, summa vero adhibenda diligentia; ne illud Regnum pene perditum perdamus. Datum Budae feria 6. proxima post. festum B. Luciae Virginis. Anno Domini 1525.

Ludovicus Rex m. p.

*A tergo :*

Magnifico Francisco de Batthyan, Regnorum nostrorum Dalmatiae, Croatiae et Slavonie Bano, fideli nobis dilecto.

*Originale in Archivo Kőrmendiensi Illustr. Principis de Batthyan.*

---

## CXCI.

*Anno 1530. die 17. Martii. Pragae.*

Ferdinandus Rex Locumtenentem Bani de iis, quae ad Croatiam caeteraque sua regna defendenda suscepit, edocet.

Ferdinandus, Dei gracia Hungariae, Bohemiae. Dalmacie, &c. Rex. Infans Hispaniarum, Archidux Austriae, Dux Burgundiae &c., Marchio Moraviae &c. Comes Tirolis &c.

Reuerende, deuote, dilecte! Accepimus litteras vestras de profesto diui Mathie Apostoli, Quibus abunde cognouimus, quae de nouissima Thurcorum Irruptione in Regni nostri Croatiae partes facta scripsistis; de qua non parum dolemus.

Cum autem petieritis, ut vos latere non paciamur, si quid pro comodo et subsidio Regni istius nostri fecerimus, Idcirco Vobis clementer significandum duximus, Nos nihil magis curare et agere, quam quod a Regni Huius nostri Bohemie alijsque prouinciarumstrarum subditis auxilia valida et repentina obtineamus, et obtenta in Regni nostri Hungarie recuperacionem, parciumque illius, et prefati Regni nostri Croacie defensionem destinemus. Commisimus item, ut cum prouinciarumstrarum Stirie, Carinthie, Carniolie et Croacie Incolis statim agatur et tractetur, ut gentes aliquae conducantur, et in confinia predicti Regni, ad auertendum et precauendum Thurcorum Insultum disponantur; Quorum Capetaneus erit Egregius fidelis nobis dilectus Ioannes Cacchianer, Qui, uti speramus, difficultates et pericula in eodem Regno vigencia in melius reducet, ac fideles illius subditos ab Inuasionem custodiet, et in pace et tranquillitate pristina conseruabit. In aduentu vero Maiestatis Cesaree, que intra paucissimos dies Germaniam intrabit, et in qua Nos eciam Deo volente coniungemur. bonam peditum Hispanorum Archibuseriorum partem, pociorum scilicet et magis exercitatorum, expectamus; Quos illico ad Regni nostri Hungarie sedem restituendam mittemus; hisque eciam gentes in eodem Regno prius existentes cum alijs nouis superaddemus, eorumque medio et opera pociora Regni loca et reliqua, que per angustiam temporis reparari poterunt, recuperare et pacificare studebimus, donec alia subsidia maiora, de quibus supra diximus, et alia non minora, que a sanctissimo domino nostro, Maiestate Cesarea Sacroque Imperio ac reliquis Christianorum regibus et potentibus obtinere laboramus, in tempore sequantur: Quorum causa Nos eciam ad dietam Imperialem, que ad diem VIII. Mensis Aprilis in Augusta celebrabitur, cum Maiestate Cesarea conferemus, et illic omnia ea tractare et efficere conabimur, que ad commodum et defensionem fidelium nostrorum vbicunque existencium conducere videbuntur, Quos nullo pacto deferemus. Que omnia manifeste satis nunc arguunt, Nos nihil eorum pretermittere, ad que ex officio nostro tenemur. Quibus attentis tam vos quam alij In fide, et deo et nobis debita, constantes esse ceterisque Animum et consolacionem afferre debebitis, ut et ipsi liberacionem suam et communem omnium salutem expectent, Idque sedulo faciant et procurent, que ad fidem et debitum fidelium subditorum spectant, sicut vos et ipsos indubie facturos esse confidimus, quod erga vos et eosdem generose recognoscimus. Datum in Arce nostra Regia Pragensi die XVII. Mensis Marcij. Anno Domini M.D.XXX., Regnorum nostrorum quarto.

Ferdinandus m. p.

Ad mandatum domini Regis proprium  
Jo. Mainsll m. p.

A tergo:

Reuerendo, deuoto, nobis dilecto Andree, Episcopo Tinniniensi ac abbati de Toppolczka, Consiliario nostro.

Orig. carth. in Archivo Regni Croatiae. Priv. Nr. 129½.

## CXCH.

*Anno 1531. die 27. Augusti. In oppido Scherdingen.*

**Ferdinandus I. Rex post mortem Bani Joannis Torquati Karlović Episcopum Tinniniensem Andream primum Locumtenentem Banalem nominat.**

Ferdinandus Diuina fauente clemencia Romanorum Rex semper Augustus, ac Germanie, Hungarie, Bohemie &c. Rex, Infans Hispaniarum, Archidux Austrie &c. Reuerendi, Magnifici, Venerabiles, Egregij, Nobiles, Prudentes et Circumspecti, fideles dilecti. Cum accepissemus Spectabilem ac Magnificum quondam Io. Torquatum Comitem Corbaue suum, sicuti Altissimo placuit, diem obijisse, Nos ea statim cura inuasit, vt eum in demortui locum surrogemus, qui et nobis et Regno vobisque consolacioni non modice, atque etiam vtilis et idoneus ad Banatus officium esse videretur. De quo cum adhuc deliberemus et circumspiciemus, qui magis et conueniencius atque etiam cercius offitio illi sit preficiendus, Reuerendo, deuoto, fideli nobis dilecto Andree Episcopo Tinniniensi commisimus, vt interea quam successor eligatur, ea munia vicesque obeat et agat, que Banus ipse, si iam nominatus et presens esset, vel nosmet adessemus, agere possemus, atque omnia ea agat et faciat, que ad commodum nostrum, Regnique conseruationem ac vestram vtilitatem et defensionem neccessaria et opportuna videbuntur, auctoritate nostra Regia sibi in hac parte et ad tantum, vt premissum est, tempus attributa et concessa. Quare fidelitatibus vestris et cuiuslibet vestrum harum serie firmiter et strictissime committimus et mandamus, quatenus prenominatum Episcopum pro tali, qualem in hys esse et fore iussimus et volumus, agnoscere, tenere et habere, eique in omnibus licitis et honestis, que nostri, Regnique et vestri causa vobis imponet et committet, parere et obedire, eiusque Jussa et monita exequi, adimplere et obseruare, talesque vos erga eum, quousque Banum vobis designauerimus, gerere et exhibere debeatis et teneamini, sicuti vestre in nos fidei et Juramenti debito congruit, vosque vti fideles subditos nostros haud dubie facturos esse confidimus, atque erga vos et vestrum quemlibet gratiose, dum dabitur occasio, recognoscemus. Datum in oppido Scherdingen die vicesima septima Mensis Augusti. Anno Domini Millesimo Quingentesimo trigesimo primo. Regnorum nostrorum Romani primo, aliorum vero omnium quinto.

Ferdinandus m. p.

Ad Mandatum Sacre Regie Maiestatis proprium.

Jo. Mainsll m. p.

## Intitulationis tenor:

Reuerendis, Magnificis, Venerabilibus, Egregijs, Nobilibus, Prudentibus et Circumspectis, Fidelibus nobis dilectis, vniuersis Statibus et Ordinibus Regni nostri Croatiae.

*(Sigillum Regium in exteriori facie appressum.)*

Orig. in Archivo Regni Croatiae. Priv. N. 130.

## CXIII.

*Anno 1567. die 29. Iulii. Posonii.*

Maximilianus Rex Vicebani, Prothonotarii, Viceprothonotarii, Vicecomitum et Judicum Nobilium Regni Slavoniae bona secundum consuetudinem et legem ejusdem Regni a census et taxae publicae solutione immunia esse vult.

Maximilianus Secundus, Dei Gracia Electus Romanorum Imperator semper Augustus, ac Germanie, Hungarie, Bohemie &c. Rex, Archidux Austrie, Dux Burgundie &c. Fidelibus nostris Reuerendo, Magnifico et Egregijs Prefecto caeterisque Consiliariis Camere nostre Hungarice. Item Comiti, Vicecomitibus et Judicibus Nobilium Comitatum Regni nostri Sclauonie, ac dicatoribus et exactoribus quarumcunque taxarum et contribucionum nostrarum, subsidiorumque et lucri Camere nostre in prefato Regno nostro Sclauonie exigendarum, presentibus et futuris, salutem et gratiam. Expositum est Maiestati nostre in personis fidelium nostrorum Vniuersitatis Dominorum et Nobilium Regni nostri Sclauonie graui cum querela, Quod licet vniuersa bona possessionaria in Regno nostro Sclauonie sita et habita fidelium nostrorum Egregiorum et Nobilium Vicebani, Prothonotarii et Viceprothonotarii nec non Vicecomitum et Judicum Nobilium in prefato Regno nostro Sclauonie commorantium, tanquam Judicum Ordinariorum pro tempore constitutorum, semper a memoria hominum exempta fuissent a census et taxe publice solutione; sed tamen vos, nescitur unde inducti, non modo non eos in antiqua eorum tali recepta consuetudine, prerogatiua et libertate conseruandos esse putaretis, sed etiam vt eos in iis turbaretis vexaretisque in animo propositum haberetis contra antiquas eorum libertates et prerogatiuas vsu receptas et inueteratas, iniuria, dampno et preiudicio eiusmodi eorum libertatis et prerogatiue manifesto et valde magno: Supplicantes nobis humiliter, dignaremur ipsis de opportuno superinde remedio gracie prouidere, curareque memoratis Judicibus nostris ordinariis eiusmodi antiquam semper a memoria hominum vsam

prerogatiuam et libertatem, in qua conseruati fuissent per Sacram quoque olim Cesaream Regiamque Maiestatem preclare memorie Dominum et Genitorem nostrum colendissimum, per nos quoque clementer obseruari facere. Quorum supplicatione clementer exaudita et admissa. Quum nos pro suscepti regiminis nostri officio vniuersa iusta et legitima subditorum nostrorum Jura et libertates inuiolabiliter ab omnibus obseruari, nec quempiam in eis indebite ac illegitime turbari velimus: Fidelitati vestre et vestrum singulis harum serie firmiter committimus et mandamus, quatenus acceptis presentibus et rebus sic, vt prefertur, stantibus et se habentibus, memoratos Vicebanum, Protonotarium et Viceprotonotarium, nec non Vicecomitem et Iudices Nobilium dicti Regni nostri Sclauonie in eorum, vt premissum est, antiqua consueta libertate et prerogatiua conseruare et per alios etiam, quorum interest, conseruari facere; nec vllum censum seu taxam, in publicis constitutionibus expressam, a colonis ipsorum bonorum vbicunque in Regno nostro Sclauonie existencium, tam preterite, quam future taxe et census ratione exigere vel exigere facere debeatis et teneamini. Secus non facturi. Presentibus perlectis exhibenti restitulis. Datum Posonii vigesima nona Julii Anno Domini Millesimo quingentesimo sexagesimo septimo.

Maximilianus m. p.

*(Sigillum Regium appressum.)*

Nicolaus Olahus Strigoniensis m. p.

Georgius Bochkay m. p.

**Tenor Indorsationis:**

1567. Feria sexta proxima post festum beati Matthaei Apostoli in Conuentu generali Regnorum Croatiae et Sclauoniae praesentes litterae exemptionales Caesareae et Regiae Maiestatis praesentatae et exhibitae sunt dominis Regnicolis. Conclusum est, vt obseruentur. Joannes Petricheulich, Viceprotonotarius Regni manu propria.

Orig. in Archivo Regni Croatiae. Priv. N. 134.

# **CXCLV.**

*Anno 1577. Mense Februario. Posonii.*

**Camera Hungarica Diaetas Regni Slavoniae nonnissi Bano  
jubente celebratas fuisse testatur.**

**Serenissime Princeps,**

**Domine Clementissime!**

Fidelium servitiorum nostrorum in gratiam Serenitatis vestrae humillimam commendationem. Cognovimus humillime ex benignis Sacrae Caesareae Regiae-que Maiestatis, domini nostri Clementissimi et Serenissimi Archiducis Caroli, domini nostri itidem Clementissimi, litteris, de benigno Serenitatis vestrae mandato, vigesimo quinto die proxime elapsi mensis Januarii transmissis, nobisque ultima eiusdem mensis redditi, quae sit suae Serenitatis de celebranda Diaeta Sclavonica benigna voluntas, quidve super eo Maiestas sua Caesarea clementer fieri velit. Quod autem Serenitas vestra nostram ea in re tenuem sententiam benigne intelligere cupit, negotio ipso in accuratam deliberationem sumpto, duo nobis occurrunt impedimenta, quae diaetae illius celebrationem nunc impedire videntur. Vnum absentia Bani, sine cuius praesentia Diaeta generalis commode institui nequit; cuius vices licet priores suppleturos Serenitas vestra benigne existimet, tamen cum semper moris fuisse intelligamus, quod Diaeta generalis nonnisi Bano iubente sit in Sclavonia habita, an status et ordines Regni illius sint vicegerentum ea in re requisitioni obtemperaturi, dubium est. Consultis itaque fore pro demissa nostra sententia videretur, ut Banus ipse benignis suae Maiestatis litteris ad capescendum Banatus Officium requireretur: quo praesente omnia rectius processura, et quidquid Maiestas sua statibus Sclavoniae proponere vellet, maiorem effectum habiturum existimaremus. Alterum impedimentum priori gravius esse videtur. Quod cum (prout recordamur) hucusque ita observatum sit, ut prius in Hungaria Diaeta sit celebrata, ad quam Status Regnorum Croatiae et Sclavoniae suos semper solemnes expedire soliti sunt oratores. Qua quidem Diaeta in Hungaria peracta, Banus tandem, et non prius, statibus Croatiae et Sclavoniae indicebat publicam Diaetam, ad quam Maiestas quoque sua suos Commissarios expedire solebat, quibus praesentibus ea, quae ad communem salutem atque defensionem patriae spectabant, per Banum proponebantur et sic communi omnium voto atque consensu articuli conclusionum aedebantur, proque benigno suae Majestatis consensu atque confirmatione trans mittebantur, ac ita demum omnia rata et firma habebantur. Quod si itaque nunc aliquid fieret contrarij, verendum est, ne status ipsi novitate rei moti libertates suas labefactari conquerantur et parum vel nihil apud eos efficiatur. Ut autem confinium illarum partium conservationi consula-



tur, munitioque oppidi Kaproncza bono modo fiat, resque illa, uti Sua Serenitas ad suam Maiestatem scribit, nullam moram ulteriolem patiatur, non abs re fore demisse putaremus, ut Maiestas sua Caesarea certos Commissarios ex Aula eo deligeret et Reverendissimum Episcopum Zagrabiensem, alias Bannm, et Status atque Ordines dicti Regni Sclavoniae et Croatiae litteris suis, ex Cancellaria sua Hungarica editis, statim requireret, ut cum Maiestas sua benigne decrevisset, confiniorum illorum aliasque certas ob causas, bonum publicum concernentes, certos suos Commissarios illuc propediem expedire, per eos nomine suae Maiestatis requisiti Zagrabiam convenire, et ea, quae ipsorum et patriae salutem concernerent, ab illis percipere, in omnibusque sese morigeros exhibere, et una cum illis omnia diligenter consultare atque etiam in effectum perducere velint, et hoc pacto, non tanquam Diaetae generalis, sed tantum Commissionis specialis nomine, interim donec Diaeta publica, more alias consveto, ibi quoque celebrari posset, omnia bono modo componi posse humillime existimaremus. Quod erat Serenitati vestrae ad benignum eiusdem mandatum, litteris Suae Maiestatis et Serenissimi Archiducis iterum remissis, humillime rescribendum.

Quam Deus aeternus diu salvam atque incolumem conservet. Posonii Februarii 1577.

Eiusdem Serenitatis Vestrae

Fideles servitores

Camerae Hungaricae Praefectus et Consiliarii

Ep. Agriensis m. p.

Ghozmoy m. p.

*A tergo :*

Serenissimo Principi et domino domino Ernesto, Archiduci Austriae, Duci Burgundiae, Comiti Tyrolis et domino nobis Clementissimo.

Ad Cameram Aulicam.

Ex Protocollo Regni Congregationum.

## CXCIV.

Anno 1581.—1629.

## Privilegium Carolostadiense a Regibus Rudolpho II. et Ferdinando III. elargitum

Nos Ferdinandus III. Dei gratia electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniaeque Rex. Archidux Austriae, Dux Burgundiae, Stiriae, Carinthiae, Carnioliae, superiorisque & inferioris Silesiae; Marchio Moraviae, superiorisque & inferioris Lusatiae; Comes Haubspurgi, Tyrolis, & Goritiae &c. Memoriae commendamus tenore praesentium significantes, quibus expedit universis. Quod pro parte & in persona fidelium nostrorum militum & incolarum, caeterorumque inhabitatorum Fortalitii, sive Civitatis novae *Carlostad* infra Castrum Dubovacz, in dicto *Regno nostro Croatiae constructae*, exhibitae sunt nobis & praesentatae certae quaedam litterae, serenissimi condam Principis, Domini Rudolphi II. alias Romanorum Imperatoris & *Regis Hungariae*; confirmationales Privilegiales, in pargameno patenter confectae, ac secreto eiusdem Sigillo, quo, *ut Rex Hungariae utebatur*, impendenti communitae. Quibus mediantibus, idem condam Imperator & Rex, certos quosdam articulos, super libertatibus & immunitatibus praefatorum Civium Carolostadiensium, a Serenissimo condam Principe Carolo, patruo videlicet suo, iisdem Civibus Carolostadiensibus, factis & concessis, signanter vero binis nundinalibus praerogativis; nec non uno foro haebdomadali, emanatos; ratificasse atque confirmasse dignoscebatur, tenoris infrascripti. Supplicatum itaque extitit Maestati nostrae, pro parte & in persona praelibitorum militum, universorumque Civium & inhabitatorum dictae Civitatis Carolostadiensis, debita cum instantia humillime: quatenus praetactarum binarum nundinarum, unas; hactenus quidem in Festo B. Margarithae, hoc est XIII. Die Mensis Julii; prout & forum haebdomadale, singulis diebus Sabathi in eadem Civitate celebrari solitum & consuetum, ex eodem Festo S. Margarithae ad Dominicam Sanctissimae & Individuae Trinitatis; forum autem haebdomadale, ex die Sabbathi ad diem Jovis, singularum septimanarum, benigne transferre: ac insuper unas adhuc nundinas pro Festo S. Bartholomaei quotannis, in eadem Civitate perpetuo celebrandas gratiose superaddere: In reliquo vero, praedclaratas litteras confirmationales, omniaque et singula in iisdem contenta, ratas, gratas & accepta habentes, litterisque nostris Privilegialibus, inseri & inscribi facientes, approbare, roborare, & ratificare; ac pro antelatis militibus & incolis, caeterisque inhabitatoribus, saepe tactae Civitatis Carolostadiensis, ipsorumque posteris & successoribus universis, innovandas, perpetuo valituras, gratiose confirmare dignaremur. Quarum quidem litterarum tenor talis est.

Rudolphus II. Dei gratia electus Romanorum Imperator semper augustus; ac Germaniae, Hungariae, Bohemiae, Dalmatiae, Croatiae, Sclavoniaeque Rex. Archidux Austriae, Dux Burgundiae, Marchio Moraviae, Comes Tyrolis ac Gori-tiae &c. memoriae commendamus, tenore praesentium significantes, quibus expedit universis. Quod cum serenissimus Princeps Dominus *Carolus*, Archidux Austriae, Dux Burgundiae, Stiriae, Carinthiae, Carnioliae, Comes Tyrolis &c. *Patruus no-ster charissimus, ad defensionem Regni nostri Croatiae, quod ipsius Provinciis instar Clypei, seu Muri esse dignoscitur*, contra Turcas nominis Christiani hostes, suis & Provinciarum suarum sumptibus, certam munitionem seu fortalitium instar Civitatis, infra Castrum Dubovac, *in dicto Regno Croatiae silum*, aedificaverit; & eundem locum de suo nomine *Carlostadium* nominaverit, caeterisque libertati-bus et Privilegiis ac immunitatibus, nostro ac suo nomine donaverit, militesque ac alios inhabitatores eiusdem de ipsarum immunitatum ratificatione, *per Nos, veluti Hungariae & partium ei subjectarum, legitimum Regem scienda, assecuraverit; requisivit nos* debita cum instantia, ut eiusdem militibus, ac caeteris inhabitato-ribus eiusdem oppidi Novi Carlostadii; eorumque successoribus, certos articulos, super dictis libertatibus & immunitatibus ipsorum, a praefato serenissimo Patruo nostro, tam sua; *veluti supremi in partibus illis nostris. Locumtenentis*; quam nostra Regia autoritate additos & concessos, benigne acceptare; & de Regiae no-straе potestatis plenitudine, gratiaque speciali, confirmare dignaremur. Qui quidem articuli, seu capita immunitatum ipsorum, sequuntur in hunc modum: I. Quod quilibet miles, sive Germanus, sive Hungarus, sive Croata fuerit, aut alterius Nationis, sive inter equites, sive pedites, qui juxta zonam seu dimensionem sine digressionem in fundo, seu area Viridi aedificaverit; tale aedificium seu fundus, ipsi & haeredibus suis, proprius & haereditarius esse & manere debeat; quem ipse vel haeredes sui, una cum supraaedificata domo, vendere, legare, vel dono dare, & de illo juxta placitum suum, tanquam de re propria disponere, & ordi-nare possit, hac tamen conditione: quod semper nostri, seu Serenissimi patru-i nostri milites ibidem in praesidio Stipendia merentes, prae aliis emere possint. Sin vero contingeret, quod per mortem & decessum unius vel alterius militum, una vel plures domus haereditariae, ad illius, vel illorum consanguineos devol-verentur, qui in Stiria vel Carinthia, *illisque annexis Provinciis*, domos, seu aliquam haereditatem non haberent; & vel *in illis confiniis dicti Regni nostri Croatiae* non militarent; ex tunc illi haeredes sine ulla contradictione, teneantur & sint adstricti, cuilibet militi illius praesidii, qui illa opus haberet, dictam do-mum praevia justa & tolerabili honestorum virorum aestimatione, pro ipsius so-lutione vendere; vel iuxta Praefecti illius loci dispositionem, domusque ipsius capacitatem & commoditatem, aliquod ibidem servientes milites, in illam recipere. Item postquam nos, de Regiae nostrae potestatis plenitudine, *ad instantiam prae-fati Serenissimi Patru-i nostri*, dictam Civitatem novam Carlostadium, libertate & prerogativa speciali ornandam duximus, omnes qui proprias domus in ea ha-bent, aut habuerint libertatibus communibus utentur, fruentur: Et vicissim inco-lae & habitatores omnes, ea omnia quae ad conservandam Politiam, & retinen-dam disciplinam pertinebunt, quovis tempore firmiter observare debeant. Domos & plateas, ac quaecunque ad familiae sustentationem commoda erunt, mundo bonoque ordine servabunt. Ignem custodient ne damnum faciat, sicuti tales & id genus regulae in aliis civitatibus observari solent. *Item in Suburbibus: domum,*

horreum, fossas, hortos pomarios, cellaria, foveas, sepimenta, & similia quae in detrimentum fortalitii, seu Civitatis vergere possent, inter fortalitium videlicet, & montem ac colles, ubi nunc excubiae tenentur; nemini cujusvis status & conditionis homini, liceat erigere aut extruere, neque ouipiam permittatur. Verum horti pro caulibus, ac aliis culinae necessaria, ita tamen ut 200 ulnis a fortalitio longis, absint, praevia dimensuratione concedantur, & tales horti, sepimento transparente claudantur. Et super haec omnia, pro meliore fortalitii praefati Carlostadiensis in eoque degentium militum incremento, consultum necessariumque visum est: ut singulis annis binae nundinae; unae, in Festo D. Caroli, hoc est 28. die Januarii: alterae vero, 13. die Mensis Julii, hoc est in Festo B. Margarethae (ea siquidem die Civitas ipsa extrui cepta est:) ad diuturnam rei memoriam, juxta bonum ordinem, & dispositionem Praefecti, celebrentur, sine tamen nundinarum caeterorum vicinorum locorum praejudicio. Et p̄r totum annum singulis diebus Sabbathi, solitum forum haebdomadale interteneatur. Verum hujusmodi nundinae, & Forum haebdomadale extra Fortalitium, juxta Praefecti demonstrationem, in loco commodo administrari, celebrarique debebunt.

Nos igitur, qui commodis et permansioni fidelium *nostrorum Regnicolarum, praefati Regni nostri Croatiae, & consequenter praefato fortalitio Carlostadio*, quod propter illius defensionem exstructum esse dignoscitur, quam optime consultum & provisum esse cupimus; Requisitione & postulatione supradicti Serenissimi Domini Caroli Archiducis, patris nostri Charissimi, facta; benigne accepta & admissa praefatos articulos, super libertatibus, privilegiis, & immunitatibus dictae Civitatis novae Carlostadii, infra Castrum Dubovacz, *in Regno nostro Croatiae*, de novo constructae, editos & emanatos; praesentibusque litteris nostris supra insertos & inscriptos: ac omnia & singula in eisdem contenta, eatenus, quatenus eidem rite & legitime existunt emanati, ratos, gratos, & accepta habentes, pro praenominatis militibus ac incolis, & caeteris inhabitatoribus dicti Fortalitii seu Civitatis, ipsorumque posteris & Successoribus, in praefato Fortalitio pro tempore degentibus, perpetuo valituras approbavimus. ratificavimus & confirmavimus, *Salvis semper antiquis legibus, & consuetudinibus Regni nostri Hungariae, & partium ei subjectarum*, permanentibus. Immo approbamus, ratificamus, & confirmamus, harumstrarum, quibus secretum Sigillum nostrum, *quo ut Rex Hungariae utimur*, est apensum, vigore & testimonio litterarum. Datum in Arce nostra Regia Pragensi, XXIV. Die Aprilis, Anno Domini 1581. Regnorum nostrorum, Romani sexto: Hungariae & aliorum nono: Bohemiae vero anno similiter sexto.

Nos itaque humillima supplicatione, pro parte praefatorum militum & incolarum universorumque Civium dicti Fortalitii, sive Civitatis novae Carlostadiensis Nostrae. modo quo supra, porrecta Majestati, Regia benignitate exaudita. clementer & admissa, praelibatas nundinas Festi S. Margarethae, ex eodem Festo, in diem Sabbathi Dominicae, Sanctissimae & Individuae Trinitatis, aliosque idem Sabbathum immediate praecedentes, ad id videlicet aptos et sufficientes dies: Forum item haebdomadale ex die Sabbathi, ad praetactum diem Jovis, transferendum: Unas insuper nundinas pro Festo S. Bartholomaei quovis anno. omnino sub iisdem libertatibus & praerogativis, quibus nundinae liberae seu fora annualia libera, aliarum liberarum Civitatum nostrarum, oppidorum & villarum celebrantur, perpetuo servandas & in eadem Civitate nova Carlostadiensi celebrandas, absque tamen praejudicio nundinarum seu Fororum annualium, liberorum

aliorumcumque locorum circumvicinorum, superadendas; praemissis binis annuallibus nundinis, prout & haebdomadali foro, gratiose addiiciendas duximus. De caetero autem praeinsertas litteras confirmationales privilegiales non abrasas non cancellatas neque in aliqua sui parte suspectas, sed omni prorsus vitio ac suspitione carentes, praesentibus nostris litteris privilegialibus, de verbo ad verbum sine diminutione & augmento aliquali insertas & inscriptas, quoad omnes earundem continentias, clausulas & articulos, eatenus quatenus eaedem rite & legitime existunt emanatae, viribusque earum veritas suffragatur; ac in quantum iidem cives & inhabitatores Carlostadiensenses in huiusmodi libertatum & praerogativarum continuo usu hactenus perstitissent, persisterentque etiam de praesenti, ratas, gratas, & acceptas habentes, approbavimus, roboravimus & ratificavimus, ac pro iisdem Civibus Carlostadiensibus, ipsorumque posteris ac successoribus universis perpetuo valituras, gratiose confirmavimus; immo transferimus, superadimus, & acceptamus, approbamus, roboramus, ratificamusque & confirmamus: salvo jure alieno harumstrarum Secreto Sigillo nostro, *quo ut Rex Hungariae utimur*, in pendentia communitarum, vigore & testimonio litterarum. Datum per manus fidelis nostri, nobis dilecti, Reverendi Georgii Lipay de Zombor, Episcopi Ecclesiae Agriensis perpetui Comitissae de Heves, Consiliarii nostri, & Aulae nostrae per Hungariam Cancellarii. In Civitate nostra Vienna Austriae. Die 26. Mensis Julii, Anno Domini 1629. Regnorum nostrorum Hungariae III., reliquorum XIV., Bohemiae vero anno XII.

Ferdinandus m. p.

Georgius Lippay m. p.  
Episcopus Agriensis.

Laurentius Ferenczffy m. p.

(L. S.)

*In dextro inferiori margine:*

Collationatum cum originali, Carlostad. Die 19. Maj, 1753.

(L. S.)

M. H.  
General Auditor Lieut.

**CXCVI.***Anno 1599. die 17. Maji Pragae.*

**Rudolphus Rex SS. et OO. Regni Croatiae et Slavoniae provocat, ut in sua diaeta Confiniis Slavonicis provideant.**

Rudolphus secundus, Dei Gratia electus Romanorum Imperator semper Augustus, ac Germaniae, Hungariae, Bohemiae &c. Rex &c. Magnifice fidelis nobis dilecte. Quantopere necessarium sit, ut Sclavonicis Confiniis rite provideatur, id tibi exâcte constare non ambigimus. Cum autem id sine Regni illius nostri communibus auxiliis et subsidiis fieri nequeat, omittere in presenti rerum statu et summa necessitate non potuimus, quin fidelibus Regnorum nostrorum Croatiae et Sclavonie Statibus et Ordinibus, qui forte nunc in peculiari suo Conventu de veteri more et consuetudine congregati erunt, dictorum Confiniorum miserum statum speciali nostro Decreto ob oculos statueremus, et ad eum in melius reformandum et redigendum ipsorum quoque necessaria auxilia benigne expeteremus. Quare Fidelitatem tuam clementer hortamur tibi que firmiter committimus et mandamus, ut dictis Statibus in primitus futura eorum Congregatione adiunctum Benignum Decretum nostrum non solum bonis et ad hoc congruis modis proponere, verum etiam apud eosdem auctoritate, prudentia ac dexteritate tua, qua potes, efficere velis, ut pro sua coniugumque et liberorum suorum salute et permansione, bonorumque suorum conservatione, dictis Confiniis modo meliore prospicere, et necessaria sua auxilia prompte ac benevole ad illa conferre, nostraeque benignae postulationi, uti obediens subditos decet, effective respondere et satisfacere velint. Executurus in hoc benignam voluntatem nostram; tibi que Gratia nostra bene propensi sumus. Datum in Arce nostra Regia Pragensi, decima septima die Mensis Maii, Anno Domini Millesimo Quingentesimo nonagesimo nono.

Rudolphus m. p.

Himmelreich m. p

**Tenor Indorsationis:**

Magnifico Joanni Draskowyth de Trakostyan, Regnorum nostrorum Dalmatiae, Croatiae et Sclavoniae Bano et Consiliario nostro &c. &c, Fideli nobis dilecto.

Ugramb von Grätz aus.

*(Sigillum Regium ab extus appressum.)*

Orig. carth. in Archivo Regni Croatiae. Priv. Nr. 136.

## CXC VII.

Anno 1618. 15—25. Maji. Posonii.

**Litterarum assecuratoriarum Ferdinandi II. Regis Regno  
Slavoniae seorsim data authentica paria.**

Nos Comes Sigismundus Forgach de Ghymes, Regni Hungariae Palatinus et Judex Cumanorum, nec non Comitatum Neogradiensis, Saarosiensis et de Zabolch Comes ac Sacratissimi Principis Domini Domini Mathiae, Dei Gratia electi Romanorum Imperatoris semper Augusti, ac Germaniae, Hungariae, Bohemiae Regis, Archiducis Austriae, Ducis Burgundiae &c. Intimus Consiliarius et per Hungariam Locumtenens. Memoriae commendamus tenore praesentium significantes, quibus expedit vniversis: Quod cum Sacratissima Caesarea Regiaque Maiestas Dominus noster Clementissimus vniversis fidelibus Statibus et Ordinibus Regni sui Hungariae pro tractandis et concludendis publicis Regni negotiis, tranquillum statum et securam permansionem concernentibus, Generalem Dietam ad hanc Civitatem Regiam ac liberam Posoniensem ad Dominicam Inuocauit proxime praeteritam promulgare clementer dignata fuisset, ac pro innata pia et paterna erga Regnum hoc affectione et sollicita cura primo et ante omnia de futuro Rege et successore eligendo cum eisdem fidelibus suis Statibus et Ordinibus Regni tractare et concludere statuisset, in eoque Status et Ordines benigne requisuisset: Ad quam Sacrae Caesareae Regiaeque Maiestatis benignam requisitionem iidem Status et Ordines matura consilii deliberatione praehabita post longos tractatus in Serenissimum Principem Ferdinandum secundum, Dei Gratia Regem Bohemiae, Archiducem Austriae, Ducem Burgundiae, Styriae, Carinthiae, Carnioliae et Wirtembergae, Marchionem Moraviae, Comitem Habsburgi et Tyrolis, Dominum itidem nostrum Clementissimum vnanimiter consensissent. Priusquam tamen Status et Ordines de vetusta lege et longa serie obseruata hactenus consuetudine eundem Dominum Regem Bohemiae in Dominum et Regem eorum liberis et communibus votis ellegissent, declarassent et pronunciassent, eidem Domino Regi Articulos subinsertos acceptandos, confirmandos, ac per eundem Dominum Regem suo tempore regiminis firmiter et inuiolabiliter obseruandos demissa porrexissent. Quorum humilibus postulatis eadem Maiestas Regia benigne admissis, dictos articulos, omniaque et singula in eis contenta acceptare, confirmare et litteris quoque suis superinde Assecuatoriis, Sigillo et manus propriae subscriptione roborare, et tandem eisdem Dominis vniversis Statibus et Ordinibus Regni extradare clementer dignata est. Quibus extradatis, et manibus nostris assignatis, postularunt iidem Status et Ordines, quatenus copiam seu paria earundem sub sigillo nostro authentico in Transumpto litterarum nostrarum eisdem extradaremus. Quarum quidem litterarum assecuatoriarum tenor talis est: Nos Ferdinandus, Dei Gratia Rex Bohemiae, Archidux Austriae, Dux Burgundiae, Styriae, Carinthiae, Carnioliae et Wirtembergae, Mar-

(Part I. Privil. et Libert.)

chio Moraviae, Comes Habsburgi et Tyrolis &c. agnoscimus et memoriae commendamus tenore praesentium significantes, quibus expedit vniversis: Quod cum Sacratissimo Principi ac Domino Domino Mathiae Dei Gratia Electo Romanorum Imperatori semper Augusto, ac Germaniae, Hungariae, Bohemiae &c. Regi, Domino Patrueli et Patri nostro observandissimo benigne visum fuisset, Inclito suo Hungariae Regno, partibusque eidem adnexis, pro pia atque paterna sua cura et sollicitudine de futuro Rege atque Successore tempestiue prospicere, eumque in finem ex singulari sua et paterna erga nos gratia et amore ejusdem Regni Status et Ordines benigne requisuisset, uti nos in futurum ipsorum Regem eligere acceptare, proclamare et coronare adeoque optime Majestatis Suae Cesareae Regiaeque intentioni, quae nonnisi in beneficium hujus Coronae redundare queat, sua quoque ex parte respondere vellent, iidem Status et Ordines sollicitum hunc, et iam ante pluribus occasionibus contestatum Majestatis Suae Cesareae Regiaeque affectum, uti fideles et Cives Patriae amantes decet, grato animo agnoscentes, ejusdem desiderio haud grauatim obsecundare, atque nos in Regem atque Dominum ipsorum iuxta antiquam consuetudinem et libertatem eorum semper obseruatam paribus votis et unanimi consensu rite eligere, proclamare, inuocatoque demum Numinis diuini auxilio feliciter etiam coronare promptos paratosque fore declarauerint, demisse rogantes, vti infrascriptos Articulos, omniaque et singula in eis contenta rata, grata et accepta habentes, nostrumque Regium consensum illis praebentes, clementer acceptare, auctoritate nostra Regia approbare et confirmare, atque tam nos ipsi suo tempore benigne obseruare, quam per alios, quorum interest, firmiter obseruari facere dignaremur. Quorum quidem Articulorum tenor sequitur, et est talis: Prima conditio. Quod vniversas et singulas Regni libertates, Immunitates, Priuilegia, Statuta, Jura et consuetudines simul et conclusiones Tractatus Viennensis, omnesque Articulos in eodem comprehensos, ita et reliquos ante et post Coronationem modernae Sacrae Cesareae Regiaeque Majestatis in Anno Millesimo sexcentesimo octauo, et Millesimo sexcentesimo Nono editos, in omnibus suis punctis, clausulis et Articulis Sua Majestas Regia firmiter et sancte obseruabit, per aliosque omnes inuiolabiliter obseruari faciet. Secunda conditio. Quod grauamina, si quae usque ad tempus suscipiendi Regiminis Majestatis Suae qualitercunque euenerint, ea statim in initio Regiminis Suae Majestatis in Diaeta primitus intra spatium sex mensium publicanda penitus tollet. Grauamina autem vniuersorum Statuum et Ordinum Regni, quaecunque successu temporis sub Regimine Suae Majestatis emergerint ea in singulis Diaetis, quas Sua Majestas Successiuis temporibus pro commodo et necessitate Regni quo saepius fieri poterit, ita ut terminum triennii non excedat, publicare et celebrare dignabitur, sub eadem Diaeta tollet et effectuat. Tertia conditio. Quod quando de rebus et negotiis Regni Hungariae aut Partium ei subiectarum agetur, ea per Hungaros tractare et consultare dignabitur, iuxta Articulos Anni Millesimi sexcentesimi octauī, nonum et decimum ante Coronationem editos; item Anni Millesimi quingentesimi quinquagesimi noni articulum octauum. Neque etiam supplicantes aut causantes Indigenas Regni intra ambitum ejusdem occurrentes ad Regimen et Jura externa rejicere, pertrahere et ablegare pacietur, iuxta extrema verba Articulorum decimi et decimi sexti ante Coronationem et Decreti Ferdinandi Anno Millesimo quingentesimo tricesimo sexto, articulo quadragesimo primo editi. Quarta conditio. Confiniorum vero Praefecturas, Capitaneatus et alia Officia tam in hoc, quam



aliis Regnis annexis, Majestas Sua, iuxta articulum vndecimam ante Coronationem Anne Millesimo sexcentesimo octavo editum conferet. Quinta conditio. Quod pro Justitiae administratione, sine qua Regna consistere non possunt, secundum laudabilem et Deo gratam in celebrandis Judiciis antiquam Regni consuetudinem Judicia octaualia pacis tempore, tam in superioribus, quam in inferioribus Regni Partibus, iuxta constitutionem Anni Millesimi sexcentesimi noni, articulum septuagesimum, continuo celebrari faciet, et iuxta eundem Articulum tam in Tabula Regia, quam Appellationibus, sine discretionem Religionis Judices fiant, neque Status et Ordines Regni mandatis extra terminos Judiciorum coram Judicibus Regni Ordinariis vel Deputatis Juri stare et ad productionem Priuilegiorum cogere executionesque legitimas nec per se impedit, nec per suos Officiales impediri patietur, similiter etiam illegitima Judicia et illegitimas Executiones fieri non admittet. Allegantur primo pro Judiciorum octaualium celebratione articulus septuagesimus Anni Millesimi sexcentesimi noni. Secundo, pro Juribus Nobilitaris praerogativae tripartiti primi titulus nonagesimus sextus; Item Ferdinandi Regis Anni Millesimi quingentesimi quadragesimi sexti articulus trigesimus; Item articulus vndecimus Pacificationis Viennensis. Tertio, ne mandatis Regiis Juris processus turbetur, Mathiae primi Millesimi quadingentesimi septuagesimi primi anni articulus duodecimus; Maximiliani Millesimi quingentesimi sexagesimi sexti articulus vigesimus quintus; Mathiae secundi Millesimi sexcentesimi decimi tertii articulus trigesimus quartus. Quarto, ne expediantur mandata illegitima, Ferdinandi Anni Millesimi quingentesimi sexagesimi tertii articulus octuagesimus; Mathiae secundi Millesimi sexcentesimi octauo articulus sextus. Sexta conditio. Quod religionis negotium inter vniversos Status et Ordines Regni in suis ac fisci bonis, item in confiniis quoque Regni Hungariae militibus Hungaris, propter Regni tranquillioris permansionem, iuxta constitutiones Viennenses et Articulos ante Coronationem editos maneat liberum, illaesum, et illibatum, ita videlicet, ut Religionis exercitium tam Baronibus, Magnatibus et Nobilibus, quam liberis etiam Ciuitatibus vniversisque Statibus et Ordinibus Regni in suis ac Fisci bonis, item in Confiniis Regni Hungariae, nec non oppidis ac villis, illud sponte ac libere acceptare volentibus, ubique liberum relinquatur, nec quisquam cujuscunque Status et conditionis existens in libero eiusdem usu ac exercitio Religionis a Majestate Sua Regia et aliis quibusuis Dominis Terrestribus quouis modo aut quouis sub praetextu turbetur et impediatur. Septima conditio. Quod in Palatini Electione, eiusdemque auctoritate, Jurisdictione et officio iuxta articulum Viennensis Pacificationis ad tertium, item ante Coronationem edito Anni Millesimi Sexcentesimi octauo art. vndecimo et Anni Millesimi Sexcentesimi decimi tertii articulo septimo, Ferdinandi Regis Anni Millesimi Quingentesimi quinquagesimi quinti articulo primo circa finem, ac secundum formam Juramenti eiusdem Palatini praescriptum modum Majestas Sua obseruatura est. De Banatu etiam, quae in eodem articulo vndecimo Anni Millesimi Sexcentesimi octauo continentur, similiter et de Walachis annorum Millesimi sexcentesimi quarti articulum decimum quartum, Anni Millesimi sexcentesimi octauo articulum nonum et Anni Millesimi sexcentesimi decimi tertii articulum Trigesimum nonum effectuat. Octaua conditio. Quandoquidem salus et permansio non modo afflicte hujus Patriae, tanquam clypei et antemuralis, sed aliorum quoque vicinorum Regnorum et Provinciarum, ex bona et segura Confiniorum prouisione dependeat: Majestas Sua iuxta articulum vige-

simum primum Anni Millesimi sexcentissimi octauī ante Coronationem et art. Trigesimum secundum Anni Millesimi Sexcentissimi noni, paterne Confiniis prouidere dignabitur. Nona conditio. Quod Ciuitates liberas et Montanas in suis Iuribus et libertatibus, priuilegiis, et immunitatibus conseruabit. Decima conditio. Quod Coronam Regni ex Regno Hungariae nulla ex causa vel arte Maiestas Sua Regia auferet aut auferri curabit, sed quod iuxta veterem consuetudinem ac libertatem ipsorum Regnicolarum per certas et de eorum medio vnanimiter ad hoc delectas et deputatas personas utriusque Religionis Seculares in Regno conseruabit, iuxta articulum quartum ante Coronationem et decimum sextum post Coronationem Anni Millesimi sexcentissimi octauī, et Wladislai Regis Decreto in conditionibus. Item eiusdem Wladislai Decretorum Anni Millesimi Quadringentesimi nonagesimi secundi articulum tertium. Vndecima conditio. Quod metas Regni Hungariae et partium ei subiectarum non abalienabit, imo differentias ratione metarum cum Polonis, Silesitis, Morauis et Austriacis, nec non Styris, Carinthis, Carniolis exortas ac vigentes omni studio ac ope Majestas Sua Regia componet, determinabit et recuperabit. Duodecima conditio. Quod confoederationes cum Regno Bohemiae et aliis vicinis Provinciis ac Transylvania, iuxta articulum Pacificationis Wiennensis et Constitutionum Anni Millesimi sexcentissimi noni art. quadragesimum secundum in suo vigore permaneant, Suaque Majestas eos obseruabit et per suos obseruari faciet. Decima tertia conditio. Quae de pace publica Regni conseruanda et bello non movendo extraneoque milite non iuducendo art. secundo ante Coronationem in Anno Millesimo sexcentesimo octauo sancita fuerunt, ea Sua Majestas Regia inuiolabiliter obseruabit, et per alios obseruari faciet. Decima quarta conditio. Vt intuitu sinceri erga Domum Austriacam Suamque Maiestatem Regiam amoris et beneuolentiae gentis Hungaricae hactenus luculenter satis declaratae, ac in futurum quoque declarandae, Arces Pernstein, Kobelsdorf, Gyns, Frakenstein, Aysenstadt et Hornstein cum suis pertinentijs iam tandem interpositione, auxilio et munificentia Suae Majestatis Regiae ab Austriacis gratis eliberentur et Regnicolis pro animi ipsorum gratitudine, qua Domum Austriacam, atque Regiam quoque Maiestatem Suam prosequuntur, remittantur, siquidem a tot retroactis temporibus amplas satis utilitates et emolumenta exinde perceperint. Si autem dictae Arces ab Austriacis gratis non remitterentur, extunc deposita Inscriptionis summa ab iisdem redimantur, et iuxta articulum septimum Anni Millesimi sexcentissimi octauī, item Anni Millesimi sexcentissimi noni art. sexagesimum secundum. Jurisdictioni, legibus et Oneribus praedictarum artium pertinentiae subiaceant. Decima quinta conditio. Quod castrum Lublyo cum suis pertinentiis et tredecim oppida Scepn-siensia, siquidem magno cum damno et incommodo Regni et Regnicolarum a Polonis possidentur: nam non solum aliquid in medium Regnicolarum contribuere nolunt, verum illatis Regnicolis diuersis iniuriis ac violentiis in Regno Hungariae Juri stare et in Comitatibus comparere recusant, omnes suos conatus manu violenta impune exercendo; vnde et Auctoritati Suae Majestatis plurimum derogare videtur; Majestas Sua Regia, facta interpositione apud Sacram Caesaream et Regiam Majestatem castrum illud cum pertinentiis et praedictis oppidis eliberare Regnoque applicare dignetur, cum non desint modi summam illam inscriptionis per Regnicolas deponendi. Decima sexta conditio. Quod Milites Hajdones priuilegia a Sua Majestate Caesarea et Regia habentes fruuntur illis, et tempore regiminis sui Majestas Sua Regia confirmare dignabitur. Decima septima conditio. Asse-

curabit quoque Majestas Sua, quod vivente Sacra Caesarea Regiaque Majestate Domino nostro Clementissimo in nullam administrationem Regni sese intromittet absque suae Caesareae Regiaeque Majestatis expressa ac specifica benigna voluntate Regnicolarumque assensu. Atque hae sunt conditiones, quas Majestas Sua Regia ante Electionem suam acceptare, sufficientibusque litteris suis assecratoriis sub verbo Regio confirmare, post Coronationem vero suam tempore suscepti regiminis generalibus articulis inseri et publicare dignabitur. Nos itaque praedicta universorum Statuum et Ordinum Inclyti Regni Hungariae et partium ei subiectarum supplicatione clementer admissa, pro benigna animi nostri propensione, ipsisque clementer gratificandi voluntate, praeinsertos universos articulos, ac omnia et singula in eis contenta, rata, grata et accepta habentes, eisdem Regium nostrum consensum benevolum pariter et assensum praebuimus et illos ac quaevis in eis contenta acceptauimus, approbauimus, ratificauimus et confirmauimus. Promittentes et assecrantes Status et Ordines in verbo nostro Regio, quod praemissa omnia tam nos ipsi Regiminis nostri tempore observabimus, quam per alios fideles subditos nostros cuuscunque Status et Conditionis existant, observari faciemus, uti vigore huius nostri Diplomatis acceptamus, approbamus, ratificamus, confirmamus atque promittimus. In cuius fidem et testimonium litteras has manu propria subscripsimus et Sigilli nostri impressione muniri iussimus. Datum in Civitate Posoniensi die decima quinta mensis May. Anno Millesimo sexcentesimo decimo octavo. Subscriptionis vero series haec est: Ferdinandus. Paulo inferius vero: VI. Leonardus Gerius. Nos itaque iuxta postulationem eorundem dominorum Statuum et Ordinum Regni praeinsertas litteras Sacrae Regiae Majestatis assecratorias praesentibus litteris nostris de verbo ad verbum sine diminutione et augmento aliquali inscribi et inseri facientes sub Sigillo nostro authentico extradandas duximus et concedendas. Datum Posonii die vigesima quinta Mensis May Anno Domini Millesimo sexcentesimo decimo octavo.

Comes Sigismundus Forgach de Gyemes m. p.

*(Locus Sigilli authentici Palatinalis.)*

Emericus Zholek m. p.

Originale in Archivo Regni Croatiae. Priv. N. 137.

## CXCVII.

*Anno 1618. 15. Calendas Julias. Posonii.*

**Diploma assecurationis a Ferdinando II. Rege Statibus et Ordinibus Regni Croatiae & Slavoniae seorsim datum.**

Nos Comes Sigismundus Forgach de Ghymes, Regni Hungariae Palatinus et Iudex Cumanorum nec non Comitatum Neogradiensis, Sarosiensis et de Zabolch Comes, ac Sacratissimi Principis et Domini Domini Mathiae, Dei Gratia Electi Romanorum Imperatoris semper Augusti. ac Germaniae, Hungariae, Bohemiae &c. Regis, Archiducis Austriae, Ducis Burgundiae &c., Intimus Consiliarius et per Hungariam Locumtenens. Memoriae commendamus tenore praesentium significantes, quibus expedit vniuersis et singulis. Quod Reuerendissimus Dominus Petrus Domitrouich, Episcopus Zagrabiensis, Beatae Mariae Virginis de Thopuzka et S. Georgii de Diaky Ecclesiarum Abbas, ac Sacrae Caesariae Maiestatis Consiliarius, exhibuit et praesentauit nobis Serenissimi Principis ac Domini Domini Ferdinandi, Hungariae Bohemiaeque Regis, Archiducis Austriae, Ducis Burgundiae, Styriae, Carinthiae, Carnioliae &c. Domini similiter nostri Clementissimi, litteras quasdam in papyro Regali patenter confectas sigilloque et manus subscriptione eiusdem Serenissimi Principis ac Regis communitas, petens nos debita cum Instantia, quatenus nos dictas Serenissimi Principis ac Regis Domini Domini nostri Clementissimi litteras transumi et aliis Litteris nostris similiter patentibus inseri et inscribi, insertasque et inscriptas eidem tradere dignaremur. Earum uero litterarum tenor talis est: Nos Ferdinandus Secundus, Dei Gratia Hungariae et Bohemiae Rex, Archidux Austriae, Dux Burgundiae, Styriae, Carinthiae, Carnioliae, Würtembergae, superioris et inferioris Silesiae, Marchio Moraviae, superioris et inferioris Lusatiae, Comes Tyrolis et Goritiae. Memoriae commendamus et notum facimus, quibus expedit vniuersis. Quod, cum nos Generali Congregationi Inclytorum Statuum et Ordinum Regni Hungariae et Partium ei annexarum, ex edicto Sacrae Caesariae Regiaeque Maiestatis Patruelis et Patris nostri obseruantissimi ad quartum diem proxime preteriti mensis Martii in Ciuitate Posoniensi vltimatim promulgatae, ex benigna eiusdem Caesariae Maiestatis voluntate praeessemus. Iidemque Status et Ordines praedicti Regni Hungariae ac Partium ei annexarum ex singulari et paterna Suae Caesariae Maiestatis erga nos beneuolentia et amore Nos in futurum ipsorum dominum et Regem vnanimi consensu rite elegissent, extunc iidem Status et Ordines Regni certa quaedam grauamina ipsorum praefatae Caesariae Regiaeque Maiestati ante felicem Coronationem nostram sub praesenti Diaeta iuxta Diploma eiusdem Caesariae Maiestatis praedictis Statibus datum effectiue tollenda humilime porrexissent. ex quibus quaedam Statuum et Ordinum Regnorum Croatiae et Sclauoniae grauamina, vtpote Conclusionibus Viennensibus et aliis Articulis Annorum subsequentium comprehensa, ad debitum effectum neque per praefatam Caesarream Maiestatem, neque

per nos deduci potuissent; ob hoc Nos eosdem Status et Ordines dictorum Regnorum Croatiae et Sclauoniae pro clementi nostra, qua semper in eosdem ducimur, propensione, in verbo nostro Regio assecuramus, nos sedulo curaturos ac elaboraturos, vt praemissi Articuli et Constitutiones effectuentur; qui si ante susceptionem Regiminis Nostri Regni Hungariae aliquo modo in effectum deducti non forent, Nos statim tempore apprehensionis regiminis dicti Regni Hungariae omnes modos et rationes inituros et adinuenturos, vt tam praetitulatae Vienneses Constitutiones et Articuli in effectum deducantur, quam vero de certo et indubitato stipendio et restauratione Confiniorum Banalium prouisum sit. Interea tamen in conferendis Capitaneatibus, Praefecturis aliisque officiis Confiniorum Croatiae et Sclauoniae aequalem Indigenarum eorundem Regnorum cum Prouincialibus nostris rationem habituros semper; atque supremis Praefectis et aliis Capitaneis benigne ac serio mandatueros, ne se in Jurisdictionem Dominorum Terrestrium et liberarum Ciuitatum intromittant. Denique Vallachos in terris Statuum et Ordinum praefatorum Regnorum Croatiae et Sclauoniae residentes, quos Sacra Caesarea Maiestas Jurisdictioni Dominorum Terrestrium per speciales Commissarios, sub hac Diaeta nominandos, applicare et subiicere benigne promisit, Nos etiam nec per Nos, nec per Generales aut Capitaneos Confiniorum impediemus, quin potius litteras ad eosdem Generales et Capitaneos statim expediemus, ut cum primum dicti Commissarii Suae Caesaraee Maiestatis et Regni ad Tractatum descenderint, omnem manum suam a Jurisdictione dictorum Valachorum eximant et determinationi eorundem Commissariorum sese accommodent. Super quibus praemissis omnibus dictos Status et Ordines Regnorum Croatiae et Sclauoniae vigore praesentis Diplomatis nostri, propria manu nostra subscripti et sigillo nostro muniti, assecuramus. Datum Posonii decima quinta Calendas Julias. Anno Christi MDCXVIII. Ferdinandus. Nos itaque petitione praelibati Domini Petri Domitrouich, Episcopi Zagrabiensis, vtpote iusta, beneuole admissa, praescriptas litteras antefati Serenissimi Principis ac Regis Domini nostri Clementissimi, non abrasas, non cancellatas, neque in aliqua sui parte suspectas, sed omni prorsus suspitione vitioque carentes, praesentibus nostris de verbo ad verbum sine diminutione et augmento aliquali insertas et inscriptas, sigilloque nostro et manus propriae subscriptione communitas, eidem Reuerendissimo Domino Episcopo Zagrabiensi dandas duximus et concedendas. Datum Posonii Sabatho proximo ante Festum Sancti Joannis Baptistae. Anno Domini Millesimo Sexcentesimo Decimo Octauo.

Comes Sigismundus Forgach de Gyms m. p.

Emericus Zkolek m. p.

(Locus Sigilli authentici Palatinalis.)

Orig. chart. in Arch. Reg. Crpat. Priv. N. 138 et transscriptum in Protocollo Regni Congr. 1601—1645, p. 270.

# EXCVIII.

*Anno 1620. die 12. Julii. Viennae.*

**Perdinandus II. Rex** ordinat, ut Valachi, in Croatia et Slavonia degentes, medio Commissionis juxta Articulos diaetae A. 1618 jurisdictioni dominorum terrestrium sub-  
jiciantur.

**Ferdinandus Secundus DEI gratia Electus Romanorum Imperator semper Augustus,**  
ac Germaniae, Hungariae, Bohemiae etc. Rex &c.

Reverende, Fidelis nobis dilecte. Optime tibi constare non ambigimus, qualiter praedefuncta Sacra Caesarea Regiaque Maiestas dominus patruus paterque et praedecessor noster collendissimus, felicissimae recordationis, in Generali Diaeta, in Anno Domini sexcentesimo decimo octavo supra Millesimum, Posonij celebrata, simul cum universis Statibus et Ordinibus Regni post varias et diversas Transactiones statuerit, ut Valachi, qui superioribus annis jugi Turcici Tyrannidem ferre pertaesi, relictis Sedibus proprijs tutioris permansionis causa ad nonnulla Regnorum nostrorum Croatiae et Sclavoniae loca partesque Christianitatis concesserant, inibique domicilijs et mansionibus positis etiamnum commorantur, tandem aliquando sublatis difficultatibus, dominis eorum terrestribus, quorum territoria inhabitant, plenariae eorundem Jurisdictioni restituerentur. Ex quo ista restitutio citra grande dominorum terrestrium et ipsorum Valachorum praeiudicium fieret, unanimi Regnicolarum voto constitutum esse reperitur, illam medio instituendae Commissionis, cui fidelitas tua Praeses futurus declarabatur, determinandam et bono modo finiendam esse, in Articulo eiusdem Diaetae Trigesimo secundo sancitum esse dignoscitur, relicta Tibi uigore eiusdem Articuli tali potestate; ut non obstante unius vel alterius designatorum Commissariorum absentia, in locum absentium potestatem substituendi haberes. Quam quidem declaratam Commissionem, dum hucusque ob incidentes interea causas neutiquam peragi potuisse intelligamus, hinc Nos, pro commoditate fidelium Regnicolarum Nostrorum, eam tanquam postliminio reassumendam et effectui mancipandam, bonoque modo finiendam decrevimus. Quocirca fidelitatem Tuam clementer hortamur, tibi harum serie firmiter committimus et mandamus, quatenus acceptis praesentibus, sepositis priuatis Tuis negotijs, mox et de facto de termino et loco peragendae Commissionis, Collegas Tuos in citato Articulo specificatos, fideles nempe nostros Magnificos Franciscum de Bathian, Comitem Comitatus Soproniensis, Agazonum nostrorum Regalium Magistrum, item Moysen Cziraky, nec non Egregium Benedictum Pakay, Personalis Nostrae praesentiae Regiae in Judicijs Locumtenentem, Consiliarios Nostros; qui si commode praescriptae Commissioni interesse non poterunt, extunc in locum eorundem fideles

Nostros Magnificos Christophorum Banffy, Praesidij nostri Nemptij Capitaneum ac Consiliarium nostrum Nicolaum Draskouich de Trakostyan, Cubicularium Nostrum, et Petrum Rattkay de Nagy Thabor, et Egregium Stephanum Pathatich, praefati Regni nostri Sclavoniae Prothonotarium et Tabulae nostrae Regiae Assessorem, adsciscere; sed et Antesignanos praefatorum Vallachorum certificare, teque in Sclavoniam conferre, ibidemque, si praefati Commissarij nostri comparuerint, cum eisdem, sin minus, uigore Articuli, loco absentium alios, nulla tamen prorsus ratione interessatos, substituere sicque rebus recte dispositis, ordinatisque et conclusis, praefatos universos Vallachos iurisdictioni dominorum terrestrium, quorum fundos incolunt, restituere, limitatisque Terragio, redditibus et censibus per eosdem Vallachos imposterum ratione fundi quem incolunt solvendis et praestandis, donec commodiora alluxerint tempora, quibus eisdem Regnicolis utilior dubio procul occurreret occasio, tradere, assignare, perpetuo tenendos, possidendos pariter et habendos, sine ulla cuiuspiam difficultate, molestia, dilatione, subterfugio quovis, penes sanctum Articulum, totam rem componere, sicque demum pro futura cautella amborum partium eiusmodi deliberatione, ordinationeque et determinatione, litteras Vestras sub sigillis Vestris, partibus ipsis, modis omnibus extradare debeatis et teneamini. Quibus peractis defectus etiam circa officium dignitatis Banalis hactenus quoquo modo introductos, realiter cognoscere, ut super eo etiam puncto Nos publicis Constitutionibus et Diplomatis accomodare possimus, nobis fideliter rescribere debeatis. Praeterea certae quaedam terrae a Possessione Jellekoucz dicta et ad fidelem nostrum Spectabilem ac Magnificum Comitem Thomam Erdeödy de Moniorokerek, Montis Claudij et Comitatus Varasdiensis Comitem perpetuum etc. pertinentes, avulsae et ad Praesidium Caproncza occupatae esse dicuntur. Hanc quoque Controuersiam uno contextu per Vos reuideri, complanari, compertaque rei veritate, restitui uolumus et mandamus. Nec secus feceritis. Datum in Ciuitate Nostra Vienna, die duodecima Mensis Julij. Anno MDCXX.

Ferdinandus m. p.

Valentinus Leepes

Electus Archiepiscopus Colocensis.

Laurentius Ferenczffy m. p.

Ex Prothocello Regni Congregationum 1601—1635 p. 272.

CC.

*Anno 1622.*

**Diploma assecurationis a Ferdinando II. Rege SS. et OO.  
Regni Croatiae et Slavoniae ante coronationem datum.**

Nos Ferdinandus, Archidux Austriae &c. Memoriae commendamus. Quod cum nos in generali Congregatione Inclytorum Statuum et Ordinum Regni Hungariae et partium ei adnexarum, ex Edicto Sacratissimae Caesareae Regietatis Domini et Progenitoris nostri charissimi in Civitate Soproniensi indicta et celebrata, ex singulari et paterna Suae Caesareae Maiestatis erga Nos annuentia per eosdem Status & Ordines in futurum ipsorum dominum et Regem unanimi consensu rite electi fuisset. Extunc per eosdem Status et Ordines supplicatum nobis exstitit in eo, quod cum dictus dominus et genitor noster carissimus speciale Diploma suum regium Statibus ac Ordinibus Regnorum Croatiae et Slavoniae super certis introscriptis grauaminibus ipsorum complanandis et effectuantis Pesonij in Anno Domini 1618 clementer dedisset, ut si forte introscripta grauamina idem Dominus genitor noster carissimus tempore sui felicitis Regiminis in aliqua sui Parte ad effectum deducere non posset, Nos statim tempore apprehensionis felicitis Regiminis dicti Regni Hungariae omnes modos et rationes inituros, ut introscripta grauamina (in quantum non forent effectuantia) complanare et effectuare digaremur. Unde nos praemissae petitioni praedictorum Statuum et Ordinum benigne annuentes, eosque in verbo Nostro assecuramus, ea omnia Nos complanatuos et effectuatuos, si quae sub felici Regimine Domini et progenitoris Nostri indulgentissimi complananda et effectuanda remanerent. Super quibus praemissis Eisdem Statibus et Ordinibus praesentes manu nostra subscriptas et sigilli nostri inpressione munitas elargiti sumus. Datum . . . 1622.

Orig. in c. r. secr. aul. Archivu Viennae.



## CCL.

Anno 1622. — 1692. Viennae.

Privilegia Ogulinensium.

Nos Leopoldus, Dei Gratia Electus Imperator. Memoriae comendamus tenore praesentium significantes quibus expedit universis: quod Fideles Nostri Egregii Simon Puskarich, certae pedestris militiae Vaivoda, et Nicolaus Domitrovich, Incolae ac Inhabitatores praesidii Nostri Ogulinensis, alias in Episcopatu Modrusiensi, ac sub Jurisdictione antelatorum Dalmatiae, Croatiae et Sclavoniae Regnorum Nostrorum existentis et habiti, nomine et in parte caeterorum pariter eiusdem praesidii Judicis, Vaivodarum Incolarumque, ac ipsius etiam communitalis Confiniorum Militum ibidem degentium, exhibuerint et praesentaverint Nobis certas et quidem in ordine ternas privilegiales litteras Germanico Idiomate confectas. Primas quippe Sacratissimi olim principis ac Domini Ferdinandi Secundi, Imperatoris et Regis Avique et praedecessoris Nostri Gloriosissimae Reminiscendae desideratissimi, confirmationales in anno Domini 1623 die prima mensis Decembris in hac Civitate Nostra Vienaensi, et super certa a solitis Datis laboribusque et Robotis quibuscunque exemptione et imunitatione, sub sigillo eiusdem Imperatoris et Regis secreto patenter confectas. Alias demum binas Caesareo-Regio-que Nostro Nomine per expeditionem Consilii Nostri Bellici Graecensis: priores equidem die tertia mensis Februarii 1668, in facto Metaliu dicti praesidii Ogulinensis terminorum, Territoriorumque distinctionum ac definitionum prout et nonnullarum eatenus antehac obortarum et emergentium, demum vero comissionaliter sopitarum decisarumque et determinatarum differentiarum; posteriores autem sive tertias die vigesima quarta mensis Septembris pariter in anno praescripto 1668 in forma patenti emanatas, certaque novem puncta, et primum quidem super eo, ut nobilitaris dictorum Ogulinensium praerogativae debitas haberi debeat respectus; secundum, ut iidem a decimis et quibuslibet laboribus ac servitutibus respectu propriorum dumtaxat fundorum exempti habeantur ac imunitati; tertium, ne superioribus sive officialibus eorundem in propria ac peculiaria inferiorum munia involare et quoquo pacto sese ingerere licitum sit et integrum; quartum, ut ipsi Incolae Ogulinenses super fundis propriis libere quidem inter ipsosmet disponere valeant, id tamen ad extraneos neutiquam extendi possit; quintum, ne officiales seu Capitanei loci ipsos in iam fatis eorundem fundis quoquo modo turbare aut impedire praesumant; sextum, quod si lites, seu differentias quapiam ratione modo dictorum fundorum praefati Ogulinenses inter se ipsos emergenter haberent, extunc earundem complanatio medio certorum quatuor virorum e gremio sui deputandorum instituat et pro ratificatione ad Generalem seu Comendantem Loci diferatur atque deducatur; septimum, ne in limitibus sive territorii ipsorum sese ad et trans flumen Vituina dictum extendentibus quapiam

turbentur aut impediantur; octavum, ut super electione Judicis et aliorum incidentium mulctarumque quovismodo emergendarum divisione ac distributione Jurisdictionem suam libere exercere eaque uti possint et valeant; nonum demum ac ultimum, ut ipsis loci Vajvodis victualia et res mercionales in praesidium introducendas oculare, perlustrare ac revidere, et consequenter moderatam quampiam taxam sive pensionem, absque gravamine nihilominus similia introducentium, abinde desumere et pro se applicare liceat, — In se continentes tenoris infrascripti. Supplicatum itaque extitit Majestati Nostrae Nominibus et in personis suprafatorum Vajvodae, caeterorumque incolarum et inhabitatorum, ac ipsius etiam comunitatis praementionati praesidii Ogulinensis, debita cum instantia humillime, et devote quatenus Nos praeattactas ternas litteras privilegiales super praedictis ratis imunitatibus modo praevio confectas et emanatas, omniaque et singula in iisdem contenta, ratas, gratas et acceptas habentes, litterisque nostris de verbo ad verbum inseri et inscribi facientes approbare, roborare, ratificare et confirmare Nostrumque Regium Consensum benevolum pariter et assensum de super praebere dignaremur. Quarum quidem litterarum tenor sequitur, modo et ordine insertis :

Wir Ferdinand der Ander von Gottes Gnaden ꝛc. bekennen öffentlich mit diesen Brieff vund thuen Rhundt Jedermeniglich, daß für vunsß Rhomb N. die ganze Gemain zu Ogulin, auf den Rhönigl. Eroath. gränzen, vund bei vunsß vordrath angebracht, vund gebotten, weillen sie der Wohlgeborne vunsfer Rath, Kämerner, Besteller Oberister auch ober-Haubtman zu Zeng vund Lieber gethreier Wolf Christoph von Frangepan Graff zu Tersatt, alsß Ihr Grundtherr des Bodtens zur Ergözlighkeit Ihrer Erzaigten threyer Manheit vund Tapferigkheit wider des Christlichen Nambens Erbfeindt den Türckh von aller Ihrer ihme vor dissen schuldig gewess. Kobath, auf Ewig frey vund ledig gesprochen, Lauth Ihres desßhalber angehendigten dariber Briefflichen Brthundt, so von Worth zu Worth also Lautet: Ich Wolf Christoph von Frangepan, Graff zu Tersatt, Röm. kais. May. Obrist-Leithenant, vund Hauptmann zu Ogulin, zu Zeng, vund der Wallachen. Bekhene hiemit vund thue Rhundt meniglich, nachdeme ich zu mehrmalig von meine untergebene Soldath zu Ogulin grosse Mannheit vund Redlichkeit gegen den Erbfeindt Christlichen Nambens geffürth, soliches auch zum öfteren mahlen in meiner gegenwarth als Ehrliche vnd wakhere Soldat praestiret. Dahero ich sie in Ansehung dessen, zu einer Genad vnd Ergözlighkeit, Ihrer bis auf dato schuldigen Kobath frey vnd ledig gesprochen, vnd in krafft dits mit meiner handschrüft vund Petschaft verfertiget. Datiret Ogulin den dritten Marzi im Tausent Sechshundert zway vund zwanzigsten Jahr. Daß wüer solche Ihnen ertheilt frey von Oberigkheits wegen genebigst zu confirmiren vnd zu bestatten geruheten. Wann wüer dann auf solchen genugsamb hieriber eingenombenen Verücht sovill Befundt, daß durch gedachte Befreyung niemant nichts praejudiciret, sondern allein denen Supplicanten alsß Anderen zu gleichmessigen Redlichen Mänlichen verhalten, Bemöglische Brsach vnd Anlaß gegeben wirdt, alsß haben Wir in angedeyter gemain zu Ogulin gehorsambiste Bitte mit genaden Bewilliget, vnd Ihnen angedeyte erlangte Freyheit genebiglich confirmiret vnd bestätigt; thuen daß auch hiemit wissentlich, vnd in krafft disses offenen Brieffes also vnd dergestalt, daß selbe gemain zu Ogulin dissier erlangten, deren von Vunsß genebiglich confirmireten freyheiten, noch hinfüro zu Ewigen Zeiten von Aller Kobath, so sie ihme Graff Wolf von Frangepan vnd seine Erben vnd nach-Rhomben zu thuen schuldig gewessen, allerdings frey vnd ledig sein vnd verbleiben; doch soliches

allein auf oft gedachte Grafen Wolf Christoph von Frangepan grundt; so dem schloß Ogulin recht incorporiret, verstandt werden, vnd sie danebst derojenige Kobath, So sie als Soldathen vns und vnssern nachthombenden als kriegsherrn von Altershero zu rüchten schuldig gewest, auch noch hinfüro zu Laisten verbundten sein sollen. Gebietten darauf allen vnsseren nachgesetzten Oberigkheiten, vnd Anderen Vnseren Vnderthanen vnd Gethreyn, Was würden Stammdt vnd wessens die seint insonderheit aber vnseren Jezigen vnd künftigen Oberisten auf der Chroath. Gränzen, vnd haubtleithen zu Ogulin hiemit gnedigst gemessen vnd ernstlich: daß sie gemelte gemain zu Ogulin bei dieser Ihnen von dem Grafen Wolfen von Frangepan ertheilten, vnd von vns gnedigst confirmireten Befreyung der Kobath hinfüro zu Ewigen Zeiten in vnseren vnd vnserer nachthomben Rammnen festiglich schützen vnd handthaben, darbei Ruchig Bleiben lassen, darwieder nichts thuen, noch daß Jemandts Andern zu thuen gestatten in Rheine weiß, als Lieb einen Jeden sey Vnser vnd Vnsserer nachthomben schwebgenadt vnd Straff zu meiden. Geben in Vnsserer Statt Wien den ersten Montag Decembris im Sechzehnhundert drei vnd zwanzigsten, Vnserer Reiche des Röm. im Fünfften, des Hungarisch. im Sechsten, vnd des Böheimisch. im Siebendten Jahr. Ferdinandt. *Secundarum item continetia talis est.* Wir Leopoldt 10. 10. Vethennen offentlich mit dießen Brif, vund thuen Rhundt meniglich, welcher gestalten die Mannhafte vnserer gethreye Liebe Wolf vund Juan Puscheritsch, gebrüeder, dan Nicola Turhouith, vnd Johann Mesnith, vnsseres Granizhauses Boywodten zu Ogulin; Im Rammnen vnd von wegen der ganzen Gemain alda für vns Rhomben vnd vnderthänigst gebeten, Wir geruheten, nicht allein derselben gemain Lehengütter, welche von Vnsseren in Gott nuhn mehr Ruhendten gloriwürdigsten vor-Etern Ihnen hierbevor umbewillen deren in vill weeg wider dem Erbfeindt Christlichen Rammnens dem Türken erzaygten threyer Mannheit vund tapferigkeit, gnedigst eingeräumt vnd verliehen: sondern auch was neulich ist von Vnssern Chroath. gränz Oberisten Hörbarthen Grafen von Auerperg, vermittels gewissen darzue verordneten Commissionen von Neuen außgezaigt worden, gnedigst zu bestätigen vnd zu confirmiren. Wann Wir dann außgenuegsamb hierüber eingenommenen Bericht souill Befundten, daß durch gemelte Confirmation so wenig vnser Gränz gerechtigkeit, als auch Jemandts Andern etwann praeiudiciret, sondern allein denen Supplicanten zu Ihrer vnd dero posteritet mehreren Versicherung dienet, zu vorderist aber Andern zu gleichmäßig Redlichen vund tapfern verhalten Bewegliche Vrsach gegeben wirdt, als haben Wir in angedenth der gemain zu Ogulin gehorsambste Bitt gewilliget, vnd wollen krafft dieses offenen Patents ihnen Ihre nach specificirte Gründt vundt Bödten mit Rain vund stain Allerdinge wie dieselbe ihnen von denen darzue verordnet gewesen Comissarien außgezaigt worden, gnedigst bestätigt vund confirmiret haben. Erstens von dem Pächel genandt Golyak von der seithen Goymersko auf daß thall Radichu anrainet, Biß zu der gränzstrassen, Bei einem Buchbaumb, so ein Weiße Buchem ist, vnd von denen Comissarien außgethailt, von danen über die Lumbarde, so an den Berg Klek anrainet, von Klek durch den Waldt Szopal von Sophia Kapella auf Zadimliaka biß zum Brunnquell so genandt würdt bresicha migan, von danen auf dem Berg Golchrib, auf welich thranoböthstauden waren, biß zu den weeg, welcher gehet von Maderusch auf die Zwerchstrassen so genandt würdt Galsenik, von aufgang der Sonnen herunderwerthß durch das Pächel Muniaua, von Muniaua aber biß zu der strassen, so über gradina halten thuet, auf die Andere Muniaua, widerumb durch Muniaua auf daß Feldt graboruu biß zu dem weeg auf dem grabronoga ob der gemain Kleinak,

des gerathen Weegs auf Vernika biß zu der Überfuhr vund den Brunn, allwo die Rendolisische Behausung stehet, von danen auf daß Wasser Vernihkom biß auf die Überfuhr, hinaufwärts Auf Chertake, von Chertak auf die strasse des groffen Bachs Vrillo, vund von dorthen durch Ein Thall, darin drei kleine Bächelein stehen, von der Coteniska gemain nach dem Weeg goymercza biß auf die panorcza, von panorcza sambt dem Thall auf dem Weeg zelelernis viomu, vnd von der strassen biß zu des Verdary hauß, auf die alte Überfuhr zurückwärts muniaui, vnd wider durch die Muniauum biß auf die Zilikische gemain in dem Berg Maya vund Voliuna durch ein Felßt bis auf einen Fichten-Baum, bis auf die Furch von denen Comissarien aufgezeichnet, vnd dorthen so dann mit der Furch an das Wasser genant meresnica, wo die Rayner vund Confinen sich berühren. Gebütten darauf allen vund Jeden Unsern nachgesetzten Obrighkeiten vund Andern Unseren Untertthanen vnd getreuen, was standts würden oder wessens die sein, Insonderheit aber Unseren Jezigen vund künftigen Oberisten auf der Chroat. Gränizen vund auch den Hauptleithen zu Ogulin, Bey solch Ihnen ertheilt vund von Uns confirmiret gründt vund Böldten in vnsser vund vnsserer Nachthombenen Namen, vessgleich schützen, darbei handthaben, vund Ruehiglich Bleiben lassen, darwider nichts thuen noch nimandts Andern zu thuen gestatten in Rheine weiß, als Lieb einen ieden sey vnsser vund vnsserer nachthombenen schwere Bgnad vund straff zu meiden. Geben in vnsserer Fürstl. Hauptstatt Grätz den dritten Febr Im Sechzehnhundert Acht vund Sechzigsten Jahr, Unserer Reiche des Röm. Im Zehndten, des Hungär. im dreißendht., vnd des Böhaimb. im zwölften Jahre. Ex Consillio Sacrae Caesareae Majestatis Bellico (L. S.) Johann Christian Gäller Freiherr, Johann Ferdinandt Nouak. Tertiarum denique series sic sese habet. Wüer Leopoldt 1c. 1c. Endtbiethen allen vund iedem was standts, amts oder wessens die seint, zuvorderist aber allen hohen vund niederen officieren vund Bedienten auf vnsseren gränizen, vund sonst den Jedermeniglich, dem dieser Unser offner Brieff fürthomben wierth, vnsser Kayf. vund Königl. Genadt, vund alles guets, vund geben genebigt zu ernemmen welcher gestalten für vnß Supplicanten gehorsambst erschienen ist die ganze gemain zu Ogulin, Endtenthänigst Bittend, wür geruheten genebigt Ihro Ihrer von Alters hero possessedirt, vund so wohl von Unseren Jezigen General-Oberisten der Chroat. vund Mergränizen, dem hoch vund Wohlgebohrnen, Unsern gehaimben Rath, General Beltwachtmeistern, auch Lieben getreuen Hörbarth grafen von Auersperg vund Gottsche 1c. Als auch Unseren J. D. Hof Kriegs-Rath, über vorhero gethanene vund gegangene gethrehliche erkandnuß zur geaignete Lehen, grunt vund Böldten, do nouo widerumben zu confirmiren; vund so wüer nun hieby genebigt angesehen die villfältige Threy vund erspriekliche Dienste, welche Uns gemelte Oguliner Insgefambt vnd besonders vor vndencklichen Jahren hero mit Darförgung Guett vnd Bluetts wider dem Erbfeindt Christlichen Namen dem Tärken, Bei jeder sich erzaigten Gelegenheit geleistet haben, vnd noch leisten. Als haben Wüer in dessen Ansehung, zumalen aber über in sachen eingenombenen umbständigen Verücht gemelter gründt vnd Böldten halber, vnd daß selbe vor alters hero naher Ogulin in mediate gehörig gewesen, ihnen in so thanes gehorsambtes petitum zu willigen Rheine Bedenken Zutragen, danenhero auch denselben nicht allein mehr gemelte gräniz, Lehen gründt, sondern auch alle Bißhero darüber erworben vnd erhaltenen Freiheit vnd Privilegien hirmit wißentlich genebigt bestätigen vnd confirmiren: vnd zwar erstens, daß man die vier Boymodten, als Wolfen vund Johann Puschorich gebrüeder, dan den Nicola Turkhouth vnd Johann Refiz, als alt herthombene adeliche Leithe, Ehren dar-

für hatten und respectiren solle. Underbenß sei samdt der ganzen Ogulinischen Gemein mit Rheinem Zehent oder ungewöhnlicher Dienstbarkeit ihre ihrer possedirenten grünt halber welche und ihre vor Eltern aus Einer Wüsten gräniz öbten aufgereutet und erbanet, Belegen oder beschwert. Drittens solle denen Hauptleithen alda zu Ogulin nicht zuegelassen noch verstattet sein, daß sie sich in gemelter gemein gründt und öbten ein Wischen, angesehen selbe als hauptleith alda ohne dessen mit gemessenen Gründt und Althern, Wäldern auch Fischwassern zu Ihren gebührlichen Unterhalt versehen seint. Viertens solle Ihnen hiermit zu gelassen und vorerwähnt sein, mit gemelten Ihren Gründten wie Eß Ihnen Belieben mechte und zu gehen solle, Jedoch unter ihnen allein und Rheinen Fremdden zu verkaufen, zu versein, zu verschaffen, und daß es woll der Mann als Weibstamb imperturbierter zu genießen haben möge. Fünftens sollen die Hauptleith nicht besuegt sein, der gründt und Boden halber einigen unter Ihnen Bestrafen zu Rhönen. Wann aber Sechstens, der gründt halber Streutigkeiten erzaigen möchten, sodann der ganzen gemein vier taugliche Männer erküßt werden sollen, welche über soliche Streitfachen Rhönen mögen, gleich vill die Ratifikation von gemelt vnseren general-Oberisten Beschehen solle. Sündenden sollen obbedeute vier Boywobten Bei dem von Buß neulich durch ein Sonders patent genebigst zuerthent und verliehenes wasser Vituina, so weit soliches mit Ihren territorio erstreckt, gleich als Ihr eigenthumb, von Jedermeniglich vnangefochten gelassen werden. Ahtens verwilligen wir hiermit genebigst, daß obbemelte vier Boywobten, nach Ihren absterben aber andern Und also forth an mit einem darzue gegebenen und von dem hauptmann vorgeschlagenen Richter, souill Obuerstandtener gründt halber sich Streitigkeiten Erheben, rechtmessig vrthl, wie sie soliche verandtworth werden Rhönen, spröchen mögen, und was etwann straffen erthent würdet, daß soll auf Fünftail gethailt: der Erste auf die Büstung Ogulin applicieret, der Andere dem haupt. alda, der dritte Ihro der Ogulin. Comunitet, welche Zuerlangung dieser privilegien die vncofsen hergeb.; der vierte denen gemelten vier Boywobten, als Richtern, oder auch Ihren Successorn, welche nach vns sein werden, und dan der fünfte Thail der Rhürchen alda zuegetheilt und wirklich vns folgt werden. Wann aber mehr angebedeute vier Richter oder Boywobten in einer oder andern sache in gewisse Entscheidung vorzulehren ihnen etwann nicht gethrauen mochten, so dann solle dieselbe sache oder Abhandlung in mediate vor daß Regiments gerücht zu Carlstadt gezogen, und daselbst nach Billich dingen entschaiden werden. Neuntens würdet Ihnen Boywobten zuegelassen, im Fahl Jemandt zu der Büstung Ogulin von Wein, getraydt oder Anderen Victualien etwas Bringh und soliches alda verkhauffn wollen, sollen sie dasselbe ordentlich durchsehen, nach Billigkeit schätzen, und die davon gebührliche Regalis für sich behalten mögen, aber dabey wider die Gebühr niemandten Beschweren oder Betrangen sollen. Woriber an obgemelt alle und iede was standts amts oder Wessens die seint auch sonst Jedermeniglich so Vnserrer Potmessigkeit unterworfen, vnser genebigsten und gemessener Befelich hiermit ist, daß sie mehr Angebedeute Comunitet zu Ogulin Bei allen denen igt nach am ander berührten punctens und Ihnen erthailten Freiheit durchgehents nichts außgenommen, unperturbiret, vnangefochten, und allerdings ruhieg verbleiben lassen, darwider auch nichts handeln, weder vornemen sollen, Bei Vermeidung Vnserrer Raif. Engenade. Geben in Vnserrer hauptstadt Grätz den Vier vund zwanzigsten Tag Septembris im Sechzehnhundert acht vnd Sechzigsten Jahr, Vnserrer Reichs des Röm. im Aylften, des hungarisch im Bierzehendt. vnd des Böhaimb. im dreizehndten Jahre. Ex Consilio Sacrae Caesaris Majestatis Bellico. (L. S.) Wolf Max von und

zu Eubeswald, Freyherr Johann Ferdinandt von Rouath. Nos itaque humillima huiusmodi supplicatione ac simul etiam demissa Fidelium nostrorum Reuerendi Sebastiani Glavinich, Segniensis et Modrusiensis Ecclesiarum canonice unitarum Episcopi, et Egregii Georgii Nagy, bonorum nostrorum Fiscalium administratoris, pro parte supra factorum Incolarum et Inhabitatorum totiusque Comunitatis supra dicti presidii Ogulinensis intercessionem eatenus nostrae facta modoque quo supra porecta Maiestati Regiae benigniter exaudita clementer et admissa, praenuncupatas ternas privilegiales litteras non abrasas, non cancellatas, nec in aliqua sui parte suspectas, sed omni prorsus vitio ac suspitione carentes, praesentibus litteris Nostris de verbo ad verbum sine diminutione et augmento aliquali insertas et inscriptas, quoad omnes earundem continentias, puncta, clausulas et articulos, eatenus quatenus eadem rite et legitime existunt emanata iuribusque eorundem veritas suffragatur, ratos gratos et accepta habentes, benigne approbavimus, roboravimus, ratificavimus et pro saepe fatis Incolis et praesidiariis Ogulinensibus, ipsorumque posteris et successoribus (quos omnino tam in praedicta nobilitari praerogativa, quam et aliis Juribus, prerogativis, exemptionibus et Immunitatibus in annotatis litteris privilegialibus uberius denotatis, expressis, saluos, indemnes, ac imperturbatos esse volumus ac decrevimus) perpetuo valituros, gratiose confirmavimus, omnibusque et singulis inibi contentis nostrum Regium Consensum praebuimus, Imo approbamns, roboramus, ratificamus, confirmamus, Consensumque Nostrum regium benevolum pariter praebemus et assensum — salvis iuribus alienis, praesertim vero fisci nostri Regii, harum nostrarum secreto sigillo nostro, quo ut Rex Hungariae utimur, impendenti comunitarum, vigore et testimonio litterarum mediante. Datum per manus fidelis nostri dilecti Reuerendi Blasii Jaklin, Episcopi Nitriensis et Comitatus eiusdem Supremi ac perpetui Comitatus, Consilarii et Hungarici Aulici Cancellarii nostri. In Civitate nostra Vienna Austriae die octava mensis Augusti 1692., regnorum nostrorum Romani trigesimo quinto, Hungariae et reliquorum trigessimio octavo, Bohemiae vero anno trigesimo sexto.

Leopoldus m. p.

Blasius Jaklin.  
Episcopus Nitriensis.

Stephanus Tenturits.

Ex transcripto meae Collectionis Diplomatum.

## CCII.

1626. die 6. Aprilis Viennae.

**Ferdinandus II. Rex aliquorum negotiorum Regni Slavoniae causa commissionem mittit, cui regnicolas parere jubet.**

**Ferdinandus Secundus, Dei gratia electus Romanorum Imperator semper Augustus, ac Germaniae, Hungariae, Bohemiae &c. Rex.**

Reverendi, Honorabiles, Spectabiles, Magnifici, Egregij et Nobiles, Fideles nobis dilecti. Quae Majestati Nostrae tam in literis ad nos datis demisse perscripsistis, quam etiam per Honorabilem Benedictum Vinkovich, Praepositum Majorem et Canonicum Ecclesiae Zagrabienensis nunciastis, in negotio Commissionis Sclavoniae suscipiendae et prosequendae, ex relatione ejusdem clementer intelleximus. Ad constituendum itaque pacatum statum in partibus istis, ac ut ordinationibus nostris, ea in parte iteratis vicibus factis et pro executione commissionibus datis votoque Regnicolarum satisfaceret, pro nunc quoque delegatis Commissarijs nostris prosecutionem Commissionis injunximus. Non dubitamus, quin superinde ab ipso Commissionis Praeside, fideli nostro nobis dilecto Reverendo Nicolao Dalos, Episcopo Jauriense locique ejusdem Comite perpetuo ac Consiliario nostro, de tempore nimirum et loco ac alijs requisitis, quatenus partes interessatae sese accomodare possint, intimationem accepturi estis. Non dubitamus etiam fidelitates Vestras in hoc negotio Commissionis eo pacto exhibituras esse, ut de obsequiosa accommodatione Vestra, mandatis et ordinationibus nostris declarata, benigne contenti redamur et publico Regni bono et permansioni communi consultum esse queat. Quibus etiam in reliquo gratia et clementia nostra Caesarea et Regia benigne propensi manemus. Datum in Civitate nostra Vienna die sexta Mensis Aprilis. Anno MDCXXVI.

Ferdinandus.

Stephan Sennyey,  
Electus Episcopus Vacziensis.

Ex Protocollo Regni Congregationis A. 1626.

## CCIII.

*Anno 1626. die 24. Maji. Viennae.*

**Ferdinandus II. Rex SS. et OO. de commissione praesidii Petrinensis causa exmissa edocet unaque eosdem ad co-  
operandum provocat.**

**Ferdinandus Secundus, Dei gratia electus Romanorum Imperator semper Augustus, ac Germaniae, Hungariae, Bohemiae etc. Rex.**

Reverende, Honorabiles, Spectabiles, Magnifici, Egregij et Nobiles, fideles nobis dilecti. Inter reliqua adminicula et media, quibus Status publicus et Regnorum ac Provinciarum Jura ditionesque sarta ac tecta conservantur, et Tranquillitas securitasque paratur, non postremum locum habere de Confinijs peculiaris cura haud dubie reputari debet, potissimum vero ijs in locis, ubi et hostis circumiacet, isque eius sit naturae et instituti, quae experientia ipsa de ipsis conducet, ut merito de securitate exigua assecuratio promitti possit. Hinc est, quod in bonum Regni istius nostri Sclauoniae et ditionum adiacentium defensionem et conservationem nos quoque animum intendentes, in hac etiam parte quantum uspiam temporis moderni conditio ferret, operam et subsidium impendi faceremus. Ordinavimus proinde inter caeteras confinium necessitates, per certos Commissarios nostros perlustrandas, ut etiam de restauratione et fortificatione Praesidij Petri-niensi singulari curam assumerent, et perlustratione indagationeque necessitatum habita absque dilationibus longioribus de applicatione manuum ad requisitas operas, quantocius debita media et ordinationes instituerentur. Id quod ad fidelitatem Vestrarum quoque notitiam venire volumus, ut et salutis permansionisque Regni istius nobis curam esse agnosceretis, et simul pro parte Vestra quoque in beneficium vestrum, si qua opus foret, et Regni quoque communis assistentia requireretur, id pro emolumento et bono proprio et publico prompte atque alacriter praestare haud quaquam gravamini. Quod quidem de fidelitatibus vestris, nobis benigne pollicemur. Quibus etiam in reliquo gratia nostra propensi manemus. Datum in Civitate nostra Vienna vigesima quarta Mensis Maji. Anno Domini M.D.C.XXVI.

Ferdinandus.

Laurentius Ferenczfy.

Ex Protocollo Regni Congregationis a. 1626.



## CCIV.

*Anno 1627. die 20. Maji. Viennae.*

**Ferdinandus II. Rex SS. et OO. notum reddit, se Banum nominasse et commissionem in negotio Valachorum constituisse.**

**Ferdinandus Secundus, Dei gratia Electus Romanorum Imperator semper Augustus, ac Germaniae, Hungariae, Bohemiae &c. Rex.**

Reverende, Honorabiles, Spectabiles, Magnifici, Egregij et Nobiles, Prudentes item et Circumspecti, fideles nobis dilecti. Ea quae penes Credentiales vestras literas ad Majestatem nostram datas, Nuntij fidelitatum Vestrarum, Reverendus Benedictus Vinkovich, Praepositus Maior Ecclesiae Zagrabiensis, ac Magnus Casparus Konyszky de Konschina, Consiliarius noster, nomine vestro, tam constituendo Bano, sicut etiam Commissione illa de Valachorum negotio, ac alijs nonnullis publicis causis, nomine vestro repraesentaverunt, benigne intelleximus ac sufficienter. Ac quidem quoad officium Banatus benigne nos in personam fidelis nostri Spectabilis ac Magnifici Comitis Sigismundi Erdeödy de Moniorokerek, perpetui Montis Claudij et Commitatus Varasdinensis Supremi Comitis, Consilarii nostri, benigne resolvimus, quem etiam fidelitatibus Vestris per praesentes literas nostras praesentamus, Banumque Regnorum nostrorum Dalmatiae, Croatiae et Slavoniae nominamus et constituimus, volumusque, ut observato rite et more in similibus alias quoque observari consveto, ipsum suscipientes, ac pro vero, legitimo ac indubitato Bano agnoscatis, eidem in omnibus, quae ex requisito talis officii sibi incumbendis ordinaverit, commiseritue, morem gerere ac obtemperare debeatis. In negotio autem Commissionis proseguendae, ut eo quam primum oportuno et idoneo tempore instituatur, necessarias expeditiones fieri demandavimus, easque ad manus Praesidis eiusdem Commissionis, fidelis nostri Reverendi Pauli David, Episcopi Quinque-Ecclesiensis et Consilarii nostri, medio praefatorum Nunciorum Vestrorum direximus. Habet is in mandatis ut fidelitates Vestras suo tempore de loco et Termino exequendae Commissionis certificet. Caetera quae ad hoc requisita fuerint, ab ipsomet intellecturi. Quibus nos in reliquo gratia et clementia nostra Caesarea et Regia benigne propensi manemus. Datum in Civitate nostra Vienna die vigesima Mensis Maji. Anno Domini M.D.CXXVII.

**Ferdinandus.**

**Laurentius Ferenczffy.**

Ex Protocollo Regni Congregationis 1627.

## CCV.

*Anno 1630 die 5. Octobris. Ratisbonae.*

**Jura et Privilegia Valachis, in Regno Slavoniae inter Savum et Dravum degentibus, a Rege Ferdinando II. concessa.**

Nos Ferdinandus Secundus &c. Memoriae Commendamus Tenore praesentium significantes, quibus expedit universis. Postquam ineffabili Dei optimi Maximi munere ad Majestatis nostrae Culmen sublimati, Reipublicae gubernacula gerimus, nil unquam antiquius Chariusve habuimus, quam ut providentiae nostrae studia in ea praecipue conferamus, quae ad Christianitatis augmentum stabilimentumque cedere, ac cunctis Ditionibus et populis, qui Clementiae et sceptrorum nostrorum pariunt Imperio, quoquo modo utilia esse possunt. Unde cum Tota Valachorum Communitas, quae ex antecessorum nostrorum Divae memoriae, Rudolphi secundi et Mathiae, Romanorum Imperatorum et Ungariae Regum, Concessionibus et gratiis iam a Triginta abhinc Annis in Partibus Regni nostri Slavoniae inter Savum et Dravum domicilium habuerunt, nuper a nobis etiam Singulari nostrae Successorumque nostrorum legitimorum Ungariae Regum protectionis et Directionis Diplomate donati fuissent, Nos iam ulteriori benignitatis nostrae cura, tum ipsorum Valachorum tum totius Christianitatis commodo et tranquillo ac securo statui et conservationi in aliis quoque, quae a benigna Directione nostra dependent, utiliter prospectum esse cupientes, eidem Valachorum communitati inter praedictos Savum et Dravum commoranti, sequentes Legum et statutorum Articulos, quorum norma in posterum vitam ducant et gubernantur. secundum praesentem rerum statum et conditionum clementer concedendos et sanciendos praescribendosque duximus; ut nimirum Regna Ditionesque Nostrae contra infensissimos Christiani nominis Turcos ac alios hostes non minus egregia et fidei huius populi militari opera ac fortitudine, quam Certarum etiam Tramine, atque in Legum, quorum observatione inter eosdem Valachos tam in Toga quam in Sago iuxta iustitiae et disciplinae incrementa vel maxime Omnipotentis gratia et benedictione fructifere conciliari, ac bene Christianoque more recte vivendi ratio Salutaliter conseruari possit, tanto magis ac firmitus munirentur obvalenturque. Quorum quidem Articulorum tenor talis est.

**De Magistratibus.**

**Articulus Primus.**

Cuilibet Pago Valachorum, inter Dictos Fluvios Savum et Dravum habitantium, suus sit Judex sive Knesius, vir scilicet ad id proprius, Officii obeundi

sufficiens et Idoneus, qui statuto ad id tempore, mense nimirum Aprili ante festum Georgii, a sui pagi communitate pro uno Anno eligatur, et electus Generali ad ipsius notitiam significetur.

### Articulus Secundus.

Quemadmodum Universa Valachorum Communitas in trium Capitaneorum Supremorum, nimirum Crisiensis, Caproncensis et Ivanicensis Districtibus commoratur, ita quoque in quolibet Capitaneatu separatim eligatur et constituatur Supremus Judex, Vir peritus Legumque patriarum gnarus, qui una cum Octo Assessoribus Judiciis in suo districtu praesideat, ac universas Causas et controversias secundum praesentia statuta cognoscat et decidat. Electio autem Judicis et Octo Assessorum in vel circa festum Sancti Georgii eo fiat modo; ut nimirum omnes Knesii sui districtus, una cum duobus vel tribus senioribus vel Juratis ex unoquoque pago, in certo eiusdem Capitaneatus loco conveniant, ibique Judicem et Octo Assessores per districtus sui Capitaneatus rite eligant. Qui Judices & Assessores ita in quolibet Capitaneatu electi, Generali proponantur, et ab eo nomine nostro, nullis legitimis obstantibus Causis, confirmantur, aut si quae legitimae Causae obstare viderentur, Illae statim nobis significabuntur. Singulis autem annis iidem Supremi Judices, tempore et modo, quibus dictum est, per Knesios et Seniores pagorum in quolibet Capitaneatu liberi a officio removebuntur, vel si ita visum fuerit, idque Patriae commodum et utilitas suaderet, in eodem officio relinquantur, et a Generali memorata ratione denuo confirmabuntur.

### Articulus Tertius

In delictis publicae tranquillitati et utilitati contrariis, atque aliis etiam Criminalibus, poenam Sangvinis inferentibus, Knesii Delinquentes absque mora comprehendere et Capitaneo Supremo sui Districtus ad manus Profosii tradere teneantur. Interim autem Supremus Judex, cum suis Assessoribus, statim Causas cognoscat, ut idem Delinquentes, cum talis delicti et Criminis Rei Judicati fuerint, ad Regimen bellicum transmittantur, Ibique, servato Juris ordine, non in peccunia vel bonis, sed solum in Corpore, vel opere publico, vel aliis Suppliciis puniantur.

### Articulus Quartus

In lenioribus autem Knesii reos carceri includant, donec vel ab ipsis idonea caveatur, vel tempus Juris dicendi appropinquet, et tunc Judicio sistantur, ac contra eos servatis de Jure servandis procedatur.

### Articulus Quintus.

Knesiorum muniis non solum illud incumbet, ut in suis districtibus cunctarum numerum Domorum, et familiarum, nec non omnium Capitem virilis sexus, decimum sextum aetatis Annum excedentium, exacte sciant, eumque utrumque nu-

merum in Cathalogo descriptum habeant, sed et ut unusquisque Patrum familias eosdem masculos, annum 17 excedentes, in suis domibus alant et sollicitae curae habebunt.

#### Articulus Sextus.

Si quis ex Turcia vel aliunde transmigrans sub hoc vel illo Capitaneatu sedem figere voluerit, id cum praescitu Supremi Capitanei fieri necesse est. Sin autem Valachus, qui iam semel in aliquo loco sedem fecit, vel alias ibi legitime commoratus est, domicilium in eodem Capitaneatu mutare velet, id, ut cum solo Supremi Judicis, Assessorum et Knesii praescitu fiat, sufficit.

#### Articulus Septimus.

Knesii summa uigilantia et studio omnia delicta et maleficia praecavere conabuntur; quod si vero quispiam ex iis de praevaricatione et collusionione cum reis in quocunque delicto iudicialiter convictus fuerit, et tunc Supremus Jux et Assessores talem Knesium tanquam infamem officio movebunt, juxta qu... ad ipsum factum eius qualitate mulcta merita afficient, vel si enormitas delicti poenam Sanguinis mereri Judicabitur, ad Regimen bellicum transmittent, alio interim id... Juri in locum legitime subordinato.

#### Articulus Octavus.

Tenebuntur insuper Knesii advigilare, ut fures quamprimum capiantur et Profosio suo assignentur. Res autem furto ablatae apud Judicem Supremum deponantur, et ibi, servatis de Jure servandis, suis dominis restituantur.

#### Articulus Nonus.

Omnia Conventicula et Congregationes, extra eas, quae pro eligendis Knesiis, Judicibus et Assessoribus, modo quo supradictum est, legitime celebrantur, in universum sub poena vitae interdictae sunt. Si quas autem necessitas aegerit, ex permissu Generalis instituantur.

#### Articulus Decimus.

Juramentum autem Judicum, Assessorum et Knesiorum, per Deum vivum et per gloriosam Dei Genitricem Virginem Mariam, et per omnes Sanctos et electos Dei, in Articulos praemissos concipiatur. Addito insuper, ut promittant se Deo, Christianae Reipublicae, Nobis et Successoribus nostris legitimis Ungariae Regibus, Generali et Supremis Capitaneis, fidem et obedientiam exhibituros, omnia Reipublicae perniosa et bonis moribus contraria revelaturos, et quoad omnibus et singulis coram se causantibus absque cuiusvis personae, divitis scilicet et pauperis, acceptione, omnibusque prece, praemio, favore, amore et odio postpositis

et remotis, prout scilicet secundum Deum et eius Justitiam cognoverunt, justum et verum Judicium, justitiam atque executionem in omnibus rebus facient, pro suo posse, sic ipsos Deus adjuvet et omnes Sancti.

### **De Judiciis.**

#### **Articulus Primus.**

Omne Judicium, una cum Supremo Iudice et Octo Assessoribus Valachis, ut supra nominatum est, iuratis, consistere debet; quibus insuper Notarius, et ipse Juratus, adjungatur. Unius autem vel duorum Assessorum absentia Judicium non impediat; et si Iudex Supremus ipse Judiciis interesse nequeat, ipsius loco proximus in ordine assessor praesideat.

#### **Articulus Secundus.**

Judicis officium sit, una cum assessoribus Dies iudiciales praefigere, ita tamen, ut Termini Citationum et evocationum ultra quindecim dies non excedant, semper autem tertia citatio peremptoria sit.

#### **Articulus Tertius**

Reus in Causam attractus ad actoris Instantiam in Jus vocetur, tuncque respondere non teneatur, nisi rite et legitime citetur.

#### **Articulus Quartus.**

Reus, si tribus vicibus per litteras Judiciales sive birschagiales citatus non comparuerit, contra eum in contumaciam procedatur, et Actori finale Judicium et Justitia administretur, ipseque Contumax in Expensas condemnetur.

#### **Articulus Quintus.**

In citationibus pro primo sigillo quinquaginta denarii Ungaricales, pro secundo dupplum et pro tertio triplum solvatur, ita ut Causa finita et decisa haec birshagia in duabus partibus pro Iudice et Assessoribus, in tertia pro parte Victricis exigantur.

#### **Articulus Sextus.**

Nullae exceptiones dilatoriae praeter impedimenta legitima admittantur, ac de caetero etiam processus in omnibus summaris sit, et sine strepitu et figura Judicii Ordinarii observetur, adeoque factum et merita Rei duntaxat simpliciter

et de plano considerentur, et secundum allegata et probata Judicentur. Finaliter autem decisiones et sententiæ in casibus, qui in istis statutis specificati non sunt, secundum Regni Jura finiantur.

### Articulus Septimus.

In testimoniis deponendis, non more Sclavonico in alterius animam Jurabitur, sed quilibet seorsim de visu et scitu examinatus Juramento testabitur; quis autem melius probavit, Judicis et Assessorum erit determinare.

### Articulus Octavus.

Nullus ad Juramentum praestandum nisi Jejunus admittatur.

### Articulus Nonus.

A sententia Judicis intra decendium sic ad generalem Appellare fas esto, quod si non fiat, elapsis fatalibus sententia transeat in rem Judicatam, appellans autem appellationem suam intra unum introducere, ac intra duos alios menses prosequi obligatus sit, alterutro enim non ita observato, Appellatio pro deserto habeatur, et Sententia Executionem sorciatur, et qui male appellaverit in Expensis damnabitur.

### Articulus Decimus.

Sententiae, ubi nullae Appellationes interpositae fuerint, ellapso decimo die per Knesios vel unum ex Assessoribus Executioni demandentur. Qui autem parere recusaverint, secundum qualitatem delicti puniantur, vel etiam si enormitas resistentiae id ita meruerit, ad Regimen bellicum remittantur, procedente nihilominus executione.

### De Rerum Dominio.

#### Articulus Primus.

Cuilibet Pago vel oppido sui certi limites determinantur.

#### Articulus Secundus.

Si qui de frumento adhuc in Agris existente, vel de aliis rebus mobilibus cum aliis conveniret, Emptorque hoc duobus vel tribus Testibus probare poterit, contractus validus esto.

### Articulus Tertius.

Qui autem domos ut etiam Agros et alios fundos vendere vel opignorrare, aut quocunque alio titulo et quacunque de causa alio dare voluerit, id ut coram Knesio et duobus vel tribus Testibus faciat necesse est, alias contractus nullam vim habeto.

### Articulus Quartus.

Cuilibet, si fundum suum aliter adire non potest, per agrum vicini sui consveto tempore eundi vehendique Jus esto, sed quantum fieri poterit vicini agro ab ipso parcatur.

### Articulus Quintus.

Si quis rem suam alteri ad certum tempus oppignoraverit, illoque tempore ellapso debitum non solverit, tunc ad instantiam Creditoris de redimendo pignore per Knesium admoneatur, et nisi id intra tres menses fecerit, pignus per Eundem Knesium et duos vel tres seniores Pagi estimetur, et de eo Creditoribus debitum, cum eo, quod interest exolvatur, Residuum vero Domino pignoris restituatur.

### Articulus Sextus.

Rebus alienis contra pactum vel voluntatem sui proprietarii cum damno eiusdem utens, eidem proprietario pro Arbitrio Iudicis secundum iustam damni aestimationem satisfacere teneatur.

### Articulus Septimus.

Testamentariae dispositiones coram Knesio et quatuor vel quinque Testibus fidedignis, aut coram Sacerdote et duobus vel tribus itidem fidedignis testibus celebrentur, adhibito tamen semper Notario vel loco ipsius duobus aliis Testibus legitimis.

### Articulus Octavus.

Paterfamilias atque liberis defunctis major natu frater vel proximus agnatus, una cum vidua relicta, Familiam gubernet. Quod si vero defunctus iuxta Viduam Liberos quoque reliquerit, ipsa Vidua una cum Tutoribus vel Curatoribus familiae praesit, et iunior Liberorum cum reliquis nullo sexus discrimine habito ex aequo ad haereditatem admittatur.

### Articulus Nonus.

Boves, equos, vaccas, sues, capros, porcos, vinum ac frumentum omnis generis cuilibet Valachorum sicut aliis regnicolis, intra et extra Capitaneatos sui

(Pars I. Privil. et Libert.)

districtus secundum legitimam Regni consuetudinem ac Regia Decreta, observatis observandis, praestitisque praestandis, pro libitu vendere et emere, inducere et educere liberum et permissum sit.

#### **De Delictis Privatis et Publicis.**

##### **Articulus Primus.**

Omne furtum, cuius pretium triginta vel effractione simul commissa viginti florenos hungaricales non excedit, a Judicibus Supremis vinculis vel opere publico puniatur. Majora autem furta si committentur, ad Regimen bellicum mittantur, ibi non pecuniariis poenis, sed Suppliciis Corpori infligendis coercendi.

##### **Articulus Secundus.**

Ita etiam si quis secunda vel tertia vice in furto deprehensus sit, atque eiusmodi furta duabus vel tribus vicibus commissa quadraginta florenos excedant, et ipse ad Regimen bellicum in Corpore poenas soluturus transmittatur.

##### **Articulus Tertius.**

Si quis violenta manu alteri quippiam surripuerit vel abstulerit, ille raplum cum damno illato restituat, nec non quatuor vel pro arbitrio Judicis plurium, sed ad summum decem florenorum Ungaricalium poenam luat; si vero insuper aliquem etiam absque lethali laesione percusserit vel vulneraverit, ei pecuniaria multa maior sed ad plurimum 16 floreni solvendi sint; attamen si reus utroque casu pauperioris sit conditionis, vel ob enormitatem delicti alias id ita videatur, is carcere aut opere publico, aut alia eiusmodi animadversione castigetur.

##### **Articulus Quartus.**

Si cuiuspiam Jumenta vel Animalia alteri damnum fecerint, illud damnum per vicinos aestimetur, et ab animalis Domino sarciat. Ac interim damnum passo liberum sit ipsum animal, quod damnum fecit, donec sibi satisfiat, retinere.

##### **Articulus Quintus.**

Si quis vero alterius animalia post aestimationem et damni compensationem adhuc detinuerit, ad id quod interest tenebitur.

##### **Articulus Sextus.**

Si quis alterius Jumenta noxam committentia ex malitia verberaverit vel occiderit, is animalium Domino, compensato prius quantum ipse noxae passus sit, damnum refundat, et nihilominus ob malitiam pro qualitate facti puniatur.



### Articulus Septimus.

In rixis et tumultibus, qui cum sanguinis profusione fient, reus quinque, vel etiam pro arbitrio Iudicii plures, sed ad summum octo florenos Ungaricales ac laeso expensas et damna, nec non Chyrurgo debitam mercedem solvat. In aliis vero, quae absque sanguinis effusione, vibratis gladiis, sola percussione, ad . . i cum signa vel alio insolentiori modo committentur, florenos Ungaricales medium aut integrum florenum, aut ad summum etiam quatuor; Ansam quoque talium rixarum et tumultuum praebentes, singuli medium vel ad summum tres florenos Ungaricales solvant, ita tamen, ut in arbitrio sit Iudicii reos jam dictarum mulctarum vices, sicut in tertio articulo pro qualitate personae vel facti, aliis in Corpore suppliciis afficere.

### Articulus Octavus.

Post tales autem rixas et tumultus, et si laesa pars ob suam offensionem nullam ad Iudicem conferret quaerelam, nihilominus tamen contra Reos, si Iudicio ob enormitatem facti ita videbitur, ex officio erit inquirendum, ac pro qualitate facti erit procedendum.

### Articulus Nonus.

Fornicarii manifesti, uti et ipsae Fornicariae, uinculis in pane et aqua per aliquot dies vel opere publico puniantur. Adulteri vero et raptores Regimini bellico iudicandi ac etiam in corpore castigandi subiiciantur.

### Articulus Decimus.

Inobedientes filii, vel etiam gravius in parentes peccantes, a Iudicibus pro gravitate facti carcere vel similibus suppliciis coerceantur, vel etiam si delictum Iudicibus ita enorme videatur, ad regimen bellicum transmittantur; si autem levior sit filiorum culpa, contra illos absque Parentum accusatione Judicialiter non procedatur.

### Articulus Undecimus.

Peccuniariae mulctae pro Iudicum et ceterorum Officialium Salariaiis aliisque Iudicii expensis applicentur.

### Articulus Duodecimus.

Profotio ab incarceratis et arestatis personis inposterum non ultra viginti quinque denarios exigere permissum sit.

**De re Militari.****Articulus Primus.**

Qui ex Valachis stipendia merent, Juri militari, ut reliqui nostri stipendiarii in omnibus subsint, et sua munia fideliter obeant, quod et de reliquis intelligendum, qui licet stipendia non habeant, nihilominus militaria munia obeunt et eorum respectu immunitate donati sunt.

**Articulus Secundus.**

Vayvodae sint militares viri illibatorum morum et vitae integritate praediti, ac quovis suspicionis vitio carentes; si tamen casu quocunque in alicujus criminis genere suspecti haberentur, vel etiam de malefactis accusati forent, causae tales coram Capitaneo vel vice Capitaneo ac suis Officialibus militaribus, inter quos semper aliquot et ad minimum tres vel quatuor Vayvodae sint, examinentur, et prout visum fuerit, rei vel poena merita per eosdem afficiantur, vel ulterius ad Regimen bellicum dirigantur.

**Articulus Tertius.**

Eadem ratione si Vayvodae quempiam ex suis Haramiis alicuius delicti reum vel accusatum habuerint, id ipsum etiam Capitaneus vel Vice-Capitaneus cum Officialibus militaribus et Vayvodis Judicialiter examinent, et si delictum levius fuerit, in reos pro qualitate animadvertant, in gravioribus autem eosdem ad Regimen transmittant.

**Articulus Quartus.**

Ita etiam caeterae eiusmodi lites omnes et Controversiae fundos ac alia bona immobilia non concernentes, quae inter vel contra Vayvodas et Haramiales aliosque omnes salarisatos milites motae fuerint, praescripta ratione cognoscantur et dirimantur. Quae autem circa fundos aliasque res immobiles orientur, eae solis Judicibus et Assessoribus subsint decidendae.

**Articulus Quintus.**

In vayvodarum uti etiam Vexiliferorum aliorumque Officialium demortuorum, vel etiam Judicialiter ab officiis depositorum, loca, alii benemeriti per Communitatem generali commendabuntur.

**Articulus Sextus.**

Salaria et stipendia a Vayvodis Haramialibus militibus solventur et distribuentur, iuxta modum et consuetudinem antiquam.

### Articulus Septimus.

Cum vero tota Valachorum Communitas rebus potissimum bellicis ac militaribus vacet, ob idque singularibus Privilegiis gaudeat, ideo omnes et singuli ipsorum, sive stipendiarii sint, sive non, ad secandum desertum et sylvas inter Savum et Dravum, singulis annis, relictis tantum in munitionibus vigilibus sufficientibus, sint obligati, ut nimirum eo labore Turcis et inimicis omnis ad illa loca aditus et in Christianos impetus intercludatur.

### Articulus Octavus.

Similiter Castella in suam defensionem extructa, aut adhuc extruenda, suis laboribus coadiuvabunt.

### Articulus Nonus.

Insidias et Machinationes suspectos fideliter ad nos vel Generalem Nostrum deferent.

### Articulus Decimus.

Fines Patriae in omnibus tribus Capitaneatibus, ne ullus Christiani nominis hosti pateat additus, praeter salarissatos milites, etiam caeteri cuncti Valachy Stipendio carentes, suis sufficientibus semper excubiis et vigiliis tueri ac custodire obligati sint.

### Articulus Undecimus.

Quocumque autem tempore, quod Deus clementer avertat, quidam impetus aut suspicio maioris momenti oriretur, ex omnibus omnino Capitaneatibus, quotquot inveniuntur, Valachy, imo ipsa Juventus, decimum Octavum Annum excedens, ad Turcos et hostes coniunctis viribus erunt parati, adeoque militaribus signis ad hoc per Generalem deputatis excitati, inter duas vel ad summum tres horas, cum omni bellico apparatu, semper adminimum sex vel septem millia militum Valachorum in unum locum Congregabuntur, donec et qui longius distant precepto Signo accurrere, seque cum illis coniungere vel alio ubi necessitas id requisiverit secundum Generalis dispositionem convolare possint.

### Articulus Duodecimus.

Si contra hostem extra Provinciam ducentur, absque stipendio, in partibus Turcae subjectis per quatuordecim dies, in aliis vero Provinciis per Octo dies Castra Generalis sequentur, quibus elapsis, ut reliqui stipendia accipiant.

### Articulus Tredecimus.

Et quia pauci stipendiarii inveniuntur, plurimaque pars salario caret, Generalis Noster illis omnibus utriusque conditionis prout hactenus moris fuit plumbum pro conficiendis globis et pulverem tormentarium ad sufficientiam suppeditabit.

Quapropter omnibus et Singulis Nostris Ministris et Officialibus aliisque subditis et fidelibus cuiusunque status, gradus, conditionis, vel praeeminentiae existant, praesertim vero Regimini Nostro bellico, nec non praesentibus et futuris ..... Regni Nostri Slavoniae ... necnon supremis Capitaneis, caeterisque omnibus militaribus Officialibus nostris, hisce benigne ac serio committimus atque mandamus, ut praefatam Valachorum Communitatem, inter Savum et Dravum Commorantem, Secundum Clementem Nostram et Successorum Nostrorum, legitimorum Ungariae Regum, voluntatem, praescriptis legum et statutorum Articulis quiete et absque omni motestia, impedimento et perturbatione, uti, frui et gaudere sinant, illosque in eisdem manuteneant atque defendant, et nil contra eorum tenorem et continentiam attentent, aut faciant, aut ab aliis quovis modo attentari et fieri permittant. Quatenus nostram successorumque nostrorum indignationem ac poenam gravissimam evitare voluerint. Harum Testimonio Litterarum, Manu Nostra propria subscriptarum et Sigilli Nostri Appensione munitarum. Datum in Nostra et Sacri Imperii Civitate Rabisbonae die 5. Octobris 1630.

Ex antiquo transsumpto in Archivo Regni Croatiae, inter Acta Collegii Societatis Jesu Zagrab. asservato.  
Fasc. VI. Nr. 81.

## CCVI.

*Anno 1646. Posonii.*

### Privilegia Nobilium arcis Kalnik

Nos Ferdinandus Tertius, DEI Gratia Electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Slavoniae, Ramae, Serviae, Gallitiae, Lodomeriae, Cumaniae, Bulgariaeque Rex, Archidux Austriae, Dux Burgundiae, Brabantiae, Styriae, Carinthiae, Carnioliae, Marchio Moraviae, Dux Lucemburgae ac superioris et inferioris Silesiae, Wierthembergae & Thecae, Princeps Sveviae, Comes Habsburgi, Tyrolis, Ferreti, Cyburgi, Goritiae, Landgravius Alsatie, Marchio Sacri Romani Imperii supra Anasum, Burgoviae ac superioris et inferioris Lusatie, Dominus Marchiae Slavonicae, Portus Naonis et Salinarum &c. Memoriae commendamus tenore praesentium significantes quibus expedit vniuersis. Quod pro parte et in personis

fidelium nostrorum Nobilium Joannis Pomper de Fölse Radessich, Martini Vis-  
 sak, Mathiae Hadrovich aliter Sipraak, Nicolai Kamenian de Fölse et Also-  
 Viszoka, Georgii Kerch aliter Chochak de Vrechakovcz, Martini Vahiak aliter  
 Turkovich de Jakussovcz, Petri Zidarich et Antonii Somogy de Zudovcz, Nicolai  
 Kooosz, Joannis Jellussich et alterius Joannis Berlich de Kolarcz, Georgii Frane-  
 tich de Dughi Verh, Petri Mervchich, Nicolai Golobich et Georgii Dienes aliter  
 Gyuresich de Vojnovcz, Andreae Wissak, Stephani Lissichak aliter Magdich et  
 alterius Stephani Benchak de Hissanovcz, Martini Golobich, Joannis Kostich et  
 alterius Martini Osegh, Georgii item Berlekovich, Martini Striga, et Mathiae Kra-  
 leveckhy de Drobkovcz, Mathiae Striga de Czunovcz, Marci Kontercz de Capella  
 sive Capolna et Rakovcz, Joannis et Stanislai Babok aliter Chocek de Voik-  
 sincz, Lucae Kesser, Nicolai Verchak, et Petri Bagyun de Zaitovcz, Francisci  
 Furmegh et Petri Dragecz de Lukachovcz, Petri Prussak, Stephani Sattvar ali-  
 ter Sipkovich de Gostovincz aliter Berlobassevycz, Michaelis Chernchich de Rovcz,  
 Mathiae Horvath aliter Ferlinchich et alterius Mathiae et Georgii Svagell de  
 Fölse Bogacso, Nicolai Kraleveckhy de Also Bogacsevo aliter Sipkovcz et Bla-  
 sii Trubecz de Finchevycz aliter Brestovicza, in possessionibus sic dictis omnino in  
 Comitatu Crisiensi existentibus commorantium, aliorumque ibidem Condivision-  
 alium ac legitime Comportionatorum exhibitae sunt Nobis et presentatae certae  
 quaedam quaternae Litterae; Et primae quidem Serenissimi quondam Principis et  
 Domini Mathiae Primi Regis Hungariae in Pargameno patenter confectae, sigillo-  
 que eiusdem minori propter vetustatem disrupto impendenti communitae, super  
 imunitate et exemptione taxarum seu Contributionum Regiarum medii Aurei Uni-  
 versis unius sessionis Nobilibus intra Ambitum Regni nostri Sclavoniae ubivis  
 commorantibus concessae et in publica eiusdem Regni nostri Sclavoniae Congre-  
 gatione in Anno Domini Millesimo sexcentesimo duodecimo, per Status et Ordines  
 denuo acceptatae, prout id ex tenore et superinscriptione ipsarum apparet. Al-  
 terae vero speciales Litterae Serenissimi quondam Principis Domini Ludovici iti-  
 dem Regis Hungariae, praedecessorum Nostrorum felicitis memoriae, privilegiales  
 in pargameno in forma libelli confectae, sigilloque eiusdem maiori, quo ut Rex  
 Hungariae utebatur, impendenti communitae, Antecessoribusque eorundem Nobili-  
 um et consequenter ipsis quoque, utpote suis successoribus, ex Consilio Domi-  
 norum Praelatorum, Baronum et Judicum Regni Ordinariorum judicialiter et gra-  
 tiose elargitae. Tertiae Spectabilis et Magnifici condam Comitum Georgii Thurzo  
 de Bethlenfalva, alias Regni Hungariae Palatini, similiter in pargameno patenter  
 confectae, sigilloque eiusdem impendenti roboratae, Donationales, novam Donatio-  
 nem una cum jure Regio in se continentes, Nobilibus unius sessionis dicti  
 Comitatus Crisiensis ibidem uberius denominatis, fratribusque ipsorum Conge-  
 nerationalibus et Condivisionalibus, cum iisdem ibidem legitime comportionatis,  
 haeredibusque et posteritatibus ipsorumque utriusque sexus Universis collatae.  
 Quartae Litterae Honorabilium Capituli Ecclesiae Chasmensis in simplici papyro  
 ex tribus ternionibus sive Arcubus conglutinatis constantes, in longum patenter  
 confectae, sigilloque eiusdem Capituli Autentico superius a tergo impressive  
 communitae, super dicti quondam Palatini Novae Donationis et Juris Regii Col-  
 latione, statutoriae et super statione Relatoriae, in Octavallibus praefati Regni  
 Sclavoniae Judicis per Cessionem Contradictionis roboratae, tenorem infrascriptorum.  
 Supplicatum itaque nominibus et in personis praefatorum Nobilium unius Sessio-

nis dicti Comitatus Crisiensis Maiestati nostrae extitit humillime, quatenus praenotatas quaternas Litteras omniaque et singula in eisdem contenta, ratas, gratas et accepta habentes Litterisque nostris inseri et inscribi facientes, approbare, robore, ratificareque ac pro praefatis Nobilibus in Possessionibus praedictis ac in Comitatu antelato Crisiensi existentibus et commorantibus, aliisque ibidem divisionalibus et legitime comportionatis, iuxta ramum Genealogiae et comportionis eorundem, successoribusque et posteritatibus ipsorum utriusque sexus Universis innovantes, perpetuo valituras gratiose confirmare dignaremur. Quarum quidem Litterarum primarum tenor talis est. Nos Mathias Dei gratia Rex Hungariae, Bohemiae &c. Memoriae commendamus tenore praesentium significantes, quibus expedit Universis, quod cum attentis et consideratis fidelitate et fidelibus servitiis fidelium nostrorum Universorum unius sessionis Nobilium intra Ambitum Regni nostri Sclavoniae ubivis commorantium, per eos Maiestati nostrae exhibitis et impensis, tum vero consideratis illis incommoditatibus, ruinisque et desolationibus, in quas ipsi per frequentes Turcarum incursiones et spolia, desolationesque et combustiones a certis jam retroactis temporibus devenisse dicuntur, volentes igitur ipsos unius sessionis Nobiles de huiusmodi ipsorum Calamitatibus et desolationibus relevare et nostram erga eos aliquantisper ostendere liberalitatem, eosdem a solutione taxarum seu Contributionum nostrarum medii Aurei, quae ab ipsis Maiestati nostrae provenire deberent, in perpetuum gratiose duximus eximendos et supportandos, Imo eximimus et supportamus praesentium per vigorem. Quocirca Vobis fidelibus Nostris Universis et singulis Dicatoribus et exactoribus quarumcunque taxarum seu Contributionum nostrarum medii Aurei in dicto Regno nostro Sclavoniae constitutis et in futurum constituendis harum serie firmissime praecipientes committimus et mandamus, quatenus amodo nullus omnino Vestrum a praefatis Nobilibus unius sessionis aliquam taxam seu Contributionem nostram ullo unquam tempore petere seu exigere, petique seu exigi facere, aut eosdem ratione non solutionis eorundem in Personis rebusque et bonis ipsorum quibusvis contra formam praemisse nostrae gratiosae exemptionis turbare, inquietare, seu quovis modo damnificare praesumat, neque sit ausus quoquo modo, gratiae nostrae sub obtentu. Praesentes autem, quas secreti et Annularis sigilli nostri appensione comuniri fecimus, post earum lecturam ubique reddi iubemus praesentanti. Datum Sopronii, feria quinta proxima ante Dominicam invocavit. Anno Domini Millesimo quadringentesimo octuagesimo tertio. Regnorum nostrorum Hungariae &c. Anno vigesimo sexto, Bohemiae vero quarto decimo. Superinscriptionis vero et acceptationis per praefatos Status et Ordines praenotatis Litteris annexae continentia talis est: Anno Domini Millesimo sexcentesimo duodecimo feria secunda post festum Inventionis sanctae Crucis, in generali Congregatione Dominorum Statuum ac Ordinum Regnorum Sclavonie, Dalmatiae et Croatiae, ex edicto Illustrissimi Domini Comitatus Thomae Erdödy etc. praedictorum Regnorum Bani in Ciuitate Regia libera montis Graecensis Zagrabiensi celebrata, Praesentes Litterae Privilegiales, exemptionales, publice praesentatae et per DD. SS. et OO. Regni denuo acceptatae ac confirmatae sunt. Stephanus Patachich Magister Vice Protototarius Regni. Secundarum vero continentia Verbalis sequitur in hunc modum: Nos Ludouicus DEI gratia Rex Hungariae et Bohemiae &c. Memoriae comendamus tenore praesentium significantes quibus expedit Universis: Quod nominibus et in personis fidelium Nostrorum Nobilium Petri de Bogachovcz, Joannis Othav-

lich de Finchewcz, Nicolai de Patthak, Petri literati de Vynarcz, Lucae Otthavlich de Dropkovcz, Andreae Osegh de Barlobasovcz, Georgii de Brezthoicza, Lucae de Dragunovcz, Thomae Savloycz de Savlovcz, Mathiae Nemchich de Gostowincz, Michaelis Werchak de Zayzthowcz, Blasii Drincsich de Rowcz, Georgii de Globothecz, Thomae Thurkovich de Vizoka, Joannis Ferencsich de Radessych, Mathiae Prelosky de Wzdovcz, Balthasaris de Isanovcz, Blasii litterati de Kapolna, Gregorii de Szlavcsina, Clementis Chocek de Chunovcz, Petri Paulekovich de Rakochovcz, Nicolai Ugrinovics de Trokovcz, Gregorii Jakosith de Pisthchianovcz, Stephani Panthich de Zela, Georgii de Kapolna, cunctorumque aliorum Nobilium in et sub districtu Castri maioris Kemlek vocati in Regno nostro Sclavoniae adiacentis comorantium, exhibitae sunt Nobis et praesentatae quaedam Litterae Spectabilis et Magnifici quondam Comitis Stephani de Bathor, alias Judicis Curiae Genitoris Nostri felicis recordacionis ac Vayvodae Transylvaniensis et Sicularum Comitis, adjudicatoriae et Sententiales, in pargameno privilegialiter pro parte ipsorum Nobilium ex Causis et rationibus Litteris in eisdem specificis declaratis confectae et emanatae, habentes in se certarum Litterarum per partes colligantes in eisdem Litteris expressas in robur et levamen iurium suorum ultro vel citro productas. Supplicatum itaque extitit Maiestati Nostrae in personis praedictorum universorum Nobilium eiusdem Distritus Castri maioris Kemlek, ut huiusmodi Litteras praefati quondam Comitis Stephani de Bathor et omnia ac quaevis in illis contenta, ratas, gratas ac accepta habere Litterisque nostris privilegialibus verbotenus inseri et inscribi facere ac pro ipsis Nobilibus eorumque haeredibus et posteritatibus Universis perpetuo valituras ratificare et confirmare dignemur. Quarum quidem Litterarum tenor talis est: Nos Comes Stephanus de Bathor, Iudex Curiae Serenissimi Principis Domini Wladislai Dei gratia Regis Hungariae, Bohemiae ac Dalmatiae, Croatiae &c., Marchionis Moraviae, nec non Vayvoda Transylvanus et Comes Sicularum. Memoriae commendamus tenore praesentium significantes quibus expedit Universis: Quod Nobiles Valentinus Pallfy de Szent-Mihaly ac Georgius de Bogathovcz, nec non Joannes Kernyak de Polyana, pro Universis et singulis Nobilibus in et sub districtu Castri Maioris Kemlek commorantibus, cum Regni Sclavoniae Bani Litteris procuratoriis, in praesentibus Octavis festi Beati Michaelis Archangeli, tum de speciali Commissionem et mandato praefati Domini nostri Regis nobis superinde iniuncto, tum vero de partium subscriptarum Annuentia et Voluntate, in figura nostri Iudicii comparentes, contra Egregium Andream Both de Bayna, Comitem et Castellatum Castri maioris Kemlek, et fratres eiusdem proposuerunt eo modo: Quod licet ipsi antiqua et specialis gratiae prerogativa requirente, a Divis scilicet Regibus Hungariae eisdem Nobilibus gratiose concessa, ea semper libertate usi fuerint et gavisi, ut ab omnibus Censibus, taxis, dicis, muneribusque et servitiis, omnique conditionario nexu et iugo servitutis tanquam veri et indubitati Nobiles Coronae et Regnorum Hungariae et Sclavoniae exempti fuerint et suportati haberentur; Nescitur tamen quali adinventata occasione praefatus Andreas Both de Bayna Nobiles ipsos et eorum quemlibet contra Deum et iusticiam eius ac Iurium libertatumque eorum Praerogativam, Censibus inordinatis servitiisque inconvetis oneraret, et impositis adinventisque super ipsos variis servilibus gravaminibus ab omni prorsus Conditione et statu Liberorum ipsos ad Castrum Kemlek praescriptum ad labores exercendos et munera danda aliaque servitia facienda com-

pelleret et adstringeret, recusantes autem etiam per onera et gravamina, aliaque remedia etiam indebita et saluti contraria arctaret et compelleret, in eorundem Nobilium damnum, libertatisque et consuetudinis eorum praeiudicium satis magnum. Dehinc volentes iidem Procuratores dictorum Nobilium in personis eorundem Actionem eorum praemissam meliori efficaciorique documento comprobare, tres litteras, duas videlicet Serenissimi et potentissimi Principis quondam Domini Mathiae Regis Hungariae et Bohemiae &c. gloriosae memoriae, Domini nostri, unam videlicet Confirmationalem, alteram vero Praeceptoriam, et tertiam Magnifici Ulrici Ciliae, Orthomburgae Zagoriaeque Comitis nec non Regni Sclavoniae Bani, Confirmationalem, privilegialiter confectas: Quarum prima, videlicet confirmationalis, pendenti et Authentico duplici sigillo suo per manus Reverendissimi in Christo Patris Domini Stephani Ecclesiarum Colocensis et Bachiensis Archi-Episcopi Locique eiusdem Comitis perpetui, Aulae suae summi Cancellarii fidelis dilecti Anno Domini 1466 quinto Idus Martii, Regni sui Anno nono, Coronationis vero secundo edita, habens in se confirmative tenorem quarundam Litterarum Illustris Principis quondam Domini Joannis, Patris Mathiae Regis Budae in Vigilia festi Nativitatis B. Joannis Baptistae, sub sigillo eiusdem, quo ut Gubernator Hungariae utebatur, Anno Domini 1449 impendenti communitarum, seriem et continentiam quarundam Litterarum adjudicatoriarum Vice Banorum Regni Sclavoniae ac Comitum et Judicum Nobilium Commitatus Crisiensis, Crisii sexto die feria secunda post octavas festi Epiphaniarum Domini, Anno eiusdem 1446 emanatarum, habentes inter caetera in se transumptive tenorem quarundam duarum Litterarum, unius scilicet Serenissimi Principis condam Domini Sigismundi Regis patenter, et alterius Capituli Ecclesiae Chasmensis privilegial. exinde statutor. Quarum prima, videlicet memorati quondam Domini Sigismundi Regis, Litteram in Thatha feria quinta proxima ante festum Penthecostes 1430. Regnorum autem suorum Anno Hungariae &c. 44. Romanorum 20. et Bohemiae Decimo, ad propriam suam Commissionem maiori suae Majestatis sigillo consignata declarabat, quod praefatus quondam Dominus Sigismundus Rex consideratis et diligenter praemetitis fidelibus et fidelium servitiorum gratuiti meritis et acceptis complacentiis fidelium suorum Nobilium Joannis filii Osl de Herbothya et Magistri Michaelis de Raven Causarum suarum procuratoris et sedis Crisiensis Protonotarii, quibus iidem in diversis locis et temporibus opportunis Maiestati suae se ipsos gratos reddere studuissent et acceptos, supplicationibusque eorundem per ipsos Culmini suo in personis et Nobilium nominibus Universorum Castri maioris Kemlek devote oblatis, exauditis et admissis, possessiones et terras ipsorum Nobilium Jobbagonum dicti Castri a nexu et iugo omniique conditionaria servitute praedicti Castri et ab eodem Castro eximenda separandas, sequestrandas, distinguendas et removendas, eosdemque Universos Nobiles Jobbagiones Castrenses verae Nobilitatis titulo insigniendos, praemissas Universas et totales possessiones et terras eorum cuilibet ipsorum, sicuti pro tunc possedissent et in eorum dominio pacifice extitissent, Novae suae Donationis et sincerae Nobilitatis titulo simul cum earum cunctis pertinentiis et utilitatibus, in eorundem et successorum ipsorum perpetuam adscripsisset haereditatem, salvis iuribus alienis; eosdem etiam Nobiles Jobbagiones suos Castrenses et eorum posteros omnibus Privilegiis, gratiis, immunitatibus, exemptionibus et libertatibus ad instar caeterorum Regni sui Sclavoniae verorum Nobilium, perpetuis futuris temporibus uti, frui et gaudere debere, de



Praelatorum et Baronum suorum ad id accedente Consilio praemature ac mera Authoritate sua Regia et potestatis plenitudine ex certa suae Majestatis scientia plenarie decrevisset. Secunda vero ipsarum, puta dicti Capituli Ecclesiae Chasmensis, Littera statutoria, quae quinto decimo die feriae sextae proximae post Octavas Paschae Domini Anno ejusdem 1431 privilegialiter confecta, Alphabeto intercisa manifestabat: Quod praefatum Capitulum Chasmense ad Amicabilem Literatoriamque petitionem condam Spectabilis et Magnifici Domini Hermanni Ciliae et Zagoriae Comititis et dicti Regni Sclavoniae Bani laudandae memoriae, una cum Benedicto filio Nicolai de Szent-Ivan homine ejusdem Domini Hermanni Comititis et Bani, ipsorum hominem videlicet honorabilem Virum Magistrum Bartholomaeum socium et Concanonicum ipsorum, ad infrascriptarum Possessionum statutionem faciendam ipsorum pro testimonio transmississent fide dignum. Qui ex inde ad ipsum Capitulum reversi, eidem concorditer retulissent eo modo: Quomodo ipsi in praedicta feria sexta proxima post dictas Octavas festi Paschae Domini et aliis diebus ad id aptis et sufficientibus, ad facies praescriptarum universarum possessionum et portionum possessionariarum factorum Nobilium dicti Castri, per annotatum quondam Dominum Sigismundum Regem a Jobagionatu dicti Castri exemptarum, ipsisque Nobilibus Novae suae Donationis titulo donatarum, Vicinis et Cometaneis earundem Universis inibi legitime convocatis et praesentibus, accedentibus introduxissent praefatos Nobiles in Dominium earundem statuissentque easdem cuilibet ipsorum, prout et in quantum in dominio earundem pro tunc pacifice permansissent et fuissent, praemissis exemptionibus et Novae Regiae donationis titulis ipsis incumbentibus perpetuo possidendas, nullo penitus contradictore apparente. Secunda vero earum, puta praefati quondam Domini Nostri Mathiae Regis Littera, sub secreto et appendenti sigillo suo ad propriam Commissionem Eiusdem hic Budae in festo inventionis S. Crucis Anno Domini 1472., Regnorum Anno Hungariae &c. decimo quinto, Coronationis Nono, Bohemiae vero tertio, confecta manifestabat: Quod Nobilis Georgius de Patak in sua ac Stephani et Martini de eadem Patak, Benedicti de Presethnafew, Stephani de Voynovcz, Andreae de Globothecz et Pauli Literati de Finthovcz, ac aliorum Nobilium in districtu Castri maioris Kemlek commorantium personis, praefato quondam Domino Nostro Mathiae Regi (in forma) admodum gravis quaerelae expositum exstitisset: Quod licet ipsi ab antiquo a quibuslibet Censibus et taxis dicti Castri Kemlek per Divos Reges Hungariae, suos scilicet Prodecessores, exempti fuerint et exonerati, ac eo titulo, quo veri Nobiles Regni sui uterentur, ipsi quoque ex ipsa concessione usi sint. Tamen Illustris Ladislaus Dux S. Sabae quadam adinventata occasione, quosdam novos et inconsvetos Census seu taxas adinveniens super praefatos Nobiles, contra huiusmodi antiqua Jura et libertates eorum imposuisset, ipsosque propterea plurimum impedivisset et vexasset in praeiudicium Libertatis et Jurium eorum atque damnum manifestum; Allegando, ipsos Nobiles non ab Antiquo, sed per Joannem Thuz de Lak, alias Regni Sclavoniae Banum, ab ipsis Censibus et taxis exemptos et Nobilitatos fore. Unde praefato quondam Domino Mathiae Regi in personis praefatorum Nobilium supplicatum fuisset, ut ipsis circa praemissa de remedio providere ac in Juribus et Libertatibus eorum conservare dignaretur. Et quia ipse Dominus Mathias Rex praefatos Nobiles ex Litteris et privilegiis ipsorum Divorum Regum Hungariae coram eodem Domino Rege in specie productis et per eundem confirmatis, a quibuslibet Censibus et taxis ipsius

Castri Kemlek ab olim exemptos et libertatos fuisse comperisset: Ideo fidelitati praefati Ladislai Ducis S. Sabae earundem Litterarum suarum serie firmiter mandasset: Quatenus a tunc in posterum praefatos Nobiles contra praescriptas eorum Libertates et Jura ad solutionem huiusmodi Consuum seu taxarum arctare vel compellere vel eos propterea in personis rebusque et Bonis eorum quibusvis impedire, molestare, seu quovis modo damnificare nusquam et nequaquam praesumeret, nec esset ausus modo aliquali. Alioquin comiserat et earundem serie strictius comisit fidelibus suis Banis vel Vice Banis praescripti Regni sui Slavoniae, tunc constitutis et in futurum sonstituendis, ut ipsi annotatos Nobiles penes huiusmodi libertates eorum contra ipsum Ducem tueri, protegere et defendere ac indemniter manutenere deberent; Autoritate sua ipsis in hac parte attributa et iustitia mediante. Haec autem voluisset etiam per futuros possessores eiusdem Castri Kemlek firmiter observari. Tertia vero earundem, puta antefati condam Ulrici Ciliae Comitis et Regni Slavoniae Bani Littera, sub appendenti Sigillo eiusdem, Crisii sexto die diei feriae secundae proximae post Octavas festi beati Michaelis Archangeli in Anno Domini 1449 edita, habens in se approbative tenorem quarundam Litterarum Dominorum Praelatorum, Baronum et Procerum Regni Hungariae universorum, similiter privilegialium, hic Budae tertio die feriae secundae proximae post festum Beati Petri et Pauli Apostolorum in Congregatione scilicet generali eorum existentium, in dicto Anno Domini 1449 emanata, inter caetera specificabat. Quod licet alias quondam Dominus Benedictus Episcopus Ecclesiae Zagrabiensis praefatos Nobiles alias Castrenses ad solutionem decimarum compellere et adstringere voluerit, Tamen quia iidem Nobiles per praefatum quondam Sigismundum Regem a praescripto conditionario nexu et iugo servitutis modo praenarato exempti et libertati extitissent; Idem etiam quondam Dominus Sigismundus Rex eosdem Nobiles et eorum posteros omnibus privilegiis, gratiis et exemptionibus et libertatibus ad instar caeterorum Regni Slavoniae Nobilium perpetuis temporibus frui et gaudere gratiose permisisset, Ideo sicuti, caeteri veri Nobiles Regnorum Hungariae et Slavoniae eorum antiqua libertate a Divis Regibus Hungariae eis gratiose concessa, a solutione decimarum exempti et supportati fuissent: sic et ipsi Nobiles alias Castrenses maioris Kemlek ab omni solutione Decimarum praedictarum ipsi quondam Domino Benedicto Episcopo Ecclesiae Zagrabiensis et suis successoribus fienda, libertasset et exonerasset et eadem libertate, qua veri Nobiles dictorum Regnorum Hungariae et Slavoniae frui et gaudere consveti fuissent, ipsi Nobiles et eorum universa posteritas uti et frui debere, nec unquam ad solutionem praescriptarum decimarum quoad personas et Curias ac Domos ipsorum proprias, demptis Jobbagyonibus ipsorum, per praefatum quondam Dominum Benedictum Episcopum eiusque snccessores dictae Ecclesiae Zagrabiensis Episcopos compelli et arctari posse vel debere judicialiter decrevisset. Quibus exhibitis, praefati Procuratores dictorum Nobilium Actores eisdem per Nos in praemissis juris aequitatem postularunt impertiri. Quo audito Emericus de Reche, pro memorato Andrea Both de Bayna, cum praefati Domini nostri Regis Litteris procuratoriis nostram exurgens in praesentiam, in Contrarium praemissorum Octo Litteras, unam scilicet dicti quondam Domini Sigismundi Regis privilegialem pariter et confirmatoriam et aliam quondam Domini Mathiae Regis praeceptoriam, tertiam vero Capituli Ecclesiae Zagrabiensis fassionalem, quartam autem quondam Mathiae de Boszna

Capitanei utriusque Kemlek, et Benedicti filii Georgii de Presechnafew, Comitum Terrestrium maioris Kemlek, quintam siquidem condam Hans Apprahar ac eiusdem Benedicti filii Georgii de Presechnafew, sextam denique quondam Georgii Pyers et eiusdem Benedicti filii Georgii, septimam vero eiusdem quondam Georgii Pyers et Pauli filii Mykchez de Czirkvena, Octavam denique et ultimam quondam Georgii filii Stephani de Globoczecz, similiter Capitaneorum et Comitum terrestrium de maiori Kemlek, omnes privilegialiter confectas, Nostrum Judicarium produxit in conspectum. Quarum prima, videlicet praefati quondam Domini Sigismundi Regis Littera privilegialis, sub dupplici et Authentico Sigillo eiusdem per manus Reverendi in Christo Patris Domini Eberhardi Episcopi Zagrabiensis Aulae suae summi Cancellarii fidelis dilecti Anno Domini 1415 Kalendas Augusti, Regni autem sui Anno 17 emanata, habens in se confirmative tenorem quarundam duarum Litterarum, unius scilicet olim Serenissimae Principis Dominae Elisabethae Reginae Matris suae Charissimae, ipsius duplici Authentico impendenti Sigillo privilegialiter tenores quarundam Litterarum quondam Stephani totius Croatiae et Slavoniae Bani, quandam praerogativam Nobilium Jobbagyonum praescripti Castri explicantis, in se confirmative continentes. ac aliam suam, suo secreto Sigillo patenter consignatas, transcribentes verbaliter continentiam quarundam Litterarum Magnifici viri quondam Eustachij dicti Regni Slavoniae Bani, super libertatibus annotatorum Nobilium dicti Castri sui Jobbagyonum in eisdem expressis confectarum. Quarum prima videlicet dictae Dominae Elisabethae Hungariae et Bohemiae Reginae privilegialis, Crisii per manus Reverendi in Christo Patris Domini Valentini &c. Aulae suae summi Cancellarii, duodecimo die mensis Junii Anno Domini Millesimo Trecentesimo Octuagesimo quinto edita, habens in se confirmative tenorem quarundam Litterarum quondam Stephani Slavoniae et totius Croatiae Bani, septimo die Congregationis suae generalis, in profesto Beati Martini Confessoris Zagrabiae celebratae, Anno Domini 1352 editarum, Nos serie informabat: Quod praefatus condam Stephanus Banus in dicta Congregatione sua generali Universis Nobilibus et aliis cuiusvis conditionis, praecminentiae et status hominibus, in Regno Slavoniae existentibus, publica proclamatione facta, feria secunda proxima post festum Beati Martini Confessoris Zagrabiae celebrata, a duodecim Juratis Judicibus Nobilium et Universis Nobilibus praemissae suae Congregationi adhaerentibus fecisset manifeste: Quod Nobiles Jobbagyones Castri Nagy Kemlek ad iuramenta et testimonia tam in factis possessionariis, quam aliis quibuslibet deposita et producta, ad Numerum Nobilium Regni semper computati et assumpti existiissent, et ob hoc iidem Nobiles Jobbagyones Castri Nagy Kemlek, ne huiusmodi eorum libertati in futurum per quempiam aliquammodo possit derogari, Litteras ipsius precum cum instantia ab ipso quondam Stephano Bano ipsis dari petivissent; Ipse igitur quondam Stephanus Banus volens eosdem Nobiles Jobbagyones Castri Nagy Kemlek in praemissa eorum Nobilitate conservare, eisdem annuisset, ut ipsi Nobiles Jobbagyones Castri Nagy Kemlek ad iuramenta et testimonia tam in factis possessionariis, quam aliis quibuslibet deponenda et producenda ad Numerum Nobilium Regni computarentur et assumerentur absque derogamine aliquali. Altera vero earum, videlicet dicti quondam Domini Sigismundi Regis, secreto sigillo suo in Dyaco, octavo die festi Beati Petri et Pauli Apostolorum Anno Domini 1394 emanata, habens in se transumptive tenorem quarundam Litterarum

quondam Eustachy similiter Regni Sclavoniae Bani, sub appendenti et authentico sigillo sui Banatus, Crisii, tertio die Inventionis S. Crucis Anno Domini 1362, Nos inter caetera docebamur: Quod Universi Nobiles Jobbagyones Castri maioris Kemlek eiusdem quondam Eustachy Bani accedendo praesentiam, eidem quaerulose super eo significari curassent: Quod ipsi per Castellanium suum de Kemlek et eius vices gerentem intolerabile periculum et perturbationem non modicam perpassi exstitissent et continuo contra libertatem ipsorum ex inusita sua astutia in eo paterentur: Quod idem Castellanus suus vel eius Vicesgerens, ut bona ipsorum per huiusmodi adinventam eius astutiam opprimere posset, ipsos Jobbagyones Castri suapte saepius sine Causa solus nullo adversario existente in sui praesentiam, non de jure citari feciendo quemcunque vel quoscunque vellet ex eisdem Actor et Judex existens, in plurimorum judiciorum gravaminibus, juxta nutum suae voluntatis damnificaret, et quod quicunque ex ipsis vinum vel bladum suum proprium quocunque ad Ecclesiarum Cimiteria vel ad aliorum hominum domos aut quocunque extra metas ad conservam duceret, Castellanos suos maioris Kemlek et eius Officiales tributum semper ab iisdem contra libertatem ipsorum et eorundem grande praeiudicium non de Jure exigere conaretur, per quod ipsi ad extremae paupertatis inopiam devenissent: supplicantes eidem quondam Eustachio Bano humiliter et devote, ut ipsos ab huiusmodi Angariationum periculis sublevare dignaretur. Ipse siquidem quondam Banus, qui cunctorum sibi subiectorum incomoditatibus invigilare debebat, eosdem Jobbagyones Castri Kemlek de huiusmodi inconveta et omnino juri et justitiae contraria citatione et praemissa indebita tributaria exactione facienda sublevando commisit et earundem serie comisisset, ut a tunc eosdem Jobbagyones Castri Kemlek vel aliquem ex ipsis Castellanus suus de eodem Castro pro tempore constitutus, vel eius Vicegerens, per se ratione alicuius facti in sui praesentiam nullo citari facere posset atque valeret, nisi inter litigantes Judicium et justitiam facere teneretur, moderatione juris requirente; nec ab eorum Vino et Blado proprio quocunque ad Ecclesias vel aliorum Domos aut extra metas ad reponendum deducendum tributum aliquot exigere posset. Igitur idem condan Banus Castellano suo de dicto Castro Kemlek tunc et pro tempore constituto vel ejus Vicegerenti firmiter praecipiendo mandasset, quatenus a tunc praedictos Nobiles Jobbagyones dicti Castri ratione huiusmodi inusitatae citationis nullo modo molestare, nec de eorum Vino et Blado proprio, alias praemisso modo ad reponendum et deducendum aliquod tributum vel tributariam exactionem recipere, sed eosdem in solita libertate ipsorum pacifice et sine omni inquietatione perfrui permetteret, aliud facere non audendo. Secunda vero, puta dicti quondam Domini Mathiae Regis Littera praeceptoraria, ad Commissionem suam propriam, Budae die Dominica proxima post festum beati Joannis ante portam Latinam Anno Domini 1489 emanata, nos eatenus docebat: praefatum quondam Dominum Mathiam Regem non sine displicentia intellexisse: Quod licet universi et singuli Nobiles unius sessionis in pertinentiis Castri sui Kemlek constituti et commorantes semper et ab antiquo ad illud Castrum suum Kemlek pertinuerint, illoque solita servitia facere et certos proventus de medio ipsorum administrare obligati fuerint; Illi tamen paulo ante temporibus praeteritis ipsi de sub Jurisdictione eiusdem Castri sese exceperunt, huiusmodi solita servitia et proventus facere et administrare iam a certis temporibus recusassent. Quia vero ipse condan Dominus Mathias Rex nullo modo voluisset

idem Castrum suum sua antiqua jurisdictione destitui, fidelitati igitur universorum et singulorum Nobilium unius sessionis praedictorum earundem serie praecepisset et mandasset, quatenus acceptis eisdem a tunc in antea ad dictum Castrum suum Kemlek audire, servitiaque solita facere, ac proventus ad ipsum Castrum suum Kemlek de medio eorum ab antiquo fieri debentes semper tempore suo administrare et administrari facere deberent et tenerentur. Nam alioquin strictius commisisset earundem serie fideli suo Egregio Andreae de Labathlan Capitaneo Castri sui Medve &c, ut ipse ipsos Nobiles et quemlibet eorum ad hoc ipsum faciendum per omnia onera et gravamina ipsorum acerius compeleret et adstringeret, autoritate sua earum serie sibi in hac parte attributa mediante. Aliud igitur nulla ratione facere praesumeret. Ex continentis autem tertiae Litterae, videlicet dicti Capituli Ecclesiae Zagrabiensis fassionelis et privilegialis, die Dominico proximo ante Dominicam Oculi Anno Domini 1491 praeterito emanatae, inter caetera informabamur: Quod Andreas Both de Bayna Capitaneus Castri Medve, oneribus Egregiorum Ambrosii et Joannis similiter Both fratrum suorum Carnalium, et aliorum proximorum et consanguineorum suorum in se assumptis, ab una, parte vero ex altera Ladislaus Ribicz de Dragosincz et nonnulli alii Nobiles in eisdem Litteris conscripti, in ipsorum et universorum Nobilium in Districtu Castri maioris Kemlek modo simili oneribus et quibuslibet gravaminibus eorum in se ipsos assumptis, coram Venerabilibus Magistris, Joanne Goricziensi, Martino Chasmensi et Stephano de Rasztovicza, Canonicis eiusdem Capituli, quos idem Capitulum ad instantem et legitimam petitionem dicti Andreae Both et dictorum Nobilium, eo, quod idem Andreas Both et Nobiles praedicti propter discrimina et metum Almanorum, qui tunc in serie Capitulari commorati fuissent, ad ipsam fassionem audiendam de ipsorum medio destinassent, taliter inter caetera concordati fuissent. Quod quandocunque in successu temporum Octavae et Judicia Regni celebrarentur ipsisque Nobilibus dicti districtus maioris Kemlek placitum fieret, ex tunc Universa jura et privilegia, praerogativas et exemptiones Litterasque et litteralia ipsorum Instrumenta et eorum Originalia in ipsis Octavis aut judiciis coram Judicibus ordinariis et Magistris Prothonotariis producere et exhibere possent et valerent. Quod si ea Jura, Privilegia, Praerogativae et Exemptiones Litteraeque et litteralia instrumenta ac eorum Originalia per eosdem Judices Ordinarios et Magistros Prothonotarios efficacia et vigorosa ipsisque Nobilibus dicti Districtus super exemptionibus eorum sufficientes Vigorosaque ac efficacia et approbata ex eorum revisione fore comperta fuerint, extunc iidem Nobiles ab omni jurisdictione, subiectione, jugoque et servitute dicti Andreae Both ac fratrum, prolium et consanguineorum, per consequensque dicti Castri maioris Kemlek, futuris temporibus penitus et omnino absoluti, suportati et exonerati, numeroque et caetui ac catervae aliorum verorum Nobilium huius Regni juncti ac connumerati essent et ipso facto haberentur. Si autem Jura, Privilegia, Praerogativae et Exemptiones, litterae et Litteralia Instrumenta per dictos Nobiles in ipsis Octavis aut judiciis coram praefatis judicibus ordinariis et Magistris Prothonotariis producenda, per eosdem Judices ordinarios et Magistros Prothonotarios super Exemptionibus et Praerogativis minus efficacia et vigorosa comperta fuerint Ex tunc ipsi Andreas Both et fratres eiusdem praefatos Nobiles ipsorumque haeredes Universos sub solutione proventuum et exactionum, in iisdem Litteris fassionalibus denotatorum, absque aliquali superapposito onere et gravamine sive impedimento pacifice et

quiete conservare ac confovere tenerentur et essent obligati. Ex seriebus denique quartae, quintae, sextae, septimae et octavae Litterarum jam fatarum, quondam Mathiae de Boszna, Benedicti filii Georgii de Prezechnafew ac Hans Apprahar, Georgii Pyers et Pauli filii Mikchecz de Cirkvena, Capitaneorum et Comitum terrestrium saepefati Castri maioris Kemlek privilegialium, in diversis Annis et locis post sese emanatarum aperte habebatur: Quod praefati Nobiles in Districtu eiusdem maioris Kemlek commorantes, omnes venditiones, prohibitiones, donationes, protestationes, statutiones et alias quaslibet fassiones, tam in facto possessionario quam etiam aliis factis et negotiis fieri consvetas, coram dictis Comitibus eorum terrestribus fecissent, Ipsique Comites et Capitanei terrestres eiusdem Castri maioris Kemlek, Causas et Lites inter ipsos Nobiles emergentes iudicassent et judicialiter dirimissent. Quibus exhibitis et praesentatis idem Procurator dicti Andreae Both in Causam attracti, in persona eiusdem subjunxit eo modo. Quod licet hoc verum sit, quod praefati Nobiles in pertinentiis dicti Castri maioris Kemlek commorantes certas haberent libertates, quibus ipsi instar aliorum verorum Regni Hungariae sed et Sclavoniae Nobilium usi fuissent et gavis, nonnullis tamen servitiis et proventibus ad Castrum Kemlek praescriptum ab antiquo faciendis administrandisque obligarentur, quibus ultra praescriptam eis concessam libertatem nulla ratione supportati esse valerent, et in eo idem Procurator dicti Andreae Both, in Causam attracti, in verificationem Actionis suae praenotatae, in eo tantum modo, ut iidem Nobiles certa Servitia, Actiones, nec non munera, seu taxas, dicas, in signum recognitionis, Capitaneis seu Castellanis ipsius Castri Kemlek pro tempore constitutis, semper et ab antiquo fecerunt et dederunt, se ad communem inquisitionem submittere velle; antefatis quoque Procuratoribus dictorum Nobilium eosdem Nobiles modo simili in eo: quod ipsi a tempore exemptionis sive libertatiouis eorum, per praefatum quondam Dominum Sigismundum Regem ordine praenarato factae, nunquam alia servitia, seu taxas, actiones, sive aliqua alia munera ipsis Capitaneis vel Castellanis ipsius Castri fecissent et dedissent, dempto tempore impacato; Nam fuerunt certi Capitanei sive Castellani forenses, Allemanni videlicet, homines ex Officio idem Castrum tenentes, qui necdum servitia aut munera, vel taxas, verum etiam per Personarum eorum detentiones universas res et Bona eorum auferri fecissent et ad servitia inconsveta compulissent, et hoc modo simili ad ipsam communem inquisitionem Nobis legitime requirendam submittebant. Ad quam faciendam partibus petentibus per alias litteras nostras, cum easdem partes ad ipsam communem inquisitionem in facto servitiorum solutionis munerum, Actionum, et exactionis taxarum vel dationum ad eandem communem inquisitionem comissemus, iidem procuratores eorundem partium in facto exemptionis seu libertatis et Nobilitationis eorundem Nobilium per Nos iudicium et justitiam elargiri postulabant. Verum licet idem Emericus de Reth, Procurator annotati Andreae Both, in eiusdem ac fratrum eiusdem Andreae nominibus et personis exhibitionem praescriptarum Litterarum in superioribus insertarum, hoc est, ut iidem Nobiles in praescripto Districtu Castri Kemlek maioris constituti et existentes semper et ab antiquo ad idem Castrum praescripta servitia solutionesque munerum, actionum, Dicarum seu taxarum fecisse, facereque debere de praesenti allegaverit; tamen quia praefatus quondam Dominus Sigismundus Rex in praescripto Anno Domini 1430 Supplicationibus praefatorum Joannis filii Osl de Herborth et Magistri Michaelis de Rawen, per ipsos Culmini

suo in eorundem ac praefatorum Universorum Nobilium Castri maioris Kemlek praescripti oblatis, exauditis et admissis, possessiones et terras ipsorum Nobilium Jobbagyonum dicti Castri a nexu et iugo omnique conditionaria servitute praefati Castri et ab eodem Castro eximendo, separando, sequestrando, distinguendoque et removendo, eosdem Nobiles Universos Jobbagyones Castrenses verae Nobilitatis titulo insigniendo, praemissas Universas et totales possessiones et terras eorum cuilibet ipsorum sicuti pro tunc possedissent et in eorum Dominio pacifice extitissent, more suae Donationis, sub sincerae Nobilitatis titulo, cum cunctis earum utilitatibus et pertinentiis in eorundem et sucesorum suorum perpetuam haereditatem adscripsisse, eosdem etiam et eorum posteritates omnibus privilegiis, gratiis, immunitatibus, exemptionibus et libertatibus instar caeterorum Regni Sclavonia verorum Nobilium perpetuis futuris temporibus Authoritate sua Regia et potestatis plenitudine uti, frui et gaudere debere plenarie decrevisse et annuisse, sequae iidem Nobiles ordine praenatarum communium earundem possessionum et portionum possessionariarum nullo Contradictore comparente statui fecisse, expositae antefato quondam Domino nostro Mathia Rege praemissam Donationem dicti quondam Domini Sigismundi Regis eisdem Nobilibus factam, modo simili patrocinio privilegii sui mediante roborasse et confirmasse reperiebantur manifeste. Propter quod praescripti Nobiles eiusdem Districtus maioris Kemlek vigore antefatae exemptionis separationisque et sequestrationis a praescripto Castro Kemlek, nec non Nobilitationis eorundem Nobilium, per jam fatum quondam Dominum Sigismundum Regem ordine praetacto factis, iidem Nobiles in caetum, numerum et catervam verorum Regis et Regni Nobilium connumerari deputarique et adscribi, iidemque Nobiles verae Nobilitatis titulo uti, frui et gaudere debere, praefato Domino nostro Vladislao Regi in eadem sede pro tribunali assidente ac Reverendissimis in Christo Patribus Dominis Thomae Agriensi summo et Secretario Cancellario Regio, Osvaldo Zagrabiensi, Valentino electo et confirmato Varadiensi, Ladislao Gereb Transylvano, Joanni Vesprimiensi, Stephano Sirmiensi et Personalis praesentiae eiusdem Domini Nostri Regis Locumtenenti, et Lucae electo Bosnensi, Thesaurario Regio, Ecclesiarum Episcopis; nec non Dominico Praeposito Albensi, item Spectabilibus et Magnificis Dominis Stephano de Zapolya Comiti Scepusiensi perpetuo et Regni Hungariae Palatino, ac Nobis nec non Comiti Petro de Bozin et de S. Georgio, Ladislao de Losoncz Tavernicorum, Petro Gereb de Vingarth Janitorum, Bartholomaeo Dragffy de Belthewk Cubiculariorum Regalium Magistris, et Nicolao de Hedervara, caeterisque Baronibus et eiusdem Regni Hungariae Nobilibus Magistrisque Prothonotariis et Juratis Assessoribus, Nobiscum in examine huius causae existentibus et in praemissis diutius deliberantibus perspicue cernebatur. Eorundem igitur Dominorum Praelatorum et Baronum Regnique Nobilium, Magistrorum, Prothonotariorum, Juratorumque Assessorum nostrorum quaesito et assumpto superinde Consilio praematurato, praefatos Universos et singulos Nobiles in pertinentiis et Districtu dicti Castri maioris Kemlek commorantes eorundemque haeredes et posteritates Universos, illis omnibus exemptionibus, Nobilitationibus et aliis quibuslibet gratiosis Praerogativis per dictum quondam Dominum Mathiam et Sigismundum Regem eisdem indultis et concessis, tanquam veros Regni Hungariae et Sclavoniae Nobiles praemisso Nobilitatis titulo frui, gaudere atque uti semper et futuris successivis temporibus ip-

sos ac eorum haeredes debere decernentes et committentes, Imo commitimus gaudere, uti atque frui, Authoritate Regia Nobis in hac parte concessa et nostra Iudiciaria mediante. In cuius rei memoriam firmitatemque perpetuam praesentes Litteras nostras privilegiales pendentis et Authentici sigilli nostri munimine roboratas, eisdem Nobilibus Districtus praescripti Castri maioris Kemlek, ipsorumque haeredibus et posteritatibus Universis duximus concedendas Justitia communi savante. Datum Budae praedicto tricesimo nono die Octavarum festi beati Michaelis Archangeli praedictarum, Anno Domini 1492. Nos igitur praemissa supplicatione pro parte memoratorum Universorum Nobilium Districtus praedicti Castri maioris Kemlek, Nostrae modo praemisso porrecta Maiestati, Regia Benignitate exaudita et clementer admissa, praescriptas litteras praefati condam Comitis Stephani de Bathor adiudicatorias et sententionales, non abrasas, non cancellatas, nec in aliqua sui parte suspectas, sed omni prorsus vitio et suspicione carentes, praesentibusque litteris nostris Privilegialibus, de verbo ad verbum sine diminutione et augmento aliquali insertas, quoad omnes earundem continentias, Clausulas et Articulos, eatenus, quatenus eadem rite et legitime existunt emanatae, viribusque earum veritas suffragatur, acceptamus, approbamus et ratificamus. Et nihilominus eas ac omnia et singula in eis contenta, pro praefatis universis Nobilibus Districtus dicti Castri maioris Kemlek, eorumque haeredibus et posteritatibus universis innovantes perpetuo valituras confirmamus, praesentis scripti nostri Patrocinio mediante. In cuius rei memoriam firmitatemque perpetuam praesentes Litteras Nostras Privilegiales Secreto Sigillo nostro, quo ut Rex Hungariae utimur, impendenti communitas, duximus concedendas. Datum Budae in festo Beatae Dorotheae Virginis et Martyris. Anno Domini 1526, Regnorum nostrorum Hungariae et Bohemiae praedictorum &c. Anno decimo.

Tertiarum tenor talis est: Nos Comes Georgius Thurzo de Betthlenfalva. Regni Hungariae Palatinus et Iudex Cumanorum, nec non de Arva perpetuus eisdemque Comitatus Supremus ac perpetuus Comes, et Sacratissimi Principis ac Domini Domini Mathiae, Dei gratia electi Romanorum Imperatoris semper Augusti, ac Germaniae, Hungariae, Bohemiae etc. Regis, Archiducis Austriae, Ducis Burgundiae. Marchionis Moraviae, Comitis Tyrolis et Habsburgi &c., intimus Consiliarius et per Hungariam Locumtenens. Memoriae commendamus tenore praesentium significantes quibus expedit universis: Quod nos, cum ad nonnullorum instantem supplicationem apud Nos propterea factam, tum vero attentis et consideratis fidelibus servitiis Nobilium Sclavorum unius sessionis infra denominandorum, quae ipsi Sacrae primum Regni Hungariae Coronae ac deinde praefatae quoque Sacratissimae Caesareae Regiaeque Maiestati Domino nostro Clementissimo pro locorum et temporum varietate juxta suae possibilitatis exigentiam fideliter exhibuerunt et impenderunt ac imposterum quoque exhibere sese et impendere velle pollicentur, Totales ipsorum Nobilium jam specificandorum portiones possessionarias cum Curiis Nobilitaribus, videlicet Michaelis Chocek in Kobiline. Petri Maydrugh. Stephani Pomper, Nicolai et Stephani Turkovich, Antonii et Matthiae Kuzmich. Joannis Sturlec in Jakussovcz et Felső Radussiczy, Mathiae Voynoveczky aliter Zokach in Voynovczy, Joannis Flyok de Hisanovcz, Stephani Golecz in praefata Hisanovcz, Martini Plavec, Joannis Kesser, Michaelis Striga in Drobkovcz et Zaistovcz, Martini de Ugrinovcz in Popovcz aliter Ugrinovcz, Pauli Golecz de



**Finthovcz** in eadem **Finthovcz** aliter **Breztovicza**, **Martini Chernchich** de **Gostovincz**, **Ladislai Stanek** in praedicta **Gostovincz** et **Rewche**, **Lucae Koos** in **Kolarczy**, **Petri Janschak** in **Lukachovcz**, **Joannis Guzar**, **Petri Zerblinovich**, **Andreae Jussak** in **Bogachevina** aliter **Sipowczy**, **Joannis Mrazovich**, **Georgii Koritich** in **Mrazovcz**, **Pauli Dolecz**, **Michaelis Nemezc** in **Finchovcz**, **Vincza** et **Breztovicza** sic dictis Possessionibus, una cum portione ipsorum Promonthoriali **Velika Obres** nuncupata, omnino in Comitatu **Crisiensi** et Regno **Sclavoniae** existentibus habitas, quae numerum **Triginta** duorum **Colonorum** non excedere, ac in quarum quieto et pacifico Dominio realique usu iidem maiores et progenitores suos utriusque sexus ab antiquo praestitisse, seseque etiam de praesenti pacifice persistere, Litterasque et Litteralia Instrumenta sufficientia habuisse, quae etiam nunc in parte exstare, in parte vero superioribus disturbiorum temporibus a sese deperdita et abalienata esse asserunt. Totum item et omne Jus praefatae Sacratissimae **Caesareae Regiaeque Maiestatis Regium**, si quod sua Maiestas in praetactis totalibus portionibus possessionariis et Curiis Nobilitaribus in antelatis Possessionibus **Kobiline**, **Jakussovcz**, **Felső Radussichy**, **Voynovczy**, **Hisanovcz**, **Drobkovcz**, **Zaistovcz**, **Popovcz** aliter **Ugrinovcz**, **Finthovcz** aliter **Breztovicza**, **Gostovincz**, **Rewcse**, **Kolarczy**, **Lukachovcz**, **Bogachevina** aliter **Sipovczy**, **Mrazovcz**, **Finchovcz**, **Vincza** et **Breztovicza**, nec non portione promonthoriali **Velika Obres**, omnino in annotato Comitatu **Crisiensi** et Regno **Sclavoniae** existentibus habitis, etiam aliter qualitercunque haberet, aut eadem suam ex quibuscunque causis, viis, modis et rationibus concernerent Maiestatem, simul cum cunctis suis utilitatibus et pertinentiis quibuscunque libet, terris scilicet arabilibus, cultis et incultis, agris, pratis, pascuis, campis, foenetis, sylvis, nemoribus, montibus, vallibus, vineis, vinearumque promonthoriis, aquis, fluviis, piscinis, piscaturis, aquarumque decursibus, molendinis et eorundem Locis, generaliter vero quarumlibet utilitatum et pertinentiarum suarum integritatibus, quovis nomine, vocabulo vocitatis, sub suis metis et antiquis limitibus existentibus, ac ad easdem de jure et ab antiquo spectantibus et pertinere debentibus, praemissisque sic ut praefertur stantibus seque habentibus memoratis personis, cuique videlicet eorum in bonis praedecclaratis pro rata et congruenti portione ramumque **Genealogiae**, vel si qui eorum uxorio jure possiderent, eisdem superstitibus, eorum uxoribus nec non etiam fratribus congenerationalibus et condivisionalibus cum ipsis in possessu praenotatorum Bonorum pro nunc persistentibus et portionatis ipsorumque omnium haeredibus et posteritatibus utriusque sexus universis, **Authoritate Nostra Palatinali**, qua etiam hac in parte pleno jure fungimur (si et in quantum ad aliquam Ecclesiam vel **Suae Maiestatis Arcem** non pertinent) novae **Donationis** titulo dedimus, donavimus et contulimus, imo damus, donamus et conferrimus, jure perpetuo et irrevocabiliter tenendas, possidendas pariter et habendas salvo jure alieno. Harum nostrarum pendentis et **Authentici Sigilli** nostri munimine roboraturum vigore et testimonio mediante **Litterarum**, quas praelibata Sacratissima **Caesareo-Regia Maiestas** in formam privilegii sui redigi faciet, dum **Suae Majestati** in specie fuerint reportatae. Datum **Posonii** die **vigesima Tertia Mensis Martii Anno Domini 1613**, **Regnorum Maiestatis Caesareae Regiae Romani primo**, **Hungariae et reliquorum quinto**, **Bohemiae vero Anno secundo**.

**Quartarum Litterarum** continentia sequitur in haec verba: **Spectabili ac Magnifico Domino Comiti Thomae Erdödy de Monyorokerek**, **Montis Claudii** et **Co-**

mitatus Varasdinensis Comiti Perpetuo, Regnorum Dalmatiae, Croatiae et Slavoniae Bano ac Sacratissimae Caesareo-Regiae Maiestatis Consiliario, Domino ipsorum observandissimo. Capitulum Ecclesiae Chasmensis Salutem in Domino. Vestra noverit Spectabilis ac Magnifica Dominatio, Nos Litteras eiusdem introductorias et statutorias Nobis praeceptorie loquentes et directas honore et reverentia, quibus decuit et licuit, recepisse in haec verba: Amicis suis Reverendis Capitulo Ecclesiae Chasmensis, Comes Thomas Erdödy de Monyorokörek, Montis Claudii et Comitatus Varasdinensis Comes perpetuus, Regnorum Dalmatiae, Croatiae et Slavoniae Banus ac Sacrae Caesareo-Regiae Maiestatis Consiliarius, Salutem et Amicitiam paratam cum honore. Dicitur Nobis in personis infrascriptorum unius Sessionis Nobilium in Comitatu Crisiensi degentium, quomodo ipsi uxoresque et fratres eorundem congenerationales et condivisionales in possessu infraspeticandorum Bonorum pro nunc in eisdem persistentes et portionati in Dominium infra declarandarum portionum possessionariarum et Curiarum Nobilitarium, videlicet Michael Chochak in Kobiline, Petrus Maydrugh, Stephanus Pomper, Nicolaus et Stephanus Turkovich, Antonius et Mathias Kuzmich, Joannes Sturlec in Jakussovcz et Felső Radusycsy, Mathias Voynovechky aliter Zokach in Voynovczy, Joannes Fliok de Hisanovcz, Stephanus Golecz in praefata Hisanovcz, Martinus Plavec, Joannes Kesser, Michael Striga in Drobkovcz et Zaistovcz, Martinus Plavec de Ugrinovcz in Popovcz aliter Ugrinovcz, Paulus Golecz de Finchovcz in eadem Finchovcz aliter Breztovicza, Martinus Chernchich de Gostovincz, Ladislaus Zlanek in praedicta Gostovincz et Rewche, Lukas Kooz in Kolarczy, Petrus Lanschak in Lukachovcz, Joannes Guzar, Petrus Zerblinovich, Andreas Jussak in Bogachevina aliter Sipovczy, Joannes Mrazovich, Georgius Koritich in Mrazovcz, Paulus Golecz, Michael Nemezc in Finchovcz, Vincza et Breztovicza, sic dictarum Possessionum, nec non portionis ipsorum promonthorialis Velika Obres nuncupatae, omnino in praedicto Comitatu Crisiensi et hoc Regno Slavoniae existentibus habitorum, vigore novae Donationis Illustrissimi Domini Comitis Georgii Thurzo de Bettlenfalva, Regni Hungariae Palatini et Judicis Cumanorum nec non de Arva perpetui eiusdemque Comitatus Supremi ac Perpetui Comitis ac Sacratissimi Principis et Domini Mathiae, Dei Gratia electi Romanorum Imperatoris semper Augusti, ac Germaniae, Hungariae, Bohemiaeque Regis, Archiducis Austriae, Ducis Burgundiae Consilarii et per Hungariam Locumtenentis, Jurisque Regii ipsos virtute praemissae Donationis perpetuo jure concernentis legitime vellent introire. Super quo Amicitiam Vestram harum serie hortamur et requirimus ac nihilominus Autoritate nostra Judiciaria, qua fungimur Banali, vobis comittimus et mandamus, quatenus acceptis praesentibus. Vestrum mittatis hominem, vestro pro testimonio fidedignum, quo praesente Egregii et Nobiles Michael Harcha de Zamladincz vel Joannes Berdoczy, ac Petrus Zakmardy, Judices Nobilium praeallegati Comitatus Crisiensis, aliis absentibus, homo noster Banalis, per Nos specialiter ad id transmissus, ad facies praedictarum Possessionum Kobiline, Jakussovcz, Felső Radusichy, Voynovczy, Hisanovcz, Drobkovcz, Zaistovcz, Popovcz aliter Vugrinovcz, Finchovcz aliter Breztovicza, consequenterque praenotatarum portionum possessionariarum et Curiarum Nobilitarium in eisdem habitarum, nec non portionis promonthorialis Velika Obres, Vicinis et Cometaneis earundem universis inibi legitime convocatis et praesentibus accedentibus introducat praememoratos ex-

ponentes uxoresque et fratres Congenerationales et Condivisionales ipsorum in Dominium earundem (pro rata portione eorundem) dictique Juris Regii in eisdem habiti, statuatque eosdem, et idem eisdem ipsorum haeredibus et posteritatibus utriusque sexus universis simul cum cunctis suis utilitatibus et pertinentiis quibilibet praemissae novae Donationis ac Juris Regii titulis ipsis incumbentibus, perpetuo possidendas si non fuerit contradictum, contradictores si qui fuerint, evocet eosdem contra annotatas personas, in sedem nostram Banalem, nostri scilicet in praesentiam, ad decimum quintum diem, diei hujusmodi Evocationis, rationem Contradictionis eorundem reddituras efficacem. Et post haec huiusmodi Introductionis et Statutionis seriem simul cum Contradictorum et Evocatorum vicinorumque et Cometaneorum, qui praemissae Statutioni intererunt, nominibus terminoque assignato ut fuerit expediendum Nobis fideliter rescribatis, secus non facturi. Datum Vidovcz Sabbatho proximo ante festum Beatorum Fabiani et Sebastiani Martyrum Anno Domini 1614. Nos itaque Mandatis Vestrae Spectabilis ac Magnificae Dominationis, uti tenemur, obedire cupientes, una cum praefato Nobili Michaelae Harcha de Zamladincz, homine Vestrae Spectabilis ac Magnificae Dominationis Banali, Litteris in praeinsertis inter alios specialiter nominato, unum ex Nobis Venerabilem videlicet Georgium Hozyak Socium et Concanonicum Nostrum ad praemissa Mandata fideliter peragenda nostro pro testimonio transmiseramus fidedignum. Qui tandem exinde ad nos reversi nobis sub Corporali ipsorum Juramento, de et super fidei eorundem executione coram Nobis praestito, uniformiter retulerunt in hunc modum. Quomodo praefatus homo Vestrae Spectabilis ac Magnificae Dominationis Banalis ipso nostro testimonio praesente, feria secunda proxima post Dominicam Invocavit, proxime praeteritam, ad facies praedictarum possessionum Kobiline, Jakusovcz et Felső Radusichy, in praeallegato Comitatu Crisiensi habitarum, Vicinis et Cometaneis earundem Universis, signanter autem Egregiis et Nobilibus Blasio, Mathia et Michaelae Sturbek de Vrechakovcz, Georgio Gerlovich de Gerlocz et altero Georgio Santachich de Vinarcz, aliisque quamplurimis inibi legitime convocatis et praecedentibus, accedendo introduxisset praenotatos Michaellem Chochak in Kobiline, Petrum Maydrugh, Stephanum Pomper, Nicolaum et Stephanum Thurkovich, Antonium et Mathiam Kuzmich, Joannem Sturlez in Jakusovcz et Felső Radussichy, uxoresque et fratres Congenerationales et Condivisionales ipsorum pro rata unius cuiuscunque portione in Dominium earum dictique Juris Regii in eisdem habiti, statuissetque easdem, et idem eisdem ipsorumque haeredibus et posteritatibus utriusque sexus universis, simul cum cunctis suis utilitatibus et pertinentiis quibilibet, praemissae Novae Donationis et Juris Regii titulis, ipsis incumbentibus, perpetuo possidendas, nullo penitus Contradictore inibi apparente, legitimis et continuis tribus diebus praeallegatis, Vestrae Spectabilis et Magnificae Dominationis Banalis et nostro hominibus inibi permanentibus et moram continuam protrahentibus. Tandem his modo praemissis rite et legitime peractis, idem homo Vestrae Spectabilis et Magnificae Dominationis Banalis saepéfato testimonio nostro Vicinisque praeallegatis ac insuper Egregiis et Nobilibus Luca Gerloych de Gerlocz, Stephano Santechich de Vinarcz et Petro Hergh de Tubakovcz praesentibus, feria quinta proxima post praedictam Dominicam Invocavit proxime praeteritam, ad facies praedictarum Possessionum Voynovcz, Hisanovcz, Drobkovcz, Zaistovcz, Popovcz aliter Ugrinovcz,

Finchovcz aliter Breztovicza, Goztovincz, Revcese, Kolarczy, Lukachovcz, Bogachevina aliter Sipovczy, Mrazovcz et Vincza, consequenterque praenotatarum portionum Possessionariarum et Curiarum Nobilitarium in eisdem habitarum, nec non portionis promonthorialis Velika Obres, in antelato Comitatu Crisiensi existentibus et habitarum, accedendo introduxisset praenotatos Mathiam Voynovechky aliter Zakach in Voynovczy, Joannem Flyok de Hisanovcz, Stephanum Golecz in praefata Hisanovcz, Martinum Plavecz, Joannem Kesser in Zaiztovcz (nam memoratus Martinus Plavecz et Michael Striga se in Zaiztovcz nihil habere prout et Ladislaus Ztanek in Revcese sunt fassi coram Nobis, in Donatione enim per errorem Scribae in iisdem Possessionibus essent nominati), Martinum Plavecz de Ugrinovcz in Popovcz aliter Ugrinovcz, Paulum Golecz de Finchevcz in eadem Finchevcz aliter Breztovicza, Martinum Chernchich de Goztovincz, Ladislaum Ztanek in praedicta Goztovincz, praefatum Martinum Chernchich in Revcese, Lucam Koos in Kolarczy, Petrum Janschak in Lukachovcz, Joannem Guzar, Petrum Zerblinovich, Andream Jussak in Bogachevina aliter Sipovcz, Joannem Mrazovich, Georgium Koritich, in Mrazovecz. Paulum Dolecz, Michaellem Nemezc in Finchovcz, Vinca et Breztovicza, uxoresque et fratres Congenerationales et Condivisionales ipsorum pro rata unius cuiuscunque portione in Dominium earundem dictique juris Regii in eisdem habiti statuisset easdem, et idem eisdem ipsorumque haeredibus et posteritatibus utriusque sexus universis simul cum cunctis suis utilitatibus et pertinentiis quibuscumque praemissae Novae Donationis et Juris Regii titulis ipsis incumbentibus, perpetuo possidenda, nullo prorsus Contradictore tunc inibi apparente, legitimis et continuis tribus diebus ipsis Banali et nostro hominibus inibi permanentibus et moram continuam protrahentibus. Verum infra revolutionem sedecim dierum, Sabatho videlicet proximo ante Dominicam Reminiscere proxime praeterito, Nobilis Sigismundus Domjanich in persona Egregii Sebastiani Suppanich, quoad portionem eiusdem ubicunque in praeallegitis Bonis habitam, item feria sexta proxima ante Dominicam Oculi proxime praeteritam Egregius Franciscus Modosoczy, Vice-Comes Comitatus Zagradiensis, in personis Generosae Dominae Christinae Fólnogyevich, Consortis suae, filiae vero Generosae quondam Dominae Annae Bosak et Mathiae Levachich, Michaelis Arras totiusque familiae Bosak, quoad Bona ipsorum in praefata Possessione Kobiline, quae antelatus Michael Chochak ab eisdem protestante titulo pignoris possideret; deinde feria quarta proxima post praetactam Dominicam Oculi proxime praeteritam Nobilis Nicolaus Zenko in persona Nobilis Dominae Ursulae Skropilovich aliter Nagy, Consortis Nobilis Georgii Kasnar, quoad portionem suam in praefata Kolarcz, nostram venientes in praesentiam, praemissae Introductioni et Statutioni Contradictionis velamine obviarunt, eamque inhibuerunt. Ob quam quidem Contradictoriam Inhibitionem Nos diebus suprascriptis antelatos Sebastianum Suppanich medio dicti Sigismundi Domjanich, Christinam Fólnogyevich, Mathiam Levachich, Michaellem Arras tetamque familiam Bosak medio praefati Francisci Modosoczy, et Ursulam Skropylovich aliter Nagy medio praefati Nicolai Zenko evocavimus contra annotatas personas in sedem Banalem, Vestrae scilicet Spectabilis ac Magnificae Dominationis in praesentiam, ad decimum quintum diem diei huiusmodi Evocationis, rationem Contradictionis eorum reddituros efficacem. Et sic Nos eiusmodi Nostrae Executionis seriem simul cum Contradictorum et Evocatorum vicinorum

et Cometaneorum, qui praemissae Statutioni intererant, nominibus, terminoque assignato, ut fuerat expediens, Vestrae Spectabili ac Magnificae Dominationi fideliter rescripsimus. Datum Zagrabiae decimo sexto die diei praenotatae ultimae Executionis Anno Domini 1614. Cessionis autem in praescriptis Litteris super Statutione Relatoriis, dorsaliter insertae sensus sequitur in haec verba: Anno Domini Millesimo sexcentesimo decimo sexto, feria quinta post Festum purificationis Beatae Mariae Virginis, pro Actoribus Martinus Bozdogh cum nostris, et petit rationem dari Contradictionis, in causam attracti omnes personaliter comparentes et totali introscriptae Contradictioni cedunt. Prothonotarius Regni Stephanus Pathachich. Nos itaque hujusmodi humillima supplicatione nominibus et in personis supradictorum Nobilium unius sessionis in annotatis Possessionibus et Comitatu Crisiensi existentibus, Nostrae, modo quo supra, porrecta Majestati, Regia Benignitate exaudita clementer et admissa, praeinsertas quaternas litteras non abrasas, non cancellatas, neque in aliqua sui parte suspectas, sed omni prorsus vitio et suspicione carentes, praesentibus Litteris Nostris Privilegialibus de verbo ad verbum sine diminutione et augmento aliquali insertas et inscriptas, quoad omnes earundem continentias, Clausulas et Articulos eatenus, quatenus eadem rite et legitime existunt emanatae, viribusque earundem Veritas suffragatur, ratas, gratas et accepta habentes, approbavimus, roboravimus ratificavimusque ac pro saepefactis Nobilibus in Possessionibus supradictis et Comitatu Crisiensi existentibus, comorantibus, aliisque ibidem Condivisionalibus ac legitime Comportionatis, iuxta ramum Genealogiae et Comportionalitatis eorundem successoribusque et posteritatibus ipsorum utriusque sexus universis innovantes perpetuo valituras gratiose confirmavimus, Imo acceptamus, approbamus, roboramus, ratificamusque et confirmamus, Salvis Juribus Alienis. Harum Nostrarum secreto Sigillo Nostro, quo prout Rex Hungariae utimur, impendenti Communitarum vigore et testimonio Litterarum. Datum per manus fidelis Nostri Nobis dilecti Reverendi Georgii Szelepcheny, Electi Episcopi Ecclesiae Vesprimiensis Locique eiusdem Comitatus perpetui et Consiliarii Nostri, ac per dictum Regnum Nostrum Hungariae Aulae Cancellarii, in Arce Nostra Regia Posoniensi die Vigesima Nona Mensis Octobris Anno Domini Millesimo Sexcentesimo quadagesimo sexto, Regnorum Nostrorum Romani decimo, Hungariae & reliquorum vigesimo primo, Bohemiae vero Anno decimo nono, Reverendissimis ac Venerabilibus in Christo Patribus Dominis Georgio Lippay de Zombor Electo Metropolitanae Strigoniensis, & Joanne Thelegdino Colocensis & Bachiensis Ecclesiarum Canonice Unitarum Archi-Episcopis, Georgio Jakusich de Orbava Agriensis, Benedicto Kisdý Electo Varadiensis, Martino Bogdan Zagrabiensis, Stephano Simandy Electo Transylvaniensis, praefato Georgio Szelepcheny Electo Vesprimiensis, altero Georgio Szecheny Electo Quinque-Ecclesiensis, itidem Georgio Draskovich de Trakostyan Jauriensis, Ladislao Hoszuthoty Electo Vaciensis, Joanne Risky Electo Nitriensis, Fratre Andrea Francisci Electo Sirmiensis, altero Fratre Georgio Bielavich Electo Tininiensis, Sigismundo Zongor Electo Chanadiensis, Fratre itidem Joanne Chrisostomo de Sancta Petronella Electo Rosontensis, & Petro Mariany Electo Segniensis & Modrusiensis Ecclesiarum Episcopis Ecclesias DEI feliciter gubernantibus; Item Spectabilibus & Magnificis Comite Joanne Draskovich de dicta Trakostyan, praedicti Regni Nostri Hungariae Palatino, Comite Paulo Pálffy de Erdeöd, Iudice Curiae Nostrae Re-

giae, praefatorum Regnorum Nostrorum Dalmatiae, Croatiae & Slavoniae Officio Banali vacante, Comite Stephano de Chyak Tavernicorum, Comite Nicolao a Zrinio Agazonum, Comite Georgio Erdödy de Monyorokerek Cubiculariorum, Comite Ladislao de praenotata Chyak Janitorum, Comite Adamo de Battyan Dapyferorum, Comite Adamo Forgach de Ghymes Pincernarum, Comite Francisco Nadasd Curiae Nostrae Regalium in Hungaria Magistris, ac dicto Comite Paulo Palfy de praelibata Erdeöd Comite Poseniensis, caeterisque quamplurimis Regni Nostri Hungariae Comitatus tenentibus & Honores.

**Ferdinandus m. p.**

**Georgius Szelepcheny m. p.**

Electus Episcopus Vesprimiensis.

**Georgius Orosy m. p.**

*(Locus Sigilli Regii in zona crassiore sericea pendens.)*

**Tenor Indorsationis:**

Anno Domini Millesimo Octingentesimo Tertio, Die vero Decima Mensis May, sub decursu videlicet Judiciorum Sedrialium, Praesentem Copiam coram considerante eotum Sede Judiciaria cum vero et genuino Originali suo de verbo ad verbum collatam eidem, additis marginaliter quidem „omnique conditionario Nexu et Jugo Servitutis“ interlinealiter vero „Janitorum“ ac tandem vocibus „Haeredibus impendenti, convocatis, Gerloich „Hoszuthoty“ correctis per omnia conformem esse recognosco et attestor. Signatum Crisii Anno, Die et Mense quibus supra. Lucas Nemchich Inclyti Comitatus Crisiensis juratus Vicenotarius m. p. Considerantibus Nobis Petro Svagell m. p. Vice-Archidiacono et Parocho Crisiensi, Sedriae Assessore, Joanne Bolla Eiusdem I. Comitatus Sedis Judiciariae Assessore, Georgio Lukinich m. p. I. Comitatus Crisiensis Sedis Judiciariae Assessore, Josepho Kardoss antelati Comitatus Distr. Judlium m. p., Emerico Voynovechky aliter Zokach de Voynovcz I. Comitatus Crisiensis Fiscali Magistratuali m. p. Josepho Mrachich I. Comitatus Crisiensis Sub-Vicecomite m. p.

Ex duobus transumptis, uno in Libro Donationum Regiarum Saecularium in Archivio Regni Croatiae. et altero apud Advocatum M. Mrzović asservato, excerptum.

## CCVII.

*Anno 1647. die 17. Junii. Posonii.*

**Ferdinandus III. Rex Regno Croatiae et Slavoniae de iisdem in Romano-catholica religione conservandis sollemnne diploma dat.**

Nos Ferdinandus Tertius, Dei Gratia Electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniaeque etc. Rex, Archidux Austriae, Dux Burgundiae, Brabantiae, Styriae, Carinthiae, Carniolae, Marchio Moraviae, Dux Luxemburgae, superioris et inferioris Silesiae, Wierthembergae ac utriusque Lusatiae, Comes Habsburgi, Tyrolis et Goritiae etc. Memoriae commendamus tenore praesentium significantes, quibus expedit universis: Qualiter sub decursu Generalis hujus Diaetae et Congregationis Posoniensis fidelis noster Egregius Magister Joannes Zakmardi de Diankovcz, Protonotarius Regni nostri Sclavoniae et Croatiae, ejusdemque Ablegatus ad ipsam Diaetam Nuncius, suo et annotatorum Regnorum nomine, uti ex fidedigna nonnullorum fidelium nostrorum relatione accepimus, in negotio Religionis coram Regnicolis ita sese declarasset, quod annotatum Regnum nostrum Croatiae et Sclavoniae vagam et fluctuantem, liberamque, ut vocant, Religionem habere nollet, sed potius uni certae Catholicae Romanae fidei, sicut hactenus ita etiam in posterum, inhaereret et semper inhaerere vellet, supplicando Maiestati nostrae perquam humillime: quatenus nos sinceram hanc Fidei declarationem et Catholicae Romanae Religioni adhaesionem ratam, gratam et acceptam habere, et auctoritate nostra Regia confirmare et ratificare, et insuper universos Status et Ordines praemissorum nostrorum Regnorum Croatiae et Sclavoniae in una certa Catholica Religione conservare, gratiosumque nostrum Diploma superinde elargiri clementer dignemur. Unde nos singulari illo, quo erga Catholicam Religionem obligati sumus et sponte ducimur zelo et affectu inclinati, memoratam dicti Nuncii declarationem unique certae et verae Catholicae Romanae Religioni adhaesionem pro annotato nostro Sclavoniae et Croatiae Regno ratam, gratam et acceptam habentes, de plenitudine auctoritatis nostrae Regiae ratificamus, roboramus et confirmamus. Et insuper fideles nostros universos eorundem Regnorum nostrorum Status et Ordines praesentes et futuros nostro et successorum nostrorum videlicet Hungariae Regum nomine in verbo nostro Regio assecuramus: quod eosdem Status et Ordines memoratorum Regnorum nostrorum Croatiae et Sclavoniae in vera ipsorum Catholica Romana Religione non modo non impedire, sed potius manutenere et conservare tenebimur et memorati successores nostri tenebuntur et erunt obligati. Harumstrarum secreto Sigillo nostro, quo ut Rex Hungariae utimur, in pen-

amenti comunitarum vigore et testimonio Litterarum. Datum in Arce nostra Regia Posoniensi die decima septima Mensis Junii Anno Domini Millesimo sexcentesimo quadragesimo septimo. Regnorum nostrorum Romani undecimo, Hungariae et reliquorum vigesimo secundo, Bohemiae vero Anno vigesimo.

Ferdinandus m. p.

Georgius Szelepcsény m. p.

Electus Episcopus Nitriensis

Georgius Orosy m. p.

*(Locus Sigilli Regii, in zona sericea coloris albi, cerulei, flavi, et rubri pendentis.)*

Orig. in Archivo Regni Croatiae. Priv. N. 139.

---

## CCVIII.

*Anno 1670. die 6. Augusti. Viennae.*

Leopoldus Rex se Banum brevi nominaturum aliisque postulatis SS. et OO. remedium laturum promittit.

Leopoldus Dei gratia electus Romanorum Imperator semper Augustus ac Germaniae Hungariae Bohemiae etc. Rex.

Reverende, Honorabiles, Spectabiles Magnifici, Egregii et Nobiles, Prudentes item ac Circumspecti, fideles Nobis dilecti. Tam iis, quae per Ablegatos Vestros, fideles utpote nostros, Egregios Ludovicum Vagich, Zagrabiensis et Criesiensis, nec non Franciscum Ladanyi, Varasdiensis Comitatum Juratos Notarios, penes Literas Credentiales oretenus, quam etiam per certas alias quasdam Literas Vestras, medio eorundem transmissas nobis praesentanda habuistis clementer intellectis, etiamnum priori benignae nostrae in negotio Banatus officii factae resolutioni inhaerendum, et consequenter collationem eiusdem aliquantisper adhuc suspendendam esse duximus: Fidelitates vestras in eo assecurantes, beneque de nobis sperare cupientes, quod rationibus vestris praetacto in negotio allegatis Vos quoad idem Officium brevi paterne declaraturi, et circa alia quoque postulata vestra condigna et opportuna quamprimum adhibitori simus remedia, ita ut publicae quieti et tranquillitati iuribusque ac libertatibus Vestris illibate conservandis, paterno affectu a nobis provisum esse certo cognoscatis. Interim autem nulli dubitamus quin exiguam hanc moram aequo laturi sitis animo. Gratia



caesarea et Regia vobis in reliquo iugiter propensi manentes. Datum in Civitate Nostra Vienna die sexta Mensis Augusti Anno Domini 1670.

Leopoldus m. p.

Thomas Palfy m. p.

Electus Episcopus Nitriensis.

Stephanus Orban m. p.

Ex Protocollo Regni Congregationum. Nro. 3.

---

## CCIX.

*Anno 1671. die 7. Januarii. Viennae.*

Leopoldus Rex quosdam Nobiles, Zrinii et Frangepani assecclas, in gratiam recipit, idque SS. et OO. notum reddit.

Leopoldus Dei gratia electus Romanorum Imperator semper Augustus, ac Germaniae, Hungariae, Bohemiae &c. Rex.

Reverende, Honorabiles, Spectabiles, Magnifici, Egregii et Nobiles, Prudentes item ac Circumspecti, fideles Nobis dilecti. Benigne vobis intimatum esse volumus, fidelem nostrum nobis dilectum Consiliarium, Camerarium et Generalem Excubiarum Praefectum, nec non Confiniorum nostrorum Croaticorum Maritimarumque Collonellum, Spectabilem et Magnificum Joannem Josephum Comitum ab Herberstain, Francisco Berislavich, Caspari Cholnich, Ladislao Chernokoczy, Georgio Gotthal, Stephano Gereczy, Georgio Mallinich, Balthasari Pogle-dich et Joanni Kamenian, vigore proclamatis, contra Comites a Zrin et Frangepani, die vigesima Mensis Martii Anni recenter evoluti, emanati, dum videlicet partes eorundem Comitum deserrendo subito sese cum suis ad signa praefati Comitum ab Herberstain contulissent, erroremque, quem ab initio falsa praememorum Comitum a Zrin et Frangepani persuasione commiserant, per hoc correxissent, nomine nostro, ex benigna tamen annuentia et Commissione nostra, gratiam et absolutionem promississe dedisseque; quam promissam et simul etiam datam Nos quoque, habitis praevis sufficientibus a fidelibus nostris intimis Graecensibus Consiliariis desuper informationibus, de Regiae Nostrae potestatis ple-

nitudine et gratia speciali clementer confirmavimus, illosque ab omni Rebellionis suspitione absolvimus, nec non singulis eorundem in pristinum statum tam circa honores et dignitates, quam etiam Bona hunc in modum restituimus, ut iis eadem confiscata Bona (exceptis fructibus medio tempore perceptis) per Cameram nostram Hungaricam quandocunque restituantur atque resignentur. Confidentes eosdem Caesaream, ac Regiam hanc benignitatem, gratiam et clementiam Nostram profunda animorum submissione agnituros, debitaque fidelitate ac devotione sua quibusvis affulgentibus in occasionibus omnino reposituros, vel maxime autem se imposterum a nemine seduci aut detineri passuros, verum ad ultimum usque vitae halitum fideles et obsequentes subditos exhibituros. Alioquin hanc gratiam et absolutionem nostram iis modo praemisso factam minime volumus suffragari. Quocirca fidelitates vestras harum serie benigne hortamur, firmiter mandantes, quatenus amodo deinceps praefatos Berislavichium, Cholnichium, Chernkoczium, Gotthodium, Gereczium, Mallinichium, Pogledichium et Kamenianum pro veris fidelibus nostris agnoscere ac tenere neque iis Notam hanc ullo unquam tempore quovis modo objicere, vel exprobrare velitis ac debeatis. Secus itaque nullatenus facturi. Gratia Nostra Caesarea et Regia vobis in reliquo clementer propensi manentes. Datum in Civitate nostra Vienna die decima Mensis Januarii. Anno Domini Millesimo sexcentesimo septuagesimo primo.

Leopoldus m. p.

Thomas Palfy m. p.

Electus Episcopus.

Stephanus Orban m. p.

*A tergo :*

Lectum et Compositum cum Originali per me Magistrum Nicolaum Pathatic de Zaiezda, Prothonotarium Regni. Idem.

Orig. in Archivo Regni Croatiae. Priv. N. 110.

## CCX.

*Anno 1673. die 29. Januarii. Viennae.*

**Privilegium a Leopoldo I. Rege oppido Cirkveno, tardius  
Confinio militari via facti incorporato, concessum.**

Nos Leopoldus Dei Gratia electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Slavoniae, Ramae, Serviae, Galliciae, Lodomeriae, Cumaniae, Bulgariaeque Rex &c. Archidux Austriae &c. Memoriae commendamus tenore praesentium significantes quibus expedit universis. Quod cum ampla Principum liberalitas in munificentia & beneficiorum suorum subditorum remuneratione consistat, recte ac sapienter a vetustissimis Imperatoribus & Regibus factum esse judicamus, dum singulos secundum merita amplitudine beneficiorum prosecuti sunt. Quos sicut in aliis optimo Principe Dignis virtutibus, ita hac quoque in parte libenter imitamur, & propterea ad universorum cum praesentium, tum futurorum notitiam harum serie volumus pervenire: Quod fideles nostri strenui incolae ac inhabitatores universi Oppidi, Castellique & Territorii Czirqueno omnino in Regno nostro Slavoniae & Comitatu Crisiensi existentes habiti, alias quidem antea ad fidelem nostrum, Nobis dilectum Spectabilem & Magnificum Joannem Josephum Comitem ab Herberstein, Liberum Baronem in Neuberg & Guettenhag, Dominum in Lankovicz &c., Camerarium & Consiliarium nostrum spectantis, Majestati Nostrae humillime repraesentarint; qualiter videlicet idem Comes dictum Oppidum, Castellumque ac Territorium simul cum omnibus pertinentiis, Colonis, Inquilinis, terris arabilibus cultis & incultis, agris, pratis, campis, pascuis, pascuationum locis, foenetis & foenilibus, sylvis, nemoribus, montibus, collibus, vallibus, vineis, vinearumque promontoriis, juribus Montanis, Teloniis, Jure gladii, nundinis, metalibus, pontibus, aquis, fluviis, piscinis, piscaturis, pisciumque clausuris, aquarum decursibus, molendinis & eorundem locis, generaliter vero quarumlibet utilitatum ac pertinentiarum suarum, integritatibus, quovis nominis vocabulo vocitatis, ad praenotatum Oppidum, Castellumque ac Territorium Czirqueno de jure & ab antiquo spectantibus & pertinere debentibus, iisdem Oppidanis & Incolis, ipsorumque haeredibus & posteritatibus utriusque sexus universis in & pro florenis Rhenensibus septem millibus, certis, et iis rationabilibus de causis, modisque ac motivis ipsum ad id inducentibus, median-  
tibus certis litteris fidelium nostrorum Honorabilium Capituli Ecclesiae Zagrabiensis Fassionalibus eatenus sub authentico ejusdem sigillo confectis & emanatis, coramque Cancellaria Nostra Hungarica Aulica in Specie productis, dedisset, vendidisset ac inperpetuasset, Dominiumque illorum de manibus suis, per manus ipsorum Oppidanorum & Incolarum mox & ipso facto apprehendere permisisset, jure perpetuo & irrevocabiliter tenentium, possidentium pariter & habentium, nihil

juris, nihilque Dominii aut proprietatis pro se aut suis, quorum scilicet onera in se assumpsisset, reservando, sed totum et omne jus suum, omnemque juris & Dominii proprietatem, quod & quam in praetacto Oppido, Castello ac Territorio Czirkueno, cunctisque eorum pertinentiis habuisset, aut suos, quos supra in futurum habere posse sperasset, in praememoratos Oppidanos & Incolas ipsorumque praenominatos universos transtulisset, derivando & derivasset transferendo, pleno jure et reali cum affectu. Ac insuper universas literas & litteralia instrumenta factum Oppidi, Castelli ac Territorii jam factorum, pertinentiarumque eorundem universarum tangentium & concernentium, manibus Oppidanorum & incolarum illorum tradidisset & assignasset, prouti tradidit & assignavit, eosque tali pacto ab omnibus colonialibus Servitiis & Obligationibus eliberasset ac emancipasset, eliberavitque & emancipavit. Unde supplicatum exstitit Majestati Nostrae, pro parte mentionatorum Oppidanorum & Incolarum debita cum Instantia humillime, quatenus eosdem, in iisdem Oppido, Castello ac Territorio, universisque eorum pertinentiis, nec non privilegiis, libertatibus, juribus ac immunitatibus in se per antelatum Comitem ab Herberstein modo praevio translatis, non solum conservare, verum etiam in numerum ac ordinem reliquorum Regionum & Liberorum Regni Nostri Hungariae partiumque ei adnexarum Oppidorum adscribere & cooptare, tituloque Regii ac Liberi Oppidi Nostri exornare, denique in peculium Nostrum ad instar Civitatis Nostrae Montis Graecensis Zagrabiensis, aliarumque Regnorum Nostrorum Croatiae & Sclavoniae Civitatum recipere, eosque cunctis illarum Privilegiis ac immunitatibus frui permittere dignaremur. Quorum nos humillima Supplicatione Regia benignitate exaudita, Clementer & admissa, eosdem in praemissis omnino conservare, iisque libere uti permittere, ac per alios, quorum interest vel intererit conservari, utique permitti facere volumus. Et insuper cerae viridis in sigillando, et quavis sigilli eorum authentici, Tempellum nempe unum & turriculam cruce insignitam, hacce cum circumscriptione: *Sigillum Oppidi Regii Czirkueno*, repraesentantis impressione, quo scilicet impostero fataris semper temporibus tam ipsi, quam posteri, successoresque illorum universi, uti valeant, clementer concedimus. Et nihilominus benignum habentes respectum fidelitatis ac fidelium servitiorum & constantiae ipsorum, impraesentiarum usque, tam pacis, quam belli temporibus, Augustae Domui Nostrae Austriacae inviolabiliter conservatae, ex speciali gratia nostra volumus ac decernimus, quatenus iidem, dictique posteri & successores ipsorum, non modo Privilegiis ac immunitatibus illis per praedectarum Comitem ab Herberstein in se, eo, quo praemissum est modo translatis, sed illis quoque universis Statutis, libertatibus Juribus & Consuetudinibus, quibus alia Oppida nostra Regia, potissimum autem praetactorum Regnorum nostrorum Croatiae & Sclavoniae Civitates nostrae, tam juxta Privilegia ipsis a Divis quondam Hungariae Regibus, praedecessoribus Nostris colendissimis gloriosae reminiscendae concessis, quam constitutiones & Leges eorundem Regnorum Nostrorum utuntur, fruuntur et gaudent, perpetuis semper temporibus libere uti, frui & gaudere, Judicemque & Senatum ac alios etiam Officiales, ad instar earundem Civitatum Nostrarum creare & constituere possint. Quo autem erga ipsos Oppidanos & Incolas, ob conservatam nobis praerepetitam fidem ac fidelitatem suam, Nostrae gratiae ac Clementiae adhuc uberius exstet testimonium, ad devotam & humillimam eorundem instantiam ac certorum fidelium Nostrorum, praesertim vero Supranominati Comitum ab Herberstein penes

ipsum factam intercessionem & recommendationem, habito etiam Camerarum Nostrarum Aulicae & Hungaricae superinde voto ac opinione, de Regiae nostrae potestatis plenitudine eosdem Oppidanos & Incolas in numerum ac ordinem aliorum Liberorum Regionumque Oppidorum Nostrorum recipiendos, aggregandos & Oppidum Nostrum Regium, quod felix faustumque Deus O. M. esse velit, nominandum ac intitulandum duximus, statuantes & clementer ac per expressum decernentes, ut iidem Oppidani & Incolae a modo deinceps futuris ac perpetuis semper temporibus, cum praespecificatis omnibus bonis, ad praenotatum Oppidum, Castellumque ac Territorium Czirkueno de Jure & ab antiquo spectantibus & pertinere debentibus, pro Libero ac Regio Oppido nostro, instar aliorum Oppidorum Nostrorum, ab omnibus fidelibus subditis & Regnicolis nostris Hungariae, Croatiaeque & Slavoniae agnosci, scribi, dici, nominari ac intitulari debeat. Ita tamen & ea conditione, ut ipsi Oppidani & Incolae Czirkuenovienses sese in omnibus Oppidis, Civitatibusque nostris Liberis ac Regiis conformare & ab ingratitudinis ac infidelitatis nota & macula, sub poena amissionis & ablationis hujus ac aliorum praemissorum omnium Privilegiorum & libertatum suarum, quam ipso facto incurrunt, perpetuo sibi cavere, hocque insigne beneficium & non vulgarem gratiam & clementiam nostram, in ipsos collatam de nostra Majestate & consequenter praetitulata Augusta Domo nostra, haeredibusque & successoribus nostris legitimis nimirum Hungariae Regibus omni fide, constantia & fidelitate jugiter demereri studere debeant ac teneantur. Imo conservamus, anuimus, concedimus, recipimus, annumeramus, adscribimus, cooptamus, exornamus, nominamus, intitulamus, statuimusque ac decernimus; praesentibus Privilegii Nostri patrocínio mediante. Salvo jure alieno. In cujus rei memoriam, firmitatemque perpetuam hasce Litteras nostras Privilegiales secreto sigillo Nostro, quo ut Rex Hungariae utimur impendentis munimine roboratas, saepefatis Oppidanis & Incolis Czirkuenoviensibus, ipsorumque posteris & successoribus universis perpetuo valituras gratiose dandas duximus & concedendas. Datum per manus fidelis Nostri, nobis dilecti, Reverendi Thomae Pálffy ab Erdöd Episcopi Ecclesiae Nitriensis, locique & Comitatus ejusdem supremi ac perpetui Comititis, Consilarii Nostri & per Suprafatum Regnum Nostrum Hungariae Aulae Nostrae Cancellarii, in Civitate nostra Vienna Austriae, die vigesima nona Mensis Januarii, Anno millesimo sexcentesimo septuagesimo tertio. Regnorum Nostrorum Romani decimo quinto, Hungariae & reliquorum decimo octavo, Bohemiae vero anno decimo septimo.

Leopoldus m. p.

(L. S.)

Thomas Pálffy m. p.

Episcopus Nitriensis.

Stephanus Orbán m. p.

*A tergo :*

Anno Domini Millesimo sexcentesimo septuagesimo quinto, die duodecima Mensis Februarii, in generali Dominorum Statuum & Ordinum Regnorum Dalmatiae, Croatiae & Slavoniae Congregatione Varasini celebrata, praesentes

Litterae Privilegiales praesentatae, publicatae & acceptatae sunt, solo duntaxat egregio Budor ex parte sua & reliquorum foeminini sexus hominum Familiae Kerechenianae eidem Privilegio super incorporatione & acceptatione contradicente.

Magister Ludovicus Vagics de Nagy Mlaka m. p.

Protonotarius Regni.

Ex supplici Libello L. et R. Oppidi Cirkveno, Comitii Regni Hungariae porrecto et typis vulgato.

## CCXI.

*Anno 1673. die 30. Julii. Viennae.*

Leopoldus Rex stipendia pro confiniaria militia promittit; Locumtenentem Bani ultro quoque suo officio fungi vult; renovationem diplomatis de fidelitate Croatorum spondet.

Reverende, Honorabiles, Spectabiles, Magnifici, Egregii et Nobiles, Prudentes item ac Circumspecti, fideles nobis dilecti. Ea omnia, quae tam per Litteras Supplicesque Libellos, quam per Ablegatos Vestros Maiestati nostrae diebus hisce praeteritis demisse proponenda repraesentandaque habuistis, clementer intelligentes, hoc ut sequitur modo nosmet eatenus punctatim resolvimus.

Et primo quidem quoad Militiam nostram confiniariam ad pristinum numerum redigendam, solutionemque illius maturandam et accelerandam, eandem haud ita pridem ad Mille Capita reductam pro vigiliis obeundis Regnorumque horum nostrorum defensione, modo in locis Stationum suarum et Praesidiis Nostris constanter permaneat, sufficere posse iudicantes, Camerae Nostrae Aulicae serio commisimus, ne solutionem illam confiniariam ullo modo amplius differat, verum ad debita sua loca praetacta videlicet nostra Confinia propediem expediat et pro futuro de medio in medium Annum ordinarium Militem nostrum Confiniarium exolvat. Cui benignae Nostrae dispositioni et Mandato eandem Cameram Nostram ex debito officii sui rite satisfacturam nulli dubitamus.

Secundo circa Officium Banatus. Cum modernus eiusdem Locumtenens fidelis utpote noster Spectabilis et Magnus Comes Nicolaus Erdödy de Monyorokerek, Montis Claudii et Comitatus Varasdinensis perpetuus Comes, Praesidii Nostri Petrinensis Supremus Capitaneus, Camerarius et Consiliarius noster, idem officium cum plenaria autoritate effective et actualiter exerceat, fidelibusque nostris Regnicolis vigore huiusmodi sibi concessae autoritatis Juris et Justitiae complementum administrare valeat, ideoque in solo duntaxat nomine sit differentia, nihil pro nunc hac in parte immutari, verum tali quoque modo et sub

dicto praefati Locumtenentis titulo mentionatum exerceri posse Banatum. Unde prioribus benignis nostris eatenus factis Resolutionibus etiamnum inhaerendum statuimus.

Tertio, quantum porro petatum a nobis ex parte vestra diploma concernit, plurima, eaque rara illibatae Fidelitatis et Constantiae vestrae argumenta cum alias semper, tum vero hisce proxime praeteritis perniciosarum seditionum temporibus luculenter declarata gratissima mente recolentes, clementer quidem annuimus, ut diploma illud a Sua Sacratissima quondam Caesarea Regiaque Maiestate Domino Genitore Nostro desideratissimo Gloriosae reminiscantiae Vobis concessum, pro moderno rerum Statu immutari, renovari, confirmari possit.

Quarto demum ac ultimo quoad tuitionem ac defensionem Privilegiorum, Juriumque ac Immunitatumstrarum. Ea quoque in parte condignam Vestrum omnium rationem habentes, per Cancellariam nostram Austriacam Aulicam et Consilium Bellicum iam ubique, debitis nimirum in locis, intimari publicarique fecimus, ne Vobis aut Vestrum alicui in Juribus suis nobilitaribus ullum per Militiam nostram Germanicam praeiudicium adferatur vel generetur. Per hoc enim quod Nobilis Michael Mikula tanquam seditiosus et criminis laesae Maiestatis aliqua in parte reus Jureque Regio captus et incarceratus fuisset, nihil praerogativis Jurisdictionique Vestrae derogatum esse vobis persvasum habere velitis.

Et haec erant, quae fidelitatibus Vestris, eo quo praemissum est modo ac ordine, responsi loco breviter insinuanda intimandaque habuimus. Iisdem in reliquo gratia nostra Caesarea et Regia iugiter propensi manentes. Datum in Civitate nostra Vienna die trigesima Mensis Julii. Anno Domini Millesimo Sexcentesimo Septuagesimo tertio.

Leopoldus m. p.

Thomas Pallfy m. p.

Episcopus Nitriensis.

Stephanus Orban m. p.

Originale in Archivo Regni Croatiae.

---

## CCXII.

*Anno 1677. die 9. Augusti. Viennae.*

**Leopoldus Rex SS. et OO. significat, se necdum posse votis eorundem nominatione realis Bani satisfacere.**

Reverendo, Honorabilibus, Spectabilibus, Magnificis, Egregiis et Nobilibus, Prudentibus item ac Circumspectis N. N. Regnorum Nostrorum Dalmatiae, Croatiae et Sclavoniae universis Statibus et Ordinibus etc. Fidelibus nobis dilectis.

(Part I. Privil. et Libert.)

Leopoldus Dei gratia electus Romanorum Imperator semper Augustus ac Germaniae, Hungariae, Bohemiae Rex. Reverende, Honorabile, Spectabile, Magnifico, Egregii et Nobiles, Prudentes item ac Circumspecti, Fideles nobis dilecti. Ea, quae fidelitates vestrae penes literas Credentiales, medio certorum Ablegatorum suorum, utpote fidelium itidem nostrorum, Honorabilis ac Magnifici Alexandri Ignatii Mikulich de Brukonowcz, Archi-Diaconi Cathedralis et Canonici Capituli Ecclesiae Zagradiensis, nec non Egregii Petri Antolchich, Vice Comitum Comitatus Crisiensis, occasione fidelis aequae nostri Locumtenentis Bani Comitum Nicolai Erdeödy de Monyorokerek &c. plenario Banali titulo et munere decorandi Majestati nostrae demisse exhibitas, repraesentata esse voluerunt, benigne intelleximus.

Et quamvis benigna mens nostra et intentio ea fuerit, ut pro Paterno, quo erga Fidelitates vestras et vestrum singulos ferimur favore et affectu, omnia illa, quae ad salutem et permansionem libertatumque ac immunitatumstrarum conservationem spectare videntur, debitis ac optatis proficiant incrementis; Demissa tamen iterata vestra ratione dicti Banalis Officii ad pristinum suae integritatis plenitudinis et nominis statum reducendi instantia, quominus hic et nunc admitti, quin potius tantisper suspendi debuerit, praegnantibus quaedam ac maioris importantiae et indaginis rationes obstiterunt.

Interim curae nostrae erit, ut memoratum Officium absque longiori dilatione, uti nempe nobis opportunum magis et expediens visum fuerit, Personae a vobis recommendatae, utpote praeinominato Comiti Nicolao Erdeödy, ob praeclara etiam ipsius et Illustris Familiae suae benemerita, modo supradecarato conferatur, fidelitatesque Vestrae experiantur, quam specialem illibatae earundem erga nos et Augustam Domum Nostram Austriacam multis argumentis contestatae fidelitatis et constantis devotionis servemus memoriam et respectum. Gratia benignitateque nostra Caesarea et Regia iisdem fidelitatibus vestris in reliquo iugiter propensi manentes. Datum in Civitate nostra Vienna die nona mensis Augusti Anno Domini Millesimo Sexcentesimo Septuagesimo Septimo.

Leopoldus m. p.

Thomas Palfy m. p.

Episcopus Nitriensis.

Stephanus Orban m. p.

Ex Protocollo Regni Congr. in Archivo Regni Croatiae asservato.



## CCXIII.

*Anno 1680. die 27. Aprilis. Viennae.*

**Leopoldus Rex SS. et OO. hortatur, ut quo maiore numero contra Turcas insurgant seseque copiis belliducis Leslie adjungant.**

**Leopoldus Dei Gratia Electus Romanorum Imperator semper Augustus, ac Germaniae, Hungariae, Bohemiae &c. Rex.**

Reverende, Honorabiles. Spectabiles item ac Magnifici, nec non Egregii et Nobiles, Fideles Nobis dilecti. Durantibus adhuc imo ingravescentibus magis Belli Turcici motibus, summe necessarium esse iudicavimus, ut maiori, quo fieri poterit numero, auctus Exercitus Christianus ad fluvium Dravum rursus constitutatur; intuitu cuius avitam generositatem et virilem ac heroicam in perniciemque perfidi hostis illius Turcae semper promptum et alacrem animum Vestrum considerantes, intermittere nequivimus, quin ad renovandum hunc continuandumque iusti furoris impetum, ad intersurgendum videlicet iterum contra praedictum truculentum hostem vos denuo hortaremur et paterne admonemus, spe firma freti. quod promissionis Vestrae, quam in abducto nuper illic hybernante, et aliis Fidelibus nostris satis iam antea et ultra vires aggravatis, superinducto Milite Nostro Germanico nobis dedistis, ita et innatae heroicae Virtutis vestrae memores, praesentem adipiscendae gloriae occasionem, seposita omni cunctatione una Arma et ferrum prompte atque avidae sitis arrepturi.

Unde vos hisce paterne requirendos esse duximus, serio etiam iisdem committentes: quatenus penes intimum Consiliarium nostrum et Camerarium inferiorisque Austriae Consilii Aulae Bellici Praesidem, Campi Mareschalum et constitutum Collonellum, Jacobum Comitem de Leszlie, pro gloria Gentis Vestrae cum Copiis Vestris, Armis aliisque ad belligerendum quam optime instructi, insurgere, praetactumque christianum exercitum numeroso milite augere, et ipsi operationibus consveta correspondentia mediante pro viribus ita assistere velitis ac debeatis, ut conatus hostium non solum reprimi semper, sed ipse hostis etiam auxiliante Divino Numine coniuncta virtute vestra gloriose profligari valeat. Facturi estis in eo rem Officio suo congruam, defensionis Patriae proficuum, et praememoratae promissioni Vestrae conformem, vobis vero totique Christianitati summe gratam atque acceptam. De reliquo vobis Caesarea et Regia Gratia Nostra

benigne propensi manentes. Datum in Civitate nostra Vienna Austriae die Vigesima Septima Mensis Aprilis Anno Domini M.D.C.LXXX.

Leopoldus m. p.

(L. S.)

Joannes Gubasoczy m. p.  
Archiepiscopus Collocensis.

Joannes Maholany m. p.

Orig. in Archivo Regni Croatiae.

---

## CCXIV.

*Anno 1681. die 1. Novembris Sopronii.*

Leopoldus I. Rex Nuncios Regni Croatiae et Slavoniae in Diaeta Regni Hungariae contra conclusionem ejusdem intuitu Augustanae et Helveticae confessionis solemniter protestatos fuisse testatur.

Nos Leopoldus Dei Gratia Electus Romanorum Imperator semper Augustus, ac Germaniae, Hungariae, Bohemiae, Dalmatiae, Croatiae, Sclavoniaeque &c. Rex, Archidux Austriae, Dux Burgundiae, Brabantiae, Styriae, Carinthiae, Carnioliae, Marchio Moraviae, Comes Habspurghi, Tyrolis et Goritiae &c. Memoriae commendamus tenore praesentium significantes, quibus expedit universis. Quod Feria secunda proxima post Dominicam decimam octavam Sacrosanctae et individuae Trinitatis in Anno modo labente Millesimo Sexcentesimo Octuagesimo primo proxime transacta, praeteritam hic in Libera Regiaque Civitate nostra Soproniensi et Comitatu nominis ejusdem adiacente habita, sub Termino videlicet Generalis praedicti Regni nostri Hungariae et Partium eidem annexarum Diaetae, universis fidelibus nostris Statibus ac Ordinibus in diem vigesimam octavam praeterlapsi Mensis Aprilis in eandem Civitatem nostram pro pertractandis publicis attacti Regni nostri Hungariae et Partium praescriptarum negotiis per Maiestatem nostram Regiam clementer indictae ac promulgatae, fidelis noster Egregius Magister Petrus Antolchich, praelibatorum Regnorum nostrorum Dalmatiae, Croatiae et Sclavoniae Protonotarius, uti etiam eorundem Regnorum nostrorum ad praesentem Generalem Diaetam Ablegatus Nuncius, e medio reliquorum Regnicolarum nostrorum nostram personalem exurgens in praesentiam, per modum solennis Protestationis, Contradictionis, Inhibitionis et Prohibitionis tam suo, quam annotatorum Principalium suorum nominibus et in personis detexit et significavit, detegique et significari curavit hunc in modum. Quod cum videlicet certa quaedam praetensa Augustanae et Helveticae Confessionis addictorum gravamina in re et negotio Religionis ipsorum concinnata publico in Consessu attactorum Regnicolarum no-

strorum proposita fuissent, ac ex parte quoque Maiestatis nostrae Regiae secutae eatenus benignae Resolutionis puncta seu Capitulationes iisdem Augustanae Helveticaeque Confessionis addictis pro bono pacis et tranquillitate praefati Regni nostri Hungariae, eiusdemque paterna cura et sollicitudine nostra gratiose imperitae perfecta exstitissent. Extunc idem Magister Protonotarius, interposita eatenus solenni protestatione de non consentiendo in eandem benignam Resolutionem nostram eiusque universa Puncta et quaslibet Capitulationes, neve eadem et eadem de praenotatis Regnis nostris Dalmatiae, Croatiae et Sclavoniae intelligantur, ne quidquam Juribus ipsius protestantis et dictorum Principalium suorum praeiudicare possit et valeat quoquo modo de praesenti vel etiam in futurum. Qua eiusmodi exaudita et bene intellecta, praementionatorum Augustanae et Helveticae Confessionis addictorum Ablegati et Plenipotentarii protestationi ibidem una cum caeteris Regnicolis in Domo Consessus soliti existentes, nihil se in praelibatis Regnis nostris Dalmatiae, Croatiae et Sclavoniae quoad praemissa gravamina, postulationes et Instantias suas et suorum Principalium, praeviaeque benignae Resolutionis nostrae Puncta et Capitulationes, inductionesque aut quascunque excoGITABILES interpretaTiones et formalitates, sanciendos denique forsitan superinde articulos, Leges vel Statuta postulare, aut quovis sub praetextu vel colore habere velle, multo minus praetendere uno ore conclamantes respondissent, unanimique voce et voto assecurassent, imo sponte ac benevole ultroque in eandem antelati Protestantis contradictionem, Inhibitionem et protestationem modo, quo supra, factam consensissent, eandemque acceptando ratam, gratam atque firmam pronunciassent. Unde tam coram Eadem praesentia nostra Regia, quam et antelatis universis Statibus et Ordinibus iterum atque iterum superinde solenniter protestando, universis et singulis praeviae benignae Resolutionis nostrae punctis et capitulationibus nostris contradixisset, eademque et easdem prohibuisset et inhibuisset, prout protestatus fuisset contradicendo, inhibendo et prohibendo contradiceret, denique et inhiberet prohiberetque protestando palam, publice et manifeste. Harum nostrarum Sigilli nostri Judicialis et authentici, apud praememoratam praesentiam nostram habiti, munimine roboratarum vigore et testimonio Litterarum mediante. Datum in praeattacta Civitate nostra Soproniensi pro Festo omnium Sanctorum Anno Domini Millesimo Sexcentesimo Octuagesimo primo supranotato.

Leopoldus m. p.

*(Locus Sigilli Judicialis Regii.)*

In dextro inferiori margine.

Lecta et extradata per me Stephanum Urban Altetitulatæ Suae Sacrae Caesareae Regiaeque Maiestatis Personalis Praesentiae in Judiciis Locumtenentem et Consiliarium m. p.

Orig. in Archivo Regni Croatiae. Priv. N. 140 1/2.

## CCXV.

*Anno 1683. 21. Julii. Passaviae.*

**Leopoldus Rex Banum requirit, ut quo majores copias in Regno colligat, quae a Turcis obsessae Viennae in auxilium mitti possent.**

**Leopoldus Divina fauente clementia Electus Romanorum Imperator Semper Augustus.**

Spectabilis ac Magnifice, fidelis Nobis sincere dilecte. Notum erit, hostiles Turcarum et Tartarorum copias, rupto ad Arrabonem passu, non solum partem Regni Hungariae, sed etiam Austriae vndequaquam caede, incendio, rapina, adeoque ferro flammaque cuncta devastasse, et tandem numerosum Exercitum Turcicum vsque ad maenia ciuitatis Viennensis penetrasse, quae etiamnum ex aliquot suggestibus tormentis quattuntur, Praesidio nostro interea se valorose defendente. Nunciatur, omnes ferme, paucis exceptis, in regno Hungariae manus dedisse, atque ad contrariam inclinare partem.

Nos autem continuo fidelitatis et erga Nos Domumque Nostram Austriacam deuotionis studio, quo praedecessores Vestri claruerunt et Vosmet semper hucusque pari fervore et zelo exhibuistis, totiusque Regni Croatiae constantiae confisi, benigne speramus, hoc periculoso et turbulento tempore ex amore etiam Religionis, una cum Magnatibus aliisque statibus Regni, nullatenus a Nobis recessuros, sed firmos tam fide quam valore mansuros, aliorum infidelium obtreptione sprete et non curata.

Praestolamur auxiliares copias non solum ex Regno Poloniae, sed etiam ab Electoribus et circulis Romani Imperij, mox adventuras, quibus armis Nostris accedentibus succursum et solutionem obsidionis Viennensis sumus tentaturi. Interea copias, quantas poteritis, ibidem contrahi et paratas haberi desideramus, quatenus etiam cum memoratis auxilijs coniunctae, simul operam suam militarem exhibere et operationis tam importantis effectum promouere possint. Facietis in eo officium auito Vestro Nomini conveniens et simul Nobis totique Christianitati proficuum; cedit quoque in vestri laudem et memoriam immortalem, firmiter sperantes, Deo opitulante, per copias auxiliares undique affluentes, vestramque cooperationem, breui status moderni faciem mutatam iri, futuramque occasionem, hanc Vestram singularem et deuotam contestationem, gratia Nostra Imperiali ac Regia certisque privilegiis et recompensationibus recognoscendi. Praestolamur super eo responsum vna cum opinione vestra, quomodo hanc benignam intentionem Nostram effectui mancipare existimetis. De reliquo Caesarea Regiaque gratia Nostra vos benigne complectentes. Dabantur in ciuitate Passauensi die Vi-

gesima Mensis Julij, Anno Millesimo Sexcentesimo octuagesimo tertio, Regnorum Nostrorum Romani Vigesimo Sexto, Hungarici Vigesimo nono et Bohemiae Vigesimo Septimo.

Leopoldus m. p.

Hermanus M. Badensis m. p.

Ad Mandatum Sacrae Caesareae Majestatis proprium:

Christophorus Dorsch m. p.

Joannes Adamus Wöber m. p.

*A tergo:*

Spectabili ac Magnifico Comiti Nicolao Erdöedy de Monyorokerek Montis Claudij, Consiliario et Camerario Nostro, Dalmatiae et Croatiae Bano, fideli Nobis sincere dilecto.

Grätz wnd weithers wo Er anzutreffen.

Orig. in Archivo Regni Croatiae. Acta Regni Congregationis a. 1683. Nr. 18.

## CCXVI.

*Anno 1683. 26. Julii. Passavii.*

Leopoldus Rex occasione a Turcis obsessae Vindobonae maximas spes in succursum Croatorum locat.

Leopoldus. Divina Favente Clementia Electus Romanorum Imperator Semper Augustus &c.

Spectabilis ac Magnifice, fidelis nobis dilecte. Non absque singulari consolatione ex Literis Vestris, decima octava huius datis, et relatione Capitanei Stephani Jellachich percepimus, vos vna cum natione Croatica paratos stare, auitam fidelitatem hoc periculoso et Turcarum, Tartarorum atque rebellium incursione turbulento tempore vsque ad vltimum halitum spiritus contestari.

Anterioribus Nostris de vigesima prima huius Vobis notificauimus, Viennam durante adhuc induciarum tempore tormentis impeti et arcta premi obsidione; propugnatur ab obsessis generose, cum non exigua, vti fertur, hostium strage; speramus continuationem huius defensionis, usque dum succursus, ex Romano Imperio promissi, et partim adventantes, praesto esse hostemque inde repellere possint.

Interea omnem confidentiam in Vos Statusque et Ordines Regni Croatiae ponimus in hac publica necessitate praedecessorum Vestrorum vestigijs insistendo, minime defuturos, quin tantisper, donec plenarius succursus simul fuerit, ope et assistentia legionum ibidem assistentium, Metternich, Aspermont, Saurau et supplementorum Sereni atque Strasoldo, hostium insultus, excursions et pagorum incinerationes repressuros, illasque Provincias ab ulteriore ruina protecturos, etiam hostium ditiones invadendo, illasque damnificando, cum sufficiente tamen cautela et servato receptu securo; Tandem Vobis ulterius notificabitur, qua via, ratione et modo, succursus Viennae obsessae quoque ex parte Vestra promovere et adjuvare poteritis.

Inaudimus etiam Comitem Batthiani defecisse; et cum Leogradium non parum ad Insulae defensionem conferat, illud praesidium Vestrae directioni committimus, simulque Literas obedienciales ex Consilio Nostro Bellico emanatas hisce includimus; ratione religionis vero quoad illum locum pro tempore paulisper connivere poteritis.

Interea Grecium pro Commendante Militiae Nostrae expeditivimus Campi Mareschalli locumtenentem Comitem Carolum de Strasoldo. qui mutua correspondentia mediante negotia militaria et Patriae defensionem sedulo promovere studebit.

Recognoscemus Suo tempore hanc Vestram Devotionis et fidelitatis contestationem singularibus Privilegijs et remunerationibus erga Vos Statusque et Ordines Regni, quos omnes et singulos interea Imperiali Regiaque gratia Nostra benigne complectimur. Dabantur Passauij die vigesima sexta Mensis Julij Anno Millesimo Sexcentesimo Octuagesimo tertio, Regnorum Nostrorum Romani vigesimo quinto, Hungarici vigesimo nono, Bohemici vero vigesimo septimo.

Leopoldus m. p.

Hermanus Marchio Badensis m. p.

Ad mandatum Sacratissimae Caesaris Majestatis proprium:

Christophorus Dorsch m. p.

Joannes Adamus Wöber m. p.

A tergo:

Spectabili ac Magnifico Comiti Nicolao Erdeödy de Monyorokerek, Montis Claudij et Comitatus Varasdiensis perpetuo Comiti, Regnorum Nostrorum Dalmatiae, Croatiae et Sclavoniae Bano, Camerario et Consiliario Nostro, Fidei Nobis Dilecto.

Nota Bani. Dominus Jellachich qua Ablegatus tempore modernae Revolutionis Passauio a Sua Majestate Sacratissima die 5. Augusti ad Castra Czuin postitta (sic) Mandatum hocce apportavit 1683.

Orig. in Archivo Regni Croatiae. Acta Regni Congr. 1683 Nr. 20.

## CCXVII.

*Anno 1683. 26. Julii. Passavii.*

**Leopoldus Rex intemeratam Croatorum fidelitatem summis extollit laudibus, eosdemque provocat, ut in unione cum aliis caesareis copiis defensionis Austriacarum et Regni Croatiae terrarum studeant.**

Spectabiles, Magnifici, Generosi, Fideles dilecti. Illibatam et Continuum inclyti Regni Croatiae fidem, et Ordinum horum intemeratam pro re Christiana tuenda Constantiam, et Nostri Gloriosi probauerunt Praedecesores, Nosque ipsi hoc praecipue exulcerato tempore gratanter experimur. Non eos, ut reliquos, in transuersum et ignominiosam juramenti praestiti obliuionem agit immanissimi Turcae Pacifragium, Non allicit illius uenenosus Suasus in perfidorum multorum Hungarorum Coalescentem Societatem, neque deturbat eos a Statu uitae fidelitatis Turcarum praesentanea Violentia, truculenta in Regna et Provincias Nostras irruptio, aut ipsiusmet Metropolis Austriae Urbis Viennensis obsidio, et quaquaversum illata foeda Vastatio. Gratulamur proinde Nobis de tam fidis et juramenti atque Obligationis Naturalis tam tenacibus Subditis, Vobis autem ob Vestram per omnis aetatis memoriam in toto Christiano Orbe depraedicandam Constantiam, Neque dubitamus, quin his et alijs a fidelium ope expectatis Subsidijs truculentissimi hostis perfidia in propriam Sui Confusionem proxime sit retundenda. Nequaquam enim in Solatij Vicem celare Vos uolumus, undecunque tam ex Prouincijs Nostris haereditarijs, quam ex Imperio Romano Confluere Auxilia, quibus Nostrates aductos hostem a muris Viennae, quae fortissime etiamnum hostiles insultus repellit, quin imo ex Omnibus Austriae et Regni Nostri Hungariae partibus exturbare posse Confidimus. Adsunt in Styria quoque tres integrae legiones cum uarijs et multis Supplementis; aduenient Copiae Archi-Episcopi Salsburgensis; Consilio et gnaua sua Experientia assistet Campi Vice Marescalus Noster Comes Strasoldius, a Nobis gubernationi Urbis Graecensis deputatus; Miles insuper Noster una cum numerosis Auxiliaribus ad radicem Montium Styriacorum sistere se cogitat, ut et Vestra facilius tueri seque cum Copijs interioribus ad succurendum obsessae Urbis Viennensis conjungere queat. Jugis itaque et exacta Correspondentia inter Vos, Ministros Nostros Graecenses, atque ipsum Nostrum Armorum Ducem Generalem Principem Lotharingiae opus est, ut Consilijs, animis et propositis junctis pro Austriacis et Regni Nostri Croatici terris, quas uno et non dissimili affectu paterno complectimur, pro instituto et fidelitate Majorum fortissime pugnetis. Nos sane Graecensibus Nostris Consiliarijs stricto et serio commisimus, ut in omnibus Vobiscum confidentissime communicent; et quatenus prouinciae illae pollent, ope omni possibili Vobis praesto sint et ad-

miniculentur; Prout de Vobis etiam omnino Nobis pollicemur, ut vicissim iisdem fideliter astituri, Vosque jnuicem pari amore et fide, fraterno utique Vinculo mutuo obstrictos, Consideraturi sitis. Quibus plane freti Caesaream et Regiam Nostram Gratiam Vobis amplissimam Confirmamus.

Datum Passauij die uigesima sexta Julij Anno Millesimo Sexcentesimo Octuagesimo tertio, Regnorum Nostrorum Romani uigesimo quinto, Hungarici uigesimo nono, Bohemici uero uigesimo septimo.

Leopoldus m. p.

T. A. Henr. l. b. de Stratman m. p.

Ad mandatum Sacrae Caesareae Regiaeque Majestatis proprium:

Joannes Georgius Koch m. p.

*A tergo :*

Spectabilibus, Magnificis, Generosis, Fidelibus Nobis dilectis Regni Nostri Croatiae Statibus et Ordinibus.

Orig. in Arch. Reg. Croat. Acta Regni Congr. 1683, Nr. 19.

## CCXVIII.

*Anno 1683. die 28. Julii. Passarii*

Leopoldus Rex fidelitatem Croatorum summis extollit laudibus eosque ad fortiter hosti resistendum monet.

Reuerendi, Honorabiles, Spectabiles, Magnifici, Egregii, Nobiles, Fideles Nobis dilecti. Inter alia, quae de modernis Turcarum et Tartarorum hostilitatibus sparguntur nova, inexpectatus sane ad aures nostras pervenit rumor, potiores videlicet nonnullos Regni Nostri Hungariae Magnates et Consiliarios nostros praedictis Christiani nominis hostibus non solum ultro manus dedisse, verum cum iisdem in attacto nostro Regno Hungariae et vicinis partibus et provinciis nostris infessa simul ac inimica arma circumferri et Vos etiam in parem foedae defectionis complicitatem sollicitare. Quae res tanto acerbior nobis accidit, quod etiam ab illis promanare intelligamus, quos summis honoribus et dignitatibus condecoratos pro sinceris fidelibus semper habuimus. Leniit tamen et sublevavit conceptum ex his maiorem numerum innata vobis heroica et nunquam satis lau-



danda virtus Vestra, ac erga nos sacrumque dilecti Regni Hungariae Diadema debita observantia constantisque animi robur, integra et rara fides ac fidelitas, quam vos Nobis unanimini resolutione obtulisse, eamque hoc periculoso rerum statu ad omnem fortunae casum et eventum contra praetactos immanissimos hostes et ipsos Rebelles ad ultimae sanguinis nostri Guttæ perfusione contestari velle, ex contextu ac tenore Litterarum fidelis nostri nobis sincere dilecti Comitæ Bani nostri recenter ad nos datis abunde simul et hilari animo intelleximus. Ut autem sciatis Nos quoque singularem (non obstante arcta illa, qua per Turcas durante adhuc induciarum tempore premitur Civitas Nostra Viennensis) defensionis et conservationis Vestrae curam habere: Ordinavimus praeterea Graecium pro Commendante Militiae Nostrae Campi Mareschalum Locumtenentem Carolum Comitæ a Strasoldo, qui habita cum attactis Comite Bano Nostro mutua intelligentia, una vobiscum et legionum ibidem existentium, Metternich, Aspermont et Sarau ac ipsiusmet Strasoldo supplementorum ope et auxilio tum militaria negotia curare, tum vero hostium conatibus se opponere, ac Patriae Vestrae defensionem sollicitè promovere tantisper debeat, usque dum succursus ex sacro nostro Romano Imperio deputatus, et ab aliis etiam Christianis Regibus promissi, imo partim iam etiam adventantes, hostem a praetacta obsidione Viennensi et Succesive a cervicibus quoque nostris amovere et repellere possint. Quapropter fidelitates Vestras harum serie benigne hortamur et requirimus, quatenus avitae Virtutis vestrae memores. in fide et fidelitate Nobis et Sacrae iam fati Regni nostri Hungariae debita instar maiorum et Praedecessorum Vestrorum inconcusse imperteriteque persistere et perseverare, conatibus hostium obviare, Machinationes quascunque et insultus ipsos audacter reprimere, simulque Vos et patriam Vestram charissimam ab excursionibus et incinerationibus praeservare, omnia denique ad propulsandum hostem opportuna media curare et adhibere, ac fidelium Regnicolarum et Subditorum Officia sedulo intrepideque praestare velitis ac debeatis; Securi in eo existentes, quod non solum succursu a praedicto Sacro nostro Romano Imperio aliisque Christianis Regibus et Principibus suppeditando propediem Suppetias vobis allaturi, verum constantiam fidemque et heroicam virtutem vestram novis Caesareae et Regiae Gratiae nostrae atque clementiae argumentis uberrime contestaturi sumus. Datum Passavii die 28. Mensis Julii Anno Domini Millesimo Sexcentesimo Octuagesimo tertio.

**Leopoldus m. p.**

Ex Protocollo Regni Congregationis A. 1683.

## CCXIX.

*Anno 1683. 7. August. Passavii.*

**Leopoldus Rex Banum de modo belli contra Turcas et rebelles Hungaros gerendi edocet.**

**Leopoldus Diuina Fauente Clementia Electus Romanorum Imperator semper Augustus.**

Spectabilis ac Magnifice, fidelis Nobis dilecte. Percepimus perbenigno animo Caesareo Regioque ex litteris tuis sponsorijs, de Vigesima nona praeterlapsi mensis Julij ex Castris ad Ripam Draui, ad Nos datis Zelum et constantiam firmitatemque deuotionis et fidelitatis tuae gentisque tecum Croaticae contestatam, per tot actus iam in praesentibus rerum urgentijs et calamitatibus, contra inualescentes hostium conatus et inuasiones, eundemque ulterius contestando laudabili hoc tuo impulsu, de quo tibi non tam de Patria meritorum cumulum, quam apud posteritatem magnum gloriae pondus comparere necesse est. Nos contra laborantes modis omnibus ad congregandas vires sufficientes, quae eiusmodi potentiae se opponere ualeant, speramus intra perpaucos dies arma nostra tam per proprias quam auxiliares hinc inde conquisitas copias in tantum aucta et instaurata, ut non solum redimendae Viennae, Residentiae Nostrae, ab obsidione, quam etiam reprimendis alijs hostium progressibus sese sat valide obijcere valebunt. Eam ergo in te fiduciam clementer habentes, te non minus, quod tuarum partium est, et apud gentem tibi concreditam iisdem inuigilaturum, gratum Nobis fuit ex iisdem suis litteris intelligere, quod desideratam et omnino necessariam bonam correspondentiam cum Consiliarijs nostris Intimis Bellicis Graecensibus hactenus seruaueris, in eadem seruatura te totaliter bene dispositum agnoscamus. Hanc iisdem nostris Consiliarijs etiam instantius commendamus, prouti etiam nostris Ducibus et officialibus bellicis eadem demandamus, quibus dum mentem nostra circa operationes in hosticum exponimus, non minus eandem tibi hocce nostro rescripto pro mutuo cum iisdem bona intelligentia et rerum dispositione declarare volumus.

Desiderauerunt dicti consiliarij nostri et Duces scire, qualiter producendum esset contra hostiles insultus, potissimum ubi a parte Batthyianorum, qui a fidelitate sua deflexerunt, iam etiam ipsorum actus in incendia, deuastationes et expilationes eruperint. Demandamus itaque, ut quantocius ipsi Comiti Batthyani suisque asseclis nunciatur, sin ad eiusmodi tales enormitates ultra sese proripere tentauerit, se non minus idem experturos; et haec quidem praecavendis locorum exustionibusque interpellanda duximus; In reliquo autem, cum satis superque palam sit, non tam eiusmodi fidelitatis suae immemores Hungaros, quam Turcas ipsos communes Nostros hostes esse, sic nec dubitandum, quin non pari studio

contra ipsos agendum sit, ea tamen cum cautela, ne in similibus occasiones arripiantur, quae plus damni affere possint quam emolumentum, et ne dum bonum lucrari intendimus, provincias integras perdamus, sed cum ea circumspectione et prudentia, unde probabiliter bonus possit sperari effectus. Haec ita dictis nostris Consiliariis et Ducibus iniungimus, et nec tuam in hisce defuturam providentiam et dexteritatem non ambigimus.

Caeterum permansurae sunt nostrae copiae germanicae, ibi partium degentes, usque ad ulteriorem dispositionem; Sin autem Exercitus noster ad solvendam obsidionem Viennensem eo forte regionis moueret, qua partes illae per eundem tectae permanerent, tunc facilius erit, easdem quoque copias potiori ex parte ad eundem finem et effectum Exercitui coniungere. Et haec tibi nota volumus, gratiam simul nostram Caesaream et Regiam perbenigne confirmamus. Dabantur Passavij die septima Mensis Augusti, anno milésimo sexcentésimo octuagesimo tertio. Regnorum nostrorum Romani Vigésimo sexto, Hungarici Vigésimo nono, Bohemici vero Vigésimo septimo.

Leopoldus m. p.

Ad mandatum Sacratissimae Caesareae Majestatis proprium:

Christophorus Dorsch m. p.

Hieronimus a Pozzo m. p.

*A tergo:*

Spectabili ac Magnifico Comiti Nicolao Erdöedy de Monyorokerek, Montis Claudij et Comitatus Varasdiensis perpetuo Comiti, Regnorum nostrorum Dalmatiae, Croatiae et Sclavoniae Bano, Camerario et Consiliario nostro. Fideli nobis dilecto.

Orig. in Archivo Regni Croatiae. Acta Regni Congr. 1683, Nr. 22.

---

**CCXX.**

*1699. die 2. Novembris. Viennae.*

Leopoldus Rex prohibet, ne domini, jure gladii pollentes, malefactoribus condemnatis vitam donare praesumant.

Leopoldus Secundus, Dei gratia Romanorum Imperator semper Augustus, ac Germaniae, Hungariae, Bohemiaeque &c. Rex.

Reuerendi, Honorabiles, Spectabiles ac Magnifici, nec non Egregij et Nobiles, Prudentes item ac Circumspecti, Fideles Nobis dilecti. Ex casu fide-

digna Relatione benigne informamur, nonnullos Dominos Terrestres Magnates & Nobiles in hisce Dalmatiae, Croatiae et Sclavoniae Regnis nostris degentes, jure Gladii, Virtute antiquorum Praedecessoribus suis benigne collatorum, vel vero recentius quoque a nobis impetratorum Privilegiorum suorum gaudentes, Malefactoribus propter eorundem Excessus captis, ac in privatis eorundem Sedibus Dominialibus in amissione Vitae convictis et condemnatis, Gratiam Vitae dare eosque impune demittere praesumere.

Quia vero Malefactoribus vel quoquomodo delinquentibus, judicialiter in amissione Vitae convictis, Gratiam & Misericordiam facere, Jurisque vigorem lenitare, Misericordiae temperare, Soli Regiae nostrae Auctoritati & potestati incumberet, neque licitum esset ulli Magistratui, tantominus privato alicui, ex benigna Collatione et Concessione Specialique Gratia nostra Regia Jure Gladii gaudenti, se in Jurisdictionem nostram Regiam immittere; Cum & alias etiam Ejusmodi benignae Dominationis meae, fidelibus nostris super jure Gladii elargiri solitae, id, ne eo utentes malefactores impunitos, Pecuniae vel aliarum Rerum Causa, dimittere, Gratiamque eis concedere praesumant, per expressum vetarent et prohiberent.

Proinde Vobis harum Serie firmiter praecipiendo committimus & mandamus, quatenus acceptis praesentibus, omnes & singulos Status & Ordines ac Magistratus quosunque in medio Vestri degentes, Jurisque Gladii ex Speciali dumtaxat Gratia nostra gaudentes, Verbo nostro Regio serio monere, iisdemque, (ut contra Malefactores captos, servato juris ordine, indilate procedant, capitaliterque convictis & sententionatis, sub amissione Privilegij sui ac insuper gravi animadversione nostra Regia Gratiam neutiquam dare praesumant aut attentent) injungere & demandare, eos vero, si qui forte hactenus id facere attentassent, facta prius Rei seria investigatione, Nobis vel Cancellariae nostrae Regiae Hungaricae Aulicae nominatenus revelare modis omnibus velitis debeatisque & teneamini. Secus non facturi. Vobis in reliquo Gratia nostra Caesareo-Regia benigne propensi manemus. Datum in Civitate nostra Vienna Austriae, die Secundo mensis Novembris, Anno Millesimo sexcentesimo nonagesimo nono.

Leopoldus m. p.

Orig. in Archivo Regni Croatiae. Acta Regni Congregationum a. 1699, Nr. 18.

## CCXXI.

*Anno 1700. die 22. Januarii. Viennae.*

**Leopoldus Rex eos Regni Slavoniae incolas, qui in terris, a Turcarum dominio liberatis, jus aliquod possessionis praetendunt, coram Neoacquistica commissione comparere jubet.**

**Leopoldus Dei gratia electus Romanorum Imperator semper Augustus, ac Germaniae, Hungariae, Bohemiaeque &c. Rex.**

Reuerendi, Honorabiles, Spectabiles ac Magnifici, Egregij & Nobiles, Prudentes item ac Circumspecti, Fideles nobis dilecti. Quum inter reliquos Comitatus, antehac Turcis dedititios, jam vero auxiliante DEO Victoriosis Armis nostris Neoacquisitos et recuperatos, Comitatus etiam in Regnis nostris Dalmatiae, Croatiae & Slavoniae situati, signanter autem Sirmiensi, Poseghaiensi, Valkoiensi, Crisiensi, Verouiticensi, Corbauienti & Likensi, in quantum Neoacquisiti essent, e jugo Turcico eliberati extitissent, alijsque in similibus Comitatus Bona possidentes & praetendentes coram Commissione nostra in facto Bonorum & Locorum Neoacquisitorum, Titulorumque Possessionis eatenus edendorum seu liquidandorum, hic Viennae instituta, in Terminis iisdem Praefixis comparuerunt, et soli in attactis Comitatus praefati Regni nostri Slavoniae Bona tenentes & praetendentes ad edendos Possessionis suae Titulos restarent.

Eapropter Fidelitatibus Vestris serio ac firmiter praecipiendo committimus et mandamus, quatenus acceptis praesentibus, universos et singulos, quorumcunque Bonorum in praenominatis Comitatus nostris situatorum Possessores, primo quoque tempore serio et peremptive admoneatis, ut pro die secunda et subsequentibus affuturi Mensis Maij cum Literalibus Instrumentis et Documentis suis sub Poena Contumaciae et perpetui Silentii coram praefata Commissione nostra ad edendos seu comprabandos Possessionis suae Titulos infallibiliter vel per se, vel per certos Mandatorios suos comparere nouerint ac debeant. Neque secus facturi. Vobis in reliquo Gratia nostra Caesareo-Regia jugiter benigne propensi manentes. Datum in Ciuitate nostra Vienna Austriae, die vigesima secunda Mensis Januarij, Anno Domini Millesimo septingentesimo.

**Leopoldus m. p.**

**Ladislav Matyášovsky m. p.**

**Episcopus Nitriensis.**

**Franciscus Somogy m. p.**

*Ab inferiori margine*

**Statibus Regni Croatiae mandatur, ut admoneant Comitatus Neoacquisticos in Sclauonia adiacen. ad comparendum coram Commissione Neoquistica pro die 2. May et subsequent.**

*A tergo:*

**Reuerendis, Honorabilibus, Spectabilibus ac Magnificis, Egregijs et Nobilibus, Prudentibus item ac Circumspectis N. N. Universis Statibus ac Ordinibus Regnorum nostrorum Dalmatiae, Croatiae & Sclauoniae &c. Fidelibus Nobis dilectis.**

**Varasdinum.**

Orig. in Archive Regni Croatiae. Acta Regni Congregat. 1700, N. 4.

---

## **CCXXII.**

*Anno 1700. die 30. Septembris. Zagrabiae.*

**Comes Adamus de Batthyan, Croatiae, Dalmatiae et Slavoniae Banus, suo et suorum successorum nomine cum SS. & OO. Regni Croatiae et Slavoniae intuitu iurium, iisdem SS. et OO. in Confinio Militari competentium, solemnia pacta init.**

Nos Comes Adamus de Batthyan Perpetuus in Németh-Uyvár, Iudex Curiae Regiae, Regnorum Dalmatiae, Croatiae et Slavoniae Banus, Confiniorum eiusdem Regni Slavoniae Colapianorum & Unanorum Supremus Capitaneus, Sacrae Caesareae Regiaeque Maiestatis Actualis Intimus Consiliarius, Camerarius, Partium Regni Hungariae Cis-Danubianarum et Confiniorum Canisae annexorum Generalis Capitaneus. Damus pro memoria: Quod nos consideratis et exacte perpensis tot et tantis ultra iam Saeculum pro Divis Hungariae Regibus et Augustissima Domo Austriaca cum amplissimarum fortunarum jactura, copiosissima Sangvinis profusione, totque et tam charorum Concivium suorum caede, diuturna praeterea et sumptuosa Confiniariae Militiae aere proprio exolutione, per Inclytos Status et Ordines praefatorum Regnorum Croatiae et Slavoniae adversus varios et plurimos Naturalis Hostis in eadem Regna insultus, in conservationem Confiniorum suorum Colapianorum praestitis servitiis, et quod deinceps quoque non modo in praefatis Collapianis, sed Vnanis quoque et Glinanis Confiniis pro moderatae Suae Sacratissimae Maiestatis Caesareae et Regiae Suorumque Augustissi-

morum Successorum servitio conservandis et manutenendis propriis similiter sum-  
 ptibus, curam ac sollicitudinem se impensuros et eo aplicaturos prompte et resolute  
 promisissent et declarassent. Horum itaque tam rari meriti et alti pretii operum  
 atque servitiorum justo ex respectu, et intuitu, et ut hac infrascripta Resolutione  
 et condescensione Nostra modernis Dominis Statibus et eorum Successoribus in  
 vicem debitae laborum et meritorum suorum gratitudinis et recognitionis, pro ipso-  
 rum apud Nos propterea in Anno currenti, die vero vigesima nona Mensis Maii  
 Viennae Austriae, medio Perillustri ac Generosi Domini Georgii Plemich, Sa-  
 cratissimae Maiestatis Caesareae et Regiae Consiliarij ac Praefatorum Regnorum  
 Magistri Prothonotarii, et in moderna quoque eorum Generali hic Zagrabiae cele-  
 brata Congregatione, facta Instantia, Eisdem Dominos Status et Ordines justo hoc  
 ipsisque a pridem debito et competenti medio consolaremur, statuimus et resol-  
 vimus, promittimusque et obligamus Nos et Vniversos in praemisso Banatus Offi-  
 cio Successores Nostros, pro immunitate et praerogativa eorundem Dominorum  
 Statuum et Ordinum praenominatorum Regnorum, Conditiones infrascriptas perpe-  
 tuo observaturos. Primo: ne extranei in Stipendia, minus in Officia Confiniaria  
 nunc vel in futurum praeter expressum praefatorum Dominorum Statuum et Ordi-  
 num assensum promoveantur; sed Stipendia eiusmodi et Officia Nationalibus duntaxat  
 conferantur. Secundo: ne ammodo Officia Confiniaria incipiendo a Vayvodatu inclu-  
 sive altiora ulla, praeterquam cum voto et praesentatione per Dominos Status et Ordi-  
 nes fienda, Subiectorum Trium in re militari expertorum, habita etiam praestitorum  
 Servitiorum bellicorum ratione, a Nobis Comite Bano vel Successoribus Nostris  
 conferantur. Salvo tamen et eo modo Dominorum Vice-Capitaneorum debito In-  
 teresse. Tertio: ut absente Comite Bano e Regno, Confiniorum molles et Guber-  
 nium integrale per Subalternum sibi Regnicolam cum cointelligentia et relatione  
 ad Dominos Status sustineatur et administretur. Quarto: Dominis Stati-  
 bus liberum erit et admissum, medio constituendorum et ex-  
 mittendorum Commissariorum suorum annis singulis mili-  
 tiam Confiniariam et Praesidia, Confiniaque universa lustrare,  
 cum Officialibus, remque militarem et suppellectilem tractantibus rationem inire,  
 de succumbentibus Executione mediante satisfactionem (praevio tamen ad Do-  
 minum Banum desuper recursu) sibi impendere. Quinto: ut Commissariis Re-  
 gni in Confiniis constitutis per Officiales et milites Confiniarios alter immediate  
 post Dominum Banum honor et autoritas tribuatur. In quorum omnium firmi-  
 tatem perpetuam inviolabiliter observandam, praesentes Litteras nostras sub au-  
 thentico Sigillo nostro Banali ac manus Nostrae propriae subscriptione memoratis  
 Dominis Statibus et Ordinibus antefatorum Regnorum extradandas esse duximus  
 et concedendas. Datum Zagrabiae Die Trigesima Mensis Septembris, Anno Do-  
 mini Millesimo Septingentesimo.

Comes Adamus de Batthyan m. p.

(*Sigillum authenticum Banale impressum.*)

Orig. carth. in Archivo Regni Croatiae Priv. Nr. 140.

## CCXXIII.

*Anno 1701. die 11. Junii. Viennae.*

**Leopoldus Rex novas salium officinas in Croatiae et Slavoniae Regno errigit; salis marini quaestum, sub aliquibus tamen conditionibus, liberum dicit.**

**Leopoldus Dei gratia electus Romanorum Imperator semper Augustus, ac Germaniae, Hungariae, Bohemiaeque &c. Rex.**

Reverendi, Honorabiles, Spectabiles ac Magnifici, Egregij et Nobiles, Prudentes item ac Circumspecti, fideles nobis dilecti. Siquidem in negotio Salis, nobis haud ita pridem demisse proposito, habita benignissima consideratione et intuitu, quod instante moderno Bello Italico earum Partium Passus et Trajectus maritimi, et exhinc maritima Salium Comercia, concomitatusque, perfacile praecedi, nostra Croatiae et Sclavoniae Regna necessarijs Salibus destitui vel saltem per privatos eiusmodi Salium Quaestores in pretio plus quam justo aggrauari possent: juxta mentem Articuli vigesimi Sigismundi Imperatoris . . . . . clementer resoluissimus, quatenus ambo praefata nostra Croatiae et Sclavoniae Regna ad instar dicti Regni nostri Hungariae necessario posthac requisito Sale ex eiusmodi Salium Officinis nostris Caesareo-Regijs undequaque provideantur; et ut eum in finem ibidem Locorum, signanter autem in Szalankamen, et Brod vel Gradiska, nec non in Siszek vel Legrad, novae quoque eiusmodi officinae Salinariae erigantur, et per Officiales nostros tam Militares quam Cameraticos manteneantur, nec non ut illiciti abusus, e contra vero in quantum fieri poterit, pro possibili tollantur, neminique alteri istiusmodi Salis Quaestus permittantur, atque ita misera Plebs eatenus de condigno subleuetur; ita tamen ex quo Articulus quadragessimus tertius Anni Millesimi Sexcentissimi trigesimi quinti liberum Salis maritimi Quaestum erga frugum permutationem permittat, ut omnibus quidem licitum sit ex oris maritimis eiusmodi Sales in praedicta ambo Regna inducere, hocce tamen per expressum reservato, ut ejusmodi Salium maritimarum Inductores, tales Sales suos ad Emporia Caesarea seu officinas nostras Caesareas Regias immediate deportare, neminique alteri quam eatenus constitutis Officialibus Cameraticis pro condigno Pretio diuendere, vel vero pro Frugibus cum iisdem commutare teneantur; in quem finem etiam, et ad cujus Commutationis effectum necessaria quoque Horrea ejusmodi Frugibus adimplenda erigentur. Salem Turcicum porro quod attinet, Quandoquidem de istiusmodi Salibus in Generali Regni nostri Hungariae Decreto ne quidem mentio fiat, et ex quo horum Salium usus aliunde nequitquam concessus sit: Ideo benignissime statuimus, ne absque Sche-



dis nostris Regijs ejusmodi Sales vel emere, vel vendere, et in antellata Regna inducere vel Domi ~~sue~~ servare sub Poena Confiscationis absolute ulli liceat.

Quocirca Fidelitatibus vestris harum serie firmiter praecipiendo ~~committi-~~ mus et mandamus, quatenus acceptis praesentibus benignissimam hancce Caesareo-Regiam Resolutionem nostram in praefatorum Regnorum nostrorum Comitatus debito modo publicare et observare, ulterioresque superinde dispositiones quanto ..... facere, modis omnibus veletis, debeatisque et teneamini. Secus non facturi. Vobis in reliquo Gratia nostra Caesareo-Regia benigne propensi manentes. Datum in Ciuitate nostra Vienna Austriae, die undecima Mensis Junij, Anno Domini Millesimo Septingentesimo primo.

Leopoldus m. p.

Originale in Archivo Regni Croatiae. Acta R. Congregationum 1701. Nr. 20.

## CCXXIV.

*Anno 1701. Mense Decembri. In Districtu Medjumurje.*

Parochi districtus Medjumurje testantur, in eodem districtu solam linguam croaticam vigere et in administratione sacramentorum verbique divini annuntiatione adhiberi.

Nos infrascripti totius Insulae, intra Dravum et Muram fluvios consistentis, sub Dominio Arcis Chaktornya, Parochialium Ecclesiarum Rectores, ad instantiam Reverendorum Patrum Croatorum Ordinis S. Pauli Eremitae, in Monasterio Chaktornensi existentium, fatemur, attestamur et recognoscimus in fide nostra Sacerdotali per praesentes: quod in toto Districtu praefatae Insulae Dravo Muraköz, lingua unice croatica seu sclavonica sit Matrix et vulgaris, tam quoad communem usum, quam quoad Sacramenti Poenitentiae et Matrimonii administrationem, nec non praedicationem Verbi Dei ad populum, prout mox singuli nostrum declaraturi sumus, et in fidem subscripsimus Sigillisque nostris obsignavimus.

Ego Stephanus Tatarics, Parochialis Ecclesiae Sancti Michaelis Archangeli sub Arce Chaktornya Rector et Vice-Archidiaconus totius Districtus Insulae, intra Dravum et Muram existentis, Dioecesis Zagrabienensis, testor uti supra respectu omnium Parochiarum totius Insulae praefatae, Linguam Matricem et vulgarem esse Croaticam seu Slavonicam, omnesque Rectores hujus Insulae sola lingua Croatica Sacramenta administrare ac Verbum Dei praedicare, praeter uni-

cum, qui in fine hujus Insulae vicinam Parochiam Canisae habet, ob eandemque causam non in tantum propter suos parochianos, quantum propter Canisienses Transmuranos Sacramenta quandoque Hungarico Idiomate administrat, Verbumque Dei praedicat; Meque in Parochia mea nullum poenitentem habere Hungarum, solaque lingua Croatica Poenitentiae Sacramentum et Matrimonii administrare ac Verbum Dei Populo meo praedicare; meque ipsum esse Croatam. Et in fidem subscripsi ac Sigillo meo communivi. Datum in Curia mea Parochiali Die 14. Mensis Decembris 1701.

Stephanus Tatarics, Vice-Archidiaconus Insulanus et Rector Ecclesiae Parochialis Sancti Michaelis Archangeli m. p.

(L. S.)

Ego Nicolaus Graczky, parochialis Ecclesiae Beatissimae Virginis Mariae in Coelos Assumptae in Bellicza fundatae Rector, Dioecesis Zagrabiensis, in Districtu Insulae intra Dravum et Muram existentis, testor: me in Parochia mea nullum habere poenitentem Hungarum, solaque lingua Croatica Sacramenta poenitentiae et Matrimonii &c. administrare, et Verbum Dei populo meo praedicare, meque ipsum esse Croatam. Et in fidem subscripsi ac Sigillo meo communivi. In Curia mea Parochiali die 14. Mensis Decembris 1701.

Nicolaus Graczky Rector Ecclesiae Parochialis Beatissimae Virginis Mariae in Coelos Assumptae in Bellicza fundatae m. p.

(L. S.)

Ego Casparus Koczian, Parochialis Ecclesiae Beatissimae V. Mariae Natae in Possessione Szoboticza fundatae Rector, Dioecesis Zagrabiensis, in districtu Insulae intra Dravum et Muram existentis, testor: me in Parochia mea nullum habere poenitentem Hungarum, solaque lingua Croatica Sacramenta Poenitentiae et Matrimonii &c. administrare, et Verbum Dei Populo meo praedicare, meque ipsum esse Croatam. Et in fidem scripsi ac Sigillo meo communivi, in Curia mea Parochiali Die 14. Mensis Decembris Anno 1701.

Casparus Koczian, Rector Ecclesiae Parochialis B. V. Mariae Natae in Possessione Szoboticza fundatae m. p.

(L. S.)

Ego Daniel Lengyel, Parochialis Ecclesiae S. Georgii M. et M. in Spinis fundatae Rector, Dioecesis Zagrabiensis, in Districtu Insulae intra Dravum et Muram existentis, testor: me in Parochia mea nullum habere poenitentem Ungarum solaque lingua Croatica Sacramenta poenitentiae et Matrimonii &c. administrare, et Verbum Divinum populo meo praedicare, me vero esse Ungarum. Et in fidem subscripsi ac Sigillo meo communivi, in Curia mea Parochiali Die 14. Decembris Anno 1701.

Daniel Lengyel, Rector Ecclesiae S. Georgii M. et M. in Spinis fundatae m. p.

(L. S.)

Ego Joannes Orach, Parochus Ecclesiae Sancti Jacobi Apostoli fundatae in oppido Perlak, Dioecesis Zagrabiensis, in Districtu Insulae intra Dravum et Muram existentis, testor: me in Parochia mea nullum habere poenitentem Hungarum, solaque lingua Croatica Sacramenta Poenitentiae et Matrimonii &c. administrare, et Verbum Dei Populo meo praedicare, meque ipsum esse Croatam. Et in fidem subscripsi ac Sigillo meo communivi. In Curia mea Parochiali die 15. Decembris 1701.

Joannes Orach, idem qui supra m. p.

(L. S.)

Ego Joannes Josephus Jarnich, Parochialis Ecclesiae St. Viti, Modesti atque Crescentiae M. M. fundatae in inferiori Vidovecz Rector, Dioecesis Zagrabiensis, in Districtu Insulae intra Dravum et Muram existentis, testor: me in Parochia mea nullum habere Poenitentem Hungarum, solaque lingua Croatica Sacramenta Poenitentiae et Matrimonii &c. administrare et Verbum Dei Populo meo praedicare, meque solum esse verum Croatam et non Hungarum. Et in fidem subscripsi ac Sigillo meo communivi. In Curia mea Parochiali die 15. Mensis Decembris Anno Domini 1701.

Joannes Josephus Jarnich, Ecclesiae Parochialis S. S. Viti, Modesti atque Crescentiae M. M. fundatae Rector m. p.

(L. S.)

Ego Stephanus Prekretth, Parochialis Ecclesiae Sanctissimae Trinitatis in Praesidio Legrad fundatae Rector, Dioecesis Zagrabiensis, in fine Insulae intra Dravum et Muram existentis, testor: me in Parochia mea alternis diebus festis et Dominicis (tam verbum Dei, quam Poenitentiae et Matrimonii Sacramenta, toties quociens necessitas occurrit) administrare, meque ipsum esse Natione Ungarum. Et in fidem subscripsi ac Sigillo meo communivi. Datum in Curia mea Parochiali die 15. Mensis Decembris Anno 1701.

Idem qui supra Ecclesiae Sanctissimae Trinitatis in Legrad fundatae Rector m. p.

(L. S.)

Ego Henricus Eques de Gvaltenberg, Regni Bohemiae Provincialis, Excell. D. D. Sacko Im. Comitis de Königseeg, Consiliarius, nec non Excell. et Ill. D. Dni Marchionis de Prie, totius Insulae Muraköz bonorum ab Arce Chaktornya dependentium Conplenipotentarius, Testor Suprascriptos Dominos Rectores vero in praenominata Insula Muraköz intra Dravum et Muram omnino in territorio et pertinentiis ad Arcem Chatornya pertinentibus commorari vulgaremque ac communem linguam esse Croaticam seu Sclavonicam. In cujus rei majorem fidem me propria manu subscripsi et Sigillo meo communivi. Chaktornya 20. Decembris 1701.

Henricus de Gvaltenberg m. p.

(L. S.)

Ex Actis Augustianorum Fluminensium, in Archivo Regni Croatiae asservatis.

## CCXXV.

*Anno 1703. die 15. Junii. Viennae.*

**Leopoldus Rex Valachos, inter Unam, Colapim et Savum fluvios degentes, Regni Croatiae Banique jurisdictioni subjicit ac Capitneatum Petrinensem abolet.**

Nos Leopoldus Divina Favente Clementia Electus Romanorum Imperator Semper Augustus ac Germaniae, Bohemiae, Dalmatiae, Croatiae et Sclavoniae Rex, Archidux Austriae, Dux Burgundiae, Styriae, Carinthiae, Carnioliae et Wirthembergae, Superioris et Inferioris Silesiae, Marchio Moraviae, Superioris et Inferioris Lusatiae, Comes Habsburgi, Tyrolis et Goritiae &c. omnibus et Singulis Valachicae Nationis, intra Wnam, Colapim et Zavum constitutis, Officialibus militariis, Knezijs, caeterisque Gregarijs ac incolis ibidem Commorantibus, hisce benigne notum facimus. Quemadmodum hucusque nihil propensius curavimus, quam ut Valachicae Nationis (quae ob Insignem Christiani sui Zeli impulsu excusso Turcicae Servitutis Jugo Suas intra Unam, Colapiam et Savum quietae perman- sionis novique Patrimonii, a nostra Maiestate Caesarea Regiaque ipsis conces- sas, fixerat Sedes, Salutem ac Tranquillitatem cum omni prosperitatis Civilis in- cremento promoveremus. Ita Sane nihil indignius experti sumus, nec quidquam maiori cum animi egritudine intelleximus, quam quod eadem Generosa Natio si- nistris hinc inde persvasionibus in contrarium acta, Consilij nostri Aulae Bellici decretis publicatis debitum non gesserit morem, sepositaque Banali et Regni no- stri Croatiae Auctoritate et Jurisdictione, munia sua militaria eidem concedita obire recusaverit, pluresque alias inobedientiae ac turbulentae etiam pervicaciae notas aediderit, imo in nuper demandato abhinc territorij Novensis vigore al- mae pacis ad portam Ottomanicam resignandi, actu cessionario, Alay Begum Bosniae, tanquam ex Parte Portae Ottomanicae constitutum eo fine commissar- ium, ejusque cohortes, conjunctis aliquot armatorum millibus, hostiliter prorsus pacifrage invaserit. His itaque commoti, ad avertendas quasvis ulterio- res eatenus Confusiones ac mala, quae in Servitij nostri reiue publicae de- trimentum ex longiori rerum illis in partibus incertitudine suborire possent. gratiose resolvimus et determinavimus, accurateque executum habere volumus, ut Spectabilis et Magnificus Consiliarius intimus, Camerarius, Regni Nostri Hunga- riae Judex Curiae, Regnorumque nostrorum Dalmatiae Croatiae et Sclavoniae Ba- nus, nec non Campi Mareschali Locumtenens et fidelis nobis dilectus Adamus Comes de Batthyan, perpetuus in Nemeth Vyvar, totum illud intra Unam, Cola- pim et Savum situm, nostraeque Ditioni ex almae Pacis mente legitime subjectum Territorium, una cum Inhabitoribus ejusdem omnibus cujuscunque Nationis Inco-

lis protinus nostro nomine in fidem Obedientiamque nobis debitam recipiat, et huic actui personali cum praesentia intersit, simulque universo populo Valachico et Incolis intra praedictos fluviorum Unae, Colapis atque Savi limites constitutis, nostro itidem nomine publicari faciat, dictam mox Valachorum gentem totamque illam praedefinitam Terrae plagam, ex nunc deinceps, quoad Jurisdictionalia et Civilia quaevis ac Spiritualia immediate Regno nostro Croatiae, quoad militaria vero Consilio nostro Aulae Bellico et sub ejusdem Dispositione praefato Bano nostro ejusque subalternis officialibus perpetuo et constanter subesse debere, uti et in reliquo quidquid Terrae extra seu retro Lineam, actuali Confiniorum Custodiae destinata, super est, quoad proprietatem et Vtilitates Camerales a Camera nostra Aulica dependere, eaque porro de Causa Supremum Capitaneatum Petrinensem, pui Generalatui Varasdinensi hucusque subiectus fuerat, quippe cum Locus ille, promotis ultra per DEI gratiam et Victricia Arma nostra Limitibus, pro Fortalitie Confiniario amplius haberi nequeat, una cum Militia ibidem existente, penitus aboleri et abrogari, idque ipsum vbivis quoad necessum fuerit, declarari atque publicari facere, Cancellariae Aulicae Interioris Austriae nostrae benigne ac serio comisimus, gravique sub Indignatione nostra poenisque rigorosissimis prohibuimus. ne quisquam modernorum Commendantum aut Officialium Varasdinensium, Coprinicensium, S. Georgij, Crisiensium, Ivanicensium, Petrinensium, aut vbivis alibi constitutorum, supramemoratos iam Valachos aut Incolas illos directe vel indirecte versus Regni et Bani Dispositiones concitare, vel ab obedientia illis debita avertere, aut alios qualescunque modos, hanc gentem aliorum inducendj suggerere, ullo prorsus sub praetextu audeat vel praesumat; quin potius ubi unus aut alter ex praefata Gente ad Confiniarios Interioris Austriae nostrae Commendants quaeribundus refugeret, ijs aut ii ab iisdem ad dictum nostrum Regni Banum illiusque Instantiam sine mora remittantur. Vltra quae amplius etiam Supremo Capitaneo Petrinensi injunximus, si militiam quampiam ex suis Kosztanicae stipendiatam adhuc haberet, aut ubicunque alia eiusmodi in praetacto districtu moraretur, Vt illam confestim abinde avocet, postque educationem nihil prorsus sibi curae aut negotii illis in locis vltra sumat; verum ipsi Petrinenses hactenus Petrinae et hac in adjacentia locati (qui ibidem subsistere et suam habitationem continuare velent), Bano et regno parere ac subesse debeant; sicque si respectu Territorij sui se maiorem titulum quam Episcopi Zagrabiensis productas Donationales habere ac authentice demonstrare praetenderent, et consequenter Venerabili Capitulo dictoque Episcopo litem desuper movere intenderent, tunc Causam hanc suam via Juris ordinaria coram praetacto nostro Bano, tamquam in hisce realibus actionibus competente Iudice, prosequi noverint; interea vero ab omni violento ausu ac possessionis ullius arrogatione abstinere; non minus item Petrinenses, dictae Nationis Valachicae instigatores atque Concitatores, ad alia Interioris Austriae Confinia procul inde amoveri, omnesque alios illarum partium Officiales cujuscunque dignitatis aut Officij existentes (siquidem isthaec officia in posterum a nemine alio, praeterquam praelibato nostro Regni Croatiae Bano conferenda veniant) penitus exauthorari ac debito cum respectu eidem subjici et assignari, ipsi vero quoad Jurisdictionalia huic sese submittere, ubi et militaria mandata, a Consilio hoc Aulae Bellico ad eundem dirigenda, prompte exequi, quoad Cameraalia vero a Camera nostra Aulica dependere omnimode debeant ac teneantur;

benigne praeterea assecurantes Valachicam hanc nobis Charam Nationem, omnesque toties fati districtus Incolas, quod Vniversis et singulis Justitiam quacunque ex Causa debite administrari, eosque tanquam fideles subditos, qui in ultimi cruenti Belli decursu praë caeteris generositatis suae aedidere specimina, protectione nostra Caesarea ac Regia plenarie frui atque gaudere faciemus, uti et illos, qui in linea limitanea constituti, adeoque militaribus Confiniorum servitijs actualiter applicati fuerint, a Decimis alijsque oneribus publicis immunes haberi ac caeteris quoque Privilegijs militaribus donari curabimus. Omnibus demum et Singulis praerecensitis hisce iterum pro Conclusionem serio injungentes, quatenus benignum Caesareum hocce ac Regium Mandatum nostrum ad evitandam severam alias animadversionem (erga secus facientes irremisibilibiter secuturam) firmiter observari debeant, nec populum ultra quocunque sub praetextu commoveri, tumultuari, aut Jussis nostris Regijs reniti patiantur, ne fortioribus, quod plane abhoremus remedijs almae pacis conservationi subactorumque nostrorum tranquillitati consulere necessitemur. Dabantur in Civitate nostra Viennensi die Decima quinta Mensis Jnnij. Anno Millesimo Septingentesimo Tertio. Regnorum nostrorum Romani Quadragesimo quinto, Hungarici Quadragesimo Nono, Bohemici vero quadragesimo septimo.

Leopoldus m. p.

M. a Mansfelt m. p.

(L. S.)

Ad Mandatum Sac. Caer. Majestatis proprium:

Joannes a Tiell m. p.

Ex aut. Copia in Archivo Regni Croatiae inter Acta Collegii S. J. Zagr. Fasc. 6. N. 46. asservato.

## CCXXVI.

*Anno 1704. die 18. Januarii. In oppido Miskolcz..*

**Copia litterarum Principis Francisci Rakoczy, quibus SS.  
& OO. Regni Croatiae in suas partes inducere nititur.**

## I.

Nos Dei gratia Franciscus Rakoczy, Princeps de Felső Vadás, Dux Munkacsinensis ac Makovicsensis, Perpetuus ac supremus Comes de Saros, nec non arcium Saros Patak, Regecz, Lednicze, Szerencs, Ecshett, Szomlye, Tokay, Onod &c. haereditarius Dominus &c. &c., Inclytis Croatiae Regni Statibus et Ordinibus omnem prosperitatem.

Quisquis vel solum disponentibus Superis sumtorum, vel jam clementer faventibus ad intimas dulcissimae Patriae oras victorioso effusorum lateque patentium armorum nostrorum famam hactenus probe inaudijt, non alterius eum omnino quam ad restaurandos afflicti sub Austriaco jugo inclyti Regni Hungariae Provinciarumque eidem annexarum libertatisque animos nos locare operam, esse opinionis indubie praecognoscitur. Dedimus patentia jam justae exercitationis nostrae documenta, publicis Orbi christiano manifestata scriptis; ad quae dum candide ruminanda integritate causae tuti externos relegamus, nobis indigenis, vel iis silentio praeteritis; communes toti Regno relicto per fatale regimen Austriacum Calamitates illatae praesenti rerum occurrunt testimonio. Languescunt pedetentim partes, ubi principalius corporis extrema aegritudo occupat; nec secus, dum florantissimum potentissimi olim Regni Hungariae statum per inauditam intolerabilium pensionum exactionem, adempta indigenis officia, tyrannicam Procerum Regni extirpationem, occupata per externos via facti bona, apertam denique Regni legum convulsionem, ad eas, quae luctuosis omnium nostrum obtutibus sese offerunt, devenisse experiemur miserias; quid aliud quam certa nobilissimam quoque hanc sacrae Regni Coronae provinciam maneat ruina, unicuique altius trutinandum dolore linquimus. Quotusquisque est, qui non Austriacos a continuo suscepti Regiminis tempore eo collimasse, ut lento edoctae pseudopolitices gradu attracti in externos summo armorum jure, enervatisque tacite retento nationis odio indigenis, servili liberam gentem submittant jugo, inque absolutum ambitiosae haereditatis sese erigant dominium, clare intelligat. Loquatur, tacentibus nobis, confusus cum vicinis adjacentibus Provinciis Regni Croatici status, Camerae Styriacae ut plurimum subditus, cujus dum imperiosum aegre ferre gubernium, illegitimam a sacra regni Hungariae Corona avulsionem, Regiisque Austriacorum cauta diplomatibus, digna exprobrat querimonia, sumpsit in dies liberrime omnia, contra diplomata, sua audendi incrementa. Per exercitatos hos actus Austriaca libido, dum suis Regnum per partes mutilat limitibus, orisque partim maritima,

partim aliis tractibus uni et alteri Provinciarum particularium adunitis, a solita Regni dispositione licencioso exigit, donec ad extremum Comitatus etiam Slavoniae, tam cameralibus quam et militaribus officialibus, praepudicose, et sub forma praedocinii subtractis, transformata Religionis specie, cum haereditariis suis coalescere faciat. Palam est praepudiciosa generalituum, Varasdinensis et Carolostadiensis, acta dudum a gubernio Regni avulsio, tota damnosa omnium malorum scaturigo, ut post scissas regni vires non restet aliud, quam praesidialis jam exera natione Patriae fortalitiis, ludibrioso pro hac libera gente fraeno coercitis, absoluto Provinciae dominantur jure. Quanta hic inter populum divisum emergit seditionis materies! quot violenti extorsionum excessus! largiori deductione haud indiget; adulari eum oporteat, necesse est, qui militaria penes Regnicolas officia manere subinferat; subripiuntur opinione per exteros dignitates, ut vacuas periculique plenas Regnicolis linquant; ac dum integre perque inique solitis hujusmodi illecebris subditorum sibi animos infascinant, nonnisi graves Regno curas, ingentemque portionalia tributa exaequantem pro tuendis praesidiis nationalibus profundendarum expensarum molem ex composito causant. Quis non videat speciosam Comitatum jurisdictionem praescitis subterjacentem Generalibus? interjacent vici contigui mixtim; hos tamen Regno obsequiosos multumque oneratos premi, alios vero juribus suis sub violenta protectione immerito frui, ac in rebus etiam politicis a Regni jure praepudicose eximi; non nisi dividere in diversa, vires ut vincant et regnent, est res intentionis praecognitae. Multata est, si verum fateri volumus, prisca dignitatis Banalis auctoritas, et cui quondam per integrum quaque patet trium Regnorum complexum pleno fungi jure licuit, nonnisi intra circumscriptos totidem Comitatum cancellos adeo coarctorum conspicimus, ut solum dumtaxat coloratum tantae dignitatis titulum superesse doceamus. Regnat Camera praetextuosis variarum extorsionum actibus, ac prout in principali Hungariae Regno, nec secus in Provinciis ejusdem solitam juris nequisiti exercet tyrannidem. Longum foret, ruinarum patriae exprimere statum; nulla enim constitutionum Regni decreta statutaque regionum diplomata, conditiones, si cui pervolvere lubeat, sine Austriaca praevaricatione salva supermansisse aequa liquescet trutinio. Convertite, inclyti Status ac Ordines fractos tot malis animos per Austriacos, tot heroica gloriosi Nominis Stemmata; ubi Zrinii celebrata toto orbe gentis vestrae gloria? ubi Frangepani stabiles quondam pro defensione patriae Columnae? non quievit praeconcepta in Austriacis Despotici imperii libido, donec Primores Regni procerum (ut violentam nuperam Drascovicium mortem praetereamus) jugi gloria perennatuos dulcissimae Patriae faceret Martires. Ast ne innocentiae nostrae quoque Austriacam evitare austeritatem licuerit, dum commissionali tot legibus Regni velito judicio subjectae immanem jam mortem (nisi rata Dei benignitas liberos non esse visisset) odiose decreverat. Quis luculentam hanc Austriaci regiminis, diplomata sua pro libitu violentis, iniquitatem ferat ulterius? favet aether, certissimaque concurrentibus exterorum Principum foederibus, redintegrandae a jugo genti liberae, sese offert occasio. Succurrito itaque justae causae, Inclyti Status et Ordines, conjunctis animis, ac dum omnem a nobis dominandi ambitionem (teste triuno Deo) longe abesse, totamque dulcissimae Patriae causam felici eventu terminandam assumpsisse credere eosdem volumus, nec secus ad fidelitatem labenti Patriae consecrandam, conjungendaque cum exercitibus nostris arma permanentem ac serio commonefacimus. Quod si



vero quispiam, patentibus hisce litteris nostris palam vel occulte averso a publici boni animo resistere praesumpserit, indubitatos certa et manifesta Legum et Libertatum Patriae proditores et hostes semetipsos declarabunt. Zelosos vero Patriae Cives cumulatissima omnium dignitatum manebit merces, praematuraque immortalis Nominis sequetur gloria. Datum in oppido Miskolz 18. Januarii Anno 1704.

Franciscus Rakoczy Princeps.

(L. S.)

### II.

Responsoriae SS. et OO. Croatiae, datae Principi Francisco Rakoczy.

Illustrissime Domine Comes!

Accepimus eas, quas ad nos ex oppido Miskolz transmisistis litteras, quibus nobis significastis, quatenus nostros animos armaque nostra una vobiscum conjungeremus contra domum Austriacam, ejusdemque Domus augustissimae Imperatorem Leopoldum pientissimum, Regem nostrum invictissimum. Cum vero has inter cunctas Revolutiones Croatiae Status et Ordines constanter mansere semper Deo, Regi, Regno et Coronae fideles, qua Catholici, in quantum numquam ad novitates Lutheranae et Calvinianae sectae prolapsi fuerant: ideo bellicis vestris expeditionibus intenti, vigiliis excubamus, ut par pari referre, imo castra armaque vestra retundere valeamus, imperterrite invigilaturi. Datum ex Castris Ormosdinum inter et Varasdinum 25. Januarii 1704.

Comes Banus totumque Regnum.

Copia • Manuscripto Monasterii Sitticensis, in Ducatu Carnioliae siti, nobis a Rev. D. Petro Hitsinger communicata.

## CCXXVII.

*Anno 1704. die 8. Februarii Viennae.*

**Leopoldus Rex SS et OO. Regni Croatiae ad fidem servandam et ad arma contra rebelles in Hungaria summenda hortat.**

**LEOPOLDVS DEL gratia electus Romanorum Imperator semper Augustus, ac Germaniae, Hungariae Bohemiaeque &c. Rex.**

Reuerendi, Honorabiles, Spectabiles ac Magnifici, Egregij & Nobiles, Prudentes item et Circumspecti, Fideles nobis dilecti. Quanta animi cura et sollicitudine hactenus in id incubuerimus, ut tot Vicissitudinibus lacessitum et nouissimis intestinis motibus exagitatum praefatum Regnum nostrum Hungariae in priorem redigeretur tranquillitatem, abunde constat tum ex benignissimis Literis nostris Amnystialibus, Tenore quarum a debito obsequio et fidelitate nostra deuos in sinum Gratiae nostrae recipere institueramus, tum vero alijs benignis Literis nostris, quibus mediantibus ab omni omnino Contributione usque ad futuram Diastam Regnicolas supportandos et eximendos declaraueramus. Verum hac benignitatis nostrae Exuberantia concitatae perfidae Factionis Authores minus attenta in sceleratis suis Ausibus pertinaciter persistere ac detestabile Perduellionis malum in perniciem totius Regni et fidelium nostrorum ruinam diffundere, spretisque Diuinis et humanis Legibus iureque naturae vilipenso in propria viscera igne et ferro desaeuire ac uniuersas Fidelium nostrorum Facultates in praedam agere, miseram Plebem sub vindicandae Libertatis titulo dementare, alios seu timore percussos seu vanis pollicitationibus illectos infascinare, alios denique vi et armis in suas pertractos partes nefando suo Agmini ad associandum se cogere, ac taliter vires suas augere, jamque fere totum dictum Regnum nostrum Hungariae inundare non exhorruerunt, ita, ut compluribus Arcibus, Praesidio nostro munitis, proditorio non minus ac nefario ausu occupatis, ad Limites usque et Terminos Regni huius nostri Croatiae Virus suum exeruerint, dubio procul Fidelitates quoque vestras, prout alibi factum, per diuersas Patentes, seu Invitatorias, seu Comminatorias ad simile Perfidiae Crimen variis sub Praetextibus et omni arte sollicitaturi. Et licet in auita Fidelitate vestra, hactenus omni tempore illibate continuata et contestata, indubiam nobis spem benigne polliceamur, Fidelitatesque vestras non degeneres Majorum Suorum et Charae Patriae Filios et homagialis Sacro Diademati nostro debitae Obligationis memores esse confidamus: Attamen in tam Subitanea rerum Vicissitudine quispiam Vestrum seu metu seu alio quocunque modo se per memoratos seditiosos circumveniri patiatur, Eisdem Fidelitates Vestras hisce benigne hortamur, et iuratae nobis ac debitae fidei et

Fidelitatis hactenus intemeratae ac sinceri erga Patriam et Gentem suam remque domesticam Amoris commonefacimus, et forti vos et inconcusso animo subque indubitata Paternae erga Fidelitates Vestras Sollicitudinis et Gratiae nostrae ac aduentantis sufficientis Subsidij et Suppetiarum spe esse Clementer jubemus, ut vel interea nemo Vestrum se patiatur seduci, quin potius unitis pro posse Viribus Vitae et Fortunis suis insidianti Hosti semet strenue opponere et in conservanda Regni huius erga Majestatem nostram deuotione, omnem eam, quod auita Nominis Croatici gloria et existimatio ac sincera erga Regem et Dominum hactenus Semper contestata Fidelitas et deuotio, Patriamque suam amor et inclinatio exposcunt, operam impendere velint, nec intermittant Eadem Fidelitates Vestrae, integrum vicissim benignissimi Animi nostri affectum et Paternum desiderium, omnemque possibilem Consolationem experturae. Gratia in reliquo nostra Caesareo-Regia iisdem benigne propensi manentes. Dabantur in Ciuitate nostra Vienna Austriae, die octaua Mensis Februarij. Anno Domini millesimo septingentesimo quarto.

Leopoldus m. p.

Ladislaus Matyášovsky m. p.

Episcopus Nitriensis.

• Ladislaus Hunyady m. p.

*In inferiori margine:*

Status Croatiae ad seruandam Majestati Vestrae Sacratissimae fidelitatem adhortantur et simul ut se Rebellibus opponant commonentur.

*A tergo:*

Reuerendis, Honorabilibus, Spectabilibus ac Magnificis, Egregijs & Nobilibus, Prudentibus item ac Circumspectis N. N. Vniuersis Statibus & Ordinibus Dalmatiae, Croatiae & Sclauoniae Regnorum nostrorum &c. Fidelibus nobis dilectis. Varasdinum per Graecium.

*(Sigillum Regium ab extus appressum.)*

Orig. in Archivo Regni Croatiae. Acta Regni Congregationis a. 1704. Nr. 4.

## CCXXVIII.

*Anno 1704. 5. Julii. Viennae.*

**Leopoldus Rex fidelitatem SS. et OO. Regni Croatiae et Slavoniae laudat et conservationem libertatum et jurium eorundem SS. et OO. spondet.**

Fideles, Devoti, Dilecti. Relata mihi est a Cancellaria mea Aulico-Austriaca Rebellantium Hungarorum pessima intentio et perversum studium, quo perduelles Ragocziani Asseclae defectique Militis Praefecti a fide et pietate, quam mihi Regi suo debent, vos inclytos Regnorum meorum Dalmatiae, Croatiae et Slavoniae Status et Ordines, disseminatis quibusdam literis Patentibus, sub pristinae libertatis recuperandae praetextu Vobis falso suggesto, in idem flagitium trahere et nomen vestrum una cum eorum Deo et orbi exosum reddere satagebant; Et quam Nobili e converso, constanti et imperterriti semper animo non solum venenosus ejusmodi blanditijs et seductionibus, imo et subsecutis minis, incendijs et devastationibus hucusque fortiter resisteritis, verum et qua fide, quibusque viribus, et quo rerum felici successu vim vi repuleritis, ditionibus meis interioris Austriae opem tuleritis, et non minus rebellem factionem Patria Vestra ejeceritis, quam eandem ipsa quoque in propria sui Patria nudato chalybe ultum iueritis.

Equidem Constantiam hanc, fidem hanc et devotionem in Regem Vestrum virtuti vestrae acceptam ferimus, et saepius eandem mihi et gloriosis Praedecessoribus meis egregia et laudabilia sane facta vestra et Majorum vestrorum quavis in fortuna probarunt, indeque Singularem meam et totius Imperialis Regiaeque Stirpis meae in me, Nationem Vestram et Patriam, gratiam et propensionem meruerunt; Hanc igitur et imposterum conservate, et juxta innatum vobis valorem virtutemque, fidem et amorem in Reges et Principes vestros continuis benemeritis vestris augete; Certi, quod, sicut eadem benigna prorsus mente recolo, et me tam avilico Antenatorum vestrorum incorruptae Constantiae Zelo, quam in his pendentibus rebellionis Hungaricae turbulentijs, vestro quoque erga me et Augustam Domum meam mihi devote hactenus demonstrato illibatae fidelitatis Candore Summopere contentum et consolatum agnosco, ita quoque gratijs meis pro solatijs et incrementis vestris non deero, prouti nimirum hisce Missilibus meis Caesaream et Regiam gratiam meam vobis amplam Confirmo, vosque apud Jura, immunitates et libertates Privilegiaque vestra, sicut hucusque, ita et deinceps absque interruptione firmiter manutenere velle Clementissime polliceor. Datum Viennae die 5. Julij 1704.

**Leopoldus m. p.**

*A tergo:*

Reverendis, Honorabilibus, Spectabilibus ac Magnificis, Egregijs et Nobilibus, Prudentibus item ac Circumspectis N. N. Universis Statibus et ordinibus Dalmatiae, Croatiae et Slavoniae Regnorum Nostrorum &c. Fidelibus Nobis Dilectis.

Orig. in Archivo Regni Croatiae. Acta Regni Congregationum. 1704. N. 23.

**CCXXIX.**

*Anno 1705. die 14. Maji. Viennae.*

Josephus I. Rex nunc post mortem patris sui thronum conscendisse SS. et OO. Regni Croatiae nunciat; eosdemque SS. et OO. ad fidelitatem hortatur, sua ex parte conservationem jurium et libertatum promittendo.

Josephus Dei Gratia Electus Romanorum Imperator Semper Augustus, ac Germaniae, Hungariae, Bohemiae, Dalmatiae, Croatiae, Slavoniaeque &c. Rex, Archidux Austriae, Dux Burgundiae, Brabantiae, Styriae, Carinthiae, Carnioliae, Marchio Moraviae, Comes Habsburgi, Tyrolis et Goritiae &c. Fidelibus nostris Universis & singulis, Reverendis, Honorabilibus, Spectabilibus, Magnificis, Egregijs item & Nobilibus, nec non Prudentibus & Circumspectis, praefatorum Dalmatiae, Croatiae & Slavoniae Regnorum nostrorum Statibus & Ordinibus Salutem & gratiam. Quandoquidem Diuinæ Potentiae Eiusque inscrutabili Providentiae, quae in ~~nostris~~ <sup>nostris</sup> Dispositionibus non fallitur, Sacram olim Romanorum Imperatoriam ac Regiam Maiestatem Dominum Leopoldum, gloriosissimae ~~remota~~ <sup>remota</sup> Genitorem nostrum desideratissimum, die quinta modo labentis Mensis May, ex hoc transitorio saeculo ad beatæ immortalitatis quietem transferre visum fuit, intermittere noluimus quin tristem hunc, qui nobis communiter accidit Casum, prout reliquis aliorum Regnorum nostrorum fidelibus Subditis nostris, ita horum quoque Regnorum nostrorum Statibus & Ordinibus dolenter significaremus. Et quia post luctuosum hunc euentum Nos, velut immediatus eiusdem condam Domini & genitoris nostri successor & haeres, praeter Sacri Romani Imperij & reliquorum Regnorum, praefati quoque Regni Hungariae & consequenter horum etiam Dalmatiae, Croatiae & Slavoniae Regnorum nostrorum, vi Legum & constitutionum Patriarum benignissimique Diplomatis nostri Regij, tempore sollemnis Coronationis & inaugurationis nostrae Universis Statibus & Ordinibus Clementer elargiti, feliciter sinus auspici, illudque suscepimus & iisdem gubernandis supremas

admo-verimus manus. Ea propter universos & singulos horum Regnorum nostrorum Status & Ordines harum serie Regia nostra adhortatur Clementia, quatenus visis aut intellectis iisdem, Homagialis Obligationis suae memores, debita quaevis fidelia obsequia, nobis, tanquam legitimo Regi & Domino suo Clementissimo rite coronato, praestare & haud minori quam reliqua Regna & Prouinciae nostrae haereditariae deuotione sincere demonstrare ac exhibere studeant. Securi in eo existentes, quod nos haecce Regna nostra Omnesque Eorundem fideles Status & Ordines in suis Juribus, Priuilegijs, Libertatibus & jmmunitatibus, juxta etiam praealtactum benignum Diploma nostrum Regium Assecuratorium jpsis extradatum, illibate et inuolabiliter observabimus & obseruari faciemus, ac nihil eorum, quae ad Conseruationem, defensionem, procurandam Tranquillitatem & Emolumentum praefatorum Regnorum nostrorum pertinere animaduerterimus, seu in Generali Diaeta, quam aliunde proxima Commodiori Occasione celebrare intendimus, seu alias etiam, jntermitemus, Imo omnem conatum & operam in eo adhibituri, ut in nobis benignissimum Dominum ac Regem experiri valeant, Nosque omnium subditorum nostrorum optimam de Nobis Expectationem si non superare ast certe aequare adnitemur, Gratiae & Clementiae nostrae Caesareo-Regiae sinum nemini praeclusum volentes. Datum in Civitate nostra Vienna Austriae, die decima quarta Mensis Maji, Anno Domini Millesimo Septingentesimo quinto. Regnorum nostrorum Romani decimo sexto, Hungariae & reliquorum decimo octauo. Bohemiae uero Anno primo.

Josephus m. p.

(L S.)

Paulus Mednyanszky m. p.

Ladislaus Hunyady m. p.

*In margine:*

Patens ad Status Regni Croatiae, quibus obitus Augustissimi intimatur, et ad seruandam Vestrae Maiestati Sacratissimae fidelitatem adhortatur.

Orig. in Archivo Regni Croatiae. Acta Regni Congregationis a. 1705. Nr. 3.

**CCXXX.***Anno 1706. die 25. Maji. Viennae.***Josephus Rex fidelia Croatarum servitia laudat.****Leopoldus Divina Favente Clementia Electus Romanorum Imperator Semper Augustus &c. &c.**

Reverendi, Honorabiles, Spectabiles ac Magnifici, nec non Egregij et Nobiles, Fideles Nobis dilecti. Dum benigna recordatione revolvimus, qua illibata fidelitate, Candore animi et alacri promptitudine Status et Ordines Regni Nostri haereditarij Croatiae in omnibus priorum temporum etiam periculosissimis revolutionibus pro Augustissima Domo Nostra se et sua impenderint, et non tantum Contra Communem Christianitatis hostem cum multa profusione Sanguinis strenue semper decertantes plurima generosi pectoris specimina exhibuerint, verum etiam nefarios Hungariae tumultus semper abhorrentes refractaria Seditioe nunquam se Contaminarint: Certe non sine speciali et abundanti voluptate animi hoc memorare possumus; Siquidem quae antehac tam laudabiliter facta sunt, apud Nos et tempore Nostri gloriosi Regiminis fienda Nobis fidentissime adpromittimus, praesertim in occurrentijs, quae rem Communem et Regni incolumitatem spectant, aut ad sedandos perniciosos Hungariae tumultus requiri possent. Qua in fiducia vos benigne assecuramus, officia et servitia Nobis et Domui Nostrae praestanda in ea semper consideratione futura, ut de innata clementia Nostra et Copiosis Caesareis Regijsque gratijs continuo securi esse poteritis, prouti Vobis gratiam Nostram Caesaream ac Regiam hisce benigne affirmamus. Dabuntur in civitate Nostra Vienna Austriae, die vigesima sexta mensis Maji Anno millesimo septingentesimo sexto, Regnorum Nostrorum Romani Decimo septimo, Hungariae Decimo nono, Bohemiae vero secundo.

**Josephus m. p.****Leop. Comes ab Herberstein m. p.****Ad Mandatum Sacratissimae Caesareae Maiestatis proprium:****Zacharias Manophilus Campmiller m. p.**

*A tergo:*

**Reverendis, Honorabilibus, Spectabilibus ac Magnificis, nec non Egregijs et Nobilibus N. N. universis Statibus et Ordinibus Regnorum Nostrorum, fidelibus Nobis Dilectis.**

**(L. S.)**

Orig. in Archivo Regni Croatiae. Acta Regni Congr. 1706 Nr. 19.

---

**CCXXXI.**

*Anno 1706. die 3. Novembris. Viennae.*

**Josephus I. Rex Croatas, qui Rakoczii incitamentis restiterunt, ob eorum fidelitatem laudat.**

**Josephus Divina Favente Clementia Electus Romanorum Imperator semper Augustus &c.**

Reverendi, Honorabiles, Spectabiles ac Magnifici, nec non Egregij et Nobiles, Fideles nobis dilecti. Relatum Nobis demisso fuit a Consilio Nostro Aulæ Bellico, qualiter a devotione Nobis debita devius Rakoczius temerarias Patentes, ejusdemque perduellis Assecla Voinovich partim illectorias, partim vero comminatorias pro declinando ab intemerata fidei suae constantia charo Nostro Croatiae Regno Literas Colonello Nostro Delisimonovich, ad Fidelitates Vestras ulterius promovendas direxerit. Contestabatur autem desuper Episcopus Noster Zagrabiensis Martinus Braikovich, qui ex instinctu Zeli sui aequè illibati universa praeattacta seditiosa Rebellium documenta Literalia supra recensito Consilio Nostro Aulæ Bellico sincere communicaverat, tum Eundem, quam Fidelitates Vestras (prout et id ipsum ab iisdem hucusque probe perspectum habemus) ac Universam demum Regni Nobilitatem homagiale suam erga Nos devotionem cum immolatione etiam (si infaustus casus aut iniqua sors ita ferret) facultatum imò Vitae et Sangvinis inalterabiliter comprobaturam fore.

In quo itaque egregio erga Servitium Nostrum studio et claris adeo ac insignibus integritatis argumentis dum Nobis benignè complacemus, ideoque et Caesareo-Nostris Regijs gratijs benigne id ipsum Nos agnituros declaramus.

Fidelitates Vestras clementer insimul cohortamur, quatenus ulterioris etiam in eximio ac laudabili virtutis suae inconcussae debito continuantes, universos etiam Regnicolas ibidem Nostros ad parem perseverantiam viriliter animare velint, securique vicissim confidant, Nos pro conservatione et firma tuitione charae Nobis praesertim Provinciae contra perniciosas illas ac quasvis alias perduellium machinationes aut apertos insultus, tam per itidem dictum Consilium Nostrum Au-



lae Bellicum, quam similiter dein labore ac cura Bani Nostri Croatiae Joannis Comitis a Palfy, finita quam primum moderna in Hungariae Regno Expeditione Campestri ad Patriae Oras personaliter rursus remittendi, omnem operam navari congruasque eatenus ac efficaces dispositiones et vigiles semper praecautiones institui facere hand quaquam praetermissuros esse. Vobis in reliquo gratia Nostra Caesareo Regia benigne propensi manentes. Dabantur in Civitate Nostra Viennensi, die Tertia Mensis Novembris, Anno millesimo Septingentesimo sexto. Regnorum Nostrorum Romani decimo septimo, Hungarici decimo nono, Bohemici vero Anno secundo.

Josephus m. p.

Leop. Com. ab Herberstein m. p.

Ad Mandatum Sacrae Caesareae Majestatis proprium:

Joannes a Tiell m. p.

*A tergo:*

Reverendis, Honorabilibus, Spectabilibus ac Magnificis, nec non Egregijs et Nobilibus N. N. Universis Statibus et Ordinibus Regnorum Nostrorum, Fidelibus Nobis dilectis.

Zagrabiae.

(L. S.)

Orig. in Archivo Regni Croatiae. Acta Regni Congregationum a. 1706, Nr. 27.

---

## CCX XXII.

*Anno 1708. die 21. Novembris. Viennae.*

Josephus I. Rex Bano, in Hungaria bellicis negotiis occupato, locumtenentem dat.

Josephus Divina Favente Clementia Electus Romanorum Imperator semper Augustus &c.

Reverendi, Honorabiles, Spectabiles ac Magnifici, nec non Egregij et Nobiles, Fideles Nobis dilecti. Relatum est Majestati Nostrae, in Regno Nostro

Croatiae diversas quasdam Inconvenientias ea praesertim de causa, quod Noster Banus Joannes Comes Pallffy absens esset, Vice-Banus autem aequè Noster Seu Regius interea Locumtenens Petrus Comes a Keglevich sufficiente ad gerendum interea Banale munus autoritate haud polleret, nocive serpere; Et licet Vos quidem evitandarum similium inconvenientiarum ergo pro reditu mox dicti Bani demisse supplicassetis, cum tamen Eundem adhuc in Hungaria & bellicis ibidem operationibus secundum Characteris Sui militaris obligamen necessario et valde utiliter applicatum inde avocari Servitium Nostrum de praesenti neutiquam permittat.

Nos igitur, ut pro ingenito Nobis erga charum Nostrum Croatiae Regnum affectu nihilominus integre Eidem provisum esse Securi simus, benigne volumus et serio demandamus, ut supramemoratus Comes Keglevich qua Vice Banus et Regius interim Locumtenens Noster tam quoad Militaria per Consilium Nostrum Aulae Bellicum, quam itidem quoad Politicas Provinciales et Judiciales, nec non universas alias officium Banale dependenter concomitantes functiones, medio Nostrae Cancellariae Regio-Hungaricae Aulicae (a qua id, quod e re necessarium censebitur, ad Vos consveto Stylo et congruo ordine eatenus expedietur) tali omnimoda autoritate et potestate, qua Banus Noster, cujus interea personam repraesentat, in Loco gauderet, solennius et plene instruat

Quod ipsum proinde Vobis clementer significantes Paternè insimul confidimus, Vos homagiale erga nos naturalem et legitimum Regem Vestrum devotionem Vestram ac in difficillimis quibusvis temporibus constanter probatam fidem ulteriori intemerato cultu contestaturos, cum Vice-Bano Nostro bonam pro more cointelligentiam gesturos, nec non oboriundas fors quasvis indecentes confusiones efficaciter pro posse praepedituros, sicque demum Servitium Nostrum et Regni Salutem conjunctis Viribus et opera strènuè promoturos esse. Vobis in reliquo gratia nostra Caesareo-Regia benigne propensi manentes. Dabantur in Civitate Nostra Viennensi, die vigesima prima mensis Novembris Anno Domini Millesimo septingentesimo octavo. Regnorum Nostrorum Romani decimo nono, Hungarici vigesimo primo, Bohemici vero quarto.

Josephus m. p.

Leopoldus Comes ab Herberstein m. p.

Ad mandatum Sacratissimae Caesaræae Majestatis proprium:

Joannes a Tiell m. p.

*A tergo:*

Reverendis, Honorabilibus, Spectabilibus ac Magnificis, nec non Egregijs et Nobilibus N. N. Universis Statibus et Ordinibus Dalmatiae, Croatiae et Sclavoniae Regnorum Nostrarum, Fidelibus Nobis dilectis.

Zagrabiae.

(L. S.)

## CCXXXIII.

*Anno 1708. die 26. Novembris. Viennae.*

**Josephus I. Rex a Bano constitutum Locumtenentem Banalem in hac dignitate confirmat.**

**Josephus Dei gratia electus Romanorum Imperator semper Augustus ac Germaniae, Hungariae Bohemiaeque etc. Rex.**

Reverendi, Honorabiles, Spectabiles ac Magnifici, Egregij et Nobiles, Prudentes item ac Circumspecti, Fideles Nobis dilecti. Quandoquidem ex certis fidedignis Relationibus Maiestati nostrae innotuisset, in suprafato Regno nostro Croatiae diversas confusiones ea polissimum de causa oriri, quod fidelis noster nobis dilectus Spectabilis ac Magnus Comes Joannes Palfy, antelatorum Dalmatiae, Croatiae et Slavoniae Regnorum nostrorum Banus, absens esset, alter autem fidelis noster Spectabilis ac Magnus Comes Petrus Keglevich, per eundem ad interim substitutus Banus, adeoque Locumtenens Eiusdem, ad gerendum munus Banale sufficiente haud polleret Authoritate, Eaque propter fidelitates Vestras pro reditu praefati Comitis Bani demisse supplicasse; verum quia Eundem Comitem Banum adhuc in memorato Regno nostro Hungariae et Bellicis ibidem operationibus secundum Characteris sui militaris, Equitatus videlicet Generalis obligamen, necessario et valde utiliter applicatum, inde in Croatiam avocari posse, Servitium Nostrum de praesenti neutiquam concedat. Hinc ut praetacti Regni nostri Croatiae Bano et Saluti Servitioque nostro absque neglectu & integre provisum sit, Eundem Comitem Petrum Keglevich in antelata substitutione Officij Banalis benigne confirmavimus, simulque clementer resolvimus, ut memoratus Comes Petrus Keglevich, qua praevio modo Substitutus Banus, adeoque Locumtenens interim Banalis, non solum Militares sed & Politicas Provinciales, Officium Banale dependenter concernentes Functiones, tali Auctoritate et potestate, qua suprafatus Comes Banus, Cuius interea Personam repraesentat, ipsemet in Loco gaudere soleret, usque ad reditum Saepefati Comitis Bani, in praeattacto Regno nostro Croatiae exercere possit ac valeat. Quapropter Fidelitates Vestras harum serie benigne simul ac firmiter hortandas esse duximus, quatenus intellecta hacce benigna Resolutione nostra, non modo Universas et quaslibet confusiones ac dissensiones, in praedicto Regno nostro Croatiae ob absentiam memorati Comitis Bani nefors exortas vel exposit exoriendas, antevertere & praecavere, verum etiam Suprafati Comitis Petri Keglevich, praevio modo substituti ac per Majestatem Nostram Confirmati ad interim Bani, tam in Militaribus, quam Politicis, ad officium Banale Spectantibus rebus & Negotijs per Eundem disponendis, usque ad reditum toties fati Comitis Bani omnimode parere, ac in reliquo etiam Con-

stantem ac debitam Homagiale[m] erga Nos, qua naturalem et legitimum suum Regem ac Dominum, devotionem atque intemeratae ac fidei cultum, quemadmodum hactenus semper laudabili exemplo, ita in posterum quoque zelose contestari modis omnibus velint ac debeant Eaedem fidelitates Vestrae. Gratia et Clementia nostra Caesarea & Regia iisdem in reliquo benigne propensi manentes. Datum in Civitate nostra Vienna Austriae, die vigesima sexta Mensis Novembris, Anno Domini Millesimo septingentesimo octavo.

Josephus m. p.

Comes Nicolaus Illésházy m. p.

Franciscus Somogy m. p.

*A tergo :*

Reverendis, Honorabilibus, Spectabilibus ac Magnificis, Egregijs et Nobilibus, Prudentibus item ac Circumspectis N. N. Universis Statibus et Ordinibus, Dalmatiae, Croatiae et Sclavoniae Regnorum Nostrorum, Fidelibus Nobis dilectis.

Graecio Varasdinum.

(L. S.)

Orig. in Arch. Reg. Croat. Acta Regni Congr. 1708, Nr. 32.

---

## CCXXXIV.

*Anno 1712. 16. Maji. Viennae.*

**Carolus III. Rex de fidelitate Croatarum noviter edoctus, eosdem de conservandis eorum juribus et libertatibus certiores reddit.**

**CAROLUS** Sextus Divina Favente Clementia Electus Romanorum Imperator Semper Augustus, Germaniae, Hispaniarum, Hungariae, Bohemiae, Dalmatiae, Croatiae et Slavoniae Rex, Archi-Dux Austriae &c.

Reverendi, Honorabiles, Spectabiles ac Magnifici, Generosi, Fideles, Dilecti. Quam grata Nobis fuerit declarata rursum et in nupero Conventu Zagrabiensi et per Solennem Legationem a fidelissimis inclytorum Regnorum Nostrorum Dalmatiae, Croatiae et Slavoniae Statibus in Nos totamque Augustam Domum avita devotio providaque avertendorum, quantum fieri queat, futurorum discriminum Sollicitudo, ipsi Ablegati Vestri, Reverendus, Spectabiles et Magnifici, Generosusque Comes Emericus Esterhazy de Galantha, Episcopus Zagrabiensis, Abbas B. Mariae Virginis de Thoputzka, Consiliarius olim Caesareus et officij Banalis in Politicis Locumtenens, Joannes Draskovich de Trakostain, Consiliarius nuper quoque Caesareus et Camerariorum per Hungariam Magister, Generalis Vigiliarum Praefectus, Comitatum Valkowar et Burona Supremus Comes, denique Georgius Plenich de Ottok, Consiliarius antea pariter Caesareus. Regnorumque Dalmatiae, Croatiae et Slavoniae Protonotarius, testimonium perhibere poterunt. Referent Vobis iidem, quid ad rem tam salutarem omnino perficiendam et quam solidissime stabiliendam Nobis necessarium visum fuerit: neque adeo dubitamus, quin una Nobiscum, ubicunque usus postulaverit, Vos porro sedulo incubituri sitis. Vobis vicissim firmissime spondemus, non solum Vestra Vobis jura, Privilegia et immunitates a Nobis Successoribusque Nostris inviolabiliter Semper conservatum, sed nec praeterea quicquam omissum iri, quod ad ingenitam Austriaci Sanguinis benignitatem et clementiam demonstrandam Regnorumque optime meritorum commoda ulterius provehenda facere queat. Superest, ut probatos jam luculento judicio vestro ipsosmet Ablegatos vestros obita apud Nos egregie functione reduces Nostris quoque Verbis commendemus, Vosque simul de perenni gratia Nostra Caesareo-Regia quam certissimos reddamus, quod et lubentissimo animo ac benignissima in Vos omnes et singulos Voluntate nunc agimus. Da-

bantur Viennae die 16. May Anno Milesimo Septingentesimo Duodecimo, Regnorum Nostrorum Romani primo, Hispanici nono, Hungarici vero et Bohemici Secundo.

Carolus m. p.

Joan. Frid. B. a Seilern m. p.

Ad mandatum Sacrae Caesareo-Regiae Majestatis proprium

Joannes Georgius Buol m. p.

*A tergo :*

Reverendis, Honorabilibus, Spectabilibus ac Magnificis, Egregijs et Nobilibus, Prudentibus item ac circumspectis N. N. Universis Statibus ac Ordinibus Dalmatiae, Croatiae & Slavoniae Regnorum nostrorum Fidelibus Nobis dilectis.

(L. S.)

Orig. in Archivo Regni Croatiae. Acta Regni Congregationis A. 1712. N. 25.

---

**CCXXXV.**

*Anno 1714. die 22. Junii. Viennae.*

**Carolus III. Rex salis turcici usum in Regno Croatiae prohibet, maritimi vero concedit.**

**CAROLVS VI. DEI gratia electus Romanorum Imperator semper Augustus, ac Germaniae, Hispaniarum, Hungariae, Bohemiaeque &c. REX.**

Reverendi, Honorabiles, Spectabiles ac Magnifici, Egregij item ac Nobiles, nec non Prudentes ac Circumspecti, fideles Nobis dilecti. Ex demissa Camerae nostrae Aulicae repraesentatione benigne informamur, Quod tametsi intuitu iteratorum praecedentium, novissime autem benigni nostri, sub dato in Civitate nostra Vienna Austriae, die Vigesima Secunda Mensis Aprilis Anni proxime praeteriti Millesimi Septingentesimi decimi Tertij emanati, Fidelitatisque Vestris sonantis Mandati, inductio Salis Turcici, potiori in parte cessare videatur, e contra

Salis nostri maritimi commercium redintegrari incipiat; Necdum tamen praenotati Salis Turcici usus ex integro et ubique in Croatiae et Sclavoniae Regnis nostris sublatus esset, ac Seriae eatenus Inhibitiones nostrae cum Vili-  
pendio benignorum Mandatorum ac damno et praejudicio aerarij nostri non ob-  
servarentur.

Quapropter Fidelitatibus Vestris harum serie iterato et firmiter praeci-  
pientes committimus et mandamus, quatenus ad mentem praecitati prioris benigni  
Mandati nostri praementionatam Salis Turcici palam vel occulte attentandam in-  
ductionem, quaestum, Ejusque usum, denuo et absolute inhibere, adeoque penitus  
eliminare, maritimi vero legalem usum continuare velint debeantque Eadem  
Fidelitates Vestrae. Gratia in reliquo nostra Caesareo-Regia iisdem benignè  
propensi manemus. Datum in Ciuitate nostra Vienna Austriae, die Vigesima  
Secunda Mensis Junij, Anno Millesimo septingentesimo decimo quarto.

Carolus m. p.

Ladislaus Adamus Comes Erdödy m p.  
Episcopus Nitriensis.

Ladislaus Hunyady m. p.

*A tergo:*

Reuerendis, Honorabilibus, Spectabilibus ac Magnificis, Magnificis item  
Egregiis et Nobilibus, nec non Prudentibus ac Circumspectis N. N. Regnorum  
Nostrorum Dalmatiae, Croatiae & Sclauoniae Vniuersis Statibus et Ordinibus &c.  
Fidelibus Nobis dilectis.

Varasdinum.

(L. S.)

Orig. in Archivo Regni Croatiae. Acta Regni Congr. A. 1714. N. 9.

## CCXXXVI.

*1720. die 28. Augusti. Viennae.*

**Carolus III. Rex contractum, inter Cameram Interioris Austriae et Croatiae Status ratione bonorum Zrinjano-Frangepaniorum innitum, confirmat.**

**CAROLVS VI. DEI gratia electus Romanorum Imperator Semper Augustus, ac Germaniae, Hispaniarum, Hungariae, Bohemiae &c. Rex.**

Reverendi, Honorabiles, Spectabiles ac Magnifici, Magnifici item & Egregij, Nobiles, nec non Prudentes ac Circumspecti, Fideles Nobis dilecti. Rite meminerint Fidelitates Vestrae, qualemnam Contractum circa Bona Maritima Zrinjano- & Frangepano-Fiscalia, alioquin legitimo Venditionis Titulo per Fiscum Regium in Interioris Austriae Cameram Suo modo translata, in Anno adhuc Domini 1695 cum modofata Camera iniverint. Contra cujusmodi Transactionem & quidem ratione onerum Extraordinariorum a praespecificatis Bonis in medium Fidelitatum Vestrarum praestandorum, dum nonnulla gravamina ex parte praelibatae Camerae Genitori nostro desideratissimo gloriosae memoriae Imperatori & Regi Leopoldo demisse repraesentata extitissent, Eidem benigne visum fuit, Sub Dato Diei Decimae Mensis Martij Anni 1703 clementer resolvere: Ut praetacta gravamina in novo Congressu, isthic Viennae Austriae instituendo, examinentur & juxta aequum & justum tollantur. Et licet istiusmodi Congressus eorum, aut exposit etiam ob diversa eatenus intervenientia impedimenta institui nequivisset; Fidelitates nihilominus Vestrae ad implementum praecallegatae Transactionis coram Fidele nostro, Spectabile ac Magnifico Comite Joanne Draskovich de Trakostyan. Comitatus de Valpo Supremo Comite, Cubiculariorum nostrorum Regalium per Hungariam Magistro, Generali item Campi Mareschali Locumentente, Camerario & Consiliario nostro, contra praefatam Cameram nostram Interioris Austriae processerunt, Eandemque ex praetensa Ejusdem Contumacia in certa Summa Pecuniaria convinci curando, hujusmodi convictivam Sententiam per realem Bonorum Ozaliensium apprehensionem in majori parte in Executionem quoque summi fecerunt, resultante adhuc Executione Benigno Mandato nostro, attendandae cujuspiam in Bonis Cameralibus Executionis Suspensorio superveniente, usque ulteriorem eo in passu subsequendam Benignam Resolutionem nostram in Suspensio relicta. Quibus taliter gestis, ac tam Fidelitatibus Vestris, quam etiam praefatae Camerae nostrae sub decursu Anni proxime praeteriti 1719 demisse ad Majestatem nostram recurrentibus, & ex nonnullis in medium adductis rationibus, antelata quidem Camera nostra pro annulatione praedecaratae Sententiae contra se latae, per consequens etiam Bonorum modo praevio in Executionem sumptorum Re-



executione; Fidelitatibus vero Vestris pro praeattacti Benigni Suspensorij Mandati nostri relaxatione, adeoque inchoatae Executionis ulterioris continuationis admissione perquam demisse supplicantibus, habita ad praeadductam pijssimae memoriae Genitoris condam nostri desideratissimi circa istiusmodi differentias, modo praevio expeditam Caesareo-Regiam Resolutionem benigna reflexione, in conformitate Eiusdem clementer ordinavimus, ut sub Praesidio Fidelis nostri sincere dilecti, Reverendi, Spectabilis & Magnifici Comitissae Emerici Eszterhazy, Episcopi Zagrabiensis & Actualis Intimi Consiliarii nostri, cum interventu subsequen- tium Membrorum ex Camera nostra Aulica & Cancellaria nostra Regio Hungarica pariter Aulica, pro Commissarijs per Majestatem nostram nominatenus deputatorum, Fidelium quippe nostrorum, Francisci Josephi a Kraph, Joannis Theodori a Weissenbergh, Ladislai Hunyady, Joannis Francisci Peterffy & Josephi Koller, praemisso in negotio, certus autoritativus Congressus isthic Vienne quantocyus eo fine instituitur; quo auditis plene ac perpensis & ponderatis utriusque Partis fundamentis & rationibus, praedecarata differentia, aut amicali unanimique cointelligentia de aequo & bono complanetur, aut tentata incassum modofata Amicali compositione, totus rei Status Majestati nostrae ad Clementissimam Resolutionem & Decisionem nostram quam demississime referatur. Dum igitur praerecensita Aulica Commissio nostra Partes in praemissis dissidentes per sufficienter eatenus instructos Plenipotentiarios comparituros in praesentiam sui citasset, ac contra eadem, ex parte quidem praescriptae Camerae Interioris Austriae, Fidelis noster Spectabilis & Magnus Comes Adelmus Antonius a Petaz, Camerarius Noster & Bonorum nostrorum Bucariensium Capitaneus, cum Plenipotentibus Camerae nostrae Aulicae Literis. die 18. Mensis Januarij Anni currentis expeditis, Nomine autem Fidelitatum Vestrarum, Fidelis pariter noster Egregius Adamus Oresky, Comitatus Zagrabiensis Vice-Comes, penes Fidelitatum Vestrarum Plenipotentes ex Generali earundem Congregatione, Zagrabiae 4. et sequentibus Mensis Decembris diebus Anni praeteriti 1719 celebrata expeditas comparuissent; modofati Plenipotentiarij in diversis eatenus habitis Congressibus, ad effectum exoperandae circa praemissa Amicabilis Compositionis, deductiones Suas pro & contra exhibentes, tandem super eo, qualiternam Transactio modo praevio in Anno 1695 inita (per cujus videlicet Punctum Numero secundum saepedata Interioris Austriae Camera nostra se nimium gravatam fuisse quereretur, Fidelitates autem Vestrae circa alia Ejusdem Puncta suas habuissent considerationes et reflectiones) modificanda esset, iidem Plenipotentiarij, et quidem Cameralis modalitate sub Litera A. praesentibus annexa, Fidelitatum Vestrarum autem, uti sub Littera B. accluderetur, finaliter sese declararunt. Quibus ad invicem combinatis compertum fuisset, quoad Punctum

Primum. Nullam superesse difficultatem, ex quo in eadem forma ab utraque Parte projectum haberetur, quo vero ad

Secundum. Fidelitates Vestras ac memoratam Cameram Interioris Austriae in eo convenisse, ut praespecificata Bona ab ordinarijs quibusvis oneribus deinceps quoque exempta sint & immunia, in supportationem vero communium & Extraordinariorum Regni onerum, ut sunt gratuiti Labores, novorum Confiniorum Annua Exolutio, Praesidiorum Reparatio et Fortificatio, tempore Belli Militum et Salariorum auctio, Tormentorum, omnium denique necessariorum pro Confinijs & Praesidijs, pro circumstantia temporis emergentium & occurrentium

Publicarum necessitatum provisio & his similia, intervenientibus Publicis necessitatibus per fidelitates Vestras praestantur & imponi solent, ex parte praelibatae Camerae ab hocce 1720 Anno inclusive Annuatim 300 Floreni praestentur. Quod si autem in futurum ultra praespecificata etiam alia, quae pro nunc praevideri vix possent, Regis et Sacrae Coronae onera Fidelitatibus Vestris imponi contingeret, praeter praenotatam 300 Florenorum Summam etiam in talismodi onerum Exolutionem, juxta justam et aequam ex primitus instituenda totius Regni Conscriptione eruendam proportionem, praenotata Bona Cameralia concurrant. Circa quae cupivisset antelata Camera per expressum adhuc declarari, quod si etiam per speciale Benignum Mandatum nostrum Fidelitates Vestras ad praestanda praetensiva primi ordinis Extraordinaria onera commoneri contingeret, tali quoque in casu Eadem ex parte dictae Camerae praespecificatis 300 Florenis compensentur, neque ullum praeterea onus respectu eorundem antelatae Camerae accrescat. Conscripção vero, cujus hoc Punctum meminit, ad praecavendos quosvis Tumultus in praespecificatis Bonis Cameralibus, non de Loco ad Locum eundo, verum erga fidelem Juratorum officialium denunciationem, inspectisque Eorundem Bonorum Urbarijs, instituatur, exindeque justa et aequa proportio eruatur. In eo autem haberi adhuc discrepantiam, quod interea temporis, donec videlicet modofata Conscripção in effectum deducatur, praelibata Camera respectu praedictorum Bonorum nonnisi a fumis 15 in supportationem posterius attactorum onerum concurrere velit; Fidelitates autem Vestrae praetendant Eandem Cameram hujusmodi onera in Decima quinta Regni Parte haud dubie exemplo primaevi Contractus supportare debere. In quantum ad

3. In sortem onerum Extraordinariorum ab Anno 1695, tempore videlicet illo, quo praeallegatus primaevus Contractus initus fuerat, usque ad Annum 1718 inclusive restantium fidelitates Vestras octo Mille Floreni, ac praeterea fructus sive Proventus, ex Bonis Ozaliensibus, usque ad subsecutam eorundem reexecutionem perceptos & collectos praetendisse, ex parte vero toties dictae Camerae, ultra dictorum Bonorum fructus, modo praevio collectos, Sex Mille Florenos offerri; onera autem extraordinaria Anni proxime praeteriti 1719 ex mutuo Partium consensu Florenis 174 septemdecim Cruciferis per Cameram quoque praestandis compensata haberi.

4. & 8. Punctis, quoad Injurisdictionalia ab utrinque applacdatum extitisse, ut prima Instantia, tam officialium, seu Praefectorum Arcium & Dominiorum, quam subditorum sit Vicarius, a quo Appellatio vadat ad Directorem & Revisio ad Cameram, qua Possessorem illorum Bonorum, ita tamen, ut Judicium hoc Revisorium per Ejusdem Camerae Delegatum intra Limites Regni instituatur: Cum ea ex parte Fidelitatum Vestrarum facta declaratione, quatenus hujusmodi Causae juxta Regni Leges & usu receptas consuetudines dijudicarentur, in Causis autem protractae, sive denegatae Justitiae, sicut & ubi ipsa Camera ratione dictorum Bonorum Jure convenienda esset, sortiatur Forum Banale, Salvo Parti gravatae ad Majestatem Nostram recursu. Differentiam porro in eo esse, quod modo dicta Camera nullius alterius, quam solius Bani in Persona Judicio se submittere velit, Fidelitates e contra Vestrae hujusmodi Judicatus Provinciam absente a Regno Bano, etiam ad Locumtenentem Banalem, vel illum, cui Banus generalem, aut specialem delegaverit facultatem, extendi cupiant. Denique circa

5. Ex Parte Fidelitatum Vestrarum aliam non haberi considerationem, quam quod illius nulla videatur esse ratio, vel necessitas, cum in subsequentibus expressum habeatur. Quoad

6. 7. 9. & 10. Nihil esse immutatum, adeoque eadem sicut in primaevo Contractu, ita & nunc stare posse. Demum ad

Ultimum. Talis ex parte Fidelitatum Vestrarum interposita esset cautela, quasi Cameralium Bonorum Director nonnisi tunc, ubi ea, quae memoratam Cameram nostram, qua praescitorum Bonorum Possessorem etiam concernerent, pertractanda forent, ad Publicas Regni Congregationes vocari deberet. Ex quo autem ex praemissis pateret, praedecaratam differenciam ex integro amicaliter non esse terminatam, proinde praerecensitas discrepantias, in quibus videlicet ipsae Partes ad invicem convenire nequivissent, modalitate subinserta accommodandas, ac ex aequo & bono determinandas esse duximus; videlicet ea, quae

Puncto 11. Majoris claritatis ergo, ex parte toties dictae Camerae appositae habentur, stare omnino debere, cum in eo casu, quo fidelitates Vestrae in praestandis Extraordinarijs oneribus suis nefors remissae forent, ita ut easdem eatenus monere sit necesse, nullum per hoc novum onus Camerae accrescere debeat, sed & ex quo praeinsinuata Conscriptio impracticabilis vix non esse videretur, Status Bonorum non aliunde, quam ex fidei Juratorum officialium denunciatione, Librisque Urbarialibus erui quiret, praecipue cum Fidelitates Vestrae super eo, ut remonstrarent, cur nam praeallegata Vrbarialis Proba Juramento etiam officialium munita sufficere non debeat? iteratis etiam vibibus commonitae, nihil eo in passu in praesentiarum usque reposuissent. Quantum autem ad discrepantiam eodem Puncto Secundo uberius expositam: Siquidem ex productis per Cameram Urbarialibus Extractibus censeretur, toties dicta Bona in eo, quo nunc sunt statu, non plures, quam 15 fumos efficere, & Fidelitates quoque Vestrae per modo praevio projectatam respectu onerum Extraordinariorum, tum hactenus inexolute haerentium, tum etiam in futurum praestandorum, Conventionem onerum tali alias Regno incumbentium in Decima quinta Parte supportationem Eidem Camerae onerosam esse, agnovisse viderentur, hinc etiam saepefatam Cameram usque ad tempus instituendae praeattactae Conscriptionis in exolutionem talium onerum, quae pro nunc, uti praemissum esset, nec praevideri, minus specificari valerent, si eadem nefors Regno imponi contingeret, nonnisi a proportionem 15 Fumorum concurrere debere. Quoad

3. Praeteritorum Annorum, Restantias, oblatas ex parte Camerae 6000 Florenis & Fructibus Bonorum in executionem Sumptorum, usque ad subsecutam eorundem reexecutionem, perceptis & juxta praefatorum Bonorum valorem circiter Mille Quingentos Florenos constituens sufficienter compensari, praecipue cum Fidelitates Vestrae in primaevo projecto Suo nulla praedeclatorum fructuum mentione facta, in Sortem praespecificatarum Restantiarum non nisi octo Mille Florenos praelendissent. Tandem circa

4. & 8. Hoc loco factam Fidelitatum Vestrarum declarationem admitti, cum juxta etiam Articulos 71. Anni 1681 & 44. 1715 saepefata Bona seu eorum Possessores & officiales Legibus Regni subesse debeant. Ex quo demum Fidelitates Vestrae cum saepefata Camera Nostra in eo non convenissent, quoniam in Causis protractae, sive denegatae per Cameram Justitiae, sicut & ubi ipsa Camera ratione dictorum Bonorum Jure convenienda esset, absente a Regno

Bano, Ejusdem Camerae Judex esse debeat. Eo in passu judicavimus primum et ante omnia distingvendas esse causas, ratione quarum antelata Camera Jure conveniri posset, & tandem juxta meritum & qualitates Causarum Judices quoque deputandos fore. In Causis igitur superfacto praenotatorum Bonorum contra eandem Cameraam movendis, deinceps quoque sortiatur Forum Banale. In Causis autem Violentiarum per ipsam Cameraam aut ex officiolatu commissarum, prout & si memorata Camera modalitate hoc puncto prascripta coram se querulantibus Jus & Justitiam debite impendere, sive longius differret, aut plane omitteret, coram, non quidem per Comitem praefatorum Regnorum Banum, verum exemplo Articuli 121. praecitati 1715 Anni per Majestatem Nostram singulis annis clementer Delegando Judice, Jure conveniri possit. Cujusmodi Judex in Causis coram se movendis contra toties dictam Cameraam juxta Regni Leges Judicium quidem ferre, Sententiam suam nullatenus in Executionem summere, verum eandem Majestati nostrae, medio Regiae Cancellariae Hungaricae Aulicae, pro clementer ordinanda ulteriore ejusdem Revisione ac disquisitione demisse submittere debeat. Quoad

5. Ad tollendam differentiam inter Partes circa hocce Punctum vigentem, ex hoc & immediate subsequente sexto Puncto unum formandum fore. De mum pro

Ultimo. Cautelam ex parte Fidelitatum Vestrarum interpositam locum non habere, cum exinde sequeretur Cameraam non nisi ut partem Incattam Publicis Regni Congregationibus interesse posse, adeoque aliorum Compossessorum minore Privilegio, aut praerogativa gaudere.

Praerecensitis proinde discrepantijs taliter, uti praemissum esset, per Majestatem Nostram benigne determinatis, negotium inter Fidelitates Vestras et toties dictam Interioris Austriae Cameraam Nostram modo praevio controversum, modalitate hisce sub Litera C. annexa, ex aequo et bono complanaretur & accomodaretur. In reliquo Gratia et Clementia Nostra Caesareo-Regia Fidelitatibus Vestrīs benigne jugiterque propensi manentes. Datum in Ciuitate nostra Vienna Austriae, Die Decima octava Mensis Augusti, Anno Domini Millesimo Septingentesimo Vigesimo.

Carolus m. p.

Ladislaus Adamus C. Erdödy m. p.  
Episcopus Nitriensis.

Josephus Koller m. p.

*A tergo:*

Reverendis, Honorabilibus, Spectabilibus ac Magnificis, Magnificis item Egregijs et Nobilibus, nec non Prudentibus, ac Circumspectis, N. N. Regnorum nostrorum Dalmatiae Croatiae et Sclavoniae Universis Statibus & ordinibus. Fidelibus Nobis dilectis.

*(Locus Sigilli Regii.)*

Originale in Archivo Regni Croatiae. Acta R. Congregationum 1701. Nr. 77.

## CCXXVII.

*Anno 1721. die 20. Maji. In castro Laxenburg.*

**Carolus III. Rex** mandat, ut **Status Croatiae** unam alteramve legionem militum aestivis mensibus sustentent, vel 50.000 florenos hoc nomine solvant.

**CAROLUS VI. DEI gratia electus Romanorum Imperator semper Augustus, ac Germaniae, Hispaniarum, Hungariae Bohemiaeque &c. REX.**

Reverendi, Honorabiles, Spectabiles ac Magnifici, Magnifici item & Egregij, nec non Prudentes et Circumspecti, Fideles Nobis dilecti. Aliunde Fidelitatibus Vestris apprime constare non ambigimus, quantis quamve amplis, iisque inevitabilibus Aerarium nostrum Caesareo-Regium, post Bella tam diuturna, eaque gravissima, retroactis Annis et temporibus confecta, prematur & obnoxietur Erogationibus, adeo quidem, ut ejusmodi oneri ulterius ferendo, nisi omnia omnino Haereditaria Regna et Provinciae nostrae in Subsidium aequa proportionem concursurae attrahantur, impar plane et insufficiens esse conseatur; Interim tamen absque Milite conservato et debite soluto publicae securitati, et communi omnium bono ac quieti prospectum satis non sit. Hinc Nos hujusmodi motivis et circumstantijs permoti, ac indispensabilis necessitatis ratione inducti, in praefatum quoque istud Regnum nostrum Croatiae partem antelati oneris etsi minimam derivandam et extendendam esse, eumque in finem, unam alteramve Legionem nostram, a prima currentis Mensis Maji Die, qua illis huc movendum erat, in aestivis Mensibus, secundum benigni Regulamenti in memorato Regno nostro Hungariae pro praeterito hyberno publicati tenorem et normam, in gremio praelibati hujus Regni nostri Croatiae dislocandam & sustentandam, vel in vicem seu locum ejusmodi alimentationis in parato aere Quinquaginta Mille Florenos (optione alternativa eatenus Fidelitatibus Vestris ad prompte ac fideliter exequendum benigne relicta) dinumerandos et solvendos esse, clementer Statuimus atque ordinavimus. Quo vero ipsum hocce onus ulteriori lenimento temperatum miserae Plebi levius accidat, clementer resolvimus, ut uterque Generalatus Varasdinensis et Carlostadiensis. Cameralia item Bona nostra, intra limites praefati hujus Regni nostri sita, occasione ibidem fiendae praefatarum Legionum nostrarum Dislocationis, vel loco Ejus, ut praemissum est, parati aeris fiendae praestationis, habita aequitatis proportionem. in oneris partem veniant.

Eapropter Fidelitatibus Vestris harum serie benigne simul et firmiter committimus et mandamus. quatenus acceptis praesentibus, intellectaque benigna in praemissis Dispositione atque ordinatione nostra, super antelatarum Legionum

nostrarum in gremium Vestri adventantium Dislocatione et sustentatione, aut vero loco Ejus, praespecificatorum Quinquaginta Mille Florenorum praestatione, necessarias Dispositiones atque ordinationes inter Incolas antenominati Regni hujus nostri Croatiae facere atque instituere modis omnibus debeant atque teneantur Eaedem Fidelitates Vestrae; Secus non facturae. Gratia in reliquo nostra Caesareo Regia Fidelitatibus Vestris benigne jugiterque propensi manemus. Datum in Castro nostro Laxenburg Die Vigesima Mensis Maji, Anno Domini Millesimo septingentesimo vigesimo primo.

Carolus m. p.

Comes Nicolaus Illeshazy m. p.

Josephus Sigray m. p.

*A tergo:*

Reverendis, Honorabilibus, Spectabilibus ac Magnificis, Magnificis item & Egregijs, nec non Prudentibus ac Circumspectis N. N. Regnorum nostrorum Dalmatiae, Croatiae et Sclavoniae Universis Statibus et Ordinibus &c. Fidelibus Nobis Dilectis.

Varasdini.

(L. S.)

Orig. in Archivo Regni Croatiae. Acta Regni Congregationum. 1721. N. 19.

---

## CCXXXVIII.

*Anno 1721. die 17. Maji. Viennae*

**CAROLUS III.** Rex angustiis aerarii pressus, ordinat, ut Croatiae Status unam alteramve legionem aestivis mensibus sustentent, aut 50.000 flor. hoc nomine solvant, speratque Status Croatiae hanc ejusdem ordinationem suo assensu probaturos esse.

**CAROLUS DIVINA** Favente Clementia Electus Romanorum Imperator Semper Augustus &c.

Reverendi, Honorabiles, Spectabiles ac Magnifici, nec non Egregij et Nobiles, fideles Nobis dilecti. Aliunde palam est omnibus, post bella tam diuturna, etque gravissima. confecta, aerarium Nostrum Caesareo-Regium tanta mole premi, ut oneri ulterius ferendo, nisi omnibus haereditarijs Regnis et Provincijs Nostris in concursum aequa lance attractis impar plane et insufficiens, absque milite tamen conservato et debite soluto publicae Securitati et communi omnium bono ac quieti prospectum satis non sit; ut adeo his motivis permoti, licet more maiorum Nostrorum, quoad per publicas rationes fieri valet, charissimum Nostrum haereditarium Croatiae Regnum singulari semper benevolentia complectamur, ad extremum aliter facere non potuerimus, quin in id currenti hoc anno partem quoque oneris, etsi minimam, derivaremus, id est unam alteramve legionem a prima huius mensis Maji, qua illis huc movendum erat, in aestivis mensibus, secundum regulamenti in Hungaria pro hyeme publicati tenorem et normam, sustentandam ibidem et dislocandam constitueremus, vel eius loco in parato aere quinquaginta mille florenos, sicut id electioni vestrae clementer relinquimus, alternative prompteque expectaremus. Ut vero ipsum hoc onus ulteriori lenimento temperatum vobis Statibus totique Regno levius accidat, benigne pariter indulgemus, ut uterque Generalatus Varasдиниensis et Carlostadiensis, Cameralia item bona nostra intra Regni limites sita, vel dum praefatae legiones in Croatiam dirigendae et ibidem collocandae, vel dum ejus loco aes paratum praestari voluerit, aequa proportionem habita in oneris partem veniant. Quare de commonstrata vestra peculiari illibataque semper fide ac publici boni promovendi studio clementer confidimus, Vos desuper prompte seduloque deliberaturos, eamque positivam et congruam declarationem, uti nostra de Vobis spes atque inseparabilis a vestra incolumitate Servitij Nostri Caesareo Regij ac publici boni rationes aperte manifesteque postulant, eo magis sine haesitatione daturos fore, cum per inte-

grum, et quod excedit, biennium ab hybernio, omnique alio tributo, cui omnia caetera nostra haereditaria Regna et Provinciae graviter subiacebant, soli vos immunes eratis. Praestabitis hac ipsa oportunitate Servitium Nobis singulartiter acceptum. Qui vobis gratiam Nostram Caesareo-Regiam clementer rursus confirmamus. Dabantur in Civitate Nostra Vienna Austriae, die decima septima mensis Maji, Anno millesimo septingentesimo vigesimo primo, Regnorum Nostrorum Romani decimo, Hispanicorum decimo octavo, Hungarici et Bohemici vero undecimo.

Carolus m. p.

Eugenius a Sabaudia m. p.

Ad Mandatum Sac. Caes. Regiaeque Catholicae Majestatis proprium:

Antonius Josephus ab Öttl m. p.

*A tergo:*

Reverendis, Honorabilibus, Spectabilibus, ac Magnificis, nec non Egregijs et Nobilibus N. N. Universis Statibus et Ordinibus Dalmatiae, Croatiae et Sclavoniae Regnorum Nostrorum, Fidelibus nobis dilectis.

(L. S.)

Orig. in Archivum Regni Croatiae. Acta Regni Congr. 1721 N. 19.

---

**CCXXXIX.**

*Anno 1724. die 11. Aprilis. Viennae.*

**Carolus III. Rex** modum solvendi a SS. et OO. assumpti subsidii militaris determinat.

**CAROLUS VI. DEI** gratia electus Romanorum Imperator semper Augustus, ac Germaniae, Hispaniarum, Hungariae, Bohemiaeque &c. **REX.**

Reverendi, Honorabiles, Spectabiles ac Magnifici, Magnifici jtem Egregij et Nobiles, nec non Prudentes ac Circumspecti, Fideles nobis dilecti. Posteaquam tenore benigni Rescripti nostri, sub Dato diei 12. Mensis Junij, Anni 1722 ad Fidelitates Vestras directi, Iisdem clementer intimassemus, ut quemadmodum



reliqua haereditaria Regna et Ditiones nostrae ad supportandas publicas necessitates, Tributis seu Praestationibus suis solícite promptèque concurrerent, ita etiam hocce nostrum Croatiae Regnum, concurrentibus proportionatim Varasdiensi et Carlostadiensi Generalatibus, Bonisque Cameralibus, iam alioquin sat diu ab istiusmodi Contributione liberis, Viginti quatuor mille florenos parato aere persolveret, vel Militi eo iam destinato alimenta et Stipendia subministraret; Fidelitates autem Vestrae, tenore demisse Instantiae suae, praeterito Mense Februario Nobis jntroporrectae, Concursum parati aeris praeeligissent, talique pacto nihil aliud restaret, quam ut jnter Fidelitates Vestras et praefatos Generalatus quae-piam eatenus proportio eruatur. Hinc pro jnterim et usque dum magis exacta et accurata Proportio pro futuro eruta fuerit, elementer hisce ordinamus, ut Fidelitates Vestrae, inclusis etiam Bonis nostris Cameralibus, in gremio Earundem habitis, ad exolutionem pro currente hocce Militari Anno desideratae alias sat moderatae Viginti quatuor millium florenorum Summae, in tribus ejusdem Quintalitatibus, seu Quatuordecim mille quadringentis florenis Rhenensibus, citra ulteriorem moram realiter ac effective praestandam concurrant: residuis duabus Quintalitatibus, seu restantibus Novem mille sexcentis florenis dictis duobus Generalatibus impositis, in iisdemque desumendis. In reliquo Fidelitates Vestras Gratia nostra Caesareo-Regia benigne complectimur. Datum in Civitate nostra Vienna Austriae, die undecima Mensis Aprilis, Anno Domini millesimo septingentesimo vigesimo quarto.

Carolus m. p.

Ladislaus Adamus C. Erdödy m. p.  
Episcopus Nitriensis.

Josephus Koller m. p.

*A tergo:*

Reverendis, Honorabilibus, Spectabilibus ac Magnificis, Magnificis jtem Egregijs et Nobilibus, nec non Prudentibus ac Circumspectis, N. N. Regnorum nostrorum Dalmatiae, Croatiae, Sclavoniae Universis Statibus et Ordinibus &c. Fidelibus Nobis dilectis.

Ex Officio. Varasdinum.

(L. S.)

Originale in Archivo Regni Croatiae. Acta Regni Congr. 1724. Nr. 3.

## CCXL.

*Anno 1724. die 19. Aprilis. Viennae.*

**Carolus III. Rex a SS. et OO. Regni Croatiae, et Slavoniae  
militare subsidium 24.000 flor. petit.**

**CAROLVS Divina Favente Clementia Electus Romanorum Imperator Semper  
Augustus &c.**

Reverendi, Honorabiles, Spectabiles ac Magnifici, nec non Egregij et Nobiles, fideles nobis Dilecti. Relata sunt nobis ea, quae ad postulatam nostram adhuc decima quarta Julij anno abhinc superiori ad vos emanatum de pendenda viginti quatuor mille florenorum Contributionis Summa, vel ejus loco recipiendo in Regnum alendoque aequiparanti militum numero tam antehac respondistis, quam nuperrime Commissioni ex Consilio Nostro Aulae Bellico, uti et Camera Nostra Aulica ac Cancellaria Hungarica aequae Aulica conjunctae per Deputatos e gremio vestro repraesentastis; quorum etiam intuitu atque ex singulari, qua Charissimum Nostrum haereditarium Croatiae Regnum semper complectimur benevolentia, quoad per publicas rationes fieri potest, vobis gratificari volentes, ad demissam vestram deprecationem benigne in eo condescendimus, ne quae militia Nostra illac dirigatur et actualiter illocetur. Quoniam autem jam per aliquot annos ab hybernio omnique alio tributo, cui omnia caetera Nostra haereditaria Regna et Provinciae subiacebant, et adhucdum subjacent, soli vos immunes eratis, sic jam eo magis inhaeremus praefatae Resolutioni Nostrae quoad alteram partem postulati Nostri alternative vobis intimati, ut nempe. quod respectu reliquarum ditionum Nostrarum valde exiguum est, dictam viginti quatuor mille florenorum Summam pro currenti hoc anno contribuatis. Quo vero ipsa haec praestatio vobis tantominus graviter accidat, benigne pariter annuimus, ut uterque Generalatus Varasiniensis et Carlostadiensis, uti et Cameralia Nostra bona intra Regni limites sita, in partem oneris ita veniant, ut memorata viginti quatuor mille florenorum Summa in quinque partes dividatur, et signanter tres quintalitates a Charissimo Nostro Croatiae Regno simul cum dictis Nostris bonis Cameralibus, alterae duae quintalitates vero a praefatis ambobus Generalatibus eo promptius pendantur, cum id ipsum quantum Legioni Nostrae Dimacharum Wirtenbergianae in partem obvenientis eidem alimentationis assignatum jam sit. Confidimus proinde in cognito vestro zelo ac devotione, vos ad exemplum aliarum omnium Provinciarum Nostrarum haereditarium id absque haesitatione alacriter praestatuuros, unde Nobis Servitium singulariter acceptum exhibebitis. Qui porro vobis gratiam Nostram Caesareo-Regiam clementer rursus confirmamus. Dabantur in Civitate Nostra Viennensi die decima nona Mensis Aprilis, Anno Millesimo Septingentesimo vigesimo

quarto, Regnorum nostrorum Romani decimo tertio, Hispaniarum vigesimo primo, Hungarici et Bohemici etiam decimo tertio.

Carolus m. p.

Eugenius a Sabaudia m. p.

Ad Mandatum Sacr. Caes. Regiaeque Catholicae Majestatis proprium :

J. W. von Brockhausen m. p.

*A tergo :*

Reverendis, Honorabilibus, Spectabilibus ac Magnificis, nec non Egregijs et Nobilibus N. N. Universis Statibus et Ordinibus Dalmatiae, Croatiae et Sclavoniae Regnorum Nostrorum, fidelibus Nobis Dilectis.

(L. S.)

Orig. in Archivo Regni Croatiae. Acta Regni Congr. a. 1724. Nr. 5.

## CCXLI.

*Anno 1725. die 7. Junii. In castro Laxenburg.*

Carolus III. Rex Tabulam Judiciariam pro Regno Croatiae et Slavoniae regulat.

CAROLUS VI. DEI gratia electus Romanorum Imperator semper Augustus, ac Germaniae, Hispaniarum, Hungariae, Bohemiaeque &c. REX.

Reuerendi, Honorabiles, Spectabiles ac Magnifici, Magnifici item Egregij & Nobiles, Fideles Nobis dilecti. Demisse relata est Nobis illa celebrandorum Iudiciorum Modalitas, quam Fidelitates Vestrae in locum Prothonotarialis Iudicatus, antehac in Partibus exerciti, post ejusdem sub novissime terminata Diaeta interventam abrogationem. in Generali Congregatione sua, mense Augusto Anni 1723 Zagrabiae celebrata, ad benignam ratificationem aut Modificationem nostram elaborarunt & Majestati nostrae humillime exhiberi fecerunt. Quo in passu benigne visum fuit Nobis sequentem resolutionem impertiri: ut videlicet pro moderno Iurisdictionis Banalis Statu, una duntaxat Iudiciaria Tabula, ex uno Praeside, ac quatuor Assessoribus, uno item Jurato Notario, benigne per Majestatem nostram erga praeviam demissam Fidelitatum Vestrarum Propositionem constituendis & denominandis, ordinario Legeque stabilito Iudicum Iuramento adstringendis, ac Salaria competentia ex Publico Regni fundo habituris, constans erigatur, eademque seu ad illam denominandi Praeses, Assessores & Notarius in Liberam et Regiam Civitatem nostram Zagrabensem quotannis pro Dominica prima Quadragesi-

simae, Festo item Sanctorum Philippi & Jacobi Apostolorum, ac tandem Festo quoque S. Stephani Regis se se conferre, ibidemque in Domo Praetoria Consensus Iudiciarios celebrando, tam diu donec necessitas Concurrentium Causarum postulabit, remanere, Partibusque Iustitiam administrare teneantur, exceptis tamen Legalibus Ferijs, Juristitorumque temporibus. reliquis vero Juridicis & aptis Anni temporibus pro Banali Tabula & Sedibus Judiciarijs Comitatum relictis. Incumbet autem Regnicolis coram hujusmodi Tabula Causas suas promoturis ita mature & tempestive apud futurum pro tempore Praesidem. vel eo vacante aut legitime impedito, vel interessato, apud primum ejusdem Tabulae Assessorem & Conjudicem, semet debite insinuare, ut contra Partes eorundem legaliter eatenus certificari queant, et si vel unus duntaxat Causantium se insinuaverit. Officiumque ejusmodi tempestive interpellaverit, eo facto Praeses et reliqui ejusdem conjudices sub Poena legali ad Locum praedeterminatum convenire et Judicialiter tanto quanto opus fuerit tempore considerare et in concursu plurium Causarum Legalem seriem, Pauperumque et Viduarum ac Causarum vetustatis reflexionem habere, Justitiamque omnibus aequaliter sancte et intemerate administrare obligantur. Si porro nullus absolute Causantium ante destinatos modo praevio Terminos apud praeattactos Judices se aut insinuaverit, aut ex praecedenti vel praecedentibus ejusmodi Terminis aliquae indecisae Causae et Processus non manserint, tali pro casu ipsi quoque Indices pro imminente aliquo ex modo praevio designatis Terminis eorum comparere et ibidem tempus innaniter consumere nequaquam teneantur. Et vice versa, si etiam extra et praeter supra denotatorum Terminorum tempora, praesertim aliqua Inops et miserabilis Persona Judicium et Justitiam a praelibata Tabula Judiciaria postulaverit, praemissis de Lege et Jure praemittendis, tali etiam extraserialiter toties quoties necessum fuerit, omnem debitam Justitiam et Satisfactionem administrare. Eidem vero Tabulae, seu ejusdem Commissionibus et Exmissionibus, Judices et Vice-Judices parere obligantur. Taxae porro Expeditionum ejusdem Tabulae Judiciariae pro sublevamine Causantium, ad ratam medietatem illorum, quae hactenus exigi consueverunt, reducantur, iisdemque tam Judices, quam et Scribae eorundem contententur. Appellationes demum, tam a praerepetitae Tabulae, quam etiam Comitatus Sediarum Judicio intra Dominium, seu suspensa latae Sententiae Executione, ad Tabulam Banalem, inde vero ad tenorem Articuli 27. 1723. ad Tabulam nostram Regiam Iudiciariam interponi admittantur & eo etiam transmittantur, solo casu imminenti Distractionis aut dilapidationis rerum adjudicarum, nullius item. vel insufficientis Cautionis, excepto. in quo juxta Articulum 28. Anni 1715 usque ulteriorem Causae Decisionem, Sequestrum imponendum erit. Cacterum id quoque juxta demissum Fidelitatum Vestrarum Postulatam iisdem clementer hisce admittendum esse duximus: Ut praeter et ultra Causas Prothonotariali Foro antehac subjectas, causae quoque contra Supremos aut Vice-Comites, quorumvis praespecificatorum Regnorum Comitatum, seu in Personalibus, aut etiam realibus. promovendae, quae alias Foro Comitatus subessent, ibidem in prima Instantia judicandae, ad tollendum omnem rationabilis Diffidentiae aut interessentiae cuiuspiam fomitem et Suspicionem, in praedecarata Judiciaria Tabula in prima Instantia Legaliter in futurum promoveri possint.

Quibus taliter resolutis et applacitatis Fidelitatibus Vestris clementer hisce committimus et mandamus, quatenus acceptis praesentibus, eo, quo Praeses. As-

sessores et Notarius dictae Tabulae clementer etiam per Majestatem nostram constitui et denominari queant, apta et idonea eatenus Subjecta Nobis demisse proponere, una etiam in eo, quidnam uni et alteri eorundem titulo Annui Salarij ordinandum existimarent, demissam Opinionem suam quantocumque submittere noverint et non intermittant. Gratia in reliquo nostra Caesareo-Regia Eisdem Fidelitatibus Vestris benigne propensi manentes. Datum in Castro nostro Luxemburg, die septima Mensis Junij, Anno Domini Millesimo Septingentesimo Vigesimo quinto.

Carolus m. p.

Emericus Esterhazy m. p.

Episcopus Vespriemiensis.

Josephus Koller m. p.

*A tergo :*

Reuerendis, Honorabilibus, Spectabilibus ac Magnificis, Magnificis item Egregijs & Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae & Sclauoniae Universis Statibus & Ordinibus &c. Fidelibus Nobis dilectis.

Varasdini Ex Officio.

(L S.)

Orig. in Archivo Regni Croatiae. Acta Regni Congr. 1725 Nr. 10.

## CCXLII.

*Anno 1736. die 29. Novembris Viennae.*

**Carolus III. Rex SS. et OO. Croatiae et Slavoniae conservationem jurium et libertatum pollicetur.**

**CAROLVS VI. DEI gratia electus Romanorum Imperator semper Augustus, ac Germaniae, Hispaniarum, Hungariae Bohemiaeque &c. REX.**

Reverendi, Honorabiles, Spectabiles ac Magnifici, Magnifici item Egregij et Nobiles, nec non Prudentes ac Circumspecti, Fideles nobis dilecti. Demisse relata sunt Nobis ea, quae Fidelitates Vestrae occasione nuper interventae a Consilio nostro Aulac Bellico ad Comitem Banum circa conceditum Principi ab

Hildburgshausen Partibus in illis Militare Imperium Insinuationis, ex Earundem Conferentia nuperrime habita Nobis medio peculiariter exmissorum Ablegatorum suorum humillime exposuerunt; Quibus benigne intellectis, veluti Nos Augusta-que Domus nostra hactenus cunctis in occurrentijs eximiam Fidelitatem Fidelium Statuum et Ordinum Regnorum nostrorum Croatiae ac Slavoniae experti fuissimus, ac de ulteriore quoque ejusmodi insignis Devotionis et Fidelitatis continuatione indubiam spem Nobis firmiter polliceremur, ita in Casu ingruentis Belli ac dum ad reprimendam Hostium Vim validior, eaque regulata Militia in Districtu Jurisdictionis Banalis necessaria est futura, ejus clementissimam habituri sumus reflexionem, ne Servitio nostro vel etiam Publico Bono Conservationique Ipsorummet Fidelium Statuum quid desit: Et neque praememorata Consilij nostri Aulae Bellici Insinuatio eo sensu sumenda esset, quasi Imperium Militare illis in Partibus habiturus, cum Fidelibus Statibus, omisso medio legitimae et competentis Eorundem Instantiae, pro suo arbitrio acturus esset, cum expressa benigna mens et voluntas nostra existat, ut ea, quae a parte Provincialium dictorum Regnorum nostrorum in Promotionem servitij nostri inibi etiam conferri debent, medio antelati Bani Fidelitatibus Vestris intimentur et innotescant, ac erga talem Intimationem sua modalitate prompte etiam praestentur, et alias quoque Fideles Status et Ordines praeattactorum Croatiae ac Slavoniae Regnorum nostrorum in justis suis Juribus, Praerogativis et Privilegijs omnimode conserventur manuteneanturque. Gratia in reliquo nostra Caesareo-Regia Fidelitatibus Vestris benigne jugiterque propensi manentes. Datum in Civitate Nostra Vienna Austriae, Die vigesima nona mensis Novembris Anno Domini Millesimo septingentesimo trigesimo sexto.

Carolus m. p.

Comes Ludovicus de Batthyán m. p.

Petrus Véggh m. p.

*A tergo :*

Reverendis, Honorabilibus, Spectabilibus ac Magnificis, Magnificis item Egregijs et Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae et Slavoniae universis Statibus ac Ordinibus &c. Fidelibus Nobis dilectis.

(L. S.)

Orig. in Archivo Regni Croatiae. Acta Regni Congregationis A. 1736. N. 53.

**CCXLIII.***Anno 1738. die 24. Martii. Viennae.*

**Carolus III.** Rex Communitatem Sichelburgensem a tricesimae praestatione, quoad sibi necessaria, vi obtenti ab eadem Communitate privilegii, liberam dicit.

**CAROLVS VI.** DEI gratia electus Romanorum Imperator semper Augustus, ac Germaniae, Hispaniarum, Hungariae, Bohemiaeque &c. **REX.**

Reverendi, Honorabiles, Spectabiles ac Magnifici, Magnifici item Egregij ac Nobiles, nec non Prudentes ac Circumspecti, fideles Nobis dilecti. Ex de-  
missa Cancellariae nostrae Austriaco Aulicae Repraesentatione informamur, qualiter Communitas Sichelburgensis a modernis Arendatoribus & Tricesimatoribus in antiquis suis per Nos Clementer Confirmatis Privilegijs in eo novissime turbata atque laesa fuerit, quod de omnibus & singulis illuc introducendis Mercibus Telonium sive Trigesimam earundem partem indiscriminatim persolvere debeat, aut hoc denegato, diversa Ejus sequestrentur pecora; unde graves jam Rixae, Conflictus, atque Caedes mutuae subsecutae fuissent. Quibus malis oportune provideri cupientes, Camerae nostrae Aulicae benigne demandavimus, quatenus memorata Communitas, vigore Privilegij sui, ab ejusmodi Tricesimae praestatione, quoad sibi necessario introducenda Consumptibilia penitus liberetur, respectu vero sui aliorum agendi et instituendi Commercij, praecipue praesentis Belli tempore, pristina & hactenus solita moderata Telonij praestatio observetur. Quam benignam Resolutionem atque Ordinationem nostram in praemissis interventam, Fidelitatibus Vestris ad Statum notitiae Clementer intimantes, Iisdem in reliquo Gratia et Clementia nostra Caesareo-Regia benigne propensi manemus. Datum in Civitate nostra Vienna Austriae, die vigesima quarta Mensis Martij Anno Domini Millesimo Septingentesimo Trigesimo octavo.

Carolus m. p.

Comes Ludovicus Batthyani m. p.

Petrus Végh m. p.

*A tergo :*

Reverendis, Honorabilibus, Spectabilibus ac Magnificis, Magnificis item Egregijs et Nobilibus, nec non Prudentibus ac Circumspectis N. N. Regnorum Nostrorum Dalmatiae, Croatiae et Sclavoniae Universis Statibus & Ordinibus &c. Fidelibus Nobis dilectis.

Varasдини ex Offo.

(L. S.)

Orig. in Arch. Reg. Croat. Acta Regni Congr. 1738, Nr. 11.

---

## CCXLIV.

*Anno 1745. die 1. Aprilis. Viennae.*

### Instructio Commissariis pro reincorporatione Inferioris Slavoniae constitutis, a Regina Maria Theresia data.

Communis ac ulterior Instructio Commissariorum Nostrorum Regionum, Generalis quippe nostri Baronis ab Engelshoffen, Comitissae jtem Alexandri Patachich et Baronis Ladislai Vajai, ad incorporationem Syrmij et inferioris Sclavoniae. pro exigentia Articuli 18 et 50. novissimae Diaetae suo modo instituendam, denuo exmissorum.

Siquidem praemisso in negotio Incorporationis ultra ea, quae jam Annis praeteritis clementer resolvimus et Bano Croatiae, nec non praefato Generali nostro ab Engelshoffen die 30. Octobris Anni 1743 et Comiti Patachich, aequae sub die 5. Augusti Anni proxime praeteriti, conformiter ad praecitos 18 et 50. Anni 1741 Articulos, tanquam Basim et fundamentum totius huiusce Incorporationis ulterius quoque benigne insistimus, medio etiam tempore sequentia clementer resolvissimus.

Primo, ut praefati Commissarii nostri Regij post acceptam hanc benignam Instructionem nostram ad Summum intra 14 dies ad faciem loci jterum exeant et pro certo die ac loco, per ipsos cointelligenter designando, simul convenient, et usque finem Corporationis istius in omnibus Militaribus aequae ac Provincialibus simultanee ac communiter agant. Igitur ut primum ad destinatum Locum pervenerint, et simul constituti fuerint, ac de tempore et necessitate fore compererint, ultra jam per Consilium nostrum Aulae Bellicum publicatam novam iterato pro universis praedonibus, prae manibus Judicariis nondum existentibus,



Generalem Amnystiam cum praefixione Terminum, sub quo semet coram ipsis aut Superioritate sua personaliter sistere et qui illorum taliter semet, benevole stiterint et militares fieri nollent, ut deposito praevis Juremendo semet uni vel alteri Locorum Communitati inscribi curare, ibidemque constanter habitare et permanere, ab ulterioribusque Praedocinijs abstinere poenitus debeant, Nomine nostro Regio per totum Syrmium et inferiorem Sclavoniam publicabunt memorati Commissarii nostri Regij, ut hoc etiam modo tranquillitati et securitati Publicae Partium illarum consulatur et prospiciatur. Hoc porro praemisso, cum ad mentem praecitati Articuli 18. 1741. ad hanc Syrmij et inferioris Sclavoniae Incorporationem etiam Regnorum nostrorum Dalmatiae, Croatiae et Sclavoniae Banus cum Statibus et Ordinibus eorundem Regnorum Commissarios denominandos habeant, eoque fine, ut unum alterumque Commissarium ex parte etiam Sua ad tempus et Locum designatum eorsum expediant, Ipsis jam commissum esset; Igitur

Secundo. Ubi hi quoque praefatorum Regnorum Deputati eo advenerint, Commissarii nostri Regij cum illis quoque ex parte Syrmij & Sclavoniae communiter agant in omnibus et tractanda tractent, concludendaque concludant, ac proinde insimul cum ipsis in Syrmium et inferiorem Sclavoniam descendant, ex mutuo ad invicem Consilio et auxilio pro resolutis jam Confiniariorum Numero, quem ad Statum completum quo citius poni et in eodem conservari, nullatenus autem diminui volumus, eorundemque Officialibus, incluso jam hactenus exciso, velut non sufficiente, aptum et sufficiens, non quidem recte tantum, quantum antecesser superflue fors habuerunt, sed quantum ipsis a proportionem Numeri ita necessarium esse videbitur, ut in illo et poenes illud valde bene et comode non tamen abundanter et superflue subsistere possint. Terrenum primo poenes Danubium, a Petro-Varadino incipiendo usque Semblin, quo trans Danubiales Confinarios ex Comitibus Bach & Bodrogh transferi et translocari volumus, ac dein poenes fluvium Savum a Semblin ascendendo versus Turcicum, excindant; illo vero pro confinio taliter exciso inter illud et reliquum quod remanet Syrmij et Sclavoniae inferioris Terrenum, Lineam Confinariam ducant, sicque contribuentes a Militibus Confinarijs effective separent. Facta autem hacce separatione,

Tertio, Totum illud Terrenum, quod pro Confinitio, et militibus confiniarijs praevio modo excisum et separatum fuerit, pro parte confiniariorum relinquatur, et inter Ipsos modalitate in supracitatis de 30. Octobris et 5. Augusti emanatis benignis Rescriptis Nostris expressa subdividatur; eademque confinia circa omnia, quae requiruntur Militaria, medio dictorum Regionum nostrorum et Provincialium Commissariorum debito modo et ordine relegentur, residuum vero totum et universum, quod a praevio modo exciso confinario Terreno in Syrmio et inferiori Sclavonia remanebit, Terrenum, cum universis ejusdem locis locorumque Incolis et Inhabitoribus, ipsisque hactenus incumbentibus cunctis oneribus Publicis, Dominisque ipsorum Terrestribus, Nomine Regio et Suprema Autoritate nostra Banali et Provinciali Regnorum Dalmatiae, Croatiae et Sclavoniae Jurisdictioni mox et de facto incorporetur, et hoc Titulo praefatorum Regnorum Commissarijs consignetur. Hoc facto

Quarto Universum hocce incorporatum Terrenum spectato situ locorum in tres Comitatus, Syrmiensem utpote, Poseganum et Veroczensem, incluso etiam sic dicto Valpo seu Valkoviensi Comitatu, subdividatur; et licet quidem praelibati Regij Commissarii nostri proiectum istiusmodi subdivisionis Nobis jam exhibuissent,

cum tamen illud Projecto Comitatus Bani sub 4. Julij 1743 submisso conforme non esset, et aliunde etiam Ipsius ac Statuum et Ordinum deputati superinde auditi nondum fuissent, ideo habito mutuo desuper cum iisdem Consilio et deliberatione, subdivisio dictorum trium Comitatum in facie loci elaboretur, et provisorie, ac ad ratificationem nostram mox etiam in effectum deducatur. Ex quibus Comitatibus siquidem Veroczensis Supremo Comite provisus jam esset, quoad reliquorum autem duorum Comitatum Supremi Comitatus Officia nonnullae Familiae praetensionem facerent; Ideo iisdem Familijs ad Petitorium remissis, Comitatus Syrmienis et Posegano interea de Administratoribus Officiorum Supremi Comitatus benigne providendum esse duximus, veluti in hac qualitate pro Syrmienis Baronem Marcum Alexandrum Pejachevich, pro altero vero Posegiensi alterum itidem Baronem Ladislaum Vajay jam clementer denominavimus. Quod autem

Quinto, Vice-Comitem et reliquorum subalternorum in dictis tribus Comitatus instituendorum Officia concernit; Quamvis quidem Comes Banus sub 5. Decembris 1743 penes relationem suam certam subjectorum pro praemissis subalternis Comitatum Officijs projectorum specificationem, hic in genuinis paribus sub A. annexam, Nobis submisisset, num autem illa subiecta apta et idonea sint? non constaret: Ideo memorati Commissarij ex subiectis illis, qui semet pro Subalternis saepesatorum trium Comitatum Officijs apud ipsos insinuabunt, aptiora et magis idonea seligent, eo tamen reflectent, ut si ex illis, qui in illis Comitatus jam resident et fixam mansionem habent, ad hoc vel illud Officium apti reperiuntur, tales aliis undecunque oriundis praeferantur, et sic primo quidem in Syrmienis, dein vero etiam in reliquis duobus Comitatus, necessarios officiales Comitatus provisorie et usque ulteriorem benignam ratificationem nostram constituent, solitum Officij Juramentum ab ipsis desumant, et statim ad activitatem, cuilibet de Lege et usu aliorum etiam Hungariae et Croatiae Comitatum competentem, ponant; sed et ipsos quoque Supremum Comitem et ejusdem Officij Administratores, obtentis et productis superinde per Cancellariam nostram Regiam Hungarico Aulicam expeditis solitis Decretis, more in alijs Comitatus consuetudo installabunt. Quoad debitam autem Justitiae et aliorum Servitium nostrum et Commune totius Regni illius Bonum, Contribuentium item Conservationem et ulteriorem permansionem, respicientium publicorum Administrationem, cum ipsis et eorum Superioribus, antellatorum quippe Comitatum Supremo respective Comite et Administratoribus Nomine nostro exhibebunt Generalem, quae hic sub Littera B. adnectitur, Instructionem Nostram; qui postquam praevio modo constituti et ad activitatem positi fuerint, tam horum quam aliorum necessariorum Comitatus Servitorum, quando et cum quali stipendio vel Salario conductorum, genuinam Specificationem Majestati nostrae submittent. Ut autem statim Officijs suis fungi et operari valeant iidem Comitatus Officiales,

Sexto: Jam commissum est medio Consilij nostri Aulae Bellici et Camerariae nostrae Aulicae Provinciali in Sclavonia hactenus constitutae Deputationi: Primo, ut Commissioni huic in operationibus suis omnem assistentiam praebeat, et quamprimum Linea Confiniaria ducta, sicque Confinia a reliquo Provinciali Territorio sepeperata et illius Incorporatio in effectum deducta, Officialesque Comitatus successive constituti fuerint, accepta sola exactione et incassatione pro currente adhuc Anno militari cedentium Contributionum et aliorum onerum publicorum (uti ab infra dicitur), in reliquo tota tam Deputationis illius, quam Ejusdem Subalternorum

rum Activitas et Jurisdictio, quam hactenus sibi concreditam habuit et illi habuerunt, immediate cesset. 2. Ut omnium illorum, quae tam ab hactenus pro Confinarijs jam excisso et per modernam Commissionem adhuc excidendo, quam etiam residuo, Jurisdictioni Banali mox incorporando Terreno, ejusdemque locis sive titulo Contributionis, sive vero aliorum onerum publicorum annue quorsum in paratis, vel naturalibus Incolae praestare debuerunt, accuratam et genuinam Connotationem et Specificationem Commissioni huic exhibeat, ut inde sciri valeat, quantum pro futuro per Excisionem et Erectionem Confiniorum erga praestanda in futurum a Militibus Confinarijs Militaria servitia, ab hactenus praestito quanto Contributionali decedet, et quantum vicissim ab Incorporatis Locis et Territorijs remanebit adhuc annue exigendum. Et ut 3. Eadem Deputatio Provincialis exactionem et incassationem remanentium Contributionum et aliorum onerum publicorum hujus adhuc Anni Militaris, usque ultimum quippe futuri Mensis Octobris, adeoque etiam post interventam jam Incorporationem, cum Assistentia etiam Officialium Comitatus, solerter continuet, et hoc ipsum etiam respectu Terreni et Locorum pro completo Confinariorum Numero quidem excisorum, sed Confinarijs ex eo, quod actu nondum adsint, necdum traditorum, adeoque interea juxta priorem benignam Dispositionem nostram sub diebus uti praemisum est 30. Octobris 1743 et 5. Augusti 1744 emanatam, prae manibus Dominorum Terrestrium, sub cautella ibidem declarata, adhuc reliquendorum, eadem Deputatio valeat. In Casu autem, 4. Quo eadem Contributiones et alia onera publica usque futuram Primam Novembris ex toto exigi et incassari nequirent, eadem Deputatio restantias illorum in praesentia Officialium Comitatus et Contribuentium Incolarum liquidare, et quae exigibiles adhuc sunt, illarum incassationem Officialibus Comitatus relinquare teneatur, per ipsos dein fideliter incassandas, et eo quo pertinent administrandas. Quae omnia cum saepefactae Provinciali Deputationi (uti praemisum est) jam commissa sint, ideo ut in effectum quoque debite deducantur, Curam habebunt dicti Commissarii.

Et cum porro jam benigne resolverimus, ut Supremus Comes et Ejusdem Officij Administratores, alijque Officiales Comitatus in Comitatus, Curae, respective et moderationi ipsorum concreditis, constanter refideant et Officia Sua ibidem fideliter administrent; Hinc Commissarii praeprimis quidem in Syrmensi, dein vero in alijs etiam constituent, commoda quaecumque loca seligent et Provisorie etiam constituent; in quibus antelati Supremus Comes et Administratores, alijque Officiales Comitatus, qui propria ibidem Bona non habent, residere, Congregationes et Sedes Judiciarias tenere, Archivum conservari, Cassam et Carceres Comitatus sub bona custodia servari possint ac debeant; Prouti denique id ipsum in alijs quoque bene regulatis Hungariae et Croatiae Comitatus fieri consuevit. Salaria porro antelati Magistratus Comitatus Sequentia habebunt: Et quidem unus Supremus Comes, vel Officij illius Administrator, Annue mille florenos, Vice-Comes quingentos florenos, singuli Comitatus Notarii Trecentos florenos, Generales Cassae Praeceptores Trecentos florenos, Judices Nobilium ducentos florenos, Jurati Assessores Centum florenos, Procuratores Fiscales Centum quinquaginta florenos; Praeterea in singulis Comitatus etiam tot, quot necessarii fore videbuntur, Equites et Haidones, pro exactione quanti Contributionalis, Persecutione item et extirpatione Praedonum et aliorum malefactorum, cum superioribus et subalternis Officialibus suis prouti et Lictore suscipientur, competentia Salaria

et respective Stipendia, praevis per Commissionem hanc regulanda et nobis submittenda, aequè habituri. Pro Provinciali vero illarum partium Commissario annue quingenti floreni ordinantur, ad quae Salaria respective et Stipendia usque finem Decembris Anni 1746 juxta dispositionem Regiae Commissionis nostrae persolvenda benigne resolvimus, ut eo usque Cameram nostram Aulicam triginta Millia florenorum anticipentur, interea vero temporis fundus salariorum in praespecificatis tribus Comitatus (uti Magistratibus Instructionaliter jam commissum est) plenarie elaboretur, et ad effectum futurae solutionis ipsorum praepararetur; Vicissim vero pro Indemnisatione Aerarii nostri pretium Salis in Slavonia et Syrmio ibidem distrahendi, a singulo Centenario in 15 Crucigeris augeatur, et haec auctio a die 1. Mensis Julij Anni currentis, usque ultimam Decembris 1750 continuetur; In reliquo autem praefata Commissio Individualem provisorie ibidem in singulo Comitatu constitutorum officialium, Militum item et Haidonum aliorumque necessariorum Comitatus servitorum, cum qualibus stipendijs respective et salarijs in quo Comitatu, qua die et quot numero conductorum, specificationem Nobis exposcit submittet.

Septimo: Cum ex hac parte Danubij Cis Petro-Varadinum sita loca militaria Chalma, Kukojevce, Perkasova, Schüel, Lerovacz, Banostor, Nestin, et in parte etiam Illok, juxta benignam resolutionem nostram ex ratione situs ipsorum Jurisdictioni Provinciali incorporari debebunt; Incolis autem illorum, qui militares permanere voluerint, liberum futurum sit, ut semet ad Confinia transferre possint, reliqui autem cum toto praespecificatorum locorum Terreno usque ulteriorem dispositionem nostram in Terrestrialibus sub Regia Camera nostra stare debebunt, et proportionatum etiam quantum Contributiona'e, a quo hactenus quae Militares immunes erant, supportandum habebunt; sed etiam praeterea in toto Syrmio et Slavonia inter Contribuentes gravis admodum improportio esse dicatur, ideo Commissio haec, postquam Magistratus Comitatus instaurati fuerint, primae & principali sibi curae ducet, ut pro futura recte et proportionate inter Contribuentes instituenda onerum Publicorum repartitione et subdivisione, cum interventu etiam Officialium Comitatus, unam bonam et illis partibus applicabilem et idoneam Conscriptionis universalis Ideam bene elaboret, et Secundum illam non tantum praespecificatorum octo, sed aliorum etiam universorum totius incorporati Syrmienensis Comitatus locorum, et apertinentiarum Conscriptionem medio Comitatus Officialium peragi, et sibi referri faciat, illaque bene perpensa et examinata, quantum cuilibet loco ejusdem Comitatus in Contributionali et alijs oneribus publicis, de jure a prima videlicet futuri Mensis Novembris supportandum obvenit? justam et aequam repartitionem faciat, et Nobis tempestive referat, et haec etiam respectu reliquorum duorum Comitatus, Posegani videlicet et Verocensis, cum incluso Valkoviensi, quo citius fieri poterit, indilate facere studeat, ut juxta novam hanc omnium trium Comitatus Conscriptionem et oneris publici repartitionem Contributionis praestatio statim cum initio futuri Mensis Novembris induci et Inchoari, taliterque Contribuens Incola improportionato onere gravatus, pro ulteriori sui Conservatione et permansione, ad aequam et justam proportionem quo citius reduci et sublevari valeat. Interea autem et eousque donec videlicet praeattacta nova Conscriptio et repartitio peracta et stabilita fuerit, consequenter in Casum etiam illum, quo usque futuram Primam Novembris haec nova Contributionis Idea in effectum deduci nequiret, universa tam Cameralia, quam

aliorum Dominorum Terrestrium loca, cum Suis, quae adusque portarunt, Oneribus Publicis modo praevis Incorporanda a die 1. Novembris Secundum Normam hactenus usitatam, stabilita autem semel antelata Nova repartitione, Secundum illam praestationes Suas Peccuniarias ad Cassas Comitatus adminstrandas habebunt; Quemadmodum etiam praespecificata Militaria Loca, quae sub Incorporationem cadent, et hactenus non contribuerunt, quam primum conscripta fuerint, iisdemque proportionatum onus adrepartitum exstiterit, non expectata etiam universalis Conscriptionis et repartitionis ratificatione, Provisorie statim ad instar aliorum contribuere et praestanda praestare debent; illis tamen Hospitibus, seu Patribus familias exceptis, qui actu extra Regnum in Castris nostris constituti sunt, his enim ut semet pro futuro vel ad Militarem, vel Provinciale statum resolvere possint, Respirium usque Primam Novembris Anni sequentis 1746 dari, interea autem ipsos in statu, quo antehac fuerint, relinqui volumus. Ut porro

**Octavo:** Etiam circa Regulamentum Militare interimalis Provisio fiat, clementer resolvimus, ut post factam Incorporationem, et eousque in Partibus illis hactenus usitatum Militare Regulamentum, cum Hungarico Regulamento comportari, et in quibus in specie punctis ab invicem differant, punctatim investigari, ac demum primo cognosci queat, utrum pro futuro etiam prius Regulamentum Militare, quod in Syrmio et inferiori Sclavonia hactenus usitatum fuit, in suo esse relinquendum, vel in quibus punctis modificandum, vel plane nefors abrogandum, et in locum illius Hungaricum Regulamentum ibidem inducendum sit? interea, et eousque Partes illae poenes hactenus habitum Regulamentum Militare provisorie maneant. Ideo Commissio haec praemissam duorum Militarum Reglamentorum Combinationem Communi labore instituet, et quid pro futuro eatenus Statuendum esse censeat? opinionem suam submittet; Interea autem (uti praemissum est) et usque ulteriorem resolutionem et Dispositionem nostram hactenus in Syrmio et Sclavonia introductum Regulamentum Militare debite observandum ordinabit.

**Nono:** Quamvis quidem ex relatione Comitatus Bani sub die 4. Julij 1740 submissa appareat, quod Status et Ordines Regni Croatiae petierint, ut Dominium Comitatus Erdödy Kutina dictum, iuxta Articulum 51. Anni 1741 Comitatus Crisiensi in Regno Croatiae sito Incorporaretur, ac etiam eorsum contribuere teneatur, cum tamen indubium sit, quod antelatum Dominium hactenus ad inferiorem Sclavoniam et quidem a 62 sessionibus contribuerit, et si idem Dominium praefato Comitatus Crisiensi, adeoque Regno Croatiae, cum suo, quod hactenus supportavit, onere incorporaretur, illud aerario nostro Regio in furtum decederet: ideo clementer resolvimus, ut eousque donec memorati Status et Ordines edocuerint, quod repetitum Dominium Kutina non Armis a Turca recuperatum, sed alia peculiari modalitate ad Sclavoniam inferiorem applicatum sit, idem Dominium ulterius quoque in medium ejusdem Sclavoniae, ad sibi proxime vicinum ibidem Comitatum, a proportionem sessionum suarum contribuere et onera publica praestare debeat. Et quia

**Decimo:** Facta Syrmij et inferioris Sclavoniae modo praevis resoluta et ordinata Incorporatione, ratio Tricesimarum hactenus in Confinijs Regni Hungariae et Croatiae adversus Sclavoniam, et vicissim in Confinijs Sclavoniae contra Hungariam et Croatiam positarum cessaret, ideo benigne annuimus; Ut postquam praemissorum Incorporatio in effectum deducta fuerit, eadem Tricesimae illinc tollantur et ad nova Confinia versus Turcicum posita transferantur; Tellonia tamen in Syrmio

et Sclavonia hactenus habita, usque dum Magistratus Comitatus eorundem qualitatem et necessitatem pro exigentia Legum reviderint vel stabiliverint, vel abrogaverint, vectigaliaque eorundem limitaverint, et solita privilegia desuper impetrata fuerint, in statu quo relinquantur. Ideo his quoque semet conformabunt et praemissam Tricesimarum translationem ex parte Sclavoniae et Syrmij effectuantur saepefati Commissarij. Quod ipsum etiam ex parte Hungariae effectuum Regiae Camerae nostrae Hungaricae commitemus. Et quia

Undecimo: Etiam id in Syrmium et inferiorem Sclavoniam libenter induci et stabiliter observari cuperemus, ut Incolae ibidem a praestatione Nonae semper etiam in futurum immunes maneant, quemadmodum hactenus fuerunt; E converso in casu necessitatis ad instar Banderiorum Regni Croatiae ad Castra exire et ibidem militaria servitia praestare teneantur; Igitur Commissarij nostri Regij omnem industriam eo impendent, ut adhibitis modis et medijs, ad id necessarijs et convenientibus, praemissam Intentionem nostram in effectum deducere, et semel pro semper stabilire valeant, Nobisque refferant.

Et haec sunt quae in Materia Incorporationis Syrmij et inferioris Sclavoniae praevio modo ordinata Regia et Provincialis Commissio ad exigentiam praecitatarum Legum in effectum deducenda habebit, quibus effectutis, praelibati Commissarij nostri Regij, absentibus Regnorum Dalmatiae, Croatiae et Sclavoniae deputatis, semet ad partes Regni nostri Hungariae trans Danubium conferrent et ibidem operationes suas incipient. Proinde

Duodecimo: Siquidem ex ratione servitij nostri et boni publici etiam id clementer resolvissimus, ut eousque etiam, donec ex parte quoque Hungariae Regni supracitatus Articulus 18. novissimae Diaete praescripto ibidem modo et forma plenarie in effectum deduci possit, interea etiam trans Danubium in Comitatus Bach et Bodrogh praeter Oppidum Szabatha seu Szent Maria dictum jam Anno praeterito incorporatum, etiam alia in iisdem Comitatus existentia Loca Militaria Zombor, Prestovacz et Palanka, velut supra Petro-Varadinum inter mera aequae loca provincialia et Contribuentia, sita, cum universis appertinentijs suis per Militares ibidem hactenus possessis, Camerae nostrae Jure Terrestrali possidenda tradantur, et cum sibi a proportionem obvenientibus oneribus publicis Jurisdictioni dictorum Bach et Bodrogh Comitatus ad instar Oppidi Szent Maria nunc statim provisorie incorporantur, eorundem autem Incolae, qui militares perseverare volunt, inde Cis Danubium ad Confinia Syrmij et Sclavoniae a Petro-Varadino usque Semblin ducenda transferantur, sicque a Contribuentibus separentur. Caeterum quoad Terminum translationis Hospitum illorum, qui actu in Castris nostris constituti sunt, ea etiam hic loci observabuntur, quae superius ad punctum in Ordine septimum et ibidem denominata Loca militaria praescripta sunt.

Decimo Tertio: Incolae praefati jam Incorporati Cameralis oppidi nostri Szabatha seu Szent-Maria, qui pro militaribus semet jam declararunt, et ulterius etiam tales perseverare volunt, ad summum usque finem Octobris vel initium Novembris Anni currentis ad alium Cameralem Locum nostrum Mossorin, in dicto aequae Comitatu Bachiensi, vel altero Bodroghiensi inter Tibiscum et Danubium sito, in quantum a proportionem Numeri et necessariae ac bonae Subsistentiae ipsorum illuc illocari poterunt, in quantum vero hoc fieri nequiret defectus ex alijs Locis in illius vicinia (ubi jam praevis ad Prothocollum diei 8. Martij Anni currentis benigne resolvimus) per Commissionem supleatur, idem-

que Locus Mosssorin ad instar aliorum sibi vicinorum locorum militarium in Novum fossatum Militare erigatur, consequenter cum omnibus appertinentijs suis Confinarijs usuandum et possidendum jta tradatur, ut exceptis illis dicti Loci inhabitatoribus, qui militares fieri et in futurum servitia militaria ad instar aliorum Confinariorum praestare voluerint, reliqui omnes vel ad Oppidum Szent Maria, vel alia Cameralia ibidem loca nostra, Comitatus Bachiensi adjacentia, juxta Dispositionem Cameralis ibidem Praefecti nostri transire teneantur, hoc et id vero tam Szent Mariensibus quam etiam Mosoriensibus Incolis et Inhabitatoribus per ipsorum Instantias medio Consilij nostri Aulae Bellici et Camerae nostrae Regiae Hungaricae tempestive et ad minimum tribus vel quatuor septimanis ante praefixum migrationis Terminum pro ipsorum notitia et directione publicetur. Praeterea etiam id Szent-Mariensibus Incolis militaribus intimetur: 1. Quod ipsis ulterius etiam optio admissa sit, vel Statum militarem vel Provincialem sequendi, consequenter juxta praerecensitas Dispositiones vel in loco ut Provincialibus permanendi, vel ut militaribus ad Confinaria Loca transeundi; 2. Quod Praedium Ludas ab Oppido Szent-Maria, cui privilegialiter annexum est, nequaquam avelli et ipsis uti desiderabant, ad usuandum dari et concedi possit, adeoque ut nullam poenitus spem idcirco faciant; 3. Quod respectu antiquae 146000 florenorum Praetensionis ipsorum, si et in quantum fundata esset, ad Consilium nostrum Aulae Bellicum remittantur. Caeterum modus translationis dictorum Incolarum, qui ulterius quoque Militarem statum amplecti volunt, quoad Bona ipsorum immobilia, in praefato Oppido nostro hactenus privative a Singulis possessa, (quoad) Ecclesiam jtem ipsorum, ille observetur (ordo), quem Regij Commissarij nostri Nobis in quinque punctis demisse proposuerunt, quemque sub die 18. Februarij et 8. Martij proxime praeteritorum ad Prothocollum Commissionis nostrae Articularicae per totum clementer approbavimus. Et quia

Decimo quarto, Nobis etiam id demisse relatum fuisset, quod propter differentias inter Militares et Civiles seu Plebeos ejusdem Oppidi Szent Maria Incolas hactenus vigentes, a tempore ipsis benigne concessorum Privilegiorum, nec ad rationem quanti Contributionalis, sed neque in sortem Contractus cum Camera nostra initi quidpiam solverint, consequenter aerarium nostrum Regium duplici modo ad praesens per ipsos damnificatum fuerit; cum autem hoc injustum omnino sit, ut beneficiorum ipsis privilegialiter concessorum usum habeant et abinde praestanda non praestent. Ideo benigne resolvimus, ut Regij Commissarij nostri pro futuro eas Dispositiones faciant, ut demtis militaribus, abinde ad Confinia transire ulterius quoque volentibus, reliqui Oppidani ejusdem loci Incolae ea quae ipsis vigore antelati Contractus et obtentorum Privilegiorum solvenda et praestanda incumbunt onera, de tempore in tempus rite praestent et exolvant; pro praeterito tamen eadem Oppidana Communitas exceptis (uti praemissum est) ad statum militarem uberius etiam transire volentibus, nonnisi duas praefatorum Onerum Tertialitates, sub trium Mensium Spatio ipsis a dictis Regijs Commissariis nostris tempestive intimando et praefigendo, exolvere teneatur, et hoc eidem communitati cum ea expressa Comminatione iniungatur, quod nisi huic Dispositioni pro praefixo Termine satisfecerint et exolvenda pro praeterito integraliter exolverint, Educillum et Macellum ipsorum pro parte Camerae nostrae Regiae indilate occupabuntur, et usque plenariam talismodi restantiarum Exolutionem sequestrabuntur, sed neque in usu ipsis concessorum benignorum Privilegiorum

et reliquorum Beneficiorum relinquuntur. Et haec quoad Oppidum Szabatha seu Szent-Maria deductae resolutiones nostrae universis ejusdem Oppidi Incolis et Inhabitantibus pro ipsorum notitia et Directione, ad Summum intra tres vel quatuor septimanas publicentur et intimentur, et tam haec, quam et alia quoque quoad Comitatum Bachiensem et Bodroghiensem praeapposita puncta per saepeatos Commissarios nostros Regios debite aequae effectuentur. Ulterius

Decimo quinto: Etiam id clementer jubemus, ut Regij Commissarij nostri quemadmodum in omnibus ipsis praevio modo Comissis et concreditis operationibus suis inter se, et quoad Syrmium et inferiorem Sclavoniam etiam cum Regnorum Dalmatiae, Croatiae et Sclavoniae Bani, Statuumque et Ordinum Deputatis Commissarijs communiter laborare et perficienda perficere debent, ita etiam et eo modo tam finalem quam intermedias etiam relationes et repraesentationes suas communiter subscribendas et ad nullum hujatum Dicasteriorum particulariter, sed directe et immediate ad Maiestatem nostram faciendas et dirigendas habebunt. Quoad Syrmium vero et Sclavoniam (uti jam superius etiam habetur) primum et principale objectum ipsorum sit, ut Contribuentes illarum partium inter se respectu Onerum Publicorum ad justam et aequam Proportionem usque futuram primam Novembris reduci, consequenter abinde pro futuro nova Contributionis Idea pro sublevatione illorum induci valeat. Haec proinde omnia in hacce Instructione contenta toties fatis Commissarijs nostris Regijs rite ac debite observanda et in effectum deducenda, demum vero super omnibus et singulis qualiter executis genuinam ac fidelem relationem Nobis submittendam benigne committimus. In reliquo autem in fidelitate, zelo et candore eorundem Regionum Commissariorum nostrorum benigne confidimus, quod cuncta absque ullo sive sui sive aliorum respectu jta dextere, zelose et fideliter communibus viribus peragent et Nobis demisse referent, prouti post seriam et maturam omnium deliberationem pro Salute Populi optimum fore judicaverint. Quodsi vero praeter praemissa adhuc alia quoque servitio nostro et Bono publico utilia et proficua vel talia esse adinvenerint, quae licet contra tenorem praesentis Instructionis forent, praetitulato tamen servitio nostro et Bono Publico convenirent, ea quoque in communem deliberationem summant, et quae optima fore judicaverint, provisorie aequae in effectum deducant et Majestati Nostrae circumstantialiter refferent toties fatis Commissarij nostri Regij. Quibus in reliquo &c. Datum Viennae Austriae dje 1. Mensis Aprilis 1745.

Maria Theresia m. p.

Joann. Fran. Comes a Dietrichstein m. p.

Josephus Comes ab Harrach m. p.

Comes Ludovicus de Batthyán m. p.



## CCXLIV.

*Anno 1745. 27. Aprilis Viennae.*

**Maria Theresia SS. et OO. Regnorum Dalmatiae, Croatiae et Slavoniae Commissarios pro reincorporatione Slavoniae Inferioris nominare jubet.**

**MARIA THERESIA DEI Gratia Regina Hungariae, Bohemiae, Dalmatiae, Croatiae ac Slavoniae, Archidux Austriae &c., Nupta Dux Lotharingiae & Barri; Magna Dux Hettruriae.**

Reverendi, Honorabiles, Spectabiles ac Magnifici, Magnifici item Egregij et Nobiles, nec non Prudentes ac Circumspecti, Fideles Nobis dilecti. Ex his, quae ante duos abhinc Annos acta fuere, notum adhuc erit Fidelitatibus Vestris, qualiter Districtus Syrmiensem et inferioris Sclauoniae pro exigentia etiam Articulorum 18. et 50. novissimae Diaetae, Banali Jurisdictioni subjiendos et incorporandos, clementer resolverimus. Cum porro Deputati hunc in finem Regij Commissarij nostri, Fideles quippe nostri Franciscus Baro ab Engelshoffen, Comes Alexander Patachich et Baro Ladislaus Vajay, Commissionem ante duos, uti praemittitur, Annos inchoatam et aliquo tempore interruptam, primo, quo fieri poterit Tempore reassumpturi atque ea de Causa in antelatos Districtus venturi essent, ad ejusmodi autem Commissionem ex parte Sclauoniae Regnorum Dalmatiae, Croatiae ac Sclauoniae Banus cum Statibus et Ordinibus modofatorum Regnorum Commissarios deputandos habeat.

Veluti proinde de hoc requisitam intimationem dictorum Regnorum nostrorum Bano sub hodierno Dato fecissemus, ita id ipsum Fidelitatibus quoque Vestris hisce perscribendum atque significandum esse duximus, quatenus juxta Praescriptum praeallegati 18. Articuli, cum praefato Regnorum Dalmatiae, Croatiae et Slavoniae Bano Commissarios ad praenotatam Commissionem proxime denominent; qui accepta a praenominato Comite Patachich de tempore ac Loco, in quo talismodi Commissio reassumetur, notitia, eo veniant et ex parte Slavoniae eidem Commissioni intersint, ac juxta Praescriptum praeallegati Articuli Sibi pariter incunbentia diligenter peragant. In reliquo Fidelitatibus Vestris Gratia nostra Regia benigne ac jugiter propensae manemus. Datum in Civitate nostra Vienna Austriae, die vigesima septima Mensis Aprilis, Anno Domini millesimo septingentesimo quadragesimo quinto.

Maria Theresia m. p.

Comes Ludovicus de Batthyan m. p.

Franciscus Koller m. p.

*A tergo :*

Reverendis, Honorabilibus, Spectabilibus ac Magnificis, Magnificis item, Egregijs et Nobilibus nec non Prudentibus ac Circumspectis N. N. Regnorum nostrorum, Dalmatiae, Croatiae et Sclavoniae Universis Statibus et Ordinibus &c. Fidelibus Nobis Dilectis.

Zagrabiae Ex Officio.

(L. S.)

Orig. in Archivo Regni Croatiae. Acta Regni Congregationum n. 1745, Nr. 30.

---

## CCXLV.

*Anno 1745. diē 1. Julii. Viennae.*

Instructio a Regina Maria Theresia Marco Alexandro libero baroni Pejačević, Comitatus Syrmienensis Officii supremi Comitatus Administratori, totoque ejusdem Comitatus Magistratui data.

Maria Theresia Dei Gratia Regina Hungariae, Bohemiae, Dalmatiae, Croatiae & Sclavoniae, Archi Dux Austriae, Dux Burgundiae, Brabantiae, Styriae, Carinthiae & Carnioliae, Comes Flandriae, Tyrolis & Goritiae, nupta Dux Lotharingiae & Barri, Magna Dux Hetruriae &c. Fidei nostro Magnifico Marco Alexandro Libero Baroni Pejacsevich qua Comitatus Syrmienensis Officii Supremi Comitatus Administratori, salutem & Gratiam. Siquidem ad mentem Articulorum 18 & 50 Novissimae Diaetae 1741 Districtus Syrmii & inferioris Sclavoniae, exceptis Confiniis, Banali & Provinciali Regnorum Dalmatiae, Croatiae & Sclavoniae Jurisdictioni incorporari, illosque incluso Valkoiensi, in tres Comitatus, Syrmiensem utpote, Poseganum & Veröcensem subdividi resolverimus, ex his vero Moderationem Comitatus Syrmienensis Tibi, qua Officii (uti praemissum est) Supremi Comitatus pro interim Administratori concediderimus: Igitur, ut tam Tu, quam reliqui quoque ejusdem Comitatus Officiales, hac vice per Commissionem nostram Regiam, ad incorporationem praefatorum Districtuum Limitationemque & regulationem antelatorum trium Comitatum cum Deputatis dictorum Regnorum ad faciem Loci proxime descensuram, provisoriae ad ratificationem nostram eligendi & constituendi, Muneribus & Officiis Vestris tanto exactius satisfaciatis, Vobis tam in Communi quam particulari sequentem Instructionem dandam esse duximus, Et quidem :

**Primo:** tam Administratori. quam reliquis subalternis Comitatus Officialibus ante omnia incumbet, ut in Comitatu ipsis concredito continuo resideant & Officiis suis diligenter praesint, cumprimis vero Gloriam Dei Omnipotentis & Religionem Orthodoxam Romano Catholicam pro exigentia Legum Regni, pro parte praefatorum Regnorum Dalmatiae, Croatiae & Sclavoniae conditarum, omnimode promovere & propagare satagant. Sed quia Syrmii & Sclavoniae Incolae potissima in parte Graecum Ritus profiterentur, hi vero cum Clero Ipsorum benigna Regia Privilegia haberent, per Majestatem quoque nostram in Anno Millesimo Septingentesimo quadragesimo tertio benignissime confirmata, ideo eosdem Incolas penes eadem Privilegia sua, tenore etiam hic Copialiter annexarum benignarum Patentium nostrarum, ipsis noviter extradatarum, imperturbate conservent. In reliquo autem sedulo attendent praefati Comitatus Officiales, ne Popae ac Graeci Ritus Episcopi illorum ab iisdem ulla illicitas & arbitrarias Collectas, mulctas item pecuniarias, aliasve extorsiones pro lubitu ipsorum exigere & extorquere attentent; sed neve etiam Domini Terrestres Normam iisdem in Anno Millesimo septingentesimo trigesimo septimo, respectu Obligationum Ipsis a Subditis suis praestandarum praescriptam, usque dum successive cum Comitatuum interventu Urbaria Dominalia, usui & Patriae illi accomoda, suo modo confici & regulari valebunt, excedant, subditosque suos ad plus praestandum cogant; sed neque Nonam etiam, donec aliter per Nos dispositum fuerit, a Subditis suis desumere audeant; adeoque tam in his, quam aliis quoque omnibus occasionibus, contribuentem plebem ab indebitis & excessivis quibusvis Exactionibus & pressuris conservare studeant; sed nec ipsi quoque simile quid attentent antelati Comitatus Administrationes & Officiales.

**Secundo;** Politica quaevis & provincialia modalitate in Hungariae & Croatiae Regnis nostris passim introducta & usitata in Comitatu sibi concredito tractabunt atque curabunt, adeoque in gremio illius dum & quando necesse fuerit, Generales, cum interventu etiam, qui adesse volunt, Dominorum Terrestrium, vel eorundem Officialium, praeviae semper per Currentales (uti moris est) invitandorum, Congregationes, pro tractandis ejusmodi publicis servabunt, quam etiam ad Generales fidelium Statuum & Ordinum Regni nostri Croatiae Congregationes, semper (dum vocabuntur) unum alterumve ex gremio sui exmittent Deputatos, proponenda ibidem, si quae nomine Comitatus habebunt, proposituros & inde vicissim, dum rediderint, de ibidem pertractatis & conclusis, Comitatu in proxima Generali Congregatione sua debitam Relationem scripto facturos; praecipue vero eo solerter contendunt, ut quantum Contributionale a Contribuentibus de tempore in tempus sub onere dandarum desuper Rationum debite semper exigatur & defectu absque omni persolvatur; solum demum ad Cassam Comitatusensem colligatur, inde vero ad Cassam Bellicam Essekin constitutam erga Quietantias Cassae Praefectorum fideliter administretur; omnia denique, quae ab Incolis quocunque titulo praestanda veniunt, eo, quo spectant, in tempore aequae praestentur & administrentur; super omnibus autem perceptis & erogatis constitutus Comitatus Perceptor mox finito Anno Militari cum requisitis probis & documentis sufficienter instructas rationes, prout in Hungaria usitatum est, Comitatu exhibebit, nolens vero vel intermittens compulsivis etiam mediis, Lege idcirco praescriptis, per Magistratum cogatur; singulariter autem etiam eo intentus sit Magistratus, ut postquam ex noviter instituenda Comitatus Conscriptione, aequa & justa Proportio

inter Contribuentes elaborabitur, illa debite pro futuro observetur, neque sine gravi ratione & publica Comitatus Determinatione in quopiam immutetur; ac in reliquo etiam ea, quae Leges Regni & signanter Articulus 63 Anni 1723 in praemissis praescribunt, exacte observare teneantur.

Tertio. Processus & Litigia, quae inter Terrestres Dominos vel alios Nobiles ibidem vertuntur, ac Vi Legum Hungariae & Croatiae Foro Comitatus dijudicanda competunt, Magistratus pro administratione Justitiae per Partes suo modo requisitus & interpellatus, servatis de Jure servandis, in Comitatu sibi concredito dijudicanda assumet & decidet, Partibusque Justitiam juxta Regni Leges exactae & celeriter administret, admissa pro qualitate Causarum & dictamine Legum intra vel extra Dominium, si Causa Appellabilis sit, a Vice-Comite & Judicibus Nobilium, in Partibus (uti dicitur) procedentibus ad sedem Judiciariam Comitatus, singulis annis quoties necesse erit in Comitatu debite aequae celebrandam, inde autem ad Tabulam nostram Banalem Appellatione; occasione vero celebrandarum Sedium Dominalium Judex Nobilium cum Jurato Assessore praesentes semper aderunt, & ibidem diligenter illa, quae iisdem secundum praescriptum Legum incunbunt, curabunt. Quod si autem in Sclavonia & Syrmio tales Causae occurrerent, quae antecederent jam per Instantias, quas hactenus habuerunt, finaliter decisaes et superatae fuerunt, tunc Res judicata pro tali relinquatur & maneat amplius coram Comitatu non resuscitanda; pendentes tamen, seu ibidem jam praeviae inceptas, nondum tamen finaliter decisas Lites, Causantes, si vel ambae Partes, vel Jure conventae saltem Provinciales fuerint, vel de re Jurisdictioni Provinciali subjecta agatur, non alibi, quam coram Comitatu Foris Provincialibus, servatis de Jure servandis, promovere poterunt. Et quia

Quarto: Memorati Comitatus Magistratus adinstar aliorum Comitatum Jure etiam Gladii gaudebit, igitur in solerter persequendis ac pro demerito etiam puniendis Praedonibus aliisque Malefactoribus omnem Laborem & Industriam pariter impendent, quo taliter in Syrmio quoque & Sclavonia intrinseca quies & tranquillitas restabiliatur. Malefactoresque condigna & promerita poena puniantur. Quem in finem Comitatus in bono ac securo Loco, Ipsi per Commissionem nostram assignando, etiam Carceres pro Delinquentibus, sub bona Custodia & provisione servandis, habebit, & reliqua etiam ad exercitium Juris Gladii necessaria requisita procurabit.

Quinto: et cum Suprafatis Regiis Commissariis nostris ex peculiari Gratia & Clementia nostra facultatem hac vice benigne concessimus, ut ad citius atque facilius in illis partibus reducendam publicam quietem & tranquillitatem generalem Amnystiam pro Praedonibus in Libertate adhucdum constitutis, consequenter sub Judiciaria potestate nondum existentibus, Altissimo nomine nostro eo modo publicare possint, ut praefigendo illis Terminum, intra quem semet coram Ipsi vel Superioritate sua sistere debeant, & ut tales, qui semet sponte sistunt vel Militaria Servitia statim amplectantur, vel deposito praevia Juramento, quod deinceps a Praedociniis & aliis maleficiis penitus abstinere & domi suae Constanter permanere velint, semet in unam vel alteram pagensium Communitatem, inscribi curare teneantur: Igitur hujus quoque effectuationi omnimode intentus erit Magistratus.

Sexto: Siquidem praefatus Comitatus, quamvis Regno nostro Croatiae caeteroquin incorporabitur, suam attamen Contributionem praestare & illoca-

tiones militares aliaque Concomitantia onera publica adinstar Comitatum Regni nostri Hungariae supportare debeat, hinc Comitatus iste & ejusdem Magistratus, in reliquis quidem praefatorum Regnorum nostrorum Dalmatiae, Croatiae & Sclavoniae Banali & Provinciali Jurisdictioni, cui praevis modo incorporabitur, adinstar aliorum in iisdem Regnis sitorum Comitatum suberit, in Contributionalibus tamen & aliis Contributionem concomitantibus & fundum illius tangentibus & respicientibus oneribus & dispositionibus publicis, adinstar Comitatum Hungaricorum immediate a Regio Locumtenentiali Hungarico Consilio nostro, prout & constituendus in illis Partibus Provincialis Commissarius in rebus Officii a Directore Provincialis Commissariatus Hungarici dependebunt, debitam cum iisdem Correspondentiam in praemissis habituri, & eorundem Dispositionibus parituri, Regulamentoque etiam militari, quod in Sclavonia & Syrmio actu viget & in usu est, usque ulteriorem Majestatis Nostrae Dispositionem semet debite conformaturi.

**Septimo:** Salaria porro Administratoris & constituendorum praevis modo Comitatus Officialium taliter benigne ordinavimus, ut Officii Supremi Comitatus Administrator 1000 fl., Vice-Comes 500 fl., Notarius 300 fl., Judex Nobilium 200 fl., Juratus Assessor 100 fl., Procurator demum Fiscalis 150 fl. habeant; Praeterea, ut Comitatus Equites etiam & Hajdones pro exactione Contributionis, persecutione item & extirpatione Praedonum aliorumque publicorum Malefactorum necessarios, cum superioribus & subalternis Officialibus suis, prout & Lictorem teneat, Competentia iisdem Salaria & respective Stipendia, proxime aequae regulanda, pariter percepturos. Interea vero & donec fundus praespecificatorum Salariorum in praenotato Comitatu eruetur, ex peculiari Gratia nostra Salaria ejusmodi ab Aerario nostro Regio usque ultimam Decembris Anni futuri 1746 pendi curabimus; e contra autem pro indemnizando Aerario nostro Salis in Sclavonia & Syrmio, & quidem unius cujusvis ibidem distrahendi Centenarii pretium in 15 x.; a 1. Julii a. c. usque finem Decembris Anni 1750 elevandum resolvimus. Diligenter autem invigilabunt praefati Comitatus Officiales, ne Sal marinus, quem positive in omnibus hisce tribus Comitatibus inhiberi volumus, eo inducatur & invehatur; congruum idcirco, dum & quando res exigit, remedium et Prouisionem facturi, Constitutisque ibidem Salis Officialibus nostris necessariam eo fine, ubi opus fuerit, assistentiam praebituri.

**Octavo:** quoniam vero in Regno nostro Hungariae ea observaretur in praemissis modalitas, quod quivis Comitatus Supremis Comitibus & Officialibus suis aliisque Servitoribus Comitatus competentia Salaria ex Cassa sua Domestica persolvat, hinc, mox ubi praenominatus Comitatus debito modo regulatus & Magistratu suo instructus fuerit, idem mox eam Prouisionem faciet, ut a die 1. Januarii Anni 1747 & sic imposterum semper ex Cassa sua Domestica universa Salaria, Stipendia item suorum militum & alias quasvis particulares Comitatus expensas persolvat, eandem tamen Cassam Domesticam cum Contributionali Magistratus nunquam commisceri & confundi admittet, sed separatas & distinctas ab utraque Cassa a Perceptore suo Rationes quotannis indispensabiliter quantocumque exigat, exactas revideat & censuret, censuratas vero utriusque Ordinis rationes, esto ab invicem separatas, connexive tamen se habentes, in genuinis paribus, Sigillo Comitatus & Subscriptione Magistratualium authenticas, Regio Locumtenentiali Consilio Hungarico Posonium, de Cassa autem Comitatus Domestica sonan-

tes Rationes, in simili exemplari etiam fidelibus Statibus & Ordinibus Regni nostri Croatiae singulis annis submittet. Praeterea

Nono: siquidem Regias Tricesimas nostras hactenus in finibus Sclauoniae adversus Hungariam & Croatiam habitas, facta semel incorporatione per Commissarios nostros Regios, inde tolli & ad Confinia versus Turcicum ponenda transferri; Telonia vero in medio Syrmii & Sclauoniae reperibilia eousque, donec per Magistratum Comitatum, ad exigentiam Legum eatenus sancitarum, & signanter Articulorum 15. 1715 & item 15. 1723, nec non 28. nouissimae Diaetae reuidebuntur, & quae tollenda sunt, tollentur, & stabilienda stabiliuntur, vectigaliaque eorundem limitabuntur, in statu quo relinquenda esse benigne resolvissemus; ideo saepefactus Magistratus in gremio sui etiam praefatam Teloniorum reuisionem successive assumet & peraget, Relationemque idcirco fidelibus Statibus & Ordinibus Croatiae submittet; illos vero Teloniorum Possessores, quorum Telonia pro necessariis praevio modo inventa & stabilita fuerint, ad reparationem quoque & Conservationem Viarum & Pontium, observandumque et non excedendum ipsis praescriptum Vectigal, extrahendum item (si non habent) Regium teloniale Privilegium, adeoque satisfaciendum obligationi suae, juxta praecitas Leges effectiue adstringet; sine praehabito autem Regio Teloniali Privilegio nulla nova Telonia erigi admittet.

In reliquo autem Officiales Comitatus tam in concreto, quam in particulari, quivis illorum respectu Muneris & Officii seu generaliter ea etiam observabunt, quae Leges Regni praescribunt & iisdem observanda praecipiunt. — Quae omnia autem, ut debite observentur & in effectum deducantur, Administrator Officii Supremi Comitatus sedulam ac diligentem Curam habebit, Articuloque 56. Anni 1723 aliisque Regni Legibus de Officiis Supremorum Comitum sonantibus semet exacte conformabit. Et cum Comitatus etiam proprium Sigillum authenticum habere debeat, ideo, utprimum Magistratus praevio modo institutus & ad Actuositatem positus fuerit, mox pro Sigillo ad Majestatem nostram recurret, & una etiam projectum illius Nobis exhibebit; interea autem in publicis Expeditionibus suis Sigillo Administratoris utetur. Et haec sunt, quae praefati Comitatus Magistratui pro Instructione hac vice & donec aliter disposuerimus, extradanda esse duximus & concedenda. Datum in Archi-Ducali Civitate nostra Vienna Austriae, die prima mensis Julii, Anno Domini millesimo septingentesimo quadragésimo quinto,

Maria Theresia m. p.

(L. S.)

Comes Ludovicus de Batthyán m. p.

Joannes Adelfy m. p.

*In inferiori margine:*

Extradatum per me Ig. Kovácsy m. p. Inclyti Comitatus Syrmienensis Juratum Archivarium

In Archivo Regni Croatiae. Acta R. Congregationum 1745.

## CCXLVI.

*Anno 1745. die 1. Julii. Viennae.*

**Instructio novis supremis comitibus et officii supremi comitis administratori in Comitatus Inferioris Slavoniae a Sua C. & R. Majestate data.**

MARIA THERESIA (tit.) Fideli nostro, Magnifico Baroni Ladislao Vajay de Vaja qua Comitatus de Posega Officij Supremi Comitis Administratori, Salutem et Gratiam. Siquidem ad mentem Articuli 18 et 50 Novissimae Dietae 1741 Districtus Syrmij et inferioris Slavoniae, exceptis Confinijs, Banali et Provinciali Regnorum Dalmatiae, Croatiae et Slavoniae Jurisdictioni incorporari, illosque, incluso Valkoviensi, in tres Comitatus, Syrmiensem utpote, Poseganum et Veröczensem subdividi resolverimus; ex his vero Moderationem Comitatus de Posega Tibi, qua Officij, uti praemissum est, Supremi Comitis pro interim Administratori, concediderimus: Igitur, ut tam Tu, quam reliqui Subalterni quoque ejusdem Comitatus Officiales, hac vice per Commissionem nostram Regiam, ad incorporationem praefatorum Districtuum Limitationemque et regulationem antelatorum trium Comitatum cum Deputatis dictorum Regnorum ad faciem Loci proxime descensuram. provisorie ad ratificationem nostram eligendi et constituendi, Muneribus et Officijs Vestris tanto exactius satisfaciatis, Vobis tam in Communi quam particulari sequentem Instructionem dandam esse duximus, Et quidem:

Primo: Tam Administratori, quam reliquis subalternis Comitatus Officialibus ante omnia incumbet, ut in Comitatu ipsis concedito continuo resideant et Officiis suis diligenter praesint, cumprimis vero Gloriam Dei Omnipotentis et Religionem Orthodoxam Romano Catholicam, pro exigentia Legum Regni, pro parte praefatorum Regnorum Dalmatiae, Croatiae et Slavoniae conditarum, omnimode promovere et propagare satagant. Sed quia Syrmij Incolae (ab) olim quoque Religionem (Graeci ritus non unitam) profiterentur, hi vero cum Clero ipsorum benigna Regia Privilegia haberent, per Majestatem quoque Nostram in Anno 1743 benignissime confirmata, ideo eosdem Incolas penes eadem Privilegia sua, tenore etiam hic Copialiter annexarum benignarum Patentium Nostrarum, ipsis noviter extradatarum, imperturbate conservent. In reliquo autem sedulo attendent praefati Comitatus Officiales, ne Popae ac Graeci Ritus Episcopi illorum ab iisdem ullas illicitas et arbitrarías Collectas, mulctas item pecuniarias, aliasve extorsiones pro lubitu ipsorum exigere et extorquere attentent; sed neve etiam Domini Terrestres Normam iisdem in Anno 1737, respectu Obligationum ipsis a Subditis suis praestandarum, praescriptam, usque

dum successive cum Comitatuum interventu Vrbaria Dominalia, usui et Patriae illi accomoda, suo modo confici et regulari valebunt, excedant, subditosque suos ad plus praestandum cogant; sed neque novam etiam, donec aliter per Nos dispositum fuerit, a Subditis suis desumere audeant; adeoque tam in his, quam aliis quoque omnibus occasionibus, contribuentem Plebem ab indebitis et excessivis quibusvis Exactionibus et pressuris conservare studeant; sed nec ipsi quoque simile quid attentent antelati Comitatus Administrator et Officiales.

**Secundo.** Politica quaevis et provincialia, modalitate in Hungariae et Croatiae Regnis nostris passim introducta et usitata, in Comitatu sibi concedito tractabunt atque curabunt, adeoque in gremio illius, dum et quando necesse fuerit, Generales, cum interventu etiam, qui adesse volunt, Dominorum Terrestrialium, vel eorundem Officialium, praeuiae semper per Currentales (uti moris est) invitandorum, Congregationes, pro tractandis ejusmodi publicis servabunt, quam etiam ad Generales fidelium Statuum et Ordinum Regni nostri Croatiae Congregationes, semper (dum vocabuntur) unum alterumve ex gremio sui exmittent Deputatos, proponenda ibidem, si quae nomine Comitatus habebunt, proposituros, vel inde vicissim, dum rediverint, de ibidem pertractatis et conclusis, Comitatu in proxima Generali Congregatione sua debitam relationem scripto facturos; praecipue vero eo solerter contendunt, ut quantum Contributionale a Contribuentibus de tempore in tempus sub onere dandarum desuper rationum debite semper exigatur et defectu absque omni persolvatur, solum demum ad Cassam Comitatusensem colligatur, inde vero ad Cassam Bellicam Essekinii constitutam erga Quietantias Cassae Praefectorum fideliter administretur. Omnia denique, quae ab Incolis quocunque titulo praestanda veniunt, eo, quo spectant, in tempore aequae praestentur et administrentur; super omnibus autem perceptis et erogatis Constitutus Comitatus Perceptor mox finito Anno Militari cum requisitis probis et documentis sufficienter instructas rationes, prout in Hungaria usitatum est, Comitatu exhibebit, nolens vero vel intermittens, compulsivis etiam medijs, Lege idcirco praescriptis, per Magistratum cogatur. Singulariter autem eo intentus sit Magistratus, ut postquam ex noviter instituenda Comitatus Conscriptione, aequa et justa Proportio inter Contribuentes elaborabitur, illa debite pro futuro observetur, neque sine gravi ratione et publica Comitatus Determinatione in quopiam immutetur; ac in reliquo etiam ea, quae Leges Regni et signanter Articulus 63 Anni 1723 in praemissis praescribunt, exacte observare teneantur.

**Tertio.** Processus et Litigia, quae inter Terrestres Dominos vel alios Nobiles ibidem vertuntur, ac vi Legum Hungariae et Croatiae Foro Comitatusi dijudicanda concernunt, Magistratus pro administratione Justitiae per Partes suo modo requisitus et interpellatus, servatis de Jure servandis, in Comitatu sibi concedito dijudicanda assumet et decidet, Partibusque Justitiam juxta Regni Leges exacte et celeriter administret, admissa pro qualitate Causarum et dictamine Legum intra vel extra Dominium, si Causa appellabilis sit, a Vice-Comite et Judicibus Nobilium, in Partibus (uti dicitur) procedentibus ad sedem Judiciariam Comitatus, singulis annis quoties necesse erit in Comitatu debite aequae celebrandam, inde autem ad Tabulam nostram Banalem Appellatione; occasione vero celebrandarum Sedium Dominalium Judicium cum Jurassore praesentes



semper aderunt, et ibidem diligenter illa, quae iisdem secundum praescriptum Legum incumbunt, curabunt. Quod si autem in Sclavonia et Syrmio tales Causae occurrerent, quae antecederent jam per Instantias, quas hactenus habuerunt, finaliter decisaе et superatae fuerunt, tunc res iudicata pro tali relinquatur et maneat, amplius coram Comitatu non resuscitanda; pendentes tamen, seu ibidem jam praevis inceptas, nondum tamen finaliter terminatas Lites, Causantes, si vel ambae Partes, vel Jure conventae saltem Provinciales fuerint, vel de re Jurisdictioni Provinciali subjecta agatur, non alibi, quam coram Comitatu et Foris Provincialibus, servatis de Jure servandis, promovere poterunt. Et quia

Quarto: Memorati Comitatus Magistratus adinstar aliorum Comitatum Jure etiam Gladii gaudebit, igitur in solerter persequendis ac pro demerito etiam puniendis Praedonibus aliisque Malefactoribus omnem Laborem et Industriam pariter impendet, quo taliter in Syrmio quoque et Sclavonia intrinseca quies et tranquillitas restabiliatur, Malefactoresque condigna et promerita poena puniantur. Quem in finem Comitatus in bono ac securo Loco, ipsi per Commissionem Nostram assignando, etiam Carceres pro Delinquentibus, sub bona Custodia et provisione servandis, habebit, et reliqua etiam ad Exercitium Juris Gladij necessaria requisita procurabit.

Quinto: Et cum Suprafatis Regijs Commissarijs Nostris ex peculiari gratia et Clementia Nostra facultatem hac vice benigne concessimus, ut ad citius atque facilius in illis partibus reducendam publicam quietem et tranquillitatem generalem Amnystiam pro Praedonibus, in Libertate adhucdum constitutis, consequenter sub Judiciaria potestate nondum existentibus, Altissimo Nomine Nostro eo modo publicare possint, ut praefigendo illis Terminum, intra quem semet coram ipsis vel Superioritate sua sistere debeant, et ut tales, qui semet sponte sistent, vel Militaria Servitia statim amplectantur, vel deposito praevis Juramento, quod deinceps a Praedocinijs et alijs Maleficijs penitus abstinere et Domi suae constanter permanere velint, semet in unam vel alteram Pagensium Communitatem inscribi curare teneantur. Igitur hujus quoque effectuationi omnimode intentus erit Magistratus.

Sexto: Siquidem praefatus Comitatus, quamvis Regno Nostro Croatiae caeteroquin incorporabitur, suam altamen Contributionem praestare et Illocationes Militares aliaque Concomitantia onera Publica adinstar Comitatum Regni Nostri Hungariae supportare debeat: Hinc Comitatus iste et ejusdem Magistratus, in reliquis quidem praefatorum Regnorum Nostrorum Dalmatiae, Croatiae et Sclavoniae Banali et Provinciali Jurisdictioni, cui praevis modo incorporabitur, adinstar aliorum in iisdem Regnis sitorum Comitatum suberit, in Contributionalibus tamen et alijs Contributionem concomitantibus et fundum illius tangentibus et respicientibus oneribus et dispositionibus Publicis, adinstar Comitatum Hungaricorum, immediate a Regio Hungarico Locumtenentiali Consilio Nostro, prout et constitutus in illis Partibus Provincialis Commissarius in rebus Officij a Directore Provincialis Commissariatus Hungarici, dependebunt, debitam cum iisdem Correspondentiam in praemissis habituri, et eorundem Dispositionibus parituri. Regulamentum quoque etiam Militari, quod in Sclavonia et Syrmio actu viget et in usu est, usque ulteriorem Majestatis Nostrae Dispositionem semet debite conformaturi.

**Septimo:** Salaria porro Administratoris et constituendorum praevio modo Comitatus Officialium taliter benigne ordinavimus, ut Officii Supremi Comitatus Administrator 1000 fl., Vice-Comes 500 fl., Notarius 300 fl., Generalis Cassae Perceptor 300 fl., Judex Nobilium 200 fl., Juratus Assessor 100 fl., Procurator demum Fiscalis 150 fl. habeant. Praeterea, ut Comitatus Equites etiam et Hajdones pro exactione Contributionis, persecutione item et extirpatione Praedonum aliorumque Publicorum Malefactorum necessarios, cum superioribus et subalternis Officialibus suis, prout et Lictorem teneat, Competentia iisdem Salaria et respective Stipendia, proxime aequae regulanda, pariter percepturos; interea vero et donec fundus praespecificatorum Salariorum in praenotato Comitatu eruetur, ex Peculiari gratia Nostra Salaria ejusmodi ab aerario Nostro Regio usque ultimam Decembris Anni futuri 1746 pendi curabimus. E contra autem pro indemnizando Aerario Nostro Salis in Slavonia et Syrmio, et quidem unius cujusvis ibidem distrahendi Centenarii pretium in 15 x., a 1. Julii anni currentis usque finem Decembris Anni 1750 elevandum resolvimus. Diligenter autem invigilabunt praefati Comitatus Officiales, ne Sal marinus, quem positive in omnibus hisce tribus Comitatibus inhiberi volumus, eo inducatur et invehatur; Congruum idcirco, dum et quando res exigit, remedium et provisionem facturi, Constitutisque ibidem Salis Officialibus nostris necessariam eo fine, ubi opus fuerit, assistentiam praebituri.

**Octavo:** Quoniam vero in Regno Nostro Hungariae ea observaretur in praemissis modalitas, quod quivis Comitatus Supremis Comitibus et Officialibus suis aliisque Servitoribus Comitatus Competentia Salaria ex Cassa sua Domestica persolvat, Hinc, mox ubi praenominatus Comitatus debito modo Regulatus et Magistratu suo instructus fuerit, idem mox eam Provisionem faciet, ut a die 1. Januarii Anni 1747 et sic imposterum semper ex Cassa sua Domestica universa Salaria, Stipendia item suorum Militum et alias quasvis particulares Comitatus Expensas persolvat; eandem tamen Cassam Domesticam cum Contributionali Magistratus nunquam commisceri et confundi admittet, sed separatas et distinctas ab utraque Cassa a Perceptore suo Rationes quotannis indispensabiliter quantocumque exigat, exactas revideat et censuret, censuratas vero utriusque Ordinis Rationes, esto ab invicem separatas, connexive tamen se habentes, in geminis Pribus, Sigillo Comitatus et subscriptione Magistratuum authenticatas, Regio Locumtenentiali Consilio Hungarico Posonium, de Cassa autem Domestica Comitatus sonantes rationes, in simili Exemplari etiam fidelibus Statibus et Ordinibus Regni Nostri Croatiae singulis annis submittet. Praeterea

**Nono:** Siquidem Regias Tricesimas nostras hactenus in finibus Slavoniae adversus Hungariam et Croatiam habitas, facta semel incorporatione per Commissarios Nostros Regios, inde tolli et ad Confinia versus Turcicum ponenda transferri, Telonia vero in medio Syrmij et Slavoniae reperibilia eousque, donec per Magistratum Comitatum, ad exigentiam Legum eatenus sancitarum, et signanter Articulorum 15. 1715 et item 15. 1723, nec non 28. Novissimae Dietae, revidebuntur, et quae tollenda sunt, tollentur, et stabilienda stabiliuntur, Vectigaliaque eorundem limitabuntur, in statu quo relinquenda esse benigne resolvissimus: Ideo saepefactus Magistratus in gremio sui etiam praefatam Teloniorum revisionem successive assumet et peraget, rationemque idcirco fidelibus Statibus

et Ordinibus Croatiae submittet; illos vero teloniorum Possessores, quorum Telonia pro necessarijs praevio modo inventa et stabilita fuerint, ad reparationem quoque et Conservationem viarum et Pontium, observandumque et non excedendum ipsis praescriptum Vectigal, extrahendum item (si non habent) Regium Teloniale Privilegium, adeoque satisfaciendum obligationi suae, juxta praecitatas Leges effective adstringet, sine praehabito autem Regio Teloniali Privilegio nulla nova Telonia erigi admittet. In reliquo autem Officiales Comitatus tam in Concreto, quam in Particulari, quivis illorum respectu muneris et Officii seu generaliter ea etiam observabunt, quae Leges Regni praescribunt et iisdem observanda praecipiunt.

Quae omnia autem, ut debite observentur et in effectum deducantur, Administrator Officij Supremi Comitatus Sedulam ac diligentem Curam habeat, Articuloque 56. Anni 1723 alijsque Regni Legibus, de Officijs Supremorum Comitum sonantibus, semet exacte conformabit; et cum Comitatus etiam proprium Sigillum authenticum habere debeat, ideo, ut primum Magistratus praevio modo institutus et ad Activitatem positus fuerit, mox pro Sigillo ad Majestatem Nostram recurreret, et una etiam projectum illius Nobis exhiberet; interea autem in publicis Expeditionibus suis Sigillo Administratoris utatur. Et haec sunt, quae praefati Comitatus Magistratui pro Instructione hac vice et donec aliter disposuerimus, extradanda esse duximus et concedenda. Datum Viennae, die 1. Julij, Anno Domini 1745.

Maria Theresia m. p.

(L. S.)

Comes Ludovicus de Batthyán m. p.

Franciscus Koller m. p.

*A tergo :*

In simile Ludovico Comiti Patáchich, qua Supremo Comiti Comitatus Vencensis, et Marco Alexandro Baroni de Pejachevich, qua Supremi Comitatus Officij Syrmienensis Administratori.

Copia in Archivo Regni Croatiae. Acta Regni Congregationis A. 1745. N. 51.

## CCXLVII.

*Anno 1745. die 9. Decembris. Esseki.*

**Universitas Comitatus Veröcensis de sua et totius inferioris Slavoniae reincorporatione Generali Regni Dalmatiae, Croatiae et Slavoniae Congregationi gratulatur.**

**Excelsi Proceres,**

**Inclytique Domini Regnorum Dalmatiae, Croatiae & Slavoniae Status & Ordines,**

**Domini Domini Nobis Gratosissime Colendissimi!**

Cum jam tandem Deo Auspice diu expectata Inferiori huicce Slavoniae, fateri debemus, infatigabili Excelsorum Procerum Inclytorumque Dominorum Statuum & Ordinum Cooperatione, promota acciderit Salus & pristina denique restituta sit Libertas, ita, quod ejusdem Priorj suo Corpori, Banali nempe Inclytorum Dalmatiae, Croatiae & Slavoniae Regnorum Jurisdictioni reapplicatio, de Gratia & Clementia Regia desideratum feliciter sortita sit effectum, sicut nos octava delabentis instaurati Comitatus de Veröcze Universitas parte nostra Excelsis Proceribus Inclytisque Dominis Statibus & Ordibus super recuperata deperdita hactenus filia sua, ita Nobis de reobventa dulcissima Matre Superiori Slavonia omni possibili jubilo & applausu hisce gratulamur, & porro etiam pro exantlatis in Patriam hancce Excelsorum Procerum Inclytorumque Dominorum Statuum beneficijs, deprompta isthic coram Illustrissimo & Spectabilibus Dominis Eorundem Commissarijs praeconia & gratiarum Actiones, praesentibus obsequenter repetimus, nosque in Maternum suscipi precamur sinum; DEUM caeteroquin Omnipotentem ardentibus orantes votis, ut id, quod benignitate sua conjunxit, usque ad Mundi persistentiam nullis unquam temporibus amplius separari patiatur; verum sicut Virtus unita fortior est, & concordia res parvae crescunt, ita pro majori sui Gloria, Alti item Regij Servitij & Publici Emolumento utriusque praemissi Clementer impertiatur Nobis Incrementum; Nos interea omnia Nostra ita dirrigere satagemus Acta, ut in quibusvis quoad debiles Vires & Capacitas Nostra indulserit, benignis Regijs Mandatis, Juribus item, Praerogativis & avitis Consvetudinibus satisfiat.

Quamvis porro pro accepto uno, ne dum satis gratos, pro alio implorando Beneficio Nos modestia quasi cohibere deberet, quin nihilominus Majorum erga suos semper largam esse scimus Munificentiam, non veremur in Limine statim, subversante praecipue in mora Periculo, Excelsorum Procerum Inclytorumque Dominorum Statuum intuitu avertendae ad Legionem Trenkianam Militis praestationis rogare auxilium; cum autem in hoc eodem, quod Nos premit, merito, Excellentissimi quoque Domini Comitatus Bani invocaremus Patrocinium, sicut Litteras

Nostras Suae Excellentiae scriptas cum Excelsis Proceribus & Inclytis Dominis Statibus communicare Nostrae arbitramur Obligationis, ita siquidem in iisdem tota facti species deducta haberetur, illius isthic deductionem attingere supervacaneum & ipsis Excelsis Proceribus ac Inclytis Dominis Statibus incommodum fore rati, Supplicamus humillime, dignentur pro sua experta in Nos Gratia & bonitate sine longiori mora ad Augustissimam pro Nobis recurrere, itaque Instantiam hancce Nostram promovere, ut insupportabile hocce Militis praestationis Onus a Nobis ex integro avertatur. Quibus Protectioni Eorundem nosmet impense recommen-  
dantes manemus

Excelsorum Procerum,

Inclytorumque DD. Statuum & Ordinum

Dabantur ex Generali nostra die 9.  
& sequentibus Mensis Decembris 1745  
Esseki celebrata Congregatione.

Obsequentissimi & Obligatissimi Servi

Universitas Comitatus de Veröcze.

Orig. in Archivo Regni Croatiae. Acta Regni Congregationis a. 1746. Nr. 4.

## CCXLVIII.

*Anno 1745. 12. Decembris. In oppido Valkovar.*

Universitas Comitatus Syrmienensis de sua et totius inferioris Slavoniae reincorporatione Inclytis SS. et OO. Regni Dalmatiae, Croatiae et Slavoniae gratulatur.

Excelsi Proceres,

Inclytique Domini Regnorum Dalmatiae, Croatiae & Slavoniae Status & Ordines,

Domini Domini Gratosissime Colendissimi!

Illuscente tandem aliquando post tot retroactorum Saeculorum effluxus afflictæ & sub gravissimis oneribus fatiscantis Patriae hujus fortunatori sydere, ubi nempe ad iteratas Eorundem Excelsorum Procerum Inclytorumque Domi-

norum Statuum et Ordinum Suae Sacratissimae Caesareo-Regiae Majestati factas humillimas Instantias Syrmium cum inferiori Slavonia Sacro Regni Hungariae Diademati, memoratorum vero Inclytorum Dalmatiae, Craetiae et Slavoniae Regnorum, atque adeo Excelsorum Procerum Inclytorumque Dominorum Statuum & Ordinum, Banalique Jurisdictioni, ex benignissima altefatae Suae Sacratissimae Majestatis annuentia, Anno hocce labenti, medio authorizatorum eatenus Dominorum Caesareo-Regiorum Commissariorum jam ex integro reincorporatum extitisset; Primo hicce Comitatus Syrmienensis die 11. proxime praeteriti Mensis Novembris in oppido Valkovar instauratus, activitateque Comitatus Magistratus est condecoratus; hodierna vero die Illustrissimus quoque Dominus Supremi Comitatus Officij Administrator noster Eidem est praefixus. Cujusmodi tantis suspirijs gemitibusque exoptatam miserae hujus plurimisque infaustissimorum temporum Injurijs et vicissitudinibus grassatae ac fere collapsae Patriae, tandem aliquando obtentam consolationem, quemadmodum post altefatae Sacratissimae Majestatis maternam clementiam Excelsorum Procerum Inclytorumque Dominorum Statuum et Ordinum Potenti et zelosissimo Patrocinio referre debemus; ita etiam tam ingens nunquamque obliterandum eorundem Excelsorum Procerum Inclytorumque Dominorum Statuum & Ordinum beneficium, donec ultimae nobis vires suffecerint, Servitijs nostris contestari nunquam sumus defuturi.

Caeterum, tametsi multa superessent, in quibus uberiores adhuc a Sua Sacratissima Caesareo-Regia Majestate medio Excelsorum Procerum Inclytorumque Dominorum Statuum et Ordinum consolationem suo tempore humillime efflagitandam decrevissemus; iisdem nihilominus pro hic et nunc praetermissis, unum (subvertante in mora periculo) Excelsis Proceribus Inclytisque Dominis Statibus et Ordinibus obsequenter detegendum habemus: Ea erat Excelsi Proceres Inclytique Domini Status & Ordines his retroactis Annis Domini Baronis Colonelli Trenk in conducendo per nostrum quoque Comitatum Milite indiscretio, ut quotiescunque pro bellando aptos habilesque depraeheudit Contribuentes, vendicata sibi licentia in suam Legionem indiscriminatim vi abtraxerit, Dominijsque certo numero Eorundem statutionem absque omni prorsus consideratione Diminutionis per id Aerarij Regij, miseraeque Contribuentis Plebis aggravij strictim et sub gravissimis comminationibus imposuerit, executioneque etiam mediante extorsit; Unde evenit quoque, quod tales vi abstracti in ejusdem Legione Incolae abinde magno numero semet subtrahentes, ad propriosque Lares ob novam rursus sui capturam redire formidantes, sylvas repleverint, exindeque enormia praedocinia, caedes & furta in majorem satis afflictas Plebis afflictionem perpetraverint, perpetrentque etiam in praesentiarum. Quia vero non vane praevideremus, quod hocce hyberno tempore juxta morem praefatus Dominus Colonellus de redintegranda memorata Legione sua coram Sacratissima Caesareo-Regia Majestate rursus sit acturus, impetrataque ejusmodi facultate priores Excessus suos (quorum intuitu ad ejusdem Regiae Majestatis Thronum humillimum medio Inclytorum Dominorum Statuum et Ordinum successivae reservamus facere recursum) in Patria ista sit renovaturus; Ideo tum ob hoc, cum et exinde, quia Regio isthaec modo praedecarato praememoratis Regnis reincorporata, ad mentem Articuli 66. 1681, per Articulum quoque 59. Novissimae Dietae confirmati, iisdem Regnis in militando esset conformanda, eatenusque dum necessitas exegerit et vires nobis admiserint, Excelsorum Procerum Inclytorumque Dominorum Statuum & Or-

dinum, ac Suae Ecellentiae Banalis gratiosis dispositionibus nos quoque substernere parati essemus: Excelsis Proceribus Inclytisque Dominis Statibus & Ordinibus obsequenter supplicamur, quatenus valido suo Patrocinio, intuitu extreme exhaustarum virium nostrarum, apud Suam Sacratissimam Majestatem, ne antelatus Dominus Colonellus talem facultatem amplius sibi sortiri possit, verum totum hocce insupportabile a nobis avertatur onus, validas vices suas interponere dignarentur. In reliquo Nos Eorundem Excelsorum Procerum Inclytorumque Dominorum Statuum & Ordinum Protectionibus totos quantos devoventes manemus

### Excelsorum Procerum

### Inclytorumque Dominorum Statuum & Ordinum

Datum ex Generali Congregatione  
nostra pro die 12. Mensis Decembris  
1745 in oppido Valkovar celebrata.

Obsequentissimi Servi

Universitas Neo-erecti Comitatus Syrmiensis.

Orig. in Archivo Regni Croatiae. Acta Regni Congr. 1746 Nr. 5.

---

## CCIXL.

*Anno 1747. die 7. Martii. Viennae.*

**Instructio neoerectis comitatibus Inferioris Slavoniae a  
Rege medio Generalis Regni Congregationis data.**

**MARIA THERESIA DEI gratia Romanorum Imperatrix ac Hungariae, Bohemiae,  
Dalmatiae, Croatiae, Sclavoniaeque &c. Regina, Archidux Austriae, &c.**

Reverendi, Honorabiles, Spectabiles ac Magnifici, Magnifici item Egregij  
et Nobiles, nec non Prudentes ac Circumspecti, fideles Nobis dilecti. Posteaquam  
Anno praeterito fidelem nostrum Spectabilem ac Magnificum Comitem Alexan-  
dram Patachich, Camerarium et Consiliarium nostrum Regium Hungariae Aulicum,

(Pars I. Privil. et Libert.)

qua Visitationis Commissarium nostrum ad neo Incorporatos Šyrmij et inferioris Sclavoniae Comitatus fine eo: ut videlicet ex praevis jam peractis antelatorum trium Comitatum Conscriptionibus novam et rectam Proportionem et onerum publicorum Repartitionem elaboret, de formanda etiam in singulis Comitatibus domestica (si nondum factum esset) curam habeat, an item Lineae Confinariae in ductu suo per Commissionem Incorporationis facto rite subsistant, informationes capiat, num demum et qualiter Comitatum Magistratus Instructiones suas observaverint, perquirat et investiget, ac super omnibus et singulis Nobis Relationem faciat, benigne exmissemus, idemque Comes abinde redux, Nobis praeterito Mense Octobris humillimam Relationem suam exhibuisset, desuper in ordine ad Politica et Juridica, Cassamquo Domesticam concernentia sequentia clementer resolvimus.

Ut pro sublevamine Subditorum seu Contribuentium illorum Comitatum ratione Cassae Domesticae, juxta hicce annexum Schema Annuae insimul ad viginti septem Mille eventualiter computatae, Camera nostra Regia ex Contributione a Locis in Comitatu Bachiensi noviter incorporatis levanda assignet per duos Annos a 1. Januarii anni currentis computandos, annuatim 12 Millia florenorum inter dictos tres Comitatus, per ipsos inter se (uti ipsis jam benigne intimavimus) eo fine Eszekini concursuros, non aequaliter, sed juxta exigentiam necessitatis cujuslibet Comitatus repartiendo, hoc etiam superadito: ut arbitrariae et dispendiosae Erogationes, virtute etiam Articuli 63. 1723 vetitae, praecaveantur et Conscriptiones Beneficiorum pro Cassa domestica in singulis Comitatibus taxandorum (si nondum peractae essent) peragantur, et quantumcunque fieri potest, aggravatio Contribuentium evitetur, et super omnibus et singulis perceptis et erogatis (uti dictis Comitatibus aliunde jam vi Instructionis ipsorum commissum est) Rationes dare teneantur.

Praeterea retulit Nobis idem Comes, quod in Dominio Illok. Fiscalem Procuratorem Aatholicum fundamento Articuli 46. novissimae Diaetae ex Servitio dimitti jusserit, Dominia in Comitatu Posegano contra subditos excedentia ad observationem Regulamenti de Anno 1737 eo in passu emanati et ibidem publicati reflexerit et ut Jura sua Dominalia (ubi necessitas fuerit) per sedes Dominales regulare studeant, res vero sub Commissione neo-acquisitica judicata, quae per Comitatum contra positivum Instructionis suae punctum alterata fuerat, priori vigori restituat, ordinaverit, in omnibus autem tribus Comitatibus Justitiam in Criminalibus debite administratam fuisse, in Comitatu vero Veröczeni, propter eorum accumulatum Malefactorum Numerum eam se dispositionem fecisse refert idem Comes, ut illorum Delinquentium, quorum reatus ex Inquisitionibus leviolem Civilem et arbitrariam poenam post se trahere videretur, Causas Vice-Comes, per Comitatum authorisatus, cum sibi adjunctis eodem Loco residentibus Judice et Vice-Judice Nobilium summarie solum revideat et in proxima Sedria scripto referat, cessante autem praemissa ratione, haec quoque dispositio iterum cesset, in Causis autem Civilibus semet in Comitatu Posegano, inque Dominio Illokiensi itidem disposuisse, ut Officiales Dominales pro revidendis notabilioribus Subditorum Causis, ubi plures concurrunt, de tempore in tempus Sedes Dominales legaliter instructas celebrent, Vice-Comitem autem et Judices Nobilium promiscue hactenus Causas Judicantes, ad praescriptum Articuli 35. 1729 regulavisse, sed et Do-



minia quoque ut Fora impensionalia exactius servant et Causantibus Justitiam administrent, admonuisse, in aliis autem Comitatibus nullum in administranda Justitia defectum compertum esse retulit, hisque superaddidit idem Comes, quod vindex Justitiae rigor per decursum praeteritae Hyemis eum partibus illis produxerit effectum, quod Regio illa Latronibus et Praedonibus antehac multum referta, jam poene securitati publicae sit restituta, quas dicti Comitatus dispositiones benignissime approbantes, iisdem hoc duntaxat addendum esse duximus, ut Comitatus ad continuandum administrandae Justitiae zelum ulterius quoque adhortentur.

In ordine vero ad Lineas Confiniarias refert saepeatus Comes, quod nunnulas exiguas signanter in Comitatibus Syrmienti et Posegano, majorem autem in altero Comitatu Veroczensi quoad occupationem Territorij Diakovariensis per Confiniarios via facti attentatam, repperit differentias; circa quas clementer resolvimus, ut Comitatus, qui eatenus gravamen habent, semet idcirco praevio apud Praefecturam nostram militarem ibidem tanquam primam Instantiam pro remedio insinuent, ibidemque agenda agant, non obtento autem ibidem remedio, tandem primo recurrant et gravamina sua fundate repraesentent; et hoc etiam in aliis Casibus et occurrentiis semper observent et non statim praeterita prima Instantia ad Nos, vel Aulam nostram recurrant.

Ulterius retulit idem Comes, quod in Comitatu Posegano excessum in Diurnis intra et extra Comitatum advertens, illa dietim praeter occasionem ad duos florenos restrinxerit, praeterea vero ordinaverit, ut Decimatoribus nostris Cameralibus, Incolis saepius Damna inferentibus, semper unus Homo Comitatus qui Plebem ab omni Jactura praeservaret, adjungatur, promiscuam vero Nundinarum celebrationem usque edoctionem Privilegiorum, imo quaedam etiam Monopolia privata in nonnullis Dominiis servata inhibuerit, sed et illud quoque in Comitatu ordinaverit, ut Incolis ad Comitatum Memorialia porrigentibus et Decretationem seu Indorsationem desuper obtinentibus, praevio autem a Congregatione discedentibus, et Memorialia sua ibi relinquentibus, indorsatae ejusmodi Instantiae Judicibus Processualibus consignentur, per eosdem Supplicantibus, qui absunt, finita Congregatione distribuendae; Praeterea vero quod Dominales quoque Officiales, contra quorum renitentiam in publicis Comitatum dispositionibus Magistratus Comitatus conquesti sunt, ad accuratius observandam Subordinationem admonuerit; — quas dispositiones aequae, cum hac tamen modificatione clementer approbamus, ut Salarisatis Comitatum Officialibus in publicis procedentibus et exmissis intra Comitatus (uti etiam in Hungaria vetitum est) nulla Diurna solvantur, in reliquo autem praealtacta Diurnorum restrictio etiam ad alios duos Comitatus extendatur; ne autem propter carentiam Nundinarum Publicum patiat, Domini Terrestres, Privilegiis Nundinalibus carentes, ad Maiestatem nostram pro impetrandis ejusmodi Privilegiis ocyus remittantur; ab Incolis autem praevio modo Supplicantibus, nec pro Indorsatione, neque pro Consignatione et distributione Memorialium suorum quidpiam praetendatur aut exigatur, hoc et id vero etiam in aliis Comitatibus debite observetur.

Porro ad Relationem totiesfati Comitatus, positamque coram eodem (uti refert) Comitatum illorum et signanter Veroczensis in eo Querimoniam, quod Turcici Quaestores et Mercatores vulgo Kallagy dicti, cum diversis Mercibus per minutias Quaestum exerceant et Caristiam inducant, una pulveres etiam Pyrios

Praedonibus vendere asveti sint, benigne aequae resolvimus, ut dispositiones nostrae fundamento Articuli 29. novissimae Diaetae respectu similium Quaestorum et Mercatorum Turcicorum, qui subditi Turcici sunt, per Hungariam factae, ut videlicet minutias et extra publicas Nundinas cum rebus et Mercibus Turcicis Quaestum exercere non audeant, a Quaestu autem cum aliis rebus et Mercibus non Turcicis penitus arceantur, etiam ad praefatos neo-incorporatos Comitatus inducantur, ibidem ad Notitiam illorum publicentur et pro futuro debite observentur, dato tamen iis, qui hactenus cum rebus non Turcicis Quaestum exercere solebant, pro distractione ejusmodi Mercium suarum certo ac competenti Termino.

Caeterum ad Instantiam Comitatus Syrmienensis, ut Petrovaradini aliquot saltem Scholae humaniores pro erudienda etiam illarum Partium Juventutis inducantur, jam benigne disposuimus, ut Fundus idcirco requisitus per Cameram nostram exquiratur, et illo comperto, Petito ejusdem Comitatus deferatur. Praeterea autem injugetur eidem Comitatus Syrmienensi, ut quoad Commoditates, tam pro publicis ejusdem Comitatus Carceribus, quam Carcerum Praefecto jure precario hactenus a Dominio Illokini habitas, jam vero per Dominium difficultatas, pro ulteriori Comitatus usu et necessitate relinquendas, cum eodem Dominio, usque dum Comitatus ipse in Statu fuerit sibi ejusmodi Commoditates extruendi vel comparandi, de certo eatenus annue solvendo proportionato Censu convenire et contrahere studeat, et hoc ipsum etiam Vice-Comes ejusdem Comitatus, quoad suam Commoditatem, nisi aliud quodpiam fundatum Jus ad eandem haberet, faciat, ut hoc modo ulterioribus dicti Domini Querimoniis finis imponatur.

Et quia Fidelitates vestrae ad hujus Comitatus Querimoniam sub die 24. Mensis Octobris anni praeteriti, Nobis demisse repraesentassent, quod Generalis Campi Mareschalli Locumtenens noster Baro Engelshoffen pro aequivalente partis Militaris Fossati nostri Petrovaradiensi anno praeterito benigne aequae incorporatae, ex dicto Comitatu Syrmienensi decem Loca avellere et ad Confinita Militaria applicare voluerit, interim, ille desuper constitutus semet Loca illa projectasse duntaxat, non autem avellere voluisse respondit.

Quibus proinde praevio modo benigne resolutis et dispositis, Fidelitatibus vestris benigne committimus ac mandamus, quatenus eadem dictis Syrmij et inferioris Sclavoniae Comitatibus pro ipsorum directione respective et debita observatione intimare noverint. Quibus in reliquo gratia et Clementia nostra Caesareo-Regia benigne jugiterque propensae manemus. Datum in Archiducali Civitate nostra Vienna Austriae, die Septima Mensis Martii, Anno Domini Millesimo Septingentesimo Quadragesimo Septimo.

Maria Theresia m. p.

Comes Leopoldus de Nadasd m. p.

Franciscus Koller m. p.

*In inferiori margine :*

In gleichen an die Croatische Stände.

*A tergo:*

Reverendis, Honorabilibus, Spectabilibus ac Magnificis, Magnificis item Egregijs & Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae & Sclavoniae Universis Statibus & Ordinibus &c. Fidelibus Nobis dilectis.

(L. S.)

Zagrabiae. Ex Officio.

Orig. in Archivio Regni Croatiae. Acta Regni Congr. a. 1747. Nr. 26.

## CCL.

*Anno 1749. 3. Junii. Viennae.*

**Resolutio Regia de instituendo in Croatia uno Vice-Magistro Thavernicali et Foro Revisorio causarum Civitatis.**

**MARIA THERESIA DEI Gratia Romanorum Imperatrix, ac Hungariae, Bohemiae, Dalmatiae, Croatiae, Sclavoniaeque &c. Regina, Archidux Austriae &c.**

Reverendi, Honorabiles, Spectabiles ac Magnifici, Magnifici item Egregij et Nobiles, nec non Prudentes ac Circumspecti, Fideles Nobis dilecti. Ex Literis Fidelitatum Vestrarum Die Quinta praeteriti Mensis Martij ex Generali Earundem Congregatione emanatis, et Informatione de Causarum in Liberis ac Regijs Civitatibus Regni nostri Croatiae ventilari solitarum ac inde appellatarum Foro Superrevisorio deprompta, et ex Juribus ac Privilegijs dictarum Civitatum deducta, Nobisque cum Opinione submissa, benigne percepimus: praetactas Civitates, nec non Privilegiatum Oppidum Czirkveno, in Foro Superrevisorio appellatarum inde Causarum, Civitatem quidem Varasdinensem Judicatus Personalis Praesentiae Regiae Locumtenentis, reliquas vero (excepta Civitate Segniensi, Forum Superrevisorium apud Comitatum habente) Judicio Magistri Tavernicorum Regalium subjectas esse; quod tamen illarum Incolae Causantes ad Forum Superrevisorium Appellantes partim ob Distantiam Loci, Viarumque Incomoditatem, partim vero miserum et egenum Statum, Mediorumque et Facultatum defectum difficulter nimis vel nullatenus ad Constitutum unum vel alterum in Hungaria Forum Superrevisorium debito tempore comparere possint.

Ne proinde ob haec obstacula Partes Causantes debita Justitiae Administratione destituantur, id pro nunc pro sublevamine ejusmodi Causantium, et celerius adipiscenda Justitiae Administratione, interimaliter, et usque ad ulteriorem Benignam Dispositionem nostram (salvis caeteroquin antelatarum Civitatum de Foro Appellationis sonantibus Privilegijs) clementer resolvimus et Comiti Tavernicorum nostrorum Regalium Magistro, Tenore Benigni rescripti sub hodierno Dato expediti, commisimus, ut Idem, sicut in Hungaria, ita in Croatia etiam, Vice-Tavernicorum Regalium Magistrum, qui ibidem Causas omnes Civiles in praefatis Civitatibus et respective oppido ventilatas et maturioris Revisionis gratia ad Forum Superrevisorium appellatas, Lege, Consuetudine et Activitate in Regno Hungariae observata, de Tempore in Tempus, convocatis illarum Civitatum Senioribus revidere possit, et revisas, memorato Comiti Magistro Tavernicorum Regalium ad Statum Notitiae in Extractu communicet, mox et quocilius denominare, ac Officij Sigillum Eidem consignare, Majestatemque Nostram desuper pro faciendis apud antelatas Civitates Dispositionibus informare debeat; Quam Benignam in praemissis interventam Resolutionem nostram Fidelitatibus Vestris ad Statum Notitiae Clementer intimantes, Iisdem in reliquo Gratia et Clementia nostra benigne jugiterque propensae manemus. Datum in Archi-Ducali Civitate Nostra Vienna Austriae Die Tertia Mensis Junij Anno Domini Millesimo Septingentesimo Quadragesimo nono.

Maria Theresia m. p.

Comes Ludovicus de Nadasd m. p.

Andreas Moruz m. p.

*A tergo:*

Reverendis, Honorabilibus, Spectabilibus ac Magnificis, Magnificis item Egregijs et Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae et Sclavoniae universis Statibus et Ordinibus &c. Fidelibus Nobis dilectis.

Zagrabiae. Ex Officio.

(L. S.)

Orig. in Archivo Regni Croatiae. Acta Regni Congr. 1749. Nr. 45.

**CCLL.**

*Anno 1750. die 16. Januarij. Viennae.*

**Maria Theresia regulationem Confiniorum banalium sancit,  
nonnullaque Privilegia Regni confirmat.**

**Justitia et Clementia.**

Nos Maria Theresia, Divina Favente Clementia Romanorum Imperatrix ac Regina Hungariae, Bohemiae, Dalmatiae, Croatiae, Sclavoniae, Ramae, Serviae, Galliciae, Lodomeriae, Cumaniae, Bulgariae, Archidux Austriae, Dux Burgundiae, Brabantiae, superioris et inferioris Silesiae, Mediolani, Styriae, Carinthiae, Carnioliae, Mantuae, Parmae, Placentiae, Limburgiae, Lucemburgae, Geldriae, Marchio Sacri Romani Imperii, Burgoviae, Moraviae, superioris et inferioris Lusatiae, Comes Habsburgi, Flandriae, Tyrolis, Ferretis, Kyburgi, Goritiae, Gradiscae et Arthesiae, Landgravia Alsatie, Comes Namurci, Domina Marchiae Sclavonicae, Portus Naonis, Salinarum et Mechliniae &c. &c.

Memoriae commendamus tenore praesentium significantes quibus expedit universis. Regalis Muneris nostri ratio, quod DEO favente obtinemus, et qua in Regna et Ditiones nostras haereditarias ferimur propensa Benignitas, Desiderium Studiaque nostra eo cumprimis dirigit, quatenus Subditorum Nobis Regnorum commodis omnimode prospiceremus, Devotos porro et fideles nostros, illos praesertim, qui gratos subditalis Obsequij conatus jugiter Nobis impendunt, quosve propria Virtutum merita commendare videntur, peculiaris Gratiae et Clementiae nostrae Caesareo-Regiae Favoribus complecteremur. Hinc est, quod ut primum paternum Solium conscendendo Imperij fasces adeptae sumus, ea specialis atque sollicita Cura nostra continuo fuerit, qualiter Incremento Felicitatisque Regnorum et Provinciarum nostrarum haereditariarum quam optime consulere valeamus. Benignam hanc Intentionem nostram in cupitum effectum perducendam praepediverunt adusque tot Bellorum, quibus mox a tempore suscepti Regiminis continuata serie undequaque impetitae fuimus, Injuriae; Jam vero restituta infinita Dei Misericordia alma Pace, optata affulget occasio, quo fidelibus subditis nostris uberrima Regiae Benignitatis nostrae, qua eosdem complectimur, Dona largiamur, Maternamque sollicitudinem nostram in omnigenam Illorum Prosperitatem unice directam re ipsa commonstremus. Quibus fideles Regnorum nostrorum Dalmatiae, Croatiae et Sclavoniae Status et Ordines tanto cumulatius quidem beare cupiamus, quo iidem testata omni tempore intemerata, cum Vitae Facultatibusque suarum discrimine, Fidelitate, homagialisque obsequij Studio de augusta Domo nostra benemerito, in postremi quoque gravissimi Belli Motibus Vitam et Sanguinem suum, in novam praeclarae Fidelitatis Tesseram, pro Majestate nostra,

Tutamine Augustae Domus nostrae, ipsiusque Publici Commodo, devota Promptitudine consecrarunt; Neque in praemissis subistere insignes praelibatorum fidelium Statuum et Ordinum conatus, nihil utpote nunc quoque in Animis prius, nil in votis potius habentes, quam ut in Regem suum sanctam Fidem luculentis Testimonijs continuo comprobare, atque Gloriae et Felicitati Ejusdem Vitam et Bona litando, novam, eamque gratissimam sibi de Majestate nostra ac ipso etiam Publico benemerendi occasionem nancisci valeant. Quae rara omnique Commendatione digna subditalis obsequij Studia, quatenus Opere ipso ulterius contestarentur memorati fideles Status et Ordines, opportune Iisdem cesserat proposita per Fidelem Nostrum Nobis sincere dilectum, Spectabilem ac Magnificum Comitem Carolum de Batthyán, Perpetuum in Németh-Ujvár, Aurei Velleris Equitem, Regnorum nostrorum Dalmatiae, Croatiae et Sclavoniae Banum, Comitatus Castri Ferrei Perpetuum, Simigiensis vero Supremum Comitem, Nostum Actualem Intimum Consiliarium, Generalem Campi Mareschallum et unius Legionis nostrae Dimacharum Colonellum, Banalium Regni Confiniorum Regulatio. Praelibatus namque vetustae, ac tam Sago quam Toga illustris Familiae suae Progenitorum laudabilibus Vestigijs insistens, quemadmodum ab ineunte mox aetate sua, pro ratione diversorum, quibus functus est Officiorum, tum heroici Animi, cum et eximiae in rebus pertractandis Moderationis ac Prudentiae edidit Argumenta, et in perar-  
 duis signanter postremi acerbissimi Belli Circumstantijs non parcendo Laboribus, non Impensis, infracto robore probataque Dexteritate Nostrae cumprimis Majestati, sed et ipsi Publico multifaria, eaque momentosa summo Zelo ac Studiis indefessis praestitit Servitia, partaque antehac Merita, novis iisque distinctis sane Meritis taliter cumulavit, Cuive in Consequentiam plenariae, quam de eodem habemus Satisfactionis Pignus, Nobis charissimum primo-genitum Filium nostrum legitimum Coronae Principem concredidimus, pro ea, quam habet, Rerum, tum Publicarum cum et Militarium Experientia, dictae Militiae Banalis Regni Confinariae in magno adusque Disordine volutantis Regulationem, tum spectatis hic concurrentibus Militaribus Observationibus, cum et ipso Statu Provinciali Regni considerato, perutilem non modo, imo necessariam fore arbitratus, vix praeattactam repetitae Banalis Regni Confinariae Militiae instituendam Regulationem Fidelitatibus Vestris proposuit, et mox Eaedem salutarem hanc atque in peculiare dictorum Regnorum nostrorum Commodum unice directam praelibati Comitatus Bani Intentionem, desiderata promptitudine secundarunt, et istiusmodi novae Banalium Regni Confiniorum Reformae ac Regulationi in duobus Pedestribus Regimibus et Sexcentis Equitibus, universim vero Octo mille ducentis sexaginta Capitibus consistenti, celerem non modo Manum admoverunt, verum etiam dictae modo praevio regulatae Militiae Exolutionis Onus in universam Partium illarum Contribuentem Plebem, excepta Mondura sive Vestitu Militari, tam per Officiales, quam Gregarios propriis suis Sumptibus comparando, alacri Animo assumpserunt. Quantumvis porro praeattacta Militiae hujus Banalis Regni Confinariae Regulatio multifaria Emolumenta memoratis Regnis nostris potissimum adferat, dum videlicet melior Confiniorum Tutio et publica ex hinc securitas procuratur, Patriae Filii ad Militaria eaque honorifica Officia applicantur, atque fixa pro futuro Stipendia percipientes, eadem demum intra Limites Regni illius denuo consumunt, eximium attamen in promotionem hic quoque subversantis summi Servitij nostri et Publici Commodum procurandum, modo praevio

testatum fidelium eorundem Regnorum Statuum et Ordinum Zelum benignissimo suscipientes Animo, ut perspectam Nobis, atque tum occasione hujus Militiae Regulationis, cum et alias Belli Pacisque tempore multifarie probatam Eorundem Virtutem et Fidem, pro singulari illa et vera Materna, qua in praelibatos fideles Status et Ordines ferimur Propensione, pro condigno recognoscere, demisse praesentatis Majestati nostrae medio Exmissorum isthuc e Gremio antelatorum fidelium Statuum et Ordinum Deputatorum, Spectabilis quippe ac Magnifici Comitum Chistophori Orssich ab Orssich-Vára, Equitis Aurati, Tabulae nostrae Banalis Assessoris et Consiliarii nostri, Egregiorum item Joannis Rauch de Nyék, praefatorum Dalmatiae, Croatiae et Sclavoniae Regnorum nostrorum Vice-Bani, Comitatum Zagrabiensis et Crisiensis Supremi Comitum, Tabulae nostrae Banalis pariter Assessoris et Consiliarii nostri, Josephi demum Magdich, Tabulae dictorum Regnorum Judiciarum Assessoris et Consiliarii aequae nostri, quibusdam Postulatis, proque horum benignissima Applacitatione, facta nobis humillima Supplicatione, in uberiolem Contestationem peculiaris affectus, quo dictos fideles Status et Ordines benignissime complectimur, et quatenus iidem singularis Clementiae nostrae Regiae perpetuum habeant Monumentum, subsequas iisdem fidelibus antelatorum Regnorum nostrorum Statibus et Ordinibus benignissime confirmandas et respective elargiendas duximus Concessionem. Et cumprimis quidem Banalem, in iisdem Confinijs adusque praehabitam, et in Articulo Quadragesimo Septimo Anni Millesimi septingentesimi quadragesimi primi, inque illo citatis alijs Legibus declaratam Activitatem, imposterum etiam exercendam hisce ulterius benignissime confirmamus. Ex quo porro dicta Confinia semet ex natura sua ad Rem Militarem alioquin simpliciter referant, Eosdem fideles Status et Ordines quoad ipsam praenotatorum Banalium Regni Confiniorum Administrationem, plenam in memorato praefatorum Regnorum nostrorum Bano, velut exactam Rerum Militarium Cognitionem et Experientiam habente, Ejusdemque in Officio hocco Successoribus fiduciam collocaturos benignissime confidimus. Quantumvis porro praelibatus modernus Comes Banus, cui Aerarii nostri necessitates omnino cognitae existunt, eam demissam Majestati nostrae fecisset Declarationem, qualiter Idem proprijs Medijs a BEO dotatus, atque ab alijs, quae ex Clementia nostra Caesareo-Regia sibi collata habet, Officijs, notabilia Salaria percipiens, pendendum ab Aerario nostro Regio, ad Tenorem Articuli Centesimi decimi quarti Anni Millesimi Septingentesimi Decimi quinti, Banale Salarium minus anhelet, quam etiam Declarationem pro nunc et usque subsecutura feliciora Tempora benignissime acceptamus; ad uberius attamen demonstrandam iisdem fidelibus Statibus et Ordinibus Regiam Clementiam nostram, in reale praecitati Articuli Centesimi decimi quarti Anni Millesimi Septingentesimi decimi quinti et aliarum eatenus praehabitarum Regni Legum Complementum, clementer resolvimus: Ut futuris antefatorum Regnorum nostrorum Banis annum Quinque Millium florenorum Salarium ab Aerario nostro, et quidem ex Fundo Cassae nostrae Militaris, pro omni et toto dependatur. Non absimiliter annuimus, quatenus Consilium nostrum Aulae Bellicum Authoritatem et Activitatem suam in iisdem Banalibus Regni Confinijs non aliter, quam hactenus factum fuit, non obstante etiam praemissa Regulatione, exercent; Tabellas attamen quoad effectivum praestatae regulatae Militiae Banalis Regni Confiniarum Statum, memorato Consilio nostro Aulae Bellico, ipso Regulationis Statu id secum ferente, Menstruatim submitti volumus. Clementer item

admittimus, ut universa Militaria Officia penes praedictam regulatam Militiam Banalem Regni Confinariam idoneis duntaxat Coronae Regni nostri Hungariae subjectis Patriae Filijs conferantur, et Praesidia Nationali regulato aliunde futuro Militate impraesidentur; Antelatus porro Comes Banus, Ejusdemque in Officio hocce Successores, non modo erigendorum (uti praemissum) ex praedicta Banali Militia Confinaria Regiminum Proprietarij existant, verum etiam adinstar illorum Vice-Colonellos et ab inde alios Officiales denominandi Jus et Activitatem habeant, ipsa praenotata erigendorum praemissorum Regiminum Proprietate moderno Comiti Bano Ejusdemque in Officio hocce Successoribus taliter collata, privativam in Rebus dicta Regimina quoquo modo concernentibus Dispositionem eidem Bano et illius in Officio hocce Banali Successoribus concedente; Colonelorum attamen Denominationem erga Propositionem dicti Comitum Bani Ejusdemque in Officio hocce Successorum, pariter ex Coronae Regni nostri Hungariae subjectis Patriae Filijs, Nobis benigne reservamus; Qui modo praevisio per Nos resolvendi et denominandi Coloneli consveta eatenus Decreta per Expeditionem Consilij nostri Aulae Bellici adinstar aliorum Colonelorum nostrorum accipient; taliterque Militia haec aequali cum reliquis regulatis Regiminibus nostris Praerogativa, vulgo Rang dicta, et Privilegijs aliorum Regiminum etiam in Castris gaudeat; Juramentum autem consveta eatenus Modalitate Nobis et Sacrae Regni Coronae ipsa praedicta Militiae illius Regulatione et in Regimina cum concomitantibus iisdem Praerogativis Efformatione, illud inevitabiliter exposcente, eadem Militia praestabit. In eo porro ulterius benignissime consolandos duximus fideles suprafactorum Regnorum nostrorum Status et Ordines, dum videlicet vetustam usuque roborata Consuetudine firmatam Eorundem Praerogativam, Supremum Regni Capitaneatus Officium conferendi, taliter hinc clementer confirmamus: Quod benigne omnino confidentes, praelibatos fideles Status et Ordines hocce Supremi Regni Capitaneatus Munus ipsis semper praedictorum Regnorum nostrorum Banis More hactenus recepto collaturos, iidem fideles Status et Ordines ejusmodi Supremum Capitaneum nominare possint, nominatum attamen ad subsequam benignam nostram et Successorum nostrorum legitime Coronatorum Hungariae Regum Ratificationem praesentare teneantur; Vice-Capitaneos vero constituendi Jus et Activitas penes ipsum Banum ulterius permaneat. Benignissime insuper resolvimus: Ut regulatae huic, et in Regimina formandae Militiae Banali Regni Confinariae Sclopi et Pistoletae, Arma brevia, vulgo Bajoneth dicta, Loramenta item, Feberwerf nuncupata, pro hac prima Regulationis Vice, tempore Belli autem nova Tormenta ex Armamentarijs, item Tentoria, Currus praeterea Annonarij et pro Casu Belli etiam Onerarij pro devehendis Tentorijs, reliquaque Bellica Requisite, et si eandem Militiam extra Regnum progredi contigerit, aequale cum aliis Militibus Confinarijs Stipendium ex Aerario nostro Regio suppeditentur. Commissarij porro Militaris ex pluribus idoneis Nativis per Banum proponendis Personis Denominatione, ejusdemque regulatione iisdem fidelibus Statibus et Ordinibus salva omnino permanente, quatenus Commissariatus noster Aulae Bellicus in Casu duntaxat, quo Militia haec in Servitio suo, dum et quando Nobis benigne visum fuerit, extra Regnum exitura, in Salarium nostrum Regium transiverit, nec secus eatenus Influxum habeat, clementer etiam admittimus. Quemadmodum vero hactenus in memorato Nobis Charo Croatiae Regno Militaris Dislocatio vel Condensio rarissime et pro Casu duntaxat Sum-



me urgentis (quae occurrebat) Necessitatis disposita fuisset. Ita in Ordine ad praemissa amodo deinceps quoque Articulum Quadragesimum octavum Anni millesimi Septingentesimi quadragesimi primi accurate observari faciemus; illa autem, quae Militiae nostrae illac aliquando transiturae, a Regnicolis suppeditabuntur, Pretio, in benigno Regulamento nostro Militari, quod in Regno Nostro Hungariae Anno praeterlapso Millesimo Septingentesimo Quadragesimo Quinto publicatum fuit, denotato, bonificanda, benigne ordinabimus. Ex quo porro Onus Exolutionis regulatae modo praevio Militiae hujus Banalis Regni Confinariae in universam Partium illarum Contribuentem Plebem per repititos fideles Status et Ordines assumptum haberetur: Hinc illa etiam Loca, quorum intuitu quaedam Exemptionis Privilegia allegantur, Pagi quippe et Possessiones, seu Episcopales, Praepositorales et Capitulares, aut quorundam etiam Privatorum, excepto tamen Loco Valachico Topuska cognominato, velut hosti magis exposito, intra Ambitum Regni nostri Croatiae existentes, sed et Decimalistae et Praedialistae Ignobiles, Libertini item universorum Dominorum Terrestrialium et Nobilium, adeoque omnes praemissos Fundos, nec non ipsas Liberas Regiasque in Regnis nostris Dalmatiae, Croatiae et Slavoniae sitas Civitates et Oppidum Czirkveno, pro reliquae Contribuentis Plebis aliquali Sublevamine, praenotato communi Publico Oneri aequaliter ac proportionate, quoad Facultates, quas possident, subjiciendos Clementer hisce decernimus; ipsos tamen in Fundis Capitalaribus, adeoque privilegiatis, Curialibus, extra Muros Capituli existentibus, prout et in Nova Villa, seu Latinorum Vico, tanquam Episcopi et Canonicorum Allodij, degentes Incolas, a Personalibus oneribus, uti sunt Militares Condescensiones et Illocationes, Praejuncturarum item Praestationes et his similia, eximi et immunitari benigne volumus. In praemissorum vero Consequentiam et ad ulterius demonstrandam Fidelitatibus Vestris Benignitatem nostram, clementer etiam annuimus: Ut Bona Zriniano-Frangepaniana Maritima, per Cameram nostram, prout Ozali, Brod et Grobnik, per Comitem Perlas, nec non Ribnik et Pissetke, per Comitem Petaz actu possessa, praevia illorum, Modalitate iisdem fidelibus Statibus et Ordinibus per praelibatum Comitem Banum insinuanda, Conscriptione, ad Fundum Exolutionis praefatae nunc regulatae Militiae Banalis Regni Confinariae, in Quanto ex ipsa demum praenotata Conscriptione Specificè eruendo, ad effectum etiam Articuli Quinquagesimi secundi Anni millesimi Septingentesimi quadragesimi primi concurrant; Sed, et alia vicinis Generalatibus Varasdiensi et Carlostadiensi contermina, iisdem attamen haud ingremiata, aut ad rationem eorundem jam conscripta seu dicata Bona, verum per privatos Terrestres Dominos actu possessa, praevia eorundem Conscriptione, ad Contributionem pro Exolutione Militiae hujus Banalis Regni Confinariae, observata tamen debita aequalitate et Proportione, pariformiter attrahantur. Ad praecavendum porro Incolarum in praescriptis Bonis degentium ad praefatos illos vicinos Generalatus Profugum, horum, ac talium, in iisdem Receptionem per Consilium nostrum Aulae Bellicum severe interdici, utve illuc advenientes istiusmodi Profugi Jurisdictioni Regni Provinciali mox insinuantur, iidemque Exmittendis illuc pro Receptione illorum illico restituantur, Officialibus Militarem Praefecturam in attactis binis Generalatibus actu respicientibus serio injungi curabimus. Quantumvis porro Emolumenta etiam omnium Regni Confiniarum, quae haecenus in Statu irregulato ipsis dictorum Confiniarum Commendatibus obvenerunt, pro modo praevio regulatae Militiae Banalis Regni Confinariae Exolutionis adiutorio

omnino conferenda venirent, atque adeo, veluti cum Kosztaniczensi, Jeszenoviczensi, Zriniano et Gliniano Confinijs factum jam habetur, cum Dubiczensi quoque Confinio per Honorabile Capitulum Cathedralis Ecclesiae Zagrabiensis adusque tento, pari modo agendum foret; Sumptis nihilominus in benignissimam Reflexionem multifarijs per praelibatum Capitulum in Defensione attacti per Sexaginta Annos administrati Dubiczensis Confinij comparatis Meritis, sed et novissime contestata per Idem cum Praesule suo erga Majestatem nostram insigni Devotione, dum videlicet occasione ea, qua praemissum Regulationis Militiae Banalis Regni Confiniariae Negotium assumptum fuit, generaliter subditos suos, qui numerosi sane dicuntur, Dicis Publicisque Oneribus, a quibus continuis retro saeculis Privilegialiter (uti dicunt) immunes fuerunt, pro summo Servitio nostro, Salutae Publicae et Patriae Commodis, substernendos, ultro sponte et alacri Animo obtulit: Factum hocce laudabile, grato omnino suscipientes Animo, inque Contestationem peculiaris, quam eatenus habemus Satisfactionis, antelatum Confinium Dubicza, per praelibatum Zagrabiense Capitulum ulterius etiam Titulo administrationis possidendum clementer confirmamus, ita quidem: ut Commendans ibidem semper sit Canonicus Zagrabiensis, per ipsum Capitulum More hactenus usitato Bano praesentandus, et per ipsum demum Banum Denominandus; Idem Commendans Capitularis pro tempore illo, quo Praefecturam Militarem Dubiczae gerit, Character Vice-Colonelli, atque aequali cum aliis Vice-Colonellis et Commendantibus Praerogativa gaudeat, de qua Causa ipse quidem Commendans Capitularis, quemadmodum omnes reliqui Banalis Regni Confinij Militares a Bano, vel in Ejus e Regno Absentia, Banali Locumtenente, directe dependebit, Officiales vero Militares et ipsum Corpus Militiae ibidem Praesidiariae, pro tempore, quo Dubiczae persistent, et in Rebus Servitium Praesidiarium tangentibus, directam et immediatam ab eodem Commendante Capitulari dependentiam habebunt, salva de reliquo ipsius Supremae Praefecturae Militaris illius Militiae Banalis Confiniariae in hos etiam Praesidiarios Jurisdictione; Ipsi vero Militares ad Confinium quidem Dubiczense spectantes, non tamen ibidem Dubiczae Praesidiarij, iidemque seu in Dubicza habitantes, seu vero in circumvicinis Locis degentes, Officialibus Militariibus Phalangis illius, ad quam applicati habentur, suberunt. Idem porro Commendans Dubiczensis pro Casu ingruentis Belli, nisi illud contra Turcas susci-peretur, Loco movere haud obligatur. De reliquo praenotatus Capitularis Commendans Confinium Dubiczense eo modo, quemadmodum ipsi fideles praelibatorum Regnorum nostrorum Status et Ordines residua Confinia quoad Oeconomica administret, ipsi autem Confiniarij Dubiczenses, prouti aequalibus cum reliquorum Confiniorum Militaribus Emolumentis fruuntur, Ita e converso etiam aequalia cum iisdem Onera ferre debebunt. Memoratus porro Capitularis Confinij Dubiczensis Commendans, quotannis quorumvis Proventuum ex Confinio Dubiczensi percipientorum, fidelem et exactam connotationem, ad puritatem Conscientiae suae, per modum Ratiocinij conficiendo, eandem ipsi Bano exhibeat; Sed et Omnes omnino Confinij Dubiczensis Proventus ad manus Bani, vel in hujus e Regno Absentia, ipsius Locumtenentis Banalis, consignet ac effective deponat, in commune Regni Bonum et utile applicandos. Eidem vero Commendanti Dubiczensi in Qualitate Vice-Colonelli obveniens annum Stipendium ex Cassa Regni persolvatur, aut ex iisdem Proventibus Dubiczensibus, prout demum fidelibus dictorum Regnorum nostrorum Statibus et Ordinibus videbitur, defalcetur; Quo pacto quemadmodum

ex ipsa etiam Dubicza Beneficia Confiniaria pro Concursu Exolutionis regulatae actu Militiae Banalis Regni Confiniariae applicabuntur, ita e contra, uti in alijs Confinijs, etiam in Dubiczensi Confinio Officialibus Habitatio seu Quarteria, Horti, Foenum, Avena et Triticum, praeterea Expeditio Passualium, nec non Lignatio permaneant; quoad hoc ultimum attamen repetitum Zagrabiense Capitulum vigilem Curam adhibebit, ne Sylvae, ad Dubiczam spectantes et quae in bono statu existere dicuntur, quoquo modo devastentur. In novum porro atque conspicuum Regiae Clementiae nostrae, qua fideles repetitorum Regnorum nostrorum Status et Ordines prosequimur, Testimonium, quoad ipsam etiam mediam Tricesimam (cuius Articulus Quinquagesimus quartus novissimae Diaetae meminit), in adiutorium prae-notatae Exolutionis Militiae hujus Banalis Regni Confiniariae applicandam, pro speciali omnino antelatorum fidelium Statuum et Ordinum Consolatione opportuna Camerae nostrae Regiae Hungarico-Aulicae sua via Mandata transmittemus. Quam peculiarem Gratiam nostram Caesareo-Regiam eosdem fideles Status et Ordines submississima Animorum suorum gratitudine tanto magis equidem veneraturos clementer confidimus, quo iisdem graves omnino tot tamque diuturnorum Bellorum Injuriis, vix non poenitus exhausti Aerarij nostri Necessitates ulique etiam perspectae existunt. In merito autem exoratae Incorporationis Loci Petrinia, ad Generalatum Varasdiensem de facto spectantis, quive Locus pro accomodatione Supellectilis Militaris regulatae hujus Militiae Banalis Confiniariae opportune deserviret, Facta praevie situs et Qualitatis Loci ejusdem Investigatione, acceptaque superinde genuina et circumstantiali Informatione, sed et ipsa demum Convenientiae ratione attenta, hoc etiam passu Clementiam nostram Caesareo-Regiam pro rei possibilitate experturi sunt fideles antelatorum Regnorum nostrorum Status et Ordines. Iisdem porro fidelibus Statibus et Ordinibus fovendam intuitu desiderati animalium Pascui, ex parte Confinij Jeszenoviczensis, cum vicini Gradiscani Confinij Commendante bonam et mutuam Cointelligentiam, quemadmodum et dicto Confinij Gradiscani Commendenti idipsum per Consilium nostrum Aulae Bellicum intimabitur, benigne hisce committentes. De reliquo in puncto regulandi et stabiliendi in praelibato quoque Croatiae Regno Comercij, benigne omnino curabimus, ut iisdem fideles Status et Ordines hoc etiam in passu, et ad effectum conditi eatenus in novissima Diaeta Articuli vigesimi septimi, optatam proximius consequantur Consolationem. Quemadmodum porro ad Praefecturas Militares, suprafatos Varasdiensem et Carlostadiensem Generalatus respicientes, opportuna eaque seria Mandata Via Consilij nostri Aulae Bellici expediri faciemus, ne ullos Profugos et sine debitis Passualibus oberantes subditos sub gravi secus incurrenda Animadversione recipiant, minus protegant, verum compertos demum proximo Officiali Comitatus insinuent, atque mox ubi tales repetiti fuerint, Provinciali Jurisdictioni resignari faciant, quoniam eadem sit ipsorum Militarium ex dictis Generalatibus ad Provinciam Regni Jurisdictionem Profugientium ratio, benigne omnino atque serio volumus: Ne et hi Militares in Statu Regni Provinciali recipiantur et protegantur, verum comperti proximo Officiali Militari aequae insinuentur, et praemissa Repetitione indilate restituantur. Venerabunde demum recognituros omnino confidimus praelibatos fideles attractorum Regnorum nostrorum Status et Ordines, quod actu jam ordinata et effective considente mixta Commissione, pro disquirendis multifarijs illis inter Militares dictorum Varasdinensis et Carlostadiensis Generalatuum ac ip-

sos Provinciales Regni Accolas enatis Gravaminibus deputata, Nos Ipsae etiam ad Effectuationem sancitae eatenus Novelarum Legis, Articuli quippe Quadragesimi noni Anni Millesimi Septingentesimi quadragesimi primi contenderimus; Investigatis proinde (quemadmodum posterius benigne disposuimus) recentioribus, quae a tempore felicitis Gubernij nostri intercesserunt, Gravaminibus, Relationeque super hac dictae Commissionis Operatione isthuc submissa, benignam non modo sine impertiendae laesis Partibus realis omnino per ipsam praefatam Commissionem satisfactionis Resolutionem nostram Regiam mox elargiemur, verum et de assumendis, disquirendis et componendis demum Antiquioribus etiam hujuscemodi Gravaminibus fideles dictorum Regnorum Nostrorum Status et Ordines a benignissima Resolutione nostra praestolabuntur. Tandem in eo etiam praelibatos fideles suprafactorum Regnorum nostrorum Status et Ordines clementer hisce assecuramus: quod in Collatione Officiorum Supremi Comitatus Comitatum Zagrabienensis et Crisiensis ipsius Nobilitaris Status, adeoque etiam Vice-Bani pro tempore constituendi, quemadmodum hactenus, ita deinceps quoque ad tenorem etiam Articuli Centesimi vigesimi tertij Anni Millesimi septingentesimi decimi quinti, condignam atque peculiarem habiturae sumus Reflexionem. Quae omnia ad perpetuam Jurium ac Praerogativarum memoratorum Dalmatiae, Croatiae et Sclavoniae Regnorum nostrorum, Banalisque Autoritatis Indemnitatem ac Securitatem, perpetuo valitura, maturo deliberatoque Consilio, ex plenitudine Caesareo-Regiae Postestatis nostrae, atque in signum peculiaris Affectus, quo fideles antelatorum Regnorum nostrorum Status et Ordines constanter complectimur, lisdem benignissime hisce impertimur. Et quemadmodum de avita eaque intemerata Fidelitatum Vestrarum Fide, homagiali Devotione, ac aeterni Obsequii Vinculo, quo Eadem Nobis Augustaeque Domui nostrae subditali Lege obstrictae sunt, amodo deinceps quoque omni Tempore et occasione praeclare contestando minime dubitamus: Ita clementer simul ac Firmissime confidimus, eosdem fideles Status et Ordines ad perpetuam regulatae hujus Militiae Banalis Regni Confiniariae Consistentiam, quae ab exacta fixorum eidem Militiae obvenientium Stipendiorum Persolutione plurimum dependet, atque hinc stabiliendum eatenus sufficientem Fundum, qui utique assumptis praemissis omnibus ex Benignitate quoque nostra Caesareo-Regia accedentibus, congruus esse poterit, ulterius quoque omnem necessariam operam Studioso, quo iidem coeperunt, Conatu, collocaturos. In quorum Fidem et Testimonium Literas has Manu propria subscripsimus, et Sigilli nostri Regii appensione muniri fecimus. Datum per manus Fidelis nostri Nobis sincere dilecti Spectabilis ac Magnifici Comitatus Leopoldi de Nadasd, Perpetui Terrae Fogaras, nostri Actualis Intimi Consiliarij, et per antelatum Regnum nostrum Hungariae Aulae Nostrae Cancellarij, nec non Agazonum Regalium Magistri, in Archiducali Civitate nostra Vienna Austriae, die decima sexta Mensis Januarij, Anno Domini Millesimo Septingentesimo Quinquagesimo, Regnorum nostrorum Hungariae Bohemiae et reliquorum Anno Decimo.

Maria Theresia m. p.

Comes Leopoldus de Nadasd m. p.

Franciscus Koller m. p.

*(Sigillum magnum in aurea zona pendens.)*

Orig. perg. in Arch. Reg. Croat. in cista Privilegiorum Regni.

## CCLII.

*Anno 1751. die 2. Aprilis. Illokini.*

**Motiva et reflectiones, ex quibus inferiorum Regni Comitatum Ablegati, in hocce I. D. Statuum et Ordinum Congressu praesentes, ultra tres hactenus ablegari solitos, alios adhuc tres, et quidem ex ipsis inferioribus Comitatibus, e singulo videlicet unum Nuntium, in qualitate Regni Slavoniae Ablegatorum ad imminensem et subsequenter continuas Regni Hungariae Diaetas exmitti humillime postulant.**

1. Immortali omnino memoria digna est Excellentissimi et Illustrissimi Domini Domini Comitatus Actualis Bani et Pro-Regis gloriosissimi Inclytorumque Statuum et Ordinum opera paternaque sollicitudo, qua mediante longiori Annorum serie, sub gubernio Complurium antehac Banorum, desideratam inferiorem Incliti huius Regni Slavoniae Partem incorporari et in tres Decretales Comitatus subdividi procurarunt. Et sicut exantlata Eorundem Inclytorum Statuum eatenus salutaria Studia et impensa multifaria fatigia non modo possessionati ibidem Domini Terrestres, verum et ipsa rudis Contribuens plebs, tanquam gubernio moderno longe magis ac antehac Contenta, venerabunde agnoscit, ita Comitatus praefati ab immediata Banali Dominorumque Statuum Jurisdictione semet nusquam eximere aut separare desiderant, verum potius tanquam neo-partos conservari et manuteneri supplicant, atque hinc

2. Constat II. DD. Statibus et Ordinibus ex ipsa benigna resolutione Regia, partem illam inferiorem Regni, salvo ad Cassam bellicam perprius dependi solito debito Contributionali Quanto, aliisque foundationibus, Contributionalem respicientibus, oneribus ultro permanentibus, et non secus incorporatam, Comitatusque illos in hac eadem Contributionali Materiali Exc. Consilio Regio Locumtenentiali subordinatos extitisse, persistereve etiammodo; sed et recordari dignentur Domini Status, quod in Materiae Contributionalis pertractionem occasione ea, dum de incorporatione agebatur, Deputatosque suos instruxerunt, sese non immiserint, quin potius pro parte Superiorum trium Inclytorum Comitatum specialiter praecautum reddiderint, ne onus illud Contributionale in has partes quoque modo derivetur et cum Impositione Superiorum trium Comitatum quocunque tandem modo in Communionem abeat: Quibus sic stantibus

3. Extra quaestionem est, tam occasione imminens, quam futurorum Regni Hungariae Comitiorum, in Materia signanter Contributionali, sive Active sive

passive his quoque Neo-Incorporatis Comitatibus agendum esse: stante autem eo, quod Inclyti Status semet in Materiam Contributionalis Quanti inferioribus Comitatibus inhaerentis hactenus non immiserint, imo specialem, uti praeappositum est, pro parte trium Superiorum Comitatum interposuerint modo praevio Cautelam: An Dominis Ablegatis e Gremio Superiorum Comitatum eligendis occasione futurae Diaetae in materiam Contributionalem Influere; de stabiliendo Quanto cum Consilio Regio Locumtenentialem et Commissariatu Provinciali, cum quibus Inclyti Status hactenus ne correspondebant quidem, minus dependentiam vel minimam agnoverunt, agere et Redemptionem gratuitorum Laborum, aliarumque gratuitarum praestationum medio praemissarum Instantiarum sollicitare eatenusque Conventionem inire consultum sit, nec ne? altiori Inclytorum Statuum futura quoque prudenter penetrantium submittitur Iudicio. Enimvero

4. Si Inclyti Domini Status medio Ablegatorum e Superioribus tribus Comitatibus eligendorum, materiam Contributionalem tractare inconsultum censent, utique eo facto Comitibus inferioribus, et quidem singulo singillatim, velut non simultanee, verum adinstar Regni Hungariae Comitatum, attributa sibi activitate disjunctive et separatim consistentibus et publica tractantibus, de remedio providendum erit. Si autem (quod non speratur) ex quibuscunque tandem rationibus nullum tribus Comitibus superioribus praeexpositis periculum, nullumve inducendae ab Excelso Consilio Regio Locumtenentialem dependentiae, ac aliorum agraviorum metum iminere praevident, et medio Eorundem, quorum supra Ablegatorum, Materiam quoque Contributionalem agitari posse judicant, quod quidem praesentes deputati impedire non valent, velut fideles tamen, hic nati, educati item et etiam possessionati, Patriae filii non svadent; adhuc tamen in casu etiam tali

5. Quis quaeso Dominorum Regnicularum (exceptis Incorporationi omnium trium Comitatum nomine Inclytorum Statuum praesentibus et operantibus tribus Dominis Deputatis), vel aliquam omnium trium Comitatum habet notitiam? Quis unquam modum Quarteriorum militarium eo modo prout in Hungaria, atque adeo in iisdem quoque inferioribus Comitatibus observatur, aliave his Cohaerentia praegustaverit? Quis denique, salva Conscientia sua, pertractationem materiae Contributionalis, a qua salus et Conservatio miserae illius Plebis Contribuentis et ab hac altissimi Servitii Regii promotio dependet, in se assumere poterit? Cujusvis prudentis substernitur Iudicio; — nemo profecto, ut ut perspicacissimus, in propriis licet negotiis, adeo adaequatam et perfectam alteri peregrino elaborare potest Instructionem, sed nec is Eandem tam efficaciter recipere, quo minus in Casibus quoque impraevisis ullam patiatur difficultatem. Sed et

6. Dato non concesso, si Instructio tam clara, tam perfecta confici posset. Conficiendamque svaderet ratio, quae pro omni casu et eventu negotiorum inferioris Regni, et quod plurimum materiae praesertim Contributionalis nullam notitiam habentibus satis esse posset, et posito pro meliori illorum Comitatum e gremio eorundem unus debitis qualitatibus provisos eligeretur Ablegatus, adhuc tamen nec hic unus, nec alii duo, simul sumpti tres, velut unum sentire debentes, in casu illo, si nunc vel in futurum, quod in Hungaria observatum est, inter Comitatum et Comitatum orirentur differentiae, satisfacere possent. Verba enim sunt Evangelii: Nemo duobus Dominis servire potest. Proinde

7. Supplicant humillime II. DD. SS. et OO. Regnorum Dalmatiae Croatiae et Slavoniae praesentes Ablegati, nomine Dominorum Principalium suorum, Inclytis Statibus et Ordinibus, ut Consideratis et perpensis Universis praemissis Circumstantiis et miserae una Contribuentis inferioris Plebis Conservatione in aequanimam reflexionem sumpta, ad propositionem Excellentissimi et Illustrissimorum Dominorum Supremorum Comitum, ex singulo illo inferiori Comitatu unum adeoque in toto tres Ablegatos eligere et cum aliis tribus hactenus expediri solitis in aequali praerogativa exmittere, taliterque ad salutare illud omnium gravaminum remedium, Diaetam videlicet, neo partae Slavoniae viam et accessum adaperire dignentur. Nec dubitant praesentes Ablegati id fieri, atque illis etiam titulo Auctionario expediendis Regni Ablegatis sine praejudicio Inclytorum Statuum solitum Locum et suffragium exoperari posse. Sive etenim inspiciatur Articulus 61. 1625., Regni Slavoniae Ablegatorum numerus irrestructus Comperiretur, sive ipsa rationabilitas in reflexionem assumatur, quis non concludet, aucta Jurisdictione Regni, eo praesertim modo, quo aucta ex .... incorporatisque Decretalibus citra ullum dubium ante eorundem avulsionem, Sessione et voto in Diaeta gaudentibus Comitatibus (sic), numerum quoque Ablegatorum augeri posse et debere; sive demum consideretur et id, quod ante occupationem, ut praedictum est, illarum partium, plures quam tres Ablegatos Regni Slavoniae in Diaetis non intervenisse, remonstrabile non sit, Inclyti Domini Status et Ordines Regni Hungariae, qui utpote Neoaquisticis in gremio sui Comitatus id ipsum non negarunt, ad assignandam his quoque Ablegatis Sessionem Condensuros firmiter et tanto firmiter quidem sperari potest, quoniam Slavoniae Regnum plurium Comitatum, velut a parte rei non existentium Incorporationem, atque adeo nec auctionem Ablegatorum in futurum praetendere possit. Nihil praejudicabitur hoc facto, sperant Ablegati, praealatae Autoritati Banali. nihil item Jurisdictioni Regni, quin imo augebitur gloria patriae et Decor sublimis Autoritatis Banalis ac Regni; nulla per hoc inferri potest Scissio, quin imo Conjunctio utriusque Regni partis, et superatum Incorporationis Stabilimentum eo luculentius subsequetur; nec desiderabunt hoc admissio Comitatus illi per Regales vocari, nec Comitatum nominare Ablegatos, verum Contendent semper talia in gremio sui enutrire subjecta, quae Coniunctis Viribus non modo in suum, privative in puncto Contributionis, sed et horum Comitatum, adeoque totius Inclyti Regni quoad reliqua Jurisdictionalia et Provincialia desudent Incrementum. Denique non onerabitur Cassa horum Superiorum Comitatum, singulus etenim Comitatus unum modalitate praevia ultra hactenus nominari consuetos eligendum diurnis providebit et hoc ipsum medio Eorundem Ablegatorum declarat.

In dextro inferiori margine.

Extradatum per me Ig. Kovacsy m. p. Inclyti Comitatus Syrmienensis Juratum Archivarium.

In Archivo Regni Croatiae. Acta R. Congregationum 1751. N. 647.

**CCLIII.***Anno 1759.***Systema Regulationis Regni Croatiae Comitatum.**

1. **Supremi Comites omni illa Authoritate pollebunt, quam Leges Regni Ipsis attribuunt, adeoque**

2. **Ad exigentiam Articuli 56. Anni 1723, nisi Publicis Regis & Regni Servitijs distraherentur, in Gremio Comitatus residebunt, Magistratus Comitatum ad praescriptum citati Articuli omni Triennio, vel Necessitate exigente citius etiam in tempestive idcirco praefigenda & publicanda Congregatione restaurabunt, pro Munijs Magistratualibus Subjecta apta, idonea et Qualitatibus de Lege requisitis provisanda candidabunt et Electioni Comitatum liberae submittent: Quive Votorum pluralitate electi fuerint, eos praevia Juramenti juxta consuetam et legalem Formulam Depositione Officij suis administrandis admovebunt, et demum ita legitime Electos et constitutos Comiti Bano et subsequenter etiam Statibus et Ordinibus in Congregatione Regni (cum ibidem suas quoque destinatas Sessiones habeant) praesentabunt.**

3. **Congregationes tam Generales, quam et particulares pro re nata et rerum exigentia praefigent, et per solitas Litteras Publicatorias Dominis Terris, alijsque Nobilibus, prout et Liberis Regijsque Ciuitatibus ingremiatis convocatis celebrabunt, omnesque inibi Tractatus pro Potestate sibi attributa ita moderabuntur, ut praeprimis quidem Dei Cultus, Orthodoxae Fidei Conservatio, Altissimum Servitium Caes.-Regium, et cum hoc conjuncta Publici Boni ratio, ac demum recta et exacta Justitiae administratio omnium Consultationum, actionumque Scopus sit.**

4. **Plura in unum Subjectum Officia non conferrent, curabuntque, ut Officiales in Gremio Comitatum resideant, in Functionibus suis Publicis impartialiter, et quam diligentissimo procedant, et ut hi quibusvis privatis Dominis quacunque ratione obligati sint. eorumque Plenipotentiam, Causasque in Comitatu tractandas suscipiant, non admittent.**

5. **In id praeterea solerter intendunt, ut Pax et Tranquillitas publica illaesa semper conservetur, Consultationes publicae pacifice, et omni cum moderamine, sepositis quibusvis Odijs et Simulatibus instituantur, in Contravenientes vero ad Mentem Articuli 57. 1723 animadvertatur.**



6. In Congregationibus pertractata et conclusa Negotia de praescripto praecitati Articuli ad Protocollum per Notarium fideliter referentur; Cujusmodi Protocollum modo praescripto ante dissolutionem Congregationis palam et publice perlegetur, sicque approbatum Fidedignitatem sorciatur, conclusa extra Congregationem per Neminem mutabuntur, quin potius per eos, quibus incumbit, exacte effectuantur.

7. Sub initium Cujusvis Congregationis investigabitur primum et ante omnia, an ea, quae in priori Congregatione conclusa et effectuari commissa fuerunt, rite in Effectum deducta sint, vel non? et si hac ratione defectus quospiam intervenisse cognitum fuerit, illi tollantur, et porro quoque Effectuationi etiam cum suspensione pro rei exigentia ab Officio insistatur.

8. In singulo Comitatu erga Candidationem Supremi Comitatus constituatur unus Perceptor, Qualitatibus de Lege requisitis praeditus, et circa Incassationem, administrationemque Contributionis, aliarumque repartitarum necessariorum Impositarum pro hic et nunc, usque videlicet ulteriorem Clementissimam Sacratissimae Caesareo Regiae et Apostolicae Majestatis Dispositionem sequens observabitur Manipulatio: ut Status et Ordines regnicolariter congregati, modo hactenus usitato deinceps etiam repartitionem Quanti Contributionalis et pro domesticis Necessitatibus, utpote Salarijs tam Regni, quam et Comitatum Officialium, ac Servitorum, alijsque extraordinarijs Erogationibus deservientis Impositae ad Loca Individualia instituant, hanc sub authentico Supremo Cujusvis Comitatus, in quantum hunc tangit, Comiti extradent; Ille vero in Congregatione Comitatus modo praevio constituto Perceptor consignet, qui Secundum illam in exactione et Perceptione diligenter non minus, quam fideliter progrediatur, Summamque perceptam, detractis praeviae Officialium Comitatus, prouti et Servitorum Salarijs, ac ijs etiam sumptibus, qui in Usus Comitatus secundum ejus Determinationem necessario erogari debuerant, Generali Regni exactori erga Quietantiam administret: Rationes porro quotannis ipsi Comitatu rite confectas exhibeat, per hunc debite censurandas, ac etiam pro Super-Revisione ad Statuum et Ordinum Regni Congregationem referendas. Exactor autem Regni Cassae sibi conceditae fidelem Curam gerat, Pecunias non secus, quam juxta Regnicolares Determinationes erogat, ac pariter omni anno de Officiolatu Suo Rationes antelatis Statibus et Ordinibus Regni exhibeat.

9. Curae erit Supremis Comitibus et Magistratibus insuper et id, ut omnes Ignobiles cujusvis sortis, Status et Conditionis, Nemine prorsus excepto, absque cujusvis respectu justae et aequae Contributioni praestandae reipsa obnoxientur; Ac praeterea

10. Ut Subditi, Contribuensque Plebs adversus Saevitiem et Oppressionem Dominorum Terrestrium conformitate Articulorum 101. 1715 et 18. 1723 manuteneatur, protegaturque: Urbariorum interimalis Regulatio Suprema Caesareo-Regia Potestate praescripta exacte observetur, neque ullo modo admittatur, ut Excessus et Abusus in tractandis Subditis, illi qui ex benigna Caesareo-Regia Resolutione sublatis et cassati sunt, denuo inducantur et perpetrentur, sicque Subditi graventur: In horum vero Transgressores et Excedentes Actione Fiscali mediante procedatur, ac comperta Realitate, absque Personarum respectu irre-

misce atque serio animadvertatur, praestita una simul Laesis et Injuriatis plena et omnimoda Satisfactione. Cum autem

11. Necessarium omnino sit, ut Comitatus etiam hi Authentico Sigillo, quo Expeditiones suas signando fidedignas reddant, provideantur, pro illo igitur sibi Clementer conferendo inviantur ad formandam coram Throno Regio Instantiam, quod tandem Occasione Restaurationis Magistratualis per Supremum Comitum, Manibus legitime electi Vice Comitum consignabitur, per hunc fideliter asserendum, et demum dum subsequenter alia Restauratio celebrata fuerit. post consuetam ab Officio Valedictionem, denuo Supremo Comiti in praesentia Universitatis Comitatus resignandum. In reliquo

12. Idem hi Comitatus Jurisdictioni Bani et Regni porro quoque suberunt, ideoque publica et Politica intrinsecum totius Regni Statum tangentia Negotia posthac etiam ad Banum et Regnum inviantur et in Congregationibus Regni pertractabuntur; Ad quas modo hactenus observato Supremi Comites et residui Officiales Comitatum comparere et Determinationibus Regnicolaribus pro Summo Suae Sacratissimae Majestatis Servitio, Bonoque Publico conditis, se accommodare, easque exequi tenebuntur. Benigna Rescripta Caesareo-Regia (veluti quoad Comitatus Inferioris Slavoniae observatur) medio Comitum Bani ad eosdem dirigentur et Ii vicissim Repraesentationes et pro re nata Informationes Suas ad altissimam Suam Majestatem Sacratissimam Ejusdem medio submittent. Sine Cujus et Regni praescitu et Consensu Arma et Gentes non levabunt, ac denique cujuslibet Congregationis Suae Protocollum sub Lecta Notarij eidem Comiti Bano sine eo, ut Notitia Actorum praeditus in directione Communis et publicae rei recte procedere valeat, cum fine cujusvis Congregationis transmittent. Imminente porro Generali Regni Hungariae Partiumque Ei annexarum Dieta, Gravamina, Postulataque Sua Statibus & Ordinibus Regni referent, per horum tandem Abligatos Nuncios ad eandem Dietam Suo modo deducenda.

13. In Juridicis ad Normam et Praescriptum Regni Legum procedent et quoties opus fuerit sedes Judiciarias per Supremum Comitum, aut eo absente, vel impedito, Vice Comitum praefigendas et tempestive publicandas, celebrabunt, in ijs Jus et Justitiam observata legali Causarum serie juxta Constitutiones Regni Causantibus impartialiter administrabunt; ad Tabulas Judiciarias (cui hactenus Clerus quoque assidebat, et porro quoque assidebit) si et in quantum Magistratuales non sufficerent, certos Assessores consueti Judicum Juramento adstringendos erga solitam Supremi Comitum Candidationem eligent; In Partibus Vice-Comites cum adjunctis Judice Nobilium et Jurassoris loco Vice-Judice Nobilium; Judices vero Nobilium cum uno pari modo adhibendo Vice-Judice Nobilium Causas de Lege Judicari suo competentes judicabunt, aliaque Munia Judicialia Ipsorum Officij delata peragent: A quibus Causae Secundum Cynosuram Legum in praesentiam sedis Judiciariae Comitatum appellabuntur, eorsumque Processus in Originali in sua integritate referentur; A Sedibus Judiciarijs vero, uti hactenus consuetum fuit, appellatae ad Tabulam Banalem dirigentur.

14. Sedes etiam Criminales celebrabunt et Jure Gladij adinstar aliorum Comitatum juxta Legum Ordinationem utentur, Fiscalem Salario provisum, tam in Criminalibus modalitate Legali processurum, quam miserae Plebis, Pauperum,

Viduarnm et Pupillorum Manutentioni invigilaturum, praevia itidem Supremi Comitatus Candidatione constituent; Malefactores quosvis in Gremio sui absque Personarum respectu comprehendi, Carceribusque debite & secure custodiri facient, hocque fine necessarios etiam Vigiles, Satellites, vulgo Hajdones videlicet et si necessum videbitur, etiam ob alia pro rei exigentia occurrentia Negotia, Equites Stipendijs moderate providendos, vestiendosque conducent. Id porro diligenter cavebunt, ne Delinquentes incaptivati in Carceribus admodum dure tractentur, sed de eorum Victu et necessarijs provideatur, neve longiori ob prolongatam Causarum ejusmodi Revisionem Carcerum Squalore macerentur, ac ideo Causae illorum in frequentius etiam celebrandis Sedibus Criminalibus statim in discussionem assumantur et suo legali modo decendantur; cum fine autem cujusvis Anni Extractus Causarum Criminalium dijudicatarum Bano & Statibus Regni exhibebunt, per hos aliefatae Suae Sacratissimae Caesareo-Regiae Apostolicae Majestati cum suis, si quae occurrerent, Reflexionibus submittendos. Ultra haec

15. Circa Actorum per Officiales ad Archivium Comitatus Resignationem, Rerum Victualium Limitationem, Mensurarum tam aridorum, quam Liquidorum Regulationem, Excedentium Punitioem, Teloniorum Investigationem, Viarum Reparationem, Pupillorum et ad hos pertinentium Bonorum sedulam Curationem et alia id genus positivis Regni Legibus Comitatibus passim attributa Munia, observabuntur publicae Regni Constitutiones.

Copia in Archivo Regni Croatiae. Acta Regni Congr. a. 1759. Nr. 55.

## CCLIV.

*Anno 1761. die 8. Maji. Viennae.*

**Intimatum Regium circa diversa Postulatorum puncta  
SS. et OO. Croatiae datum.**

**MARIA THERESIA DEI Gratia Romanorum Imperatrix, Germaniae, Hungariae, Bohemiae, Dalmatiae, Croatiae et Sclavoniae Regina Apostolica, Archi-Dux Austriae, &c.**

Reverendi, Honorabiles, Spectabiles ac Magnifici, Magnifici item Egregij et Nobiles, nec non Prudentes ac Circumspecti, Fideles Nobis Dilecti! Demisse relata sunt Nobis diversa illa Postulatorum Puncta, quae Fidelitates Vostreae medio eatenus isthuc exmissi Deputati sui, Fidelis utpote Nostri Egregij Nicolai

Skerlecz de Lomnicza, Tabulae Judiciariae Assessoris, humillime exhiberi, et repraesentari fecerunt.

Quibus Postulatorum Punctis omni cum Exactitudine expensis et discussis, eorum intuitu Clementer resolvimus, ac respective eatenus necessaria sua Via disponi jam fecimus. Et quidem in Ordine

Ad Punctum 1<sup>mum</sup>. de Ordinationibus intuitu Confiniorum Banalium ad Comitum antelatorum Regnorum nostrorum Banum praeter ordinarium Canalem, Cancellariam videlicet Nostram Regiam Hungarico-Aulicam factis: Ut quemadmodum parte ex una praelatus Comes Banus, qua Supremus Regni Capitaneus, adeoque ex hinc consecuto Militari Charactere, ac exinde enatae erga Consilium Nostrum Aulae Bellicum Dependendiae, a nunc facto Nostro Aulae Bellico Consilio Decreta sua & Instructionem obtinet, ac in consequenti etiam ab Eodem respectu Confiniorum Banalium, sive Negotium ejusdem Confiniariae Militiae Exitum, sive aliud quid concernat, Ordines recipit; Ita etiam parte ex altera ipsae quoque Fidelitates Vestrae conformiter etiam ad benignum Diploma Iisdem extraditum (sic), de omnibus ijs, quae intuitu eorundem Confiniorum Banalium apud Comitum Banum praevia ratione disponentur, suo debito Canali adaequate edoceantur, quo taliter etiam unitis Consilij Altissimum Servitium Nostrum eo celerius et exactius promoveatur.

Ad 2<sup>dum</sup>. Respectu ordinatae ex parte Commissarij Bellici totius Banalis Confinij novae Conscriptionis: Certum quidem est, quod Occasione institutae in Anno praeterito 1750, Banalis Confiniariae Militiae Regulationis et desuper elargiti benigni Diplomatis Commissariatus Bellicus eo minus Influxum aliquem ad substratum Negotium habere potuit, cum in Exordio statim hujus Regulationis ipsimet fideles horum Regnorum Status & Ordines Annuum fundum in 40 Millium florenis penes necessarios Terrarum fundos pro eadem confiniaria Militia destinaverint, atque adeo eorum memoratae Militiae Banali Regni Confiniariae nihil ex parte aerarij Nostri Caesareo Regij obvenerit; Ubi autem successu Temporis Necessitas ipsa postulasset, ut praedicta Banalis Confiniaria Militia ad aequalitatem respective cum reliquis Confinijs ponatur, Nos ex peculiari Gratia et Clementia Nostra Caesareo-Regia finem in praevium Annuum Adjutorium in 83 Millium florenis ex Fundo Militari benigne resolvimus & applacivimus; hinc porro sponte profluit, quod idem Commissariatus Bellicus respectu cumprimis illius, quod ab aerario Nostro praemisso ex Capite dependitur, ac dein erogatur, uberiores Notitiam et capere et habere debeat. Quoniam vero Intentio neutiquam ea foret, ut praedictae Militiae Banalis Confiniariae Conscripctio, signanter quoad fundos & Tenuta illius effective suscipiatur, verum unice in eo Res tota posita habeatur, ut in Banali Confinio solummodo quoad ipsa Capita, Amictus item, et reliqua Eorum Requisite Revisio, seu Lustra cumprimis ratione Mundurae Conservationis & impensarum instituat, absque eo, quin ad Investigationem Fundorum ex parte Provinciali ad Confinium cessorum ex parte Commissariatus procedatur.

Atque hinc spectatis omnibus praemissis, vel maxime autem eo in condignam Reflexionem sumpto, quod Nos pro subsistentia antelatae Banalis Confiniariae Militiae ex peculiari Gratia et Clementia Nostra Caesareo-Regia Annue 83 Millia flor. ab aerario Nostro dependenda benigne resolverimus, unde in Reg-

num Croatiae velut paratae Pecuniae Circulatione destitutum notabile profecto Commodum et Emolumentum dimanat, ulterius benigne resolvimus, ut Lustra seu Revisio ejusdem Banalis Confiniariae Militiae quot Annis suscipiatur, ac etiam hoc Anno instituat.

Nihilominus tamen in ulterius Caesareo-Regiae Gratiae et Benignitatis Nostrae Argumentum Clementer annuimus, ut etiam ad ejusmodi Lustrum seu Revisionem praevio modo instituendam aliquis e Gremio Fidelitatum Vestrarum Deputatus ordinari & exmitti possit.

Ad 3<sup>ium</sup> circa Dispositionem ex parte Aulicae Invalidorum Commissionis respectu Grossi Invalidis etiam e Banali Confiniaria Militia Militibus qua ratione pendendi factam: Fidelitatibus Vestrīs aliunde notum est, quod anterioribus Temporibus Militia Confiniaria Beneficio alijs Invalidis Militibus concessio gavisā haud fuerit, verum primo nunc Beneficium illud iisdem pariter per Nos Clementissime concessum habeatur. Cum autem tali ratione duo Beneficia insimul eidem Militiae Confiniariae concedi non possint, ut videlicet illa et Intertentionem pro Invalidis Militibus, qui nempe per praestita Militaria Servitia ad haec ulterius obvianda inhabiles et minus idonei redditī sunt, alias destinatam aequaliter cum reliquis Invalidis Militibus percipiant, et etiam Confiniarios Fundos retineant, absque eo, quin ejusmodi Fundis inhaerentia Onera et Servitia per alterius habilis pro Militia Capitis Statutionem praestent. Insuper autem spectato eo, quod praeattactum Invalidorum Militum Beneficium, ex quo quivis Invalidus Confiniarius Miles annue 18 florenos in parato aere percipit, pro toto Croatiae Regno, ubi (uti praemissum jam est) Circulatio paratae Pecuniae defectum patitur, non exiguo Commodo sit et Emolumento; Quod item ad haec cuivis Confiniario a 16 Terrae Jugeribus excisus Fundus in tanta Abundantia assignatus habeatur, ut unus Confiniarius Miles se solo eundem excollere et usuare non possit, verum tota Ejusdem Familia et Famuli ex illo Fundo alantur et interteneantur; taliter autem in Consequenti ejusmodi Invalido et ad ulterius praestanda Militaria Servitia inhabili reddito Confiniario Militi grave et onerosum neutiquam esse possit, in locum sui aliud idoneum Subjectum ex sua Domo et Fundo statuere:

Hinc clementer resolvimus, volumusque, ut penes Dispositionem ex parte Aulicae Nostrae Invalidorum Commissionis factam Negotium hoc ulterius etiam relinquatur; Benigne namque confidimus, ipsasmet Fidelitates Vestras ultro probe agnitas, quod Invalidis Confiniarijs Militibus praevia ratione nullum Onus, quin potius ex Materna Gratia et Clementia Nostra non exiguum Commodum et utilitas in hoc passu sit accessura.

Ad 4<sup>um</sup> Circa Baronis Francisci Patachich ad Generalatum Carlostadiensem profugorum Colonorum ordinandam Restitutionem: Eas sua Via efficaces Dispositiones institui clementer jam jussimus: Ut quam primum pro futuro aliquis ex Provinciali parte ad Generalatus Carlostadiensem, aut Varasdiensem, et ex his Vice versa ad Provinciale Partem Transmigrationis Casus intercesserit, eatenusque suae Competentiae debita ratione et intuitu talium profugorum Restitutionis Insinuatio facta fuerit, ejusmodi Profugi sine ulteriori Tergiversatione actutum utrobique restituantur, quo taliter a Casibus equidem praeteritis abstrahendo pro futuro benigni etiam Diplomatis Fidelitatibus Vestrīs elargiti debitus Effectus procuretur.

An 5<sup>um</sup> Respectu Querimoniae Quaestorum Kosztaniczensium, quod iisdem per Generalatum Carlostadiensem Quaestus alla Minuta non admittantur: Nunc fati Generalatus Commendanti juxta Ordines hicce Copialiter adnexos sua Via serio injungi jam fecimus: ut praedictis Quaestoribus Kosztaniczensibus praetactatus alla Minuta Quaestus in futurum omnino in eodem Generalatu concedatur, eatenusque Illi dehinc neuliquam turbentur, aut impediantur.

Ad 6<sup>um</sup> autem et 7<sup>um</sup> Puncta, de alia praenominatorum Quaestorum Kosztaniczensium Querimonia, quod ante Fortalitium Carlostadiense ad insoliti cuiuspiam Titulo Regalis exigi soliti Census Solutionem adigantur, et respective de petito per Fidelitates Vestras benigno Regio Teloniali Privilegio super Exactione Vectigalis in Ponte Carlostadiensi clementer elargiendo, sonantia: Ubi quoad horum Punctorum Meritum requisitas praevie suis Locis Informationes acceperimus, his expensis eatenus ulteriorem benignam Resolutionem Nostram elargiturae et Fidelitatibus quoque Vestris suo Tempore clementer significaturae sumus.

Quod autem iterum petitum per Fidelitates Vestras pro Banali et Judiciaria Districtuali Tabulis Salariorum Auctionem concernit: ut ut quidem si unquam, nunc profecto graves sunt Aerarij Nostri Caesareo-Regij Necessitates, Nihilominus tamen, ut Fidelitates Vestrae, quantum fieri potest, hoc quoque in passu Maternam Gratiam et Benignitatem Nostram experiantur, clementer resolvimus: Ut pro augendis attactarum praecise Tabularum Salarijs in Complexo (sic) 1450 floreni ex Fundo Nostro Camerali per duos duntaxat Annos ea Conditione dependantur, ut interea aliquis alter Fundus, ex quo eadem Auctionalis Summa praestari possit, exquiratur.

Noverint proinde Fidelitates Vestrae praespecificatam 1450 florenorum Summam ad Subjecta praedictarum Banalis et Judiciariae Districtualis Tabularum individualiter, servata tamen justa et aequa proportionem subrepartiri, hancque Repartitionem individualement isthuc proximius submittere, quo dein subsecuta istiusmodi Repartitionis benigna Approbatione Nostra circa Solutionem praescriptae Summae ulteriora abhinc sua Via disponi possint.

Caeterum Clementer confisae, praetactas Tabulas quemadmodum hactenus, ita deinceps etiam in Exercitio Functionum suarum omni cum Integritate et Diligentia processuras, atque juxta benignam Mentem et Intentionem Nostram Fidelitatibus Vestris alioquin jam abunde notam, Jus et Justitiam secundum Deum et Praescriptum Regni Legum Cuivis rite et exacte administraturas esse. In reliquo Fidelitatibus Vestris Gratia et Clementia Nostra Caesareo-Regia benigne propensae manemus. Datum in Archi-Ducali Civitate Nostra Vienna Austriae Die Octava Mensis Maji, Anno Domini Millesimo Septingentesimo Sexagesimo Primo.

Maria Theresia m. p.

Comes Nicolans Palffy m. p.

Josephus Jablanczy m. p.

*A tergo:*

Reverendis, Honorabilibus, Spectabilibus ac Magnificis, Magnificis item Egregijs et Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae et Slavoniae universis Statibus et Ordinibus &c. Fidelibus Nobis dilectis.

Zagrabiae. Ex Officio.

(L. S.)

Orig. in Archivo Regni Croatiae. Acta Regni Congr. 1761. Nr. 37.

*A c c l u s u m.*

P. P.

Es ist von denen Croatischen land-Ständen unter andern auch in deme ein beschwerde eingereicht worden, daß denen burgern, und handels-Leuthen von Kostanicza in dasigen Generalat der alla Minuta Waaren-Verkauf nicht Verstattet werden wollte, wo doch denen türkischen Unterthanen all in Grosso und alla Minuta zu handeln erlaubt wäre.

Wie man nun bey der in sachen mit der R. R. hof-Commission in Militari Oeconomico, dan der Königl. hung. hof-Canzley abgehaltenen gemeinschaftl. Zusammentretung in alle Weege vor billig befunden, auch sofort Ihre R. R. Mayästet selbst über den allerhöchst-Ihroselben hierwegen bestehenden gehorsambsten Vortrag anzubefehlen geruhet, daß ermelte Kostaniczer burgern und Innsassen dieser alla Minuta Waaren-Handel in besagt dasigen Generalat ohnverwehrt zu gestatten seye.

Als erinnern wir solches dem Herrn — — um nicht nur wiederholte handels-Leuthe hierunter keinen Anstand zu machen, und hierwegen die gemessene befehle Aufzustellen, sondern Viellmehr seines Orths denenselben Allen Vorschub ausgedehnen zu lassen. Wienn den 15. April 1761.

Nomine S. Consilij Aulae Bellici

an

Den Herrn Feld-Marschall-Lieutenant Grafen

v. Petazy

**CCLV.**

*Anno 1767. 1. Augusti. Viennae.*

**Maria Theresia** erectioni novi Consilii Regii Croatici ultro inhaeret.

**MARIA THERESIA DEI Gratia Romanorum Imperatrix Vidua, ac Hungariae, Bohemiae, Dalmatiae, Croatiae, Slavoniaeque &c. Regina Apostolica, Archi-Dux Austriae &c. &c.**

Reverendi, Honorabiles, Spectabiles, ac Magnifici, Magnifici item Egregii et Nobiles, nec non Prudentes, ac Circumspecti, Fideles Nobis Dilecti. Ex demissa Fidelitatum Vestrarum isthuc sub 13. recenter elapsi Mensis Julij submissa Repraesentatione, clementer aequidem atque uberius intelleximus Reflexiones illas, quas Eaedem Nobis ratione neoerecti, in istis Dalmatiae, Croatiae et Slavoniae Regnis Consilii Nostri Regii, humillime proponendas existimarunt.

Cum nihilominus ad aequam Lancem expensis pro et contra occurrentibus Motivis ultro quoque comperissemus, tum altissimi Servitii Nostri Regii, tum Boni publici, a consequenti ipsorum etiam praeattactorum Regnorum Nostrorum Utilitatis et Commodorum rationem id exposcere, ut ei, quod hac in re jam a priori matura Deliberatione discussa Nobis clementer statuere visum est, deinceps quoque pro Munere Nostro Regio insistamus.

Eapropter (Juramento etiam per Spectabilem ac Magnificum Comitem Banum Fidelem Nobis syncere Dilectum, qua praeattacti Novi Consilij Nostri Regii Praesidem in praesentia Nostra Caesareo-Regia jam deposito existente) Fidelitatibus Vestris hancce benignam, atque constantem Voluntatem Nostram, ea cum ulteriori clementissima Declaratione significandam esse duximus; Quod quemadmodum Nos Novum hoc Consilium Regium in omnibus ad Normam Consilii Locumtenentialis Nostri Hungarici, in Regnis etiam istis Dalmatiae, Croatiae et Slavoniae instituendum benigne decrevimus, ita etiam ejusdem Activitatem et Dependenciam talem omnino in omnibus et singulis, qualis praetacti Consilij Nostri Locumtenentialis Regii Hungarici est, futuram, neque Nos admissuras. ut Illud Spheram Activitatis Suae vel in Militaribus, vel in publicis Negotiis quoquo Modo excedat; quin potius curaturas, ut in his Banalis Autoritas et Statuum et Ordinum Regni Activitas Semper Salvae maneant: Hinc etiam benigne admittimus: Ut non solum haec Novi Consilii Regii per Nos facta Institutio in proxima Generali Regni Hungariae Diaeta inarticuletur; Verum etiam. ut partes Maritimae, actu per Consilium Commerciale possessae, ut hactenus ab



eodem dependeant: Quoad ipsos vero tres Sclavoniae Comitatus, dum effectus bonae in Contributionalibus Manipulationis, ex ipsis ejusdem Consilij Operationibus primum prodiverit, eotum circa eosdem Comitatus Sclavonicos quoad Contributionale quoque crebrofati Consilij Regii Curae et Directioni Subjiciendos benigne sumus dispositurae. De reliquo Fidelitatibus Vestris Gratia Nostra Caesareo-Regia benigne propensae manemus. Datum in Archi-Ducali Civitate Nostra Vienna Austriae Die prima Mensis Augusti, Anno Domini Millesimo, Septingentesimo, Sexagesimo Septimo.

Maria Theresia m. p.

Comes Georgius Fekete m. p.

Ladislaus Battha m. p.

*A tergo:*

Reverendis, Honorabilibus, Spectabilibus ac Magnificis, Magnificis item Egredijs & Nobilibus, nec non Prudentibus ac Circumspectis N. N. Regnorum nostrorum Dalmatiae, Croatiae & Sclavoniae Universis Statibus & Ordinibus &c. Fidelibus Nobis dilectis.

Varasini Ex Officio.

(L. S.)

Orig. in Archivo Regni Croatiae. Acta Regni Congr. 1767 Nr. 51.

**CCLVI.**

*Anno 1773. die 8. Martii. Viennae.*

**Mandatum Regium Bano Croatiae datum, ut suam opinionem dicat, quis maxime oportunus in merito augendae Contributionis inferioris Slavoniae pro celebranda Generali Regni Congregatione terminus constitui posset.**

**MARIA THERESIA DEI Gratia Romanorum Imperatrix Vidua, Hungariae, Bohemiae, Dalmatiae, Croatiae, Slavoniaeque Regina Apostolica, Archi-Dux Austriae &c.**

Spectabilis ac Magnifice Comes Fidelis Nobis sincere Dilecte. Non ignotum est Fidelitati Vestrae, tertium a quo res regulandae Contributionis in Regnis Dalmatiae, Croatiae et Sclavoniae sub laudabili Praesidio suo pertractari coepit, eo in Articulo Annum constitui, ut jam 1<sup>mo</sup> venturi Mensis May effective finem suum consecuturus sit; Accessere, ut constat, a tempore illo tres alij Syrmij & Inferioris Sclavoniae Comitatus, hi nempe eadem prorsus ratione cum alijs tribus Superioribus Comitatibus Regno Eidem Croatiae adjecti & respective Consilio Regio Croatico etiam Contributionali in Materia subordinati habentur.

Quam ob rem Fidelitati Vestrae hisce clementer comittimus & jubemus, ut expensis cunctis in rem Nostram Eidem Fidelitati Vestrae illic prae alijs apprime notam, Circumstantijs, Mentem et Oppinionem Suam, ut primum Via Cancellariae Nostrae Hungarico Aulicae disertis tenoribus pandere noverit, quando nunc pro Congregatione Antellatorum Dalmatiae, Croatiae et Sclavoniae Regnorum Terminum opportunissime per Nos clementer determinari posse censeat? Factura in hoc benignae atque positivae Menti & desiderio Nostro satis. Cui in reliquo Gratia & Clementia Nostra Caesareo-Regia benigne jugiterque propensae manemus. Datum in Archiducali Civitate Nostra Vienna Austriae, Die Octava Mensis Marty Anno Domini Millesimo Septingentesimo Septuagesimo Tertio.

Maria Theresia m. p.

Comes Franciscus Esterhazy m. p.

Antonius Klobusiczky m. p.

*A tergo :*

Von Wien aus der Königl. hung. Hof-Canzlei

Spectabili ac Magnifico Comiti Francisco de Nadasd, Regnorum Nostorum Dalmatiae, Croatiae & Sclavoniae Bano, Eorundemque uti & Confiniorum Colapianorum & Vunnanorum Supremo Capitano, Consiliario Nostro Actuali Intimo, Generali Campi Mareschallo, unius Legionis Nostrae Equestris Militiae Hungaricae, duorum praeterca Pedestrium & unius Equestris Regiminum Banalium Colonello, Ordinis Nostri Militaris Magnae Crucis Equiti, Comitatum item Comaromiensis Perpetuo, Albensis vero Supremo Comiti, nec non Tabulae Banalis & Consilij Nostri Regij in praeattactis Regnis Praesidi, Fideli Nobis sincere Dilecto.

Varasdini Ex Offo.

(L. S.)

Orig. in Archivo Regni Croatiae. Acta Banalia a. 1773. Nr. 80.

---

## CCLVII.

*Anno 1776. die 9. Augusti. Viennae.*

**Resolutio Mariae Theresiae de Flumine immediate Regno Croatiae incorporando, de Comiatu Severinensi constituendo deque Fluminensi portu Tergestini instar specialibus favoribus providendo, dicasteriis communicata.**

**MARIA THERESIA &c.**

Serenissime Dux &c. Tempore eodem, quo clementer Nobis visum fuerat constituere, ut dehinc Objecta Commercialia (Consilio Merciorum Aulico cessante) in Haereditariis Nostris Provinciis per respectiva Politica Provincialia et Aulica Dicasteria pertractentur, Pro Materna nostra in Publica Regni Hungariae et Partium Eidem adnexarum Commoda et Incrementum hactenus etiam praehabiti in iis Commercii sollicitudine, ac Peculiari hujus Documento ex Cle-

mentia Nostra Caesareo-Regia benigne resolvimus: ut Urbs et Portus Fluminensis, nec non Bona Buccariensis, in quantum illa Carlostadio Flumen versus proficiscendo ad dexteram Viae Carolinae sita sunt: Buccari, Buccaricza et Porto Re, tanquam ad levam dictae Viae Carolinae sitis, pro Statu Militari relictis. Ipsa praeterea Civitas Carlostadiensis in Liberam Regiamque Civitatem evehenda immediate Regno Croatiae reincorporentur; ex taliter porro Neoreincorporandis Partibus Novus Comitatus erigatur, Idemque in omnibus ad Normam aliorum Comitatum (iis, quae mox declarandae Directioni Guberniali in Puncto Commerciali immediate reservarentur, exceptis) Consilio Regio Croatica subordinetur, ejusque Jurisdictioni subsit. Pro eadem porro praedecarata Materna Nostra sollicitudine atque Providentia, volentes nimirum, ut Res Commercii in Districtu et Portu hoc Fluminensi, ex ipsa ordinata atque systematica Manipulatione ad Statum florentiorem evehatur, Benigne visum est Nobis Urbi et Portui huic Fluminensi Egregium Fidelem Nostrum Josephum Majláth de Székhely, antehac Cameralem Consiliarium Aulicum Nostrum et Referendarium, in Qualitate Gubernatoris, et cum pari, ac Comes Zinzendorff Tergesti obtinet, activitate, Iisdemque Praerogativis praeficere, simulque Eum pro Comitatus ex Reincorporando hoc Districtu efformandi et nomine Comitatus Severinensis insigniendi Supremo Comite clementer denominare.

Cohaerenter autem ad praemissa quoad resignationem et receptionem Districtus hujus id quoque clementer jussimus. ut Commissarij ex Parte Cancellariae Bohemico-Austriacae Aulicae exmittendi, Urbem et Portum Fluminensem, omnesque hujus Littoralis Appertinentias, quemadmodum etiam reliquae ad Districtum hunc applicandae Partes per respectivarum Jurisdictionum Commissarios, in Coharentia Benignae Nostrae Resolutionis resignabuntur, Commissarijs ex parte Jurisdictionis Hungaricae, signanter autem ex Gremio Consilii Nostri Regii Croatici exmittendis, ac in specie per Nos in Personis Comitibus Stephani Niczky et Nicolaj Skerlecz clementer nominatis, in praesentia ipsius etiam denominati Gubernatoris Fluminensis in termino, se inter et Gubernatorem Nostrum Fluminensem, nec non Consilium Regium Croaticum concertando, resignarent.

Ad hunc vero ipsum finem et scopum, Incrementum videlicet in Regno Hungariae et Partibus Eidem adnexis Commercii, id pariter clementer decrevimus atque resolvimus: ut Portus Fluminensis pari, qua Tergestiensis ratione et modo tractetur seu Favorem eundem obtineat, et evectio illius Sortis productorum, quibus Regnum Nostrum Hungariae abundaret, quorumve Distractio et Exportatio in Exteras Ditiones caeteris Nostris Provinciis Haereditariis nociva haud esset, porro quoque indulgeatur, atque hoc sensu Productorum Hungaricorum Mare versus, tam per Portum Tergestiensem, quam Fluminensem Evectio ultro etiam admittatur; In specie autem a Lana, Clavellatisque Cineribus, velut caeteroquin vectigali obnoxiiis Mercibus, Taxa nonnisi Trium et respective unius Floreni occasione Invectionis Flumine dependatur, nisi quis super ejusmodi jam facta Depensione per Essito Expeditionem semet Legitimare valuerit. Non absimiliter

Inhibitione Evectionis Gallarum quercinarum et Pellium Leporinarum amodo imposterum sublata, Evectio earundem per Passus Fluminensem et Tergestiensem erga Depensionem Essito Vectigalis in 12 <sup>xris</sup> a Metreta Gallarum

Quercinarum, et 9 florenis a Centenario Pellium Leporinarum, deinceps admittatur. Caeterum Regulatio Vectigalium ultro etiam ad Finacialium Dicasteriorum Sphaeram et activitatem pertineat, ab iisdemque, ea tamen ratione suscipiatur, ut quoties illa elevanda aut diminuenda viderentur, instituendam hanc Vectigalium Alterationem Cancellariae Nostrae Regiae Hungarico Aulicae praevis communicare, et cum eadem parem in hoc merito, quae antea cum Commerciorum Consilio observata fuerat, cointelligentiam fovere teneatur.

Atque in his explicitam Benignam Mentem ac Resolutionem Nostram Regiam, quemadmodum grato suscepturos animo Regnicolas plene confidimus, ita Dilectioni ac Fidelitatibus Vestris haec ipsa pro congruo notitiae Statu suique directione significantes, una clementer mandamus, quatenus tam reincorporationem Districtus hujus Fluminensis praefato Regno Nostro Croatiae, quam vero officii Gubernatorialis et ratione manuducendi, facilitandi ac provehendi Commercii Flumine Constitutionem, et tam pro hoc Gubernatoris, quam vero Supremi Comitatus Neo-efformandi ex hoc Districtu Comitatus Severinensis Officio Clementissimam in Personam antelati Egregii Fidelis Nostri Josephi Majláth de Székely Nominationem sine etiam et scopo illo, ut in Commerciis Partem habentes et Trafficientes Regnicolae sese dirigere, et quonam se in hoc, Commercii videlicet passu convertere possint, scire valeant, circulariter publicare noverint. Quibus in reliquo Gratia &c. Datum Viennae die 9. mensis Augusti, Anno 1776.

Maria Theresia m. p.

Comes Franciscus Esterhazy m. p.

Ferdinandus Scultety m. p.

(L. S.)

In Archivo Regni Croatiae. Acta Consilii Croatici, Anni 1776, N.  $\frac{4447}{3936}$ .

## CCLVIII.

*Anno 1776. die 2. Octobris. Zagrabiae.*

**Intimatum Consilii Croatici de Urbe et portu Fluminensi, nec non Bonis Buccarensibus, in quantum Carolostadio Flumen versus ad dextram viae Carolinae sita sunt, Civitate denique Carolostadiensi immediate Regno Croatiae reincorporatis, emanatum.**

Excellentissimi, Illustrissimi etc. Dignabatur Sua Sacra Caesareo-Regia et Apostolica Majestas pro materna sua in publica Regni Hungariae et Partium eidem adnexarum Comoda et Incrementum hactenus etiam praehabiti in iis Commercii sollicitudine, ac peculiari hujus Documento et Clementia Caesareo-Regia Benigne resolvere, *ut Urbs et Portus Fluminensis, nec non Bona Buccariensis, in quantum illa Carolostadio Flumen versus proficiscendo ad dextram viae Carolinae sita sunt (Buccari, Buccaricza et Porto-Ree, tamquam ad laevam dictae viae Carolinae sitis pro Statu Militari relictis), ipsa praeterea Civitas Carolostadiensis in Liberam Regiamque Civitatem evehenda immediate Regno Croatiae reincorporentur; ex taliter porro neo-incorporandis Partibus novus Comitatus erigatur, idemque in omnibus ad normam aliorum Comitatum (iis, quae mox declarandae Directioni Guberniali in Puncto Commerciali immediate reservarentur, exceptis) Consilio huic Regio subordinetur, ejusque Jurisdictioni subsit.*

Pro Eadem porro praedecarata Materna Sua Sollicitudine atque Providentia, volens nimirum, ut Res Commercii in Districtu et Portu hoc Fluminensi ex ipsa ordinata atque systematica manipulatione ad statum florentiorem evehatur, ultro dignabatur Sua Sacratissima Majestas Urbi et Portui huic Fluminensi Dominum Josephum Mailáth de Székhely, antehac Cameralem Consiliarium Aulicum et Referendarium, in Qualitate Gubernatoris, ac cum pari, ac Comes a Zinzendorf Tergesti obtinet, activitate iisdemque Praerogativis praeficere, simulque Eum pro Comitatus ex reincorporando hoc Districtu efformandi et nomine Comitatus Severinensis insigniendi Supremo Comite clementer denominare.

Noverint igitur Praetitulatae D. Vestrae Clementissimam hanc Resolutionem Regiam fine etiam et scopo illo, ut in Commerciis Partem habentes et Traficantes Regnicolae sese dirigere valeant et quo se convertere sciant, intra Jurisdictionem

nis suae ambitum publicam reddere. Datum *ex Consilio in Regnis Dalmatiae, Croatiae et Slavoniae* Regio Zagrabiae Die secunda Octobris Anno millesimo septingentesimo septuagesimo sexto celebrato.

Praetorum D. Vestrarum ad officia Paratissimi

Alexander Michael L. B. Malenich m. p.

Joannes Michalkovich m. p.

Orig. in Archivo Regni Croatiae inter Acta Consilii Croatici. A. 1776. N. 29.

---

## CCLIX.

*Anno 1777. die 29. Augusti. Viennae.*

Rescriptum Regium ddo. 9. Augusti 1777., quo disponitur, ut omnes Causae Civiles Regno Croatiae immediate incorporatae Urbis Fluminis a Foro Judicum Urbis ad Tabulam Banalem via appellationis promoveantur.

Maria Theresia Dei Gratia Romanorum Imperatrix Vidua, Hungariae, Bohemiae, Dalmatiae, Croatiae, Sclavoniaeque Regina Apostolica, Archi-Dux Austriae &c.

Spectabiles ac Magnifici, Honorabiles item et Egregii, Fideles nobis dilecti. Ut Cursus justitiae quantum ad revisionem Causarum Flumine appellatarum iterum restauraretur, ac in moderna etiam rei providentia, seu postquam *Urbs Fluminensis per sui Regno Croatiae immediatam incorporationem*, nexum nostrorum Regnorum haereditariorum hungaricorum ingressa est, certa ratione constituatur, reflexe item ad id, quod in Casibus pro quibus iudices ac Fora determinata non sunt, Judicia constituere ductu etiam Regni Hungariae Legum ad nostram pertinet Majestatem, in ordine ad Causas Civiles ex Foro Judicum Urbis Fluminensis Appellabiles benigne visum est nobis resolvere, ut appellatio omnium ejusmodi Causarum a Foro Judicum Urbis dirigatur ad publicum Urbis Consilium, Cui ad integritatem Judicii praeter Praesidem Gubernatorem, seu Capitaneum vel ejus vices gerentem et vicarium, secretarium item, et Can-

(Pars I. Privil. et Libert.)

cellarium publicum, decem ad minimum commembra adesse oportebit; ab hoc porro Foro Capitaneatus Urbis Causae infra valorem 1000 fl inappellabiles sint, in aliis e converso majoris substrati Causis appellatio *ad Tabulam hanc Canalem* et sic ulterius ad Tabulam nostram Regiam et Septemviralem adiutatur, Transmissionalesque extradentur.

Ordinatione hac Regia ad alteram etiam partem Districtus Commercialis, ex locis Jurisdictioni Hungariae subjectis enascituram, Buccarim nempe. Buccariczam et Portum Regium, velut Loca Jurisdictioni Commerciali Fluminensi connectenda, ac in consimiles Liberas Commerciales Communitates evehenda, intellecta.

Quam proinde ordinationem ac provisionem nostram Regiam pro Congrua notitia et sui directione Fidelitatibus vestris una clementer intimamus. Quibus in reliquo gratia et clementia nostra Caesareo-Regia benigne jugiterque propensae manemus. Datum in Archi-Ducali Civitate nostra Vienna Austriae die vigesima nona mensis Augusti, Anno Domini millesimo septingentesimo septuagesimo septimo.

Maria Theresia m. p.

Comes Franciscus Ezterházy m. p.

Josephus Jablanczy m. p.

Tenor Indorsationis:

4468.

Spectabilibus ac Magnificis, Honorabili item et Egregiis N. N. Tabulae Banalis Regnorum Dalmatiae, Croatiae et Slavoniae Praesidi, et Assessoribus, fidelibus nobis dilectis.

Per Sopronium, Zagrabiae — Ex off.

Ex opere: De Jure Croatiae ad Urbem Portumque Fluminensem.



## CCLX.

*Anno 1777. die 5. Septembris. Viennae.*

**B. Rescriptum R. Mariae Theresiae SS. et OO. Regnorum Dalmatiae, Croatiae et Slavoniae missum et ordinans, ut in cambium Statui Militari cessarum plagarum Urbs et portus Fluminensis cum Podbregh et Lopacza, nec non Bona Buccarensia, Carlostadio Flumen versus ad dextram viae Carolinae sita, una cum Civitate Carolostadio immediate Regno Croatiae reincorporentur, et ex neoincorporatis partibus novus, Consilio Regio Croatico subordinandus, Comitatus erigatur.**

Maria Theresia etc. Reverendi, Honorabiles, Spectabiles, ac Magnifici item Egregii et Nobiles, nec non Prudentes, ac Circumspecti, fideles Nobis dilecti! Tam ex Intimationibus Consilii Regii, quam et Publica fama notum est alioquin fidelibus Regnorum istorum nostrorum SS. et Ordinibus, cessante cum Exordio anni proxime praeteriti Commercialium Consilio Aulico, adeoque pertractione objectorum Commercialium juxta Benignam mentem nostram ad respectiva Politica Provincialia et Aulica Dicasteria recidente, Nos pro materna nostra in publica Regni Hungariae et Partium ei adnexarum commoda, incrementumque hactenus etiam praehabiti in his Commericii sollicitudine Benigne resolvisse, *ut Urbs et Portus Fluminensis*, nec non Bona Buccariensis, in quantum illa Carlostadio Flumen versus proficiendo ad dextram viae Carolinae sita sunt (Buccari, Buccaricza et Porto-Ree, tamquam ad laevam dictae viae Carolinae sitis pro Statu Militari relictis) ipsa praeterea Civitas Carlostadiensis in Liberam, Regiamque Civitatem evehenda, *immediate Regno huic Croatiae incorporentur*; ex taliter porro neoincorporandis Partibus novus Comitatus erigatur et in omnibus ad normam aliorum Regni Comitatum, iis, quae mox declarandae directioni in Puncto Commerciali immediate reservarentur, exceptis, *Regio Regnorum horum Consilio subordinetur, ejusque Jurisdictioni subsit*; non absimiliter, quod res Commercij in Districtu et Portu hoc Fluminensi ex ipsa magis ordinata atque Systematica manipulatione ad Statum florentiorem evehatur, urbi et Portui huic Egregium, Fidelem Nobis Dilectum Josephum Mailáth de Székhely, antehac Cameralem Nostrum Consiliarium Aulicum et Referendarium, attributa Ei Intimi Consiliarii nostri Dignitate, in qualitate Gubernatoris, et cum pari, ac Comes a Zinzendorf actu Tergesti obtinet, activitate, per nos Benigne praefectum, simulque pro Su-

premo Comite Comitatus ex Districtu hoc efformandi, ac nomine Comitatus Szeverinensis insigniendi, Clementer denominatum esse. Ac ad hujus quidem Benignae nostrae Resolutionis effectum procurandum et Constabiliendum omne hoc propositum necessariis in facie locorum operationibus per respectivarum Jurisdictionum Commissarios mox susceptis, ac subinde in parte terminatis, in progressu Executivae hujus manipulationis eo recte jam deveniri debebat, ut, cum praementionata via Carolina pro Limite Districtus Provincialis destinata, atque Benigne per nos resoluta fuerit, negotium constituendae Lineae hujus Separatoariae in concertationem et practicam manipulationem per concernentium Jurisdictionum Commissarios assumeretur; Praeterea vero id, num novus hic Districtus pro efformando exinde justae proportionis Comitatu, sufficiens futurus sit? examinaretur, ac de Comitatu hoc Methodica ratione constituendo res effective agenda susciperetur.

At vero, dum manus omni huic reliquo operi admovenda fuerat, pro uberiori documento ejus, quantum causa Boni publici ex progressu rei Commercialis certo certius expectandi, cupiamus, quo item votis Regnicolarum quo ad Partes has maritimas reiteratis hoc magis Benignitas nostra respondeat, Clementer visum est Maiestati nostrae, illam, quae praeviae jam Benignae nostrae Resolutionis virtute statui, atque Jurisdictioni Provinciali obligit, acquisitionem ea ratione locupletare, ut *omnino perinde Portus Buccari, Buccaricza et Porto-Ree, quae Jurisdictioni Militari reservabantur, immediate Regno Croatiae cum omni juxta viam Carolinam posita Colonia et praehabito ibi Commerciali Districtu reincorporentur.* Caeterum autem, quemadmodum Portus Buccari, Buccaricza et Porto-Ree ad Jurisdictionem antelati Gubernatoris cum cohaerentia sua adjiciuntur, ita totus hic Districtus Commercialis, qui se juxta viam Carolinam porrigit, et omnis ibi Colonia, demptis duntaxat locis ad immediatam Comercialem manipulationem deservituris, adeoque Jurisdictioni illi privative subalternandis, per Cameram nostram Regiam Hungarico-Aulicam mox recipiantur, adeoque velut Bona Cameralia, quousque Nobis aliter disponere visum fuerit, respiciantur, proque talibus habeantur.

Vicissim autem, siquidem per hoc *Jurisdictioni Militari haud modicum decessurum sit; hinc tum pro recompensatione secundum id, ac justum et aequum esse suapte intelligitur, cum vero ex subversante Altissimi Servitii nostri ratione, ob systematicum nempe Militaris Jurisdictionis atque manipulationis nexum ac opportunam Communicationem, et denique, ut difficultatibus et molestiis, quas Status Militaris in inclavationibus hactenus habuisse exponitur, Certum ac Stabile, infallibileque Remedium ponatur, in forma Cambii Districtus Sztienichnyak, una cum possessorii Claustri Paulinorum Kamenszkoinensis, ita etiam ex respectu Subversantis inclavationis projectata per Consilium nostrum Aulac Bellicum in Confiniis Banalibus Bona Episcopatus Zagrabienensis atque ejusdem Capituli, et hujus quidem nominanter Sziszekiense, nec non Praepositi, atque Possessio Szunya ad Comitem Keglievics Spectans, praeterea vero Districtus Szihelburgensis, nec non futura Libera Regiaque Civitate Carlostadiensi, ipsa Arx seu fortalitium cum caecidendo pro usibus militaribus secundum Rationem Localis situs, adeoque rei possibilitatem, habitaque ad necessitatem militarem reflexione proportionato pomaerio, eidem Jurisdictioni ac Statui Militari cedant, ac proinde illa ex Jurisdictione, in qua actu sunt Provinciali, ad militarem Jurisdi-*

ctionem applicentur. Caeterum autem, siquidem pariter in Partibus Transcollapianis, ad Constitutivum Comitatus Szeverinensis designatis, ac finem in eum per Comitatum Zagrabiensem resignandis, inclavationes Militares praeexistant, ad has etiam, in quantum Partem Jurisdictionis Provincialis respicerent, ac ob hanc ipsam Causam recidere deberent, ex integro tollendas, res praevis per localem Commissionem, exmittendos quippe Commissarios, uberius investigetur et Cognitione earum obtenta, modus accommodatus, earum intuitu, occasione eadem proponatur. Quod vero modalitatem effectuantiae omnis hujus Benignae Resolutionis attinet: praeindicati portus Buccari, Buccaricza et Porto-Ree, nec non Bona Buccarana Commercialia *per Statum Militarem, in quantum in horum possessorio actu constituerentur*. mox et citra dilationem, atque adeo primum et ante omnia Jurisdictioni Provinciali, ac in Specie Gubernatori nostro Fluminensi, qua simul Commissario nostro Politico et Camerali, resignentur, intermedio autem tempore, quoad nimirum Militaris Status aequivalens suum obtineat, huic decedentes annui proventus ex aerario Camerali bonificentur, pariter dein ad resignationem et receptionem Civitatis et Pontis Carlostadiensis, excisionemque Pomerij ibidem ad fortalitium pro usibus Militaribus necessariis, mox procedatur, atque sic demum, postquam Status Militaris praedesignatos Portus et Bona Civitatemque Carlostadiensem et Pontem resignaverit, attunc e Vestigio, quorumvis Districtuum et Corporum in- et excorporari intentorum in concursu respectivarum Jurisdictionum, Deputatorum item ex Congregatione hac Regni exmittendorum, suscipiendae Conscriptioni et aestimationi, juxta rubricas eatenus via Camerae nostrae Regiae Hungarico-Aulicae indicandas, ac respective illis, quae tempore postremae excorporationis observabantur, accommodandas, manus eo modo admoveatur, ut initio Commissario nostro Politico-Camerali opus illud manuducere debente, idem Conscriptionis et aestimationis labor, ex post per Subdelegatos Commissarios, in finem accelerationis ad duas distinctas Partes continuetur, quo sic postea finalis tractatus, de qualiter obtinendo proportionato Proprietariorum Bona Sua excorporanda dimittentium aequivalenti, nec non in Specifico etiam quoad reliquiones ac redemptiones determinandas in mutua respectivorum nostrorum Districteriorum Aulicorum concertatione assumi, discuti et Benigno nostro determinio substerni valeant.

In cohaerentia autem horum Urbarialia Telonia in S. Cosmo et Fusine in priori Systemate praeexistentia mox cessent, in Buccari autem ex officio Telonii Urbarialis fiat finitima Statio Tricesimalis, Flumine porro officium quod praeexistit Bancale (manipulatione ejus respectu mercium et productorum in et ex Hungaria venientium cessatura) manipulationem etiam Tricesimae Hungaricae habeat, et quidem usque dum nova Tariffa vectigalis Hungarici elaboretur, veteri vectigali accommodandam, Carlostadii demum Tricesima Capitalis in forma duntaxat depositoriali seu Legstadt permaneat. Non absimiliter benigne nobis visum est, respectu etiam Constitutivi, Status item Personalis et Salarialis Comitatus Szeverinensis id Clementer resolvere: ut Status quidem Salarialis ac etiam pro prima hac vice Personalis officialium in hoc Comitatu ille, qui Majestati nostrae per Gubernatorem Fluminensem, qua una nunc dicti Comitatus Supremum Comitum et alioquin ad actum etiam hunc efformationis et instaurationis Comitatus istius Provinciam habentem, demisse propositus est, stabiliatur, *pro ipso autem Comitatus constituto habeantur et sint, Urbs et Portus Fluminensis cum Pod-*

*breg et Lopacsa*, cum aliis item tribus Portubus Buccari, Buccaricza et Porto-Ree, nec non Sex Castellanus Dominij Buccarensis, et Dominium ita dictum Col-loniale, Dominia ad haec Brod et Grobnik Battyana, uti et Dominium mon-tanum Chabar Camerale, juxta haec porro Partes etiam, quae modo trans-Col-lapianae audiunt, utpote Bona Dominii Szeverin, cum Dominiis Boszilyevo, Ozaill, Ribnik, Berlog et Novigrad, ac demum ipsa etiam Civitas Carlostadiensis, velut per Statum Militarem Statui Provinciali praeallegato modo resignanda, ac in Li-beram et Regiam Civitatem evehenda; prouti etiam, quod rementionatas Partes Transcollapianas concerneret, ad harum pro Comitatu Szeverinensi receptionem perinde Gubernator noster Fluminensis, qua ejusdem Comitatus Supremus Comes, et ad actum quoque hunc Commissarius noster Regius, ac ad earum Resignatio-nem Comitatus Zagradiensis Benignis nostris ordinibus inviati instructique sunt, ea quidem ratione, ut Partes hae inde a 1<sup>ma</sup> Novembris anni labentis Quottam Contributionalem jam ad Cassam Comitatus Szeverinensis dependere debeant.

Atque in his ipsis Fideles Regnorum istorum Status et Ordines et ra-tionem Benignae nostrae Resolutionis satis intelligent, et Peculiarem nostram Ma-ternam Solitudinem pro incremento Boni publici defixam, distinctum Regium nostrum favorem grati agnoscent. Cum autem ad effectum Benigni hujus propo-siti illud necesse esse suapte intelligatur, ut praementionata accurata Conscrip-tio et justa aestimatio quorumvis Districtuum et Corporum in- et excorporandorum ratione atque modalitate in praemissis declarata suscipiatur, atque ideo Benigne nobis visum fuerit, pro executione propositi hujus, fine nempe praedesignatae in- et excorporationis, atque Scopu instituendarum Conscriptionum et aestimatio-num a parte respectivarum Jurisdictionum Commissarios, tum juxta immediate praemissa, cum vero omni, quo meliore facilitandae manipulationis ratione in-structos, et quidem ex parte Politico-Camerale Gubernatorem Fluminensem Jose-phum Mailáth, huicque adjunctum ex parte Politica Nicolaum Skerlec, Consilii nostri Regii Croatici Consiliarium, ex parte vero Militari et quidem Generalatus Carlostadiensis Generalem a Posee, Generalatus autem Banalis ibidem Constitu-tum Brigaderium Generalem exmittere, fideles adeo Regnorum istorum Status et Ordines, fine quo effectuantis Benignis his intentionibus nostris pariter per De-putatos suos intervenire, eosdemque cum Commissariis nostris cooperaturos de-nominare et exmittere valeant, in unum congregandos, una Clementer jubere.

Eapropter quemadmodum pro eo, ac in his explicita Benigna mens at-que resolutio nostra Regia nonnisi circa optatum boni publici vehiculum et quae-sitam diu pro utili et Commodo Regnicolarum accessionem versatur, ipsos pro-inde Regnorum istorum Status et Ordines voti Compotes reddit, nullae dubita-mus, quin firma Spe tenemur, fore, ut lidem Status et Ordines in summa ani-morum gratitudine suscipiant agnoscantque Regiae nostrae atque maternae Be-nignitatis documentum isthoc. ita una ne quid favorabilis hujus Benignae Resolu-tionis nostrae effectum morari possit, signanter ne Exmissi Commissarij Regii ex-pectare debeant, fidelibus Regnorum istorum Statibus et Ordinibus Benignam mentem et voluntatem nostram Regiam in eo pariter Clementer intimandam in-jungendamque duximus, ut duos omnino Deputatos suos ad executivam omnis istius Benigne suscepti in- et excorporationis Propositi operationem, ac proinde qui scopum hunc praeparare debet, Conscriptionum, ac aestimationum laborem, pro Terminu per Commissarios nostros Regios tempestive indicando, ac in iis, quae

ad facilitandum Scopum conferre posse viderentur, sufficienter, atque Benignae Intentioni nostrae Consona ratione inviandos, indubitanter exmittere non intermittant lidem Regnorum istorum fideles Status et Ordines. Quibus in reliquo Gratia et Clementia nostra Caesareo-Regia Benigne jugiterque propensae manemus. Datum in Archiducali Civitate nostra Vienna Austriae die 5-ta Mensis Septembris, Anno Domini 1777.

Maria Theresia m. p.

Comes Franciscus Eszterházy m. p.

Josephus Jablanczy m. p.

(*Locus Sigilli Regii.*)

Ex opere : De Jure Croatiae ad urbem etc. Fluminensem.

---

## CCLXI.

*Anno 1777. die 10. Novembris. Viennae.*

Maria Theresia ordinationibus suis de partium maritimarum reincorporatione, de inducendo commerciali systemate, deque praestando statui militari aequivalente porro quoque insistit.

Maria Theresia Dei Gratia Romanorum Imperatrix Vidua, Hungariae, Bohemiae, Dalmatiae, Croatiae, Sclavoniaeque &c. Regina Apostolica, Archi-Dux Austriae &c.

Reverendi, Honorabiles, Spectabiles, Magnifici, Magnifici item Egregii et Nobiles, nec non Prudentes ac Circumspecti, Fideles Nobis dilecti. Demisse relata sunt nobis ea, quae Fideles Regnorum istorum Status et Ordines quoad benigne resolutam Partium Maritimarum reincorporationem, Stabilimentum item pro publico Regni Hungariae et Partium Ei adnexarum Bono in Portibus Fluminensi, Buccariensi, Buccaricensi et Porto-Ree Commercialis Systematis, nec non hoc titulo Statui Militari per suscipiendam Excorporationem praestandum aequivalens, ex generali sua Congregatione Zagrabiae celebrata, sub 27. Mensis proxime praeteriti humillime repraesentarunt.

Atque haec quidem eo minus fuerant Nobis expectata, quo magis in apertam lucem collocaveramus, in omni hac benigna nostra Resolutione Materno-Regiam Intentionem Nostram pro Incremento Boni publici, atque in favorem Regni Hungariae Partiumque Ei annexarum directam esse, et quo certum est, Reflexiones per Regnorum istorum Status et Ordines in medium adductas in accuratiori examine non aliter, quam Benignarum Intentionum Nostrarum remorativas, eoque colimantes considerari posse: quippe quod Fidelibus Regnorum istorum Statibus ex ipso tenore benigni Nostri Rescripti ad se sub 5. Septembris ultimo praeteriti expediti constare debeat, alioquin in hocce Systematis Commercialis Stabilimento per expressam benignam Nostram Resolutionem sublata esse illa etiam, quae hactenus legaliter in Commerciali hoc Districtu viguissent Telonia, adeoque metum illum, ut Regnicolae in locis Commercioz illegalibus Exactionibus aggraventur haud subesse; ita etiam siquidem benignum idem Rescriptum expressim innuat, obsectorum Commercialium Pertractationem ad respectiva Politica, Provincialia et Aulica Dicasteria recidisce, ex Omnibus praeterea nunc re-incorporandis novum Comitatum ad normam aliorum Regni Hungariae Comitatum efformandum et Regio Nostro in Regnis his Consilio subordinandum fore, in hoc ipso satis intelligi potuerit, possitque, neoincorporatas has partes ordinariae in Sensu et intellectu Legum Regni Administrationi subjectas subordinatasque esse.

Illud porro non possunt congrue non intelligere Fideles Regnorum istorum Status et Ordines, immediatam in ipso proximo et stricto Rei Commercialis objecto Manipulationem, in quantum nimirum objecta eiusmodi nec plurium manus, nec moram (quam Correspondentiae praesupponunt) patiuntur, ast instantaneam, aut decisionem, aut inviationem exigunt, alicui deferri, concedi, reservarique debuisse; illud autem, num Individuum tale sub Nomine Gubernatoris aut alio praeficiatur, vel vero num Gubernator Fluminensis, aut Gubernator totius Littoralis Maritimi Hungarici audire debeat, meritoriam Reflexionem (ne de nomine Lis sit) haud subire; quod vero Idem Gubernator cum pari ac Tergestinensis activitate constitutus esse tenore benigni Nostri Rescripti perlibeatur, in hoc favorem potius illum, quod ei haud minorem activitatem et Convenientiam pro ipso etiam Gentis Decore benigne attribuerimus, cum gratitudine agnoscendum esse.

Sed etiam quod attinet erectionem et Nominationem Comitatus Szeverinensis: Materno-Regiam hanc provisionem Votis et petitioni Suae Diaetaliter propositae in ipso merito (nisi passu etiam in hoc de nomine litem esse conveniat) conformem esse, ipsi meminerunt agnoscuntque Fideles Regnorum istorum Status et Ordines, ac hoc etiam Argumento positivae voluntatis Nostrae effectum ne momento morari, atque Resignationem designatarum Zagrabienensis Comitatus partium differi patientur.

Excorporationem porro Statui Militari et quidem intuitu Bonorum Episcopatus trans Collapim intra et ad Banale Confinium designatam, quae alioquin nullo Privatorum Damno aut Praejudicio futura est, tam fundamento Iusti et aequi spectato, quae vicissim Iurisdictioni Regni et Statui Politico Provinciali fit accessione, quam vero ex subversante altissimi servitii Nostri ratione, ob syste-

maticum nempe Militaris Jurisdictionis atque Manipulationis nexum, ac opportunam Communicationem, ac etiam Necessitati Nobis quam optime notae et per Nos Jure metiendae, ut certum et stabile infallibileque remedium ponatur, prout hocce in praecitato benigno nostro Rescripto indicabatur, inevitabilem esse: Eius autem intuitu, si nempe Civitas Carlostadiensis per excissionem Pomaerii pro Statu Militari ad Statum tantae Constrictionis poni deberet, ut nec Commercio, nec Liberarum et Regiarum Civitatum Systemali Administrationi deservire possit, ubi eatenus Nobis per exmissos Commissarios Specificum secundum adjuncta et locales Circumstantias remonstratum fuerit, ulteriorem benignam impertiemur Resolutionem, atque simul Commercio, quod Nobis ex ratione felicitatis Populi cumprimis cordi est, prospiciemus.

Provocationem demum Statuum et Ordinum ad Regni Hungariae Diaetam quod attinet: Nos plasse persvasas esse, ipsos Status et Ordines Regni Nostri Hungariae non modo cum Jubilo aquieturos omni huic Materno-Regiae ad publica commoda directae Provisioni, verum etiam in animorum debita gratitudine Inarticulationem sollicitaturos, adeoque in omni hoc negotio non aliud reliquum esse, quam ut Fideles sitorum in Regnis his Comitatum in Unum congregati Status ad effectum in apperto positarum benignarum nostrarum Intentionum agendo et cooperando, tacita ipsorum Regni Hungariae Statuum et Ordinum vota expleant et aemula Virtute adimpleant, eaque ratione Materno-Regiam Sollicitudinem Nostram ad complacendum etiam Principi Suo cum Zelo et Promptitudine in partem juvent.

In his porro etiam explicita benigna Mente nostra Eisdem Statibus et Ordinibus fine, quo effectuantis benignis Intentionibus Nostris pariter per Deputatos Suos intervenire, Eisdemque cum Commissariis Nostris cooperaturos denominare et exmittere valeant, in unum congregatis porro etiam clementer duximus rescribendum, ut Deputatos suos ad executionem omnis istius benigne suscepti In- et Excorporationis Propositi, ac proinde qui (ad) scopum hunc praeparare debent Conscriptionum et aestimationum Laborem, praescripta modalitate instruendos mox et inomisse, ac citra ulteriora expectanda exmittere noverint, quo sic Commissarii Nostri parte ex Politica Camerali et Militari in promptu existentes, sine temporis atque aliorum Concomitantium jactura indilate mutuis potius Operationibus rem occipere, ac dein Comitatum ad hanc Congregationem Deputati, quando alioquin hac Anni parte in ipso Comitatum Gremio plurima agenda occurrant, reverti valeant. In reliquo Eisdem Statibus et Ordinibus Gratia et Clementia Nostra Caesareo-Regia benigne jugiterque propensae manemus. Datum in Archi-Ducali Civitate Nostra Vienna Austriae die Decima Mensis Novembris Anno Domini Millesimo Septingentesimo Septuagesimo Septimo.

Maria Theresia m. p.

Comes Franciscus Eszterhazy m. p.

Antonius Klobusiczky m. p.

## Tenor Indorsationis:

V. Vienn aus der Königl. Hung. Hof-Kanzley.

Reverendis, Honorabilibus, Spectabilibus ac Magnificis, Magnificis item Egregiis et Nobilibus, nec non Prudentibus ac Circumspectis N. N. Regnorum Nostrorum Dalmatiae, Croatiae et Sclavoniae Universis Statibus et Ordinibus, Fidelibus Nobis Dilectis.

(L. S.)

Ex Actis Regni Congregationis A. 1777. N. 38.

**CCLXII.***Anno 1777. die 27. Octobris. Zagrabiae.*

Repraesentatio SS. et OO. Regni Croatiae de partibus maritimis Gubernatori fluminensi non subjiciendis, de regulatione novi Severinensis Comitatus et omnibus excorperationibus usque ad generalia Regni Hungariae Comitatus sistendis.

Sacratissima Caesareo - Regia Apostolica Majestas!

Domina Domina Clementissima, Benignissima!

Benignum Majestatis Vestrae Sacratissimae ddo. Viennae Austriae sub 5. Mensis Septembris Anni currentis sub marginali 4527 numero ad nos emanatum rescriptum in homagiali devotione suscepimus, una quantis Curis et Regia sollicitudine reliquas suas Regales curas inter in commoda Regni hujus promovenda inque feliciorum et florentiorum Statum ponenda commercia feratur Majestas Vestra Sacratissima venerabundi perspicimus, potissimum dum iam in effectum horum objecta Commercialia, quae Commercio... Aulico Consilio hactenus substrata ex ejusdem Benigni Rescripti tenoribus intelligimus ad respectiva Politica Provincialia et Aulica Dicasteria esse translata; imo pro Sua Materna in publica Regni Hungariae et Partium eidem adnexarum comoda incrementumque hactenus etiam praehabiti in his commercii Majestatem Vestram Sacratissimam benigne resolvisse, ut Urbs et Portus Fluminensis, nec non Bona Buccarensia simul cum Civitate Carlostadiensis, in Liberam et Regiam Civitatem evehenda, immediate Regno huic Croatiae incorporarentur: ex taliter porro neoincorporandis partibus novus Comitatus erigatur, in omnibus ad normam aliorum Regni Comitatum (iis solum, quae Guberniali Fluminensi directioni reservata sunt, exceptis) Regio in Regnis his erecto Consilio subordinandus. —



Legalem hanc et vere Maternam Maiestatis Vestrae Sacratissimae providentiam, velut caeteroquin ad effectum Regni Legum circa eorum, quae ad Sacram Regni Hungariae Coronam iurae Regni pertinent, reincorporanda Legibus Regni constituta sunt cum effectu benigne et maternelae praesusceptam de genu humillime veneramur et Maiestati Vestrae Sacratissimae Dominae nostrae Clementissimae immortales et in animis nostris nunquam intermoriturus humillimas agimus gratias, devotis Animis et homagialibus votis nostris id exoptantes; ut altissime intenta susceptaque Commercii promotio ex parte quoque nostra pro omni virium possibilitate homagialiter secundanda, effectus quam optatissimos producat; firmissima in reliquo spe tenemur, quod Maiestas Vestra Sacratissima pro tenore Regni Legum ab omnibus illegabilibus exactionibus Regnicolas in antelatis Commerciorum locis immunes conservari facere clementissime dignabitur.

Verum quia parte ab una praenotatae Maritimae partes, Bona quippe Marittima Frangepano-Zrinyana jam in exordio hic ut primum videlicet in Successionem et Regii Majestatis Vestrae Sacratissimae Fiscus manus devoluta erant, per Articulum 71. 1681, tractu vero temporis per 44. 1715, 94. 1723 ac 52. 1741 articulares Diaetales Conclusiones, communibus legibus, oneribus et Regni jurisdictioni subjecta, nunc, dum Regno incorporantur, maxima sui in parte ab ipsa Regni et Legum jurisdictione abstrahi et privative cuiuspiam Guberniali Fluminensi directioni reservari ac subjici; parte vero ab altera horum intuitu Regno incorporatorum aequivalens ex altera actuali Regni jurisdictione a nobis praestandum ex tenoribus ejusdem benigni rescripti intelligimus: non possumus conceptum exinde animi sensum non explicare; ac intuitu quidem Legibus Regni et Diplomaticis Sacris assecurationibus, in articulis etiam 3. 1715 et 8. 1741 palam expressis, praecautae imo Nobis ignotae Gubernialis administrationis, occurreret illud, quod partes et districtus ad Sacram Regni Hungariae Coronam, adeoque jura Regni spectantes, et quocumque tempore incorporandae, non ad normam aliarum Provinciarum, sed propriis ipsius Regni Hungariae Diaetaliter conclusis Legibus subsint et gubernandae veniant; consequenter, dum ad effectum conditarum eatenus Legum Regno et ejus jurisdictioni reapplicantur, nulla in iis Gubernatoris Fluminensis, velut caeteroquin ab universali Regni Legum systemate separata et Tergestini Gubernatoris Activitati conformata, jurisdictio et administratio seu etiam dependentia sustineri possit; tanto quidem evidentius, quod administratio jurisdictioque talis Gubernialis communi cum Majestate Vestra Sacratissima Statuum et Ordinum Regni Hungariae consensu, adeoque Diaetali constitutione introducta stabilitaque non sit. Qua de causa etiam Majestatem Vestram Sacratissimam de genu humillimis precibus exoramus, ut neo-incorporatae partes, velut ad Sacram Regni Coronam et Regni jura pertinentes non Guberniali Fluminensi aut alteri cuicunque directioni, sed ordinariae in sensu et intellectu Legum Regni administrationi subiaceant subordinenturque; compellatio porro earundem Marimarum partium sub nomine Districtus Fluminensis recens introducta, pari ratione ac Litoralisi austriaci nomenclatio Articulo 30. 1765 Diaetae praecautae, juribus et jurisdictioni Regni non praejudicet. Novi itaque Comitatus sub nomine Szeverinensis erectionem quod attinet: non diffitemur equidem in ultimis Regni Hungariae Comitibus fuisse nostrum demissum postulatum, ut cum Officiolatus in partibus illis Bonis et populo praefectus, in apertum conditarum Regni Legum vilipendium et benignarum Majestatis Vestrae Sacratissimae etiam resolutionum sub-

terfugium Regni auctoritatem iustitiaeque juribus Regni conformis administrationem renitenter subterfugiebat, in et ex iisdem maritimis partibus, quae, ut praemissum est, Regni et Comitatus Zagrabiensis jurisdictionem, tametsi eidem supra insinuatis Regni Legibus imo et benignis Majestatis Vestrae Sacratissimae re-scriptis Mandatisque subordinabantur ac in specificis casibus etiam suberant, utpote in Gremio eorum iudex nobilium partium Maritimarum dictus et per nos nominatus semper existeret et hodie etiam Georgius Ivanchich existeret; Tyrones in Altissimi Majestatis Vestrae Sacratissimae servitiis promotionem pro quotta sua impositos in gremium Comitatus Zagrabiensis praestabant; ita et banderiatos extra patriam in Servitia Regia Majestatis Vestrae Sacratissimae expediebant; in gremium Nostri ad Congregationes Regni vocati comparebant et conclusa se concernentia exequabantur; denique per nos conscripti ejectatam per nos Contributionem pro quotta sibi comensurata supportabant, adeoque nos in eos jurisdictionis effectus exercuimus, — sub nomine Vinodolensis Comitatus erigatur, eidemque cum Legali Activitate Regni Legibus conformata Supremus Comes cum reliquo Magistratu praeficiatur; nunquam vero postulatum nostrum eo se extendebat, ut pars Maritimorum Frangepano-Zrinyanorum Bonorum guberniali cuiuspiam directioni et Legibus Regni praecautae administrationi subjiciatur; pars vero major de Comitatus Zagrabiensis actuali indubitata et saeculis perdurante jurisdictione sine Regni Hungariae Diaeta avellatur, et Comitatus, qui sub nomine hoc nunquam praeexistit, adeoque vel ideo legali Comitatus Zagrabiensis avitae jurisdictioni praejudicare non potest, adjiciatur; consequenter, si etiam ex incorporandis Maritimis Partibus et veteris Vinodolensis Comitatus pertinentiis Comitatus jure postliminij ad normam aliorum Regni Hungariae Comitatum cum omnibus juribus, Praerogativis, adeoque plena legali activitate Supremi Comitatus directioni, pro desiderio et demisso postulato nostro, in Generalibus Regni Comitibus posito, Diaetaliter efformatus fuisset, propterea tamen mixtae partim Supremi Comitatus, partim Gubernatoris Fluminensis directioni credi, et per id a sistemali Regni Hungariae manipulatione abstrahi tanto minus potuisset, quod parte ab una in Legum et jurium Regni Hungariae convulsionem, parte ab altera in privatorum Regnicolarum jurium insecuritym involutionemque, ipsius autem Comitatus Zagrabiensis, Diaetalibus Regni Legibus firmati, et cui per Articuli 57. 1647 Diaetalem provisionem in iustitiae administratione subjectus est, praejudicium et diminutionem absque Diaetali determinatione tenderet et erigeretur; qui si ex totalibus Maritimis partibus sub nomine Frangepano-Zrinyanorum Fiscalium Bonorum venientibus, pertinentiis item Vinodolensis Districtus, cum Diaetali concursu efformatus fuisset, relate ad complures Regni Hungariae Comitatus congruam et iustam omnino Comitatus unius extensionem sortiretur. Interim cum Comitatus idem in Generalibus Regni Comitibus, in quibus de quibusvis occurribilibus circumstantiis SS. et OO. Regni audiri potuissent, erectus et legali sua Activitate donatus non sit, Majestati Vestrae Sacratissimae supplicamus, dignetur benigne in eo acquiescere, ut circa ejusdem erectionem, nomenclationem, extensionem item et futuram subsistentiam in iisdem Generalibus Regni Comitibus legali cum effectu constitutur, interea vero Regni et Sacrae Coronae ita et Comitatus Zagrabiensis, qui non tantum Maritimarum partium, vigore Articuli etiam 57. 1647 sibi ingremiatarum, per benignam resolutionem incorporationem et reapplicationem non obtinet, verum etiam de reliqua indubitata sua jurisdictione, totum transcolapium

in se vastiorem processum seu districtum, et quoad justitiae administrationem et deportandae Contributionis commoditatem securitatemque; cum hyeme et vere rigor hyemis ac nivium extraordinaria copia, aestate vero Latronum visarumque insidiatorum grassatio Flumen et Buccarim transitum et communicationem impediant, Zagrabiae commodiorem et nexum habentem, amittere deberet, quoad eandem avelli praeconceptam actualis ejusdem possessorij partem jurisdictio et ejus effectus in salvo conserventur.

In ordine porro ad benigne nobis intimatam excorporationem, quae partim in cambium Regno incorporandorum et per Statum Militarem cedendorum, partim vero ex ratione subversantis cujuscumque inclavationis, erga Aulae Bellici Consilii projectum tam ampla nobis proponitur, ut politicam Regni, quae jam attrita exhaustaque est, jurisdictionem sensibilter et extreme coarctet; dolorem quem inde privati aequae ac publicum concepimus, non possumus coram Majestate Vestra Sacratissima non exponere. Dolorem hunc nova circumstantia, parte ab una per Militarem statum Banalium Confiniorum facti via etiam partis Bonorum Topolovecz sub nomine Possessionis Szunya excorporari projectatae, per Colonellum a Bottichky attentata occupatio et Proprietarii Comitum Keglevich in juribus suis turbatio, parte ab altera Comitatus quippe ita dicti Szeverinensis ante resignationem etiam Partium ad indubitatum Zagrabienensis Comitatus jurisdictionem pertinentium apprehensio et nondum legaliter instaurati ejusdem Comitatus, perdurante hac Generali Regni Congregatione in 10. Mensis Novembris Congregatione praefixa. Si tamen incunabula nostra ac Statum et Sortem praesentem nostram repetamus, videmus et vere cum dolore reminiscimur Bonorum et facultatum amplissimam partem per inimicum, qui in hoc aperto bellorum Theatro nos ante-murale Regni incursionibus et rapinis semper infestabat, occupatam et dirreptam, aliam in captivitatum redemptionem et lytrorum exolutionem cum extrema posteriorum nostrorum ruina conversam, supremam eamque maximam pro fundandis binis Generalatibus, Carlostadiensi uno et Varasdiensi altero, duplicatis item amplius Sclavonicis et Banalibus Confiniis, adeoque in tutamen et defensionem Regni et Sacrae Coronae, imo aliarum etiam Majestatis Vestrae Sacratissimae haereditariarum provinciarum, per nos majoresque nostros jam abunde esse sacrificatam, ita quidem, ut exinde nullum propterea aequivalens praestitum sit; recenter etiam in annis 1767 et 1768, occasione localis Aulicae Commissionis, quae ad effectum Regni Legum ad accomodandas differentias inter Militarem et provincialem Statum vigentes et quaerimonias accomodandas operata est sub titulo stabilis et perpetuae Lineae tam ad Carlostadiensem Generalatum, quam alterum Varasdinensem, undique Provinciali jurisdictione cinctum, qui caeteroquin personali servientium et terreno amplo, supra videlicet competentiam servitii amplius ac in triginta sex mille jugeribus supernatante, abundat, cum factis de non secuturis amplius excorporationibus interpositis cautellis, de politica jurisdictione sensibilem partem sub eodem lineae stabilis ductus titulo amisimus, ut adeo, quid sola haec exigua provincia in obsequium Majestatis Vestrae Sacratissimae amplius sacrificare debeat aut possit, non inveniamus, potissimum autem, quod projectata haec per Aulae Bellicum Consilium excorporatio, si etiam a juribus Regni et Sacrae Coronae avulsionem non induceret, quam evidenter inducit systema illius, praeter excorporari projectatorum amplissimorum Districtuum provinciali jurisdictioni pro futuro etiam praepjudiciosa sit. Clementissima Domina! tot et

tantae ac tam amplae frequentesque excorporationes, quae totam hanc provinciam in se exiguam, semper tamen fidelem, et quae totum ferme, quod habuit in publici, Sacrae quippe Regni Hungariae Coronae et haereditariarum provinciarum defensionem, adeoque in obsequium et servitium altissimum summorum terrae Principum semper sacrificavit et impendit, tangunt, adeo sensibiles sunt nobis, ut nisi de clementia et benignitate Regiae Majestatis Vestrae Sacratissimae, pro tenore etiam benignarum assecurationum et Diplomatum, modus et finis tandem iisdem imponatur, et haec, quae in projecto est ac futurae omnes praecaveantur, omnis politica Regni hujus jurisdictio suapte cessare et expirare deberet, quod tamen ipsius Monarchiae ratio non admitteret. Quantum itaque Cambium pro Maritimis partibus in recompensationem dandum concernit, dignetur Majestas Vestra Sacratissima in benignam reflexionem summere, quod per Marimarum partium, quae in Articulo 71. 1681 et subsequis in rem hanc conditis Legibus Bona Frangepano-Zrinyana Maritima et Trans-Colapiana audiunt, Regno reapplicationem, nil novi accedat aut adjiciatur, sed unice Legum effectus per Divos Hungariae Reges praedecessores et Majestatem quoque Vestram Sacratissimam promissus procuratur et exercitium jurisditionis officialatus maritimi renitentia impeditum restituatur, consequenter hujus intuitu aliquod aequivalens a Regno praetendi haud possit, tanto quidem evidentius, quod omnis ejusmodi excorporatio sit et redeat a Regno et Sacra Corona jurisditionis alienationem; haec autem 21. 1647, 3. 1715 et 8. 1741 Articulis adeo praecautum est, ut nos facto nostro potissimum extra Generalia Regni Hungariae Comitum eam absolute ingredi possimus eo evidentius, quod occasione illius in Anno 1768 ad Carlostadium factae excorporationis Regnicolae spe omni ullo unquam tempore ad Bona etiam solido radicali et donationali jure possessa et militari cessa redditus privati sint, dum fassione solemni mediante jura sua cessare debebant.

Et sane si hoc excorporationis tam amplae projectum in effectum deduci deberet vel posset, quid aliud praevidere est, quam novum militarem et politicam Regni jurisditionem Statumque inter odiorum, dissensionum et differentiarum fomitem excitatum iri; Civitas namque Carlostadiensis (Arce cum Pomoerio Statui Militari remansura) in Liberam et Regiam Civitatem evehenda Regno incorporanda benigne insinuatur, cum tamen secundum sui naturalem situm, quia videlicet ab oriente, meridie et occidente semper Militari jurisditione cincta esset, et ultro per pomoerij excisionem etiam ex Septentrionali parte cingetur, si pomoerium vel in minima parte pro Statu et jurisditione Militari excindatur, nullum suburbium imo ne quidem liberam viam aut pro foro quotidiano aliquod spatium reservatura sit, consequenter ad statum tantae Constrictionis ponetur, ut nec Commercio, nec Liberarum et Regiarum Civitatum sistemali administrationi deservire poterit, quae caeteroquin si a jurisditione Militari eximatur et ad Statum Liberae et Regiae Civitatis collocetur, Comitatus Zagrabiensi, in gremio cujus sita est, quoad politicam jurisditionem subijci et ingremiari incorporarique posset; ita et Bona excorporari projectata, ideo pro inclavatis declarata, quod Militari adiaceant Sztenichnyak, Claustri Paulinorum Kamensko, nec non sua serie recensita Episcopatus et Praepositurae Capituli Zagrabiensis, ita rippae Colapianae adsita sunt, ut in sinistra jam ab olim turbulentis illis irruptionum hostilium temporibus propter personarum et facultatum securitatem, partim etiam propter aquarum inundationes habitationum Loca in altera seu dextra rippa maxima in

parte ad subsistentiam populi necessaria arabilia et falcabilia terrena, imo ipsae Sylvae et pascua jaceant; insuper vero generice Bona Episcopatus et Praepositurae Zagrabiensis, in specifico vero Capituli Zagrabiensis, Sziszekiensi excorporationi per projectum subjiuntur: constat autem et palam certum est, Episcopatum ultra et praeter Hrasovicensem Praeposituram, Bona in utraque rippa Colapiana possidere, denique Arcem Sziszek cum totali Bonorum eo nomine vocatorum Corpore (solis binis, Komarovecz et Blinya, possessionibus ac sylvis, ad caput Bonorum pertinentibus et in dextra rippa situatis, exceptis). in ripa omnino sinistra jacere et Latius Savum ac Odrum versus in Regni jurisdictionem nulli inclavationi obnoxiam protendi; unde quid aliud expectandum venit, quam, quodsi ita in genere antelata Episcopatus, Praepositurae et Capituli aliarumque complurium Familiarum bene meritum jura et Bona ampliora, ideo, quia militari adjacent, per projectum Aulae Bellici Consilii Regno caeteroquin inaudito et in partem pertractationis nunquam vocata involvi, quae non inclavata, sed contiguae adjacentia sint, imo ipsa Militaria loca nonnulla magis provincialia inclavarentur, et tamen propterea, titulum acquisitionis ut uni ita alteri Statui non praeberet declarari et denique excorporationi lege vetitae subjiungi possent, majores Limitum et jurisdictionum ac unquam erant Confusiones differentiasque sequi et tandem hoc titulo nunquam cessaturas excorporationes ad nova projecta deventuras esse, quod utique a pietissima Majestatis Vestrae Sacratissimae mente alienum esse firmiter speramus.

Ipsa porro excorporatio, si etiam ex ratione Status et in Monarchiae Conservationem inevitabilem fieri deberet, quae ut projectata est, tanti momenti est, ut Comitatus Zagrabiensis actualis jurisdictionis et possessorii facile quartam partem superet, in sensu sistemalium Regni Legum extra generalia Regni Hungariae Comitatus institui non possit, nos enim partem saltem Sacrae Coronae constituimus et in praedictum ejusdem Sacrae Coronae ac Regni Hungariae nil agere possumus.

Proinde Majestati Vestrae Sacratissimae praemissa rationum momenta omni hic in parte candide et sincere exposita de genu humillime substernimus supplicantes, ut iis in benignam reflexionem demptis tam novi Comitatus Szeverinensis erectionem et instaurationem, quam omnem ad Statum Militarem quocunque sub titulo provincialis politicae jurisdictionis excorporationem clementer antevertere, et si quid utrisque his in meritis agendum esset, ad futura Generalia Regni Hungariae Comitatus benigne relegare rebusque in statu quo conservatis reservare dignetur Majestas Vestra Sacratissima. In reliquo vero in obsequium et altissimum Majestatis Vestrae Sacratissimae servitium vitam et sanguinem consecrantes emorimur

#### Majestatis Vestrae Sacratissimae

Dabantur ex generali nostra pro 27.  
et sequentibus Octobris Mensis Zagrabiae celebrata Congregatione.

Humillimi perpetuoque fideles subditi  
N. N. Regnorum Dalmatiae, Croatiae  
et Sclavoniae Status et Ordines.

#### A tergo:

Humillima Statuum et Ordinum Regnorum Dalmatiae, Croatiae et Sclavoniae in merito erectionis novi Severinensis Comitatus et ad Statum Militarem desideratae

excorporationis repraesentatio. — Prima DD. SS. et OO. Regni ad benignam Regiam resolutionem e generali pro 27. Octobris 1777 consistente Congregatione.

Orig. in Archivo Regni Croatiae. Acta Regni Congr. a. 1777. Nr. 36.

## CCLXIII.

*Anno 1777. die 10. Novembris. In Mrkopalj.*

Relatio Comitatus Severinensis de sui Instauratione et accepta organisatione, e prima sua generali Congregatione 10-a Decembris 1777, Consilio Croatico praestita, demonstrans, Commerciale Communitatem Fluminensem unum cum suis possessionibus Podbreg et Lopacza in dicto Comitatu Severinensi quoad contributionem ante Diplomaticam Elibertationalis ddo. 23. Aprilis 1776. emanationem taxatam, Regnoque Croatiae immediate incorporatam, hancque incorporationem usu roboratam fuisse.

Excelsum Consilium Regium, Domini nobis gratiosissimi, collendissimi, Posteaquam secundum Tenores gratiosi Excelsi Consilii Regii de dato 14-ae Maji anni labentis 1777, ad Dominum Supremum Comitem neo-erecti Comitatus hujus de benigno Jussu Regio emanati, ac Nro. Marginali 536. signati Intimati, idem Dominus noster Supremus Comes in merito Instaurationis ejusdem Comitatus generalem pro 10. et sequentibus decurrentis Mensis Novembris anni aequae delabentis 1777 diebus, in Possessione Merkopail, praefato Comitatu adjacenti, indicisset Congregationem, cunctosque Comitatus hujus gremiales Status et Ordines de praeapposito celebrandae Instaurationis Terminis Litteratorie edocuisse, ac conformiter ad posterius de dato 25-ae Septembris anni praescripti ad eundem Dominum nostrum Supremum Comitem sub Marginali Nro. 1011 emanatum gratiosum Excelsi Consilii Regii Intimatum, ipsum etiam vicinum Comitatum Zagrabiensem, quatenus hic pro praescripto loco et Terminis Deputatos suos ad mentem Benignarum Resolutionum Regiarum cum Regia Commissionem ibidem adfuturam in Comitatuque hoc Szeverinensi processuros exmitteret, interea autem executionem quanti Contributionalis et Domestici in partibus Transcollapianis Jurisdictioni praefati Inclyti Comitatus Zagrabienensis prius subjectis, jam vero Comitatu huic Szeverinensi accedentibus, inde a 1-ma Novembris anni currentis 1777. sisteret, Litteris suis isthic in Copia advolutis officiose requisivisset, quo minus Benigna haec dispositio Regia circa Objectum partium ad complendam novi hujus Comitatus integritatem ex Districtu Transcollapiano eidem Comitatu Zagrabien-

subjectarum et Comitatus huic nostro resignandarum Clementer elargita, debito effectui mancipari potuerit, illud omnino obstitit, quod praefatus Comitatus Zagradiensis nullum ex parte sua ad qualemcunque praemissorum intuitu pertractationem, vel proceduram, ex rationibus in advoluto itidem isthic in Copia ejusdem Comitatus Responso contentis, ingressum se facere posse declaraverit.

Quantum tamen ipsam Comitatus hujus Instaurationem attinet, non obstante eo, quemadmodum in erectione novi hujus Comitatus Benignitatis Regiae et vere maternae ad provehenda Boni publici commoda Sollicitudinis insigne documentum perenni gratitudine suscipimus et homagiali devotione sumus venerati, ita congregatis pro praescripto Terminis reliquis Comitatus hujus Statibus et Ordinibus, ejusdem Comitatus Instaurationem et in merito nonnullorum etiam aliorum in Benignis Resolutionibus Regiis expressorum, discutiique per nos clementer demandatorum negotiorum, generalem Congregationem omnino celebravimus, cuius Acta dum Excelso Consilio Regio hicce acclusa demisse submittimus, una Excelso Consilio Regio humillime referimus, relate ad 4-um in iisdem Actis contentum Articulum, Salaria Magistratualium nostrorum, aliasque in Schemate isthic adnexo contentas necessitates domesticas eferre universim florenos 7050, *Communitatis vero Fluminensis annum quantum Contributionale calculatum in Actis Commissionis Aulicae die 18-a Aprilis 1776 ad florenos 978 xr. 19½ assurgere ex Contributione denique pro anno 1766. per Statum Militarem exactatione Statu Provinciali nonnissi florenos 1043 xros. 34¾ cadere.* —

Hinc ad complendam quidem praevidiam in Schemate Salariali expressam summam, quemadmodum pro imponendo Dominiis quoque Chabar, Brod et Grobik, Dominiis item Cameralibus, ex Districtu antehac Commerciali efformatis, Quanto Contributionali, necessariam eatenus per Suam Majestatem Sacratissimam mediante Benigno de dato 26-a Juli 1776, ex Consilio Cancellariae Regiae Hungarico-Aulicae ad Excellentissimum Dominum Gubernatorem Fluminensem emanato Decreto Aulico et tenoribus postremae Benignae Resolutionis demandatam eandem Dominiorum Conscriptionem relate ad efformandam justam proportionem omnino proxime aggrediemur, ita et fundamento relate nempe ad Constitutivum et summam ipsius quanti Contributionalis ad mentem ibidem provocati Decreti Aulici. Quantum Contributionis juxta ejectionem anni 1770 in Schemate per Suam Majestatem Sacratissimam Benigne approbato contentum in fl. 3742 xr. 50 per nos ex generali hac Congregatione, inclusa etiam parte, quae ex praemissa Summa Communitati Commerciali Buccariensi inhaesura est, et per nos Communitatemque illam peracta mox Conscriptione, pro justo et aequo ab invicem separabitur, assumptum haberi demisse significamus, tamque Summam hanc, quam et refusionem Anticipationis florenorum 10.000 in Benignis Resolutionibus Regiis contentam, pro Salaris Status Personalis, comparatione praeterea Domus Comitatus, aliisque necessitatibus extraordinariis, in praeadvoluta Tabella uberius expressis, adinterim deservientis nobis applacitare gratiose dignetur. — Caeterum illud etiam Excelso Consilio Regio humillime referimus, quod cum plenariam repartitionem et ejectionem praemissi Quanti Contributionalis antelatis Dominiis uberius imponendi, impositae item Domesticae relate ad quantitatem Summae Benigna Ratificatio Regia, relate vero ad proportionem individualis Quanti ipsa Locorum Conscriptio praecedere debeat, ne interea omnis incassatio in aggravium ipsorummet Contribuentium suspensa remaneat, per mo-

dum interimalis impositae, hoc titulo cuius Domui xros 45. simus adrepartiti, *ea ratione, ut huic oneri etiam Possessiones binae Academiae Fluminensis Podbreg et Lopacza per immutationem praestationum Sbir et Sztrasa compellatarum, et hactenus per easdem dependi solitarum, simili modo sub titulo Contributionis subjecta habeantur.*

Quantum porro specificatos in Tabella Cassae Domesticae florenos 2000 concernit, Excelso Consilio Regio demisse referimus, hos titulo refusionis anticipationis Cameralis in fl. 10.000 eventualiter adnotatos quidem haberi, demissam nihilominus opinionem nostram illam esse, quod ab his plebs Contribuens Comitatus hujus relevari omnino posset, si ad Tenorem hic adnexi Cameralis Intimati, ad Excellentissimum Dominum nostrum Supremum Comitem expediti, in sortem hujus bonificationis ipsum praeadnotatorum 3742 florenorum et crucigerorum 50 Contributionale Quantum assumatur, exindeque Cassae Militari Zagrabiensi nonnisi annui floreni 1742 crucigeri 50 per quinquennium dependantur, donec nempe per annuos florenos 200 Cassae Camerali Posoniensi dependendos praemissa anticipatio fuerit expuncta.

Super quibus omnibus dum gratiosam Excelsi Consilii Regii Resolutionem humillime efflagitamus, una quoad superius insinuatam Partium Transcolapianarum per Deputatos Comitatus Zagrabiensis instituendam resignationem in iisdem Partibus inde a 1-a Novembris anni currentis sistendam Contributionem attinet, quo debita manipulandae Comitatus hujus tum Jurisdictionis, cum et Cassae ratio iniri possit, eidem Excelso Consilio Regio demisse supplicamus, quatenus congruos eatenus ordines ad praefatum Comitatum Zagrabiensem expedire gratiose dignetur. Qui in reliquo altis Excelsi Consilii Regii gratiis humillime commendati perseveramus.

Ex opere: De Jure Croatiae ad Urbem Portumque Fluminensem.

## CCLXIV.

Anno 1778. die 10. Aprilis. Viennae.

Maria Theresia Comitatum Severinensem instituit.

Nos Maria Theresia, Divina Favente Clementia Romanorum Imperatrix Vidua, Hungariae, Bohemiae, Dalmatiae, Croatiae, Sclavoniae, Lodomeriae, Galitiae, Bosniae, Serviae, Cumaniae et Bulgariae Regina Apostolica, Archidux Austriae, Dux Burgundiae, Styriae, Carinthiae et Carnioliae, Magna Princeps Transylvaniae, Marchio Moraviae, Dux Brabantiae, Limburgiae, Lucemburgae, Geldriae, Vürtembergae, Superioris et Inferioris Silesiae, Mediolani, Mantuae, Parmae, Placentiae et Gvastallae, Auschviczy et Zatori, Princeps Sveviae, Comes Habsburgi, Flandriae, Tyrolis, Hannoniae, Kyburgi, Goritiae et Gradiscae, Marchio Sacri Romani Imperii, Burgoviae, superrioris et inferioris Lusatiae, Comes



Mamurci, Domina Marchiae Slavonicae et Mechliniae, Vidua Dux Lotharingiae et Barri, Magna Dux Hetruariae &c. Memoriae commendamus tenore praesentium significantes quibus expedit Universis: Quod Nos, posteaquam pro singulari illa vereque Materna, qua in percharum Nobis Hungariae Regnum Partesque Eidem adnexas nullo non tempore ferimur, Propensionis et Benevolentiae studio, incensanti in provehendis omni ratione fidelis Nobis subditae Gentis Hungariae commodis vigilantes cura et sollicitudine, Commmercium quoque Regni hujus, quod angustis nimium hucadusque Limitibus circumscriptum erat, ex quo nihilominus innumerae omnem in Rempublicam promanant Utilitates, quodve ad solidam perfectamque Regni cujusvis felicitatem ut plurimum conferret, novis incrementis augere, illudve in perpetuum Materni affectus Nostri Testimonium et argumentum quam firmissime stabilire benigne decrevissemus, atque hoc Consilio ardentissimis Regnicolarum votis jam dudum exoptatam, summisque omni tempore Desiderijs suspiratam Partium Maritimarum, quae dissolutis Maritimis Regni Croatiae Comitatus distinctis subinde Gubernijs creditae erant, Reincorporationem motu proprio, ac tempore ubi minime putabatur, benigne resolvissimus, hacque ratione iteratis in Regni Diaetis antenatorum Fidelium Statuum et Ordinum Regni precibus clementer deferendo, factae etiam Eisdem Inaugurationis Nostrae tempore solenni de reapplicandis successive Sacrae Regni Coronae iisdem Districtibus et Provinciis, quas ad Eandem ab olim Jure pertinuisse, temporumque vicissitudinibus ac per varias circumstantias avulsas esse dignoverimus, in Verbo Regio Promissioni Nostrae satisfecissemus, Vigoreque Benignae Resolutionis hujus Nostrae Portus Buccari, Buccaricza et Porto-Ré, cum omni juxta Viam Carolinam posita Colonia, praehabitoque ibidem Commerciali Districtu, Sex Castellanus Bonorum Buccariensium complectente, ipsam praeterea Civitatem Carlostadiensem in Liberam Regiamque Civitatem evehendam, Regno Croatiae in specie reincorporari fecissemus; ultra haec porro Urbem et Portum liberum Fluminensem peraeque incorporando adjecissemus; Benigne una decrevimus, ut ex neo-reincorporatis praevia ratione Partibus (ijs unice, quae pro Rei Commercialis Manipulatione necessariae, ad immediatam quoad universa Publica, Politica et Judicialia non secus et Oeconomicalia constituti eatenus Gubernatoris Fluminensis Littoralisque Hungarici Jurisdictionem pertinebunt, et adjicientur, Portu utpote et urbe Fluminensi nec non alijs tribus Portibus Buccari, Buccaricza et Porto-Re, cum Incolis ac Terrenis suis, aliisque Locis Districtus ejusdem Littori Maris contiguus, qualia essent Tersactum, Costrena et respective Draga, exceptis), in veteris Vinodoliensis Comitatus locum novus Comitatus Szeverinensis Nomine insigniendus efformetur et errigatur, Eidemque non modo, ut justam Comitatus Extensionem nanciscatur, ferendorumque Onerum, praecipue vero conservandae Viae Carolinae par efficiatur, verum Manipulationi etiam Commerciali aptior reddatur, Districtus Trans-Colapianus, qui hactenus quidem Jurisdictioni Comitatus Zagrabienensis suberat, ob remotiorem tamen situm difficulter admodum administrabatur, majori publici utilitate adjiciatur. Praemissa autem ratione errigendum, atque per operantem actu in negotio Excorporationis Corporum et Districtuum ex Provinciali ad Militare Localem Commissionem suis Limitibus accurate distinguendum, ad Normam et ad instar aliorum Regni Hungariae Partiumque eidem adnexarum Comitatum efformari et in omnibus conformem fieri benigne volumus. Atque ideo Politica quaevis et Provincialia objecta, modalitate alias in Regno hoc introducta

et usitata, in Comitatu hoc quoque geri tractarique oportebit; adeoque in gremio illius, dum et quando necesse fuerit, Generales cum Interventu etiam, qui adesse voluerint, Dominorum Terrestrium Eorundemque Officialium, praevis semper per Curentales (uti moris est) invitandorum, Congregationes pro tractandis ejusmodi publicis Negotijs habebuntur; Quantum Contributionale, postquam ex instituenda Comitatus Conscriptione aequa et justa illius Proportio inter Loca Comitatus elaborata fuerit, a Contribuentibus de tempore in tempus sub onere dandarum de super Rationum medio constitutorum Generalis et Particularis Comitatus Perceptorum, debite semper exigetur et defectu absque omni persolvetur, solum demum ad Cassam Comitatus colligetur, inde vero ad Cassam Nostram Militarem erga Quietantias illic percipiendas fideliter administrabitur; Omnia denique, quae ab Incolis quocunque titulo praestanda veniunt, eo quo spectant in tempore aequae praestabuntur et administrabuntur; super omnibus autem perceptis et erogatis constitutus Comitatus Perceptor mox finito anno Militari cum requisitis Probis et Documentis sufficienter instructas Rationes, prout in Hungariae nec non Sclavoniae Regno usu venit, exhibebit, nolens vero vel intermittens compulsivis etiam medijs, idcirco praescriptis, per Magistratum cogetur. Elaborata vero semel inter Contribuentes suo legali modo Proportio absque gravi ratione publica Comitatus Determinatione vel in minimo immutari nequit. Cujus intuitu ea, quae Leges Regni et signanter Articulus sexagesimus Tertius Anni Millesimi Septingentesimi Vigesima Tertii in praemissis praescribunt, exacte observari debebunt. Processus et Litigia, quae inter Terrestres Dominos, vel alios Nobiles, ibidem sive in personalibus sive realibus vertentur, ac vi Legum Regni Foro Comitatus dijudicanda competunt, Magistratus pro administratione Justitiae per Partes suo modo requisitus et interpellatus, servatis de jure servandis, in hoc sibi concredito Comitatu dijudicanda assumet et decidet, Partibusque Justitiam juxta Regni Leges exacte et celeriter administrabit, admissa pro qualitate Causarum et Dictamine Legum intra vel extra Dominium, si causa appellabilis sit, a Vice-Comitibus et Judicibus Nobilium in Partibus (uti dicitur) procedentibus ad Sedem Judiciariam Comitatus, singulis Annis quoties necesse fuerit in Comitatu debite aequae celebrandam, inde autem ad Tabulam Nostram Banalem Appellatione. Occasione vero celebrandarum Sedium Dominalium Judex Nobilium cum Jurato Assessore praesentes semper adesse debebunt, diligenter illa, quae iisdem secundum praescriptum Legum incumbunt, curaturi. Et quia Magistratum hujusce Comitatus adinstar aliorum Comitatum jure etiam Gladii gaudere benigne velimus, Hinc jure hoc in solerter perquirendis et pro demerito puniendis Praedonibus aliisque malefactoribus ad exigentiam sancitarum eatenus Patriae Legum, pro quiete et Tranquillitate publica utentur. Statum porro Personalem et Salarialium Magistratuum Comitatus hujus, per Nos pro prima hac vice erga Propositionem clementer per Nos resoluti Supremi Comitis Josephi Maylath de Székely, Consilarii Nostri Intimi, praefati Portus et Urbis Fluminensis totiusque Littoralis Hungarici Gubernatoris, benigne denominatorum (subdivisione Comitatus hujus pariter juxta Opinionem ejusdem in duos Processus, alterum Maritimum, alterum Colapinum nominandum, instituenda, individuali autem Processus unius ab altero Divisione Ipsi Magistratui ac respective Universitati Comitatus relinquenda) illi conformem, qui in alijs quoque Regni Hungariae Partiumque eidem adnexarum Comitatibus praexistit ac respective

rectae proportionis exegit ratio, effiximus. Quoniam autem in Regno Hungariae Partibusque eidem adnexis illa observaretur Modalitas, quod quivis Comitatus Competentia Supremis Comitibus alijsque Officialibus et Servitoribus Comitatus Salaria ex Cassa sua Domestica persolvat: Ideo hic quoque ea Methodus observanda erit, ut universa Salaria et Stipendia Magistratualium et eorum spectantium aliaeve quaevis particulares Comitatus Expensae exinde persolvantur; Cassa haec tamen Domestica cum Contributionali nunquam commisceatur et confundatur, verum separatae et distinctae super hoc Rationes a Perceptore quotannis indispensabiliter exigantur, exactaeve revideantur, censuratae vero utriusque Ordinis Rationes, esto ab invicem separatae connexive tamen se habentes, Sigillo Comitatus et Subscriptione Magistratualium authenticatas, constituto in Regnis Croatiae, Dalmatiae et Sclavoniae Consilio Regio Varasdinum mittantur, cui nunc dicto Consilio Regio in omnibus ad instar aliorum Comitatum Regnorum Croatiae et Sclavoniae suberit, ac medio ejusdem de cunctis demissas suas Repraesentationes Majestati Nostrae facturus et benigna etiam Mandata Nostra eodem canali percepturus est. Cum vero pro pertractandis publicis Negotijs Domus quaeprimus Comitatus, qua omnes reliqui etiam Comitatus provisi essent, foret necessaria, pro tali in deligendo apto Loco errigenda, vel vero aere parato comparanda, erectaeque vel comparatae Domus Instructione Cassa Domestica Comitatus, unde similes erogationes fieri valerent, nulla adhuc praeexistente, Anticipationem Decem Mille florenorum ex Aerario Nostro Camerali, ea tamen cum Obligatione: Quo Summa haec intra quinquennium cum annua rata bonificetur, benigne resolvimus; Ipsam autem Bonificationem, habita reflexione Contribuentis novelli hujus Comitatus Populi, ea ratione praestandam clementer admittimus: Ut ex interimaliter Comitatu huic admensa Ter Mille Septingentorum Quadraginta Duorum florenorum, Quinquaginta Cruciferorum, Quotta Contributionali, per Quinquennium, donec nimirum anticipata haec Summa integre expuncta fuerit, Bis Mille florenis in Sortem Quanti Contributionalis imputatis, Cassae Militari nonnisi Annuu Mille Septingenti Quadraginta Duo floreni, Quinquaginta Cruciferi, inferantur. Denique quum ad plenum et perfectum Comitatus hujus Stabilimentum ejusdemque Instaurationem Concessio Sigilli Authentici, sub cujus videlicet munimine Judicariae Sententiae, Contractus item Solennes, nec non Emptiones ac Venditiones aliaeque publicae Forenses videlicet et Politicae Negotiationes et Expeditiones firmiores ac fidedigniores reddi possent, quaeque ad perpetuam rei memoriam rectorumque Actionum Normam ut plurimum faciunt, adhuc desideraretur: Hinc ad humillimam Fidelium Nostrorum totius Universitatis Praelatorum, Baronum, Magnatum et Nobilium novelli hujusce Comitatus Szeverinensis Supplicationem, ex prima sua in Mercopail celebrata Congregatione Nostrae propterea factam Majestati: Quo idem ex gratia et Clementia Nostra Caesareo-Regia ad legalem caeterisque Comitatus parem positus Activitatem Informationes suas altioribus Instantijs Nostris reliquorum regulatorum Comitatum adinstar sub fidedignitate de Lege Regni Comitatus competente submittere, Processusque Juridicos coram se promovendos ac alias tam in Juridicis quam Politicis occurrentes Expeditiones suas sub authentico facere, Negotia denique Comitatus hujus tanto majori cum Exactitudine manipulare possint, ex speciali Caesareo-Regia Gratia Nostra deque suprema Potestatis Nostrae Plenitudine id clementer indulgendum et concedendum esse duximus: Quatenus Sigillum pro

praemisso Usu confectum habere, eodemque in signatione omnium et quarumlibet Expeditionum suarum instar aliorum praefati Regni Nostri Hungariae Partiumque Eidem adnexarum Comitatum Ceraque rubra uti possint. Cujus quidem Sigilli Arma et Insignia sequentia forent: Scutum videlicet erectum, horizontaliter seu transversim sectum, ac superiore Parte polariter bipartitum; Pars prima exhibet Tesselas antelati Regni Nostri Croatiae Argento et minio stratas: Pars secunda e Dignitate pervetustae et a Seculis florentis Familiae Majláth de Székhely, ex qua nimirum rementionato huic Comitatus Szeverinensi de providentia Nostra Regia primus obtigit Supremus Comes et Moderator, refert in Area Cyano tincta Anchoram Argenteam, Pugione aureo, fulgente Copulo et viridi Ramo Olivae decussim inscriptis, oneratam. Pars demum Scuti inferior caerulea, ad Allusionem Portus Regii in Comitatu hocce Szeverinensi constructi, cernitur inter praealtos candicantes Scopulos seu Montes petrosos Commercialis Maritima Navis, expansis Velis, albo viridi et rubro Coloribus Ungaricis tinctis extremitati Navis sinistrae infixio minuto Rubro Vexillo, Crucem et quaternos Fluvios Ungaricos referente. In Centro majoris hujus Scuti continetur aliud minus Pectorale dictum Scutum Aureum, de peculiari Clementissima Concessione Nostra initialibus Augustissimi Imperatoris Filii Nostri Carissimi et Nostri nominum I. II. M. T. conspicuum. Eidem huic Scuto Majori incumbit Corona Vulgaris aurea; Telamonum Vices obeuntibus hinc Leone aureo, illinc Aquila nativi Coloris, Capitibus a Scuto aversis. Sigillum vero ipsum haec Epigraphe seu superinscriptio: Sigillum Comitatus Szeverinensis, circumdare visitur: Quemadmodum haec omnia in principio seu Capite praesentis Diplomatis Nostri, Pictoris edocta manu et artificio proprijsque et genuinis suis coloribus clarius depicta et ob Oculos intuentium lucidius posita esse conspicerentur; annuentes et ex certa nostra scientia animoque deliberato concedentes, ut Idem Comitatus Szeverinensis vigore praesentis benigni Diplomatis Nostri plenum suum stabilimentum et Consistentiam accipiens, atque ad parem cum reliquis Regni Nostri Hungariae Partiumque Eidem adnexarum Activitatem per Nos positus a modo in posterum futuris et perpetuis semper Temporibus in omnibus et singulis Litteralibus Instrumentis et Expeditionibus tam Forensibus quam Juridicis aliisque quibuslibet Nomine Universitatis saepefati Comitatus Szeverinensis expediendis Litteris Cerave rubra ex benigno Indultu et Gratia Nostra speciali clementique Annuentia uti semper possit ac valeat, Imo indulgemus, annuimus et concedimus, roboramusque et approbamus hujus Nostri Secreto Majori Sigillo Nostro, quo ut Regina Hungariae utimur, impendenti communiti Diplomatis vigore et Testimonio. Datum per manus Fidelis Nostri Nobis sincere dilecti Spectabilis ac Magnifici Comitis Francisci Eszterházy de Galantha, Perpetui in Frakno, Aurei Velleris et una Insignis Ordinis Sancti Stephani Regis Apostolici Magnae Crucis Equitis, Camerarij Consiliarijque Nostri Actualis Intimi, Comitatus Mossoniensis Supremi Comitis, Curiae Nostrae Regiae Magistri et per antelatum Nostrum Hungariae Regnum Aulae Nostrae, prout et praefati Insignis Ordinis Sancti Stephani Cancellarij, in Archi-Ducali Civitate Nostra Vienna Austriae, Die Decima Mensis Aprilis Anno Domini Millesimo Septingentesimo Septuagesimo Octavo, Regnorum Nostrorum Hungariae, Bohemiae et reliquorum Anno Trigesimo Octavo. Reverendissimis, Illustrissimis, Reverendis item ac Venerabilibus in Christo Patribus, Dominis Josepho e Comitibus de Bathyan Perpetuo in Némethujvár, Sacri Romani Imperij Principe, Strigoniensis, Adamo

Libero Barone Patachich de Zajezda, Colocensis et Bacsiensis Ecclesiarum canonicè unitarum Metropolitanarum Archi-Episcopis; Comite Francisco Zichy de Vásonkő Jaurinensis; Comite Carolo Eszterhazy de Galantha Agriensis; Christophoro e Comitibus Migazzi de Vaal et Sonnenturn, Sacrae Romanae Ecclesiae Cardinale, Principe Sacri Romani Imperij, Administratore Vaciensis; Josepho Gallyuff Zagrabiensis; Joanne Baptista Cabalini de Szlavnigrad Szegniensis et Modrusiensis seu Corbaviensis; Mathaeo Francisco Kerticza Bosnensis seu Diakoviensis et Syrmienensis; Comite Ladislao Kollonich de Kollegrad Transylvaniensis; Carolo Szalbek Scepusiensis; Comite Francisco Berchtold Libero Barone ab Ungerschitz Neosoliensis; Comite Antonio de Reva Rosnaviensis; Josepho Bajzath Veszprimiensis; Joanne Szilly Szabariensis; Ignatio Nagy de Sellye Albalregalensis; Emerico Kristovics Csanadiensis; (Sedibus Magno-Varadiensi, Nittrienensi et Quinque-Ecclesiensi vacantibus); Antonio Zlatarich Belegradiensis; Georgio Richvaldstky Tenagriensis; Stephano Nicolao Jaklin de Elephant Electo Almisienensis; Comite Sigismundo Keglevich de Buzin Electo Makariensis; Ladislao Kovács Electo Scardonensis; Raphaele Szent-Ivanyi Electo Arbensis, etc. Ecclesiarum Episcopis Ecclesias Dei feliciter gubernantibus; nec non Serenissimo Duce Domino Alberto per Regnum Nostrum Hungariae Locumtenente Nostro Regio, Spectabilibus item et Magnificis Comite Georgio Fekete de Galantha, Iudice Curiae Nostrae Regiae; Comite Francisco de Nádasd, Perpetuo Terrae Fogaras, Regnorum Nostrorum Dalmatiae, Croatiae et Sclavoniae Bano; Comite Adamo de Batthyán, Tavernicorum; Illustrissimo Sacri Romani Imperij Principe Nicolao Eszterházy de Galantha, Nobilis Nostrae Turmae Praetorianae Hungaricae Capitaneo; praelibato Comite Francisco Eszterházy de dicta Galantha, Curiae, Comite Joanne Csáky de Keresztszeg, Agazonum, Comite Francisco Döry de Jobbaháza, Pincernarum, Comite Joanne Erdödy de Monyorókerék, Cubiculariorum, Comite Antonio Károly de Nagy Károly, Dapiferorum, Comite Leopoldo Pálffy ab Erdöd, Janitorum Nostrorum Regalium per Hungariam Magistris, ac Comite Joanne Pálffy ab Erdöd, Comite Poseniensi, caeterisque quam plurimis saepefati Regni Nostri Hungariae Comitatus Tenentibus et HONORES.

Maria Theresia m. p.

Comes Franciscus Eszterházy m. p.

Franciscus Gyűry m. p.

*(Magnum Sigillum Regium pendens in zona aurea.)*

Orig. perg. in Archivo I. Comitatus Zagrabiensis.

**CCLXV.***Anno 1790. die 2. Septembris. Budae.*

**Veto Bani Comititis Joannis Erdödy de A catholicis in Regna Croatiae, Dalmatiae et Slavoniae non admittendis, in Comitibus Regni Hungariae dictum.**

Siquidem occasione praesentium Comitiorum per Diplomaticum in merito Augustanae et Helveticae Confessionis addictorum ab Inclytis Statibus et Ordinibus Regni Hungariae conditum Articulum id constitutum sit, ut memoratae Religiones ad Statum Pacificationum Linciensis et Viennensis reponantur et pro repositis ipso facto declarentur, quin ulla Regnorum Dalmatiae, Croatiae et Slavoniae facta fuerit exceptio:

Hinc, ne dictis Regnis, in quibus memoratae Augustanae et Helveticae Confessionis addicti nec Religionis exercitium, neque Possessionum capacitatem unquam habuerunt, ex supracitato II. Statuum Regni Hungariae Deciso imminere possit praejudicium, Ego, qua praerepetitorum Regnorum Banus, hisce declaro: me tam positivae Articulorum utpote 46. 1741, 23. 1687, 125. 1715 et 86. 1723 Diplomaticae quoque confirmatae Dispositioni, quam et Reversalibus Dominorum Augustanae et Helveticae Confessionis addictorum, in Diaeta Soproniensi de Anno 1681 de se extradatis, firmiter inhaerere, ac in conformitate memoratorum Articulorum et Reversalium nullatenus consentire posse aut velle, ut Favores praelibatis Dominis per supracitatum Articulum praesentis Diaetae concessi, ultra quam intra ambitum Regni Hungariae, adeoque huc non intellectis Regnis Dalmatiae, Croatiae et Slavoniae, extendantur. Et siquidem non obstante iterata tam mea, quam et Ablegatorum, ex Parte dictorum Regnorum ad hanc Diaetam exmissorum, interpositione, supradicti de Regnis his sonantes Articuli salvati haud essent, ad abolendum omne in Regnis Directioni meae creditis praejudicium (Juribus caeteroquin praelibatorum Regnorum sua via prospecturus), solemniter protestor et contradico praesentium vigore, petendo super hujusmodi Protestatione et Contradictione Authenticas Litteras Testimoniales extradari. Datum Budae die 2. Septembris Anno Domini 1790.

**Comes Joannes Erdödy m. p.**


**Regnorum Dalmatiae, Croatiae, Slavoniae Banus.**

**(L. S.)**

Orig. in Archivo Regni Croatiae inter Acta Banalia. A. 1790. N. 113.



# ADDITAMENTA.







## I.

Anno 1151.

Geysa II., Hungariae, Dalmatiae Croatiaeque Rex, iuramentum Colomani Regis, civitatibus Croatiae et Dalmatiae praestitum, civibus Tragurinis renovat.

Anno Dominice Incarnationis MCII., in anno regni mei II. Ego Geysa secundus, rex, secundi Bele regis filius, sceptrum paterni Regni, scilicet Hungariae, Dalmatie, Croatiae, Rameque jure hereditario optinens, juro super sanctam crucem vobis Tragurinis fidelibus meis civibus firmam pacem, mihi et filiis meis et successoribus tributarii ne sitis, Episcopum vero et Comitem, quem Clerus aut populus elegerit, confirmabo etc. etc.

*(Caetera ut in privilegio Colomani, quibusdam exceptis, quae hic in favorem Tragurien-  
sium speciatim statuuntur.)*

Farlati Illyricum Sacrum T. IV. p. 330.

## II.

Anno 1242. Clissae.

Bela IV. Rex Jadrensis privilegia, eisdem a praedecessoribus suis concessa, confirmat.

In Nomine Patris et Filij et Spiritus Sancti. Amen. Bela Dei Gratia Rex Hungariae, Dalmatie, Croatiae. Uniuersis litteras presentes inspecturis Salutem in Domino. Presentium tenore uolumus, fieri omnibus manifestum, quod ciues Jadrenses ad nos communi proposito uenientes promisserunt, quod

secundum Privilegia, a predecessoribus nostris eisdem concessa, nobis fidelitatem debitam obseruarent. Quorum uotis benigno concurrentes assensu, habito diligenti nostrorum principum consilio, decreuimus promittendum, ac promissum obseruandum, quod conuentionem, quam carissimus frater noster felicitis memorie Rex Colomanus cum eisdem maturius ordinauerat, ratam habere-mus et firmam, et effectui sepius per eosdem postulatam faceremus mancipari. Cuius conuentionis serie continetur: quod mediante fideli nostro homine, secundum consilium proborum uirorum in Jadra existentium, tantam summam pecunie, qua destructio muri, uel ruina ex parte maris ad nostrum commodum et honorem ualeat reparari, dare tenemur. Et insuper terram iacentem a Nedyri usque Reguna, preter illam, quam modo possident; item superius usque ad martindam in mare, preter terram pertinentem ad Comitatum Nonae, et terram Jubil, que est Hospitaliorum, quas eisdem non contulimus. Predicti uero Jadrenses debebunt nobis et successoribus nostris seruicia camere regie communiter exhibere, secundum quod auo nostro inclite recordationis Bele regi seruicia et fidelitatem seruauerunt, salva libertate, quam ab eodem Bela habuerunt. Ut igitur dicte rei series inconcussa permaneat, litteras nostras eisdem concessimus auree bulle nostre impressione roboratas. Datum in Clitia per manus Venerabilis Patris Stephani Vaciensis Episcopi, eodem Vaciense in Archiepiscopum Strigoniensem, Benedicto Albensi preposito in Archiepiscopum Colocensem postulatis, Reuerendo Bartholomeo quinque Ecclesiense, et Bartholomeo Vespri-miense, Stephano Zagrabiense, Episcopis, et alijs Ecclesias Dei feliciter gubernantibus. Arnaldo Palatino et Comite Simigiense, Dionisio Bano, Laurentio Voy-uoda, Matheo tauarnicorum nostrorum, Railando dapiferorum nostrorum magistris existentibus et alijs magistratus et Comitatus Regni nostri tenentibus. Anno ab Incarnatione Domini millesimo Ducentesimo quadragesimo secundo, Regni autem nostri anno septimo.

**Ex** Msc. Factorum libro primo, pag. 173, in Archivo Viennensi.

### III.

*Anno 1248. In insula Leporum.*

**Maria Regina hospitibus in Virovitica privilegia tribuit.**

Maria, Dei gracia Regina Hungarie, omnibus Christi fidelibus, tam presentibus quam posteris, presentem paginam inspecturis, salutem in salutis auctore. Ad universorum noticiam tenore presencium volumus pervenire, quod nos hospitibus nostris de Vereuche congregatis et congregandis eandem libertatis condicionem duximus ordinandam, quam hospites de Sugust ex Regie benigni-

tatis gracia favorabiliter optinuerunt. Ita tamen, quod ipsi singulis annis ratione Censuum quadraginta Marcas in monetis Domini Regis cum eadem celeritate secundum magis et minus, sicut se qualitas temporis optulerit, in festo Sancti Michaelis, homini nostro ad hoc a nobis pro tempore constituto, solvere teneantur; preterea ratione victus annuatim nobis debent dare sexcentos panes, sex boves pascuales, centum Gallinas, vini sexaginta cubulos, centum cubulos annone, cum cubulo quatuor palmarum. Nos siquidem prememoratis hospitibus, ut congregati conserventur, et congregandi securius valeant sustentari, terram ipsorum certis metis circumquaque duximus distinguendam. Cuius terre prima meta incipit a parte meridionali de magna uia, que de Valcha ducit versus Vereuche, ubi est terrea meta sub Illice, inde progreditur versus torrentem, quo dicitur Malacka potach, et transiens tendit ad quoddam virgultum, ubi est meta terrea, hinc protendendo per metas terreas per quandam planiciem vadit ad viam, que ducit in Vereuche, et ibi juxta ipsam viam est meta terrea, et transiens directe tendit ad silvam nomine Kabonak ad viam, que est juxta silvam Ravn, et transiens directe per eandem silvam vadit ad quandam arborem, que vulgo Gyrcean dicitur, ubi est terrea meta, et hinc ad quandam viam, que tendit versus Vereuche, ubi est meta terrea sub arbore, que Ihor dicitur, et inde ad arborem, que Has (hrast) vocatur, hinc ad arborem pomiferam, super qua est meta cruce signata, et inde tendit ad torrentem, que Seinna potok dicitur, et hinc transiens juxta silvam per metas terreas vadit ad unam viam versus occidentem, et ibi est meta terrea, inde reflectitur versus meridiem, et in radice cuiusdam montis juxta viam est meta terrea, hinc ascendit ad eundem montem, et in vertice ejusdem montis sub arbore Cerasi est meta, et descendit de monte versus occidentem, et in radice ejusdem montis sub arbore Cerasi est meta terrea, et hinc tendit directe versus fluvium Vereucha ad quoddam molendinum, et in superiori parte ipsius molendini transit ad arborem piri, ubi est meta terrea, et inde ascendit ad montem, in cujus supercilio est meta terrea, hinc descendendo ad quandam vallem ascendit ad unum ..... sub arbore Has est meta, et inde tendit ad vineam Pribnoy, hinc procedit ad arbores geminatas, quarum una est Has et altera Bik, ubi est meta terrea, et inde ascendit ad unum Berch, et per eundem Berch per metas ligneas descendit ad quoddam virgultum, ubi est meta terrea, et hinc reflectitur versus septentrionem ad viam, per quam itur de Vereuche ad villam Dus, et transiens ipsam viam directe vadit per saltus et planicies, metis in arboribus signatis ad Cheret, ubi supra arborem yegune est meta, et inde tendit in Dumbro per ligneas metas, pervenit ad quandam viam, ubi sub Illice est meta, hinc transiens ipsam viam tendit ad aliam viam, que Kyriszt vt dicitur, ubi est meta terrea, et crux in arbore signata, et per eandem viam vadit ad Lypocha, et per eundem fluvium Lypocha venit ad magnam viam, que ducit in Vorost, et juxta ipsam viam sub Illice est meta terrea, et per eundem Lypocha vadit inferius, et cadit in fluvium Burzoch, hinc transiens tendit ad gurgitem Chodoycha, et per eundem Chodoycha venit juxta Dravam, et procedit inferius et pervenit ad terram Ecclesie de Dobocha, ubi est meta in arbore yeguna cruce assignata, et inde separando de Drava reflectitur versus orientem, et per quandam semitam venit ad torrentem Donoch, et procedendo ab eodem Donoch cadit in fluvium Prisechna, in cuius fine fluvij est meta terrea, et inde per planicies eundo pervenit ad viam, que ducit in Belchev,

et transiens viam directe tendit ad fluvium Sylacoycha, ubi sub arbore pyri est meta, et per eundem fluvium vadit inferius et cadit in fluvium Vereuche, et per ipsam Vereuche tendit inferius et exit de aqua ad arborem Gyrtyan, sub qua est meta, hinc procedit per magnam silvam, per arbores cruce signatas. et venit ad flumen quoddam Kopynna nomine, et ab eodem flumine reflectitur versus meridiem, et tendit inferius ad quandam viam, in cuius transitu ex utraque parte aque sunt mete, et vadit per silvam, et in transitu silve est meta terrea iuxta viam, et ibidem iuxta eandem silvam in quoddam parvo loco reflectitur ad orientem, ubi est meta terrea, et inde procedit versus Ebres ad meridiem transit per viam, ubi est meta sub virgulto, et hinc tendit iuxta silvam Ebres. versus occidentem, ubi in arbore Has est meta, et inde declinat versus meridiem ad quandam viam, ubi est meta terrea, Hinc per eandem viam per metas terreas procedit versus occidentem, et venit ad viam, que Kyrist vt dicitur, et ab eadem via versus orientem in quodam parvo loco reflectitur ad meridiem, ubi sub arbore piri est meta, et inde procedit versus Grabroch metis terreis et arboribus cruce signatis, pervenit ad viam, que est iuxta Grabroch, et silvam Grabroch transit directe et iuxta silvam circumeundo pervenit ad magnam viam, que de Vaska ducit in Vereuchew, et per eandem magnam viam reflectitur ad priorem metam et sic terminatur. Ut igitur huius nostre ordinacionis series robur obtineat firmitatis, presentes litteras dupplicis sigilli nostri munimine concessimus roboratas. Datum in Insula Leporum per manus fidelis nostri Cancellarij Magistri Acus, Thesaurarij Albensis Ecclesie, Anno Domini Millesimo, ducentesimo quadragesimo octavo.

(*Sigillum pendens.*)

Originale in perg. in Archivo Regni Croatine. N. R. A. Fasc. 590. N. 23.

#### IV.

*Anno 1257. 2. Idus Januarii.*

**Bela IV. Rex hospitibus in Jastrebarska libertates tribuit:**

Bela, dei gracia Hungarie, Dalmacie, Croacie, Rame, Seruie, Gallicie, Lodomerie, Cumanieque Rex, vniuersis presentes litteras inspecturis salutem in eo, qui regibus dat salutem. Sublimitas regia, cuius est proprium in multitudine populi gloriari, solet amplio rem subditis concedere libertatem, ut per hoc famulantium numerus augeatur. Proinde ad uniuersorum noticiam tenore presentium volumus peruenire, quod hospites nostri de Jaztrabarcka de comitatu de Podgoria, nobis humiliter supplicarunt, ut libertatem, qua utuntur hospites nostri de Petrina et de Zomobur, eis concedere dignaremur. Cuius

quidem libertatis forma hec est: ut uidelicet eos nullus iudicum nostrorum præter maiorem uille eorundem, quem uoluntarie elegerint, audeat iudicare, et si ab ipsorum iudice conquerentibus satisfieri non poterit, iudex eorum in nostra præsentia et non alias super ipsa causa citatus teneatur et debeat respondere; et in quocunque casu inter ipsos hospites, uel per eosdem hospites contra extraneos aliquos, uel per extraneos contra ipsos hospites causa orta fuerit, eadem causa non duello, sed iuramento ac testimonio decidatur. Statuimus eciam, quod si banus eis ad ualorem unius marce dampnum fecerit, in centuplo restauret eisdem; tamen bano non aliud nisi domos suas occasione descensus dare teneantur, pro aliis uero necessariis precium recipiant; et si aliquis ipsorum prole caruerit, tam ipso uiuente quam a seculo transmigrante, bona sua cuicumque uoluerit libere conferat retinenda; et si quis ipsam uillam intrare uoluerit moraturus, omnia bona sua, domos uidelicet et alia, que possidet, omnibus scientibus liberam habeat uiuendi facultatem, et recedens de uilla, eandem retineat libertatem. Statuimus eciam, ut sacerdotem quemcunque uoluerint in suam recipiant ecclesiam, de decimis eorum prout (sic) mos est hospitibus ubicunque manentibus disponentes. Nec hoc uolumus sub silencio pertransire, quod predicti hospites nostri nobis annuatim pro collecta centum pensas, et pro tributo fori triginta pensas soluere tenentur. Ad hec, cum iidem hospites nostri de Jaztrabarcka se terra dicerent indigere, Stephano bano totius Sclauonie et Capitaneo Stirie dilecto et fideli nostro dedimus in mandatis, ut de terra filiorum Cuetk (Cvetko) et de terra filiorum Kundis, et de terra generacionis Draguzlay iobagionum castri de Podgoria et eciam castrensiis eisdem ad tria aratra assignaret. Qui nobis personaliter retulit et per suas litteras intimauit, quod ipsis hospitibus de terra predictorum hominum, ad tria aratra iuxta nostrum preceptum assignasset, sub hys metis: Prima meta incipit a septemtrione iuxta unum monticulum, ubi est meta terrea, et inde uadit in uirgultum, ubi est meta terrea. Deinde descendit in riuulum Dalych, per quem uadit inferius ad portum antiquum. Deinde cadit ad magnam uiam, per quam uadit ad partes orientales, cuius dextra pars ad locum fori, sinistra uero pars pertinet generacioni Draguzlai. Deinde tendit ad partem meridionalem, ubi frutex quercus uocatur et uadit ad pirum crucesignatum, sub qua est meta terrea, inde uadit ad arborem zyfla crucesignatam, inde cadit ad riuulum Chebdyn, ubi est meta, et ibi sumit filios Kundis sibi commetaneos. Deinde itur ad occidentem per eundem riuulum Chebdyn, parum eundo exit de riuulo ad terram filiorum Priba et peruenit ad terram filiorum Cueetk, cuius dextra pars loco fori, sinistra uero pars filijs Priba noscitur pertinere. Deinde venit ad metam terream ad occidentem, deinde ad fruticem quercus, ubi est meta terrea, deinde uenit ad pirum crucesignatum, ubi est meta terrea, deinde ad fluuium Podgoria, ubi est meta terrea. Deinde per eundem fluuium superius eundo peruenit ad magnum portum, ubi iuxta uiam est meta terrea. Deinde ad occidentem ad metam terream in horozt fundatam, ubi dextra pars loco fori, sinistra uero pars filijs Cuetk noscitur pertinere. Silua autem ibi existens communis esse debet iobagionibus castri et castrensiis ac hospitibus memoratis, sicut in eiusdem bani uidimus litteris contineri. Vt igitur premissa robur perpetue obtineant firmitatis, presentes litteras in testimonium perpetue firmitatis dari fecimus, sigilli nostri duplicis munimine roboratas. Datum per manus magistri Smaragdi, Albensis ecclesie prepositi, aule nostre uicecancellarij, dilecti

et fidelis nostri. Anno ab incarnatione domini millesimo ducentesimo quinquagesimo septimo. ij (2) Idus Januarij, Regni autem nostri anno uicesimo secundo.

(*Sigillum avulsum.*)

Originale in perg. in tabulario Communitatis Liberi et Regii Oppidi Jastrebarsko.

## V.

*Anno 1298—1307. Chasmae.*

**B. Augustinus Zagrabiensis Episcopus, Privilegium liberae villae sub Castro Ugra in Comitatu Zagrabiensi sitae, a praedecessore suo Michaelae concessum, confirmat.**

Frater Augustinus, miseracione diuina Zagrabiensis Episcopus, omnibus Christi fidelibus presens scriptum inspecturis salutem in domino sempiternam. Ad vniuersorum noticiam harum serie uolumus peruenire, Quod accedens ad nostram presenciam communitas hospitem libere ville nostre sub castro de vgra, per venerabilem patrem dominum Mychaelem Episcopum predecessorem nostrum ad libertatem et subscriptas condiciones libertatis in eundem locum aggregata, exhibuit nobis litteras priuilegiales eiusdem domini Episcopi, condiciones seu constitutiones libertatis ipsius communitatis continentes, petensque a nobis cum precum instancia, ut easdem litteras nostris litteris priuilegialibus confirmare dignaremur, quarum tenor talis est: Mychael dei gracia episcopus Zagrabiensis omnibus Christi fidelibus presentem paginam inspecturis salutem in omnium saluatore. Vniuersorum noticie harum serie declaramus: Quod condiciones libertatis hospitem noue libere uille nostre de vgra tam presencium quam futurorum a nobis eisdem concessae eatenus ordinauimus et stabiliuimus ordinatas, quod iidem hospites nostri maiorem uille quemcunque uoluerint ex communi voluntate eligendi seu preficiendi ac mutandi annuatim liberam habeant facultatem. Idemque maior uille ipsorum vniuersas causas pecuniales inter ipsos emergentes, una cum senioribus ipsius uille uidelicet pleno iure et iudicia pro sui usu exigent consueta, scilicet duodecim denarios pro iudicio. Maiores uero causas, ueluti homicidia, latrocinia, furta et incendia, uulnerumque illaciones et percussiones hominum in die fori accidentes, comes noster de vgra siue castellanus pro tempore constitutus una cum maiori uille teneantur iudicare. In quibus quidem causis due partes iudiciorum cedant ipsi comiti, terciam uero percipiat maior uille eorundem. Que quidem iudicia singula secundum merita seu qualitatem causarum exigantur et non ultra; et nulle cause inter ipsos ad duellum iudicentur, sed

per testes idoneos et iuramenta eorundem cause terminentur. Preterea quicumque ex ipsis alias se transferre uoluerit, curias et domos ac alias possessiones suas, si quas habuerit, liberum habeat vendendi arbitrium, et cum bonis suis recedendi quo elegerit, debito tamen curie sue persoluto. Si quis etiam ex eisdem hospitibus nostris heredum solatio destitutus decederet, bona sua et possessiones cuicumque uoluerit legandi et relinquendi liberam habeat optionem. Statuimus etiam in ipsa libera villa nostra liberum forum absque exactione alicuius tributi, die dominico celebrandum, ad quod forum die sabbati quicumque voluerint conueniant libere, usque meridiem diei lune si placuerint permansuri. Cuius quidem fori institutionem in detrimentum seu destitutionem fori fratrum nostrorum Capituli Zagrabiensis in Casna (Cassina) antiquitus preordinati esse uolumus, cum iidem fratres nostri, reformato tempore, facultatem habebunt ipsum forum restaurandi. Nec id pretermittimus, quod predicti hospites nostri a medio quadragesime nunc venturo, ad anni spacium, nobis et castellano nostro de vgra nullum censum debitum, dacia vel collectas dare aut seruicia exhibere teneantur, ymo exempti sint ab huiusmodi honore seruiciorum, siue debito; Completo uero anno annuatim in tribus festiuitatibus, uidelicet in festo sancti Regis Stephani, natalis domini, ac resurrectionis eiusdem, pascalem pecudem, singulas galinas, de singulis mansionibus, et singulos duos panes, nec non tres marcas in denariis Zagrabiensibus nobis offerre teneantur. Castellano uero nostro similiter in ipsis tribus festiuitatibus vnā ouem, viginti galinas et quinquaginta panes offerent annuatim. Volumus etiam, quod si (qui) seruiencium nostrorum fenum, pabulum aut aliquas res eorundem auferent violenter, maior uille ipsorum equum eiusdem auferendi habeat facultatem, et assignandi dampnum et iniuriam patienti, donec eidem satisfiat de illatis. Ipsos etiam hospites nostros exemimus et liberos esse annuimus ab omni viagio, nec compelli debeant in equis uel pedites Legaciones seu litteras deferre ad nos uel alias nostris pro causis quibuscunque destinati. In cuius rei memoriam et perpetuam stabilitatem presentes eisdem contulimus litteras sigilli nostri patrocinio communitas. Datum Chasme (in dominica reminiscere, per manus magistri Dominici lectoris, nec non Zagrabiensis tunc prothonotarij nostri, Anno domini Millesimo ducentesimo nonagesimo octauo). Nos igitur more pii patris, instancie et petitionum eorundem hospitum nostrorum inclinati censentes rationi consonum: tenorem eiusdem priuilegii diligenter inspectum iuste et rationabiliter emanatum conperientes, non abrasum, nec cancellatum, neque alicuius littere uicio deformatum, presentibus inseri fecimus et sigilli nostri autentici munimine roborari. In cuius nostre ordinationis et rei memoriam perpetuam presentes eisdem hospitibus nostris contulimus sigilli nostri autentici (appressionem) communitas. Datum et actum Chasme in festo sancti Georgii Martyris per manus discreti viri magistri Cirilli, prepositi chasmensis, protonotarii nostri. Anno domini M<sup>o</sup> CCC<sup>o</sup> Septimo.

Originale in pergameno cum Sigillo auulso, et transsumptum Jacobi Episcopi Zagrabiensis, a. 1348 in perg. una cum Transsumpto Capituli Zagrabiensis a. 1331. MSC. recentissimum, asservatur in mea collectione Diplomatum originalium.

## VI.

*Anno 1302. in crastino Pentecostes. In Hocucha (Okučani?).*

**Mladinus Šubić, Bosnae et Croatorum Banus, Spalatensibus immunitatem commercii et alia Privilegia concedit.**

Nos Mladinus, Banus Boznensis, omnibus quibus expedit, tenore presentium significamus universis, quod nos diligenter consideratis et inspectis fidelitatibus et servitiis Nobilium et Communitatis Spalati, obsequiose hactenus impensis et in posterum toto posse impendendis, hanc gratiam nostram damus. donamus et confirmamus specialem. Quod omnes mercatores Spalatenses, per uniuersum dominium nostrum Croatiae et Boznae emere, vendere, comparare, mercimonia apportare et auferre libere valeant et possint. Nihilominus hi omnes alii mercatores sua mercimonia in Ciuitate Spalatensi volentes et desiderantes apportare, non careant eadem gratia nostra supradicta, quoniam ipsis mercatoribus super fidem nostram Deo debitam yllare promittimus obseruare. Super quo omnibus Comitibus nostris, Rectoribus, officialibus et custodibus viarum, pro tempore constitutis, Croatiae et Boznae, per haec scripta firmiter praecipiendo mandamus, quatenus praefatos mercatores Spalatenses et omnes alios in praedictam Ciuitatem Spalatensem cum mercimoniis venientes et redeuntes, in nullo aliquo modo molestare vel etiam impedire praesumatis, sed potius eisdem vestrum consilium et auxilium, si opportunum fuerit, impendatis, sub obtentu nostrae gratiae plenioris; quod si quis vestrum ausu temerario secus fecerit et huiusmodi mandati nostri transgressor extiterit, noverit se pro certo suae personae propriae periculum incurrisse; et quia sigillum nostrum Banale nondum erat paratum, praesentes antiquo sigillo fecimus sigillari. Datum in Hocucha in crastin. Pentecostes sub Anno Domini 1302.

Lucius de Regno Dalm. et Croatiae. Hist. Lib. IV. Cap. XIII.



## VII.

*Anno 1307. die 4. Januarii. Scardonae.*

**Privilegium, a Paulo Croatorum Bano et Bosnae Domino  
Arbensi Communitati concessum.**

Paulus Banus Croatorum et Dominus Bosne omnibus Christi fidelibus, quibus expedit, presentes litteras inspecturis salutem in omnium saluatore. Quum dignum petentium desiderijs dignum est nos facile prebere assensum, et ea, que in tempore sunt, ne simul cum tempore labantur, expedit ut patrocinio litterarum roborentur. Hinc est quod ad universorum notitiam harum serie uolumus peruenire, quod consideratis dignis et iustis petitionibus egregij, prouidi et sapientis viri domini Marci Michaelis honorabilis Arbensis Comitis, nec non Iudicum, consiliariorum et vniuersorum eiusdem Ciuitatis: omnes terras, possessiones, pascua et nemora, que uel quas in dominio nostro habent et possident, eisdem et eorum heredibus heredumque successoribus, proutcunque (?) in eorum priuilegiis Regalibus et Banalibus tam de castro Jablana quam de alijs plenius continetur: perpetuo et irreuocabiliter, pacifice et quiete, cum omnibus suis pertinentiis habendas, possidendas et tenendas, sine contradictione aliqua per nos et nostros successores, in perpetuum confirmamus, collaudamus et approbamus, atque Jure perpetuo et irreuocabili roboramus. In cuius rei memoriam et maiorem firmitatem presentes litteras concessimus, sigilli nostri munimine roboratas. Datum Scardone die Quarta intrante Januario Millesimo, trecentesimo septimo.

*Signum Notarii:*

Ego Antonius Nimireus, Arbensis Archidiaconus, auctoritate apostolica Comes Palatinus et Imperiali Notarius publicus ac Iudex Ordinarius: ex priuilegio autentico dicti pauli bani, scripto in pergamena cum sigillo cereo impendenti, quod priuilegium positum est in Archivo uel Sanctuario Arbensi, fideliter excopiaui.

Originale in ciuitate Arbensi, ni fallor, apud familiam Nimireo. Copia in Archivo Musei Nationalis Zagrabiae.

## VIII.

Anno 1358. die 20. Februarii. Venetiis.

Tabulae pacis inter Ducem Joannem Delfino et Ludovicum I. Hungariae Regem initae.

(Vide Doc. XCVI. P. I. p. 127.) Incipit: „Joannes Delfino Dei gratia Dux Venetiarum“. In fine post Juramentum: „et omnium Sanctorum suorum“ (pag. 130) sequitur conclusio:

Quod quidem iuramentum prestitimus in manibus venerandi in Christo Patris D. Stephani Zagrabiensis Episcopi et Magnifici viri Domini Nicolai Regie Curie Jadrensis, Ambasciatorum et Procuratorum D. D. Regis ad hoc specialiter constitutorum, sicut constat per litteras Regias, scriptas Jadre sub anno Domini 1356 die 20. Febr., sigillatas sigillo suo secreto. Nomina autem nostrorum Nobilium, qui nobiscum iurauerunt, sunt hec:

S. Joannes Lauredano	}	Consilarii	DD. Petrus Badoaro.
Petrus Carauello		nostri	Bernardus Justiniano Proc. S. Marci.
Joannes Mocenigo		Venetia-	Petrus Memo.
Andreas Fosculo		rum.	Bertucius Grimani
Laurentius Dandulo			et Marcus Mauroceno.
Marcus de Priolo			
et DD. Petrus Steno	}	Capita	Omnes honorabiles ciues nostri Veneti pro se ac heredibus et successoribus eorum et tota Ciuitate Venetiarum predictum iuramentum prestaverunt. Actum Ve- netiis in Ecclesia S. Marci presentibus Reverendo Patre D. Raimundo electo Patracensi (sic) Archiepiscopo. Ven. V. D. Neapoleone de Libertis Ordinis S. Joannis Ierosolomitani Priore. Ven. D. Paulo Cantore et Canonico Zagrabiensi et D. Ladislauo Carenzo Duder . . . . , rogatis et aliis.
Marcus Barzano et		Consilii	
Daniel Victuri		de 40.	
DD. Marcus Cornario	}	Procuratores	
Petrus Gradenico		S.	
Franciscus Bembo		Marci	
DD. Andreas Erizzo	}	Procuratores	
et Nicolaus Faledro		Ecclesiae S. Marci.	
D. Marcus Lauredano			
et D. Pancratius Sorgio Procur. Comm. Ven.			

Anno Domini 1358 Indictione 11 die dominico 25. Febr. feliciter. Amen.

Ex antiqua Copia in mea collectione Diplomatum.

## IX.

*Anno 1387. die 22. Julii. In Sutiska.*

**Tvartko, Bosnae Rex, Communitati Clissae privilegia  
concedit.**

Nos Tvartko etc. .... Itaque ad nostram accedentes presentiam Viri Nobiles et discreti, antiquique nostri fideles, scilicet nobiles de Clissa, D. D. Francus Archipresbiter ciuis Clissi, et Matheus Georgij de Rogauichi ac Ostoya Juradini, Nuntij et Ambasciatores ex parte communitatis Clissie .... conseruabimus in omnibus Ordinationibus, quas dicunt habuisse tempore predecessorum nostrorum D. D. Banorum Mladini et Pauli, atque Comitis Georgij: scilicet nobis et nostris heredibus teneantur semper et in perpetuum Omagij fidelitatem obseruare. Item prefata Communitas possit sibi eligere Comitem, cui teneatur annuatim dare duo exenia, videlicet in Natiuitate Domini et in festo Pascatis. Item tributa, quae congregantur in Burgo Clissi de forensibus et de carne, seruentur pro comunitate fidelium nostrorum Clissiae et teneantur dare Comiti Clissi 300 libras, et ad datum vnquam ipsos compellemus. Item Prefata Communitas possit sibi semper eligere Iudices, et omnia bersagia seruientia pro predicta Camera nostra ..... Datum in Aula nostra Regali Sothesca 22. Mensis Julij sub Anno Domini 1387.

Joannis Lucii Memoriae di Traù pag. 512.

## X.

*Anno 1390. die 11. Junii. In Sutiska.*

**Stephanus Tvartkus, Bosnae Rex, Sibenicensibus promittit, se eorum libertates, eisdem a Ludovico Hungariae  
Rege concessas, conservaturum.**

Nos Stephanus Twartcho, Dei gratia Rascie, Bosnie, Maritimeque &c. Rex. Omnibus Christi fidelibus, tam presentibus, quam futuris, presentium notitiam habituris, salutem in omnium Salvatore. Preheminens regalis sublimitas

divini juris et humane legis, auctoritatibus autenticis de Regimine Principum eiacentibus, non solum de ordine status Regni, verum etiam ex dispositione civitatum proponens universum exitum reipublice debet disponere, et etiam providere, bone rei dare consultum, publiceque utilitati dare subsidium, magne virtutis nomen in eternum et sortiri; verum si laudabile sit antiquas bonas consuetudines et municipales leges conservare, equa laude priora usitata nova debent jurisdictione roborari, ut fruentibus bonis legibus, consuetudinibusque approbatis civitates et Regna valeant feliciter augeri. Ad universorum preinde notitiam harum serie volumus pervenire. Quod viri nobiles et prudentes Dominus Duymus Furatych, et Dominus Joannes Naplavich, ambaxiatores et syndici communitatis civitatis Sibenici, ad nostram Majestatem transmissi, attentius nos rogantes, ut omnia privilegia, libertates et gratias eorum olim ab illustrissimis ..... collatas, presertim felicitis recordationis Domini Ludovici, Regis prefati Regni Hung. .... pro eisdem, eorumque heredibus nostro privilegio dignaremur confirmare, eosque permittere ..... ipsorum; sicut tempore prefati Domini Ludovici Regis vsi fuerunt ..... profectum et statum bonum totius Regimini, ex bono Regime, pro quo de ..... dictorum civium nostrorum Sibenicensium recensitorum, ut ipsi de virtute ..... vigeant, et tranquillitate quiescant, ac in facultatibus habunde gratulenter ..... libertate ..... temporibus in favoribus et prerogativis ipsius civitatis fuerunt observati ..... protectionisque libere observentur; ut ipsa civitas nostra regalibus munitionibus ex ..... et gratiis confirmetur, propositis petitionibus ipsorum syndicorum, et ambaxiatorum, ac civium predictorum ex parte totius ..... talis jam dicte civitatis, statuta, reformationes, et consuetudines ipsius civitatis Sibenici priorum Regum olim Hungarie datas, presertim per inclytum Principem, Dominum regem Ludovicum, fratrem nostrum dilectum, mediante juramento manutactis corporaliter sacro sanctis Evangeliiis, acceptamus, ratificamus, et approbamus; de Baronum nostrorum consilio prematuro, Regia auctoritate, pro eisdem fidelibus nostris civibus, civitatis Sibenici, ipsis, eorumque heredibus, successoribus, et posteritatibus universis, perpetue confirmamus, ratificamus et approbamus, inviolabiterque promittimus; cameram vero salis, et trigesime pro nostra Majestate reservantes; nullum aliud dacium ipsis inferentes; et quod sal nostre Camere in civitate Sibenici, debeat vendi eo pretio, quo venditur in alijs nostris camaris Dalmatie; volentes etiam omnem gratiam per Majestatem nostram ipsis collatam, nullo modo infringere, ei perpetuo firmam et ratam habere, et tenere; promittentes eisdem fidelibus nostris Sibenicensibus, nostro mediante juramento, tenere eos in pace bona et quietam, ipsos et civitatem Sibenici tutam et tutos facere, defendere, tuerique viriliter, et potenter juxta nostram possibilitatem contra omnes homines, volentes ipsos opprimere; et hoc ideo, quia Syndici vice et nomine communitatis Sibenici, ut de ejus syndicato constat, Magistri, filii quondam Gvilelmi de Albanis de Regio, publica imperiali auctoritate notary, nunc vero juraty Cancellary communitatis Sibenici juraverunt corporaliter, deosculando lignum Dominice vivifice crucis, nobis et nostris heredibus et successoribus, de nostro corpore legitime procreatis, omagium fidelitatis observare, recognoscentes nos pro ipsorum Domino naturali; nullumque alium Dominum recipere, nec habere pro suis temporibus preter nos et nostros heredes, et successores, ut prefertur; submittentes

se ipsorumque filios, successores et posteros, totamque civitatem, cum omni populo ipsius civitatis, et toto ejus districtu, sub dominio, tuitione, et protectione nostre Majestatis perpetuis temporibus, ut constat per ipsorum duo privilegia unius tenoris confecta, alterum ideomate litterali, alterum vero idiomate Sclavico, autentico sigillo eorum pendenti, ipsius communitatis consvelo. Nos vero tenebimur ipsos conservare, et tenere in suprascriptis libertatibus, promittentes etiam prefatis nostris fidelibus communitati Sibenici, quod nunquam ponemus, nec ponere faciemus duanam seu tributum recipere circa vel ante portas predictae civitatis Sibenici; insuper addimus, largimur et donamus ad territorium, seu districtum predictorum fidelium nostrorum Sibenicensium medietatem ville Helmlani, quae medietas, ut dicitur, semper fuit Dominij, cum omnibus attinentiis, quae ad prefatam medietatem pertinebant. In quorum omnium, et rei memoriam, firmitatemque perpetuam, presentes concessimus litteras nostras privilegiales, pendentes autentici sigilli nostri dupplicis munimine roboratas. Datum in aula nostra regali Soteske, per manus Thome de Lusach, aule nostre Vice-Cancellary dilecti et fidelis; presentibus Magnificis et egregiis viris Dominis Comite Dabissa, Comite Stypoye Hervatinich, Comite Paulo Radinovich, Triphone de Katharo, aule nostre protovestiario, Vlatchone Uojvoda de Usora, Comite Priboye Masnovich, Supano, Vylaco, Sancovich, et .....snovich. nostro Pincerna, nostris fidelibus et dilectis, sub Anno Domini Millesimo, trecentesimo — nonagesimo — die undecima mensis Juny.

*(Locus Sigilli pendentis.)*

Ex authographo Coll. Nicol. Jankovics. Féjer Codex Dipl. Hung. T. 10. V. 1. p. 615.

## XI.

*Anno 1390. die 22. Julii. In Suteska.*

Stephanus Tuartko, Rasciae et Bosnae Rex, jura et libertates Insulae Brachiae, eidem a Ludovico Rege concessa, confirmat.

Nos Stephanus Tuarco, Dei gratia Rassiae, Bosnae, Maritimaeque rex. Omnibus Christi fidelibus, tam praesentibus, quam futuris, praesentium notitiam habituris, salutem in eo, in quo in terris Regnantium solia sunt erecta. Praeeminens Regalis sublimitas Divini juris, et humanae legis auctoritatibus authenticis de regum Reg. Principum jacentibus non solum de ordine status regni, verum

etiam ex dispositione Civitatum, et Insularum proponens, et diversum exitum Reipublicae debet disponere et, etiam providere, bonae rei dare consultum, publicaeque rei dare subsidium; magnae virtutis nomen in aeternum est sortiri. Verum si laudabile sit antiquas bonas consvetudines, et municipales leges conservare aequa laude ... priora usitata nova jurisdictione roborare, ut fruentibus bonis legibus, consvetudinibusque aprobatis Civitates, Insulaeque Regnorum, valeant feliciter augere. Ad universorum notitiam proinde harum serie volumus pervenire: Quod ad nostram accedentes praesentiam viri nobiles Georgius Doymi, Nixa Petrulli, et Michael Baloy Ambasciatores, et Sindici de Insula Brachiae missi per praedictam Communitatem Brachiae cum litteris Magnifici Viri D. Jonas (Joannis) Bani Macuae, Regnorum nostrorum Vicarii Generalis, quas eis in persona Nostrae Majestatis, nostra auctoritate in cautela infrascripta concessit, se ipsos, totamque Insulam, cum omni populo, et districtu ipsius Insulae Brachien. vice, et nomine praefatae Insulae, nobis, et nostris Haeredibus de nostro corpore legitime procreatis, cum fidelitate offerentes, ut in eorum Sindicatu constat per manum Magnifici Radini Dragote Civis Sibenicensis, Imperiali auctoritate Not. publici, et vere jurati Cancellarii comunitatis Brachiae, juraverunt corporaliter deosculando Lignum Dominicae Crucis, nobis, et nostris haeredibus, et perpetualiter observare, recognoscentes nos pro eorum Domino naturali, nullumque Dominum alium recepisse, nec habere perpetuis temporibus praeter nos, et nostros haeredes, et committentes se, ipsorumque filios, successores, et posteros, totamque Insulam cum omni Populo ipsius et toto ejus districtu sub tuitione, et protectione nostrae Majestatis, perpetuis temporibus, ut constat per ipsorum Privilegia, unius tenoris confecta, alterum Idiomate litterali, alterum vero Idiomate Slavico, cum authentico ipsorum sigillo pendente Communitatis ipsius consueto.

Qui quidem Ambasciatores, et Sindici praefatae Insulae nos attente rogaverunt, ut omnia Privilegia, libertates, et gratias olim ab Illustr. Regibus ipsis colatas, praesertim a felicis recordationis D. Ludovico R. R. Hungariae, fratre nostro dilecto, quod eis, eorumque haeredibus nostro privilegio dignaremur confirmare, eosque permittere, ut gratiis, libertatibus, Statutis, reformationibus, et consvetudinibus ipsorum sicuti tempore praefati Regis D. Ludovici usi fuerunt.

Nosque attendentes fidem, et legalitatem praefatae Communitatis, habitoque Consilio, Baronum nostrorum matura deliberatione, considerantes utilitatem, proficuum, et statum bonum totius Regni nostri, ex bono regimine, pro quo Deo auxiliante continue laboramus, prosequi, et nancisci, fidelitatibus praedictae Communitatis Brachien, ut ipsi de virtute boni praesidentis, in pacis tranquillitate quiescant, et in facultatibus abundant, et gratulentur: volentes ut ipsa Communitas nostra Brachiae Regalibus intentionibus exaltata in dictis Privilegiis, et Gratiis confirmetur, propositum petitionibus ipsorum Sindicorum, et Ambasciatorum praedictorum ex parte totius Communitatis jam dictae Insulae Brachiae, plenum mandatum habentium favorabiliter exauditi, omnia et singula Privilegia, libertates, et gratias, caeterasque litteras emanatas in favorem dictae Insulae, Statuta, Reformationes, et consuetudines ipsius Communitatis Brachiae per ipsos Reges olim Hungariae datas, praesertim per Inclitum D. Ludovicum, mediante juramento manutactis Sacrosanctis Evangeliiis, acceptamus, ratificamus, et approbamus Regia nostra auctoritate pro eisdem fidelibus nostris Communitatis Bra-

chiaie, ipsis, eorumque haeredibus successoribus, et posteritatibus universis, perpetuo confirmamus, ratificamus, et approbamus inviolabiliterque observare promittimus; Cameram vero Salis, et XXX. pro nostra Majestate reservantes, nulum alium Datum ipsis inferentes, nisi illud quod tempore praefati Regis Ludovici fuerit usitatum; et quod Sal nostrae camerae in praedicta Insula vendatur eo pretio, quo venditur in aliis Cameris nostris Dalmatiae.

Insuper addimus, et fidelibus nostris Communitatis Brachiae ad majorem ipsorum consulationem, de nostra gratia spetiali ..... ut eadem Communitas possit libere eligere sibi in Comitem unum ex nostris fidelibus, cum confirmatione tamen nostrae Majestatis. Volentes etiam omnem gratiam, per Majestatem nostram ipsis collatam, nullo modo infringere sed perpetuo firmam, et ratam habere. Promittentes ipsos, ipsorumque Universitatem in bona pace et quiete tenere, defendere, ac tueri, contra omnes homines volentes ipsos opprimere, viriliter, et potenter juxta posse nostrum. In quorum omnium, et rei memoriam, firmitatemque perpetuam, praesentes concessimus, et litteras nostras privilegiatas pendentes, et authentici sigilli nostri duplici munimine (fecimus) roborari.

Datum in Aula nostra Regali Suteschae per manum Thomae de Lusach, Aulae praefatae V. Cancelarii dilecti et fidelis, praesentibus Magnificis et Egregiis Viris D. D. Comitibus Barissa (Dabissa) Comite, Stipoe Harvatone Comite, Paulo Radini, Triphone di Cattaro Aulae nostrae Protovestiario, Vuladone (Vlatchone) Vojevoda, Uhoja (de Usora) Comite, Priboe Masnorchich Bubano (Supano), Biliaco Sencovich, et Sladiuhio Masnovich nostro Pincerna, nostris fidelibus, et dilectis sub Anno Domini: 1390. Ind. XIII. die 23. Mensis Julii.

(L. S.)

Francesco Minalli Cancelier della Brazza ha d' altra fida mano fatta copiare d' altra simile authentica esistente appresso del Sig. Vincenzo Prodi, in-contrato, sottoscritto e sigillato.

(L. S. N.)

Niccolo Wragnizan Nod. Pub. ha fatto copiare da fida mano dal Libro de' Privilegj a stampa, sottoscritto e sigillato.

Cicarelli. Osservazioni sull' isola della Brazza. Venezia 1802, p. 126.

## XII.

*Anno 1390. die 30. Augusti. In Sutiska.*

**Stephanus Tuartko, Rasciae et Bosniae Rex, Spalatensi Ecclesiae protectionem spondet.**

Stephanus Tuartcho Dei gratia Rasciae, Bosinae Maritimaeque Rex, omnibus et singulis Christi fidelibus, tam praesentibus quam futuris praesentium notitiam habituris, salutem in eo, in quo in terris regnantium solia Principum et Regum sunt erecta. Si Regia excellentia sublimatur, eique laus et honor accrescunt, et ipsius nomen extollitur, et status suscipit felicia incrementa, cum magnanimitatis dona, gratitudinis vicissitudine quadam, quae illius pars est maxima, dispensat, et subditis praemia juxta eorum merita pari sorte largitur, quanto magis si in Ecclesias fidei catholicae, ecclesiastica, quae personas, praecipue sibi subditas, et ob ejus reverentiam, per quem Reges regnant et Principes dominantur, praesertim in justis petitionibus exhibet se gratiosam, favorem et benignam; attento igitur hoc, et quod per eum regnamus, qui fidei catholicae, cujus plantulam me recolo, Fundator, Caput et Rector, Ecclesiasticarumque Personarum pastor. et earum et nostrum omnium Dominus et custos. Quumque Reverendus in Christo Pater Dominus Andreas de Gualdo, Legum doctor, eadem Dei gratia Archiepiscopus civitatis nostrae Spalati, fidelis Consiliarius et Capellanus noster spiritualis, ad nostram accedens praesentiam, nobis humiliter et devote (repraesentavit), ut ipsum et Ecclesiam suam praedictam, in ipsorum juribus, jurisdictionibus, possessionibus, decimis, redditibus et consuetudinibus, quibus praedecessores sui temporibus Domini Ludovici Regis usi fuerant, confirmare, manutenere, protegere, et defendere, ac tueri gratiose studeremus, petierit. Nos igitur attendentes fidem, legalitatem ipsius, ac morum honestatem, et inclinati ipsius humilimis, devotis, et justis supplicationibus, et nunc de certa nostra scientia, et mera liberalitate, eundem et dictam suam Ecclesiam, ejusque successores, nobiles et villanos, nec non possessiones, terras, tenutas, mollendinas, territoria jura et bona ipsorum praesentia et futura, et quocumque justo bono habita, et habenda, cum universis possessionibus, terris, tenutis, jurisdictionibus, metis, confiniis, villis, hominibus et habitatoribus suis gratiose sub protectione et tutela nostris specialibus, tenore harum recipimus et confirmamus. Quarum vigore committimus et mandamus magnifico viro fidei nostro et dilecto Paulo Clessich. Vaivodae Regni Crovatae, et aliis nostris officialibus, praesentibus et futuris, in Regnis nostris Dalmatiae et Croatiae constitutis, vel in futurum constituendis, quibuscumque nominibus seu titulis nuncupatis, quatenus ex nunc in antea, vice et nomine nostris et causa in persona nostri, ipsum D. Archiepisco-



pum et suam Spalatensem Ecclesiam, nec non successores suos, qui nobis et nostris haeredibus fideliter adhaeserint, ac etiam omnes villanos, possessiones terras et bona praedicta in juribus, jurisdictionibus, metis, et confinibus et pertinentiis ipsorum praefatis, protegant et defendant, ac protegere, praeservare, defendere debeant, et tueri ab omnibus, eos, vel eas, vel ea impedire, opprimere, perturbare, damnificare, aut laedere volentibus quovismodo. Si quis autem contra praedicta, nostram majestatem praesumpserit attentare, indignationem nostrae majestatis incurrat, harum nostrarum sub testimonio litterarum, quas in consuetudinem praemissorum, sub sigillo nostro concessimus sub appenso; donec tamen in debita fidelitate, obedientia et subjectione nobis, et nostris praefatis haeredibus perstiterint, deum praestiterint valitura: salvis certis tamen juribus alienis. Datum in Aula nostra Regali Sutescha per manus fidelissimi dilecti Thomae dd Luzach praefatae Aulae nostrae Vicecancellarii sub Anno Domini MCCCXC. XXX die Augusti mensis. XIII. Indictione.

Farlati Illyricum Sacrum T. III. p. 334.







# JURA

REGNI

**CROATIÆ, DALMATIÆ & SLAVONIÆ.**

EDIDIT

JOANNES KUKULJEVIĆ ALITER BASSANI DE SACCHI.

**PARS II.**

---

**ZAGRABIAE, 1892.**

VELOCIBUS TYPIS DRIS. LUDOVICI GAJ.

# **ARTICULI & CONSTITUTIONES**


## **DIÆTARUM SEU GENERALIUM CONGREGATIONUM**

**REGNI**

**CROATIÆ, DALMATIÆ & SLAVONIÆ.**

**EDIDIT**

**JOANNES KUKULJEVIĆ ALITER BASSANI DE SACCHI.**



---

**ZAGREBIÆ, 1892.**

**VELOCIBUS TYPIS DRIS. LUDOVICI GAJ.**





# JURA

REGNI

**CROATIÆ, DALMATIÆ & SLAVONIÆ.**

EDIDIT

JOANNES KUKULJEVIĆ ALITER BASSANI DE SACCHI.

**PARS III.**

---

**ZAGRABIAE, 1862.**

VELOCIBUS TYPIS DRIS. LUDOVICI GAJ.



# CONSTITUTIONES COMITIORUM

## REGNUM CROATIAE, DALMATIAE & SLAVONIAE

SPECTANTES.

(EX CORPORE JURIS HUNGARICI EXCERPTAE.)

EDIDIT

JOANNES KUKULJEVIĆ ALITER BASSANI DE SACCHI.



---

ZAGRABIAE, 1862.

VELOCIBUS TYPIS DRIS. LUDOVICI GAJ.



## Index partis II.

	Pagina
<b>Anno 1273.</b> Constitutiones in generali Congregatione Regni totius Slavoniae factae, a Mathaeo Bano a. 1273 confirmatae et a capitulo Chasmeni anno 1350 transumptae . . . . .	3
„ <b>1347.</b> 21. Decembris. Zagrabiae. Vestigium Generalis Congregationis totius Regni Slavoniae die 21. Decembris a. 1347 Zagrabiae celebratae . . . . .	6
„ <b>1353.</b> Tinninii. Generalis Regni Dalmatiae, Croatiae et Slavoniae Congregatio anno 1353 Tinninii celebrata, qua nobiles, non habentes decem Jobagiones, a decimis, Episcopo Tinniniensi pendi solitis, immunes declarantur . . . . .	7
„ <b>1361.</b> Zagrabiae. Vestigium Generalis Congregationis Regni Slavoniae die 13. Novembris 1361 Zagrabiae celebratae . . . . .	8
„ <b>1396.</b> Nonae. Vestigium Generalis Congregationis Regni Croatiae et Dalmatiae, praeside Vicario ac Iudice Generali regio a. 1396 Nonae celebratae . . . . .	10
„ <b>1396.</b> Nonae. Vestigium Generalis Congregationis Regni Croatiae et Dalmatiae, praeside Vicario ac Iudice Generali regio, a. 1396 Nonae celebratae . . . . .	11
„ <b>1396.</b> 24. Junii. Nonae. Sigismundi Regis Vicarii Generalem Regni Dalmatiae et Croatiae Congregationem Nonae celebrant et insulam Pagum liberam a jurisdictione Jadrensiu declarant . . . . .	13
„ <b>1396.</b> 27. Junii. Pagi. Statuta Generalis Congregationis Regni Croatiae et Dalmatiae a Vicario et Iudice Generali regio Nonae convocatae . . . . .	15
„ <b>1439.</b> Crisii. Constitutiones Nobilium Regni Slavoniae, in generali ipsorum Congregatione Crisii a. 1434 servata, datae . . . . .	17
„ <b>1492.</b> Articuli Nobilium Regni Slavoniae anni 1492 . . . . .	20
„ <b>1527.</b> 1. Januarii. In Cetin. Status et Ordines Regni Croatiae Ferdinandum, Bohemiae Regem, in suo Generali Conventu in opido Cetin a. 1527 die 1. Januarii celebrato, sua sponte Regem Croatiae eligunt . . . . .	20
„ <b>1527.</b> 1. Januarii. In Cetin. Promissio Ferdinandi, electi Croatiae Regis, de privilegiis, juribus, libertatibus et decretis, Regno Croatiae a prioribus Regibus concessis, illaese conservandis, Statibus et Ordinibus Regni Croatiae per speciales Oratores, ad eosdem deputatos, facta . . . . .	22

	Pagina
Anno 1527. 3. Januarii. in Cetin. Repraesentatio Statuum et Ordinum Regni Croatiae ex Generali eorum Congregatione in oppido Cetinensi die 3. Januarii a. 1527 servata . . . . .	25
„ 1527. 27. Aprilis. In Cetin. Legatio Statuum et Ordinum Regni Croatiae, ex Generali eorum Congregatione, in oppido Cetinensi die 27. Aprilis 1527 servata, Ferdinando I. missa . . . . .	27
„ 1527. Responsum Regis Ferdinandi I. Statibus et Ordinibus Regni Croatiae datum . . . . .	31
„ 1537. Crisii. Decreta in Generali Statuum et Ordinum Crisii a. 1537 servata Congregatione sancita . . . . .	33
„ 1537. Ferdinandus Rex Articulos, a Statibus et Ordinibus Regni Slavoniae in dieta Crisii a. 1537 celebrata, conditos, confirmat . . . . .	35
„ 1537. 2. Maji. Praegae. Iterata Confirmatio Articulorum Generalis Congregationis Crisii anno 1537 celebratae . . . . .	36
„ 1537. 27. Decembris. Praegae. Instructio a Ferdinando I. Rege Commissariis ad dietam Croaticam, Crisii a. 1538 servatam, deputatis, data . . . . .	37
„ 1537. 27. Decembris. Praegae. Ferdinandus I. Rex Status et Ordines ad dietam, Crisii a. 1538 servandam, convocat . . . . .	39
„ 1538. Constitutiones in Congregatione Generali, universitatis Dom. et Nobilium Regni Slavoniae anno 1538 Crisii celebrata, editae . . . . .	39
„ 1567. Zagrabiae. Maximilianus Rex Articulos, a Statibus et Ordinibus Regnorum Croatiae et Slavoniae in Generali eorum Congregatione, anno 1567 Zagrabiae habita, conditos, confirmat . . . . .	40
„ 1568. Zagrabiae. Articuli Generalis SS. et OO. Zagrabiae anno 1568 servati Conventus . . . . .	48
„ 1568. 5. Maji. Viennae. Maximilianus Rex Articulus Generalis Congregationis, anno 1568 Zagrabiae celebratae, confirmat . . . . .	52
„ 1569. Die 2. Junii. Viennae. Articuli Generalis Congregationis Regni Croatiae et Slavoniae anno 1569 Zagrabiae celebratae, a Rege Maximiliano confirmati . . . . .	53
„ 1571. Mense Aprili. Zagrabiae. Articuli in Dieta Regni, anno 1571 mense Aprili Zagrabiae celebrata, conditi . . . . .	58
„ 1571. Die 19. Maji. Praegae. Maximilianus Rex Articulos Dietae, a. 1571 mense Aprili Zagrabiae celebratae, confirmat . . . . .	61
„ 1608. 6. Decembris. Posonii. Articuli Generalis Statuum et Ordinum anno 1604 Zagrabiae celebratae Congregationis, a Rudolpho Rege anno 1608 confirmati, a Mathia Rege eodem anno transsumuntur et confirmantur . . . . .	62
„ 1608. Mense Septembri. Zagrabiae. Status et Ordines Regni Croatiae et Slavoniae Posoniensis inter Hungariae et Austriae Status initae Confoederationi accedunt . . . . .	66
„ 1609—1635. Articuli Generalium Congregationum Regni Croatiae et Slavoniae, ab anno 1609 usque ad 1635 celebratarum, a Rege Ferdinando II. anno 1636 confirmati . . . . .	68
„ 1620. 26. et sequentibus diebus mensis Augusti. Zagrabiae. Articuli Generalis Statuum et Ordinum anno 1620 Zagrabiae celebratae Congregationis . . . . .	75
„ 1621. 8. Novembris. Varasini. Decreta a Statibus et Ordinibus Regni Croatiae et Slavoniae in Generali eorum Congregatione, anno 1621 die 8. et sequentibus Mensis Novembris Varasini habita, praesentibus Commissariis Ferdinandi II. Regis, sancita . . . . .	77
„ 1622. Varasini. Acta Generalis Statuum et Ordinum Regni Varasini anno 1622 celebratae Congregationis; inter alia Inaugurale Diploma Ferdinandi II. continentia . . . . .	82



	Pagina
Anno 1732. Mense Februario. Varasdin. Articulus Generalis Statuum et Ordinum Regni Croatiae et Slavoniae, anno 1732, 17. et sequentibus mensis Februarii diebus, Varasдини celebratae Congregationis . . . . .	116
„ 1733. Mense Februario. Zagrabiae. Articulus Generalis Statuum et Ordinum Regni Dalmatiae Croatiae et Slavoniae anno 1733, 23. et sequentibus mensis Februarii diebus, Zagrabiae celebratae Congregationis . . . . .	117
„ 1736. Mense Novembri. Varasdin. Articulus Generalis Statuum et Ordinum Regni Dalmatiae, Croatiae et Slavoniae, anno 1736, 28. et sequentibus mensis Novembris diebus, Varasdin, celebratae Congregationis . . . . .	118
„ 1737. Mense Septembri. Glinae. Articuli Generalis Statuum et Ordinum Regni Dalmatiae, Croatiae et Slavoniae, anno 1737, 4. et sequentibus mensis Septembris diebus, Glinae, celebratae Congregationis . . . . .	119
„ 1739. Mense Decembri. Varasdin. Acta Generalis Statuum et Ordinum Regni Croatiae et Slavoniae anno 1739, 14. et sequentibus mensis Decembris diebus, Varasdin, habitae Congregationis . . . . .	120
„ 1740. Mense Majo. Zagrabiae. Articuli Generalis Statuum et Ordinum Regnorum Croatiae et Slavoniae, anno 1740, 22. et sequentibus mensis Maji diebus, Zagrabiae, habitae Congregationis . . . . .	122
„ 1740. 5. Junii. Zagrabiae. Articulus Generalis Statuum et Ordinum, anno 1740, 5. et sequentibus mensis Junii diebus, Zagrabiae, celebratae Congregationis . . . . .	123
„ 1740. Mense Decembri. Varasdin. Articuli Generalis Statuum et Ordinum, anno 1740, 1. et sequentibus mensis Decembris diebus, Varasdin, celebratae Congregationis . . . . .	124
„ 1741. Mense Novembri. Zagrabiae. Articuli Generalis Statuum et Ordinum, anno 1741, 27. et sequentibus mensis Novembris diebus, Zagrabiae, celebratae Congregationis . . . . .	126
„ 1742. Mense Februario. Zagrabiae. Articulus Generalis, anno 1742, 12. et sequentibus mensis Februarii diebus, Zagrabiae, celebratae Congregationis . . . . .	129
„ 1742. Mense Decembri. Zagrabiae. Articuli Generalis, anno 1742, 19. et sequentibus mensis Decembris diebus, Zagrabiae, celebratae Congregationis . . . . .	130
„ 1743. 15. Martii. Varasdin. Articuli Generalis Statuum et Ordinum, anno 1743, 15. mensis Martii, Varasdin, celebratae Congregationis . . . . .	133
„ 1743. Mense Aprili. Zagrabiae. Articuli Generalis Statuum et Ordinum, anno 1743, 8. et sequentibus mensis Aprilis diebus, Zagrabiae, celebratae Congregationis . . . . .	135
„ 1743. Mense Decembri. Zagrabiae. Articulus Generalis Statuum et Ordinum, anno 1743, 16. et sequentibus Decembris diebus, Zagrabiae, celebratae Congregationis . . . . .	141
„ 1746. Mense Octobri. Zagrabiae. Articuli Generalis Statuum et Ordinum Regni Croatiae et Slavoniae, anno 1746, 24. et sequentibus mensis Octobris diebus, Zagrabiae, celebratae Congregationis . . . . .	142
„ 1747. Mense Octobri. Zagrabiae. Articuli Generalis Statuum et Ordinum Regni Croatiae et Slavoniae, anno 1747, 23. et sequentibus mensis Octobris diebus, Zagrabiae, celebratae Congregationis . . . . .	144
„ 1748. Mense Augusto. Zagrabiae. Articulus Generalis Statuum et Ordinum Regni Dalmatiae, Croatiae et Slavoniae, anno 1748, 5. et sequentibus mensis Augusti diebus, Zagrabiae celebratae Congregationis . . . . .	149
„ 1749. Mense Septembri. Zagrabiae. Articuli Generalis Statuum et Ordinum Regni Dalmatiae, Croatiae et Slavoniae, anno 1749, 15. et sequentibus mensis Septembris diebus, Zagrabiae, celebratae Congregationis . . . . .	150

	Pagina
Anno 1753. Mense Julio. Zagrabiæ. Articuli Generalis, anno 1753, 3. et sequentibus mensis Julii diebus, Zagrabiæ, celebratæ Congregationis . . . . .	161
„ 1753. 5. Novembris. Zagrabiæ. Articuli Generalis, anno 1753, 16. et sequentibus mensis Novembris diebus, Zagrabiæ, celebratæ Congregationis . . . . .	163
„ 1754. Mense Majo. Zagrabiæ. Articuli Generalis, anno 1754, 27. et sequentibus mensis Maji diebus, Zagrabiæ, celebratæ Congregationis . . . . .	169
„ 1755. Mense Novembri. Zagrabiæ. Articuli Generalis, anno 1755, 17. et sequentibus mensis Novembris diebus, Zagrabiæ, celebratæ Congregationis . . . . .	170
„ 1756. Mense Aprili. Zagrabiæ. Articuli Generalis, a. 1756, 6. et sequentibus mensis Aprilis diebus, Zagrabiæ, celebratæ Congregationis . . . . .	171
„ 1757. Mense Decembri. Zagrabiæ. Articuli Generalis Statuum et Ordinum Regni Dalmatiæ, Croatiae et Slavoniæ, 1757, 18. et sequentibus mensis Decembris diebus, Zagrabiæ, celebratæ Congregationis . . . . .	178
„ 1758. Mense Febuario. Zagrabiæ. Articuli Generalis, anno 1758, 17. et sequentibus mensis Februarii diebus, Zagrabiæ, celebratæ Congregationis . . . . .	180
„ 1758. Mense Augusto. Varasini. Articuli Generalis, anno 1758, 28. et sequentibus mensis Augusti diebus, Varasini, celebratæ Congregationis . . . . .	182
„ 1758. Mense Novembri. Varasini. Articuli Generalis, anno 1758, 27. et sequentibus mensis Novembris diebus, Varasini, celebratæ Congregationis . . . . .	188
„ 1759. Mense Januario. Varasini. Articulus Generalis, anno 1759, 8. et sequentibus mensis Januarii diebus, Varasini, celebratæ Congregationis . . . . .	194
„ 1759. Mense Aprili. Zagrabiæ. Articuli Generalis, anno 1759, 25. et sequentibus mensis Aprilis diebus, Zagrabiæ, celebratæ Congregationis . . . . .	195
„ 1759. Mense Septembri. Varasini. Articuli Generalis, anno 1759, 10. et sequentibus mensis Septembris diebus, Varasini, celebratæ Congregationis . . . . .	200
„ 1760. Mense Majo. Zagrabiæ. Articulus Generalis, anno 1760, 22. et sequentibus mensis Maji diebus, Zagrabiæ, celebratæ Congregationis . . . . .	204
„ 1760. Mense Julio. Zagrabiæ. Articulus Generalis, anno 1760, 3. et sequentibus mensis Julii diebus, Zagrabiæ, celebratæ Congregationis . . . . .	205
„ 1761. Mense Januario. Varasini. Articuli Generalis, anno 1761, 8. et sequentibus mensis Januarii diebus, Varasini, celebratæ Congregationis . . . . .	206
„ 1761. Mense Majo. Zagrabiæ. Articuli Generalis, anno 1761, 14. et sequentibus mensis Maji diebus, Zagrabiæ, celebratæ Congregationis . . . . .	207
„ 1762. Mense Januario. Varasini. Articulus Generalis, anno 1762, 7. et sequentibus mensis Januarii, Varasini, celebratæ Congregationis . . . . .	209
„ 1762. Mense Febuario. Varasini. Articulus Generalis, anno 1762, 22. et sequentibus mensis Februarii diebus, Varasini, celebratæ Congregationis . . . . .	210
„ 1762. Mense Martio. Zagrabiæ. Articuli Generalis, anno 1762, 24. et sequentibus mensis Martii, Zagrabiæ, celebratæ Congregationis . . . . .	212
„ 1763. Mense Martio. Zagrabiæ. Articuli Generalis, anno 1763, 11. et sequentibus mensis Martii diebus, Zagrabiæ, celebratæ Congregationis . . . . .	219
„ 1763. Mense Aprili. Varasini. Articuli Generalis, anno 1763, 27. et sequentibus mensis Aprilis diebus, Varasini, celebratæ Congregationis . . . . .	221
„ 1763. Mense Decembri. Zagrabiæ. Articuli Generalis, anno 1763, 19. et sequentibus mensis Decembris diebus, Zagrabiæ, celebratæ Congregationis . . . . .	222

	Pagina
<b>Anno 1764.</b> Mense Majo. Zagrabiae. Articuli Generalis, anno 1764, 22. et sequentibus mensis Maji diebus, Zagrabiae, celebratae Congregationis . . . . .	224
„ <b>1765.</b> Mense Aprili. Zagrabiae. Articuli Generalis, anno 1765, 16. et sequentibus mensis Aprilis diebus, Zagrabiae, celebratae Congregationis . . . . .	227
„ <b>1766.</b> Mense Majo. Zagrabiae. Articuli Generalis, anno 1766, 26. et sequentibus mensis Maji diebus, Zagrabiae, celebratae Congregationis . . . . .	228
„ <b>1766.</b> Mense Septembri. Varasdini. Articuli Generalis, anno 1766, 15. et sequentibus mensis Septembris diebus, Varasdini, celebratae Congregationis . . . . .	230
„ <b>1767.</b> Mense Januario. Varasdini. Articuli Generalis, anno 1767, 7. et sequentibus mensis Januarii diebus, Varasdini, celebratae Congregationis . . . . .	233
„ <b>1767.</b> Mense Julio. Zagrabiae. Articuli Generalis, anno 1767, 13. et sequentibus mensis Julii diebus, Zagrabiae celebratae Congregationis . . . . .	234
„ <b>1767.</b> Mense Augusto. Varasdini. Articuli Generalis, anno 1767, 31. Augusti et sequentibus Septembris diebus, Varasdini, celebratae Congregationis . . . . .	241
„ <b>1768.</b> Mense Julio. Varasdini. Articulus Generalis, anno 1768, 20. et sequentibus mensis Julii diebus, Varasdini, celebratae Congregationis . . . . .	245
„ <b>1770.</b> Mense Februario. Varasdini. Articuli Generalis, anno 1770, 1. et sequentibus mensis Februarii diebus, Varasdini, celebratae Congregationis . . . . .	246
„ <b>1790.</b> Mense Majo. Zagrabiae. Articuli Generalis, anno 1790, 12. et sequentibus mensis Maji diebus, Zagrabiae, celebratae Congregationis . . . . .	258
„ <b>1791.</b> Mense Junio. Zagrabiae. Articuli Generalis, anno 1791, 7. et sequentibus mensis Junii diebus, Zagrabiae, celebratae Congregationis . . . . .	260
„ <b>1792.</b> Mense Aprili. Zagrabiae. Articuli Generalis, anno 1792, 20. et sequentibus mensis Aprilis diebus, Zagrabiae, celebratae Congregationis . . . . .	262
„ <b>1792.</b> Mense Augusto. Zagrabiae. Articuli Generalis, anno 1792, 12. et sequentibus mensis Augusti diebus, Zagrabiae, celebratae Congregationis . . . . .	265
„ <b>1802.</b> Mense Aprili. Zagrabiae. Articulus Generalis, anno 1802, 7. et sequentibus mensis Aprilis diebus, Zagrabiae, celebratae Congregationis . . . . .	269
„ <b>1805.</b> Mense Novembri. Varasdini. Articulus Generalis, anno 1805, 28. et sequentibus mensis Novembris diebus, Varasdini, celebratae Congregationis . . . . .	370
„ <b>1807.</b> Mense Martio. Zagrabiae. Articulus Generalis, anno 1807, 16. et 17. mensis Martii diebus, Zagrabiae, celebratae Deputationis . . . . .	271
„ <b>1808.</b> Mense Februario. Zagrabiae. Articuli Generalis, anno 1808, die vero 29. Februarii et sequentibus mensis Martii diebus, Zagrabiae, celebratae Congregationis . . . . .	272
„ <b>1809.</b> Mensibus Januario et Februario. Zagrabiae. Articuli Generalis, anno 1809, 12. et sequentibus mensis Januarii et Februarii diebus, Zagrabiae, celebratae Congregationis . . . . .	274
„ <b>1825.</b> Mense Augusto. Zagrabiae. Articulus Generalis, anno 1825, 22. et sequentibus mensis Augusti diebus, Zagrabiae, celebratae Congregationis . . . . .	278
„ <b>1836.</b> Mense Augusto. Zagrabiae. Articulus Generalis, anno 1836, 4. et sequentibus mensis Augusti diebus, Zagrabiae, celebratae Congregationis . . . . .	280
„ <b>1840.</b> Mense Augusto. Zagrabiae. Articuli Generalis, anno 1840, 10. et sequentibus mensis Augusti diebus, Zagrabiae, celebratae Congregationis . . . . .	292



	Pagina
<b>Anno 1845.</b> Mensibus Septembri et Octobri. Zagrabiae. Articuli Generalis. anno 1845, 23. et sequentibus mensium Septembris et Octobris diebus. Zagrabiae, celebratae Congregationis . . . . .	298
„ <b>1847.</b> Mense Octobri. Zagrabiae. Articuli Generalis, anno 1847, 18. et sequentibus mensis Octobris diebus, Zagrabiae, celebratae Congregationis . . . . .	305
<b>God. 1848.</b> Dno 5. i sliedećih mjeseca Lipnja i Srpnja. U Zagrebu. Zapisnik sabora trojedne kraljevine Dalmatinske, Hrvatske i Slavonske 5. i sliedećih mjeseca Lipnja i Srpnja danah godine 1848 držanog . . . . .	315
„ <b>1848.</b> Manifest naroda hrvatsko-slavonskoga . . . . .	350
„ <b>1848.</b> Predstavka, koju su zastupnici naroda Njegovomu Veličanstvu u obziru cjelokupnosti monarhije kao i odnošenja sdruženih kraljevinah prama Ugarskoj i Austriji iz saborske dana 10. Lipnja 1848. godine držane sjednice podneli . . . . .	356







**ZAGREBIAE, 1862.**

**VELOCIBUS TYPIS DRIS. LUDOVICI GAJ.**













AUG 14 1930

